






SC. 91. PL. 6.



- APR 1944









S U M M A  
THEOLOGIÆ  
M O R A L I S  
IN TRES PARTES DISTRIBUTA,  
*I N Q U A*

Secundum Doctrinam ANGELICI DOCTORIS, omnes actus  
humani, sive morales, facili methodo explicantur

A P. FRANCISCO XAVERIO  
S O F F I E T T I

CLERICORUM REGULARIUM MINORUM  
Sacrae Theologiæ Lectore.

P A R S T E R T I A

in qua traditur notitia de Actibus humanis in speciali,  
secundum eorum differentias,

*PER QUINDECIM TRACTATUS.*

Notatis etiam suis locis Propositionibus usque adhuc a  
Summis Pontificibus damnatis.

T O M U S Q U I N T U S .



PISAURI, MDCCXLV.

Prostant

V E N E T I I S

Apud NICOLAUM PEZZANA.



# I N D E X

TRACTATUUM, & CAPITULORUM

*Tertiæ Partis*

## SUMMÆ THEOLOGIÆ M O R A L I S.

### TRACTATUS

#### PRIMUS.

De differentia Actuum humanorum  
secundum diversas gratias gratis  
datas.

- Caput I. **D**e essentia prophetiæ. Pag. 3  
Caput II. De causa prophetiæ. 6  
Caput III. De modo prophetica cogniti-  
onis. 7  
Caput IV. De divisione prophetiæ. 9  
Caput V. De raptu prout est species pro-  
phetiæ. 11  
Caput VI. De gratia linguarum. 13  
Caput VII. De gratia sermonis Sapientiæ,  
seu scientiæ. 14  
Caput VIII. De gratia miraculorum. 15

### TRACTATUS

#### SECUNDUS.

De differentia actuum humanorum se-  
cundum distinctionem vitæ activæ,  
& contemplativæ.

- Caput I. De divisione vitæ per activam,  
& contemplativam. 17  
Caput II. In quo consistat vitæ contempla-  
tiva. 18

Caput III. Utrum vitæ contemplativa so-  
lum consistat in contemplatione Dei.  
19

Caput IV. Utrum operatio contemplationis  
convenienter distinguatur per tres mo-  
tus, circulem, rectum, & obliquum.  
20

Caput V. Utrum contemplatio delectatio-  
nem habeat, & adiuturnitatem. 22

Caput VI. De pertinentibus ad vitam a-  
ctivam. 23

Caput VII. De comparatione vitæ activæ  
ad contemplativam. 25

### TRACTATUS

#### TERTIUS.

De differentia actuum humanorum se-  
cundum diversitatem officiorum,  
& statuum in generali.

- Caput I. Quid faciat in hominibus sta-  
tum. 27  
Caput II. Utrum in Ecclesia debeat esse  
diversitas officiorum, & statuum. 28  
Caput III. Utrum officia distinguantur per  
actus. 29  
Caput IV. Utrum differentia statuum at-  
tendantur secundum incipientes, pro-  
ficientes, & perfectos. ibid.

# TRACTATUS TRACTATUS

## QUARTUS.

De his, quæ pertinent ad statum perfectionis in communi.

Caput I. Utrum perfectio christiane vite attendatur specialiter secundum charitatem.	30
Caput II. Utrum aliquis in hac vita possit esse perfectus.	31
Caput III. Utrum perfectio consistat in præceptis, an in consiliis.	32
Caput IV. Utrum quicumque est perfectus sit in statu perfectionis.	33
Caput V. Utrum Religiosi, & Prælati sint in statu perfectionis.	34
Caput VI. Utrum omnes Prælati sint in statu perfectionis.	35
Caput VII. Utrum status Religiosorum sit perfectior quam status Episcoporum.	ibid.
Caput VIII. Utrum Presbyteri, Curati, & Archidiaconi sint majoris perfectionis, quam Religiosi.	36

# TRACTATUS

## QUINTUS.

De Voto ad statum perfectionis constitutendum requisito.

Caput I. Quid sit Votum.	38
Caput II. Quid cadat sub Voto.	39
Caput III. De obligatione Voti.	42
Caput IV. De utilitate votendi.	44
Caput V. Cujus virtutis sit actus.	45
Caput VI. Utrum magis meritum sit facere aliquid ex voto, quam sine voto.	46
Caput VII. De solemnitate Voti.	47
Caput VIII. Utrum possint votare, qui sunt potestati alicuius subiecti, & de irratione Voti.	48
Caput IX. Utrum Votum sit dispensabile, vel commutabile.	51
Caput X. Quæ Vota, & qualiter sint Pa-pæ reservata.	53

## SEXTUS.

De Juramento statum perfectionis confirmante.

Caput I. Quid sit Juramentum.	54
Caput II. De divisione Juramenti.	56
Caput III. Utrum sit licitum jurare.	57
Caput IV. Utrum liceat per creaturas jurare.	58
Caput V. Utrum juramentum habeat vim obligandi.	60
Caput VI. Qualiter obligent aliqua juramenta.	61
Caput VII. Utrum major sit obligatio juramenti, quam Voti.	63
Caput VIII. Quomodo cessare possit obligatio juramenti.	64
Caput IX. Qualiter sanctitas Juramenti violetur.	66
Caput X. De prava jurandi consuetudine.	68

# TRACTATUS

## SEPTIMUS.

De his, quæ pertinent ad statum Episcoporum.

Caput I. Utrum liceat Episcopatum appetere.	71
Caput II. Utrum liceat Episcopatum injunctum omnino recusare.	73
Caput III. Utrum oporteat eum, qui ad Episcopatum assumitur, esse cæteris molliorem.	74
Caput IV. Utrum Episcopus possit curam pastorem deferere, ut ad religionem se transferat.	75
Caput V. Utrum liceat Episcopo propter aliquam persecutionem corporalem deferere gregem suum.	77
Caput VI. Utrum Episcopus jure divino obli-	

## Index Tractatum, & Capitulorum.

obligetur personaliter residere in propria Ecclesia.	78
Caput VII. De causis excusantibus Episcopum a continuanda residentia in propria diocesi.	79
Caput VIII. Utrum liceat Episcopo aliquid proprium habere.	80
Caput IX. Utrum Episcopi mortaliter peccent, si bona ecclesiastica, quæ procurant, pauperibus non largiantur.	81
Caput X. Utrum Religiosi, qui promouentur in Episcopos, teneantur ad observantias regulares.	82

## TRACTATUS OCTAVUS.

De his, quæ pertinent ad statum  
Religionis.

Caput I. Utrum religio importet statum perfectionis.	84
Caput II. Utrum quilibet Religiosus teneatur ad omnia consilia.	85
Caput III. Utrum paupertas requiratur ad perfectionem religionis.	86
Caput IV. Utrum perpetua continentia requiratur ad perfectionem religionis.	89
Caput V. Utrum obedientia pertineat ad perfectionem religionis.	90
Caput VI. Utrum requiratur ad perfectionem religionis, quod paupertas, continentia, & obedientia cadant sub Voto.	92
Caput VII. Utrum in his tribus votis consistat religionis perfectio.	93
Caput VIII. Utrum votum obedientiæ sit positivum inter tria vota religionis.	95
Caput IX. Utrum religiosus semper peccet mortaliter transgrediendo ea, quæ sunt in regula.	ibid.
Caput X. Utrum religiosus eodem genere peccati gravius peccet, quam secularis.	97
Caput XI. De differentia religionum.	98
Caput XII. De comparatione religionum.	99
Caput XIII. De ingressu religionis.	101
Caput XIV. De anno probationis.	105
Caput XV. De renunciationibus novitiorum.	107
Caput XVI. De solemnī professione religionis.	108

Caput XVII. Quibus de causis professio religiosi sit nulla.	110
Caput XVIII. De jure reclamandi ob nullitatem professionis.	112
Caput XIX. De potestate ejiciendi a religionis incorrigibiles.	114
Caput XX. De religiosi apostatis, & fugitivis.	116
Caput XXI. De dimittentibus temere habitum religionis.	117
Caput XXII. Utrum liceat de una religione transire ad aliam.	118
Caput XXIII. Utrum religiosi liceat appellare a sententiis suorum Prælatorum.	120
Caput XXIV. Utrum religiosi liceat docere, predicare, & alia hujusmodi facere.	121
Caput XXV. Utrum religiosi liceat secularia negotia tractare.	123
Caput XXVI. Utrum religiosus manibus operari teneatur.	125
Caput XXVII. Utrum religiosi liceat de elemosynis vivere.	126
Caput XXVIII. Utrum religiosi liceat mendicare.	127
Caput XXIX. Utrum religiosus possit egredi claustrum absque licentia sui Prælati.	128
Caput XXX. Utrum si prohibitus ingressus mulierum intra claustra religionum.	130
Caput XXXI. De clausura sanctimonialium.	131
Caput XXXII. De prohibito ingressu in monasteria sanctimonialium.	132
Caput XXXIII. De prohibito accessu ad monasteria sanctimonialium.	133

## TRACTATUS NONUS.

De privilegiis statui religionis annexis.

Caput I. Quæ privilegia regularium, & qualiter sint revocata.	134
Caput II. Quomodo, & a quibus interpretari possint privilegia regularium.	136
Caput III. De mutua communicatione privilegiorum inter ordines regularium.	ibid.
Caput IV. De usu privilegiorum pro utroque foro.	138
Caput V. De privilegio eligendi Judicem conservatorem.	139

Caput

## Index Tractatum, & Capitulorum.

Caput VI. De privilegio exemptionis regularium a jurisdictione Episcopali.	140	citacione horarum canonicarum.	168
Caput VII. De privilegiis nova monasteria fundandi.	142	Caput IX. De recitatione publica horarum canonicarum.	167
Caput VIII. Qualiter eligentes sepulturam in ecclesiis regularium, possint ab eis sepeliri.	144	Caput X. De distributionibus quotidianis ob assistentiam in choro.	170
Caput IX. Utrum regulares teneanturolvere portionem canonicam, quartam suaveralem, & Decimas.	145	Caput XI. De Clericis non residentibus.	172
Caput X. De potestate, quam habent prelati regulares, absolvendi, & dispensandi.	146	Caput XII. De numero canonicorum, aliorumque conventualium augendo, vel minuendo.	174
Caput XI. De privilegiis confessoriorum regularium, respectu religiosorum sui ordinis.	148	Caput XIII. De rebus ecclesia non alienandis.	175
Caput XII. De privilegiis regularium in ordine ad audiendas confessiones secularium.	149	Caput XIV. De Clericis negotiatoribus.	177
Caput XIII. De casibus, censuris, & penis, a quibus confessarii regulares possunt absolvere seculares.	150	Caput XV. Utrum Clericis liceat pugnare, malefactores occidere, aut arma deferre.	179
Caput XIV. Quatenus unius ordinis religiosi possint cum extraneis confiteri.	152		
Caput XV. De privilegiis regularium in ordine ad celebrationem Missae.	153		

## TRACTATUS DECIMUS.

De his, quæ pertinent ad statum  
Clericorum.

Caput I. De tonsura, & habitu Clericorum.	154	Caput I. De notione, & quidditate beneficii Ecclesiastici.	180
Caput II. De calibatu sacrorum ministrorum.	156	Caput II. De origine, & institutione beneficiorum.	182
Caput III. De obligatione, quam habent Clerici, recitandi horas canonicas.	157	Caput III. Utrum beneficiati sint veri, & absoluti domini Ecclesiasticorum reddituum.	183
Caput IV. De obligatione, quam habent religiosi, recitandi horas canonicas.	158	Caput IV. De distinctione beneficiorum Ecclesiasticorum.	185
Caput V. De obligatione, quam habent beneficiati, recitandi horas canonicas.	159	Caput V. An habere plures præbendas sine dispensatione sit peccatum mortale.	186
Caput VI. De restitutione facienda a Clericis beneficiatis non recitantibus horas canonicas.	161	Caput VI. De unione beneficiorum.	188
Caput VII. De circumstantiis recitationis horarum canonicarum.	163	Caput VII. De collatione beneficiorum.	189
Caput VIII. De paup̄s excusantibus a recitatione horarum canonicarum.	168	Caput VIII. De beneficiorum reservationibus.	191
		Caput IX. De beneficiorum devolutionibus.	192
		Caput X. De beneficiis electivis.	ibid.
		Caput XI. Quid sit postulatio, & qualiter ab electione differat.	194
		Caput XII. De beneficiis patronatis.	195
		Caput XIII. De qualitatibus requisitis ab beneficiis obtinenda & primo de ætate promovendorum.	ibid.
		Caput XIV. Utrum promovendus ad beneficia debeat esse ex legitimo matrimonio natus.	198

Caput

## Index Tractatum, & Capitulorum.

Caput XV. De reſta intentione promovendorum.	199
Caput XVI. De reliquis qualitatibus reſquiſitis ab beneficiis.	200
Caput XVII. Quale peccatum ſit beneficium indigno conferre.	201
Caput XVIII. Utrum beneficia dignioribus conferenda ſint.	203
Caput XIX. Quibus modis beneficia amittantur, & vacent.	204
Caput XX. De Penſionibus.	206

## TRACTATUS DUODECIMUS.

### De Simonia..

Caput I. Quid ſit Simonia.	207
Caput II. De contractu emptionis, & venditionis ad ſimoniam eſſentialiter requiſito.	209
Caput III. Utrum ſemper ſit illicitum pro ſacramentis pecuniam dare.	210
Caput IV. Utrum liceat dare, & accipere pecuniam pro ſpiritualibus actibus.	212
Caput V. Utrum liceat pecuniam accipere pro his, quæ ſunt ſpiritualibus annexa.	214
Caput VI. De Simonia, quæ committitur in beneficiis eccleſiaſticis.	215
Caput VII. De Simonia confidemia.	217
Caput VIII. Utrum liceat ſpiritualia dare pro munere, quod eſt ab obſequio, vel a lingua.	218
Caput IX. De diviſione ſimonie.	220
Caput X. Utrum ſit conveniens ſimoniaci pena, ut privetur eo, quod per ſimoniam acceperit.	221
Caput XI. De penis ſpiritualibus ſimoniaci in generali.	223
Caput XII. De penis ſpiritualibus ſimoniaci in ſpeciali.	224

## TRACTATUS

### DECIMUSTERTIUS.

#### De Immunitate Eccleſiaſtica.

Caput I. Quid ſit eccleſiaſtica Immunitas. Et quo jure introducta.	226
Caput II. De immunitate personali, quantum ad privilegium canonis.	227
Caput III. De cauſis, & negotiis eccleſiaſticis civilis poteſtate omnino exemptis.	229
Caput IV. De exemptione Clericorum in cauſis criminalibus.	231
Caput V. De immunitate Clericorum in cauſis civilibus.	233
Caput VI. De immunitate Eccleſiaſticorum bonorum.	ibid.
Caput VII. Quenam perſone eccleſiaſtica exemptione gaudeant.	235
Caput VIII. De aſſeſſo, ſeu jure immunitatis conſtituto Eccleſiis, aliſque locis piis.	236
Caput IX. Quibus modis immunitas Eccleſiaſtica violari ſoleat, & ſuæ violatio puniri.	238
Caput X. Utrum eccleſiaſtica immunitas per contrariam conſuetudinem tolli, aut minui poſſit.	240

## TRACTATUS

### DECIMUSQUARTUS.

#### De Feſtorum Sanctificatione.

Caput I. Ad quem Dei cultum obliget præceptum Decalogi, de ſanctificando dies feſtivos.	241
Caput II. De mutatione Sabbati in diem Dominicum.	243
Caput III. De institutione aliarum feſtivitatum, præter Dominicum diem.	244
Caput IV. Qualiter, quos, & ad quid obliget hoc præceptum, in quantum eſt eccleſiaſticum.	245
Caput V. De præcepto audiendi Miſſam diebus feſtis.	246

Caput

## Index Tractatum, & Capitulorum.

Caput VI. De causis excusantibus ab audienda Missa in die festo.	248
Caput VII. De prohibitionem operum servitium in diebus festis.	249
Caput VIII. De placito, seu iudicio forensi, in diebus festis a iure prohibito.	251
Caput IX. De causis excusantibus laborantes in die festo.	252
Caput X. De parvitate materia excusante a gravi culpa laborantes in diebus festis.	254

## TRACTATUS

### DECIMUSQUINTUS.

#### & Ultimus.

#### De Jejunio Ecclesiastico.

Caput I. Utrum Jejunium sit actus virtutis.	255
---	-----

Caput II. Utrum Jejunium sit actus abstinentie.	256
Caput III. Utrum Jejunium sit in precepto.	257
Caput IV. Utrum omnes ad jejunia Ecclesie teneantur.	258
Caput V. Utrum convenienter determinentur tempora Jejunii ecclesie.	260
Caput VI. Utrum requiratur ad Jejunium, quod homo tantum semel comedat.	262
Caput VII. Qualiter refectiuncula serotina compati possit cum unica comestione Jejunii.	264
Caput VIII. Utrum potus Jejunium solvat.	265
Caput IX. Utrum convenienter taxetur hora comestionis his, qui jejunant.	266
Caput X. Utrum convenienter jejunantibus indicatur abstinentia a carnibus, & ovis, & lacticiis.	267
Appendix de Jejunio Ecclesiastico.	270
Opusculum de Peccatis, quae sunt per ignorantiam.	281

## FINIS TERTIÆ PARTIS.





S U M M A  
THEOLOGIÆ MORALIS  
Secundum Doctrinam  
DOCTORIS ANGELICI,  
P A R S T E R T I A.

I N Q U A

De actibus humanis in speciali agitur secundum  
eorum differentias.

---

P R O O E M I U M.



Ostquam dictum est de singulis virtutibus, & vitiis, quæ pertinent ad omnium hominum condiciones, & status, nunc considerandum est de his, quæ specialiter ad aliquos homines pertinent. Invenitur autem differentia inter homines secundum ea, quæ ad habitus, & actus animæ rationalis pertinent, tripliciter. Uno quidem modo secundum diversas gratias datas; quia, ut dicitur 1. ad Corinth. 12. *Divisiones gratiarum sunt, & alii datur*

*P. Fossetti Theol. Tom. V.*

A

*per*

*per spiritum sermo sapientia , alii sermo scientia &c.* Alia vero differentia est secundum diversas vitas , Activam scilicet , & Contemplativam , quæ accipiuntur secundum diversa operationum studia ; unde & ibidem dicitur , quod *Divisiones operationum sunt* . Aliud enim est studium operationis in Martha , qua sollicita erat , & laborabat circa frequens ministerium ; quod pertinet ad vitam activam . Aliud autem est in Maria , qua sedens secus pedes Domini audiebat verbum illius ; quod pertinet ad contemplativam , ut habetur Luc. 10. Tertio modo secundum diversitatem officiorum , & statuum , prout dicitur ad Ephes. 4. *Et ipse dedit quosdam quidem Apostolos , quosdam autem Prophetas , alios vero Evangelistas , alios autem pastores , & doctores ;* quod pertinet ad diversa ministeria , de quibus dicitur 1. ad Corinth. 12. *Divisiones ministracionum sunt* . De his igitur differentiis actuum humanorum in hac tertia parte summæ theologiæ moralis agendum est per quindecim tractatus , secundum doctrinam Angelici Doctoris , cujus vestigiis inhaerentes , a recto tramite veritatis declinare non possumus . Sit igitur



# TRACTATUS PRIMUS.

## De differentia actuum humanorum secundum diversas gratias gratis datas.

**C**irca gratias gratis datas attendendum est, quod quædam earum pertinent ad cognitionem, quædam vero ad locutionem, quædam vero ad operationem. Omnia vero, quæ ad cognitionem pertinent, sub prophetia comprehendi possunt. Nam prophetica revelatio se extendit non solum ad futuros hominum eventus, sed etiam ad res divinas, & quantum ad ea, quæ proponuntur omnibus credenda, quæ pertinent ad fidem, & quantum ad altiora mysteria, quæ sunt perfectiorum, quæ pertinent ad Sapientiam. Est etiam prophetica revelatio de his, quæ pertinent ad spirituales substantias, a quibus vel ad bonum, vel ad malum inducimur: quod pertinet ad discretionem spirituum. Extendit etiam se ad directionem humanorum actuum, quod pertinet ad Scientiam, ut infra patebit. Et ideo in hoc tractatu primo occurrit considerandum de Prophetia, & de Raptu, qui est quidam prophetiæ gradus. Secundo de gratiis gratis datis, quæ pertinent ad locutionem, scilicet de dono linguarum, & de sermone Sapientiæ, seu Scientiæ. Tercio de gratia miraculorum, quæ ad operationem pertinet. Sit igitur

### CAPUT PRIMUM.

*De essentia Prophetiæ. S. Thom. 2. 2.  
quæst. 171.*

**D**E Prophetia quadruplex consideratio occurrit, quarum prima est de essentia ejus. Secunda de causa ipsius. Tertia de modo prophetiæ cognitionis. Quarta de divisione prophetiæ. Circa primum igitur in præsentia

*Sciendum 1.* Quod prophetia primo, & principaliter consistit in cognitione; quia videlicet prophetæ cognoscunt ea, quæ sunt procul, & remota ab hominum cogni-

tionem. Unde possunt dici prophetæ a pro, quod est procul, & phanos, quod est apparitio: quia scilicet eis aliqua, quæ sunt procul, apparent. Et propter hoc, ut Isidor. dicit in lib. 7. Ethymol. cap. 8. *In veteri testamento appellabantur videntes, quia videbant ea, quæ ceteri non videbant, & prospiciebant, quæ in mysterio abscondita erant.* Unde & gentilitas eos appellabat Vates a vi mentis. Sed, quia, ut dicitur 1. ad Cor. 12. *Unicuique datur manifestatio spiritus ad utilitatem;* inde est, quod prophetia secundario consistit in locutione, prout prophetæ ea, quæ divinitus edocti cognoscunt, ad ædificationem aliorum annuntiant, secundum illud Ila. 21. *Quæ audiivi a Domino exercituum, Deo Israel, annuntiavi vobis.* Et secundum hoc, ut Isidor. dicit ibid. possunt dici prophetæ, quasi præfatores; eo, quod porro fantur, id est a remotis fantur, & de futuris vera prædicunt. Ea autem, quæ supra humanam cognitionem divinitus revelantur, non possunt confirmari ratione humana, quam excedunt, sed secundum operationem virtutis divinæ. Unde tertio ad prophetiam pertinet operatio miraculorum; quasi confirmatio quædam prophetiæ annunciationis.

*Sciendum 11.* Quod, sicut Apost. dicit ad Ephes. 5. *Omne, quod manifestatur, lumen est;* quia videlicet, sicut manifestatio corporalis visionis fit per lumen corporale, ita etiam manifestatio visionis intellectualis fit per lumen intellectuale. Oportet ergo, quod manifestatio proportionetur lumini; per quod fit; sicut effectus proportionatur suæ causæ. Cum ergo prophetia pertineat ad cognitionem; quæ supra naturalem rationem existit, ut dictum est, consequens est, quod ad prophetiam requiratur quoddam lumen intellectuale excedens lumen naturalis rationis. Unde Michæ 7. *Cum sedero in tenebris, Dominus lux mea est.* Lumen autem dupliciter alicui inesse potest.

teft. Uno modo per modum formæ permanentis; sicut lumen corporale est in sole, & in igne. Alio modo per modum cuiusdam passionis, sive impressionis transeuntis; sicut lumen est in aere. Lumen autem propheticum non est in intellectu prophetæ per modum formæ permanentis, alias oporteret, quod semper prophetæ adesset facultas prophetandi, quod patet esse falsum; unde Heliseus dixit de muliere Sunamite 4. Reg. 4. *Anima ejus in amaritudine est, & Dominus celavit a me, & non indicavit mihi.* Relinquitur ergo, quod lumen propheticum insit animæ prophetæ per modum cuiusdam passionis, vel impressionis transeuntis. Quapropter non est habitus.

*Sciendum* 111. Quod, sicut aer semper indiget nova illuminatione, ita etiam meus prophetæ semper indiget nova revelatione; sicut discipulus, qui nondum est adeptus principia artis, indiget, ut de singulis instruat. Unde & Isai. 50. dicitur: *Mane erigit mihi aurem, & audiam quasi magistrum.* Et hoc etiam modus loquendi prophetarum designat, secundum quod dicitur, locutus est Dominus ad talem, vel talem prophetam, aut, quod factum est verbum Domini, sive manus Domini super eum. Habitus autem est forma permanens: unde manifestum est, quod prophetia, proprie loquendo, non est habitus. Cæterum, sicut in rebus corporalibus, abeunte passione, remanet quædamabilitas ad hoc, quod iterum patiantur, sicut lignum semel inflammatum facilius iterum inflammatur: ita etiam in intellectu prophetæ, cessante actuali illustratione, remanet quædamabilitas ad hoc, quod facilius iterato illustretur: sicut etiam mens semel ad devotionem excitata facilius postmodum ad devotionem pristinam revocatur. Propter quod August. in lib. de orando Deum cap. 9. dicit, esse necessarias crebras orationes, ne concepta devotio totaliter extinguatur. Et ratione hujus habilitatis aliquis propheta dicitur.

*Sciendum* 1v. Quod manifestatio, quæ fit per aliquod lumen, ad omnia illa se extendere potest, quæ illi lumini subjiunguntur: sicut visio corporalis se extendit ad omnes colores, & cognitio naturalis animæ se extendit ad omnia illa, quæ sub-

duntur lumini intellectus agentis. Cognitio autem prophetica est per lumen divinum, quo possunt omnia cognosci, tam divina, quam humana, tam spiritualia, quam corporalia. Et ideo revelatio prophetica ad omnia hujusmodi se extendit, sicut de his, quæ pertinent ad Dei excellentiam, & Angelicorum spirituum ministeria revelatio prophetica facta est Isai. 6. ubi dicitur. *Vidi Dominum sedentem super solium excelsum, & elevatum.* Quin etiam prophetia continet ea, quæ pertinent ad corpora naturalia, secundum illud Isai. 40. *Qui mensus est pugillo aquas &c.* Continet etiam ea, quæ ad mores hominum pertinent, secundum illud Isai. 58. *Frangite esurienti panem tuum.* Continet etiam ea, quæ pertinent ad futuros eventus, secundum illud Isai. 47. *Venient tibi duo in die una subito, sterilitas, & viduitas.*

*Sciendum* v. Quod, quia prophetia est de his, quæ procul a nostra cognitione sunt, tanto aliqua magis proprie ad prophetiam pertinent, quanto longius ab humana cognitione exiunt. Horum autem est triplex gradus, quorum unus est eorum, quæ sunt procul a cognitione hujus hominis, sive secundum sensum, sive secundum intellectum, non autem a cognitione omnium hominum: sicut sensu cognoscit homo, quæ sunt sibi præsentia secundum locum, quæ tamen alius humano sensu, utpote sibi absentia, non cognoscit. Et sic Heliseus prophetice cognovit, quæ Giezi discipulus ejus in absentia fecerat, ut habetur 4. Reg. 5. Et similiter cogitationes cordis unius alteri prophetice manifestantur, ut dicitur 1. ad Corinth. 14. & per hunc modum etiam ea, quæ unus scit demonstrative, alii possunt prophetice revelari. Secundus autem gradus est eorum, quæ excedunt universaliter cognitionem omnium hominum, non quia secundum se non sint cognoscibilia, sed propter defectum cognitionis humanæ, sicut mysterium Trinitatis, quod revelatum est per Seraphim dicentia: *Sanctus, Sanctus, Sanctus &c.* ut habetur Isai. 6. Ultimus autem gradus est eorum, quæ sunt procul ab omnium hominum cognitione: quia in se ipsis non sunt cognoscibilia, ut contingentia futura, quorum veritas non est determinata. Et, quia quod est universaliter,

ter, & secundum se, potius est eo, quod est particulariter, & per aliud; ideo ad prophetiam propriissime pertinet revelatio eventuum futurorum: unde & nomen prophetiae sumi videtur. Unde Gregor. dicit hom. 1. in Ezech. *Et, cum ideo prophetia dicta sit, quia futura predicat, quando de praeiterito, vel praesenti loquatur, rationem sui nominis amittit.*

*Sciendum VI.* Quod diversa non est necesse esse simul, nisi propter aliquod unum, in quo connectuntur, & a quo dependent, sicut dictum est in prima parte, quod virtutes omnes necesse est esse simul propter prudentiam, vel charitatem: Omnia autem, quae per aliquod principium cognoscuntur, connectuntur in illo principio, & ab illo dependent. Et ideo, qui cognoscit perfecte principium secundum totam ejus virtutem, simul cognoscit omnia, quae per illud principium cognoscuntur. Ignorato autem communi principio, vel communiter apprehenso, nulla necessitas est simul omnia cognoscendi, sed unumquodque eorum per se oportet manifestari; & per consequens aliqua eorum possunt cognosci, & alia non cognosci. Principium autem eorum, quae divino lumine prophetice manifestantur, est ipsa veritas prima, quam prophetæ in se ipsa non vident; & ideo non oportet, quod omnia prophetabilia cognoscant: sed quilibet eorum cognoscit ex eis aliqua secundum specialem revelationem hujus, vel illius rei. Prophetia igitur est, sicut quiddam imperfectum in genere divinæ revelationis. Unde 1. ad Corinth. 13. dicitur quod ex parte prophetamus, id est imperfecte. Perfectio autem divinæ revelationis erit in patria: unde subditur: *Cum venerit quod perfectum est, evacuabitur, quod ex parte est.*

*Sciendum VII.* Quod mens prophetæ dupliciter a Deo instruitur. Uno modo per expressam revelationem. Alio modo per quandam instinctum occultissimum, quem interdum etiam nescientes humanæ mentes patiuntur, ut August. dicit 2. super Gen. ad liter. cap. 17. In his ergo, quæ expresse per spiritum prophetiae propheta cognoscit, maximam certitudinem habet, & pro certo habet, quod hæc sunt divinitus sibi revelata. Alioquin, si de hoc

ipse certitudinem non haberet, fides, quæ dictis prophetarum innitur, certa non esset. Sed ad ea, quæ cognoscit per instinctum, aliquando sic se habet, ut non plene discernere possit, utrum hæc cogitaverit aliquo divino instinctu, vel per spiritum proprium. Non autem omnia, quæ cognoscimus divino instinctu, sub certitudine prophetica nobis manifestantur: talis enim instinctus est quiddam imperfectum in genere prophetiae. Ne tamen error ex hoc possit accidere, per spiritum Sanctum citius correcti, ab eo, quæ vera sunt, audiunt, & semetipsos, quia falsa dixerint, reprehendunt, ut dicit Gregor. hom. 1. in Ezech.

*Sciendum VIII.* Quod, sicut ex dictis patet, prophetia est quædam cognitio intellectui prophetæ impressa ex revelatione divina per modum cujusdam doctrinæ. Veritas autem cognitionis est eadem in discipulo, & in docente; quia cognitio addicentis est similitudo cognitionis docentis: sicut etiam in rebus naturalibus forma generati est similitudo quædam formæ generantis. Et per hunc modum Hier. dicit, quod prophetia est quoddam signum divinæ præscientiæ. Oportet igitur eandem esse veritatem prophetice cognitionis, & enunciationis, quæ est cognitionis divinæ, cui impossibile est subesse falsum. Unde prophetiæ non potest subesse falsum. Notandum tamen, quod quandoque revelatio prophetica est impressa quædam similitudo divinæ præscientiæ, prout respicit ipsa futura contingentia in se ipsis, & talia ei eveniunt, sicut prophetantur. Quandoque vero prophetica revelatio est impressa similitudo divinæ præscientiæ, prout scilicet cognoscit ordinem causarum ad effectus; & tunc quandoque aliter evenit, quam prophetetur, nec tamen prophetiæ subest falsum. Nam sensus prophetiæ est, quod inferiorum causarum dispositio, sive naturalium, sive humanorum actuum, hoc habet, ut talis effectus eveniat, & secundum hoc intelligitur illud Jonæ 3. *Adhuc quadraginta dies, & Ninive subvertetur.*

## CAPUT II.

*De causa prophetiae. 2. 2. quæst. 172.*

**D**Einde considerandum est de causa prophetie, de qua dicitur 2. Petri 1. *Non enim voluntate humana allata est aliquando prophetia, sed Spiritu Sancto inspirante locuti sunt Sancti Dei homines. Ad cuius evidentiam*

*Sciendum 1.* Quod, sicut supra dictum est, prophetica præcognitio potest esse de futuris dupliciter. Uno modo, secundum quod sunt in seipsis. Alio modo, secundum quod sunt in suis causis. Præcognoscere autem futura, secundum quod sunt in seipsis, est proprium divini intellectus, cuius æternitati sunt omnia præsentia; & ideo talis præcognitio futurorum non potest esse a natura, sed solum ex revelatione divina. Futura veto in suis causis possunt præcognosci naturali cognitione etiam ab homine: sicut medicus præcognoscit sanitatem, vel mortem futuram in aliquibus causis, quatum ordinem ad tales effectus experimento præcognovit. Imo etiam bruta animalia habent præcognitionem futurorum eventuum ex suis causis, a quibus phantasia eorum movetur magis, quam hominum. Ratio autem facit in homine multo abundantius id, quod in brutis facit impressio caulorum naturalium.

*Sciendum 11.* Quod præcognitio futurorum eventuum, quæ habetur ex causis naturalibus, differt ab ea, quæ habetur ex revelatione divina, dupliciter. Primo quidem, quia illa, quæ est ex revelatione divina, potest esse quorumcumque eventuum, & infallibiliter. Præcognitio autem, quæ naturaliter haberi potest, est circa quoddam effectus, ad quos potest se extendere experientia humana. Secundo, quia prima præcognitio est secundum immobilem veritatem: non autem ea, quæ naturaliter haberi potest, quia potest ei subesse falsum. Prima autem præcognitio proprie pertinet ad prophetiam, non vero secunda, quia prophetica cognitio est eorum, quæ naturaliter excedunt humanam cognitionem, ut ex supra dictis patet. Et ideo dicendum est, quod prophetia simpliciter dicta non potest esse a natura, sed solum ex revelatione divina.

*Sciendum 111.* Quod, sicut Apostolus dicit ad Rom. 13. *Quæ a Deo sunt, ordinata sunt.* Habet autem hoc divinitatis ordo, sicut Dionys. dicit 4. c. Eccl. hier. ut inferiora per media disponat. Angeli autem medii sunt inter Deum, & homines: & ideo illuminationes, & revelationes divinx a Deo ad homines per Angelos deferuntur. Prophetica autem cognitio fit per illuminationem, & revelationem divinam: unde manifestum est, quod fiat per Angelos. Et ideo Dionys. dicit ibid. *Divinas visiones gloriosi patres nostri adepti sunt per medias celestes virtutes.* Gratia igitur gratis datae attribuitur ab Apostol. 1. ad Cor. 12. Spiritui Sancto, sicut primo principio, qui tamen operatur huiusmodi gratias in hominibus, mediante ministerio Angelorum. Operatio enim instrumenti attribuitur principali agenti, in cuius virtute instrumentum agit.

*Sciendum 1 v.* Quod, sicut dictum est, prophetia vere, & simpliciter dicta est ex inspiratione divina: quæ autem est ex causa naturali, non dicitur prophetia, nisi secundum quid. Est autem considerandum, quod, sicut Deus, qui est causa universalis, in agendo non præexigit materiam, nec aliquam materie dispositionem in corporalibus effectibus, sed simul potest & materiam, & dispositionem, & formam inducere: ita etiam in effectibus spiritualibus non præexigit aliquam dispositionem, sed potest simul cum effectu spirituali inducere dispositionem convenientem, qualis requiritur secundum ordinem nature. Et ultetius posset etiam simul per creationem producere ipsum subiectum, ut scilicet animam, & in ipsa sui creatione diserneret ad prophetiam, & daret ei gratiam propheticam. Unde dicit Apost. 1. ad Cor. 12. *Hec omnia operatur unus, atque idem Spiritus, dividens singulis prout vult.*

*Sciendum v.* Quod prophetia potest esse sine charitate, quod apparet ex duobus. Primo quidem ex actu utriusque, nam prophetia pertinet ad intellectum, cuius actus præcedit actum voluntatis, quem perficit charitas. Unde & Apost. 1. ad Cor. 13. prophetiam connumerat aliis ad intellectum pertinentibus, quæ possint sine charitate haberi. Secundo ex fine utriusque. Datur enim prophetia ad utilitatem Ecclesie, si-

cut

ent & aliæ gratiæ gratis datæ, secundum illud Apost. 1. Cor. 12. *Unicuique datur manifestatio Spiritus ad utilitatem*. Non autem ordinatur directe ad hoc, quod affectus ipsius prophetæ jungatur Deo, ad quod ordinatur charitas: & ideo prophetia potest esse sine bonitate morum, quantum ad propriam radicem huius bonitatis, quæ est charitas. Si vero consideremus bonitatem morum secundum passionem animi, & actiones exteriores, secundum hoc impeditur aliquis a prophetia per morum malitiam. Nam ad prophetiam requiritur maxima mentis elevatio ad spiritualium contemplationem, quæ quidem impeditur per vehementiam passionum, & per inordinatam occupationem rerum exteriorum.

*Sciendum vi.* Quod prophetia importat cognitionem quandam procul existentem a cognitione humana. Manifestum est autem, quod intellectus superioris ordinis aliquis cognoscere potest, quæ sunt remota a cognitione intellectus inferioris. Supra autem intellectum humanum est non solum intellectus Divinus, sed etiam intellectus Angelorum bonorum, & malorum secundum naturæ ordinem. Et ideo quædam cognoscunt demones etiam sua naturali cognitione, quæ sunt remota ab hominum cognitione, quæ possunt hominibus revelare. Simpliciter autem, & maxime remota sunt, quæ solus Deus cognoscit. Et ideo prophetia proprie, & simpliciter dicta fit per solam divinam revelationem; sed ipsa revelatio facta per demones potest secundum quid dici prophetia. Unde illi, quibus aliquid per demones revelatur, non dicuntur in scripturis prophetæ simpliciter, sed cum aliqua additione, puta, prophetæ falsi, vel prophetæ idolorum.

*Sciendum vii.* Quod, sicut se habet bonum in rebus, ita verum in cognitione. Impossibile est autem inveniri aliquid in rebus, quod totaliter bono privetur, unde etiam impossibile est, esse aliquam cognitionem, quæ totaliter sit falsa, absque admixtione alicujus veritatis. Unde & Beda dicit, quod nulla falsa est doctrina, quæ non aliquando aliqua vera falsis intermisceat, sicut etiam dicit Aug. in 2. q. Evangel. cap. 40. Unde & ipsa doctrina dæmonum, qui suos prophetas instruunt, aliqua vera continet, per quæ receptibilis

redditur. Sic enim intellectus ad falsum deducitur per apparentiam veritatis: sicut voluntas ad malum per apparentiam bonitatis. Unde & Chrysost. dicit hom. 19. in Matth. in op. imp. *Concessum est diabolo interdum vera dicere, ut mendacium suum rara veritate commendet*. Et ideo dicitur 2. Cor. 11. *Ipse Satanæ transfiguratur se in Angelum lucis*.

## CAPUT III.

De modo prophetiæ cognitionis.  
2. 2. quæst. 173.

**D**Einde considerandum est de modo prophetiæ cognitionis. Circa quod

*Sciendum i.* Quod prophetia importat cognitionem divinam ut procul existentem. Unde & de Prophetis dicitur Hebr. 11. quod erant a longe aspicientes. Illi autem, qui sunt in patria, in statu beatitudinis existentes non vident, ut a remotis, sed magis quasi ex propinquo, secundum illud Psal. 139. *Roburabunt recti cum vultu tuo*. Unde manifestum est, quod cognitio prophetica alia est a cognitione perfecta, quæ erit in patria. Unde & distinguitur ab ea, sicut imperfectum a perfecto, & ea adveniente evacuatur, ut patet per Apostolum 1. ad Corinth. 13. Et ideo dicendum, quod visio prophetica non est visio ipsius divinæ essentiae, neque in ipsa divina essentia vident ea, quæ vident, sed in quibusdam similitudinibus secundum illustrationem divini luminis, sicut Dionys. dicit in 4. c. cœli hier. Et huiusmodi similitudines divino lumine illustratæ habent rationem speculi æternitatis, in quantum resultat ibi similitudo veritatis divinæ præsentiae.

*Sciendum ii.* Quod, sicut Aug. dicit 12. super Gen. ad litter. c. 9. Cognitio prophetica maxime ad mentem pertinet. Circa cognitionem autem humanæ mentis duo oportet considerare, scilicet acceptionem, sive representationem rerum, & iudicium de rebus representatis. Per donum autem prophetiæ confertur aliquid humanæ menti supra id, quod pertinet ad naturalem facultatem, quantum ad utrumque, scilicet & quantum ad iudicium, per influxum luminis intellectualis, & quantum ad acceptionem, seu representationem rerum,

A 4 quæ

quæ fit per aliquas species. Horum autem primum principaliter est in prophetia, quia iudicium est completivum cognitionis. Et ideo, si cui fiat divinitus representatio aliquarum rerum per similitudines imaginarias, ut Pharaonis; aut etiam per similitudines corporales, ut Balthasari, non est talis censendus propheta, nisi illuminetur ejus mens ad judicandum. Erit autem prophetia, si solummodo intellectus ejus illuminetur ad judicandum etiam ea, quæ ab aliis imaginariè visa sunt, ut patet de Joseph, qui exposuit somnium Pharaonis. Sed, sicut Aug. dicit ibid. *Maxime propheta est, qui utroque excellit, ut scilicet videat in spiritu corporalium rerum significativas similitudines, & eas vivacitate mentis intelligat.*

*Sciendum I & I.* Quod representantur quandoque divinitus menti prophetæ, mediante sensu, exterius quædam formæ sensibiles, sicut Daniel vidit scripturam parietis, ut legitur Dan. 5. Quandoque autem per formas imaginarias, sive omnino divinitus impressas, non per sensum acceptas, puta, si alicui cæco nato imprimerentur in imaginatione colorum similitudines; vel etiam divinitus ordinatas ex his, quæ a sensibus sunt acceptæ, sicut Jeremias vidit ollam succentiam a facie aquilonis, ut habetur Jer. 1. sive etiam imprimendo species intelligibiles ipsi menti, sicut patet de his, qui accipiunt Scientiam, vel Sapientiam insulam, sicut Salomon, & Apostoli. Lumen autem intelligibile quandoque quidem imprimitur menti humanæ divinitus ad judicandum ea, quæ ab aliis visa sunt, sicut dictum est de Joseph, & sicut patet de Apostolis, quibus Dominus aperuit sensum, ut intelligerent scripturas, Luc. 24. & ad hoc pertinet interpretatio sermonum; sive etiam ad judicandum secundum divinam veritatem ea, quæ cursu naturali homo apprehendit: sive etiam ad judicandum veraciter, & efficaciter ea, quæ agenda sunt, secundum illud Luc. 63. *Spiritus Domini duætor ejus fuit.* Sic igitur patet, quod prophetica revelatio quandoque quidem fit per solam luminis influentiam, quandoque autem per species de novo impressas, vel aliter ordinatas.

*Sciendum IV.* Quod, sicut ex dictis pa-

tet, prophetica revelatio fit secundum quatuor, scilicet secundum influxum intelligibilis luminis, secundum immersionem intelligibilem specierum, secundum impressionem, vel ordinationem imaginabilium formarum, & secundum expressionem formarum sensibilibus. Manifestum est autem, quod non fit abstractio a sensibus, quando aliquid representatur menti prophetæ per species sensibiles. Similiter etiam non est necesse, ut fiat alienatio a sensibus exterioribus per hoc, quod mens prophetæ illustratur intelligibili lumine, aut formatur intelligibilibus speciebus, quia in nobis perfectum iudicium intellectus habet, per conversionem ad sensibilia, quæ sunt prima nostre cognitionis principia. Sed quando revelatio prophetica fit secundum formas imaginarias, necesse est fieri abstractionem a sensibus, ut talis apparitio phantasmatum non referatur ad ea, quæ exterius sentiuntur. Nihilominus

*Sciendum V.* Quod abstractio a sensibus quandoque fit perfecte, ut scilicet nihil homo sensibus percipiat: quandoque autem imperfecte, ut scilicet aliquid percipiat sensibus, non tamen plene discernat ea, quæ exterius percipit, ab his, quæ imaginabiliter videt. Unde Aug. dicit 12. super Gen. ad litter. c. 12. *Sic videtur, quæ in spiritu sunt, imagines corporum, quemadmodum corpora ipsa per corpus, ita ut simul cernatur homo aliquis præsens oculis, & absens aliis spiritu, tanquam oculis.* Talis autem alienatio a sensibus non fit in prophetis cum aliqua inordinatione naturæ, sicut in arreptitiis, vel in furiosis sed per aliquam causam ordinatam, vel naturalem, sicut per somnium, vel spirituale, sicut per contemplationis vehementiam, sicut de Petro legitur Act. 10. *quod cum oraret in canaculo, factus est in excessu mentis*; vel virtute divina rapiente, secundum illud Ezech. 1. *Facta est super eum manus Domini.*

*Sciendum VI.* Quod in revelatione prophetica movetur mens prophetæ a Spiritu Sancto, sicut instrumentum deficiens respectu principalis agentis. Movetur autem mens prophetæ non solum ad aliquid apprehendendum, sed etiam ad aliquid loquendum, vel ad aliquid faciendum: & quandoque quidem ad omnia tria simul, quandoque



quandoque autem ad duo horum, quandoque vero ad unum tantum. Et quodlibet horum contingit esse cum aliquo cognitionis defectu. Nam, cum mens prophetæ moveatur ad aliquid æstimandum, vel apprehendendum, quandoque quidem inducitur ad hoc, quod solum apprehendat rem illam: quandoque autem ulterius ad hoc, quod cognoscat, hæc sibi esse divinitus revelata. Similiter etiam quandoque moveatur mens prophetæ ad aliquid loquendum, aut faciendum, ita, quod intelligat id, quod per hæc verba, aut facta Spiritus Sanctus intendit: quandoque autem ita, quod non intelligat id, quod Spiritus Sanctus intendit significare.

*Sciendum vii.* Quod, cum aliquis cognoscit, se moveri a Spiritu Sancto ad aliquid æstimandum, vel significandum verbo, vel facto, hoc proprie ad prophetiam pertinet. Cum autem moveatur, sed non cognoscit, non est perfecta prophetia sed quidam instinctus propheticus. Considerandum tamen, quod, quia mens prophetæ est instrumentum deficiens, ut dictum est, respectu principalis agentis, scilicet Spiritus Sancti, a quo moveatur; etiam veri prophetæ non omnia cognoscunt, quæ in eorum visis, aut verbis, aut etiam factis Spiritus Sanctus intendit. Semper tamen ad prophetiam proprie dictam requiritur illustratio divini luminis, quo intelligant prophetæ, se a Spiritu Sancto moveri, & cum etiam intelligant ea, quæ revelantur, tunc est perfecta prophetia. Unde August. dicit 12. super Gen. ad litter. c. 9. *Quibus signa per aliquas rerum corporalium similitudines demonstrantur in spiritu, nisi accessisset mentis officium, ut etiam intelligerentur, nondum erat prophetia. Intelligentia enim opus est in visione, ut dicitur Daniel. 10.*

#### C A P U T I V.

De divisione prophetiæ. 2. 2. quæst. 174.

**D**Einde considerandum est de divisione prophetiæ, quam tradit Gloss. quæ dicitur esse Hieron. in Matth. 1. scilicet, prædeterminationis, præcipientiæ, & comminationis. Et de gradibus prophetiæ. Circa quod

*Sciendum i.* Quod species habituum, & actuum in moralibus distinguuntur secundum objecta. Objectum autem prophetiæ est id, quod est in cognitione divina supra humanam facultatem existens: & ideo secundum horum differentiam prophetia distinguitur in diversas species, secundum prius dictam divisionem. Dictum est autem supra, quod futurum est in divina cognitione dupliciter. Uno modo prout est in sua causa, & sic prophetia comminationis accipitur, quæ non semper impletur, sed per eam prænuntiatur ordo causæ ad effectum, qui quandoque aliis supervenientibus impeditur. Alio modo præcognoscit Deus aliqua in seipsis, vel ut fienda ab ipso, & horum est prophetia prædeterminationis: quia secundum Damasc. lib. 2. c. 30. *Deus prædestinat ea, quæ non sunt in nobis* vel, ut fienda per liberum arbitrium hominis, & sic est prophetia præcipientiæ, quæ potest esse bonorum, & malorum, quod non contingit de prophetia prædeterminationis, quæ est bonorum tantum.

*Sciendum ii.* Quod, quia prædeterminationis præcipientiæ comprehenditur, ideo in Gloss. ord. in principio Psalterii ponitur tantum duplex prophetiæ species, scilicet, secundum præcipientiam, & secundum comminationem. Ubi notandum, quod præcipientiæ proprie dicitur præcognitio futurorum eventuum, prout in se ipsis sunt, & secundum hoc ponitur species prophetiæ a prophetia comminationis distincta. Prout autem dicitur respectu futurorum eventuum, sive secundum quod in se ipsis sunt, sive secundum quod sunt in suis causis, communiter se habet ad omnem speciem prophetiæ. Præterea notandum, quod prophetia promissionis comprehenditur sub prophetia comminationis, quia eadem est ratio veritatis in utraque. Denominatur autem magis a comminatione, quia Deus prior est ad relaxandum poenam, quam ad subtrahendum promissa beneficia.

*Sciendum iii.* Quod dignitas eorum, quæ sunt ad finem, præcipue consideratur ex fine. Finis autem prophetiæ est manifestatio alicujus veritatis supra hominem existens; unde quanto hujusmodi manifestatio est potior, tanto prophetia est dignior. Manifestum est autem, quod manifestatio divinæ veritatis, quæ fit per nuda

dam contemplationem ipsius veritatis, potior est, quam illa, quæ sit sub similitudine corporalium rerum: magis enim appropinquat ad visionem patriæ, secundum quam in essentia Dei veritas conspicitur. Et inde est, quod prophetia, per quam aliqua supernaturalis veritas conspicitur, secundum intellectualem visionem, est dignior, quam illa, in qua veritas supernaturalis manifestatur per similitudinem corporalium rerum secundum imaginariam visionem. Et ex hoc etiam ostenditur mens prophetæ sublimior, sicut in doctrina humana auditor ostenditur esse melioris intellectus, qui veritatem intelligibilem a magistro nude prolatam capere potest, quam ille, qui indiget sensibilibus exemplis ad hoc manu duci. Unde in commendationem prophetiæ David dicitur, 2. Reg. 23. *Mibi locutus est fortis Israel: ( & postea subdit ) sicut lux auroræ oriente sole manet absque nubibus rutilat.*

*Sciendum IV.* Quod prophetia importat quandam obcuritatem, & remotionem ab intelligibili veritate; & ideo magis proprie dicuntur prophetæ, qui vident per imaginariam visionem, quamvis illa prophetia sit nobilior, quæ est per intellectualem visionem; dummodo tamen sit eadem veritas utrobique revelata. Si vero lumen intellectuale alicui divinitus infundatur, non ad cognoscendum aliqua supernaturalia, sed ad iudicandum secundum certitudinem veritatis divinæ ea, quæ humana ratione cognosci possunt; sic talis prophetia intellectualis est infra illam, quæ est cum imaginaria visione ducente in supernaturalem veritatem, cuiusmodi prophetiam habuerunt omnes illi, qui numerantur in ordine prophetarum, qui etiam ex hoc specialiter dicuntur prophetæ, quia prophetico officio fungebantur. Unde & ex persona Domini loquebantur, dicentes ad populum: *Hæc dicit Dominus;* quod non faciebant illi, qui hagiographa conscripserunt, quorum plures loquebantur frequentius de his, quæ humana ratione cognosci possunt, non quasi ex persona Dei, sed ex persona propria, cum adiutorio tamen divini luminis.

*Sciendum V.* Quod quando aliqua supernaturalis veritas revelanda est per similitudines corporales, tunc magis est propheta,

qui utrumque habet, scilicet lumen intellectuale, & imaginariam visionem, quam ille, qui habet alterum tantum, quia perfectior est prophetia: & quantum ad hoc dicit Aug. 12. super Gen. ad litter. c. 9. *Mimus est propheta, qui rerum, quæ significantur, sola ipsa signa in spiritu per rerum corporalium imagines videt, & magis est propheta, qui solo eorum intellectu est præditus; sed maxime propheta est, qui utroque præcellit.* Sed illa prophetia, in qua revelatur nude intelligibilis veritas, est omnibus potior. Considerandum tamen, quod illustratio divini radii in vita præsentis non fit sine velaminibus phantasmatum qualinicumque: quia connaturale est homini secundum statum præsentis vitæ, ut non intelligat sine phantasmate. Unde Dionys. dicit 1. c. Cælest. hier. *Impossibile est nobis superlucere divinum radium, nisi varietate sacrarum velaminum circumvelatum.* Quandoque tamen sufficienti phantasmata, quæ communi aliquo modo a sensibus abstrahuntur, nec exigitur aliqua visio imaginaria divinitus procurata. Et sic dicitur revelatio prophetica fieri sine imaginaria visione.

*Sciendum VI.* Quod, sicut patet ex dictis, prophetia, in qua per lumen intelligibile revelatur aliqua veritas supernaturalis per imaginariam visionem, medium gradum tenet inter illam prophetiam, in qua revelatur supernaturalis veritas absque imaginaria visione, & illam, in qua per lumen intelligibile absque imaginaria visione dirigitur homo ad ea cognoscenda, vel agenda, quæ pertinent ad humanam conversationem. Magis autem est proprium prophetiæ cognitio, quam operatio: & ideo infimus gradus prophetiæ est, cum aliquis ex interiori instinctu movetur ad aliqua exterius facienda, sicut de Sampson dicitur Judic. 15. *Irruit spiritus Domini in eum;* & sicut solent ad ardorem ignis ligna consumi, ita & vincula, quibus ligatus erat, dissipata sunt, & soluta. Secundus autem gradus prophetiæ est, cum aliquis ex interiori lumine illustratur ad cognoscendum aliqua, quæ tamen non excedunt limites naturalis cognitionis: sicut dicitur de Salomone, 3. Reg. 4. *Dedit Deus sapientiam Salomoni, & prudentiam multam nimis, & dispersa*

*vit super lignis &c.* Hi autem duo gradus sunt infra prophetiam proprie dictam, quia non attingunt ad supernaturalem veritatem.

*Sciendum VII.* Quod illa prophetia, in qua manifestatur supernaturalis veritas per imaginariam visionem, diversificatur primo, secundum differentiam somnii, quod fit in dormiendo, & visionis, quæ fit in vigilando, quæ pertinet ad altiore gradum prophetiæ: quia major vis prophetici luminis esse videtur, quæ aliquem occuparum circa sensibilia in vigilando abstrahit ad supernaturalia, quam illa, quæ animam hominis abstractam a sensibilibus invenit in dormiendo. Secundo autem diversificatur gradus prophetiæ quantum ad expressionem signorum imaginabilium, quibus veritas intelligibilis exprimitur. Et, quia signa maxime expressa sunt verba, deo altior gradus prophetiæ videtur, quando propheta audit verba exprimentia intelligibilem veritatem, sive in vigilando, sive in dormiendo, quam quando videt aliquas res significativas veritatis. In quibus etiam signis, tanto videtur prophetia esse altior, quanto signa sunt magis expressa. Tertio ostenditur altior esse gradus prophetiæ, quando propheta non solum videt signa verborum, vel factorum, sed etiam videt, vel in vigilando, vel in dormiendo, aliquem sibi colloquentem, aut aliquem demonstrantem: quia per hoc ostenditur, quod mens prophetæ magis appropinquat ad causam revelantem. Quarto potest attendi altitudo gradus prophetialis ex conditione ejus, qui videtur. Super omnes autem hos gradus est tertium genus prophetiæ, in quo intelligibilis veritas, & supernaturalis absque imaginaria visione ostenditur, quæ tamen excedit rationem prophetiæ propriè dictæ, ut dictum est. Et ideo consequens est, quod gradus prophetiæ propriè dictæ distinguantur secundum imaginariam visionem.

*Sciendum VIII.* Quod prophetia importat visionem quandam alicujus supernaturalis veritatis, ut procul existentis. Quod quidem contingit esse dupliciter. Uno modo ex parte ipsius cognitionis; quia videlicet veritas supernaturalis non cognoscitur in se ipsa, sed in aliquibus suis effectibus. Et adhuc erit magis procul, si hoc

fit per figuras corporalium rerum, quam per intelligibiles effectus: & talis maxime est visio prophetica, quæ fit per figuras, & similitudines corporalium rerum. Alio modo visio est procul ex parte ipsius videntis, qui scilicet non est totaliter in ultimam perfectionem adductus, secundum illud 2. ad Cor. 5. *Quamdiu in corpore sumus, peregrinamur a Domino.* Neutro autem modo beati sunt prophetæ: unde non possunt dici prophetæ. Unde colliges duo. Primum videlicet, quod visio Moylis, quæ vidit essentiam Dei, fuit raptum per modum passionis, non autem permanens per modum beatitudinis: unde adhuc vivens erat procul, & propter hoc non totaliter talis visio amittit rationem prophetiæ. Secundum vero, quod Christus Dominus simul erat comprehensor, & viator. In quantum ergo erat comprehensor, non competit sibi ratio prophetiæ, sed solum in quantum erat viator. Et ideo 2. Petri 1. Sermo propheticus comparatur *lucernæ lucenti in caliginoso loco*. In beatis autem nulla est caligo.

## C A P U T V.

*De Raptu prout est species prophetiæ.*

2.2. quæst. 175.

**D**einde considerandum est de raptu, prout est species quardam prophetiæ. Circa quod

*Sciendum I.* Quod raptus violentiam quandam importat. Violentum autem dicitur, cujus principium est extra, nil conferente eo, quod vim patitur, ut dicitur in 3. Eth. c. 1. Consert autem unumquodque ad id, in quod tendit secundum propriam inclinationem: & ideo oportet, quod ille, qui rapitur ab aliquo exteriori, rapiatur in aliquid, quod est diversum ab eo, in quod ejus inclinatio tendit. Quæ quidem diversitas attenditur dupliciter. Uno quidem modo quantum ad finem inclinationis, puta, si lapis, qui naturaliter inclinatur ad hoc, quod ferretur deorsum, projiciatur sursum. Alio modo quantum ad modum tendendi, puta, si lapis velocius projiciatur deorsum, quam sit motus ejus naturalis. Hoc supposito,

*Sciendum II.* Quod sic anima hominis dupli-

dupliciter dicitur rapi in id, quod est præter naturam. Uno modo quantum ad terminum raptus, puta, quando rapitur ad pœnas, secundum illud Psal. 47. *Ne quando rapiat, & non sit, qui eripiat*. Alio modo quantum ad modum homini con-naturalem, qui est, ut per sensibilia intelligat veritatem: & ideo, quando abstrahitur a sensibilibus apprehensione, dicitur rapi, etiam si eleve-tur ad ea, ad quæ naturaliter ordinatur; dum tamen hoc non fiat ex propria intentione, sicut accidit in somno, qui est secundum naturam: unde non potest proprie raptus dici.

*Sciendum III.* Quod huiusmodi abstractionis, ad quæcumque fiat, potest ex triplici causa contingere. Uno modo ex causa corporali; sicut accidit in his, qui propter aliquam infirmitatem alienationem patiuntur. Secundo modo ex virtute dæmonum; sicut patet in arreptitiis. Tertio modo ex virtute divina: & sic loquimur nunc de raptu, prout scilicet aliquis spiritu divino elevatur ad aliqua supernaturalia cum abstractione a sensibus, secundum illud Ezech. 8. *Spiritus elevavit me inter cælum, & terram, & adduxit me in Jerusalem in visione Dei*. Sciendum tamen, quod rapi quandoque dicitur aliquis, non solum propter alienationem a sensibus, sed etiam propter alienationem ab his, quibus intendebat: sicut, cum aliquis, patitur evagationem mentis præter propositum: sed hoc non ita proprie dicitur.

*Sciendum IV.* Quod ad modum, & dignitatem hominis pertinet, quod ad divinam eleve-tur ex hoc ipso, quod homo factus est ad imaginem Dei. Et, quia bonum divinum in infinitum excedit humanam facultatem, indiget homo, ut supernaturaliter ad illud bonum capeffendum adjuvetur, quod fit per quodcumque beneficium gratiæ. Unde, quod sic eleve-tur mens a Deo per raptum, non est contra naturam, sed supra facultatem naturæ. Sed quia adea, quæ excedunt liberi arbitrii facultatem, necesse est, quod homo quadam fortiori virtute, & operatione eleve-tur; ideo, quantum ad aliquid, hæc elevatio potest dici coactio, si scilicet attendatur modus operationis: non tamen, si attendatur ter-

minus operationis, in quem natura hominis, & ejus intentio ordinatur.

*Sciendum V.* Quod de raptu dupliciter loqui possumus. Uno modo quantum ad id, in quod aliquis rapitur. Et sic proprie loquendo, raptus non potest pertinere ad vim appetitivam, sed solum ad cognoscitivam. Dictum est enim, quod raptus est præter propriam inclinationem ejus, quod rapitur; ipse autem motus appetitivæ virtutis est quædam inclinatio ad bonum appetibile. Unde, proprie loquendo, ex hoc, quod homo appetit aliquid, non rapitur, sed per se movetur. Alio modo potest considerari raptus quantum ad suam causam; & sic potest habere causam ex parte appetitivæ virtutis. Ex hoc enim ipso, quod appetitus ad aliquid vehementer afficitur, potest contingere, quod ex violentia affectus homo ab omnibus aliis alienetur. Habet etiam effectum in appetitiva virtute, cum scilicet aliquis delectatur in his, ad quæ rapitur.

*Sciendum VI.* Quod raptus addit aliquid supra extasim. Nam extasis importat simpliciter excessum a se ipso, secundum quem scilicet aliquis extra suam ordinationem ponitur: sed raptus super hoc addit violentiam quamdam. Potest igitur extasis ad vim appetitivam pertinere, puta, cum aliquis appetitus tendit in ea, quæ extra ipsum sunt: & secundum hoc Dionys. dicit 4. c. de div. nom. *Est autem extasis faciens divinus amor*; in quantum scilicet facit appetitum hominis tendere in res amatas. Unde postea subdit. *Etiam ipse Deus, qui est omnium causa, per abundantiam amatorie bonitatis extra se ipsum fit per providentiam ad omnia existentia*, quavis etiam, si expresse hoc diceretur de raptu, non designaretur, nisi, quod amor esset causa raptus.

*Sciendum VII.* Quod dupliciter homo secundum appetitum potest ferri extra se ipsum. Uno modo, quando appetitus intellectivus totaliter in divina tendit prætermis-sis his, ad quæ inclinat appetitus sensitivus. Alio modo, quando prætermisso appetitu superiori, homo totaliter fertur in ea, quæ pertinent ad appetitum inferiorem: & iste excessus, vel extasis, plus appropinquat ad rationem raptus, quam primus, quia scilicet appetitus superior

perior est magis homini proprius. Unde, quando homo ex violentia appetitus inferioris abstrahitur a motu appetitus superioris, magis abstrahitur ab eo, quod est sibi proprium; quia tamen non est ibi violentia, eo, quod voluntas potest resistere passioni, deficit a vera ratione raptus, nisi forte tam vehemens passio sit, quod usum rationis totaliter tollat: sicut contingit in his, qui propter vehementiam iræ, vel amoris insaniunt.

## CAPUT VI.

*De gratia linguarum.*

2. 2. quæst. 176.

**D**Einde considerandum est de gratiis gratis datis, quæ pertinent ad locutionem. Et primo de gratia linguarum. Secundo de gratia sermonis Sapientiae, seu scientiæ. Circa primum igitur

*Sciendum* 1. Quod primi discipuli Christi ad hoc fuerunt ab ipso electi; ut per universum orbem discurrentes fidem ejus ubique prædicarent, secundum illud Matth. ult. *Euntes docete omnes gentes*. Non autem erat conveniens, ut, qui mittebantur ad alios instruendos, indigerent ab aliis instrui, qualiter aliis loquerentur, vel qualiter, quæ alii loquerentur, intelligerent: præsertim, quia illi, qui mittebantur, erant unius gentis, scilicet Judææ, secundum illud, Isa. 27. *Qui egredientur impetu a Jacob, implebunt faciem orbis semine*. Illi etiam, qui mittebantur, pauperes, & impotentes erant, nec de facili a principio reperissent, qui eorum verba aliis fideliter interpretarentur, vel verba aliorum eis exponerent, maxime, quia ad infideles mittebantur; & ideo necessarium fuit, ut super hoc eis divinitus provideretur per donum linguarum, ut, sicut gentibus ad idololatriam declinantibus introducta est diversitas linguarum, sicut dicitur Gen. 11. ita etiam, quando erant Gentes ad cultum unius Dei revocandæ, contra hujusmodi diversitatem remedium adhiberetur per donum linguarum.

*Sciendum* 11. Quod, sicut dicitur 1. ad Cor. 12. *Manifestatio spiritus datur ad utilitatem*. Et ideo sufficienter & Paulus,

& alii Apostoli fuerunt instructi divinitus in linguis omnium gentium, quantum requireretur ad fidei doctrinam: sed quantum ad quædam, quæ superadduntur humana arte ad ornatum, & elegantiam locutionis, Apostolus instructus erat in propria lingua, non autem in aliena. Sicut etiam in Sapientia, & Scientia fuerunt sufficienter instructi, quantum requirerebat doctrina fidei: non autem quantum ad omnia, quæ per scientiam acquisitam cognoscuntur, puta, de conclusionibus Arithmeticæ, vel Geometriæ. Unde dicit Glof. ord. ad Hæbr. 1. *Non esse mirandum, quod Epistola ad Hebræos majore refulcet facundia, quam aliæ, cum naturale sit unicuique, plus in sua, quam in aliena lingua valere: cæteras enim Epistolas Apostolus peregrino, id est, Græco sermone composuit, banc autem scripsit Hebraica lingua*.

*Sciendum* 111. Quod quamvis utrumque fieri potuisset, scilicet, quod per unam linguam loquentes ab omnibus intelligerentur, aut quod omnibus linguis loquerentur: tamen convenientius fuit, quod Apostoli omnibus linguis loquerentur: quia hoc pertinebat ad perfectionem scientiæ ipsorum, per quam non solum loqui, sed intelligere poterant, quæ ab aliis dicebantur. Si autem omnes unam eorum linguam intellexissent, hoc vel fuisset per scientiam illorum, qui eos loquentes intelligerent, vel fuisset quasi quædam illusio, dum aliorum verba aliter ad eorum aures perferrentur, quam ipsi ea proferrent: & ideo Glof. Bedæ dicit Act. 2. *Majori miraculo factum est, quod ipsi omnium linguarum generibus loquerentur*. Et Paulus dicit 1. ad Cor. 14. *Gratias ago Deo meo, quod omnium vestrum lingua loquor*.

*Sciendum* 1v. Quod donum prophetiæ excedit donum linguarum tripliciter. Primo quidem, quia donum linguarum refertur ad diversas voces proferendas, quæ sunt signa alicujus intelligibilis veritatis: donum autem prophetiæ consistit in ipsa illuminatione mentis ad cognoscendam intelligibilem veritatem. Secundo, quia donum prophetiæ pertinet ad rerum notitiam, quæ est nobilior, quam notitia vocum, ad quam pertinet donum linguarum,

rum, secundum se consideratum. Tertio, quia donum prophetiæ est utilius. Et hoc quidem probat Apostolus 1. ad Cor. 14. tripliciter. Primo quidem, quia prophetia est utilior ad ædificationem Ecclesiæ, ad quam, qui loquitur linguis, nihil prodest, nisi expositio subsequatur. Secundo quantum ad ipsum loquentem, qui, si acciperet, ut loqueretur variis linguis, sine hoc, quod intelligeret, quod pertinet ad propheticum donum, mens ejus non ædificaretur. Tertio quantum ad infideles, propter quos præcipue esse videtur datum donum linguarum, qui quidem, forte eos, qui loquerentur linguis, reputarent infanos: sicut & Judæi reputaverunt ebrios Apostolos loquentes, ut dicitur Act. 2. Per prophetias autem infideles convincuntur, manifestatis absconditis cordis sui.

*Sciendum v.* Quod, sicut supra dictum est, ad excellentiam prophetiæ propriæ dictæ pertinet, quod aliquis non solum illuminetur intelligibili lumine, sed etiam percipiat imaginariam visionem; ita etiam ad perfectionem operationis Spiritus Sancti pertinet, quod non solum impleat mentem lumine prophetico, & phantasiam imaginaria visione, sicut erat in veteri testamento, sed etiam exterius linguam erudiat ad varia signa locutionum proferenda, quod totum fit in novo testamento, secundum illud 1. ad Corinth. 14. *Unusquisque vestrum psalmum habet, doctrinam habet, linguam habet, Apocalypsin* (id est propheticam revelationem) *habet*. Donum ergo linguarum prophetiæ superadditum, perfectius est, quam donum prophetiæ secundum solum: sed donum linguarum secundum se solum imperfectius est dono prophetiæ, ut dictum est; & ideo potest habitualiter haberi in hac vita, non autem donum propheticum.

*Sciendum vi.* Quod Interpretatio sermonum potest reduci ad donum prophetiæ, in quantum scilicet mens illuminatur ad intelligendum, & exponendum, quæcumque sunt in sermonibus obscura, sive propter difficultatem verum significatarum, sive etiam propter ipsas voces ignotas, quæ proferuntur, sive etiam propter similitudines rerum adhibitas, secundum illud Daniel. 5. *Audivi de te, quod possis obscura interpretari, & ligata dissolvere*.

Unde interpretatio sermonum est potior; quam donum linguarum, ut patet per illud, quod Apostolus dicit 1. ad Cor. 14. *Major est, qui prophetat, quam qui loquitur linguis, nisi forte interpretetur*. Ponitur autem interpretatio sermonum dono linguarum; quia etiam ad interpretandum diversa linguarum genera interpretatio sermonum se extendit, ut patet ex enumeratione facta ab Apostol. 1. ad Cor. 12. licet ad cognitionem pertineat, non vero ad locutionem.

## C A P U T VII.

*De gratia sermonis sapientiæ, seu scientiæ.*  
2.2. quæst. 177.

**D**Einde considerandum est de gratia gratis data, quæ consistit in sermone, de qua dicit Apostolus 1. ad Cor. 12. *Alii datur per spiritum sermo sapientiæ, alii sermo scientiæ*. Circa quod,

*Sciendum 1.* Quod gratiæ gratis datæ dantur ad utilitatem aliorum. Cognitio autem, quam aliquis a Deo accipit, in utilitatem alterius converti non potest, nisi mediante locutione. Et quia Spiritus Sanctus non deficit in aliquo, quod pertinet ad Ecclesiæ utilitatem, etiam providet membris Ecclesiæ in locutione, non solum, ut aliquis sic loquatur, ut a diversis possit intelligi, quod pertinet ad donum linguarum: Sed etiam, quod efficaciter loquatur, quod pertinet ad gratiam sermonis. Et hoc tripliciter. Primo quidem ad instruendum intellectum, quod fit, dum aliquis sic loquitur, quod doceat. Secundo ad movendum affectum, ut scilicet libenter audiat verbum Dei, quod fit, dum aliquis sic loquitur, quod auditores delectet, quod non debet aliquis querere propter favorem suum, sed, ut homines alliciantur ad audiendum verbum Dei. Tertio ad hoc, quod aliquis amet ea, quæ verbis significantur, & velit ea implere, quod fit, dum aliquis sic loquitur, quod auditorem fleat. Ad quod quidem Spiritus Sanctus utitur lingua hominis, quasi quoddam instrumento: ipse autem est, qui perficit operationem interiori, ut dicit Gregor. hom. 30. in Evan.

*Sciendum 11.* Quod, sicut miraculose Deus,

Deus, quandoque operatur quodam excellentiori modo etiam ea, quæ natura potest operari: ita etiam Spiritus Sanctus excellentius operatur per gratiam sermonis id, quod potest ars operari inferiori modo. Sed, quia gratia sermonis datur alicui ad utilitatem aliorum, sicut dictum est, ideo quandoque subtrahitur propter auditoris culpam, quandoque autem propter culpam ipsius loquentis. Bona autem opera utriusque non merentur directe hanc gratiam: sed solum impediunt huius gratiæ impedimenta. Nam etiam gratia gratum faciens subtrahitur propter culpam: non tamen eam meretur aliquis per bona opera, per quæ tollitur tantum gratiæ impedimentum. Et in hoc sensu, & non aliter intelligendum est, quod dicit Greg. exponens illud Psal. 18. *Ne auferas de ore meo verbum veritatis, quod omnipotens Deus facientibus tribuit, & non facientibus tollit.*

*Sciendum* 111. Quod, sicut dictum est, gratia sermonis ordinatur ad utilitatem aliorum. Quod autem aliquis fidem suam aliis communicet, sit per sermonem scientiæ, siue sapientiæ. Unde August. dicit 14. de Trinit. c. 1. *Scire quemadmodum fides, & pijs opituletur, & contra impios defendatur, videtur Apostolus scientiam appellare.* Et ideo non oportuit, quod poneret sermonem fidei sed sufficit ponere sermonem scientiæ, vel sapientiæ. Igitur cognitio, quam aliquis a Deo accipit, siue futuro-rum contingentium per prophetiam, siue rerum divinarum per sapientiam, siue substantiarum spiritualium per discretionem spirituum, siue humanorum actuum dirigendorum per scientiam, siue ad penetranda mysteria revelata per gratiam fidei (cujus nomine venit hic intelligenda excellentia fidei, ut ex gloss. notat S. Thom. 2.2. qu. 4. a. 5. ad 4.) cui proinde Apost. attribuit operationem miraculorum, dicens: *Si habueris tantam fidem, ita, ut montes transferas.* In utilitatem aliorum converti non posset, nisi per gratiam sermonis sapientiæ, siue scientiæ, quæ habet pro actibus suis docere, movere, atque flectere auditores aliorum quodam modo, quam possit facere ars humana.

*Sciendum* 1v. Quod sermone potest aliquis uti dupliciter. Uno modo private ad

unum, vel paucos, familiariter colloquendo. Et quantum ad hoc gratia sermonis potest competere mulieribus. Alio modo publice alloquendo totam Ecclesiam, & hoc mulieribus non conceditur. Primo quidem, & principaliter propter conditionem feminei sexus, qui debet esse subditus viro, ut patet Gen. 3. Docere autem, & persuadere publice in Ecclesia non pertinet ad subditos, sed ad prælatos. Magis tamen viri subditi ex commissione possunt exequi, quia non habent huiusmodi subjectionem ex naturali sexu, sicut mulieres, sed ex aliquo accidentaliter superveniente. Secundo, ne animi hominum alliciantur ad libidinem. Dicit enim Eccles. 9. *Colloquium illius quasi ignis euadescit.* Tertio, quia communiter mulieres non sunt in sapientia perfectæ, ut eis possit convenire publica doctrina committi. Unde dicit Apost. 1. ad Cor. 14. *Mulieres in Ecclesiis taceant.* Et 1. ad Tim. 2. *Docere mulieri non permuto.*

## C A P U T VIII.

*De gratia miraculorum. 2.2. quæst. 178.*

**D**Einde considerandum est de gratia miraculorum, utrum detur, & quibus conveniat: de qua dicit Apost. 1. ad Cor. 12. *Alii datur gratia sanientum, alii operatio virtutum.* Circa quod

*Sciendum* 1. Quod, sicut supra dictum est, Spiritus Sanctus sufficienter providet Ecclesiæ in his, quæ sunt utilia ad salutem, ad quod ordinantur gratiæ gratis datæ. Sicut autem oportet, quod notitia, quam quis divinitus accipit, in noticiam aliorum deducatur per donum linguarum, & per gratiam sermonis: ita necesse est, quod sermo prolatus confirmetur, ad hoc, quod credibilis fiat. Hoc autem fit per operationem miraculorum, secundum illud Marc. ult. *Et sermonem confirmante sequentibus signis.* Et hoc rationabiliter. Naturale enim est homini, ut per sensibiles effectus deprehendat veritatem intelligibilem. Unde, sicut ductu naturalis rationis homo pervenire potest ad aliquam Dei noticiam per effectus naturales: ita, si aliquis supernaturalis effectus, quæ miracula dicuntur, in aliquam supernaturalem cognitionem

nem credendorum homo inducitur; & ideo operatio miraculorum pertinet ad gratiam gratis datam.

*Sciendum I I.* Quod, sicut prophetia se extendit ad omnia, quæ supernaturaliter cognosci possunt, ita operatio virtutum se extendit ad omnia, quæ supernaturaliter fieri possunt, quorum quidem causa est divina omnipotentia, quæ nulli creaturæ communicari potest, & ideo impossibile est, quod principium operandi miracula sit aliqua qualitas habitualiter manens in anima. Sed tamen hoc potest contingere, quod, sicut mens prophetæ movetur ex inspiratione divina ad aliquid supernaturaliter cognoscendum, ita etiam mens miracula facientis moveatur ad faciendum aliquid, ad quod sequitur effectus miraculi, quod Deus sua virtute facit. Quod quandoque quidem fit, præcedente oratione, quandoque etiam, non præcedente manifesta oratione, sed Deo ad nutum hominis operante. Unde Greg. dicit 2. Dialog. c. 30. *Sancti aliquando ex potestate miracula exhibent, aliquando ex postulatione.* Utrolibet tamen modo Deus principaliter operatur, qui utitur instrumentaliter vel interiori motu hominis, vel ejus locutione, vel etiam aliquo exteriori actu, aut contactu etiam corporis mortui.

*Sciendum I I I.* Quod in miraculis duo possunt attendi. Unum quidem est id, quod fit, quod quidem est aliquid excedens facultatem naturæ: & secundum hoc miracula dicuntur virtutes. Aliud est id, propter quod miracula fiunt, scilicet ad manifestandum aliquid supernaturale, & secundum hoc communiter dicuntur signa. Propter excellentiam autem dicuntur portenta, vel prodigia, quasi procul aliquid ostendentia. Gratia autem sanitatum commemoratur seorsim: quia per eam confertur homini aliquod beneficium; scilicet corporalis sanitatis præter beneficium commune, quod exhibetur in omnibus miraculis, ut scilicet homines adducantur in Dei notitiam.

*Sciendum I V.* Quod operatio miraculorum consequitur fidem, vel scientiam, secundum illud 1. ad Cor. 13. *Si habuero omnem fidem, ut montes transferam; siue etiam aliorum; propter quos miracula fiunt.* Unde dicitur Matth. 13. *Et non*

*fecit ibi virtutes multas propter incredulitatem illorum.* Attribuitur autem fidei operatio miraculorum propter duo. Primo quidem, quia ordinatur ad fidei confirmationem. Secundo, quia procedit ex Dei omnipotentia, cui fides innitur, in quantum est gratia gratis data, scilicet, in quantum importat superabundantiam, seu excellentiam fidei, secundum quam in aliorum utilitatem, & perfectionem redundare potest, ut notat S. Thom. 2. 2. q. 4. ar. 5. ad 4. secundum quod non est communis omnibus membris Ecclesiæ, ut est fides informis theologica. Et tamen, sicut præter gratiam fidei, qua excellenter penetrantur mysteria revelata, necessaria est gratia sermonis ad fidei instructionem: ita etiam necessaria est operatio miraculorum ad fidei confirmationem.

*Sciendum V.* Quod vera miracula non possunt fieri, nisi virtute divina. Operatur enim ea Deus ad hominum utilitatem, & hoc dupliciter. Uno quidem modo ad veritatis prædicatæ confirmationem. Alio modo ad demonstrationem sanctitatis aliqujus, quam Deus hominibus vult proponere in exemplum virtutis. Primo autem modo miracula possunt fieri per quemcumque, qui veram fidem prædicat, & nomen Christi invocat, quod etiam interdum per malos fit. Et secundum hunc modum etiam mali possunt miracula facere, ut dicit Hieron. in Matth. 7. Secundo autem modo non fiunt miracula, nisi a Sanctis, ad quorum sanctitatem enunciandam miracula fiunt, vel in vita eorum, vel etiam post mortem, sive per eos, sive per alios. Et sic etiam nihil prohibet per aliquem peccatorem miracula fieri ad invocationem aliqujus Sancti, quæ tamen miracula non dicitur facere ille, qui invocat, sed ille, ad cujus sanctitatem enunciandam, hæc fiunt.





# TRACTATUS SECUNDUS.

*De differentia actuum humanorum secundum distinctionem vite activæ, & contemplativæ.*

**C**onsequenter considerandum est de differentia actuum humanorum, secundum distinctionem vite activæ, & contemplativæ, ubi quadruplex consideratio occurrit. Quarum igitur prima est de divisione vite per activam, & contemplativam. Secunda de vita contemplativa. Tertia de vita activa. Quarta de comparatione vite activæ ad contemplativam. Sit igitur

## CAPUT PRIMUM.

*De divisione vite per activam, & contemplativam. 2. 2. quæst. 179.*

**S**icut Gregor. dicit hom. 14. super Ezech. *Due sunt vite, in quibus nos Deus omnipotens per sacrum eloquium erudit, activa videlicet, & contemplativa. Ad cujus evidentiam*

*Sciendum 1. Quod illa proprie dicuntur viventia, quæ se ipsis moventur, seu operantur. Illud autem maxime convenit alicui per se ipsum, quod est proprium ei, & ad quod maxime inclinatur: & ideo unumquodque vivens ostenditur vivere ex operatione sibi maxime propria, ad quam maxime inclinatur. Sicut plantarum vita dicitur in hoc consistere, quod nutriuntur, & generant: animalium vero in hoc, quod sentiunt, & moventur: hominum vero in hoc, quod intelligunt, & secundum rationem agunt. Unde etiam & in hominibus vita uniuscujusque hominis videtur esse id, in quo maxime delectatur, & cui maxime intendit, & in quo precipue vult convivere amico, ut dicitur in 9. Ethic. c. 4. Quia ergo quidam homines precipue intendunt contemplationi veritatis, quidam vero intendunt principaliter exterioribus actionibus, inde est, quod vi-*

*P. Jossetti Theol. Tom. V.*

*ta hominis convenienter dividitur per activam, & contemplativam.*

*Sciendum II. Quod divisio ista datur de vita humana, quæ quidem attenditur secundum intellectum. Intellectus autem dividitur per activum, & contemplativum, quia finis intellectivæ cognitionis vel est ipsa cognitio veritatis, quod pertinet ad intellectum contemplativum, vel est aliqua exterior actio, quod pertinet ad intellectum practicum, sive activum; & ideo vita etiam sufficienter dividitur per activam, & contemplativam. Vita autem voluptuosa ponit finem in delectatione corporali, quæ communis est hominibus, & brutis; unde sicut Philos. dicit in 1. Ethic. c. 5. Est vita bestialis. Propter quod non comprehenditur sub præsentī divisione, prout vita humana dividitur in activam, & contemplativam.*

*Sciendum III. Quod media consuevit ex extremis: & ideo virtute continentur in eis; sicut tepidum in calido, & frigido, & pallidum in albo, & nigro. Et similiter sub activo, & contemplativo comprehenditur id, quod est ex utroque compositum. Et tamen, sicut in quolibet mixto prædominatur aliquid simplicium, ita etiam in medio genere vite superabundat quandoque quidem contemplativum, quandoque vero activum. Inde est, quod omnia studia humanarum actionum, si ordinentur ad necessitatem præsentis vite secundum rationem rectam, pertinent ad vitam activam, quæ per ordinatas actiones consulit necessitati vite præsentis. Si autem deserviant concupiscentiæ cuicumque, pertinent ad vitam voluptuosam, quæ non continetur sub vita activa. Humana vero studia, quæ ordinantur ad considerationem veritatis, pertinent ad vitam contemplativam.*

*Sciendum IV. Quod istæ duæ vite propriæ hominis, ut homo est, significantur per duas uxores Jacob: Activa quidem per Liam, Contemplativa vero per Rachelem. Et per duas mulieres, quæ Dominum hospitio receperunt, Contemplativa quidem per Mariam, Activa vero per Martham, ut Gregor. dicit in 6. Moral. c. 28. Non autem esset hæc congrua significatio, si essent plures vite humanæ: ut præsentī sæculo, quam duæ. Constat enim ex dictis,*

**B**

quod

quod non est possibile dare aliam vitam extra istas: loquendo semper de statu præsentis vitæ, & de vivendo secundum rectam rationem, quæ semper tendit, vel ad succurrendum necessitati, vel ad vacandum contemplandæ veritati.

## CAPUT II.

*In quo consistat vita Contemplativa.*

2. 2. quæst. 180.

**D**Einde considerandum est de vita contemplativa. Et primo, in quo consistat. Secundo ad quæ consideranda se extendat. Tertio de motibus contemplationis. Quarto, utrum sit delectabilis, & diuturna. Circa primum igitur in præfenti

*Sciendum* 1. Quod, sicut dictum est in cap. ant. vita contemplativa illorum esse dicitur, qui principaliter intendunt contemplationi veritatis. Intentio autem est actus voluntatis, quia intentio est de fine, qui est voluntatis objectum: & ideo vita contemplativa quantum ad ipsam essentiali actionis pertinet ad intellectum. Quantum autem ad id, quod movet ad exercendam talem operationem, pertinet ad voluntatem, quæ movet omnes alias potentias, & etiam intellectum ad suum actum, ut in 1. parte, tract. 1. dictum est. Movet autem potentia appetitiva ad aliquid inspicendum, vel sensibiliter, vel intelligibiliter, quandoque quidem propter amorem rei visæ: quia dicitur Matth. 6. *Ubi est thesaurus tuus, ibi est et cor tuum*; quandoque autem propter amorem ipsius cognitionis, quam quis ex inspectione consequitur. Et propter hoc Greg. hom. 14. in Ezech. constituit vitam contemplativam in charitate Dei, in quantum scilicet aliquis ex dilectione Dei inardescit ad ejus pulchritudinem contemplandam. Et, quia unusquisque delectatur, cum adeptus fuerit id, quod amat, ideo vita contemplativa terminatur ad delectationem, quæ est in affectu, ex qua etiam amor intenditur.

*Sciendum* 11. Quod ad vitam contemplativam potest aliquid pertinere dupliciter. Uno modo essentialiter. Alio modo dispositive. Essentialiter quidem virtutes

morales non pertinent ad vitam contemplativam: quia finis contemplativæ vitæ est consideratio veritatis. Ad virtutes autem morales scire quidem, quod pertinet ad considerationem veritatis, parvam potestatem habet, ut Philos. dicit in 2. Eth. cap. 2. Unde & ipse in 10. Eth. cap. 7. virtutes morales dicit pertinere ad felicitatem activam, non autem ad contemplativam. Dispositive autem virtutes morales pertinent ad vitam contemplativam, impeditur enim actus contemplationis, in quo essentialiter consistit vita contemplativa, & per vehementiam passionum, per quam abstrahitur intentio animæ ab intelligibilibus ad sensibilia, & per tumultus exteriores. Virtutes autem morales impediunt vehementiam passionum, & sedant exteriorum occupationum tumultus: & ideo virtutes morales dispositive ad vitam contemplativam pertinent. Ad cujus evidentiam

*Sciendum* 111. Quod ad Dei contemplationem, ad quam præcipue ordinatur vita contemplativa, nullus potest pervenire, nisi per munditiam cordis, secundum illud Matth. 5. *Beati mundo corde, quoniam ipsi Deum videbunt*. Et per pacem, & sanctimoniam, juxta illud ad Hebr. 12. *Pacem sequimini cum omnibus, & sanctimoniam, sine qua nemo videbit Deum*. Munditia autem, & sanctimonia causatur ex virtutibus, quæ sunt circa passiones impediens puritatem rationis. Pax autem causatur ex iustitia, quæ est circa operationes, secundum illud Isa. 32. *Opus iustitiæ pax*; in quantum scilicet ille, qui ab injuriis aliorum abstinet, subtrahit litigiorum, & tumultuum occasiones: & sic virtutes morales disponunt ad vitam contemplativam, in quantum causant pacem, & munditiam, seu sanctimoniam. Duæ ergo dispositiones ad vitam contemplativam requiruntur ex parte affectus, unde contemplatio habet causam motivam, sicut dictum est. Una proxima, & directa, quæ movet animam per servens desiderium videndi Deum: & hæc consistit in excellenti dilectione Dei, & proximi. Alia remota, & indirecta, quæ removel prohibens: & hæc consistit in virtutibus moralibus, sicut constat ex dictis.

*Sciendum* IV. Quod de vita contemplativa

riva nunc loquimur, secundum quod ad hominem pertinet. Hæc autem differentia est inter hominem, & Angelum, ut patet per Dionys. 7. c. de div. nom. quod Angelus simplici apprehensione Deum intuetur. Homo autem quodam processu ex multis pertingit ad intuitum simplicis veritatis. Sic ergo contemplativa vita unum quidem actum habet, in quo finaliter perficitur, scilicet contemplationem veritatis, a quo habet unitatem. Habet autem multos actus, quibus pervenit ad hunc actum finalem, quorum quidam pertinent ad acceptionem principiorum, ex quibus procedit ad contemplationem veritatis: alii autem pertinent ad deductionem principiorum in veritatem ejus, cujus cognitio inquiritur. Ultimus autem completivus actus est ipsa contemplatio veritatis.

*Sciendum v.* Quod homo ad cognitionem veritatis pertingit dupliciter. Uno modo per ea, quæ ab alio accipit, & sic quidem quantum ad ea, quæ homo a Deo accipit, necessaria est oratio, secundum illud Sap. 7. *Invocavi, & venit in me spiritus Sapientia*. Quantum vero ad ea, quæ accipit ab homine, necessarius est auditus, secundum quod accipit ex voce loquentis; & lectio, secundum quod accipit ex eo, quod per scripturam est traditum. Alio modo necessarium est, quod adhibeat proprium studium, & sic requiritur meditatio, quæ pertinere videtur ad processum rationis ex principiis aliquibus pertingentibus ad veritatis alicujus contemplationem, & ad idem pertinet consideratio, cogitatio, & speculatio secundum tamen diversos respectus. Unde

*Sciendum vi.* Quod sicut Rich. de S. Victor dicit in lib. de Contempl. cap. 3. *Contemplatio est perspicax, & liber concitatus animi in res perspicendas. Meditatio autem est intuitus animi in veritatis inquisitione occupatus. Cogitatio autem est animi respectus ad evagationem pronus*; videtur enim pertingere ad multorum inspectionem, ex quibus aliquis colligere intendit unam simplicem veritatem. Speculatio autem, ut August. dicit in 15. de Trin. cap. 8. dicitur a speculo. Videre autem aliquid per speculum, est videre causam per effectum, in quo ejus similitudo relucet: unde speculatio ad meditationem

reduci videtur, sicut & cogitatio; consideratio vero omnis operatio intellectus dicitur, secundum Philos. in 3. de Anima, quamvis secundum Bernardum in lib. 5. de consid. sumatur pro meditatione. Denique admiratio est species timoris consequens apprehensionem alicujus rei excedentis nostram facultatem. Unde est actus consequens contemplationem sublimis veritatis. Dictum est enim, quod contemplatio in affectu terminatur, sicut in affectu habet principium.

## CAPUT III.

*Utrum vita contemplativa solum consistat in contemplatione Dei. 2. 2. quæst. 180. art. 4. & art. 5.*

**D**Einde considerandum est de his, ad quæ se extendit actus contemplationis, in quo consistit vita contemplativa. Circa quod

*Sciendum i.* Quod, sicut supra dictum est, ad vitam contemplativam pertinet aliquid dupliciter. Uno modo principaliter. Alio modo secundario, vel dispositive. Principaliter quidem ad vitam contemplativam pertinet contemplatio divinæ veritatis: quia hujusmodi contemplatio est finis totius humanæ vitæ. Unde August. dicit in 1. de Trinit. cap. 8. *Contemplatio Dei promittitur nobis, ut actionum omnium finis, atque eterna perfectio gaudiorum*; quæ quidem in æterna vita erit perfecta, quando videbimus Deum facie ad faciem: unde & perfecte beatos faciet. Nunc autem contemplatio divinæ veritatis competit nobis imperfecte, videlicet per speculum, & in ænigmate: unde per eam fit nobis quædam inchoatio beatitudinis, quæ hic incipit, ut in futuro continuetur. Unde & Philos. in 10. Ethic. cap. 6. in contemplatione optimi intelligibilis ponit ultimam felicitatem hominis.

*Sciendum ii.* Quod, quia per divinos effectus in Dei contemplationem manuducimur, secundum illud ad Rom. 1. *Invisibilia Dei per ea, quæ facta sunt, intellecta conspiciuntur*; inde est, quod etiam contemplatio divinarum effectuum secundario ad vitam contemplativam pertinet, prout scilicet ex hoc manuducitur homo

in Dei cognitionem. Unde August. dicit in lib. de vera religione cap. 19. *In creaturarum cognitione non vana, & peritura curiositas est exercenda, sed gradus ad immortalia, & semper manentia faciendus*. Sic ergo ex præmissis patet, quod ordine quodam ad vitam contemplativam pertinent. Primo quidem virtutes morales. Secundo autem alii actus præter contemplationem. Tercio vero contemplatio divinorum effectuum. Quartum vero completivum est ipsa contemplatio divinæ veritatis.

*Sciendum* 111. Quod Richardus de S. Victore in lib. 1. de contempl. cap. 6. sex gradus designat, quibus per creaturas in Dei contemplationem ascenditur. Nam in primo gradu ponitur perceptio ipsorum sensibilium. In secundo vero gradu ponitur progressus a sensibilibus ad intelligibilia. In tertio vero gradu ponitur adjudicatio sensibilium secundum intelligibilia. In quarto vero gradu ponitur absoluta consideratio intelligibilem, in quæ per sensibilia pervenitur. In quinto vero gradu ponitur contemplatio intelligibilem, quæ per sensibilia inveniri non possunt: sed per rationem capi possunt. In sexto gradu ponitur consideratio intelligibilem, quæ ratio nec invenire, nec capere potest, quæ scilicet pertinent ad sublimem contemplationem divinæ veritatis, in qua finaliter contemplatio perficitur. Ultima enim perfectio humani intellectus est veritas divina: aliæ autem veritates perficiunt intellectum in ordine ad veritatem divinam.

*Sciendum* 1v. Quod, sicut August. dicit 12. super Gen. ad liter. cap. 17. *Nemo videns Deum vivit ista vita, qua mortaliter vivitur in istis sensibus corporis. Sed nisi ab hac vita quisque quodammodo moriatur, sive omnino exiens de corpore, sive alienatus a carnalibus sensibus, in illam non subvehitur visionem*. Sic ergo dicendum, quod in hac vita potest esse aliquid dupliciter. Uno modo secundum actum, in quantum scilicet actualiter utitur sensibus corporis. Et sic nullo modo contemplatio præsentis vitæ potest pertinere ad videndam Dei essentiam. Alio modo potest esse aliquis in hac vita potentialiter, & non secundum actum, in quantum scilicet anima ejus est corpori mortali con-

juncta, ut forma, ita tamen, ut non utatur corporis sensibus, aut etiam imaginatione, sicut accidit in raptu: & sic potest contemplatio hujus vitæ pertinere ad visionem divinæ essentiae. Unde supremus gradus contemplationis præsentis vitæ est, qualem habuit Paulus in raptu, secundum quem fuit medio modo se habens inter statum præsentis vitæ, & futuræ.

*Sciendum* v. Quod contemplatio humana secundum statum præsentis vitæ non potest esse absque phantasmatibus; quia connaturale est homini, ut species intelligibiles in phantasmatibus videantur, sicut Philosoph. dicit in 3. de Anima, tex. 30. Sed tamen intellectualis cognitio non consistit in ipsis phantasmatibus, sed in eis contemplatur puritatem intelligibilis veritatis: & hoc non solum in cognitione naturali, sed etiam in eis, quæ per revelationem cognoscimus. Dicit enim Dionys. 2. c. cœlest. hier. *Angelorum hierarchias manifestat nobis divina claritas in quibusdam symbolis figuratis, ex quibus virtute resituiuntur in simplicem radium*; id est in simplicem cognitionem intelligibilis veritatis. Et sic intelligendum est, quod Gregor. dicit in 6. Moral. cap. 27. *quod contemplantes corporalium rerum umbras non secum trahunt*; quia videlicet in eis non sitit eorum contemplatio, sed potius in consideratione intelligibilis veritatis.

#### C A P U T I V.

*Utrum operatio contemplationis convenienter distinguatur per tres motus, Circularem, rectum, & obliquum*. S. Thom. 2. 2. quæst. 180. art. 6.

**D**Einde considerandum est, utrum operatio contemplationis convenienter distinguatur per tres motus, circularem, rectum, & obliquum, per Dionys. 4. c. de div. nom. Circa quod

*Sciendum* 1. Quod operatio intellectus, in qua contemplatio essentialiter consistit, motus dicitur, secundum quod motus est actus perfectus, ut Philosoph. dicit in 3. de Anima, tex. 38. Quia vero per sensibilia in cognitionem intelligibilem devenimus, operationes autem sensibiles sine motu non sunt, inde est, quod etiam operationes intelli-

intelligibiles quasi motus quidam describuntur, & secundum similitudinem diversorum motuum eorum differentia assignatur. In motibus autem corporalibus perfectiores, & primi sunt locales, ut probatur in 8. Phyl. tex. 55. Et ideo sub eorum similitudine potissimæ operationes intelligibiles describuntur. Quorum quidem sunt tres differentię. Nam quidam est circularis, secundum quem aliquid movetur uniformiter circa idem centrum. Alius autem est rectus, secundum quem aliquid procedit ab uno in aliud. Tertius autem est obliquus, quasi compositus ex utroque: & ideo in operationibus intelligibilibus id, quod simpliciter habet uniformitatem, attribuitur motui circulari. Operatio autem intelligibilis, secundum quam proceditur de uno in aliud, attribuitur motui recto. Operatio autem intelligibilis habens aliquid uniformitatis, simul cum processu ad diversa, attribuitur motui obliquo.

*Sciendum* II. Quod motus corporales exteriores opponuntur quieti contemplationis, quæ intelligitur esse per cessationem ab exterioribus occupationibus. Unde Gregor. dicit hom. 14. super Ezech. *Ad vitam contemplativam pertinet ab exteriori actione quiescere*. Et de Maria, per quam vita contemplativa significatur, dicitur Luc. 10. quod *sedens secus pedes Domini audiebat verbum illius*. Sed motus intelligibilium operationum ad ipsam quietem contemplationis pertinent. Unde Gregor. in eadem hom. circa med. dicit, loquens de vita contemplativa, quod, *Calcatis curis omnibus, ad videndam faciem sui Creatoris animus inardescit*. Et David dicit in Psalm. 54. *Quis mihi dabit pennas Columbae? Et volabo, Et requiescam*. Operationes ergo contemplativæ vitæ convenienter per motus, & volatus designantur.

*Sciendum* III. Quod Richar. de S. Viatore in lib. de Contempl. cap. 15. ponit multas differentias motuum contemplationis ad similitudinem volatiliū cœli, quæ tamen reducuntur ad tres motus a Dionys. designatos. Nam illæ diversitates motuum, quæ accipiuntur secundum differentiam ejus, quod est sursum, & deorsum; dextrorsum, & sinistrorsum; ante;

P. Saffetti Theol. Tom. V.

& retro: & secundum diversos circuitus, omnes continentur sub motu recto, vel obliquo: nam per omnes designantur discursus rationis. Quod quidem, si sit a genere ad speciem, vel a toto ad partem, erit, ut ipse exponit, secundum sursum, & deorsum: si vero sit ab uno oppositorum in aliud, erit secundum dextrorsum, & sinistrorsum. Si vero sit a causis in effectus: erit ante, & retro. Si vero sit secundum accidentia, quæ circumstant rem propinquam, vel remotam, erit circuitus. Discursus autem rationis, quando est a sensibilibus ad intelligibilia secundum ordinem naturalis rationis, pertinet ad motum rectum. Quando autem est secundum illuminationes divinas, pertinet ad motum obliquum, ut ex dictis patet. Sola autem immobilitas, quam ponit, pertinet ad motum circularem. Unde patet, quod Dionysius multo sufficientius, & subtilius motum contemplationis describit.

*Sciendum* IV. Quod homo convenit in intellectu cum Angelis in genere, sed vis intellectiva est multo altior in Angelo, quam in homine: & ideo alio modo oportet, hos motus in hominibus, & in Angelis assignare, secundum quod diversimode se habent ad uniformitatem. Intellectus enim Angeli habet cognitionem uniformem secundum duo. Primo quidem, quia non acquirit intelligibilem veritatem ex varietate rerum compositarum. Secundo, quia non intelligit veritatem intelligibilem discursive, sed simplici intuitu. Intellectus vero Animæ a sensibilibus rebus accipit intelligibilem veritatem, & cum quodam discursu rationis ipsam eam intelligit. Et ideo Dionys. 4. c. de div. nom. motum circularem in Angelis assignat, in quantum uniformiter, & indefinenter absque principio, & fine inveniunt Deum: sicut motus circularis carens principio, & fine, uniformiter est circa idem centrum. In anima vero antequam ad istam uniformitatem perveniat, exigitur, quod duplex ejus deformitas amoveatur. Unde

*Sciendum* V. Quod primo debet ab anima amoveri illa deformitas, quæ est ex diversitate exteriorum rerum, prout scilicet relinquit exteriora: & hoc est, quod

B 3 pri-



primo Dionys. ponit in motu circulari animæ, *Introitus ipſus ab exterioribus ad ſeipſam*. Secundo autem oportet, quod removeatur ſecunda diſformitas, quæ eſt per diſcurſum rationis. Et hoc idem contingit, ſecundum quod omnes operationes animæ reducuntur ad ſimplicem contemplationem intelligibilis veritatis. Et hoc eſt, quod ſecundo dicit, quod *neceſſaria eſt uniformis convolutio intellectualium virtutum ipſus*, ut ſcilicet ceſſante diſcurſu figuratur ejus intuitus in contemplatione unius ſimplicis veritatis. Et in hac operatione animæ non eſt error: ſicut patet, quod circa intellectum primorum principiorum non erratur, quæ ſimplici intuitu cognoviſcimus. Et tunc, iſtis duobus præmiſſis, tertio ponitur uniformitas conformis Angelis, ſecundum quod, præmiſſis omnibus, in ſola Dei contemplatione perſiſtit. Et hoc eſt, quod dicit: *Deinde ſic uniformis ſcilia unite* (ideſt conformiter) *unitis virtutibus, ad pulchrum, & bonum manducitur*.

*Sciendum VI.* Quod motus rectus in Angelis accipi non poteſt ſecundum id, quod in conſiderando procedat ab uno in aliud, ſed ſolum ſecundum ordinem ſuæ providentiæ, ſecundum ſcilicet, quod Angelus ſuperior inferiores illuminat per medios. Et hoc eſt, quod dicit, quod *In directum moventur angeli, quando procedunt ad ſubjeſtorum providentiam recta omnia tranſeuntes*; ideſt, ſecundum ea, quæ ſecundum rectum ordinem diſponuntur. Sed rectum motum ponit in anima ſecundum hoc, quod ab exterioribus ſenſibilibus procedit ad intelligibilium cognitionem. Obliquum autem motum ponit in Angelo compoſitum ex recto, & circulari, in quantum ſecundum contemplationem Dei inferioribus providet. In anima autem ponit motum obliquum ſimiliter ex recto, & circulari compoſitum, prout ſcilicet illuminationibus divinis ratiocinando utitur.

## CAPUT V.

*Utrum Contemplatio delectationem habeat, & diſturbanat.* 2.2. q.180. a.7.

**D**Einde conſiderandum eſt de his, quæ contemplationem conſequuntur, ut

ſunt delectatio, & diſturbanat. Circa quod

*Sciendum I.* Quod de contemplatione Sapientiæ dicitur Sap.8. *Non habet amaritudinem converſatio illius, nec tedium conviſſus ejus: ſed letitiam, & gaudium*. Et Greg. dicit hom.14. ſuper Ezech. *Contemplativa vita amabilis valde dulcedo eſt*. Ad cujus evidentiam conſiderandum eſt, quod aliqua contemplatio poteſt eſſe delectabilis dupliciter. Uno modo ratione iſius operationis: quia unicuique delectabilis eſt operatio ſibi conveniens ſecundum propriam naturam, vel habitum. Contemplatio autem veritatis competit homini ſecundum ſuam naturam, prout eſt animal rationale: ex quo contingit, quod omnes naturæ ſcire deſiderant: & per conſequens in cognitione veritatis delectantur. Et adhuc magis fit hoc delectabile habenti habitum Sapientiæ, & Scientiæ, ex quo accidit, quod ſine difficultate aliquis contemplatur.

*Sciendum II.* Quod alio modo contemplatio redditur delectabilis ex parte objecti, in quantum ſcilicet aliquis rem amatam contemplatur. Sicut etiam accidit in viſione corporali, quæ delectabilis redditur, non ſolum ex eo, quod ipſum videre eſt delectabile, ſed etiam ex eo, quod videt quis perſonam amatam. Quia ergo vita contemplativa præcipue conſiſtit in contemplatione Dei, ad quam movet charitas, ut dictum eſt, inde eſt, quod in vita contemplativa non ſolum eſt delectatio ratione iſius contemplationis, ſed etiam ratione iſius divini amoris. Et quantum ad utrumque ejus delectatio omnem delectationem humanam excedit. Nam & delectatio ſpiritualis potior eſt, quam carnalis, ut dictum eſt in prima parte, cum de paſſionibus ageretur; & ipſe amor, quo ex charitate Deus diligitur, omnem amorem excedit. Unde & in Plal.23. dicitur: *Guſtate, & videte, quoniam ſuavis eſt Dominus*.

*Sciendum III.* Quod contentio, vel certamen, quod provenit ex contrarietate exterioris rei, impedit illius rei delectationem. Non enim aliquis delectatur in re, contra quam pugnat, ſed in re, pro qua quis pugnat, cum eam homo adeptus fuerit, cæteris paribus, magis in ea delectatur. Sicut Aug. dicit in 8. Confeſs. c. 3. *quod quanto fueris majus periculum in prælio,*

*ho, tanto majus est gaudium in triumpho. Non est autem in contemplatione contentio, & certamen ex contrarietate veritatis, quam contemplamur, sed ex defectu nostri intellectus, & ex corruptibili corpore, quod nos ad inferiora retrahit, secundum illud Sap. 9. Corpus, quod corrumpitur, aggravat animam: & deprimit terrena inhabitatio sensum multa cogitantem. Et inde est, quod quando homo pertingit ad contemplationem veritatis, ardentius eam amat: sed magis odit proprium defectum, & gravitatem corruptibilis corporis, ut dicat cum Apostolo: Infelix ego homo, quis me liberabit de corpore mortis hujus? Unde & Greg. dicit hom. 11. super Ezech. Cum Deus jam per desiderium, & intellectum cognoscitur, omnem in nobis voluptatem carnis arefacit.*

*Sciendum 1v. Quod contemplatio Dei in hac vita imperfecta est, respectu contemplationis patrie, & similiter delectatio contemplationis viæ est imperfecta, respectu delectationis contemplationis patrie, de qua dicitur in Psal. 35. Torrente voluptatis tue potabis eos. Sed contemplatio divinarum, quæ habetur in viâ, etsi sit imperfecta, tamen est delectabilior omni alia contemplatione, quantumcumque perfecta, propter excellentiam rei contemplatæ. Unde Philos. dicit in 1. de part. animal. cap. 5. Accidit circa illas honorabiles existentes, & divinas substantias, minores nobis existere theorias: sed, etsi secundum modicum attingamus eas, tamen propter honorabilitatem cognoscendi delectabilius aliquid habent, quam quæ apud nos omnia. Et hoc est etiam, quod Greg. dicit hom. 14. in Ezech. Contemplativa vita amabilis valde dulcedo est, quæ super semetipsam animam rapit, cælestia aperit, spiritualia mentis oculis patefacit.*

*Sciendum v. Quod aliquid potest dici diuturnum dupliciter. Uno modo secundum suam naturam. Alio modo quoad nos. Secundum se quidem manifestum est, quod vita contemplativa diuturna est dupliciter. Uno modo eo, quod versatur circa incorruptibilia, & immobilia. Alio modo, quia non habet contrarietatem. Delectationi enim, quæ est in considerando, nihil est contrarium, ut dicitur in 1. Topic. c. 13. Unde Dominus dicit Luc. 10. Maria opti-*

*nam partem elegit, quæ non auferetur ab ea; quia, ut Greg. dicit hom. 14. super Ezech. Contemplatio hic incipit, ut in cælesti patria perficiatur. Sed quoad nos etiam vita contemplativa diuturna est, tum quia competit nobis secundum actionem incorruptibilis partis animæ, scilicet secundum intellectum: unde potest post hanc vitam durare: tum etiam, quia in operibus contemplativæ corporaliter non laboramus, unde magis in hujusmodi operibus continue peristere possumus, sicut Philos. dicit in 10. Ethic. c. 7. Notandum tamen, quod nulla actio potest diu durare in sui summo. Summum autem contemplationis est, ut attingat ad uniformitatem divinæ contemplationis, ut dicit Dionys. 3. cap. cælest. hier. Unde etsi quantum ad hoc contemplatio diu durare non possit, tamen quantum ad alios contemplationis actus potest diu durare.*

## CAPUT VI.

*De pertinentibus ad vitam activam.*  
2.2. quæst. 181.

**D**Einde considerandum est de vita activa, & de his, quæ ad ipsam pertinent. Circa quod:

*Sciendum 1. Quod, sicut supra dictum est, vita activa, & contemplativa distinguuntur secundum diversa studia hominum intendendum ad diversos fines, quorum unum est consideratio veritatis, quæ est finis vitæ contemplativæ: aliud autem est exterior operatio, ad quam ordinatur vita activa. Manifestum est autem, quod in virtutibus moralibus non principaliter quæritur contemplatio veritatis, sed ordinatur ad operandum. Unde Philos. dicit in 2. Ethic. c. 1. Ad virtutes quidem scire parum, aut nihil prodest. Unde manifestum est, quod virtutes morales pertinent essentialiter ad vitam activam. Unde & Philos. in 10. Ethic. c. 7. virtutes morales ordinat ad felicitatem activam.*

*Sciendum 11. Quod, sicut virtus, quæ ordinatur in finem alterius virtutis, transit quodammodo in speciem ejus; ita etiam quando aliquis utitur his, quæ sunt vitæ activæ, solum, prout disponunt ad contemplationem, comprehenduntur sub*

B. 4. vita.

vita contemplativa. In his autem, qui operibus virtutum moralium intendunt, tamquam secundum se bonis, non autem tamquam disponentibus ad vitam contemplativam, virtutes morales pertinent ad vitam activam. Quamvis etiam dici possit, quod vita activa dispositio sit ad vitam contemplativam. Unde Isidor. dicit in lib. 3. de Summo bono, c. 15. *In vita activa prius per exercitium boni operis cuncta exhaurienda sunt vitia, ut in contemplativa jam pura mentis acie ad contemplandum divinum lumen quisque pertransit.*

*Sciendum III.* Quod cognitio prudentiæ ordinatur ad operationes virtutum moralium, sicut ad finem. Est enim recta ratio agibilium, sicut dicitur in 6. Eth. c. 4. Unde & fines virtutum moralium sunt principia prudentiæ, sicut ibidem Philof. dicit. Sicut ergo dictum est, quod virtutes morales in eo, qui ordinat eas ad quietem contemplationis, pertinent ad vitam contemplativam: ita cognitio prudentiæ, quæ de se ordinatur ad operationes virtutum moralium, directe pertinet ad vitam activam, si tamen prudentia proprie sumatur, secundum quod Philof. de ea loquitur 10. Eth. Si autem sumatur communius, prout scilicet comprehendit qualemcumque humanam cognitionem, sic prudentia quantum ad aliquam partem pertinet ad vitam contemplativam, secundum quod Tullius dicit in 1. de offic. c. 4. quod *Qui acutissime, & celeriter potest & videre verum, & explicare rationem, is prudentissimus, & sapientissimus rite haberi solet.*

*Sciendum IV.* Quod actus doctrinæ habet duplex objectum. Fit enim doctrina per locutionem, locutio autem est signum audibile interioris conceptus. Est ergo unum objectum doctrinæ id, quod est materia, sive objectum interioris conceptionis: & quantum ad hoc objectum quandoque doctrina pertinet ad vitam activam, quandoque ad contemplativam. Ad activam quidem, quando homo interius concipit aliquam veritatem, ut per eam in exteriori actione dirigatur. Ad contemplativam autem, quando homo interius concipit aliquam veritatem inrelligibilem, in cuius consideratione, & amore delectatur. Aliud vero objectum doctrinæ est, ex par-

te sermonis audibilis, & sic objectum doctrinæ est ipse audiens: & quantum ad hoc objectum omnis doctrina pertinet ad vitam activam, ad quam pertinent actiones exteriores. Et secundum hoc Greg. dicit ho. 14. in Ezech. *Activa vita est, panem esurienti tribuere, verbo sapientia ne scientem docere.*

*Sciendum V.* Quod, sicut dictum est, vita activa habet finem in exterioribus actibus, qui si referantur ad quietem contemplationis, jam pertinent ad vitam contemplativam. In futura autem vita beatorum cessabit occupatio exteriorum actuum: & si qui actus exteriores sunt, referantur ad finem contemplationis. Ut enim Ang. dicit in 22. de Civit. Dei, c. ult. *Ibi vocabimur, & videbimus: videbimus, & amabimus: amabimus, & laudabimus.* Et in eodem libro præmittit. *Ibi Deus sine fine videbitur, sine fastidio amabitur, sine fatigatione laudabitur.* Hoc munus, hic affectus, hic actus erit omnibus. Virtutes ergo morales manebunt in futura vita, non secundum actus, quos habent circa ea, quæ sunt ad finem, sed secundum actus, quos habent circa finem. Huiusmodi autem actus sunt, secundum quod continent quietem contemplationis, quam Aug. in præmissis verbis significat per vacationem, quæ est intelligenda non solum ab exterioribus tumultibus, sed etiam ab interiori perturbatione passionum. Unde concludit Greg. ho. 14. in Ezech. *Cum præfenti sæculo vita aufertur activa: contemplativa autem hic incipitur, ut in celesti patria perficiatur.*

*Sciendum VI.* Quod, sicut Greg. dicit ho. 5. in Ezech. *In vita activa fixi permanere possumus: in contemplatione autem intenta mente manere nullo valeamus.* Durabilitas autem hæc vitæ activæ instantu præfenti excedens durabilitatem vitæ contemplativæ non provenit ex proprietate utriusque vitæ secundum se considerata, sed ex defectu nostri, qui ex corporis gravitate retrahimur ab altitudine contemplationis. Unde ibidem subdit Greg. quod *Ipsa sua infirmitate tamæ celsitudinis repulsus animus in semetipso relabitur.* Et ideo vita activa secundum se non est duratura, sicut nec infirmitas natura, quæ cessabit cum ap-



paruerit gloria, & mortale hoc induet immortalitatem.

## CAPUT VII.

De comparatione vitæ activæ ad contemplativam. 2. 2. quæst. 182.

**D**enique considerandum est de comparatione vitæ activæ ad contemplativam. Circa quod

*Sciendum* 1. Quod nihil prohibet, aliquid secundum se esse excellentius, quod tamen secundum quid ab alio superatur. Dicendum est ergo, quod vita contemplativa simpliciter melior est, quam activa. Quod Philosophus in 10. Eth. c. 7. probat octo rationibus, quarum prima est, quia vita contemplativa convenit homini secundum illud, quod est optimum in ipso, scilicet secundum intellectum, & respectu proprium objectorum, scilicet intelligibilium, vita autem activa occupatur circa exteriora. Secunda, quia vita contemplativa potest esse magis continua, licet non quantum ad summum contemplationis gradum. Tertia, quia major est delectatio vitæ contemplativæ, quam activæ. Quarta, quia in vita contemplativa homo est magis sibi sufficiens, quia paucioribus ad eam indiget. Quinta, quia vita contemplativa magis propter se diligitur. Sexta, quia consistit in quadam vacatione, & quiete. Septima, quia est secundum divinam. Octava, quia in operatione ejus non communicant inferiores vires. Unde Dominus Luc. 10. dicit. *Optimam partem elegit Maria, quæ non auferetur ab ea.* Secundum quid tamen, & in casu est magis eligenda vita activa propter necessitatem præsentis vitæ. Sicut etiam Philosophus dicit in 3. Topic. c. 1. *Philosophari est melius, quam ditari, sed ditari inclius est necessitatem patienti.*

*Sciendum* 11. Quod ad opera vitæ activæ interdum aliquis a contemplatione advocatur propter aliquam necessitatem præsentis vitæ, non tamen hoc modo, quod cogatur aliquis totaliter contemplationem derelinquere. Unde Augustinus dicit 19. de Civit. Dei, c. 19. *Optimum sanctum queris charitas veritatis: negotium iustum (scilicet vitæ activæ) suscepit necessitas charitatis.*

*Quam sarcinam, si nullus imponit, percipiende, atque intuende vacandum est veritati. Si autem imponitur, suscipienda est propter charitatis necessitatem: sed nec sic omnino veritatis delectatio deferenda est, ne subtrahatur illa suavitas, & opprimatur ista necessitas. Et sic patet, quod cum aliquis a contemplativa vita ad activam vocatur, non hoc fit per modum subtractionis, sed per modum additionis. Unde de prælati dicit Greg. in Pastoralis, par. 1. c. 1. *Sit Præsul actione præcipuus, præcun-ctis in contemplatione suspensus.**

*Sciendum* 111. Quod radix merendi est charitas. Cum autem charitas consistat in dilectione Dei, & proximi; Deum diligere secundum se est magis meritorium, quam diligere proximum: & ideo illud, quod directius pertinet ad dilectionem Dei, magis est meritorium ex suo genere, quam id, quod directe pertinet ad dilectionem proximi propter Deum. Vita autem contemplativa directe, & immediate pertinet ad dilectionem Dei. Vita autem activa directius ordinatur ad dilectionem proximi. Et ideo ex suo genere contemplativa vita est majoris meriti, quam activa, ut dicit Greg. ho. 3. super Ezech. Potest tamen contingere, quod aliquis in operibus vitæ activæ plus mereatur, quam alius in operibus vitæ contemplativæ; puta, si propter abundantiam divini amoris, ut ejus voluntas impleatur propter ejus gloriam, interdum sustinet a dulcedine divinæ contemplationis ad tempus separari, sicut Apostolus dicebat ad Rom. 9. *Operabam ego ipse anathema esse a Christo pro fratribus meis.*

*Sciendum* 1v. Quod vita activa potest considerari quantum ad duo. Uno modo quantum ad ipsum studium, & exercitium exteriorum actuum, & sic manifestum est, quod vita activa impedit contemplativam, in quantum impossibile est, quod aliquis simul occupetur circa exteriores actiones, & divinæ contemplationi vacet. Alio modo potest considerari vita activa quantum ad hoc, quod interiores animæ passionibus componit, & ordinat: & quantum ad hoc vita activa adjuvat ad contemplationem, quæ impeditur per inordinationem interiorum passionum. Ex hoc ergo exercitium vitæ activæ confert

ad contemplativam, quod quietat interiores passionēs, ex quibus phantasmata proveniunt, per quæ contemplatio impeditur. Unde Greg. dicit in 6. Moral. c. 27. *Qui contemplationis arcem tenere desiderant, prius se in campo per exercitium operis probent.*

*Sciendum v.* Quod aliquid dicitur esse prius dupliciter. Uno modo secundum suam naturam. Et hoc modo vita contemplativa est prior, quam activa, in quantum prioribus, & melioribus utitur: unde & activam vitam movet, & dirigit. Ratio enim superior, quæ contemplationi deputatur, comparatur ad inferiorem, quæ deputatur actioni, sicut vir ad mulierem, quæ est per virum regenda, ut Aug. dicit 12. de Trinit. c. 14. Alio modo est aliquid prius quoad nos, quod scilicet est prius in via generationis, & hoc modo vita activa est prior, quam contemplativa, quia disponit ad contemplativam, ut ex supradictis patet. Dispositio enim in via generationis præcedit formam, quæ simpliciter, & secundum suam naturam est prior. Unde Greg. dicit ho. 3. super Ezech. *Activa vita prior est tempore, quam contemplativa: quia ex bono opere tenditur ad contemplationem.*

*Sciendum vi.* Quod vita contemplativa non ordinatur ad qualemcumque dilectionem Dei, sed ad perfectam: sed vita activa est necessaria ad dilectionem proximi qualemcumque. Unde Greg. dicit in 3. ho. super Ezech. *Sine contemplativa vita intrare possunt ad celestem patriam, qui bona, quæ possunt operari, non negligunt: sine activa autem intrare non possunt, si negligant bona operari, quæ possunt.* Ex quo etiam patet, quod vita activa præcedit contemplativam, sicut id, quod est commune omnium, præcedit in via generationis id, quod est proprium perfectorum. Et ideo etiam a vita activa proceditur ad vitam contemplativam secundum ordinem generationis, a vita autem contemplativa reditur ad vitam activam per viam directionis, ut scilicet vita activa per contemplationem dirigatur: sicut etiam per operationes acquiritur habitus, & per habitum acquiritur perfectius aliquis operatur, ut dicitur in 2. Eth. c. 1. Unde Greg. dicit ho. 14. super Ezech. *Sciendum est, quod, sicut bonus ordo vivendi est, ut ab activa in contemplativam*

*tendatur, ita plerumque utiliter a contemplativa animus ad activam refertur.*

*Sciendum vii.* Quod illi, qui sunt propinxi ad passionēs propter earum impetum ad agendum, sunt simpliciter magis apti ad vitam activam propter spiritus inquietudinem. Unde dicit Greg. in 6. Moral. c. 26. *Nonnulli ita inquieti sunt, ut, si vacationem laboris habuerim, gravius laborent, quia tanto deteriores cordis tumultus tolerant, quanto licentius ad cogitationes vacant.* Quidam vero habent naturaliter animi puritatem, & quietem, per quam ad contemplationem sunt apti, qui, si totaliter actionibus deputentur, detrimentum sustinebunt. Unde Greg. dicit ibid. *Quorundam hominum ita otiose mentes sunt, ut, si eos labor occupationis excipiat, in ipsa operis inebriatione succumbant.* Sed, sicut ipse postea tubdit in c. 27. *Sæpe & pigras mentes amor ad opus excitat, & inquietas in contemplatione timor refrænat.* Unde

*Sciendum viii.* Quod illi, qui sunt magis apti ad activam vitam, possunt per exercitium activæ ad contemplativam præparari: & illi nihilominus, qui sunt magis ad contemplationem apti, possunt exercitia vitæ activæ subire, ut per hoc ad contemplationem paratiores reddantur: discrete tamen, ne & hi occupantibus opprimantur, & illi per excessum quietis vitam animæ extinguant. Unde Greg. dicit in 6. Moral. c. 26. *Sæpe, qui contemplari Deum quiete poterant, occupationibus pressi ceciderunt: & sæpe, qui occupati bene uisibus humanis vivebant, gladio suæ quietis extincti sunt.*

## TRACTATUS TERTIUS.

*De differentia æuum humanorum secundum diversitatem officiorum, & statuum in generali.*

**C**onsequenter considerandum est de diversitate statuum, & officiorum humanorum. Et primo considerandum est de:

de officiis, & statibus hominum in generali. Secundo specialiter de statu perfectiorum. Et circa primum in præsentī tractatu quatuor breviter examinanda occurrunt. Primo, quid faciat in hominibus statum. Secundo, utrum in hominibus debeant esse diverſi ſtatus, ſive diverſa officia. Tercio, de differentia officiorum. Quarto, de differentia ſtatuum. Sit igitur

## CAPUT PRIMUM.

*Quid faciat in hominibus ſtatum.*

S. Thom. 2. 2. qu. 183.

**S**TATUS proprie pertinere videtur ad liberratem, vel ſervitutem ex cauſa permanente, ſeu immobili. Ad cujus evidentiam

*Sciendum 1.* Quod ſtatus proprie loquendo, ſignificat quandam poſitionis differentiam, ſecundum quam aliquid diſponitur ſecundum modum ſuæ naturæ, quaſi in quadam immobilitate. Eſt enim naturale homini, ut caput ejus in ſuperiora tendat, & pedes in terra firmentur, & cætera membra media convenienti ordine diſponantur: quod quidem non accidit, ſi homo jaceat, vel ſedeat, vel accumbat, ſed ſolum, quando erectus ſtat. Nec rursus ſtare dicitur, ſi moveatur, ſed quando quieſcit: & inde eſt, quod etiam in iſtis actionibus humanis dicitur negotium aliquem ſtatum habere ſecundum ordinem propriæ diſpoſitionis cum quadam immobilitate, ſeu quiete. Unde

*Sciendum 11.* Quod circa homines ea, quæ de facili circa eos variantur, & extrinſeca ſunt, non conſtituunt ſtatum, puta, quod aliquis ſit dives, vel pauper in dignitate conſtitutus, vel plebeus, vel ſi quid aliud eſt hujusmodi. Unde & in jure civili dicitur, quod ei, qui a ſenatu amoveatur, magis dignitas, quam ſtatus auferatur: ſed ſolum id videtur ad ſtatum hominis pertinere, quod reſpicit obligationem perſonæ hominis, prout ſcilicet aliquis eſt ſui juris, vel alieni, & hoc non ex aliqua cauſa levi, vel de facili mutabili, ſed ex aliquo permanente: & hoc eſt, quod pertinet ad rationem libertatis, vel ſervitutis. Unde ſtatus pertinet propriæ ad libertatem, vel ſervitutem, ſive in ſpiritualibus, ſive in civilibus.

*Sciendum 111.* Quod reſtitutio, in quantum hujusmodi, non pertinet ad rationem ſtatus, ſed ſolum, in quantum eſt conaturalis homini, ſimul addita quadam quiete. Unde in aliis animalibus non requiritur reſtitutio ad hoc, quod ſtare dicantur: nec etiam homines ſtare dicuntur, quantumcumque ſint reſti, niſi quieſcant. Rursus immobilitas non ſufficit ad rationem ſtatus. Nam etiam ſedens, vel jacens quieſcit, qui tamen non dicitur ſtare. Denique neque reſtitutio, neque immobilitas ſufficit ad rationem ſtatus in homine, niſi reſpiciat obligationem perſonæ hominis, ſeu, niſi ſit in eo, quod pertinet ad conditionem perſonæ, prout ſcilicet aliquis eſt ſui juris vel alieni: ſicut colligitur ex Decr. 2. q. 6. c. ſi quando. Quapropter

*Sciendum 1v.* Quod officium dicitur per comparationem ad actum: gradus autem dicitur ſecundum ordinem ſuperioritatis, & inferioritatis; ſed ad ſtatum requiritur immobilitas in eo, quod pertinet ad conditionem perſonæ, prout ſcilicet eſt ſui juris, vel non, ſecundum modum ſuæ naturæ. Quamvis hæc tria in uno, & eodem convenire poſſint ſecundum diverſos reſpectus. Sic v. g. Diaconatus, quatenus poteſtatem importat miniſtrandi in altari ſacrificio Miſſæ, eſt officium Eccleſiaſticum: quatenus vero dicit ordinem ſuperioritatis ad ordines inferiores, & inferioritatis ad ſacerdotium, eſt gradus Eccleſiaſticus: in quantum vero importat immobilitatem in eo, quod pertinet ad ſuum miniſterium, ratione obligationis ſervandi vitam cœlebem, habet rationem ſtatus. Ordines vero minores non pertinent ad ſtatum clericalem, niſi imperfecte, quaſi via ad ſtatum perfectum, in quo quietem, ſeu immobilitatem conſequantur: licet ſint officia, & gradus Eccleſiaſtici.

*Sciendum v.* Quod ex huc uſque diſtis colligitur, quod ſtatus in hominibus, deſignari poteſt: *Immobilis, ſeu perpetua obligatio perſonæ ad alterum, ſecundum rationem reſtam.* Quo pacto dicitur ſtatus conjugalis ratione vinculi perpetui inter virum, & uxorem: ſtatus vidualis, aut virginalis ratione voti continentię, quo in perpetuum Deo perſona dicatur: & ſtatus perfectionis ratione vinculi perpetui, quo perſona ſe Deo obligat per profeſſionem reli-

religiosam tendendi perpetuo ad perfectionem per abelicationem eorum, quæ perfectionem retardare possunt, & solent, ut infra suo loco explicabitur.

## C A P U T II.

*Utrum in Ecclesia debeat esse diversitas officiorum, seu statuum.*

2. 2. q. 183. ar. 2.

**D**Einde considerandum est, an in Ecclesia debeat esse diversitas officiorum, vel statuum. Circa quod

*Sciendum 1.* Quod diversitas statuum, & officiorum in Ecclesia ad tria pertinet. Primo quidem ad perfectionem ipsius Ecclesie. Sicut enim in rerum naturalium ordine perfectio, quæ in Deo simpliciter, & uniformiter invenitur, in universitate creaturarum inveniri non potest, nisi differenter, & multipliciter: ita etiam plenitudo gratiæ, quæ in Christo, sicut in capite, adunatur, ad membra ejus diversimode redundat, ad hoc, quod corpus Ecclesie sit perfectum. Et hoc est, quod Apostolus dicit ad Ephes. 4. *Ipsæ dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores ad consummationem Sanctorum.*

*Sciendum 11.* Quod secundo pertinet ad necessitatem actionum, quæ sunt in Ecclesia necessarie. Oportet enim, ad diversas actiones diversos homines deputari, ad hoc, quod expeditius, & sine confusione omnia peragantur. Et hoc est, quod Apostolus dicit ad Rom. 12. *Sicut in uno corpore multa membra habemus, omnia autem membra non eundem actum habent: ita multi unus corpus sumus in Christo.* Unde, sicut natura non coarctat in unum id, ad quod multa requiruntur, secundum illud Apostoli 1. ad Corinth. 12. *Si totum corpus oculus, ubi auditus? Ita & in Ecclesia, quæ est corpus Christi, oportuit, membra diversificari secundum diversa officia, statum, & gradum.* Unde Trident. sess. 23. cap. 4. can. 6. *Si quis dixerit, in Ecclesia catholica non esse hierarchiam divinam ordinatione institutam, quæ consistat ex Episcopis, Presbyteris, & ministris, anathema sit.*

*Sciendum 111.* Quod diversitas statuum,

& officiorum tertio pertinet ad dignitatem, & pulchritudinem Ecclesie, quæ in quodam ordine consistit. Unde dicitur tertio Reg. 10. *Videns Regina Saba omnem Sapientiam Salomonis, & habitacula servorum, & ordinem ministrantium, non habebat ultra spiritum.* Unde & Apostolus dicit 2. ad Tim. 2. *In magna domo non solum sunt vasa aurea, & argentea, sed & lignea, & fictilia.* Et in Psalm. 44. ad laudem Ecclesie dicitur, quod est circumdata, seu circumamicta varietate. Ubi Gloss. ord. ex Calliodoro dicit: *Doctrina Apostolorum, & confessione martyrum, & puritate Virginum, & lamento penitentium, ornatur Regina, id est Ecclesia.* Quæ diversitas non impedit Ecclesie unitatem, quæ perficitur per unitatem fidei, & charitatis, & mutue subordinationis, secundum illud Apostoli ad Ephes. 4. *Ex quo totum corpus est compactum (scilicet per fidem) & connexum (scilicet per charitatem) per omnem jurisdictionem subordinationis, dum scilicet unus alii servit.*

*Sciendum IV.* Quod, sicut in corpore naturali membra diversa continentur unitate per virtutem spiritus vivificantis, quo abeidente, membra corporis separantur: ita etiam in corpore Ecclesie conervatur pax diversorum membrorum virtute Spiritus Sancti, qui corpus Ecclesie vivificat, ut habetur Joan. 6. Unde Apost. dicit ad Ephes. 4. *Solliciti servare unitatem spiritus in vinculo pacis.* Discedit autem aliquis ab hac unitate spiritus, dum querit, quæ sibi sunt propria: sicut etiam in terrena civitate pax tollitur ex hoc, quod cives singuli, quæ sua sunt, querunt. Alioquin per officiorum, & statuum distinctionem tam mentis, quam civitatis terrenæ pax conservatur, in quantum per hæc plures sunt, qui communicant actibus publicis. Unde & Apostolus dicit 1. ad Cor. 12. *Deus temperavit nos, ut non sit scissura in corpore, sed pro invicem solliciti sint membra.*

*Sciendum V.* Quod diversitas officiorum, graduum, & statuum in Ecclesia non ita ordinatur ad hæc tria, scilicet perfectionem, actionem, & decorem, quod singula singulis propria sint, puta, perfectio statui, actio officio, & decor gradui: quoniam in quolibet horum omnia inveniuntur. In statibus enim non solum inveniuntur

tur perfectio, sed etiam decor, seu ordo. Et similiter in officiis eadem tria inveniuntur, & similiter in gradibus, ut de se patet; sed perfectio appropriatur statui, ut ratio diversitatis secundum statum: Actio vero appropriatur officio, ut ratio diversitatis secundum officium. Decor vero ordinis appropriatur gradui, ut ratio diversitatis secundum gradum; sicut ex dicendis in cap. sequen. manifestum fiet.

## CAPUT III.

*Utrum officia distinguantur per actus.*  
2. 2. quest. 183. ar. 3.

**D**Einde considerandum est, an officia distinguantur per actus. Circa quod *Sciendum* 1. Quod, sicut dictum est, diversitas in membris Ecclesie ad tria ordinatur, scilicet ad perfectionem, actionem, & decorem. Et secundum hoc triplex distinctio diversitatis fidelium accipi potest. Una quidem per respectum ad perfectionem: & secundum hoc accipitur differentia statuum, prout quidam sunt aliis perfectiores. Alia vero distinctio accipitur per respectum ad actionem: & hæc est distinctio officiorum. Dicuntur enim in diversis officia esse, qui sunt ad diversas actiones deputati. Unde Isidor. in lib. 9. Ethymol. c. 19. dicit, quod *officium ab efficiendo est dictum, quasi officium, propter decorem sermonis, una mutata littera.* Alia autem per respectum ad ordinem pulchritudinis Ecclesiasticæ: & secundum hoc accipitur differentia graduum, prout scilicet etiam in eodem statu, vel officio, unus est alio superior. Unde & in Psal. 47. dicitur secundum aliam litteram. *Deus in gradibus ejus cognoscetur.*

*Sciendum* 11. Quod materialis diversitas humanorum actuum est infinita, & secundum hanc non distinguuntur officia, sed secundum formalem diversitatem, quæ accipitur secundum diversas species actuum, secundum quam actus hominis non sunt infiniti: vita etiam activa, & contemplativa distinguuntur secundum diversos actus, sed in quantum conveniunt homini secundum se ipsum, eo quod vita dicitur absolute. Sed efficientia, a qua sumitur nomen officii, ut dictum est, importat actionem ten-

dentem in aliud, ut dicitur, 9. Metaphys. tex. 16. Et ideo officia distinguuntur secundum actus, qui referuntur ad alios; sicut dicitur Doctor habere officium, vel Judex, & sic de aliis. Et idem Isidor. dicit: *Officium est, ut quisque illa agat, quæ nulli officiant (id est noceant) sed prosint omnibus.*

*Sciendum* 111. Quod diversitas statuum, officiorum, & graduum secundum diversa sumitur, ut dictum est. Contingit autem, quod ista tria in eodem concurrent, puta, cum aliquis deputatur ad aliquem actum altiore, simul ex hoc habet, & officium, & gradum, & ulterius quendam perfectionis statum propter actus sublimitatem, sicut patet de Episcopo. Ordines autem Ecclesiastici specialiter distinguuntur secundum diversa officia. Dicit enim Isidor. lib. 9. Ethym. c. 19. *Officiorum plurima genera sunt, sed præcipuum illud est, quod in sacris, divinisque rebus habetur.*

## CAPUT IV.

*Utrum differentia statuum attendatur secundum incipientes, proficientes, & perfectos.* 2. 2. quest. 183. ar. 4.

**D**Einde considerandum est, utrum differentia statuum attendatur secundum incipientes, proficientes, & perfectos. Circa quod

*Sciendum* 1. Quod, sicut supra dictum est, status libertatem respicit, vel servitutem. Invenitur autem in rebus spiritualibus duplex servitus, & duplex libertas. Una quidem est servitus peccati. Altera vero est servitus justitiæ. Similiter etiam est duplex libertas, una quidem a peccato: alia vero a justitia; ut patet per Apostolum, qui dicit ad Rom. 6. *Cum servi essetis peccati, liberi fuistis justitiæ: nunc vero liberati a peccato, servi estis facti Deo.* Est autem servitus peccati, vel justitiæ, cum aliquis vel ex habitu peccati ad malum inclinatur, vel ex habitu justitiæ inclinatur ad bonum. Similiter etiam libertas a peccato est, cum aliquis ab inclinatione peccati non superatur: libertas autem a justitia est, cum aliquis propter amorem justitiæ non retardatur a malo.

*Sciendum* 11. Quod, quia homo secundum

dum naturalem rationem ad iustitiam inclinatur, peccatum autem est contra naturalem rationem, consequens est, quod libertas a peccato sit vera libertas, quæ conjungitur servituti iustitiæ, quia per utrumque tendit homo in id, quod est conveniens sibi. Et similiter vera servitus est servitus peccati, cui conjungitur libertas a iustitia: quia scilicet per hoc homo impeditur ab eo, quod est proprium sibi. Hoc autem, quod homo efficiatur servus iustitiæ, vel peccati, contingit per humanum studium, sicut Apostolus dicit ibidem. *Cui exhibetis vos servos ad obediendum, servi ejus estis, cui obedistis, sive peccati ad mortem, sive obediuntis ad iustitiam.*

*Sciendum* III. Quod in omni humano studio est accipere principium, medium, & terminum. Et ideo consequens est, quod status spiritualis servitutis, & libertatis secundum tria distinguantur, scilicet secundum principium, ad quod pertinet status incipientium, & medium, ad quod pertinet status proficientium, & terminum, ad quem pertinet status perfectorum. Et hoc est, quod Gregor. dicit in Moral. & refertur De pœnit. d. 2. cap. Cum sancta. *Tres sunt modi conversorum, inchoatio, medietas, atque perfectio.* Et super Ezech. hom. 15. dicit. *Alia sunt virtutis exordia, aliud profectus, aliud perfectio.* Eadem autem est divisio graduum charitatis, & statuum pertinentium ad spirituales libertatem: quia libertas a peccato fit per charitatem, quæ diffunditur in cordibus nostris per Spiritum Sanctum, qui datus est nobis; ut dicitur ad Rom. 5. & inde est, quod dicitur 2. ad Cor. 3. *Ubi spiritus Domini, ibi libertas.*

*Sciendum* IV. Quod incipientes, proficientes, & perfecti, secundum quod per hoc status diversi distinguuntur, dicuntur homines non secundum quodcumque studium, sed secundum studium eorum, quæ pertinent ad spirituales libertatem, vel servitutem, ut dictum est. Nihil autem prohibet, in idem concurrere gradum, & statum, sicut supra dictum est. Nam & in rebus mundanis illi, qui sunt liberi, non solum sunt alterius status, quam servi, sed etiam sunt altioris gradus. Quare de re vide ea, quæ dicta sunt in part. 2. tract. de Charitate cap. 4.

## TRACTATUS QUARTUS.

*De his quæ pertinent ad statum perfectionis in communi.*

**D**Einde considerandum est de his, quæ pertinent ad statum perfectionis, ad quem alii status ordinantur. Nam consideratio officiorum, quantum quidem ad alios actus, pertinet ad legis positores: quantum autem ad sacra ministeria, pertinet ad considerationem ordinum, de quibus in prima parte tractat. decimoquarto dictum est. Circa statum autem perfectorum quadruplex consideratio occurrit. Primo quidem de statu perfectionis in communi, & consequenter de Voto, seu Juramento ad ejus immobilitatem requisito. Secundo de his, quæ pertinent ad perfectionem Episcoporum. Tercio de his, quæ pertinent ad perfectionem religiosorum. Quarto de his, quæ pertinent ad perfectionem Clericorum. Circa primum igitur in præsentī tractatu octo examinanda sunt breviter. Quare sit

### CAPUT PRIMUM.

*Utrum perfectio Christianæ vitæ attendatur specialiter secundum charitatem. S. Th.*

2. 2. quæst. 184. art. 1.

**A**postolus ad Coloss. 3. dicit. *Super omnia charitatem habere, quæ est vinculum perfectionis;* quia scilicet omnes alias virtutes quodammodo ligat in unitatem perfectam. Ad cujus evidentiam

*Sciendum* 1. Quod unumquodque dicitur esse perfectum, in quantum attingit proprium finem, qui est ultima rei perfectio. Charitas autem est, quæ unit nos Deo, qui est ultimus finis humanæ mentis: quia qui manet in charitate, in Deo manet, & Deus in eo, ut dicitur 1. Joan. 4. Et ideo secundum charitatem specialiter attenditur perfectio Christianæ vitæ. Unde quando dicitur Jac. 1. quod *Patientia opus perfectum habet.* Est sensus, in ordine ad charitatem, in quantum scilicet ex abundantia cha-

## CAPUT II.

*Utrum aliquis in hac vita possit esse perfectus. 2. 2. q. 184. a. 2.*

charitatis provenit, quod aliquis patienter toleret adversa, secundum illud ad Rom. 8. *Quis nos separabit a charitate Dei? Tribulatio, an angustia? &c.* Perfectio igitur christianæ vitæ specialiter, id est substantialiter secundum charitatem attenditur: accidentaliter vero secundum alias virtutes, in quantum ordinem dicunt ad charitatem, cum qua connectuntur, quasi radice; pro cuius intelligentia

*Sciendum II.* Quod dupliciter potest dici aliquis perfectus. Uno modo simpliciter, quæ quidem perfectio attenditur secundum id, quod pertinet ad ipsam rei naturam; puta, si dicatur animal perfectum, quando nihil ei deficit ex dispositione membrorum, & aliis huiusmodi, quæ requiruntur ad vitam animalis. Alio modo dicitur aliquid perfectum secundum quid, quæ quidem perfectio attenditur secundum aliquid exterius adiacens, puta, in albedine, vel nigredine, vel aliquo huiusmodi. Vita autem christiana specialiter in charitate consistit, per quam anima Deo coniungitur. Unde dicitur 1. Joan. 3. *Qui non diligit, manet in morte.* Et ideo secundum charitatem attenditur simpliciter perfectio christianæ vitæ, sed secundum alias virtutes secundum quid. Et quia id, quod est simpliciter, est principalissimum, & maximum respectu aliorum: inde est, quod perfectio charitatis est principalissima respectu perfectionis, quæ attenditur secundum alias virtutes.

*Sciendum III.* Quod perfectio humanorum sensuum, de qua dicit Apostolus 1. ad Corinth. 14. *Malitia parvuli estote, sensibus autem perfecti;* præcipue in hoc videtur consistere, ut in unitatem veritatis conveniant, secundum illud 1. ad Corinth. 1. *Sitis perfecti in eodem sensu, & in eadem sententia.* Hoc autem fit per charitatem, quæ consensum in hominibus operatur; & ideo etiam perfectio sensuum radicaliter in perfectione charitatis consistit.

**D**ominus nos inducit ad perfectionem dicens Matth. 5. *Estote perfecti, sicut Pater vester cælestis perfectus est.* Lex autem divina non inducit ad impossibile: ergo videtur, quod aliquis in hac vita possit esse perfectus. Ad cuius intelligentiam

*Sciendum I.* Quod, sicut dictum est, perfectio vitæ christianæ in charitate consistit. Importat autem perfectio quandam universalitatem: quia, ut dicitur in 3. Physic. tex. 64. perfectum est, cui nihil deest. Potest ergo triplex perfectio considerari. Una quidem absoluta, quæ attenditur non solum secundum totalitatem ex parte diligentis, sed etiam ex parte diligibilis, prout scilicet Deus tantum diligitur, quantum diligibilis est: & talis perfectio non est possibilis alicui creature, sed competit soli Deo, in quo bonum integraliter, & essentialiter invenitur. Alia autem est perfectio, quæ attenditur secundum totalitatem absolutam ex parte diligentis, prout scilicet affectus secundum totum suum posse semper actualiter tendit in Deum: & talis perfectio non est possibilis in via, sed erit in patria.

*Sciendum II.* Quod tertia perfectio est, quæ neque attenditur secundum totalitatem ex parte diligibilis, neque secundum totalitatem ex parte diligentis, quantum ad hoc, quod semper actu feratur in Deum, sed quantum ad hoc, quod excludantur ea, quæ repugnant motui dilectionis in Deum, sicut Aug. dicit in lib. 83. qq. q. 36. *Venenum charitatis est cupiditas; perfectio nulla cupiditas:* & talis perfectio potest in hac vita haberi. Et hoc dupliciter. Uno modo, in quantum ab affectu hominis excluditur omne illud, quod contrariatur charitati, sicut est peccatum mortale, & sine tali perfectione charitas esse non potest, unde est de necessitate salutis. Alio modo, in quantum ab affectu hominis excluditur non solum id, quod est charitati contrarium: sed etiam omne illud, quod impedit, ne affectus mentis totaliter dirigatur ad Deum, sine qua perfectione cha-

charitas esse potest, puta in incipientibus, & proficientibus.

*Sciendum* 111. Quod illi, qui sunt in hac vita perfecti, in multis dicuntur offendere Jacob. 3. *In multis offendimus omnes*; sed solum secundum peccata venialia, quæ consequuntur ex infirmitate præsentis vitæ; & quantum ad hoc etiam habent aliquid imperfectum per comparationem ad perfectionem patriæ. Unde in Pl. 138. dicit David: *Imperfectum meum viderunt oculi tui*. Et Apostolus dicit 1. ad Cor. 13. *Cum veneris quod perfectum est, evacuabitur, quod ex parte est*. Status ergo præsentis vitæ non patitur, ut homo semper actu feratur in Deum: & similiter non patitur, quod actu feratur in omnes proximos singulatim; sed sufficit, quod feratur communiter in omnes in universali, & in singulos habitualiter, & secundum animi præparationem.

*Sciendum* IV. Quod circa dilectionem proximi potest duplex perfectio attendi, sicut & circa dilectionem Dei. Una quidem, sine qua charitas esse non potest: ut scilicet homo nihil habeat in affectu, quod sit contrarium dilectioni proximi. Alia autem, sine qua charitas inveniri potest. Quæ quidem attenditur tripliciter. Primo quidem secundum extensionem dilectionis, ut scilicet aliquis non solum diligat amicos, & notos, sed etiam extraneos, & ulterius inimicos. Hoc enim, ut dicit Aug. in Enchyr. c. 73. est perfectiorum filiorum Dei. Secundo, secundum intensiorem, quæ ostenditur ex his, quæ homo propter proximum contemnit, ut scilicet homo contemnat non solum exteriora bona propter proximum, sed etiam afflictiones corporales, & ulterius mortem, secundum illud Joan. 15. *Majorem dilectionem nemo habet, quam ut animam suam ponat quis pro amicis suis*. Tercio quantum ad effectum dilectionis, ut scilicet homo pro proximis impendat non solum temporalia beneficia, sed etiam spiritualia, & ulterius seipsum, secundum illud Apost. 2. ad Cor. 12. *Ego autem libentissime impendam, ut superimpendar ipse pro animabus vestris*.

## CAPUT III.

*Utrum perfectio consistat in præceptis, an in consiliis. 2. 2. quest. 184. a. 3.*

**P**erfectio vitæ christianæ, sicut dictum est, attenditur secundum hoc, quod Deum ex toto corde diligamus, & proximum sicut nos ipsos. Dicitur autem Matth. 22. *In his duobus præceptis universa lex pendet, & prophete*. Ergo videtur, quod perfectio consistat in observantia præceptorum. Ad cujus evidentiam

*Sciendum* 1. Quod perfectio dicitur in aliquo consistere dupliciter. Uno modo per se, & essentialiter. Alio modo secundario, & accidentaliter. Per se quidem, & essentialiter consistit perfectio christianæ vitæ in charitate, principaliter quidem secundum dilectionem Dei, secundario autem secundum dilectionem proximi, de quibus dantur præcepta principalia divinæ legis Deut. 6. & Levit. 19. Non autem dilectio Dei, & proximi cadit sub præcepto secundum aliquam mensuram, ita, quod id, quod est plus, sub consilio remaneat, ut patet ex ipsa forma præcepti, quæ perfectionem demonstrat, ut, cum dicitur. *Diliges Dominum Deum tuum ex toto corde tuo*. Totum enim, & perfectum idem sunt, secundum Philosoph. in 3. Phys. tex. 64. Et, cum dicitur. *Diliges proximum tuum, sicut te ipsum*. Unusquisque enim se ipsum maxime diligit. Et hoc ideo est, quia *finis præcepti charitas est*, ut Apost. dicit 1. ad Tim. 1. In fine enim non adhibetur aliqua mensura, ut Philosoph. dicit in 1. Politic. cap. 6. sicut medicus non adhibet mensuram, quantum sanet, sed quanta medicina, vel dieta utatur ad sanandum: & sic patet, quod perfectio essentialiter consistit in præceptis.

*Sciendum* 11. Quod secundario, & instrumentaliter perfectio consistit in consiliis, quæ omnia, sicut & præcepta, ordinantur ad charitatem, sed aliter, & aliter. Nam præcepta alia præceptis charitatis ordinantur ad removendum ea, quæ sunt charitati contraria, cum quibus scilicet charitas esse non potest: consilia autem ordinantur ad removendum impedimenta actus charitatis, quæ tamen charitati



tati non contrariantur, sicut est matrimonium, occupatio negotiorum secularium, & alia huiusmodi. Unde August. dicit in Enchirid. cap. 121. *Quæcumque mandata Deus, ex quibus unum est: Non mœchaberis: & quæcumque non jubentur, sed speciali consilio monentur, ex quibus unum est. Bonum est homini mulierem non tangere: tunc recte sunt, cum referuntur ad diligendum Deum, & proximum propter Deum & in hoc sæculo, & in futuro. Et inde est, quod in collationibus Patrum, collat. 1. cap. 7. dicit Abbas Moyses. *Jejunia, vigilia, meditatio scripturarum, nuditas, ac privatio omnium facultatum, non perfectio, sed perfectionis instrumenta sunt: quia non in ipsis consistit disciplina illius finis, sed per illa pervenitur ad finem.**

*Sciendum 111.* Quod, sicut Augustin. dicit in lib. de perfectione iustitiæ. *Perfectio charitatis homini in hac vita præcipitur: quia non recte curritur, si, quo currendum est, nesciatur. Quomodo autem sciatur, si nullis præceptis ostenderetur?* Cum autem id, quod cadit sub præcepto, diversimode possit impleri, non efficitur transgressor præcepti aliquis ex hoc, quod non optimo modo implet, sed sufficit, quod quocumque modo impleat illud. Perfectio autem divinæ dilectionis universaliter quidem cadit sub præcepto, ita, quod etiam perfectio patriæ non excluditur ab illo præcepto, ut dicit August. cit. loc. Sed transgressionem præcepti evadit, qui quocumque modo perfectionem divinæ dilectionis attingit. Est autem infimus dilectionis gradus, ut nihil supra eum, aut contra eum, aut æqualiter ei diligatur, a quo gradu perfectionis, qui deficit, nullo modo implet præceptum. Est autem alius gradus perfectæ dilectionis, qui non potest impleri in via, ut supra dictum est, a quo qui deficit, manifestum est, quod non est transgressor præcepti. Et similiter non est transgressor præcepti, qui non attingit ad medios perfectionis gradus, dummodo attingat ad infimum.

*Sciendum 1v.* Quod in illis verbis Domini Matth. 19. *Si vis perfectus esse, vade, vende omnia, quæ habes, & da pauperibus, & veni, sequere me;* aliquid ponitur quasi via ad perfectionem, hoc scilicet.

*P. Soffetti Theol. Tom. V.*

licet, quod dicitur: *Vade, vende omnia, quæ habes, & da pauperibus.* Aliud autem subditur, in quo perfectio consistit, scilicet, quod dicit: *& sequere me.* Unde Hieron. dicit super Matthæum. *Quia non sufficit tantum relinquere: Petrus adjungit, quod perfectum est, id est secuti sumus te.* Ambros. autem super illud Luc. 5. *sequere me,* dicit: *Sequi iubet non corporis gressu, sed mentis affectu; quod sit per charitatem.* Et ideo ex ipso modo loquendi apparet, quod consilia sunt quædam instrumenta perveniendi ad perfectionem, dum dicitur: *si vis perfectus esse, vade, vende &c.* quasi dicat: Hoc faciendo ad hunc finem pervenies.

## C A P U T IV.

*Utrum quicumque est perfectus, sit in statu perfectionis. 2. 2. quest. 184. art. 4.*

**A**liqui sunt in statu perfectionis, qui omnino charitate, & gratia carent, sicuti mali Episcopi, aut mali Religiosi. Ergo videtur, quod e contrario aliqui habent perfectionem vitæ, qui tamen non habent perfectionis statum. Ad cuius evidentiam

*Sciendum 1.* Quod, sicut supra dictum est, status proprie pertinet ad conditionem libertatis, vel servitutis. Spiritualis autem libertas, vel servitus potest in homine attendi dupliciter. Uno modo secundum id, quod interius agitur. Alio modo secundum id, quod agitur exterius. Et, quia, ut dicitur 1. Reg. 16. *Homines vident ea, quæ patent, sed Deus intuetur cor;* inde est, quod secundum interiorem hominis dispositionem accipitur conditio spiritualis status in homine per comparisonem ad iudicium divinum. Secundum autem ea, quæ exterius aguntur, accipitur spiritualis status in homine per comparisonem ad Ecclesiæ. Et sic nunc de statibus loquimur, prout scilicet ex diversitate statuum quædam Ecclesiæ pulchritudo confurgit.

*Sciendum 11.* Quod, quantum ad homines, ad hoc, quod aliquis adipiscatur statum libertatis, vel servitutis, requiritur primo quidem obligatio aliqua, vel absolutio. Non enim ex hoc, quod aliquis

C servit

servit alicui, efficitur servus, quia etiam liberi serviunt, secundum illud ad Galat. 5. *Per charitatem spiritus servite invicem*. Neque etiam ex hoc, quod aliquis definit servire, efficitur liber, sicut patet de servis fugitivis: sed ille proprie dicitur servus, qui obligatur ad servitium: & ille est liber, qui a servitute absolvitur. Secundo requiritur, quod obligatio prædicta cum aliqua solemnitate fiat: sicut & cæteris, quæ inter homines obtinent perpetuam firmitatem, quædam solemnitas adhibetur.

*Sciendum 111.* Quod sic ergo in statu perfectionis proprie dicitur aliquis esse, non ex hoc, quod habet actum dilectionis perfectæ: sed ex hoc, quod obligat se perpetuo cum aliqua solemnitate ad ea, quæ sunt perfectionis. Contingit etiam, quod aliqui se obligat ad id, quod non servant, & aliqui implent, ad quod te non obligaverunt, ut patet Matth. 21. de duobus filiis, quorum unus patri dicens: *operare in vinea, respondit: nolo; & postea abiit*. Alter autem, respondens ait: *eo, & non ivit*. Et ideo nihil prohibet, aliquos esse perfectos, qui non sunt in statu perfectionis, & aliquos esse in statu perfectionis, qui tamen non sunt perfecti.

## CAPUT V.

*Utrum Religiosi, & Prælati sint in statu perfectionis.* 2. 2. quæst. 184. art. 5.

**D**ionys. 5. c. Eccles. hier. attribuit perfectionem Episcopis tanquam perfectioribus. Et in 6. c. ejusdem lib. attribuit perfectionem religiosis, quos vocat monachos, vel therapeutas, idest Deo famulantes, tanquam perfectis. Ad cujus rei evidentiam

*Sciendum 1.* Quod, sicut dictum est, ad statum perfectionis requiritur obligatio perpetua ad ea, quæ sunt perfectionis, cum aliqua solemnitate. Utrumque autem horum competit religiosis, & Episcopis. Religiosi enim se voto astringunt ad hoc, quod a rebus sæcularibus se abstineant, quibus licite uti poterant, ad hoc, quod liberius Deo vacent, in quo consistit perfectio præsentis vitæ. Unde Dionys. dicit 6. c. Eccles. hier. de religiosis loquens.

*Alii quidem therapeutas, id est famulos Dei ex puro servitio, & famulatu. Alii vero Monachos ipsos nominant ex indivisibilibus, & singulari vita uniente ipsos ex indivisibilibus sanctis convolutionibus (id est contemplationibus) ad deiformem unitatem, & amabilem Deo perfectionem.* Horum etiam obligatio fit cum quadam solemnitate professionis, & benedictionis. Unde & ibid. subdit Dionys. *Propter quod perfectam ipsius donans gratiam sancta legislatio quadam ipsos dignata est sanctificationis invocatione.*

*Sciendum 11.* Quod similiter etiam Episcopi obligant se ad ea, quæ sunt perfectionis, pastorale asinmentes officium, ad quod pertinet, ut *animam suam ponat pastor pro ovibus suis*; sicut dicitur Joan. 10. Unde Apost. dicit 1. ad Tim. ult. *Confessus bonam confessionem coram multis testibus*, id est in sua ordinatione, ut Gloss. interl. ibid. dicit. Adhibetur etiam quædam solemnitas consecrationis simul cum professione prædicta, secundum illud 2. ad Tit. 1. *Resuscites gratiam Dei, quæ est in te, per impositionem manuum mearum*. Quod Gloss. interl. exponit de gratia Episcopali. Et Dionys. dicit 5. c. Eccles. hier. quod *summus Sacerdos* (id est Episcopus) *in sua ordinatione habet eloquiorum super caput sanctissimam superpositionem: ut significetur, quod ipse est participativus integritatis totius hierarchice virtutis, & quod ipse non solum sit illuminativus omnium, quod pertinet ad sacras locutiones, & actiones, sed quod etiam hoc aliis tradat.*

*Sciendum 111.* Quod inchoatio, & augmentum non queritur propter se, sed propter perfectionem; & ideo ad solam perfectionis statum aliqui homines cum quadam obligatione, & solemnitate assumuntur: non autem ad statum incipientium, & proficientium. Homines autem statum perfectionis assumunt, non quasi proficientes, seipsos perfectos esse, sed proficientes, se ad perfectionem tendere. Unde & Apost. dicit ad Philip. 3. *Non, quod jam comprehenderim, aut jam perfectus sim, sequor autem, si quo modo comprehendam*. Et postea subdit: *Quicumque ergo perfecti sumus, hoc sentiamus*. Unde non committit aliquis mendacium, vel simulationem ex hoc, quod non est perfectus, qui statum per-

perfectionis assumit: sed ex eo, quod ab intentione perfectionis animum revocat. Denique notandum, quod martyrium in actu perfectissimo charitatis consistit. Actus autem perfectionis non sufficit ad statum faciendum apud homines, ut ex dictis patet, sed solum coram Deo.

## CAPUT VI.

*Utrum omnes Prælati Ecclesiastici sint in statu perfectionis. 2. 2. qu. 184. art. 6.*

**D**ionys. dicit in 5. c. Eccles. hier. *Pontificum quidem ordo consummativus est, & perfectivus. Sacerdotum autem illuminativus, & lucidativus. Ministrantium vero purgativus, & discretivus.* Ex quo patet, quod perfectio solis Episcopis attribuitur. Ad cujus evidentiam

*Sciendum 1.* Quod in Presbyteris, & Diaconibus curam habentibus animarum duo possunt considerari, scilicet ordo, & cura. Ordo autem ipse ordinatur ad quandam actum in divinis officiis. Unde supra dictum est, quod distinctio ordinum sub distinctione officiorum continetur. Unde per hoc, quod aliqui suscipiunt sacrum ordinem, accipiunt potestatem quosdam sacros actus perficiendi, non autem obligantur ex hoc ipso ad ea, quæ sunt perfectionis, nisi quatenus apud occidentalem Ecclesiam in susceptione sacri ordinis emititur continentiarum votum, quod est unum eorum, quæ ad perfectionem pertinent, ut infra dicitur. Unde patet, quod ex hoc, quod aliquis accipit sacrum ordinem, non ponitur simpliciter in statu perfectionis: quamvis interior perfectio ad hoc requiratur, quod aliquis digne huiusmodi actus exerceat.

*Sciendum 11.* Quod similiter etiam nec ex parte curæ, quam suscipiunt, ponuntur in statu perfectionis. Non enim obligantur ex hoc ipso vinculo perpetui voti ad hoc, quod curam animarum retineant: sed possunt eam deferere, vel transuadendo ad religionem, etiam absque licentia Episcoporum, ut habetur in Decretis 19. quæst. 2. cap. duæ sunt. Et etiam cum licentia Episcoporum potest aliquis archidiaconus archidiaconatum, vel parochiam dimittere, & simplicem præbendam accipere sine cura:

quod nullo modo liceret, si esset in statu perfectionis. *Nemo enim manum mittens ad aratrum, & respiciens retro, aptus est regno Dei;* ut dicitur Luc. 9. Episcopi autem, quia sunt in statu perfectionis, non possunt Episcopalem curam deferere, nisi ex certis causis, & auctoritate Summi Pontificis, ad quem etiam solum pertinet in votis perpetuis dispensare, ut infra dicitur. Unde manifestum est, quod non omnes Prælati sunt in statu perfectionis, sed soli Episcopi.

*Sciendum 111.* Quod Plebani, & Archidiaconi non habent principaliter curam ovium, sicut habent Episcopi, sed administrationem quandam, secundum quod eis ab Episcopo committitur. Unde super illud 1. ad Cor. 12. *Alii opulationes, alii gubernationes;* dicit Gloss. interl. *Opulationes, id est eos, qui maioribus serunt opes, ut Titus Apostolo: vel Archidiaconi Episcopis: gubernationes, scilicet minorum personarum praelationes, ut Presbyteri sunt, qui plebi documento sunt.* Dicere autem, Presbyteros non disserere ab Episcopis, inter dogmata hæretica numerat August. in lib. de hæresibus, ubi dicit, quod Arriani dicebant, Presbyterum ab Episcopo nulla differentia debere discerni. Quare etiam ad eos non pertinet principaliter pastorale officium, nec obligatio ponendi animam pro ovibus: sed in quantum participant de cura. Unde magis habent quoddam officium ad perfectionem pertinens, quam obtineant perfectionis statum.

## CAPUT VII.

*Utrum status Religiosorum sit perfectior, quam status Prælatorum. 2. 2. quæst. 184. art. 7.*

**D**einde considerandum est de comparatione status Religiosorum ad statum Episcoporum. Circa quod

*Sciendum 1.* Quod, sicut August. dicit 12. super Gen. ad litter. cap. 16. *Semper agens præstantius est patiente.* In genere autem perfectionis secundum Dionys. 6. c. Eccl. hier. Episcopi se habent, ut perfectiores, Religiosi autem, ut perfecti; quorum unum pertinet ad actionem, alterum autem ad passionem. Unde manifestum

C 2 cit,

est, quod status perfectionis potior est in Episcopis, quam in religiosis. Unde potest aliquis a statu religionis transire ad statum Episcopalem. Dicitur enim in Decretis, 28. q. 1. cap. Statutum. *Sacra ordinatio de Monacho Episcopum facit*. Nulli autem licet a majori statu ad minorem transire, hoc enim esset retro respicere.

*Sciendum* 11. Quod hoc ipsum, quod Episcopi intendunt his, quæ pertinent ad proximorum dilectionem, provenit ex abundantia dilectionis divinæ. Unde Dominus primo a Petro quaesivit, an eum plus aliis diligeret, & postea ei sui gregis curam commisit. Et Greg. dicit in pastorali part. 1. c. 5. *Si dilectionis testimonium est cura pastoralis, quisque virtutibus pollens gregem Dei renuit possidere, Pastorem summum convincitur non amare*. Hoc autem est majoris dilectionis signum; ut homo propter amicum etiam alii serviat, quam si soli amico velit servire.

*Sciendum* 111. Quod, sicut Greg. dicit in pastorali, 2. part. c. 1. *Sit presul actione præcipuus, præ cunctis in contemplatione suspensus*: quia ad Episcopos pertinet non solum propter se ipsos, sed propter instructionem aliorum contemplari. Unde Gregor. dicit super Ezech. hom. 5. quod de perfectis viris post contemplationem suam redeuntibus dicitur Psal. 44. *Memoriam suavitatis tue eructabunt*. Vita ergo activa in Episcopis procedit ex abundantia contemplationis, sicut etiam dilectio proximi in ipsis ex abundantia dilectionis Dei procedit, quantum est ex natura curæ pastoralis, ratione cuius tenetur animam suam pro ovibus ponere sibi committis.

*Sciendum* iv. Quod abrenunciatio propriarum facultatum dupliciter considerari potest. Uno modo, secundum quod est in actu, & sic in ea non consistit essentialis perfectio, sed est quoddam perfectionis instrumentum, sicut supra dictum est: & ideo nihil statum perfectionis prohibet esse sine abrenunciatione propriarum facultatum, sicut etiam dicendum est de aliis exterioribus observantiis. Alio modo potest considerari secundum præparationem, ut scilicet homo sit paratus, si fuerit opus, omnia dimittere, vel distribuere: & hoc pertinet directe ad perfectionem. Unde

Aug. dicit in lib. 2. de quest. Evang. c. 11. *Offendit Dominus filios sapientiæ intelligere, non in abstinendo, nec in manducando esse iustitiam, sed in equanimitate tolerandi inopiam*. Unde & Apostolus dicit: *Scio & abundare, & penuriam pati*. Ad hoc autem maxime tenentur Episcopi, quod omnia sua pro honore Dei, & salute sui gregis contemnunt, cum opus fuerit, vel pauperibus sui gregis largiendo, vel rapinam bonorum tuorum cum gaudio sustinendo.

## CAPUT VIII.

*Utrum Presbyteri, Curati, & Archidiaconi, sint majoris perfectionis, quam Religiosi.* 2. 2. q. 184. a. 8.

**D**Enique considerandum est de comparatione presbyterorum, & aliorum, habentium curam animarum cum religiosis, quantum ad perfectionem. Circa quod *Sciendum* 1. Quod comparatio super eminentiæ non habet locum inter aliquos ex ea parte, in qua conveniunt, sed ex ea parte, in qua differunt. In presbyteris autem, Curatis, & Archidiaconis, tria est consideranda, scilicet statum, ordinem, & officium. Ad statum pertinet, quod sæculares sint: ad ordinem, quod sint sacerdotes, vel diaconi: ad officium, quod curam animarum habeant sibi commissam. Si ergo ex alia parte ponamus statum religicum, ordine diaconum, vel sacerdotum, officio curam animarum habentem, sicut plerique monachi, & canonici regulares habent, in primo quidem excellit, in aliis autem par erit. Si autem differat secundus a primo statu, & officio, conveniat autem ordine, sicut sunt religiosi, sacerdotes, & diaconi curam animarum non habentes, manifestum est, quod secundus primo erit quidem status excellentior, officio autem minor, ordine vero æqualis.

*Sciendum* 2. Quod considerandum est, quæ præ eminentia potior sit, utrum status, vel officii, circa quod duo attendenda videntur, scilicet bonitas, & difficultas. Si ergo fiat comparatio secundum bonitatem, sic præfertur status religionis officio presbyteri, curati, vel archidiaconi.

quia

## De his quæ pertinent ad statum perfectionis &c. 37

quia religiosus totam vitam suam obligat ad perfectionis studium. Presbyter autem curatus, vel archidiaconus non obligat totam vitam suam ad curam animarum, sicut Episcopus: nec etiam ei competit principalem curam subditorum habere, sicut Episcopus, sed quædam particularia circa curam animarum eorum officio committuntur, ut ex dictis patet. Et ideo comparatio status religionis ad eorum officium est, sicut universalis ad particulare, & sicut holocausti ad sacrificium, quod est minus holocausto, ut patet per Gregor. hom. 20. super Ezech. Unde & 19. quæst. 1. dicitur. *Clericis, qui monachorum propositum appetunt, quia meliorem vitam sequi cupiunt, liberos eis ab Episcopis in monasteriis oportet largiri ingressus.*

*Sciendum* III. Quod prædicta comparatio status ad officium intelligenda est secundum genus operis. Nam secundum charitatem operantis contingit quandoque, quod opus ex genere suo minus existens magis sit meritum, scilicet, si ex majori charitate fiat. Si vero attendatur difficultas bene conversandi in religione, & in officio habentis curam animarum propter exteriora pericula: quamvis conversatio religionis sit difficilior quantum ad ipsum genus operis propter architudinem observantiæ regularis; tamen difficilior est bene conversari cum cura animarum propter exteriora pericula. Periculosior ergo est status habentis curam animarum, quam monachi. In majori autem periculo innocentem se servare est majoris virtutis indicium. Sed hoc etiam ad magnitudinem virtutis pertinet, quod aliquis vitet pericula religionem intrando. Unde Chrysost. in lib. 6. de Sacerd. dicit, *Si quis mihi proponeret optionem, ubi mallet placere, in officio sacerdotali, an in solitudine monachorum, sine comparatione eligerem illud, quod prius dixi.* Ubi nota, quod non dicit, quod mallet esse in officio sacerdotali, quam in solitudine monachorum, sed, quod mallet placere in hoc, quam in illo: quia hoc est majoris virtutis argumentum; licet illud sit majoris cautionis tutamentum.

*Sciendum* IV. Quod, si religiosus etiam ordine careat, sicut patet de conversis re-

ligionum, sic manifestum est excellere præminentiam ordinis quantum ad dignitatem: quia per sacrum ordinem aliquis deputatur ad dignissima ministeria, quibus ipsi Christo servitur in Sacramento Altaris, ad quod requiritur major sanctitas interior, quam requirit etiam religionis status: quia, sicut Dion. dicit 6. c. Eccles. Hier. *Monasticus ordo habet sequi sacerdotales ordines, & ad eorum imitationem ad divina ascendere.* Unde gravius peccat, cæteris paribus, clericus in sacris ordinibus constitutus, si aliquid contrarium sanctitati agat, quam aliquis religiosus, qui non habet ordinem sacrum: quamvis laicus religiosus teneatur ad observantias regulares, ad quas illi, qui sunt in sacris ordinibus, non tenentur.

*Sciendum* V. Quod difficultas, quæ est ex arduitate operis, addit ad perfectionem virtutis: Difficultas autem, quæ provenit ex exterioribus impedimentis, quandoque quidem diminuit perfectionem virtutis, puta, cum aliquis non tantum virtutem amat, ut impedimenta virtutis declinare velit, secundum illud Apost. 1. ad Cor. 9. *Omnis, qui in agone contendit, ab omnibus se abstinere.* Quandoque vero est signum perfectionis virtutis; puta, cum aliquis ex inopinato, vel ex necessaria causa impedimenta virtutis occurrunt, propter quæ tamen a virtute non declinat. In statu autem religionis est major difficultas ex arduitate operum: sed in his, qui in sæculo vivunt qualitercumque, est major difficultas ex impedimentis virtutis, quæ religiosi per omnia provide vitaverunt. Unde habes, quantæ prudentiæ, & virtutis sit vitare talia pericula, religiosum statum eligendo.

*Sciendum* VI. Quod illi, qui a statu religionis assumuntur ad curam animarum, cum prius essent in sacris constituti, affequantur aliquid, quod prius non habebant, scilicet officium curæ: non autem deponunt, quod prius habebant, scilicet religionis statum, ut dicitur 16. q. 1. de monachis. Sed presbyteri curati, vel archidiaconi, quando religionem ingrediuntur, curam deponunt, ut adipiscantur perfectiorem statum: Unde ex hoc ipso excellentia ex parte religionis ostenditur.

# TRACTATUS QUINTUS.

*De Voto ad statum perfectionis constituendum requisitio.*

**C**onsequenter considerandum est de voto, & juramento, quod ad firmitatem, seu immobilitatem status perfectionis requiritur, sicut supra dictum est. Circa votum autem in præsentia tria consideranda sunt. Primo de his, quæ pertinent ad ejus naturam. Secundo de his, quæ pertinent ad ejus solemnitatem. Tertio de his, quæ pertinent ad ejus relaxationem. Sit igitur

## CAPUT PRIMUM.

*Utrum votum consistat in solo proposito voluntatis. S. Thom. 2. 2. q. 88. a. 1.*

**E**ccl. 5. Dicitur. *Si quid vovisti Deo, ne moreris reddere: displicet enim ei infidelis, & stulta promissio.* Ergo vovere est promittere, & votum est promissio. Ad cujus evidentiam

*Sciendum 1.* Quod votum quamdam obligationem importat ad aliquid faciendum, vel dimittendum. Obligat autem homo se homini ad aliquid per modum promissionis, qui est rationis actus, ad quem pertinet ordinare. Sicut enim homo imperando, vel deprecando ordinat quodammodo, quid sibi ab aliis fiat, ita promittendo ordinat, quid ipse pro alio facere debeat: sed promissio, quæ ab homine fit homini, non potest fieri, nisi per verba, vel quæcumque exteriora signa: Deo autem potest fieri promissio per solam interiorum cogitationem, quia, ut dicitur 1. Reg. 16. *Homines vident ea, quæ parent: sed Deus intuetur cor.* Exprimuntur tamen quandoque verba exteriora, vel ad sui ipsius excitationem, sicut circa orationem dictum est in 2. part. vel etiam ad alios contestandum, ut non solum desistant a fractione voti propter timorem Dei, sed etiam propter reverentiam hominum. Promissio autem procedit ex proposito fa-

ciendi: propositum autem aliquam deliberationem præexigit, cum sit actus voluntatis deliberatæ. Unde

*Sciendum 11.* Quod ad votum tria requiruntur. Primo quidem deliberatio. Secundo propositum voluntatis. Tertio promissio, in qua perficitur ratio voti. Superadduntur vero quandoque & alia duo ad quamdam voti confirmationem, scilicet pronuntiatio oris, secundum illud Psal. 55. *Reddam tibi vota mea, quæ disjuxerunt labia mea.* Et iterum testimonium aliorum. Unde Magister dicit in 38. dist. 4. lib. sent. *Votum est testificatio quadam promissionis spontanea, quæ Deo, & de his, quæ sunt Dei, fieri debet.* Quamvis testificatio possit ad interiorum testificationem proprie referri. Votum tamen a voluntate accipit nomen, quasi a primo-movente, eo, quod voluntas hominis movet rationem ad promittendum aliquid, circa ea, quæ voluntati ejus subduntur.

*Sciendum 111.* Quod quidam antiqui Doctores, quos refert Albert. Mag. super 4. sent. dist. 38. a. 1. dicebant, quod *votum est conceptio boni propositi cum animi deliberatione firmata, qua quis ad aliquid faciendum, vel non faciendum, se Deo obligat.* Sed, ut notat D. Tho. ad 1. Conceptio boni propositi non confirmatur ex animi deliberatione, nisi promissione deliberationem consequente, qua quis se Deo obligat ad aliquid faciendum, vel dimittendum. In promissione ergo perficitur ratio voti, præsupposito tamen proposito, & deliberatione voluntatis. Sine promissione autem, qua quis intendit se Deo obligare, nec deliberatio voluntatis, nec conceptio boni propositi ullam obligationem parit, unde voti rationem non habent. Et ideo ratio voti essentialiter in promissione Deo facta consistit, spontanea tamen, & deliberata faciendi aliquid, vel dimittendi, quod ad Deum pertinet, seu quod Deo placet.

*Sciendum 1v.* Quod ad votum requiritur plena, & perfecta deliberatio, & libertas, cum sit promissio spontanea: ex quo aliqui inferunt, quod vota metu extorta ipso jure naturali irrita sunt, sicuti notant Salmant. Ad hanc autem deliberationem non requiritur diuturnitas temporis, aut diuturna consideratio, & ma-  
tura

tura discussio, sed sufficit adventitia intellectus ad gravem obligationem, qua se per votum attingit, quod in instanti fieri potest, ut notat Cajet. Cæterum, quia hujusmodi vota repentina, & sine maturâ deliberatione facta, stulte sunt, & per consequens Deo displicent, justam causam habent, ut dispensari, aut commutari possint, ut patet ex cap. Veniens, de voto, & voti oblig. sicut notat Abbas. Vota ergo cum plena advertentia, sed sine maturo consilio facta, valida sunt, & acceptantur a Deo, quantum ad obligationem præstandi rem promissam, sed non acceptantur ad meritum gloriæ, quia stulte, & cum peccato, saltem veniali, sunt quantum ad modum. Qua de re vide Salmant. in tract. 18. cap. 1.<sup>ca.</sup>

*Sciendum v.* Quod ad validitatem voti requiritur propositum, seu intentio promittendi, & se obligandi per votum: propositum autem adimplendi promissum non requiritur ad hoc, ut votum valide, sed solum, ut licite fiat. Unde colligitur primo, quod, si quis nesciens votum secum ferre obligationem, illud emitteret, non esset validum, cum promissio ex errore circa substantiam facta non obliget, ut dictum est in tr. de contractib. cap. 2. procedit enim ex ignorantia antecedenti, quæ causat involuntarium simpliciter. Secundo, qui sciens votum importare ex natura sua gravem obligationem vovet animo non se obligandi, non valide vovet, quia apponit conditionem contrariam substantiæ voti, & verbo ludit, ut docent Suar. Bonac. Salm. contra Sotum. Tertio, qui sincere vovet nil cogitans de obligatione, valide vovet, & remanet obligatus, quia intendit vovere juxta consuetum modum, & implicite vult obligationem, ut ex communi notant Salmant. Quarto, qui vovet sine animo promittendi, nec se obligandi, non vere vovet, sed solum propositum emittit. Promissio enim quando fit ore, & non corde, apud Deum non est votum, ut dicit D. Thom. in 4. d. 38. qu. 1. a. 1. q. 1. ad 2. Si vero intendat promittere, & se obligare, sed cum intentione non adimplendi, remanet obligatus, sed graver peccat: quia adimpletio est quid consequens ad obligationem.

*Sciendum y1.* Quod ad valorem voti non

sufficit simplex propositum promittendi, & se obligandi, imo & exequendi: sed requiritur actualis promissio, ut fert communis sententia: quia tale simplex propositum solum ex parte objecti, non vero ex parte actus obligationem respicit, & promissionem & affectum exprimit ad executionem; sed ipsius lineam non attingit, cum sit intra lineam intentionis. Unde D. Thom. in præsentia ad 3. nec etiam culpam venialem agnoscit in eo, qui a bono proposito melioris vitæ absque ulla causa retrocedit, nisi aliqua circumstantia specialis adjungatur. Natura enim propositi simplicis de se mutabilis est, nec aliquid facit, nisi promissione adjuncta, a qua jam incipit executio, utpote quæ est actus ordinatius, seu imperii, per quem promittens jam mittit manum ad aratrum per obligationem, licet nondum aret per adimplentionem: unde ei non licet amplius retro respicere absque gravi culpa. Quamvis Laym. culpam levem agnoscat in resiliencia a simplici proposito boni.

## C A P U T II.

*Utrum votum semper debeat fieri de meliori bono. 2. 2. qu. 88. ar. 2.*

**D**Einde considerandum est, quid cadat sub voto tanquam ejus propria materia. Circa quod

*Sciendum 1.* Quod, sicut dictum est votum est promissio Deo facta. Promissio autem est alicujus, quod quis pro aliquo voluntarie facit. Non enim esset promissio, sed comminatio, si quis diceret, se contra aliquem facturum. Similiter vana esset promissio, si aliquis alicui promitteret id, quod ei non esset acceptum. Et ideo, cum omne peccatum sit contra Deum, nec aliquid opus sit Deo acceptum, nisi sit virtuosum, consequens est, quod de nullo illicito, nec de aliquo indifferenti debeat fieri votum, sed solum de aliquo actu virtutis. Sed, quia votum promissionem voluntariam importat, necessitas autem voluntatem excludit; id, quod est absolute necessarium esse, vel non esse, nullo modo sub voto cadit. Stultum enim esset, si quis voveret, se esse moriturum, vel se non esse voluturum. Illud vero,

quod non habet absolutam necessitatem, sed necessitatem finis, puta, quia sine eo non potest esse salus, cadit quidem sub voto, in quantum voluntarie fit, non autem, in quantum est necessitatis. Illud autem, quod neque cadit sub necessitate absoluta, neque sub necessitate finis, omnino est voluntarium; & ideo hoc propriissime cadit sub voto. Hoc autem dicitur esse majus bonum in comparatione ad bonum, quod communiter est de necessitate salutis: ideo proprie loquendo, votum dicitur esse de meliori bono. Unde

*Sciendum* 11. Quod quædam sunt, quæ in omnem eventum sunt bona, sicut opera virtutis, & talia bona possunt absolute cadere sub voto. Quædam vero in omnem eventum sunt mala, sicut ea, quæ secundum se sunt peccata: & hæc nullo modo possunt cadere sub voto, esset enim peccatum blasphemiz, promittere Deo aliquod peccatum etiam leve, quasi illi posset placere peccatum. Quædam vero sunt quidem in se considerata bona, & secundum hoc possunt cadere sub voto, possunt tamen habere malum eventum, in quo non sunt observanda. Ea vero, quæ eadunt sub præcepto, & ideo sunt de necessitate salutis, possunt cadere sub voto, in quantum voluntarie fiunt: & sic fuit votum Jacobi, quod esset ei Dominus in Deum, quamvis etiam posset intelligi, quod Jacob vovit, se habere Dominum in Deum per speciale cultum, ad quem non tenebatur, sicut per decimarum obligationem, & alia hujusmodi, quæ subduntur Gen. 28.

*Sciendum* 111. Quod maceratio proprii corporis, puta, per vigiliis, & jejunia, non est Deo accepta, nisi, in quantum est opus virtutis, quod quidem est, in quantum cum debita discretionem fit, ut scilicet concupiscentia refrenetur, & natura non nimis gravetur. Et sub tali tenore possunt hujusmodi sub voto cadere: propter quod & Apost. Rom. 12. postquam dixerat. *Exhibeatis corpora vestra hostiam viventem, sanctam, Deo placentem*: (addidit) *Rationabile obsequium vestrum*. Sed, quia in his, quæ ad se ipsum pertinent, de facili fallitur homo in judicande, talia vota congruentius secundum arbitrium superioris sunt vel servanda, vel prætermittenda, ita

tamen, quod, si ex observatione talis voti magnum, & manifestum gravamen sentiret, & non esset facultas ad superiorem recurrendi, non debet homo tale votum servare. Vota vero, quæ sunt de rebus vanis, & inutilibus, sunt magis deridenda, quam servanda. Semper ergo votum debet esse melioris boni, quod scilicet & bonum sit omnibus attentis circumstantiis, & sit aliquo modo supererogationis, & ad quod vovens non tenebatur saltem eo titulo, quo per votum tenetur, secundum quod dicitur Deuter. 23. *Si nolueris polluceri, absque peccato eris*. Nihil enim prohibet, aliquem per novam obligationem in bono alias debito firmari ex electione voluntatis.

*Sciendum* IV. Quod eorum, quæ aliquo modo nostræ subiunt voluntati, septem sunt genera. Quædam necessaria simpliciter, ut mori. Quædam necessaria ad finem æternæ salutis, ut præcepta. Quædam expedientia ad æternam salutem, ut consilia. Quædam bona, nec tamen de præcepto, nec de consilio, ut nubere. Quædam indifferentia, ut transire extra muros villæ, uti veste alba, & alia hujusmodi. Quædam impediencia viam æternæ salutis, ut peccata venialia. Quædam contraria æternæ salutis, ut peccata mortalia. Horum autem septem generum, quatuor extra questionem sunt, quoniam manifeste constat de istis, de primo quidem, nam necessaria absolute, constat, non posse esse materiam voti, sicut nec impossibilia absolute: nullus enim, nisi stultus potest vovere, se moriturum, aut non esse volaturum. Tertium genus, scilicet consiliorum, constat esse materiam voti propriissimam, sunt enim bona mellora. Sextum vero, & septimum, scilicet impediendum, & contrarium æternæ salutis, non posse esse materiam voti, patet, quia non esset promissio, sed comminatio, si quis le aliquid displicens Deo facturum voveret. Tria autem genera, scilicet, secundum, quartum, & quintum questionem habent, & similiter tertium genus quoad sua opposita, scilicet non facere opera, quæ sunt de consilio, ut non murare, non fide jubere, & hujusmodi. Denique, cum bona quoque supererogationis malum habent annexum, sub dubio cadunt.



dunt, ut vovere religionem propter avaritiam, & similia. Ad quorum decisionem

*Sciendum v.* Quod sine dubio necessaria ad salutem possunt esse materia voti proprie dicti, & ratio in littera redditur, quia sunt voluntaria. Effectus vero voti in huiusmodi necessariis ad salutem, est facere idem alio modo Deo debitum a se ipso vovente, ita, ut non fornicari, ex. g. quod erat debitum solum, ut erat castitatis, modo est etiam debitum, quia est religionis. Manifestatur autem hoc sic. Vovens non fornicari, si post fornicatur, non solum peccat peccato luxurie, sed etiam irreligiositatis, agens contra votum. Ergo est ibi vera species voti. Non enim circumstantia mutaret speciem, nisi esset ibi specialis ratio illius speciei. Ubi autem salvatur essentialis ratio alicuius, ibi est proprie illud, ut patet discurrendo. Quia ergo in huiusmodi transgressionibus invenitur essentialis ratio speciei, ad quam trahit circumstantia contra votum, manifestum sit, quod ibi proprie fuit votum. D. Thom. autem in 4. dist. 38. votum de necessariis ad salutem non proprie, sed communiter votum esse dicit, quia ibi considerat votum ex parte materie, unde accipit ly proprie contrapositive ad commune ex parte materie, non autem ex parte essentie ipsius voti. Et vocat votum communiter, quia obligat ad ea, ad que communiter homines tenentur. Votum vero proprie, quod obligat ad ea, ad que aliis non teneretur.

*Secundum vi.* Circa opposita consiliorum, certum esse, quod etsi non displiceat Deo, te non sequi consilium suum, displicet tamen ei, quod tu promittas ei, te consilium suum non servaturum: quoniam hoc esset facere, quod promissio sibi facta esset vinculum contra consilium suum; ac per hoc Deus ipse ex una parte daret consilium, & ex alia parte prohiberet sequi consilium suum. Non est ergo Deo acceptabilis promissio contra consilia sua; ac per hoc non est votum: sed in hoc habet locum illud: In turpi voto muta decretum. Immo sic voventes peccant, abutendo promissione ad Deum. Tria autem mala in huiusmodi votis inveniri contingit. Primum ex parte rei promissæ, quæ quandoque, scilicet in articulo necessitatis, potest esse in præcepto.

Et ex hac parte, si quis tam pertinaci animo voveret non mutuare, non dare eleemosynam, & huiusmodi, ut etiam intendat, in articulo necessitatis hac non facere, sine dubio peccat mortaliter. Secundum ex parte inclusivæ attributionis Deo, quia scilicet hic clauditur, quod Deo sit gratum vinculum contra sua consilia. Et, si quis hoc cognosceret, animadverteret, & non curaret, blasphemiam esset. Tertium ex parte abusivæ promissionis, quia scilicet sit Deo promissio sibi displicens, juxta illud, *Displicet ei stultia promissio*. Et in hoc formaliter consistit peccatum istud. Et, si quidem ex intentione aliquis eligeret formaliter displicere Deo, cum hoc de genere sit mortale, contrarium directe charitati, sine dubio peccaret mortaliter. Sed, cum materialiter eligitur illud, quod displicet Deo, non oportet esse mortale, ut patet, cum quis deliberate dicit verbum otiosum. Propter quod nonnisi venialiter peccant sic ignoranter voventes, & non intendentes contra præcepta Dei vovere, ut communiter accidere videtur, sicut notant Hostien. & Cajet.

*Sciendum vii.* Quod tripliciter potest intelligi, quod homo voveat bonum supererogationis propter malum finem. Primo, ut malus finis sit finis illius boni, quod promittitur, ut, si quis voveret, dare eleemosynam propter inanem gloriam: & sic votum non valet, sed diabolica est promissio, quia materia ejus non est aliquid bonum, sed formaliter malum. Secundo, ut malus finis non se teneat ex parte operis, seu boni, quod promittitur, sed ex parte applicationis operantis ad vendendum, ut cum quis profiteretur aliquam religionem, ut luxuriose viveret: & tale votum est vere votum, & validum, quamvis talis sic vovendo peccet mortaliter: quia malus finis non est finis voti, sed voventis. Tertio, ut malus finis sit finis ipsius voti, ita, quod ipsum votum ordinetur ad malum finem ut medium: sicut, si quis promitteret Deo offerre illi mille aureos, si dabit illi vicloriam in bello injusto, victoria in bello injusto esset finis voti. Et tunc distinguendum est. Nam, si votum ordinetur ad inquam vicloriam a Deo obtinendam, non est votum, sed blasphemia, cum injustitia belli, & viclorie a Deo

a Deo esse non possit; & finis pravus se tenet ex parte boni promissi, sicut in primo casu. Si vero votum ordinetur ad id, quod est bonum in victoria, & a Deo esse potest, non autem ad injustitiam, tenet votum: sicut etiam, si quis voveret, se daturum mille pro poenitentia, si adulterium perpetraverit, quia non ordinat votum ad adulterium, sed potius in penam, ut adulterio removeatur.

*Sciendum VIII.* Quod circa indifferentia ad bonum, vel malum moraliter, distinguendum est. Nam indifferentia dupliciter assumi possunt in materiam voti. Uno modo, salva eorum indifferentia, & hoc modo votum nihil valet. Alio modo prout translata de indifferentium ordine ad ordinem bonorum, seu expeditium ad bonum, & sic votum valet. Sicut, si quis voveat non ingredi aliquam domum, aut villam, in qua nullum est periculum peccati, votum est de re inutili, adeoque vanum: si autem ibi sit periculum peccati, ad quod evitandum fit votum, tenet votum, usque dum durat periculum in tali domo, aut loco. Denique circa bona, quæ non sunt præcepta, nec consulta, ut nubere, dicendum est, quod votum nubendi dupliciter fieri potest. Primo absolute, & sic non valet: quia est de declinando a statu continentie ad statum matrimonii, quod licet sit licitum, est tamen minus Deo gratum. Secundo potest fieri tale votum pro fornicatione vitanda, juxta illud Apost. 1. Cor. 7. *Melius est nubere, quam uri.* Et sic validum est votum, præsupposito, quod quis continere se non valeat, attenta sui infirmitate: quia in tali casu votum est de meliori bono. Qua de re Cajet. in Comment. ar. præsent.

### C A P U T III.

*Utrum omne votum obliget ad sui observationem.* 2. 2. quest. 8. a. 3.

**E**ccl. 5. dicitur: *Quodcumque voveris, redde. Multoque melius est non voveri, quam post votum promissa non reddere.* Ad cujus evidentiam

*Sciendum I.* Quod ad fidelitatem hominis pertinet, ut solvat id, quod promissit. Unde secundum Aug. in lib. de mendac.

c. 20. fides dicitur ex hoc, quod sunt dicta. Maxime autem debet homo Deo fidelitatem, tum ratione domini, tum etiam ratione benefici suscepti: & ideo maxime obligatur homo ad hoc, quod impleat vota Deo facta. Hoc enim pertinet ad fidelitatem, quam homo debet Deo. Fractio autem voti est quedam infidelitatis species. Unde Salomon rationem assignat, quare sint vota reddenda, quia *dispicit Deo infidelis promissio.* Eccles. 5. Unde

*Sciendum II.* Quod secundum honestatem ex qualibet promissione homo homini obligatur, & hæc est obligatio juris naturalis: sed ad hoc, quod aliquis obligetur ex aliqua promissione obligatione civili, pertinente ad justitiam, quedam alia requiruntur, ut dictum est in tract. de contractib. Deus autem, etsi bonis nostris non egeat, ei tamen maxime obligamur, ut dictum est, & tanquam summo Domino, & tanquam summo benefactori, & ita votum ei factum est maxime obligatorium obligatione honestatis, seu morali, & in conscientia, ratione scilicet virtutis superioris, idest patrie, ut infra dicitur, quæ obligatio gravissima est, & juris naturalis; & fortior, quam obligatio justitiæ commutativæ. Quapropter

*Sciendum III.* Quod fractio voti ex natura sua, seu ex genere, est peccatum mortale, & est contra primum Decalogi præceptum, quod est de cultu exhibendo uni Deo, ut docent D. Thom. Cajet. Salmant. quamvis Suar. Navar. alique dicant pertinere ad secundum præceptum. Omnes vero fractiones voti, etsi materialiter differant, formaliter tamen sunt ejusdem speciei, in quantum per ipsas promissio Deo facta non adimpletur, adeoque omnes opponuntur fidelitati Deo debitæ in adimplendis promissis, & pertinent ad eandem speciem sacrilegii in determinata materia promissionis violatæ. Quare, si votum non cadat supra materiam alio titulo debitam, sat erit explicare in confessione, se toties fregisse votum in materia gravi. Non enim est in potestate vovens potuere alicui promissum per votum in materia necessaria illius virtutis, de qua est res promissa, ut probabilius docent Cajet. Suar. Salmantic. alique, contra Valent. Sanch. Bonac.

*Sciendum IV.* Quod licet fractio voti ex gene-

genere suo sit grave peccatum, tamen admittit parvitatem materiæ ex parte rei promissæ per votum, sicut & in omnibus promissionibus contingit, ut omnes concedunt. Parvitas autem materiæ, vel gravitas in voto, quod lex particularis est, desumenda est pari modo, ac in lege communi, ex honestate scilicet, & natura materiæ, ex fine, & attentis omnibus circumstantiis; parum, vel multum conducentibus ad cultum Dei. Sicut autem lex non potest gravem obligationem imponere in materia, quæ omnibus inspectis est levis, ut dictum est in prima part. tr. 4. Ita nec votum, quantumvis vovens hoc intenderet, quia materia levis non est capax gravis obligationis, ut omnes concedunt. E contra, sicut legislator potest in materia gravi imponere solam obligationem levem, vel solam poenam, quia lex ab ejus voluntate dependet: ita vovens potest velle se obligare per votum solum sub veniali, vel ad solam poenam. Licet enim obligatio voti oriatur a jure naturali, & divino, oritur tamen, præsupposita voluntaria determinatione vovens, & juxta illam, & non amplius, ut docent Suar. Sanch. Salmantic. alique contra Sotum, Prado, Montefin. Unde sequitur, quod etiam si materia totalis voti sit parva, ut recitare unum *Credo*, omisso ejus non erit grave peccatum, ut docent Suar. Sanch. Salmant. Joann. a S. Thom. alique contra Cajet. Toler. Cord.

*Sciendum v.* Quod, si illud, quod quis vovit, ex quacumque alia causa impossibile reddatur, debet hoc facere, quod in se est, ut saltem habeat promptam voluntatem faciendi, quod potest. Unde ille, qui vovit monasterium aliquod intrare, debet dare operam, quantum potest, ut ibi recipiatur. Et, si quidem intentio ejus fuit se obligare ad religionis ingressum principaliter, & ex consequenti elegit hanc religionem, vel hunc locum, quali magis sibi congruentem, tenetur, si non potest ibi recipi, aliam religionem intrare. Si autem principaliter intendit se obligare ad hanc religionem, vel ad hunc locum propter specialem complacentiam hujus religionis, vel loci, non tenetur aliam religionem intrare, si cum illi recipere nolumus. Si vero incidit in impossibilitatem implendi votum ex propria culpa, tene-

tur insuper de propria culpa præterita poenitentiam agere, sicut mulier, quæ vovit virginitatem, si postea corrumpatur, non solum debet servare, quod potest, scilicet perpetuam continentiam, sed etiam de eo, quod amisit peccando, poenitere.

*Sciendum v.1.* Quod obligatio voti ex propria voluntate, & intentione causatur. Unde dicitur Deuter. 22. *Quod semel egressum est de labiis tuis, observabis: & facies, sicut promissisti Domino Deo tuo, & propria voluntate, & ore tuo locutus es.* Et ideo, si in intentione, & voluntate vovens est obligare se ad statim solvendum, tenetur statim solvere. Si autem ad certum tempus, vel sub certa conditione, non statim tenetur solvere, sed nec debet tardare, ultra quam intendit se obligare. Dicitur enim ibidem: *Cum votumnaveris Domino Deo tuo, non tardabis reddere: quia requirit illud Dominus Deus tuus: & si moratus fueris, reputabitur tibi in peccatum.* Nimia ergo dilatio adimpletionis voti absque urgenti causa erit peccatum mortale: nimia autem judicanda est, attentata natura materiæ promissæ, quæ si ex dilatione non minuitur, ut est peregrinatio, vel elemosyna, major dilatio requiritur ad gravem culpam: si autem ex dilatione minuitur, ut est religionis ingressus, vel perpetuum servitium in Xenodochio, minor dilatio sufficit ad mortale, quod attentis circumstantiis est regulandum juxta prudentis arbitrium, ut notat noster Piellet part. 1. tract. 4. cap. 4. §. 2.

*Sciendum v.11.* Quod quando non constat de intentione vovens, tunc judicandum est de voto secundum naturam ejus: si vero votum sit ambiguum, vel indeterminatum, tunc, si est ambiguum ex verbis, obligat juxta sensum verborum communiter receptum; unde, qui vovit castitatem, intelligitur de omnimoda abstinence a venereis, & non de sola conjugali. Similiter, qui vovit religionem, nec constat, an intenderit claustralem, vel militarem, ex vi voti teneretur ad claustralem, quia ita accipitur sensus verborum ex communi acceptione; & sic discurrere de aliis. Si vero votum est ambiguum ex circumstantiis, seu indeterminatum, obligat juxta intentionem vovens præsumptam; res enim dubiæ ex præsumptione prudenti inter-

interpretandæ sunt : Unde, si vovisti religionis ingressum, & aptus sis ad statum clericalem, debet prudenter præsumi, quod ad religionem in statu clericali te voluisti obligare, & non in statu laicali. Vovisti calicem, interpretari debet de apto ad sacrificium, & sic de cæteris.

*Sciendum VIII.* Quod obligatio voti si ve realis, si ve personalis solum afficit personam voventem, illamque obligat in vi voti, non vero hæredes, aut successores in communitate, qui solum obligari possunt ad rem per votum aliorum promissam, vel ex contractu, vel ex lege, vel ex consuetudine: votum enim ex sola voluntate voventis dependet. Vota autem personalia non possunt per alios adimpleri, quia sunt de actibus ab ipso vovente exercendis, seu de actibus intransitivis; puta, jejunare, peregrinari, & hujusmodi; unde, si vovens impotens sit illa observare, non tenetur alium substituere, & per consequens eorum obligatio non transit ad hæredes; nisi testator sub illa conditione adimplendi actum promissum hæreditatem relinqueret. Vota vero realia possunt per procuratorem adimpleri, seu solvi, & per consequens, sicut alia debita transeunt ad hæredes, utpote officientia res defuncti: a qua obligatione nequit eos absolvere testator, sicut nec a solutione aliorum debitorum. Quia tamen sunt debita ex gratuita voluntate procedentia, debent solvi post alia debita ex iustitia, sed ante legata pia: nec in legitima possunt hæredes gravari ex talibus votis, sicut nec ex legatis: quia esset, velle ex alieno Deo holocaustum offerre. Quomodo autem obliget votum penale, constat ex dictis in tract. de legib. ubi de obligatione legis pœnalis.

## C A P U T I V.

*Utrum expedit aliquid vovere.*  
2.2. quæst. 88. art. 4.

**I**N Psalm. 75. dicitur: *Vovete, & reddite Domino Deo vestro*; quod vero a Deo per prophetam consultur, expedit ad salutem animæ. Ad cuius evidentiam

*Sciendum I.* Quod, sicut supra dictum est, votum est promissio Deo facta de meliori bono. Alia autem ratione promittitur

aliquid homini, & alia ratione Deo. Homini quidem promittitur aliquid propter ejus utilitatem, cui utile est, & quod ei aliquid exhibeamus, & quod cum de futura exhibitione prius certificemus; sed promissionem Deo facimus, non propter ejus utilitatem, sed propter nostram. Unde Aug. dicit in Epist. 45. *Benignus exactor est, & non egens, ut qui non crescat ex redditibus; sed in se crescere faciat redditores.* Et, sicut id, quod damus Deo, non est ei utile, sed nobis, quia *quod ei redditur, reddenti additur*, ut Aug. ibidem dicit: ita etiam promissio, qua Deo aliquid vovemus, non cedit in ejus utilitatem, qui a nobis certificari non indiget, sed ad utilitatem nostram, in quantum vovendo, voluntatem nostram immobiler firmamus ad id, quod expedit facere; & ideo expediens est vovere.

*Sciendum II.* Quod, sicut non posse peccare non diminuit libertatem: ita etiam necessitas firmatæ voluntatis in bonum non diminuit libertatem, ut patet in Deo, & in beatis: & talis est necessitas voti, similitudinem quandam habens cum confirmatione beatorum. Unde Aug. dicit in eadem Epist. *Facile necessitas est, quæ in meliora compellit.* Libertas ergo hominis consistit solum in servire Deo, cui servire regnare est, & minutio libertatis in servire appetitui nostro: & ideo libertas ad peccandum est imperfectio libertatis, quia per eam homo est capax servitutis; unde quo magis homo elongatur a potestate peccandi, si ve per habitus virtutum, si ve per aliud, per quod magis in bono confirmatur, ut accidit in voto, tanto magis elongatur a servitute, & consequenter perficitur ejus libertas.

*Sciendum III.* Quod quando periculum nascitur ex ipso facto, tunc factum illud non est expediens, puta, quod aliquis per pontem ruinofum transeat fluvium: sed, si periculum imminet ex hoc, quod homo deficit ab illo facto, non desinit propter hoc esse expediens. Sicut expediens est ascendere equum, quamvis periculum imminet cadendi de equo: aliquoquin oportet ab omnibus bonis cessare, quæ etiam per accidens ex aliquo eventu possunt esse periculosa. Unde dicitur Eccles. 11. *Qui observat ventum, non seminat; & qui*  
con-

*considerat nubes, nunquam metet. Periculum autem vovendi non imminet ex ipso voto, sed ex culpa hominis, qui voluntatem mutat, transgrediens votum. Unde Aug. dicit in cit. Epist. Non te vovisse pœniteat, immo gaude jam tibi sic non licere, quod cum tuo detrimento licuisset.*

*Sciendum 1v. Quod Christo secundum se non competeat vovere, tum, quia Deus erat: tum etiam, quia in quantum homo, habebat firmatam voluntatem in bono, quasi comprehensor existens, quamvis per quandam similitudinem ex persona ejus dicatur in Psalm. 65. secundum gloss. Aug. Vota mea reddam in conspectu timendum eum. Loquitur autem de corpore suo, quod est Ecclesia. Apostoli autem intelliguntur vovisse pertinentia ad perfectionis statum, quando Christum, relictis omnibus, sunt secuti. Paulus etiam de se inquit Act. 24. Post annos plures eleemosynas faciturus in gentem meam veni, & oblationes, & vota: in quibus invenimus me purificatum in templo.*

## CAPUT V.

*Utrum votum sit actus latræ, seu religionis.*  
2. quæst. 88. a. 3.

**I**saïa 19. dicitur: *Colent eum in hostiis, & muneribus, & vota vovebunt Domino, & solvent.* Sed colere Deum est proprie religionis, sive latræ. Ergo votum est actus latræ, sive religionis. Ad cujus evidentiam

*Sciendum 1. Quod, sicut dictum est in 2. part. omne opus virtutis ad religionem, seu latræm pertinet per modum imperii, secundum quod ad divinum cultum, & ad divinam reverentiam ordinatur, quod est proprius finis latræ. Ordinare autem alios actus in suum finem pertinet ad virtutem imperantem, non ad virtutes imperatas. Et ideo ipsa ordinatio actuum cónjunctumque virtutis in servitium Dei, est proprius actus latræ. Manifestum est autem ex supradictis, quod votum est quædam promissio Deo facta: & quod promissio nihil est aliud, quam ordinatio quædam ejus, quod promittitur, in eum, cui promittitur: unde votum est ordinatio quædam eorum, quæ quis vover, in divinum*

*cultum, & obsequium. Et sic patet, quod vovere proprie est actus latræ, seu religionis.*

*Sciendum 11. Quod illud, quod cadit sub voto, quandoque quidem est actus alterius virtutis: sicut jejunare, & continentiam fervare. Quandoque vero est actus religionis, sicut sacrificium offerre, vel orare: utrorumque autem promissio Deo facta ad religionem pertinet, ratione jam dicta. Unde patet, quod votorum quoddam pertinet ad religionem ratione solius promissionis Deo factæ, quæ est essentia voti: quoddam etiam ratione rei promissæ, quæ est voti materia. Omnia igitur vota formaliter sunt ejusdem speciei athoniæ, ad virtutem religionis pertinentia in determinato actu specifico promissionis, & solum inter se materialiter differunt, in quantum actus promissionis Deo factæ cadere potest supra actus aliarum virtutum, & etiam supra alios actus ipsius religionis.*

*Sciendum 111. Quod ille, qui promittit, in quantum se obligat ad dandum, jam quodammodo dat: sicut dicitur fieri aliquid, cum sit causa ejus, quia effectus virtute continetur in causa. Et inde est, quod non solum danti, sed etiam promittenti gratiæ aguntur. Et ideo per votum jam aliquid actu offertur in cultum, & cœremoniam ejus, quod ad religionem essentialiter pertinet, secundum Tullium in lib. 2. de invent. prope fin. Ubi advertendum est, quod promissio potest dupliciter accipi. Primo in ordine ad rem promissam, & sic bene dicitur, quod non est dare, scilicet, nisi in causa. Alio modo sumitur, ut est in se quidam virtutis actus, quo mens nostra se subjicit Deo, dum promittit illi aliquid. Et sic, qui promittit Deo, dat Deo non rem promissam, sed mentem secundum illum actum: sicut etiam dictum est in secunda parte, quod oratio est oblatio mentis, & sic vovens cultum Deo offert etiam in actu.*

*Sciendum 1v. Quod votum soli Deo fit, sed promissio etiam potest fieri homini: & ipsa promissio boni, quæ fit homini, potest cadere sub voto, in quantum est quoddam opus virtuosum. Et per hunc modum intelligendum est votum, quo quis vover aliquid Sanctis, vel Prælati, ut ipsa promissio facta Sanctis, vel Prælati cadat sub*

voto

voto materialiter, in quantum scilicet homo vovet Deo, se impleturum, quod Sanctis, vel Prælati promittit. Potest etiam dici, quod, sicut juramentum, quando fit assumendo nomen alicujus Sancti, fit in quantum in eo relucet specialiter veritas divina, ita quando promittitur aliquid Sanctis, habet rationem voti talis promissio, in quantum principaliter dirigitur ad Deum, cujus auctoritas, & bonitas in eis specialiter relucet: & hoc pacto etiam oratio, quæ est actus latriæ, ad Sanctos dirigitur, tanquam medios, seu intercessores apud Deum. Qua de re Cajet. in comment. art. præsent.

## CAPUT VI.

*Utrum sit magis laudabile, & meritorium facere aliquid ex voto, quam sine voto.*

2. 2. quæst. 88. art. 6.

**S**uper illud Psal. 75. Vovete, & reddite, dicit Glossa. *Vovere voluntati consultur*. Consultum autem non est, nisi de meliori bono: melius est ergo facere aliquid opus cum voto, quam sine voto, & magis meritorium, & hoc triplici ratione. Unde ad hujus evidentiam

*Sciendum* I. Quod vovere, sicut dictum est, est actus latriæ, quæ est præcipua inter virtutes morales. Nobilioris autem virtutis est opus melius, & magis meritorium, unde actus inferioris virtutis est melior, & magis meritorius ex hoc, quod imperatur a superiori virtute, cujus actus fit per imperium: sicut actus fidei, vel spei melior est si imperetur a charitate. Et ideo actus aliarum virtutum moralium, puta, jejunare, quod est actus abstinentiæ, & continere, quod est actus castitatis, sunt meliora, & magis meritoria, si fiant ex voto, quia sic jam pertinent ad divinum cultum, quasi quædam Dei sacrificia. Unde Aug. dicit in lib. de virginitate cap. 8. *Neque ipsa virginitas, quia virginitas est, sed, quia Deo dedicata est, honoratur, quam fovet, & servat continentia pietatis.*

*Sciendum* II. Quod ille, qui vovet aliquid, & facit, plus se Deo subicit, quam ille, qui solum facit. Subicit enim se Deo non solum quantum ad actum, sed

etiam quantum ad potestatem, quia de cætero non potest aliud facere: sicut plus daret homini, qui daret ei arborem cum fructibus, quam qui daret ei fructus tantum, ut dicit Anselmus in lib. de similitud. cap. 84. & inde est, quod etiam promittentibus gratiæ aguntur, ut supra dictum est. Ubi notandum, quod necessitas illa voti non est necessitas coactionis, quæ involuntarium causat, & devotionem excludit; sed per immobilitatem fit voluntatis, quæ voluntatem in bono confirmat, & devotionem auget, & per consequens actum reddit meliorem, & majoris meriti apud Deum. *Hisarem enim datorem diligit Deus*; ut dicitur 2. Corinth. 9. Hinc oritur tertia ratio. Pro qua.

*Sciendum* III. Quod per votum immobiliter voluntas firmatur in bonum. Facere autem aliquid ex voluntate firmata in bonum pertinet ad perfectionem virtutis, ut patet per Philos. in 2. Ethic. cap. 4. Sicut etiam peccare mente obstinata aggravat peccatum, & dicitur peccatum in Spiritum Sanctum. Ille autem, qui facit aliquid sine voto, habet immobilem voluntatem respectu illius operis singularis, quod facit tunc, quando facit: non tamen manet voluntas ejus omnino firmata in futurum, sicut vovens, qui suam voluntatem obligavit ad aliquid faciendum, & antequam faceret illud singulare opus, & foras ad pluries faciendum.

*Sciendum* IV. Quod necessitas coactionis, in quantum est contraria voluntati, tristitiam causat, secundum Philos. 5. Met. tex. 6. Necessitas autem voti in his, qui sunt bene dispositi, in quantum voluntatem confirmat, non causat tristitiam, sed gaudium. Unde Aug. dicit in Epist. 45. ad Armentarium, & Paullinam. *Non te vovisse poeniteat, immo gaude jam tibi se non lucere, quod cum tuo detrimento fuisset*. Si tamen ipsum opus, secundum se consideratum, triste, & involuntarium redderetur post votum, dum tamen remaneat voluntas implendi, adhuc est magis meritorium, quam si esset sine voto: quia impletio voti est actus religionis, quæ est potior virtus, quam abstinencia, cujus actus est jejunare: & in tali casu non ex tristitia, aut ex necessitate coactionis implet votum, sed prout destinavit in corde suo.

suo, ut dicit Apost. 2. Cor. 9. id est ex libera electione voluntatis, qua se obligavit, & qua spontanea obligatione præsupposita, eligit implere rem promissam, licet secundum se triste, & voluntati contrariam. Sed nunc oritur dubium, num quem pœnitet vovisse, peccet. Ad cujus evidentiam

*Sciendum v.* Quod, si quis male dispositus tristaretur de bono promisso per votum, non solum, in quantum ipsum opus secundum se est triste, sed etiam, quia ipsum votum displicet ita, ut pœniteat, se subiecisse voto, paratus tamen adimplere votum, non peccaret nec etiam venialiter, si ex rationabili causa pœniteret. Ratio est, quia talis penitentia non cadit supra votum absolute sumptum, quod est materia indebita penitentiae, & peccatum accidia inducens in eo, qui de voto tristaretur; cujus signum est, quod habet voluntatem implendi votum: sed habet pro objecto emissionem voti jam facti, de qua pœnitet. Sicut ergo poterat abique peccato veniali non emitteere votum, ita etiam velle non emisit tale votum; Omissio enim voti, sive præterita sit, sive futura, sive præsens, idem obiectum est, quod non est de genere malorum. Advertendum tamen est, quod in votis diuturnitatem temporis importantibus, puta in statu religioso, hæc tristitia plena est magni periculi non adimplendi bona promissa per votum, quia feivorem, & devotionem minuit, inducit animi relaxationem, adeoque culpa veniali non vacat, cum periculo paulatim incidendi in gravia peccata, ut bene notat Cajet. in communi præf. art.

## C A P U T VII.

*Per quid votum solemnizetur.*

2. 2. quæst. 88. art. 7.

Consequenter ad ea, quæ pertinent ad naturam voti, considerandum est de his, quæ pertinent ad ejus solemnitatem. Per duo autem votum solemnizatur, ut certum est, & definitum a Bonifac. VIII. in cap. Quod votum; scilicet per susceptionem sacri ordinis, & per professionem ad certam regulam: quia hæc solum duo

vota impediunt matrimonium contrahendum, & dirimunt contractum, ut in eodem cap. dicitur. Ad cujus evidentiam

*Sciendum 1.* Quod unicuique rei solemnitas adhibetur secundum illius rei conditionem, sicut alia est solemnitas novæ militiæ, scilicet in quoddam apparatu eorum, & armorum, & concursu militum: & alia solemnitas nuptiarum, quæ consistit in apparatu sponsi, & sponsæ, & conventu propinquorum. Votum autem est promissio Deo facta. Unde solemnitas voti attenditur secundum aliquid spirituale, quod ad Deum pertineat, id est secundum aliquam spirituale benedictionem, vel consecrationem, quæ ex institutione Apostolorum adhibetur in professione certæ regulæ, secundo gradu post sacri ordinis susceptionem, ut dicit Dion. 2. c. Eccles. hier. & hoc rationabiliter. Unde

*Sciendum 11.* Quod solemnitates non contrahuntur adhiberi, nisi quando aliquis totaliter mancipatur alicui rei. Non enim solemnitas nuptialis adhibetur, nisi in celebratione matrimonii, quando uterque conjugum sui corporis potestatem alteri tradit. Et similiter voti solemnitas adhibetur, quando aliquis per susceptionem sacri ordinis divino ministerio applicatur. Et in professione certæ regulæ, quando per abrenunciationem sæculi, & propriæ voluntatis, aliquis statum perfectionis assumit. Unde in cit. cap. Quod votum, dicitur. *Illud solum votum debere dici solemne, quantum ad post contractum matrimonium dirimendum, quod solemnizatum fuerit per susceptionem sacri ordinis, aut per professionem expressam, vel tacitam, secundum alicui de religionibus per sedem Apostolicam approbatis.*

*Sciendum 111.* Quod aliud est votum esse publicum, & aliud esse solemne. Vota enim ex hoc, quod sunt in publico, possunt habere quandam solemnitatem humanam, non autem solemnitatem spirituale, & divinam, per quam inducant hunc effectum, scilicet dirimere matrimonium post contractum: sicut habent vota præmissa, etiam si coram paucis fiant. Huiusmodi autem solemnitas spiritualis pertinet non solum ad homines, sed ad Deum, in quantum habet aliquam spirituale consecrationem, seu benedictionem, cujus Deus est

au-

auctor, etsi homo sit minister. Et ideo votum solemne habet fortio-rem obligatio-  
nem apud Deum, quam votum simplex,  
& gravius peccat, qui illud transgreditur.  
Quod autem dicitur, quod votum simplex  
non minus obligat apud Deum, quam so-  
lemne, intelligendum est quantum ad hoc,  
quod utriusque transgressor peccat morta-  
liter peccato ejusdem speciei.

*Sciendum* IV. Quod, sicut patet ex di-  
ctis, in votis solemnibus, quæ de facto  
habet Ecclesia, tria inveniuntur, scilicet,  
votum, mancipatio ad cultum divinum  
totaliter, seu famulatum, & consecratio,  
sive benedictio. Ex his tribus, consecra-  
tio, seu benedictio pertinet ad solemnita-  
tem ceremoniam, sine qua votum solem-  
ne inveniri potest, puta in professione  
tacita. Alia vero duo conjunctim sumpta  
requiruntur tanquam substractum ad solem-  
nitatem legitimam, seu lege Ecclesiasti-  
ca sancitam in votis. Si enim fiat profes-  
sio per emissionem trium votorum in re-  
ligione non approbata ab Ecclesia, vel si-  
ne emancipatione perpetua ad Dei famu-  
latum, talia vota non erunt solemnia le-  
gitime, quia exhibitio sui ad Dei famula-  
tum non acceptatur ab Ecclesia quantum  
ad dirimendum matrimonium post contra-  
ctum. Tota ergo vis solemnitatis legitimæ  
ab auctoritate dependet Ecclesiæ, flaven-  
tis, quod vota cum exhibitione totali ad  
Dei famulatum facta impediunt matrimo-  
nium contrahendum, & dirimant post con-  
tractum, quod fit in susceptione sacri Or-  
dinis, & per professionem in religione ap-  
probata, ut dicit Bonifacius Papa in cit.  
cap. Quod votum.

## CAPUT VIII.

*Utrum illi, qui sunt alterius potestati sub-  
jecti, impediantur a votendo.*

2.2. quæst. 88. art. 8.9.

**D**Einde considerandum est de relaxatio-  
ne voti, & primo, de ea, quæ fit  
per irrationem voti, seu annulationem.  
Secundo de ea, quæ fit per dispensatio-  
nem, aut commutationem ipsius voti.  
Circa primum igitur in præsentia

*Sciendum* I. Quod duplex est potestas  
in subditos. Una jurisdictionis, quæ com-

petit Prælati Ecclesiæ supra Christi fide-  
les. Alia domini, quam habet dominus  
erga servos, pater in filios, vir erga ux-  
orem, Prælati regulares in Religiosos, &  
Summus Pontifex in dispensatione rerum  
Ecclesiasticarum. Potestas jurisdictionis non  
se extendit ad impediendum, seu irritan-  
dum vota subditorum, cum sit potestas  
vicaria, seu pastoralis, & solius dispensa-  
toris fidelis, quem constituit Dominus su-  
per familiam suam, ut det illi cibum in  
tempore; & ideo tota ordinatur in utili-  
tatem subditorum, ad pascendum gregem,  
ad dispensandum ei cibum juxta mensu-  
ram, seu juxta voluntatem Domini, &  
non ad libitum suum, & juxta exigentiam  
uniuscujusque de familia, & unico verbo  
ordinatur in ædificationem, & non in de-  
structionem. Potestas vero dominativa,  
utpote respiciens subditos, tanquam rem  
propriam, est potestas principalis, & dis-  
positiva ad libitum de rebus suis; & ideo  
potest absque ulla causa impedire, seu ir-  
ritare vota subditorum in eo, in quo ei  
subjiciuntur. Dictum est enim, quod vo-  
tum est promissio Deo facta. Nullus au-  
tem potest per promissionem se firmiter  
obligare ad id, quod est in potestate al-  
terius; sed solum ad id, quod est omni-  
no in sua potestate. Quicunque autem  
est subiectus alicui, quantum ad id, in  
quo est subiectus, non est suæ potestatis  
facere, quod vult, sed dependet a volun-  
tate alterius. Et ideo non potest se per  
votum firmiter obligare in his, in quibus  
alteri subjicitur, sine consensu sui su-  
prioris.

*Sciendum* II. Quod sub promissione Deo  
facta non cadit, nisi quod est virtuosum,  
ut supra dictum est. Est autem contra  
virtutem, ut id, quod est alterius, homo  
offerat Deo, ut supra dictum est, Deus enim  
odit rapinam in holocausto. Et ideo non  
potest omnino salvari ratio voti, cum  
quis in potestate alterius constitutus vover  
id, quod est in potestate alterius, nisi  
sub conditione, si ille, ad cujus potesta-  
tem pertinet, non contradicat. Licet au-  
tem votum eorum, qui sunt alterius po-  
testati subditi, non sit firmum sine con-  
sensu eorum, quibus subjiciuntur, non ta-  
men peccant vovendo, quia in eorum  
voto intelligitur debita conditio, scilicet,  
si suis



si suis superioribus placuerit, vel non renituntur. Ubi notandum, quod hujusmodi votum conditionatum, licet non sit firmum absolute, est tamen firmum sub conditione consensus superioris in inhibitis, vel non contraditionis in non inhibitis. Unde colliges, quod sic vovens obligatur sub mortali ex vi talis voti ad petendam licentiam superioris in inhibitis generaliter, vel specialiter; in non inhibitis vero obligatur ad præstandam rem promissam per votum, usquequo superior non contradicat, vel in generali, vel in speciali, quia votum validum est, si conditio extat, ut dicit S. Tho. a. 9. ad 2. Dixi, quod tenetur petere licentiam in rebus inhibitis: non autem tenetur manifestare votum factum superiori ex vi facti voti. Qua de re vide Cajet. in præfenti, ar. Ad cujus evidentiam

*Sciendum* 114. Quod superior dupliciter potest impedire, seu irritare vota subditorum. Uno modo directe, & proprie, solvendo scilicet vinculum voti, ejusque obligationem extinguendo; & hoc fieri non potest, nisi illi innoteat, saltem in genere votum subditi. Alio modo indirecte, & improprie, scilicet, impediendo solam executionem voti, remanente ejus vinculo, & obligatione, suspensa tamen, & impedita: & ad hoc necessaria non est in superiore notitia voti ipsius subditi. Unde sequitur, quod, si subditus non manifestat votum suo superiori, sed solum petit licentiam ad actum promissum; per hoc, quod illi a superiore licentia negatur, obligatio voti, per se loquendo, non extinguitur, sed solum suspenditur quoad executionem. An vero in tali casu teneatur subditus ex vi voti facti iterato petere licentiam ab eodem, vel a majore superiore, vel ab eorum successore, attendenda est intentio vovens. Si enim vovens intendit se obligare per votum ad unica vice petendam licentiam, negata licentia, ad nihil amplius obligatus remanet ex vi voti facti. Sed quando de intentione vovens expressa non constat, attendenda est natura promissæ materie, quæ si in uno, vel paucis actibus consistit, puta uno, vel tribus jeuniis, tunc præsumi debet, quod vovens voluerit se obligare solum ad petendam unica

P. Soffetti Theol. Tom. V.

vice licentiam: Si autem materia voti importet actus successivos, & per longum tempus, tunc præsupponitur prudenter, quod voluerit se obligare ad reiterandas petitiones usque dum possit prudenter sperare, quod licentiam a superiore obtinere possit.

*Sciendum* 115. Quod subditus, qui vovit de consensu superioris, excusatur a peccato non servando votum, si superior postea revocet licentiam, vel inhibeat exhibitionem rei promissæ per votum. Ratio est, quia res sibi concessa ad promittendum, licet facta fuerit sua, ut materia promissionis, & per consequens votum absolutum, & firmum remanserit: non tamen facta fuit sua in actu, sed solum in potentia, ut materia exhibitionis, remanente dominio rei apud Superiorem antequam actu sit exhibitæ; est enim veluti deposita a superiore in potestate subditi ad illum usum solum, ut Deo exhibeatur a subdito, & propterea, si superior, antequam ab eo transferatur dominium per actualem exhibitionem Deo factam, rem illam retrahat ad se revocando licentiam, subditus, cujus non erat adhuc actu res illa secundum exhibitionem, non tenetur ad exhibendum, quod suum non est. Superior vero peccat mortaliter revocando, vel inhibendo: quia licet apud ipsum remanserit dominium rei Deo exhibendæ, tamen remansit obligatus ad exhibendam rem illam Deo ratione voti sui subditi, quo res illa obligata est Deo de consensu ipsius superioris. Et ideo tamquam violator, & delinctor vinculi ad Deum, mortaliter peccat. Unde Num. 30. dicitur de viro, qui post consensum revocavit licentiam, quod *portabit iniquitatem suam*. Uxori autem non jubetur, ut invito marito exequatur votum, insinuans per hoc, ut August. exponit, uxorem esse excusatam ab observatione voti.

*Sciendum* v. Quod vota subditorum, si ve temporalia sint, si ve perpetua, semel quod irritantur proprie, & directe, per solutionem scilicet vinculi, & extinctionem absolutam obligationis, numquam amplius reviviscunt, ut expresse patet extra, de convers. conjug. cap. Quidam, cap. placet, ubi habetur, quod vir pro-

D

fel-

scelus, irritante uxore ejus votum, illa mortua, non tenetur ad religionem: nam, quod semel extinctum est, numquam reviviscit, leg. cum ex causa. Cod. de remiss. pignor. Suppositio tamen, quod potestas dominativa in superiore non fuerit vera, sed solum putata, irritatio non subsistit: nam, licet in actibus jurisdictionis titulus coloratus, & error communis reddant actus validos, non tamen in actibus Dominii, ut docent Sanch. Pal. Trull. & alii. Probabile tamen censent Salmant. etiam actus dominii reddi validos, sicut etiam tenet Pradus. Similiter vota emissā a subdito eo tempore, quo erat subditus, non possunt irritari a Superiore, transacto tempore subjectionis, quia cessat potestas dominativa, ratione cujus poterat irritare. Unde nec praelatus regularis potest irritare vota religiosi expulsi in perpetuum a religione, nec vir vota uxoris, facto divortio, nec pater vota filiorum puberum post emancipationem. Probabile tamen est, posse patrem irritare vota facta a filiis dum erant impuberes, etiam si emancipati jam sint, dummodo non fuerint ratificata post pubertatem, ut docent Cajet. Sayr. Bonac. Salmant. Vota vero, quæ fiunt tempore subjectionis adimplenda pro tempore, quando finietur subiectio, possunt directe irritari a superiore tempore subjectionis, quia adhuc durat potestas dominativa in voventem. E contra vota facta ante tempus subjectionis, non possunt directe irritari tempore subjectionis, sed solum indirecte: quia non fuerunt vota conditionata, sed absoluta, cum vovens esset sui juris.

*Sciendum VI.* Quod, ex quo homo venit ad annos pubertatis, si fit liberæ conditionis, est suæ potestatis, quantum ad ea, quæ pertinent ad suam personam, puta, quod obliget se religioni per votum, vel quod matrimonium contrahat: non autem est suæ potestatis, quantum ad dispositionem domesticam. Unde circa hoc non potest aliquid vovere, quod sit ratum sine consensu patris. Similiter dicendum est, non licere uxori ulla vota Deo offerre sine licentia sui mariti, ut dicitur in cap. fin. 33. q. 5. quia vir est caput uxoris, quæ proinde viro in omnibus debet esse subiecta, quantum ad con-

versationem domesticam, & familiæ gubernationem. Servus autem, quia est in potestate domini, etiam quantum ad personales operationes, non potest se voto obligare ad religionem, per quam ab obsequio Domini abstraheretur: omnia ergo vota servorum directe irritari possunt a Domino, excepto voto castitatis. Unde D. Tho. dicit in 4. d. 88. q. 1. a. 1. q. ult. ad 3. *Sicut servus, ita nec religiosus aliquid votum emittere potest absque consensu sui superioris.* Et in præsentī ar. ad 3. dicit: *Nullum votum religiosi est firmum, nisi sit de consensu praelati: sicut nec votum puella existentis in domo, nisi sit de consensu patris; nec uxoris, nisi sit de consensu viri.*

*Sciendum VII.* Quod, sicut supra dictum est, duplex est votum, scilicet simplex, & solemne. Et quia solemnitatis voti in quadam spirituali benedictione, & consecratione consistit, ut dictum est, quæ fit per ministerium ecclesiæ, ideo solemnizatio voti sub dispensatione ecclesiæ cadit. Votum autem simplex efficaciam habet ex deliberatione animi, qua quis se obligare intendit. Quod autem talis obligatio robur non habeat, dupliciter potest contingere. Uno quidem modo propter defectum rationis, sicut patet in furiosis, & in amentibus, qui se voto non possunt obligare ad aliquid, dum sunt in furia, vel in amentia. Alio modo, quia ille, qui vovet, est alterius potestati subiectus, ut supra dictum est. Et ista duo concurrunt in pueris ante annos pubertatis, quia & patiuntur rationis defectum, ut in pluribus, & sunt naturaliter sub cura parentum: & ideo eorum vota ex duplici causa robur non habent. Contingit tamen propter naturæ dispositionem, quæ legibus humanis non subditur, in aliquibus, licet paucis, accelerari rationis usum, qui ob hoc dicuntur doli capaces. Nec tamen propter hoc eximuntur a cura parentum, quæ subiacet legi humanæ respicienti ad id, quod frequentius accidit. Est ergo dicendum, quod si puer, vel puella ante pubertatis annos nondum habeat usum rationis, nullo modo potest se voto obligare. Si vero ante pubertatis annos attingit usum rationis, potest quidem, quantum in ipso est, se obligare, sed votum ejus

ejus potest irritari per parentes, quorum curæ remanet adhuc subiectus. Quantumcumque tamen sit doli capax, ante annos pubertatis non potest obligari voto solemnii religionis propter ecclesiæ statutum, quod respicit id, quod in pluribus accidit. Post annos autem pubertatis possunt jam se voto religionis obligare, vel simpliciter, vel solemniter, absque voluntate parentum.

## CAPUT LX.

*Utrum possit in voto dispensari.*

2.2. quæst. 88. a. 10. & 11.

**D**Einde considerandum est de dispensatione voti. Circa quod

*Sciendum* 1. Quod dispensatio voti intelligenda est ad modum dispensationis, quæ fit in observantia alicujus legis: quia lex ponitur respiciendo ad id, quod est ut in pluribus bonum. Sed, quia contingit hujusmodi in aliquo casu non esse bonum, oportuit per aliquem determinari in illo particulari casu legem non esse servandam: & hoc proprie est dispensare in lege. Nam dispensatio videtur importare quamdam commensuratum distributionem, vel applicationem communis alicujus ad ea, quæ sub ipso continentur: per quem modum dicitur aliquis dispensare cibum familiæ. Similiter autem ille, qui vover, quodammodo sibi statuit legem; obligans se ad aliquid, quod est secundum se, & ut in pluribus bonum. Potest autem contingere, quod in aliquo casu sit vel simpliciter malum, vel inutile, vel majoris boni impeditivum: quod est contra rationem ejus quod cadit sub voto: & ideo necesse est, quod determinetur in tali casu votum non esse servandum. Et, si quidem absolute determinetur aliquod votum non esse servandum, dicitur esse dispensatio voti. Si autem pro hoc, quod servandum erat, aliquid aliud imponatur, dicitur commutatio voti. Unde minus est votum commutare, quam in voto dispensare. Utrumque autem in potestate ecclesiæ consistit. Ad cujus evidentiam

*Sciendum* 11. Quod, sicut supra dictum est, votum est promissio Deo facta de ali-

quo, quod sit Deo acceptum. Quid sit autem in aliqua promissione acceptum ei, cui promittitur, ex ejus pendet arbitrio. Prælati autem in ecclesia gerit vicem Dei: & ideo in commutatione, vel dispensatione votorum requiritur prælati auctoritas, qui in persona Dei determinat, quid sit Deo acceptum, secundum illud 2. Cor. 2. *Nam & ego quod donavi, si quid donavi, propter vos in persona Christi.* Et signanter dicit, propter vos: quia omnis dispensatio petita a prælato debet fieri ad honorem Christi, in cuius persona dispensat: & ad utilitatem ecclesiæ, quæ est ejus corpus. Ad dispensandum ergo, vel commutandum vota requiritur jurisdictio spiritualis in foro externo, vel ordinaria, vel delegata: quæ tamen contentiosa non est, sed voluntaria. Unde prælati, qui possunt cum subditis dispensare in votis, possunt alteri facultatem committere, ut in eisdem secum dispensent: immo possunt ipsi secum dispensare; ut ex communibus notant Salmantici.

*Sciendum* 111. Quod omnia alia vota sunt quorundam particularium operum: sed per religionem homo totam vitam suam Dei obsequio deputat. Particulare autem in universali includitur, & ideo Decretalis dicit, quod reus fracti voti non habetur, qui temporale obsequium in perpetuam religionis observantiam commutat. Nec tamen religionem ingrediens tenetur implere vota, vel juniorum, vel orationum, vel aliorum hujusmodi, quæ existens in sæculo fecit: quia religionem ingrediens moritur priori vitæ. Et etiam singulares observantiæ religioni non competunt, & religionis onus satis hominem onerat, ut alia superaddere non oporteat. Qua ratione colligunt Doctores, quod non requiritur auctoritas prælati ad commutandum votum in rem evidenter meliorem, quamvis disparatam (exceptis votis reservatis) quia minus includitur in majori, & est evidens, esse Deo magis gratum. Ita probabilius docent Salmant. Sanch. Suar. Laym. & est nunc sententia communis, contra Innoc. Abb. Sylv. & antiquos Canonistas, quorum tamen sententia satis probabilis est.

*Sciendum* IV. Quod nullo modo potest fieri commutatio voti in evidenter æqua-

le abique auctoritate praelati, ut constat ex dictis, & probabilius docent Cajet. Sanch. Suar. Sayr. & alii, contra Rodr. Sa., Bonac. Less. Si vero materia certo æqualis dubitetur, quod sit melior, tunc posse in illam fieri commutationem propria auctoritate, docent Sanch. Suar. Pal. Hinc probabilius est, commutationem in æquale propria auctoritate factam esse invalidam, & per consequens peccare mortaliter, qui rem promissam per votum non adimpleret: quia commutatio fuit facta sine consensu creditoris. Ita Suar. Pal. Salmant. Prad. contra Sanch. Lean. Dian. qui dicunt esse solum veniale. Hoc certum est, quod, facta commutatione propria auctoritate, si postea materia subrogata non possit adimpleri, aut evadat inutilis, tenetur vovens ad materiam priorem reddendam: non vero quando commutatio fuit facta auctoritate praelati. Facta autem commutatione voti per legitimam potestatem, liberum erit voventem redire ad priorem materiam, quia commutatio fuit facta in favorem ipsius, sub tacita conditione, nisi velit adimplere materiam promissam. Ita Sanc. Laym. Salmant.

*Sciendum v.* Quod quidam dixerunt, quod praelati possunt in votis pro libito dispensare, quia in quolibet voto includitur conditionaliter voluntas praelati superioris, sicut in cap. ant. dictum est, quod in votis subditorum, puta servi, filii, intelligitur conditio, si placuerit patri, vel Domino, vel si non renitatur: & sic subditus absque omni remotione conscientie posset votum prætermittere, quandoque sibi a praelato diceretur. Sed prædicta positio falso innititur: quia compotestas praelati spiritualis, qui non est dominus, sed dispensator, in ædificationem sit data, & non in destructionem, ut patet 2. ad Cor. 10. Sicut praelatus non potest imperare ea, quæ secundum se Deo displicent, scilicet peccata: ita non potest prohibere ea, quæ secundum se Deo placent, scilicet virtutis opera; & ideo absolute potest homo vovere ea. Ad prælatus tamen pertinet dijudicare, quid sit magis virtuosum, & Deo magis acceptum. Et ideo in manifestis dispensatio praelati non excusaret a culpa; puta, si

praelatus dispensaret cum aliquo super voto de ingressu religionis, nulla apparenti causa obstante. Si autem esset causa apparens, per quam saltem in dubium verteretur, posset stare iudicio praelati dispensantis, non tamen iudicio proprio; quia ipse non gerit vicem Dei, nisi forte in casu, in quo id, quod vovit, esset manifeste illicitum, & non posset opportune ad superiorem recurrere. Ita D. Tho. hic ar. 12. ad 2.

*Sciendum vi.* Quod, si dubium est de existentia iustæ causæ, non potest valide dispensatio concedi: Obligatio enim voti in tali casu est in possessione. Si vero, existente iusta causâ, dubium sit de ejus sufficientia, poterit dispensatio concedi; ita tamen, ut in tali casu aliqua commutatio admisceatur: quod & praxis Pontificum demonstrat in concedendis dispensationibus, ut colligitur ex cap. 2. cap. magnæ, de voto. Quod, si postulans dispensationem, & illam concedens bona fide procedant, putantes causam legitimam adesse, cum tamen revera nulla adestet vera causa dispensandi, vel omnino insufficientis, licet aliqui dicant in tali casu esse invalidam dispensationem, ut Basil. Salas, Pal. tamen probabilius est, quod sit valida, ut docent S. Thom. cit. Less. Sanch. Salmant. quia impossibile est, aliam esse intentionem superioris tum humani, cum divini circa suas leges, quam ut humano modo, & prudenti dispensator procedat, ut sit fidelis, alias nunquam acta per praelatos remanerent firma, & conscientie semper scrupulis angerentur. Hic notandum, quod habentes potestatem delegatam ad dispensandum in votis, a fortiori habent facultatem ad illa commutanda, non autem e contra: quia commutatio includitur in dispensatione tanquam minus in majori ejusdem rationis, seu tanquam pars in toto, ut probabilius docent Barb. Suar. Laym. Sot. Salmant. alique contra Navar. Valent. & Sanch. qui dicunt, potestatem commutandi esse omnino diversam a potestate dispensandi, adeoque non esse includam in illa.

*Sciendum vii.* Quod major causa requiritur ad dispensationem, per quam tollitur absolute vinculum voti, quam ad commutationem, per quam, remanente

vota

vinculo voti, mutatur ejus materia. Ex duplici autem capite causa adesse potest. Uno modo ex parte materiæ ipsius voti, scilicet, si sit impeditiva melioris boni, tunc enim dispensatio in honorem Dei cedit, & Ecclesiæ utilitatem. Qua ratione ad sedandum bellum concedi potest puellæ habenti votum castitatis, ut nubat habenti magnam difficultatem in executione voti, maxime si non fuit prævisa; aut si vovens vexetur magnis scrupulis in executione voti, poterit dispensatio concedi, ad consulendum saluti animæ ejus: & aliæ similes causæ sufficiunt ad vota dispensanda. Alio modo ex parte ipsius voti, scilicet ratione imperfectionis voluntarii, quo votum emissum fuit, puta, quia metu fuit extortum, vel ex errore circa causam impulsivam, vel quia sine maturo consilio præcipitanter fuit factum, vel sine plena, & perfecta discretionē, ut evenit in votis impuberum, causa sufficiens erit ad dispensandum talia vota, ut notant Cajet. Salmant.

*Sciendum* VIII. Quod ad commutationem voti minor causa est sufficiens, & non requiritur causa obstanti majori bono, sed sufficit majoritas boni, in quod votum commutatur, ut patet extra, de voto, cap. Quod super his, ubi mulierum, & inutilium ad pugnam vota pro subsidio terræ sanctæ, redimenda dicuntur: quia melius est subvenire terræ sanctæ de pecuniis, quas consumerent in itinere. In cap. quoque 1. ibid. omnes causæ personales resolvendæ dicuntur in hoc, quod recompenfatio sit melior, & Deo acceptior arbitrio præsentis, quando causa commutandi solum se tenet ex parte rei, in quam fit commutatio. Quando vero aliqua necessitas impotentiae, vel incommoditatis, vel scandali vitandi, impellit ad commutandum, tunc sufficit commutare in æquale gratum Deo. Quin etiam de rigore juris, si sola causa miserendi, seu condescendendi petitioni voventis, prælati in æquale bonum votum commutet vice Dei, non infideliter aget. Secus tamen esset, quando pro sola voluntate prælati hoc fieret, non causa gratitudinis, aut miserationis vice Dei. Commutatio autem in minus fieri non potest, nisi admisceatur dispensatio. Æqualitas vero materiæ non

est metienda mathematicæ, sed moraliter, & attenta proportionē ad finem, ob quem votum fuit factum, ut notant Cajet. Salmant. Laym.

## C A P U T X.

*Quæ vota, & qualiter sint Papa reservata.*  
2.2. quæst. 88. ar. 12. ad 3.

**D**Enique considerandum est, quænam vota, & qualiter a Prælati Papa inferioribus dispensari, aut commutari non possint. Circa quod

*Sciendum* 1. Quod, quia Summus Pontifex gerit plenarie vicem Christi in tota Ecclesia, ipse habet plenitudinem potestatis dispensandi in omnibus dispensabilibus votis. Aliis autem inferioribus prælati jure ordinario, & regularibus ex privilegio committitur dispensatio in votis, quæ committere fiunt, & indigent frequenti dispensatione, ut habeant de facili homines, ad quem recurrant: Sicuti sunt vota peregrinationum, jejuniorum, & aliorum hujusmodi. Vota vero majora reservantur iunimo Pontifici, nimirum, Votum simplex castitatis, votum religionis, & votum triplicis peregrinationis terræ sanctæ, ad visitanda lumina D. Petri, & S. Jacobi Apostoli in Galitia; sicut constat ex cap. ex multa, cap. super his, de voto. Extra, & si dominici, 2. de poenit. & remiss. Cæterum, cum reservatio semper odiosa censetur, ideo stricte interpretanda. Quare, cum dicta quinque vota reservata dicuntur, intelligendum est, quando sunt certa, absoluta, & perfecta: Si vero sunt dubia, conditionata, aut imperfecta, non sunt reservata, ut docent communiter Doctores apud Salmantic. ad quorum intelligentiam

*Sciendum* II. Quod quando conceditur in Jubilæis facultas absoluta dispensandi, & commutandi omnia vota, non intelligitur de reservatis, nisi exprimentur: quia in generali concessione non comprehenduntur, ut patet ex reg. 8. de reg. juris in 6. In casu autem urgentis necessitatis, in quo non est facilis recursus ad Summum Pontificem, & est in mora periculum gravis damni spiritualis, aut temporalis, poterit Ordinarius dispensare in his votis sa-

lum quantum necessitas obligat, & non amplius, quia sic convenit suavi regimini Ecclesie, ut docent Suar. Barb. Laym. In tali autem casu necessitatis non possunt regulariter vota prædicta relaxare, quia non desinunt esse reservata, ut docent Prad. Barb. Sanch. Rodr. Quamvis oppositum non sit improbabile, cum in tali casu facultas dispensandi jure ordinario restituitur Episcopis, adeoque desinunt esse reservata, ut docent Villal. Ant. a Sp. Sanct. & alii apud Salmant.

*Sciendum* III. Quod, si vovens intendat solum se obligare sub veniali, tale votum non est reservatum, quia non est integrum, seu perfectum; sic Sanch. Pal. Si votum fuit factum ex metu, etiam levi, non est reservatum, quia non est ex perfecta libertate factum, Lean. Bassæus. Similiter in dubio, an aliquod ex dictis votis ratione materie, vel defectu libertatis, aut ex alio capite sit reservatum, vel fuerit emissum, judicandum est non esse reservatum, quia materia est odiosa, adeoque restringenda. Sic Sanch. Suar. Laym. Item nullum ex his votis est reservatum, quando ratione materie non est integrum, & perfectum, ut est votum castitatis conjugalis, vel ad tempus, aut non se poluendi, vel non petendi debitum, votum faciendi votum castitatis, aut religionis, vel assumendi Ordines sacros; quia hæc non sunt vota castitatis, aut religionis facta, sed facienda. Suar. Sayr. Nec sunt reservata vota peregrinationis Romanæ, aut Compostellanæ, quando sunt facta ad alium finem, præterquam ad visitandum D. Jacobum, aut limina D. Petri, ut est expressum in jure, & notant Sanch. Pal. Salmant.

*Sciendum* IV. Quod circumstantiæ prædictorum votorum non sunt reservatæ, ut est pedester peregrinandi, aut votum religionis, vel perseverandi in religione. Ita Sanch. Pal. Basil. Nec est reservatum votum disjunctivum de materia reservata, & non reservata, puta votum ingrediendi religionem, vel interveniendi hospitibus; quia votum non est de materia certa. Suar. Laym. Lean. Denique hæc vota, quando sunt conditionata, aut pœnalia, non sunt reservata, conditione pendente, quia adhuc non sunt perfecta, & absolu-

ta, ut est certum apud omnes. Imo etiam conditione purificata, quia semper in sua radice remanent imperfecta, ut probabilius docent Sanch. Tol. Prad. Salm. contra Sot. Azor. Probabilius etiam est, quod, facta commutatione a Summo Pontifice in aliam materiam, vota non remaneant amplius reservata, quia erant reservata ratione materie. Ita Laym. Sanch. Salm. contra Azor. Lean. Denique probabilius est, etiam juramenta continentie, religionis, & triplicis peregrinationis esse reservata, quia vel non distinguuntur a voto, ut docet Cajet. vel quoad omnia ut votum reputantur, & votum includunt, ut docent Sot. Lean. Rodrig. Salmant. contra Navar. Led.

## TRACTATUS SEXTUS.

### *De Juramento statum perfectionis confirmante.*

**C**onsequenter ad votum considerandum est de Juramento, quod est voto affine, & ad firmandum statum perfectionis similiter concurrente. Circa quod tria consideranda sunt. Primo de pertinentibus ad ejus naturam. Secundo de pertinentibus ad obligationem, quam inducit. Tertio de pertinentibus ad ejus violationem. Sit ergo

### CAPUT PRIMUM.

*Utrum jurare sit testem Deum invocare.*  
S. Thom. 2. 2. qu. 89. ar. 1.

**A**ugust. dicit ferm. 18. de verb. Apost. *Quid est jurare per Deum, nisi testis est Deus? Ad cujus evidentiam*

*Sciendum* 1. Quod, sicut Apost. dicit ad Hebr. 6. *Juramentum ad confirmationem ordinatur.* Confirmatio autem in scilibus per rationem fit, quæ procedit ex aliquibus naturaliter notis, quæ sunt infallibiliter vera: sed particularia facta contingentia hominum non possunt per rationem necesse.

cessariam confirmari. Et ideo ea, quæ de his dicuntur, solent confirmari per testes. Sed humanum testimonium non est sufficiens ad hujusmodi confirmandum propter duo. Primo quidem propter defectum veritatis humanæ: quia plurimi in mendaciis labuntur, secundum illud Psalm. 16. *Os eorum locutum est mendacium*. Secundo propter defectum cognitionis: quia homines non possunt cognoscere, neque futura, neque cordium occulta, vel etiam absentia, de quibus tamen homines loquuntur, & expedit rebus humanis, ut certitudo aliqua de his habeatur. Et ideo necessarium fuit recurrere ad divinum testimonium: quia Deus neque mentiri potest, neque eum aliquid latet. Assumere autem Deum in testem dicitur jurare: quia quasi pro jure introductum est, ut quod sub invocatione divini testimonii dicitur, pro vero habeatur. Unde

*Sciendum 11.* Quod juramentum per se ordinatur, tanquam in finem effectum ad certificandos homines de veritate, quæ per rationem probari non potest, adeoque ad sui probationem indiget testimonio, & præcipue divino, quod est infallibile: unde juramentum non inducitur ad ea, quæ sunt necessaria, & per rationem investiganda. Derisibilis enim videretur, si quis in disputatione alicujus scientiæ, vellet propositum per juramentum probare. Solum ergo rationabiliter inducitur juramentum ad certificandum homines de aliquo facto contingenti, vel futuro, quod eis promittitur: vel occulto præsentis, vel præteriti, aut absente. Deus autem a nobis certificari non indiget de aliqua veritate: quia omnia nuda, & aperta sunt oculis ejus; unde, si juramentum soli Deo fiat, solum inducitur ad firmandum propositum de bono ex deliberatione concepto, & ad se obligandum ad ejus executionem ex motivo patriæ, seu religionis, in quo natura voti, seu promissionis Deo factæ consistit, sicut constat ex dictis in tractat. ant. & ideo juramentum soli Deo factum exiit quasi naturam juramenti, & induit naturam, seu rationem voti, ut ex communi docent Cajet. & Salmant. vel saltem voti rationem includit, & confirmat, ut notant Salmant.

*Sciendum 111.* Quod aliud est testimo-

nio Dei uti jam dato, quod fit, cum aliquis auctoritatem sacræ scripturæ inducit: & aliud est, testimonium Dei implorare, ut exhibendum, quod fit in juramento. Ad juramentum igitur non pertinet testimonium divinum, quando illud inducitur narrative, seu historice, allegando scilicet textum aliquem divinæ scripturæ ad probationem alicujus veritatis: aut quando testimonium divinum inducitur enunciative, enunciando scilicet, quod Deus fuit, aut est testis ejus, quod fecit, vel intendit facere, puta si dicat, Deus videt, quod dico veritatem, aut similia, tunc enim non fit juramentum. Tunc ergo solum fit juramentum, quando Deus expressè, vel tacite invocatur ut testis, seu ejus testimonium imploratur ad confirmandam veritatem locutionis, five sit promissio futuri eventus, qui a voluntate dependet, five sit enunciatio rei præteritæ, aut præsentis, vel absentiæ occultæ: sicut cum dicitur, testem invoco Deum, per Deum, testis sit mihi Deus, & similia: aut cum tangitur evangelium, vel crux, vel aliud sacrum in confirmationem veritatis.

*Sciendum 1v.* Quod hujusmodi locutiones; Deus scit, coram Deo loquor, & aliæ hujusmodi, propter sui ambiguitatem, possunt dupliciter intelligi, scilicet invocative, vel enunciative. Sumuntur namque invocative communiter, quando inducuntur ad confirmandum, quod dicitur: & tunc habent rationem juramenti. Sumuntur autem communiter pure enunciative, quando per modum narrationis hæc dicuntur. Et hoc frequenter accidit his, qui nolunt jurare ad confirmandum dicta sua, sed remittere ad divinum iudicium, & futuram vitam, ubi omnia erunt palam. Et, quoniam verba ex intentione, & animo proferentis pensantur, attentis circumstantiis, in quibus proferuntur: ideo, cessante dolo, & præjudicio cujuscumque, si aliquis non intendens jurare, sed solum exprimere, quod ipse habet conscientiam rectam in hoc, & Deum præ oculis, non mentiendo, dicat: Deus videt, quod dico veritatem, & similia, non est juramentum, quia non est invocatio Dei in testem, sed simplex enunciatio, quod Deus hoc scit, quod Deus hoc videt, quod ego loquor coram Deo, & hujusmodi. Et pro-

pterea notanter dicitur, quod jurare est invocare Deum in testem: & non dicitur, quod est narrare, Deum esse testem. In judicio autem, & in præjudicialibus, oportet ad communem sensum attendere, seu intellectum audientium respicere, ne erretur.

*Sciendum v.* Quod locutiones, quæ ex sua prima institutione determinatæ sunt ad significandum invocationem Dei in testem, ut sunt istæ, per Deum, per salutem meam, occidat nisi hoc faciam, & hujusmodi, si proferantur abique intentione invocandi Deum in testem, sive ad confirmandam apud homines veritatem locutionis; sed solum ad exprimendam iracundiam, vel audaciam inter loquendo (quod ex circumstantiis communiter colligitur ab auditoribus, a quibus jam non accipiuntur, ut juratoria), desinunt esse juratoria. Nam voces, utpote signa ad placitum, sicuti ex communi intelligentia, seu sensu hominum habent significationem: ita ex communi sensu, & acceptione hominum illam deperdunt. Verba tandem, quæ nullum sensum juratorium habere possunt, ut sunt hujusmodi, in conscientia mea, in fide boni viri, & similia; solum ex ignorantia proferentis, aut audientis, accipi possunt ut juratoria: nam per illa nec tacite, nec expresse invocatur Deus, ut testis.

## C A P U T II.

*De divisione Juramenti. 2. 2. q. 89. ar. 1.*

**D**Einde considerandum est de divisione juramenti, tam ex parte rei ad quam confirmandam testimonium divinum inducitur; quam ex parte testimonii divini, quod invocatur. Circa quod

*Sciendum 1.* Quod divinum testimonium quandoque inducitur ad asserendum præsentia, vel præterita: & hoc dicitur juramentum asseritorium. Quandoque autem inducitur divinum testimonium ad confirmandum aliquod futurum: & hoc dicitur juramentum promissorium, in quo juramentum comminatorium subintelligitur. Dicitur enim promissorium, cum bonum promittitur; Comminatorium vero, cum promittitur malum poenale alteri infligendum. Ex parte vero divini testimonii, quod in-

vocatur, Juramentum dividitur in Contestatorium, & Execratorium. Testimonium enim alicujus invocatur ad hoc, quod testis invocatus veritatem manifestet circa ea, quæ dicuntur. Deus autem manifestat, an verum sit, quod dicitur, dupliciter. Uno modo simpliciter revelando veritatem, vel per internam inspirationem, vel etiam per facti denudationem, dum scilicet producit in publicum ea, quæ erant occulta. Alio modo per poenam mentientis: & tunc simul est index, & testis, dum puniendo mendacem manifestat mendacium. Et ideo duplex est modus jurandi. Unus quidem per simplicem Dei contestationem, sicut cum aliquis dicit, testem evoco Deum. Alius modus jurandi est per execrationem, dum scilicet aliquis se, vel aliquid ad se pertinens ad poenam obligat, nisi sit verum, quod dicitur: sicut cum aliquis dicit, sic me Deus puniat, per salutem patris mei, occidat si hoc, quod dico, non est verum, vel quid simile.

*Sciendum 11.* Quod controversia est inter Doctores, utrum prædictæ duæ divisiones juramenti sint formales, seu in membris essentialiter diverſæ; an potius sint materiales, & in membris accidentaliter tantum diverſæ. Ad cuius dubii decisionem considerandum est, quod differentia alicujus dicuntur, proprie loquendo, solum illæ, quæ sunt differentia per se. Nam differentia per accidens accidentia sunt respectu illius, cui sunt per accidens, quamvis sint per se differentia alterius: sicut, si distinguamus animal per album, & nigrum, sunt differentia per accidens animalis. In proposito ergo, cum jurare sit Deum in testem invocare, sive producere, omnes allatae differentia materialiter, & per accidens se habent ad Dei testimonium. Quod enim Deus testetur supra præsentia, aut præterita, vel futura, ad materiam solum testimonii spectat. Similiter, quod Deus testetur simplici manifestatione, vel manifestatione punitiva, non spectat ad naturam testimonii, sed ad eius effectum, seu potius ad medium, quod assumitur ad effectum manifestationis inducendum. Unde nulla apparet specifica distinctio in juramento.

*Sciendum 111.* Quod licet juramenta non distinguantur specie, nihil tamen prohibet, quod



quod utendo aliis speciebus moralium viti-  
torum, aut virtutum, in multas diffun-  
dantur species eo modo, quo una species  
imperat alteri, ordinando illam in finem  
suum: sicut, cum quis adulteratur, ut  
occidat, homicidium imperat adulterio;  
hoc enim modo juramentum imperat ma-  
ledictioni, dum fit per execrationem. Nam  
quando quis jurat, Deus me occidat. si  
non est sic, ut dico, aut, si non fecero;  
sic jurans maledictionem sui quoad vitam  
assumit ad finem juramenti, qui est testi-  
ficatio divina: & juxta speciem multi-  
tudinem maledictionum, assumuntur mul-  
tæ species ad eundem finem. Unde patet,  
quod juramentum per execrationem, etsi  
non distinguatur specie secundum naturam  
juramenti a Contestatorio; distinguitur ta-  
men per accidens in multas species, se-  
cundum naturam assumpti mali in penam.

*Sciendum 10.* Quod juramentum factum  
assumendo benedictionem pro maledictione  
testimonii, puta dicendo: faciam hoc, vel  
ita est, sic me Deus adjuvet, & hujusmo-  
di; licet ex vi verborum non sit per exe-  
crationem, sed per contestationem Dei in  
effectum boni, scilicet adjutorii divini, salu-  
tatis vitæ, & hujusmodi: ( solum enim  
illud juramentum, quod mali eventum as-  
sumit in manifestationem divini testimonii,  
per execrationem est secundum verba: )  
sed quantum ad sensum execratorium est,  
quia testis ad utramque partem debet esse;  
Unde semper subintelligitur execratio, sci-  
licet, si non est sic, ut dico, Deus non  
me adjuvet. Qua de re vide Cajet. in præ-  
sent. art. 1.

### C A P U T III.

*Utrum sit licitum jurare. 2. 3. qu. 89. a. 2.*

**D**Euter. 6. dicitur: *Dominum Deum tuum  
timebis, & per nomen ejus jurabis.*  
Ergo licitum est jurare. Ad cujus eviden-  
tiam

*Sciendum 1.* Quod nihil prohibet, ali-  
quid esse secundum se bonum, quod ta-  
men cedit in malum ejus, qui non utitur  
eo convenienter. Sicut sumere Euchari-  
stiam est bonum, & tamen, qui indigne  
sumit, iudicium sibi manducat, & bibit,  
ut dicitur 1. ad Cor. 11. Sic ergo in pro-

posito dicendum est, quod juramentum se-  
cundum se est licitum, & honestum, quod  
patet ex origine, & ex fine. Ex origine  
quidem, quia juramentum est introductum  
ex fide, qua homines credunt, Deum ha-  
bere infallibilem veritatem, & universa-  
lem omnium cognitionem, & provisio-  
nem. Ex fine autem, quia juramentum  
inducitur ad iustificandum homines, & ad  
finiendum controversias, ut dicitur ad Heb.  
6. Sed juramentum cedit in malum alicui  
ex eo, quod male utitur eo, id est sine  
necessitate, & cautela debita: Videtur  
enim parvam reverentiam habere ad Deum,  
qui eum ex levi causa testem inducit: quod  
non præsumeret etiam de aliquo viro ho-  
nesto. Imminet etiam periculum perjurii,  
quia de facili homo in verbo delinquit,  
secundum illud Jac. 3. *Si quis in verbo non  
offendit, hic perfectus est vir.* Unde & Ec-  
cles. 25. dicitur: *Jurationi non assuescat os  
taum: multi enim cosus in illa.*

*Sciendum 11.* Quod ad bonum usum ju-  
ramenti duo requiruntur. Primo quidem,  
quod aliquis non leviter, sed ex necessa-  
ria causa, & discrete juret: & quantum  
ad hoc requiritur iudicium: scilicet discre-  
tionis ex parte jurantis. Secundo, quan-  
tum ad id, quod per juramentum confir-  
matur, ut scilicet neque sit falsum, neque  
sit aliquod illicitum: & quantum ad hoc  
requiritur veritas, per quam aliquis jura-  
mento confirmat, quod verum est: & ju-  
stitia, per quam confirmat, quod licitum  
est. Iudicio autem caret juramentum in-  
cantum: veritate autem juramentum men-  
dax; justitia autem juramentum iniquum.  
Et ideo convenienter ponuntur tres comi-  
tes juramenti: videlicet, Justitia, Judi-  
cium, & Veritas, secundum illud Jer. 4.  
*Jurabis: Vivit Dominus, in veritate, in  
iudicio, & in justitia;* quod exponens Hie-  
ron. & habetur 22. q. 2. cap. Animadver-  
tendum, dicit: *Animadvertendum est, quod  
jurandum hoc habet comites, scilicet,  
veritatem, iudicium, & justitiam.* Quam-  
vis autem hæc tria in quolibet opere hu-  
mano requirantur: Nihil enim debet fieri  
contra justitiam, aut veritatem, aut si-  
ne iudicio discretionis; tamen magis re-  
quiruntur ad juramentum, quam ad alios  
humanos actus: quia in juramento est ma-  
gnum periculum, tum propter Dei magni-  
tudi-

tudinem, cujus testimonium invocatur: tum etiam propter labilitatem linguæ humanæ, cujus verba juramento confirmantur. Quæ de re D. Thom. hic art. 3.

*Sciendum III.* Quod, sicut ex dictis patet, ille, qui jurat, invocatur divinum testimonium ad confirmandum ea, quæ dicit. Nihil autem confirmatur, nisi per aliquid, quod certius est, & potius: & ideo in hoc ipso, quod homo per Deum jurat, proficitur Deum potius, utpote cujus veritas est indefectibilis: & sic Deo aliquo modo reverentiam exhibet. Unde & Apost. dicit ad Hebr. 6. *Homines per majores se jurant.* Et Hieron. super Matth. 5. dicit: *Qui jurat, aut veneratur, aut diligit eum, per quem jurat.* Philosoph. etiam dicit in 1. Metaph. c. 2., referens opinionem Thaletis, quod *Juramentum est honorabilissimum.* Exhibere autem reverentiam Deo pertinet ad religionem, sive latræ. Unde manifestum est, quod juramentum est actus religionis, sive latræ; & ideo Deuter. 6. ubi sermo est de servitute latræ, dicitur: *Domino Deum tuum timebis, & illi soli servies, ac per nomen illius jurabis.* Sic autem debemus aliquid in Dei reverentiam facere, ut ex hoc utilitas proximis proveniat, ut fit in juramento: quia etiam Deus operatur ad suam gloriam, & nostram utilitatem.

*Sciendum IV.* Quod id, quod non queritur, nisi ad subveniendum infirmitati, vel defectui, non numeratur inter ea, quæ sunt per se appetenda, sed inter ea, quæ sunt necessaria: sicut patet de medicina, quæ queritur ad subveniendum infirmitati. Juramentum autem queritur ad subveniendum alicui defectui, quod scilicet unus homo alteri discedit. Et ideo juramentum non est habendum inter ea, quæ sunt per se appetenda, sed inter ea, quæ sunt huic vitæ necessaria, quibus indebite utitur, quicumque eis utitur ultra terminos necessitatis. Unde August. dicit in lib. 1. de serm. Dom. in monte cap. 30. *Qui intelligit non in bonis (id est per se appetendis) sed in necessariis juracionem habendam; refrænet se, quantum potest, ut non ea utatur, nisi necessitas cogat.* Juramentum igitur utile quidem est ad confirmationem, ad quam ordinat, seu potius, ob quam utitur Dei reverentia; tamen quanto

est magis venerandum, tanto est magis periculolum, nisi debite inducatur: sicut medicina est utilis ad sanandum, & tamen quanto magis est virtuosior, tanto majus nocumentum inducit, si non debite sumatur. Unde dicitur Eccles. 23. *Vir multum jurans replebitur iniquitate.* Quæ de re D. Thom. hic art. 5.

*Sciendum V.* Quod in juramento duo sunt consideranda. Unum quidem ex parte Dei, cujus testimonium inducitur; & quantum ad hoc debetur juramento maxima reverentia. Et propter hoc a juramento excluduntur pueri ante annos pubertatis, qui non coguntur ad jurandum: quia nondum habent perfectum usum rationis, quo possint cum reverentia debita juramentum præstare. Et iterum perjuri, qui ad juramentum non admittuntur, quia ex retroactis præsumitur, quod debitam reverentiam juramento non exhibebunt. Aliud autem est considerandum ex parte hominis, cujus dictum juramento confirmatur. Non enim indiget dictum hominis confirmatione, nisi, quia de eo dubitatur. Hoc autem derogat dignitati personæ, ut dubitetur de veritate eorum, quæ dicit: & ideo personis magnæ dignitatis non convenit jurare. Propter quod dicitur 2. quæst. 4. cap. si quis: *Presbyter. Sacerdotes ex levi causa jurare non debent, & ibid. dicitur. Presbyter vice juramenti per sanctam consecrationem interrogetur.* Tamen pro aliqua necessitate, vel magna utilitate licitum est eis jurare, & præcipue pro spiritualibus negotiis, pro quibus etiam juramenta competit præstare in solemnibus diebus, quibus est spiritualibus rebus vacandum: non autem tunc sunt juramenta præstanda pro rebus temporalibus, nisi forte ex magna necessitate. Quæ de re S. Thom. hic art. 10.

#### C A P U T IV.

*Utrum liceat per creaturas jurare.*

2. 2. quæst. 89. art. 6.

Sicut legitur Gen. 42. Joseph juravit per salutem Pharaonis. Ex consuetudine etiam juratur per Evangelium, & per Reliquias, & per Sanctos. Ad cujus rei evidentiam.

*Sciendum I.* Quod, sicut supra dictum est, duplex est juramentum. Unum quidem,

## De Juramento statum perfectionis confirmante. 59

dem, quod fit per simplicem contestationem, in quantum, scilicet, testimonium Dei invocatur, & hoc juramentum innitur divinæ veritati, sicut & fides. Fides autem est per se quidem, & principaliter de Deo, qui est ipsa veritas: secundario autem de creaturis, in quibus veritas Dei relucet. Et similiter juramentum principaliter refertur ad ipsum Deum, cujus testimonium invocatur: secundario autem assumuntur ad juramentum aliquæ creaturæ, non secundum se, sed, in quantum in eis divina veritas manifestatur. Sicut juramus per Evangelium, id est, per Deum, cujus veritas in Evangelio manifestatur, & per Sanctos, qui hanc veritatem crediderunt, & observaverunt. Alius autem modus jurandi est per execrationem, & in hoc juramento inducitur creatura aliqua, ut in qua divinum judicium exerceatur. Et sic solet homo jurare per caput suum, aut per filium suum, aut per aliquam aliam rem, quam diligit. Sicut & Apostolus juravit 2. ad Cor. 1. dicens. *Ego testem Deum invoco in animam meam.* Quod autem Joseph per salutem Pharaonis juravit, utroque modo intelligi potest, vel per modum execrationis, quasi salutem Pharaonis obligaverit Deo: vel per modum contestationis, quasi contestando veritatem divinæ justitiæ, ad cujus executionem principes terræ constituuntur.

*Sciendum* 11. Quod juramentum secundum te consideratur, tanto fortius est, & magis cogit, seu obligat, quanto majus est id, per quod juratur, ut August. dicit ad Publicolam Epist. 154. & secundum hoc majus est jurare per Deum, quam per Evangelia: Unde Chrysost. dicit hom. 44. in Matth. in opere imperf. *Si aliqua causa fuerit, modicum videtur facere, qui jurat per Deum: sed qui jurat per Evangelia, majus aliquid fecisse videtur, quibus dicendum est; Stulti, scripturæ propter Deum factæ sunt, non Deus propter scripturas.* Sed potest esse et converso propter modum jurandi, utpote si juramentum, quo fit per Evangelia, fiat cum quadam deliberatione, & solemnitate: juramentum autem, quod fit per Deum, fiat leviter, & absque deliberatione, & solemnitate. Et ideo 22. qu. 5. dicitur. *Nullus ex Ecclesiastico ordine cuiquam laico quicquam super*

*sancta Evangelia jurare presumat.* Qua de re S. Thom. art. 10.

*Sciendum* 111. Quod Dominus Matth. 5. prohibuit jurare per creaturas, ita quod eis exhibeatur reverentia divina. Unde Hieron. dicit ibid. *Considera, quod hic Salvator non per Deum jurare prohibuit, sed per cælum, & terram, & cetera. Judei enim per Angelos, & cetera hujusmodi jurantes creaturas venerabantur Dei honore.* Et eadem ratione punitur secundum Canones 21. q. 1. Clericus per creaturam jurans, quod ad blasphemiam infidelitatis pertinet: quare dicitur cap. *Clericum per creaturam jurantem acerrime obiurgandum, si perseverat in vitio, excommunicandum placuit.* Et in sequenti cap. dicitur. *Si quis per capillum Dei, vel caput juraverit, vel alio modo blasphemiam contra Deum usus fuerit, si in Ecclesiastico ordine est, deponatur.* Et secundum hoc dicitur Exod. 23. *Per nomen externorum Deorum non jurabitis.* Eo, quod cultus latræ exhibetur ei, cujus testimonium jurando invocatur. Non autem exhibetur cultus latræ creaturis, quæ in juramento assumuntur modis prædictis.

*Sciendum* 1v. Quod sicut notat D. Th. hic art. 2. ad primum, licet prædicta expositio Hieron. conveniens sit, tamen non sufficit, quia Jacob. 5. dicitur. *Ante omnia fratres mei nolite jurare neque per cælum &c. & additur: neque aliud quodcumque juramentum.* Et ideo dicendum est, quod, sicut August. dicit in lib. de mendacio, cap. 15. *Apostolus in Epistolis suis jurans ostendit quomodo accipiendum esset, quod dictum est Matth. 5. Dico vobis non jurare omnino, ne, scilicet, jurando ad facilitatem jurandi perveniat, & ex facilitate jurandi ad consuetudinem, & a consuetudine in perjurium decidatur: & ideo non invenitur jurasse, nisi scribens, ubi consideratio cautor non habet linguam precipitem.* Et in lib. 1. de serm. Dom. in monte, cap. 30. dicit. *Si jurare cogeris, scias de necessitate venire infirmitas eorum, quibus aliquid suades, quæ utique infirmitas malum est. Itaque non dixit: Quod amplius juræ, malum est, sed a malo est. Tu enim non malum facis, qui bene uses iuratione, ut alteri perjuadeas, quod utiliter perjuadeas: sed a malo est illius, cujus infirmitate jurare cogeris.*

## CAPUT V.

*Utrum iuramentum habeat vim obligandi.*

2. 2. quæst. 89. art. 7.

**C**onsequenter ad ea, quæ pertinent ad naturam Juramenti, considerandum est de his, quæ pertinent ad ejus obligationem. Circa quod

*Sciendum* 1. Quod obligatio refertur ad aliquid, quod est faciendum, vel dimittendum. Unde non videtur respicere iuramentum assertorium, quod est de præfenti, vel de præterito, neque etiam iuramentum de his, quæ sunt per alias causas facienda: sicut, si quis iuramento assereret, quod cras pluvia esset futura, sed solum in his, quæ sunt fienda per illum, qui jurat. Sicut autem iuramentum assertorium, quod est de præterito, vel præfenti, debet habere veritatem: ita etiam iuramentum de his, quæ sunt fienda a nobis in futurum. Et ideo utrumque iuramentum habet quandam obligationem; diversimodetamen: quia in iuramento, quod est de præterito, vel præfenti, obligatio est non respectu rei, quæ jam fuit, vel est; sed respectu ipsius actus jurandi, ut scilicet juret id, quod jam verum est, vel fuit. Sed in iuramento, quod præstatur de his, quæ sunt fienda a nobis, obligatio cadit e contra super rem, quam aliquis iuramento firmavit. Tenetur enim aliquis, ut faciat verum esse id, quod juravit, alioquin deest veritas iuramento.

*Sciendum* 11. Quod, si est talis res, quæ in ejus potestate non fuit, deest iuramento discretionis iudicium: nisi forte, quod erat ei possibile, quando juravit, reddatur ei impossibile per aliquem eventum, puta cum aliquis jurat, se pecuniam soluturum, quæ ei postmodum vi, vel furto subtrahatur; tunc enim videtur exculatus esse a faciendo, quod juravit, licet teneatur facere, quod in se est, sicut etiam in tract. ant. circa obligationem voti diximus. Si vero sit quidem possibile fieri, sed fieri non debeat, vel quia est per se malum, vel quia est boni impeditivum: tunc iuramento deest iustitia; & ideo iuramentum non est servandum in eo casu, quo est peccatum, vel boni impeditivum, secundum

enim August. utrumque eorum vergit in deteriorem exitum, ut habetur 22. q. 4. c. Si aliquid, c. inter cætera. Sic ergo dicendum est, quod quicumque jurat, aliquid se facturum, obligatur ad id faciendum, ad hoc, quod veritas impleatur, si tamen alii duo comites adsint, scilicet iudicium, & iustitia. Unde

*Sciendum* 111. Quod aliud est de simplici verbo, aliud de iuramento, in quo divinum testimonium imploratur; sufficit enim ad veritatem verbi, quod aliquis dicat id, quod proponit se facturum, quia hoc jam verum est in sua causa, scilicet in proposito facientis; sed iuramentum adhiberi non debet, nisi in re, de qua aliquis firmiter certus est: & ideo, si iuramentum adhibeatur, propter reverentiam divini testimonii, quod invocatur, obligatur homo, ut faciat verum esse id, quod juravit, secundum suam possibilitatem, nisi in deteriorem exitum vergat, ut dictum est. In iuramento ergo promissorio duplex veritas requiritur. Una de præfenti, quæ consistit in conformitate enunciationis cum conceptu, seu proposito mentis, quod per verbum significatur, sicuti de facto est. Altera de futuro, quæ cadit supra rem, quæ enunciatur fienda a nobis, supra quam cadit obligatio iuramenti, ut jurans faciat verum esse, quod jurando promisit.

*Sciendum* 1 v. Quod iuramentum potest vergere in deteriorem exitum dupliciter. Uno modo, quia ab ipso principio habet pejorem exitum, vel quia est secundum se malum (sicut, cum aliquis jurat, se perpetraturum adulterium): sive quia est majoris boni impeditivum, (puta, cum aliquis jurat, se non intraturum religionem, vel quod non fiet Clericus, aut quod non accipiet Prælationem in casu, in quo expellit eam accipere, vel si quid aliud est hujusmodi). Hujusmodi enim iuramentum ab initio est illicitum, differenter tamen: quia, si quis juret se facturum aliquod peccatum, & peccavit jurando, & peccat iuramentum servando. Si quis autem jurat, se non facturum aliquid melius bonum, quod tamen facere non tenetur, peccat quidem jurando, in quantum ponit obiectum Spiritui Sancto, qui est boni propoliti inspirator: non tamen peccat iuramentum servando, sed multo melius facit, si non

non servet. Alio modo vergit in deterio-  
rem partem, seu exitum propter aliquid,  
quod de novo emerierat, quod fuit impræ-  
meditatum; & tunc juramentum non de-  
bet servari. Unde Ambros. dicit in 1. de  
Offic. cap. 12. *Est contra officium nonnun-  
quam promissa solvere, sicut Herodes, qui  
necem Joannis præstavit, ne promissum  
negaret.*

*Sciendum v.* Quod in juramento, quod  
quis coactus facit, duplex est obligatio.  
Una quidem, qua obligatur homini, cui  
aliquid promittit, & talis obligatio tolli-  
tur per coactionem: quia ille, qui vim  
intulit, hoc meretur, ut ei promissum  
non servetur. Alia autem est obligatio,  
qua quis Deo obligatur, ut impleat, quod  
per nomen ejus promissit: & talis obliga-  
tio non tollitur in foro conscientie, quia  
magis debet damnum temporale sustinere,  
quam juramentum violare. Potest tamen  
repetere in judicio, quod solvit, vel præ-  
lato denunciare, non obstante, quod con-  
trarium juravit, quia tale juramentum  
vergeret in deteriore exitum; esset enim  
contra justitiam publicam. Romani autem  
Pontifices ab hujusmodi juramentis homines  
absolverunt, non quasi decernentes hujus-  
modi juramenta non esse obligatoria; sed quasi  
hujusmodi obligationes ex justa causa re-  
laxantes, ut docet S. Thom. in hoc art.  
ad 3. & habetur in Decret. l. 2. tit. 2. c. 1.  
& 15. Quamvis Cajet. dicat, hujusmodi  
juramenta coacta ex vi dicte Decretalis  
non esse ipso facto irrita, sed solum irri-  
tanda. Et noster Piselli jcat, esse quidem  
ipso facto irrita pro foro externo, ut om-  
nes concedunt: pro foro vero interno non  
sunt de facto irrita, sed irritanda.

*Sciendum vi.* Quod, quando non est ead-  
em jurantis intentio, & ejus, cui jurat  
(puta, quia sermo est æquivocus, seu  
locutio amphibologica) si hoc proveniat  
ex dolo jurantis, debet juramentum ser-  
vari secundum statum intellectum ejus, cui  
juramentum præstatur. Unde Isidorus dicit  
in lib. 1. de summo bono, c. 31. *Quacum-  
que arte verborum quis juret, Deus tamen,  
qui conscientie testis est, ita hoc acci-  
pit, sicut ille, cui juratur, intelligit.* Et,  
quod hoc intelligatur de dolo juramen-  
to, patet per id, quod subditur: *Duplici-  
ter reus sit, qui & nomen Dei in vanum*

*assumit, & proximum dolo caput.* Qua de  
re vide quatuor proposit. damnat. ab In-  
noc. XI. videlicet 25. 26. 27. 28. & quæ  
dixi in part. 2. de mendacio. Si autem ju-  
rans dolum non adhibeat, sed sincere ju-  
ret, obligatur secundum intentionem juran-  
tis, sicut etiam de voto dictum est in tract.  
ant. Unde Gregor. dicit 27. Moral. c. 8.  
*Humane aures talia verba nostra judicant,  
qualia foris sonant. Divina vero judicant  
talia foris audiunt, qualia ex intimis pro-  
feruntur.* Cujus ratio est, quia quicquid  
ultra intentionem sincere jurantis ab audi-  
toribus intelligitur, procedit ex errore in-  
vincibili jurantis circa promissionem, quam  
facit, & per consequens causat involunta-  
rium simpliciter, cum sit error dans cau-  
sam promissioni; sicut patet ex can. hu-  
mana 22. qu. 5.

## CAPUT VI.

*Qualiter obligent aliqua juramenta.*

2. 2. quæst. 89. ar. 7.

**F**requenter sunt aliqua juramenta, de  
quibus considerandum est, qualiter obli-  
gent coram Deo, secundum regulas tra-  
ditas in cap. ant. Unde

*Sciendum 1.* Quod honore se invicem  
prævenientes, solent aliquando jurare, se  
præcessuros in exitu domus, vel aliquo hu-  
jusmodi. Considerandum igitur est, quod  
in hujusmodi actibus, in quibus de nul-  
lius agitur præjudicio, sed potius de ho-  
noris exhibitione, ac signis, duo inveniu-  
ntur. Primo pia intentio jurantis, quia sci-  
licet sic jurando non intendit omnino sic  
facere, sed cum grano salis, scilicet, quan-  
tum in se est. Sicut Petrus, cum dixit  
Christo, *Non lavabis mihi pedes in æter-  
num*, intendebat, quantum in se erat, &  
hanc intentionem manifestat, quod statim  
ad voluntatem alterius facit oppositum, &  
sic nec jurando, nec faciendo oppositum,  
deest juramento veritas. Secundo actus qua-  
litas, quia scilicet jurat in hujusmodi quis  
sæpe de actu, qui est in potestate alterius,  
puta, non venies mecum, non transibis  
hoc ostium, & hujusmodi. Hæc enim,  
licet pie interpretanda sint, scilicet, quan-  
tum est ex parte jurantis, in veritate ta-  
men indiscreta sunt juramenta. Et propte-  
rea

rea sic jurans communiter peccat venialiter propter indiscretionem. Faciendo tamen oppositum perjurus non est, quia facit contra intentionem implicitam, sinceram, & communiter cognitam in hujusmodi. Ita Cajet.

*Sciendum* II. Quod irati solent frequenter jurare, se velle filios, aut servos punire: vel alterum superiori accusare. Et in hoc simili modo, ac in casu precedenti, duo consideranda sunt. Primo intentio jurantis, quæ ut licita sit, seu honesta, respicere debet proximi corptionem per punitionem, aut accusationem, & ad hoc tantum obligat juramentum: unde, si alter emendetur, vel ex punitione, aut accusatione majus malum prudenter timeatur, vel ex intercessionem amicorum, & venia facilius emendatio speretur juramentum non obligat. Si autem jurans non intendat bonum proximi. Sed malum ejus, vel absolute ut malum, quod est contra charitatem; vel ut satisfactivum offensæ non secundum justitiam, quod pertinet ad injustam vindictam; tunc juramentum cadit supra rem illicitam, adeoque sic jurans peccat jurando, sed non debet juramentum implere. Secundo actus qualitas, quia in his jurat quis, ut in pluribus, indiscrete, scilicet precipitanter, & absque necessitate, & propterea sic jurans communiter peccat venialiter, etiam si rectam intentionem habeat ex parte finis, & ex juramento obligetur juxta mensuram finis honesti, qui intenditur, scilicet emendatio delinquentis. Juramenta autem de rebus inutilibus non obligant, sicut nec vota, sed quia vana sunt, carent discretionem; & ideo communiter sunt peccata venialia, per se loquendo.

*Sciendum* III. Quod Juramentum posterius potest esse contrarium priori juramento dupliciter. Primo ex parte materię: quia scilicet materia, quæ promittitur per juramentum posterius, incompatibilis est cum adimplentione, seu executione materię promissæ per prius juramentum: & in tali casu posterius juramentum est invalidum, cadit enim supra materiam illicitam, utpote quæ adimpleri non potest absque violatione prioris juramenti. Sicut juramentum, quod fit puellæ de ducendo illam in uxorem, si fiat ab habente jura-

mentum castitatis, aut votum, est invalidum, & sic jurans peccat mortaliter. Secundo ex parte ipsius juramenti, ut, si quis juraret, se nunquam juraturum, nisi in scriptis, & postea sine hac circumstantia adverteretur juraret: in tali casu secundum juramentum est validum, si sit de re utili, & honesta; ex parte tamen actus illicite sit, quia deficit illi circumstantia, ad quam se obligavit sub gravi ex vi prioris juramenti, aut voti. Ita Suar. Navar. Sanch. Bonac. Salmant.

*Sciendum* IV. Quod juramentum absolute præstitum de servandis statutis Reipublicæ, Collegii, Universitatis, Confraternitatis, vel alio nomine nuncupatis communitatibus; intelligitur primo solum de statutis editis, non vero de imposterum edendis, nisi hoc exprimatur in juramento, ut notant Suar. Sanch. Prad. Secundo Obligat hoc juramentum secundum statuti naturam, vel sub pena, vel ad culpam, vel solum sub consilio, ut notant Trull. Bonac. Pal. Tertio, si statuta aliqua ratione non obligant, vel quia reddita sunt inutilia, aut moraliter impossibilia, vel quia non sunt communiter recepta, aut in desuetudinem abierunt, nec etiam juramentum obligat: quia sit de statuto observando, quatenus statutum est, seu quatenus obligat, ut notant Lean. Navar. Suar. Quarto non obligat, quando statutum a majori parte communitatis non observatur, ut patet a simili de lege, & notant Azor. Sa, Sanch. Quinto, si datur juramentum de non revocando statuto, non potest licite revocari, nisi deficiente causa finali, vel obtenta dispensatione. Imo etiam si non fiat juramentum de non revocando statuto, si juramentum de illo observando afficiat communitatem, non potest ab ipsa revocari absque dispensatione, quia per juramentum statutum observandi, abstulerunt a se potestatem contrarium faciendi, sicuti notant Covar. Sylv. Sanch. Salmant.

*Sciendum* V. Quod scribæ, procuratores, & alii ministri publici, qui jurant servare taxam a lege præscriptam, ex vi juramenti obligantur nec petere, nec accipere amplius stipendium eo, quod a lege est taxatum, supposito quod sit sufficiens, & justum. Si autem judicio prudentum sit insufficiens, & improporcionatum operi, & obse-

obsequio, quod præstant, non tenentur illud servare: quia juramentum sub hac conditione intelligitur factum, si lex sit iusta, & obligatoria, & consuetudine recepta. In hoc tamen inspicendum est ad id, quod ut in pluribus accidit secundum iudicium peritorum, & non secundum propriam passionem, ut docent Sanch. Pal. Prad. Fag. Trull. Quantum vero attinet ad juramentum, quod præstant publici ministri de prospiciendo bono publico, probabilius est non obligari ex vi juramenti, nisi ad prospiciendum bono politico in quantum ad id ordinatur eorum munus pro bono regimine reipublicæ, ejusque damnis cavendis, ut docent Sanch. Salmant. Juramentum autem servandi secretum eorum, quæ in propositionibus, & conventibus tractantur, obligat juxta naturam secreti, attenta qualitate materiæ, ut notant Sanch. Navar. Fag. Salmant.

*Sciendum* VI. Quod Medici jussu Sancti Pii V. edito anno 1566. incipiente: *Supra gregem Domini*, jurare tenentur, cum facultatem accipiunt, se ultra tertium diem non visitaturos infirmum, nisi certificetur de infirmi confessione per Confessarii rescriptum, nisi Confessarius judicet ex iusta causa, longius tempus concedendum infirmo. Quod præceptum ubi non est contraria consuetudine abrogatum, obligat sub mortali, ut certum est, quamvis Doctores non concordent, de quibus infirmitatibus debeat intelligi. Quidam enim dicunt debere intelligi de illis morbis, qui vitæ periculum afferunt. Alii asserunt debere intelligi de quocumque morbo. Alii denique dicunt debere intelligi de infirmitatibus gravibus, quamvis nondum periculosis; alias tale præceptum nihil superadderet obligationi, quam jam medici habebant, ex jure divino, & præcepto charitatis, ut docent Cajet. Sar. Bonac. Pal. Salmant. quod & probabilius videtur. Ubi vero tale præceptum consuetudine contraria est abrogatum, tenentur Medici ex præcepto charitatis monere infirmos periculoso morbo laborantes, ut Sacramenta recipiant, & rebus suis prospiciant, ut notant Navar. Sanch. Salmant.

*Sciendum* VII. Quod juramentum, aut votum non ludendi soli Deo factum, si sit de non ludendo ludo periculoso, aut immoderato, certum est obligare. Si autem

sit factum de nunquam ludendo ullo modo, etiam si ludo licito, & honesto, & recreationis causa, aliqui dicunt non valere, quia est contra bonos mores, seu virtutem. Sic Rodr. Nav. Dicast. Bassæus. Alii vero melius dicunt, esse validum, si fiat ob finem altiore se mortificandi, & vacandi Deo, eo pari modo, quo est validum votum non nubendi: si vero absque tali fine altiori fiat, erit invalidum, quia vanum, & contra virtutem eutropeliæ. Sic Prad. Cand. Bonac. Sanch. Salmant. Ex fine vero, quo quis movetur ad emittendum tale votum, aut juramentum de non ludendo (quando aliud expresse non constet de intentione jurantis) colligi potest an comprehendat etiam ludum licitum, vel solum illicitum, & periculosum: & ex eodem fine metienda est gravitas, vel levitas materiæ in violatione talis juramenti; sicut notant Sanch. Lez. Cand. Qua de re vide Salmant.

## C A P U T V I I.

*Utrum major sit obligatio Juramenti, quam Voti. 2. 2. quæst. 89. a. 8.*

**D**einde considerandum est de comparatione obligationis juramenti cum obligatione voti. Circa quod

*Sciendum* I. Quod utraque obligatio, scilicet voti, & juramenti, causatur ex aliquo divino, aliter tamen, & aliter. Nam obligatio voti causatur ex fidelitate, quam Deo debemus, ut scilicet ei promissum solvamus. Obligatio autem juramenti causatur ex reverentia, quam debemus ei; ex qua tenemur, quod verificemus id, quod per nomen ejus promittimus. Omnis autem infidelitas irreverentiam continet; sed non convertitur. Videtur enim infidelitas subjecti ad Dominum esse maxima irreverentia. Et ideo votum ex ratione sua magis est obligatorium, quam juramentum. Unde

*Sciendum* II. Quod votum est promissio, non quæcumque, sed Deo facta, cui infidelem esse gravissima irreverentia est. Juramentum autem ordinatur ad confirmandam promissionem, qua aliquis interdum homini obligatur, cui infidelem esse non est tantæ gravitatis: contra Deum vero solam

folam irreverentiam directe inducit, quando non adimpletur. Quando autem juramentum voto adhibetur, ejus transgressio importat quidem infidelitatem contra Deum, sed de materiali, scilicet ratione voti, seu promissionis factæ Deo, supra quam cadit juramentum: non de formali, scilicet ratione ipsius juramenti.

*Sciendum 111.* Quod juramentum non adhibetur voto, quasi aliquid firmissimum sed ut per duas res immobiles major firmitas habeatur. Quod autem major sit firmitas voti, quam juramenti, non provenit ex sola deliberatione animi, quæ requiritur ad naturam voti ex parte voventis, ut dictum est in tract. ant. c. 1. Sed votum habet majorem firmitatis causam ex parte Dei, cui votum offertur. Hæc est igitur differentia inter votum, & juramentum quantum ad firmitatem, quod votum tam ex parte actus, quam ex parte materiæ promissæ Deo, ad religionem pertinet: Juramentum vero est quidem actus religionis, sed relinquit materiam; quam confirmat, in sua natura, & non ordinat illam ad religionem, quantum est ex vi juramenti; unde non habet tantam firmitatem, quantum habet votum.

*Sciendum IV.* Quod licet fidelitas, & reverentia diversarum virtutum sint inter homines, cum fidelitas ad virtutem veritatis, reverentia vero ad virtutem observantiæ pertineat, sicut dictum est in part. 2. tract. 15. In ordine tamen ad Deum fidelitas, & reverentia ejusdem virtutis sunt, scilicet religionis, seu patriæ decet enim, ut quæ in inferioribus dispersa sunt, in superioribus uniantur. Imo etiam inter homines infidelitas contra proprium dominum maxima irreverentia est, & contra virtutem Dulciæ, quæ est pars Observantiæ, quæ, utpote virtus superior, in se eminenter includit fidelitatem, ut patet ex dictis in secunda parte.

## CAPUT VIII.

*Quomodo cessare possit obligatio Juramenti.*  
2. 2. quæst. 8. a. 9.

**V**otum est majoris obligationis, quam juramentum, ut supra dictum est: sed obligatio voti pluribus modis cessare

potest, ut patet ex dictis in tract. ant. ego multo magis obligatio juramenti pluribus modis cessare potest. Ad cujus evidentiam

*Sciendum 1.* Quod necessitas dispensationis tam in lege, quam in voto, est propter hoc, quod id, quod in se, vel universaliter consideratum est utile, & honestum; secundum aliquem particularem eventum, potest esse inhonestum, & nocivum; quod non potest cadere nec sub lege, nec sub voto. Quod autem aliquid sit inhonestum, vel nocivum, repugnat his, quæ attendi debent in juramento: nam si sit inhonestum, repugnat iustitiæ, si sit nocivum repugnat judicio. Et ideo pari ratione etiam in juramento dispensari potest. Considerandum ergo est, quod dispensatio, quæ fit in juramento, sicut etiam in voto, non se extendit ad hoc, quod aliquid contra juramentum fiat. Hoc enim est impossibile, cum observatio juramenti, sicut & voti, cadat sub præcepto divino, quod est indispensabile: sed ad hoc se extendit dispensatio juramenti, ut id, quod sub juramento cadebat, sub juramento non cadat, quasi non existens debita materia juramenti, sicut & de voto dictum est in tract. ant.

*Sciendum II.* Quod dispensatio juramenti tota se tenet ex parte materiæ, ut dictum est. Materia autem juramenti assertorii, quod est de præterito, vel præteriti, in quamdam necessitatem jam transit, & immutabilis facta est; & ideo dispensatio non refertur ad materiam, sed refertur ad ipsum actum juramenti. Unde talis dispensatio directe esset contra præceptum divinum: & ideo dispensatio cadere non potest in juramento assertorio. Sed materia juramenti promissorii est aliquid futurum, quod variari potest: ita, scilicet, quod in aliquo casu, seu eventu potest esse illicitum, vel nocivum, & per consequens non esse debita materia juramenti; & ideo dispensari potest in juramento promissorio, quia talis dispensatio respicit materiam juramenti, & non contrariatur præcepto divino de juramenti observatione, quæ debet esse solum de materia debita, non autem de materia indebita juramento.

*Sciendum 111.* Quod homo potest alteri promittere sub juramento dupliciter. Uno



## De Juramento statum perfectionis confirmante. 65

Uno modo, quando promittit aliquid pertinens ad utilitatem ipsius (puta, si sub juramento promitteret, se servitutum ei, vel pecuniam daturum) & a tali promissione potest absolvere ille, cui promissio facta est. Intelligitur enim jam ei solvisse promissum, quando facit de eo secundum ejus voluntatem. Alio modo promittit aliquis alteri, quod pertinet ad honorem Dei, vel utilitatem aliorum (puta, si aliquis promittat alicui, se intratum religionem, vel aliquod opus pietatis facturum) & tunc ille, cui promittitur, non potest absolvere promittentem, quia promissio non est facta ei principaliter, sed Deo: nisi forte sit interposita conditio, ratione cujus possit, scilicet, si illi videbitur, cui promittitur, vel aliquid aliud tale. In illis ergo juramentis, in quibus nullum jus est acquisitum tertio, locum habet dispensatio, aut irritatio respective, attenda scilicet potestate jurisdictionis, aut dominativa, sicut de voto dictum est in tract. ant. In illis vero juramentis, in quibus jus tertio acquisitum est, tantum locum habet relaxatio, per hoc scilicet, quod ille, cui promissum est, absolvat a debito.

*Sciendum IV.* Quod quandoque illud, quod cadit sub juramento promissorio, est manifeste repugnans iustitiae, vel quia est peccatum, sicut cum aliquis jurat, se faciendum homicidium: vel quia est majoris boni impeditivum, sicut cum aliquis jurat, se non intratum religionem. Et tale juramentum non indiget dispensatione, sed per se ipsum cessat, seu potius vim obligandi non potest exercere, cum sit circa materiam indebitam; cum hac tamen differentia, quod in primo casu tenetur aliquis juramentum non servare: in secundo autem casu licitum est servare, & non servare, ratione materiae, quae non cadit sub praeepto. Quandoque vero aliquid sub juramento promittitur, de quo dubium est, utrum sit licitum, vel illicitum, proficuum, vel nocivum, aut simpliciter, aut in aliquo casu: & in hoc locum habet dispensatio, aut commutatio, quae ad potestatem jurisdictionis pertinet, vel ordinariam, quam habent omnes Episcopi, vel delegatam, sicut illam habent regulares in foro conscientiae

ex privilegio, sicut de votis dictum est in tr. ant.

*Sciendum V.* Quod quandoque sub juramento promittitur aliquid, quod est manifeste licitum, & utile: & in tali juramento non videtur habere locum dispensatio, vel commutatio, nisi aliquid melius occurrat, ad communem utilitatem faciendum, quod maxime videtur pertinere ad potestatem Papae, qui habet curam universalis Ecclesiae. Habet etiam locum absoluta relaxatio, quae pertinet ad potestatem dominativam, quod etiam ad Papam pertinet generaliter in omnibus, quae ad dispensationem rerum ecclesiasticarum pertinent, super quas habet plenitudinem potestatis. Sicut & ad quemcumque pertinet irritare juramentum, quod a sibi subditis factum est, circa ea, quae ejus potestati subduntur: sicut pater potest irritare juramentum puellae, & vir uxoris, ut dicitur Num. 30. ut supra de voto dictum est.

*Sciendum VI.* Quod, sicut constat ex dictis, Juramentum, & Votum in aliquo conveniunt, & in aliquo differunt. Conveniunt in hoc, quod dispensatio, commutatio, irritatio, relaxatio, aut per se cessario sit ratione materiae mutabilis. Differunt vero in duobus, quantum ad praesens propositum attinet, scilicet in qualitate materiae, & in persona, cui fit. Nam voti propria materia est bonum supererogationis, & soli Deo votum fit. Juramenti autem propria materia est non solum bonum supererogationis, sed etiam bonum de necessitate salutis, ut reddere debitum, & universaliter quodcumque licitum; ita tamen, ut non ponatur obex Spiritui Sancto inspiranti id, quod est melius bonum: & sit juramentum non solum Deo, sed etiam homini. Hinc provenit duplex differentia. Prima est, quod in votis dispensandis, seu commutandis, attenditur, quid magis Deo acceptum sit: in Juramentis autem oportet respicere ad praedictum hominis, cui factum est, & in cujus favorem factum est. Et hinc sequitur altera differentia, scilicet, quod homo non potest votum relaxare, quia non fit homini: sed juramentum potest homo homini relaxare, quia fit homini propter ipsam hominem, & in ejus favorem. Quapropter

*Sciendum VII.* Quod prælatus ecclesiasticus non habet tantam potestatem super juramenta, sicut supra vota: quia non est in ejus potestate auferre jus tertii, sicut est in ejus potestate commutare in aliquid gratius Deo; est enim Dei vicarius, cui sit votum, sed non est vicarius illius hominis, in cujus favorem factum fuit juramentum: nec ita est super eum, ut possit illum rebus suis privare ad libitum. Et hoc provenit non ex defectu potestatis Ecclesiasticæ, aut propter excellentiam juramenti, sed ex natura contractus juramento firmati. Quocirca, cessante præiudicio hominis, ita juramenta subjiciuntur Ecclesiasticæ potestati, sicut & vota. Et cum juramentum sit minus obligatorium, quam votum, ut dictum est in cap. ant. consequens est, ut omnia juramenta sub sint prælatis Papæ inferioribus, quæ si essent vota, illis subessent: quia cui concessum est majus, concessum est posse in minus. Et similiter probabilius videtur esse Papæ reservata omnia illa juramenta, quæ, si essent vota, essent Papæ reservata, qualia sunt juramenta castitatis, religionis, & triplicis peregrinationis. Et ex hac radice Ecclesia dispensat in juramentis coactis, quia scilicet cessat præiudicium hominis, & audacia malorum coercetur illa dispensando, ut bene notat Cajet. in præsentis art.

## CAPUT IX.

*Qualiter sanctitas Juramenti violatur.*

2. 2. quæst. 89. a. 3.

**D**Enique considerandum est de violatione Juramenti: qualiter scilicet sanctitas ejus violatur, & quando talis violatio gravem culpam inducat, vel non. Circa quod

*Sciendum I.* Quod sanctitas debita juramento violatur per defectum illarum conditionum, seu qualitarum, quæ sunt comites juramenti, scilicet per defectum iudicii, seu discretionis, aut justitiæ, aut veritatis in jurando. Quando enim ei deficit iudicium, juramentum est incautum: quando ei deficit justitia, evadit iniquum: quando vero illi deficit veritas, dicitur mendax, & est proprie perjurium, de quo

dictum est in parte 2. tr. 14. Si ergo juramento deficiat tantum iudicium discretionis, scilicet, quia sit ubi, quando, & quomodo non oportet, poterit esse grave peccatum, non ratione sui, sed per accidens, ratione scilicet periculi, in quo quis se exponit, falsum, aut illicitum aliquid juramento confirmandi: unde, præcisò hoc periculo, erit peccatum veniale. Si vero juramento deficiat justitia, erit grave, vel leve peccatum, secundum qualitatem rei illicitæ, quam confirmat, seu supra quam cadit juramentum: Non enim talis defectus directe opponitur testimonio divino, sicut mendacium, adeoque admittit parvitatem materiæ. Si autem juramento deficiat veritas de præsentis, sive hoc sit in juramento assertorio, sive in juramento promissorio, erit semper peccatum mortale perjurii, nisi ignorantia excuset (puta, quia præter intentionem falsum juratur.) Tunc enim ex intentione adducitur Deus ut testis falsitatis, in quo ratio formalis perjurii consistit, ut dictum est in 2. part. cum de perjurio ageretur: nec in hoc datur parvitas materiæ, ut est certum apud omnes, cum in quacumque materia minima summæ veritati gravis injuria irrogetur. Unde damnata fuit ab Innoc. XI. hæc prop. 24. *Vocare Deum in testem mendacii levis, non est tanta irreverentia, propter quam velis, aut possit damnare hominem.*

*Sciendum II.* Quod circa veritatem de futuro in juramento promissorio, aliqui dicunt, non dari parvitatem materiæ, si materia levis sit totalis materia respectu juramenti: quia illam non adimplendo facit Deum testem mendacii, qui jurando promisit illam levem materiam, puta obolum se daturum in elemosynam; & similiter accidit in voto: secus vero est, si materia levis sit solum partialis respectu rei promissæ cum juramento, puta, si quis juravit se soluturum centum aureos, & postea in solvendo retineat quinque, vel decem obolos: quia in tali casu Deus non fit testis mendacii. Ita Cajet. in præsen. q. a. 7. & alii apud Salmant. Sed probabilior sententia docet, dari parvitatem materiæ in juramento promissorio, sive materia levis sit totalis, sive partialis; sicut etiam de voto dictum est in tract.

tract. ant. & docent Suar. Sanch. Joan. a S. Tho. Salm. alique plures. Rationem autem assignat D. Thom. 2. 2. q. 110. ar. 3. ad quintum. *Dicendum, quod ille, qui aliquid promittit, si habeat animum faciendi, quod promittit, non mentitur: quia non loquitur contra id, quod gerit in mente. Si vero non faciat, quod promissit, tunc videtur infideliter agere per hoc, quod animum mutat. Ergo hujusmodi non peccat directe contra veritatem juramenti, sed contra fidelitatem, quæ si sit in ordine ad hominem, siue erga Deum, semper admittit parvitatem materiæ.*

*Sciendum III.* Quod jurare sine animo jurandi, aut non le obligandi ad observandum promissum, peccatum est, etiam si cum causa fiat: unde damnata fuit ab Innoc. XI. hæc prop. 25. *Cum causa, licitum est jurare sine animo jurandi, si res sit levis, siue gravis.* Imo, si subtilius inspexerimus, apparebit, hoc esse mendacium perniciosum ex natura sua, adeoque peccatum grave perjurii. Quod sit mendacium, constat, quia sic jurans aliud habet in ore, aliud in mente, seu verba menti sunt contraria. Veritas namque, quæ est comes juramenti, si desit in materia juramenti, hoc est in eo, quod cum juramento confirmatur, est mortale: ergo a fortiori si desit in forma ipsius juramenti, hoc est in ipsa juratione, quia scilicet juratio ipsa est mendacium, magis est mortale. Quod vero hoc mendacium sit perniciosum ex propria natura, ex eo constat, quia contrariatur fini jurationis, scilicet confirmationi veritatis: ideo enim juramus, ut veritatem confirmemus: jurare autem sine animo jurandi, aut non le obligandi, est intendere confirmare, & non confirmare veritatem. Nam, quia jurat actu exteriori, firmat veritatem, in quantum est ex specie actus exterioris: quia vero non jurat mente, non confirmat veritatem. Unde actus iste sic perversus in se ipso, ut sit sibi ipsi contrarius, est perniciosus toti generi humano, utpote, quantum in se est, tollens a juramento exteriori finem, quare fit, scilicet confirmationem veri: & similiter, quantum ex se est, enervans fidem dandam exteriori juramento, & illudens testimonio divino. *Deus autem non irridetur: nam que*

*seminaveris homo, hæc est metes, ut dicit Apost. Unde Eccles. 23. dicitur. Si frustraverit (id est deceperit) fratrem, delictum ipsius supra ipsum erit. Et, si dissimulaverit (quasi per simulationem jurando) delinquit dupliciter: (quia scilicet) simulata æquitas est duplex iniquitas: & si in vacuum juraveris, non justificabitur. Aliud autem est de illo, qui vovet sine animo vovendi, quia votum soli Deo fit, qui non attendit sonum verborum, sed intentionem loquentis, ut dicit Gregor.*

*Sciendum IV.* Quod qui jurat, se non facturum aliquod bonum, quod facere non tenetur, puta, se non ingressurum religionem, peccat solum venialiter (nisi forte adeo pertinaciter juraret, ut etiam in articulo necessitatis juraret, se non facturum; nam procul dubio peccaret mortaliter sic jurando, ut in cap. Archidiaconum, dist. 85. de illo dicitur, qui juravit, se numquam fore Episcopum. Hoc enim est contra debitum obedientiæ, & charitatis, quod necessitatis, non supererogationis est.) Et quod non peccet, nisi venialiter, patet ex hoc, quod si quis jurat, committere peccatum veniale, puta dicere verbum otiosum, non nisi venialiter peccat sic jurando; & tamen constat, quod multo plus obicem ponit Spiritui Sancto, qui jurat peccare venialiter, quam non facere bonum, ad quod non tenetur: quia plus repugnat gratiæ firmitas ad faciendum malum, quam ad non faciendum bonum, quantumcumque magnum, supererogationis. Unde colliges, quod jurans, se facturum aliquod grave peccatum, peccat mortaliter; deficit enim juramento iustitia in re gravi: sicuti peccat venialiter, qui jurat, se facturum aliquod peccatum veniale. Confirmare enim se in peccato gravi, grave peccatum obstinationis est, quod est peccatum in Spiritum Sanctum: sicuti confirmare voluntatem in peccato levi, veniale peccatum obstinationis est valde disponens ad mortale.

*Sciendum V.* Quod in quacumque materia, si verba sunt falsa, tale juramentum est peccatum mortale, quia ibi est mendacium juramento firmatum, ubi est falsæ vocis significatio cum intentione fallendi juramento firmata. Unde 22. q. 2.

cap. in dolo, dicit August. *In dolo juras, qui aliter facturus est, quam promittit*. Nec excusatur propter implicitam restrictionem in mente conceptam: quia hujusmodi subauditio non excusat, quin sit falsa vocis significatio cum intentione fallendi illum, ut intelligat sibi promitti, quod iste non promittere intendit. Quare damnata fuit ab Innoc. XI. hæc prop. 26. *Si quis, vel solus, vel coram aliis, five interrogatus, five propria sponte, five recreationis causa, five quocumque alio sine juret se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus*. Et quia ubicumque deficit animus jurandi, five promittendi, aut observandi, aut te obligandi in juramento promissorio, intervenit mendacium, ideo semper est mortale: sicut qui animo non colendi, sed solo actu exteriori coleret idola, peccaret mortaliter, quia actum exterioris cultus applicaret, cui non debet; ita in proposito actum exterioris juramenti, qui est cultus patriæ, applicaret materiæ contrariæ, scilicet mendacio. Est enim hoc Deo irreverentiam exhibere coram hominibus, quibus mendacium manifestum fieri debet in non observando promissum. Vide prop. 28. damnatam ab Innoc. XI.

*Sciendum VI.* Quod, si in juramento non interveniunt verba falsa, sed plures sensus habentia, & in uno vera, & alio falsa, & a jurante intenduntur in sensu, quo sunt vera, etiam si non sit in iudicio, aut materia præjudiciali, adhuc cum peccato mortali sit tale juramentum, quia evacuetur finis juramenti; sit enim cum intentione fallendi, seu ut audiens fallatur, quod est contra finem juramenti, quod ordinatur ad confirmandam veritatem, quam loquens imprimere intendit in mente auditoris. Unde licet in tali casu juramentum non sit perniciosum, nec mendax ex parte materiæ, quia sit sine præjudicio proximi, ut supponitur, & in sensu aliquo vero, intento a loquente, verba proferantur; tamen ex parte formæ, seu ipsius jurationis, juramentum perniciosum est ex natura sua generi humano, & fallax, seu mendax: quia per actum externum juran-

di intendit confirmare audientem in illo sensu, in quo per actum internum non intendit illum confirmare, sed illudere. Unde damnata fuit ab Innoc. XI. hæc prop. 27. *Causa justa utendi his ambigibilibus est, quoties id necessarium, aut utile est ad salutem corporis, bonorem, res familiares tuendas, vel ad quemlibet alium virtutis actum, ita ut veritatis occultatio censetur tunc expediens, & studiosa*. Quare Isidor. dicit lib. 2. de sum. bono cap. 31. *Quicumque arte verborum quis juret, Deus tamen, qui conscientia testis est, ita hoc accipit, sicut ille, cui juratur, intelligit*. Et quod hoc intelligatur de juramento dolo, non autem de mendaci, patet per id, quod subdit: *dupliciter reus sit, qui & nomen Domini in vanum assumit, & proximum dolo capit*.

## C A P U T X.

## De prava jurandi Consuetudine.

**D**Enique considerandum est de prava jurandi consuetudine, & pari ratione de qualibet alia consuetudine peccandi. Circa quod

*Sciendum I.* Quod si prava jurandi consuetudo inducat ad frequenter jurandum, sed cum advertentia, & cautela, ut non juretur falsum, non constituit hominem in statu peccati mortalis: quia ex solis peccatis venialibus generatur, & solum proxime inclinat ad venialia peccata. Idem dicendum est, si cum tali consuetudine conjungatur prava consuetudo mentiendi absque juramento: quia non inducit per se periculum proximum pejerandi: quamvis per accidens, seu præter intentionem in aliquo raro casu falsum juretur, uti notant Suarez, & Salmanticenses. Qui vero habet pravam consuetudinem jurandi falsum, vel jurandi sine cautela, an sit verum, vel falsum, quod jurat, est in statu peccati mortalis: & toties peccat mortaliter, quoties advertit ad pravam hanc consuetudinem, quam habet, & periculum proximum pejerandi, quod per se inducit, & illam negligit totis viribus extirpare, uti sentiunt communiter Doctores.

*Sciendum II.* Quod prædicta consuetudo, seu habitualis dispositio falsum juran-

di, evadit involuntaria, quando quis de præteritis peccatis efficaciter dolet, firmiterque proponit emendam, & totis viribus conatur auferre externas occasiones illum solitas inducere ad pejerandum: quia hoc ipso efficaciter conatur pravam consuetudinem extirpare. Unde, perleverante hujusmodi bona dispositione voluntatis, perjuria, in quæ interim prorumpit præter intentionem, & inadvertenter ex prava consuetudine jam contracta, ei non imputantur, seu non habent rationem culpæ, & peccati formalis, quia nullo modo sunt voluntaria, nec in se, nec in sua causa. Licet enim consuetudo, quæ fuit voluntarie contracta, remaneat secundum quod est inclinatio in malum; non tamen remanet negligentia, ratione cujus prava illa consuetudo habebat rationem culpæ, uti de ignorantia, quæ est altera causa intrinseca peccati, docet Sancti Thomas 1. 2. quæst. 76. artic. 2. ad 4. Hæc certa sunt apud omnes.

*Sciendum* III. Quod controversia solum est apud Doctores, an perjuria, quæ absque ulla advertentia sæpius proferuntur ex consuetudine efficaciter non retractata ab habente pravum habitum falsum jurandi, sint formaliter peccata, & per consequens distincte a sua causa explicanda in Confessione Sacramentali. Negant communiter Probabilistæ, qui tamen in duas classes dividuntur, uti videre est apud Salmanticenses in tractatu de Juramento. Multi ergo ex illis docent, quod hujusmodi perjuria inadvertenter prolata sunt solum voluntaria in sua causa, & per consequens sunt formaliter peccata in sua causa, id est, in negligentia sæpius adhibita in extirpanda consuetudine pejerandi: in se ipsis autem non sunt formaliter peccata, cum non sint voluntaria, utpote quæ proferuntur absque deliberatione rationis, sed sunt effectus peccati. Unde necesse non est illa distincte, & explicitè confiteri, sed sufficit confiteri illorum causam, id est, negligentiam sæpius adhibitam in extirpanda prava consuetudine. Ita Vázquez, Leand. Covar. &c. Nec habent rationem culpæ ex hoc, quod fierent etiam si adverterentur, dummodo actu non advertantur. Quia Deus (inquit D. Augustinus contra Semipelagianos) non imputat nobis, quod facere

mus, si hoc, vel illud occurreret; sed quod actu facimus.

*Sciendum* IV. Quod plures alii Probabilistæ distinguunt, dicentes: Si habens pravam consuetudinem non retractatam, advertat se jurare, etiam si non advertat, an falsum juret, neque ad malitiam perjurii, peccat formaliter, quia habet potestatem proximam, & debitum advertendi: & per consequens tenetur distinctè confiteri omnia perjuria, in quæ ex sua negligentia culpabiliter prolapsus est. Si vero omnino abstractus, puta quia ebrius, aut nullo modo advertens an juret, sæpius ex consuetudine juret falsum, in tali casu perjuria non sunt peccata formaliter, cum non sint voluntaria, nec in se, cum non procedant a voluntate deliberata: nec in sua causa proxima, quæ in casu non est consuetudo, sed oblitio naturalis, aut motus repentinus passionis, quæ adimunt potestatem proximam advertendi, & resistendi habitui pravo. Judicium autem actus non fit ex causis remotis, sed proximis. Et ideo habens consuetudinem pejerandi, non tenetur hujusmodi perjuria confiteri, sed sufficit, quod confiteatur negligentiam toties adhibitam in extirpanda prava consuetudine pejerandi. Ita Suarez, Valentia, Pradus, & alii, quos citant, & sequuntur Salmanticenses.

*Sciendum* V. Quod prædictæ opiniones habent pro fundamento illud principium commune apud Probabilistas, scilicet, quod ad peccatum formale, seu imputabile voluntati, requiritur actualis advertentia ad malitiam actus, aut saltem ad actum malum. Quod principium esse falsum, imo erroneum, satis constat ex dictis in prima parte, tractatu primo, & amplius manifestum fiet ex infra dicendis. Quare, illis relictis, dicendum est ex doctrina, quam tradit D. Thomas 2. 2. quæst. 154. art. 5. in corp. Quod perjuria prolata absque ulla actuali advertentia ab habente consuetudinem pejerandi non retractatam per veram poenitentiam, sive hæc inadvertentia proveniat ab oblivione naturali, sive a motu repentino passionis, sive a quacumque alia causa, quæ nata sit causare involuntarium simpliciter, possunt considerari dupliciter. Uno modo secundum se, & hoc modo non habent rationem peccati. Omne enim

peccatum dependet ex iudicio rationis: & ideo, sublato iudicio rationis, tollitur ratio peccati. Alio modo possunt considerari per comparationem ad suam causam, quæ est consuetudo, & sic habent rationem culpæ ex sua causa, hoc est, de facto imputantur voluntati, quasi ab ipsa existentia. Ad cuius evidentiam

*Sciendum* VI. Ex D. Thoma 1. 2. qu. 6. art. 3. in corp. Quod voluntarium dicitur, quod est a voluntate: ab aliquo autem dicitur esse aliquid dupliciter. Uno modo directe, quod scilicet procedit ab aliquo, in quantum est agens, sicut calefactio a calore. Alio modo indirecte ex hoc ipso, quod non agit, sicut submersio navis dicitur esse a gubernatore, in quantum deficit a gubernando. Sed sciendum, quod non semper id, quod sequitur ad defectum actionis, reducitur, sicut in causam, in agens, ex eo, quod non agit, sed solum tunc cum potest, & debet agere. Si enim gubernator non posset navim dirigere, vel non esset ei commissio gubernatio navis, non imputaretur ei navis submersio. Quia igitur voluntas volendo, & agendo, id est, retractando per veram poenitentiam præteritorum delictorum pravam consuetudinem, & conando efficaciter ad illam extirpandam, potest, & debet impedire, ne lingua inadvertenter prorumpat in perjuriam: si hoc negligit, etiam absque advertentia rationis, & deliberatione voluntatis, prolata perjuriam imputantur ei, quasi ab ipsa existentia, & per consequens est in eis ex sua causa ratio culpæ, seu formale peccati. Quod ut magis innotescat,

*Sciendum* VII. Ex Doctrina D. Thomæ 1. 2. quæst. 20. art. 1. quod perjuriam a consuetudinario prolata absque ulla actuali advertentia, & deliberatione, possunt considerari dupliciter. Uno modo in ordine intentionis, in quantum indirecte sunt intenta in sua causa, & secundum hoc non sunt effectus, sed circumstantiæ obiecti dantis speciem peccato negligentiam, quæ adhibetur in detestanda, & extirpanda prava consuetudine, & tali peccato addunt malitiam sui generis, quæ est diversæ speciei a malitia negligentiam, & per consequens talis malitia necessario explicanda est in confessione simul cum malitia ipsius negligentiam. Alio modo possunt considerari in

ordine executionis, & sic sunt effectus, seu sequela peccati prædictæ negligentiam habentis illam duplicem malitiam specie distinctam; & secundum hoc, licet addant ad penam, tamen nihil addunt ad rationem culpæ, quæ est in causa: sed potius ab ipsa causa participant rationem culpæ, tanquam consummatio exterior peccati interioris consistentis in prædicta negligentiam, & defectu. Et ideo, sicut peccata exteriora directe volita distincte consistenda sunt, & non sufficit confiteri solum voluntatem peccandi, quæ est causa illorum: ita necesse est confiteri distincte perjuriam, & alia exteriora peccata, quæ sunt indirecte volita, & non sufficit confiteri causam illorum, id est negligentiam toties adhibitam in non detestanda, & extirpanda prava consuetudine.

*Sciendum* VIII. Ex Div. Thoma 1. 2. quæst. 20. art. 5. & quæst. 73. art. 8. Quod effectus peccati quando indirecte in sua causa sunt intenti, voluntati imputantur, quasi ab ipsa existentes, & ideo ex sua causa habent in se rationem culpæ, seu peccati formalis; licet secundum se, & nullo habitu respectu ad suam causam, rationem culpæ, seu peccati formalis non habeant. Iudicium autem de actibus, an sint voluntarii, datur de illis in singulari, seu prout sunt a parte rei, non autem prout in ratione existunt, & præcise, seu in abstracto. Socrates enim, secundum quod est homo, non habet, quod sit albus, aut niger; sed de facto, & in singulari, aut albus est, aut niger. Ex quocumque ergo capite actus sint voluntarii, sive ex se, sive ex suis causis, voluntati de facto imputantur, & habent rationem formalem peccati, aut virtutis, meriti, aut demeriti. Nec obstat autoritas Augustini. Sanctus enim Doctor loquitur de futuris conditionatis, quæ utique nobis a Deo non imputantur, cum de facto a voluntate nullo modo procedant: nos autem loquimur de peccatis, quæ de facto a voluntate indirecte procedunt, quæ utique voluntati imputantur a Deo, & hominibus. Ex his autem patet responsio ad fundamentum primæ opinionis supra relatæ.

*Sciendum* IX. Quod nec etiam ad voluntarium directum requiritur potestas proxima advertendi ad malitiam actus. Ignorans

rans enim malitiam fornicationis, v. gr. quia credit illam non esse peccatum, quomodo potest ad illam advertere? & tamen non excusatur a peccato formali, si fornicetur, etiam si non fornicaturus si sciret esse peccatum: & hoc, quia Ignorantia, quæ est causa fornicandi, culpa non caret. Ergo a fortiori in voluntario indirecto, licet non detur potestas proxima advertendi nec malitiam, nec actum; tamen voluntas a peccato formali non excusatur eo ipso, quod libere causam mali actus eradicare neglexit, dum potuit, & debuit. Nec inadvertentia actualis, a quacunque causa proveniat, est causa proxima, & per se movens consuetudinariam ad perjuriam, aut alia peccata patranda; sed est solum causa per accidens, seu removens actum rationis potentis prohibere peccata, quo sublato, consuetudo per modum naturæ proxime movet habentem pravum habitum ad pejerandum, aut blasphemandum, aut aliud peccatum patrandum, cujus signum est, quod non habens pravum habitum, nec etiam in alienatione mentis peccabit. Unde patet responsio ad fundamentum secundæ opinionis. Concludamus ergo cum illo Eccles. 23. *Jurationi non asuefcas os tuum: multi enim casus in illa.*

## TRACTATUS SEPTIMUS.

*De his, quæ pertinent ad statum  
Episcoporum.*

Consequenter considerandum est de statibus perfectionis in speciali. Et primo de his, quæ pertinent ad statum Episcoporum. Secundo de his, quæ pertinent ad statum Religiosorum. Tercio de his, quæ pertinent ad statum Clericorum. Circa vero statum Episcoporum tria consideranda sunt. Primo de his, quæ antecedenter se habent ad hunc statum. Secundo de his, quæ statum hunc comitantur. Tercio de his, quæ statum hunc consequuntur. Sit igitur

### CAPUT PRIMUM.

*Utrum liceat Episcopatum appetere.*  
S. Thom. 2. 2. quæst. 185. art. 1.

**A**ugust. dicit 19. de Civit. Dei cap. 19. *Locus superior, sine quo populus reus non potest, etsi ita administraretur, ut deest, tamen indecenter appetitur.* Ad cujus evidentiam

*Sciendum* 1. Quod in Episcopatu tria possunt considerari, quorum unum est principale, & finale, scilicet Episcopalis operatio, per quam utilitati proximorum intenditur, secundum illud Joan. ult. *Pasce oves meas.* Aliud autem est altitudo gradus, quia Episcopus super alios constituitur, secundum illud Matth. 25. *Fidelis servus, & prudens, quem constituit dominus super familiam suam.* Tertium autem est, quod consequenter se habet ad ista, scilicet reverentia, & honor, & sufficientia temporalium, secundum illud 1. ad Tim. 5. *Qui bene præfunt presbyteri, duplici honore digni habentur.* Appetere ergo Episcopatum ratione hujusmodi circumstantium bonorum, manifestum est, quod est illicitum, & pertinet ad cupiditatem, vel ambitionem. Unde contra Phariseos Dominus dicit Matth. 25. *Amant primos recubitus in cænis, & primas cathedras in Synagoga, & salutationes in foro, & vocari ab hominibus Rabbi.* Quantum autem ad secundum, scilicet ad celsitudinem gradus, appetere Episcopatum est præsumptuosum. Unde Dominus arguit discipulos Matth. 20. *primatum querentes.*

*Sciendum* 11. Quod appetere proximis prodesse, est secundum se laudabile, & virtuosum. Verum, quia, prout est Episcopalis actus, habet annexam gradus celsitudinem, præsumptuosum videtur, quod aliis præfisse appetat ad hoc, quod subditis prosit, nisi manifesta necessitate imminente: sicut Gregor. dicit in pastor. 1. c. 8. *quod Tunc laudabile erat Episcopatum querere, quando per hunc quemquam dubium non erat ad supplicia graviora pervenire.* Unde non de facili inveniebatur, qui hoc onus assumeret, præsertim cum aliquis charitatis zelo divinitus ad hoc incitatur, sicut Gregor. dicit in Pastor. 1. c. 7. *Istias*

E 4.

pro-

prodesse proximis cupiens, laudabiliter officium prædicationis appetit. Potest tamen abique præsumptione quilibet appetere talia opera facere, si cum contingeret in tali officio esse, vel etiam se esse dignum ad talia opera exequenda: ita quod opus bonum cadat sub desiderio, non autem primatus dignitatis. Unde Chrysost. dicit homil. 35. in Matth. *Opus quidem desiderare bonum, bonum est: primum autem honoris concupiscere, vanitas est. Primatus enim fugientem se desiderat, desiderantem se borvet.* Quapropter

Sciendum III. Quod, sicut Aug. dicit 19. de Civit. Dei. c. 19. *Apostolus dicens: Qui Episcopatum desiderat, bonum opus desiderat, exponere voluit, quid sit Episcopatus, quia nomen operis est, non honoris; ut intelligat, non se esse Episcopum, qui præesse dilexerit, non prodesse.* Et parum ante præmittit: *In actione enim non amandus est honor in hac vita, nec potentia: quoniam omnia vana sunt sub sole, sed opus ipsum, quod per eundem honorem, vel potentiam fit.* Greg. autem dicit in Pastor. 1. c. 8. *Illo tempore hoc dixit Apostolus, quo ille, qui plebibus præerat, prius ad martyrii tormenta ducebatur. Et sic nihil aliud erat, quod in Episcopatu appeti posset, nisi bonum opus.* Et tamen, ut Gregor. ibid. dicit: *Apostolus laudans desiderium (scilicet boni operis) in pavorem vertit protinus, quod laudavit, cum subiungit: Oportet autem Episcopum irreprehensibilem esse, quasi dicat: Laudo, quod queritis, sed prius discite, quid queratis.* Unde

Sciendum IV. Quod ad statum Episcopalem præexigitur vitæ perfectio, ut patet per hoc, quod Dominus a Petro quaesivit, si plus cæteris eum diligeret, antequam ei committeret pastorale officium. Et huius ratio est, quia secundum Dion. c. 6. Ecclesi. hier. perfectio pertinet ad Episcopum, sicut ad perfectorem: requiritur autem, quod sit perfectus aliquis ad hoc, quod possit alios ad perfectionem adducere. Est autem præsumptuosum, quod aliquis perfectum se reputet. Ille etiam, qui transit ad statum Episcopalem, sublimatur ad hoc, quod aliis provideat, & hanc sublimationem nullus debet sibi assumere, secundum illud ad Hebr. 5. *Neque quisquam sinit sibi honorem, sed qui vocatur*

*a Deo.* Et Chrysost. dicit hom. 35. in Matth. *Primum Ecclesie concupiscere, neque iustum est, neque utile. Quis enim sapiens vult ultro se subicere servituti, & periculo tali, ut dei rationem pro omni Ecclesia, nisi forte, qui non timent Dei iudicium, abutens primatu Ecclesiastico seculariter, ut scilicet convertat ipsum in secularem?*

Sciendum V. Quod dispensatio spiritualium non est facienda secundum arbitrium cuiuscumque, sed principaliter quidem secundum arbitrium, & dispositionem Dei: secundario autem secundum arbitrium superiorum prælatorum, ex quorum persona dicitur 1. ad Cor. 4. *Sic nos existimet homo, ut ministros Christi, & dispensatores mysteriorum Dei.* Et ideo non intelligitur ille abscondere spiritualia, cui non competit ex officio, nec ei a superiore injungitur, si ab aliorum correctione, aut gubernatione desistat: sed solum tunc intelligitur abscondere, si dispensationem negligat, cum ei ex officio incumbit: vel si officium, cum ei injungitur, pertinaciter recipere renuat. Unde August. dicit 19. de Civit. Dei. c. 19. *Officium sanctorum querit charitas veritatis, negotium iustum suscipit: necessitas obaruitatis, quam sarcinam si nullus imponit, percipiendæ, atque intruendæ vacandum est veritati. Si autem imponitur, suscipienda est propter charitatis necessitatem.* Non autem querenda, nisi quis ex divina revelatione ad id destinatum sit, & electum agnoscat. Unde Greg. dicit in pastor. 1. c. 7. *Isaias, qui mitti voluit, ante se per altaris calcem purgatum vidit, ne non purgatus adire quisque ministeria audeat.* Quia ergo valde difficile est, purgatum se quemquam posse cognoscere, prædicationis officium tutius declinabit.

Sciendum VI. Quod sufficientia temporalium, honor, & reverentia consequenter se habent ad altitudinem gradus, & ad Episcopalem operationem, sunt enim media necessaria ad hunc finem, scilicet operationis, & gubernationis: & ideo, qui iam est Episcopus, potest licite hæc vellic, imo & exigere, tanquam suo muneri debita ex iustitia: & similiter Clericus potest licite appetere, & querere beneficium congruum lux sustentationi. Sunt enim beneficia Ecclesiastica instituta ad sustentan-



dos Clericos, unde nulla inordinatio est in hoc, quod appetat, aut quærat beneficium propter finem, ad quem est institutum. Sed status Episcopalis, aut Clericalis, non est institutus propter divitias, aut propter honorem, & reverentiam; & ideo inordinate agit, qui appetit Episcopatum aut statum Clericalem propter sufficientiam temporalium, aut honorem, vel reverentiam: & si quidem sufficientia temporalium, aut honor sit ratio movens, seu finis motivus appetendi Episcopatum, aut Clericatum, erit inordinatio gravis, sit enim gravis injuria rebus spiritualibus ordinando illas ad bona temporalia, ut in finem. Si vero bona temporalia appetantur non ut ratio appetendi spirituale, sed concomitanter ad illud, scilicet ut finis terminativus, seu impulsivus, non vero, ut finis principalis, seu motivus, erit inordinatio levis, cum bona temporalia, utpote solum utilia ad finem, non sint per se appetenda ullo modo, seu illis non possit licite ullo modo convenire ratio finis, sed solum mediis, sicuti bene notat Cajet. in præfenti.

## CAPUT II.

*Utrum liceat Episcopatum injunctum omnino recusare.* 2.2. quæst. 185. ar. 2.

**A**ugust. dicit ad Eudodium, Epist. 81. *Si quam operam vestram mater Ecclesia desideravit, nec elatione avida suscipiatis, nec blandiente desidia respuatis: neque otium vestrum necessitatibus Ecclesie præponatis.* Ad cujus evidentiam

*Sciendum* 1. Quod in assumptione Episcopatus duo sunt considerata. Primo quidem, quid deceat hominem appetere secundum propriam voluntatem. Secundo, quid hominem deceat facere ad voluntatem alterius. Quantum ergo ad propriam voluntatem convenit homini principaliter insistere propriæ salutis: sed, quod aliorum salutis intendat, hoc convenit homini ex dispositione alterius potestatem habentis, ut ex dictis in cap. ant. patet. Unde, si cut ad inordinationem voluntatis pertinet, quod aliquis proprio motu feratur in hoc, quod aliorum gubernationi præficiatur: ita etiam ad inordinationem volunta-

tis pertinet, quod aliquis omnino contra Superioris injunctionem prædictum gubernationis officium finaliter recuset propter duo. Primo quidem, quia hoc repugnat charitati proximorum, quorum utilitati se aliquis debet exponere pro loco, & tempore. Unde Aug. dicit 19. de Civit. Dei, c. 19. *Negotium justum suscipit necessitas charitatis.* Secundo, quia hoc repugnat humilitati, per quam aliquis superiorum mandatis se subjicit. Unde Greg. dicit in Past. 1. c. 6. *Tunc ante Dei oculos vera est humilitas, cum ad respondendum hoc, quod utiliter subire præcipitur, pertinax non est.*

*Sciendum* 11. Quod quamvis, simpliciter, & absolute loquendo, vita contemplativa potior sit, quam activa, & amor Dei, quam dilectio proximi; & tamen ex alia parte bonum multitudinis præferendum est bono unius. Unde Aug. dicit in verbis præmissis: *Neque otium vestrum necessitatibus Ecclesie præponatis.* Præsertim, quia hoc ipsum ad dilectionem Dei pertinet, quod aliquis ovibus Christi curam pastorem impendat. Unde super illud Joan. ult. *Pasce oves meas;* dicit August. tract. 113. *Sit amoris officium pascere dominicum gregem: sicut fuit timoris indicium negare pastorem.* Similiter etiam prælati non sic transferuntur ad vitam activam, ut contemplativam deserant. Unde August. dicit 19. de Civit. Dei, c. 10. *Si imponatur sarcina pastoralis officii, nec sic deferenda est delectatio veritatis, quæ tei licet in contemplatione habetur.*

*Sciendum* 111. Quod nullus tenetur obedire prælato ad aliquod illicitum, sicut patet ex his, quæ in 2. part. dicta sunt de obedientia. Potest ergo contingere, quod ille, cui iungitur prælationis officium, in se aliquid sentiat, propter quod non liceat ei prælationem accipere. Hoc autem impedimentum quandoque quidem removeri potest per ipsummet, cui pastoralis cura iungitur (puta, si habeat peccandi propositum, quod potest deferere: ) & propter hoc non exculatur, quin finaliter teneatur obedire prælato iungenti. Quandoque vero impedimentum, ex quo fit ei illicitum pastorale officium, non potest ipse remove, sed prælatus, qui iungit (puta) si sit irregularis, vel excommunicatus ) & tunc debet defectum suum

suum praelato injungenti ostendere, qui, si impedimentum removere voluerit, tenetur humiliter obedire. Quandoque vero non potest removeri impedimentum, nec per injungentem, nec per eum, cui injungitur, sicut si Archiepiscopus non possit super irregularitate dispensare. Unde subditus non tenetur ei obedire ad suscipiendum Episcopatum, vel etiam sacros Ordines, si sit irregularis. Quæ doctrina valde notanda est a religiosis, quando praelatus præcipit aliquid contra regulam, in qua potest dispensare: tunc enim, tenetur obedire, secus non.

*Sciendum* IV. Quod accipere Episcopatum non est de se necessarium ad salutem, sed sit necessarium ex superioris præcepto. His autem, quæ sic sunt necessaria ad salutem, potest aliquis impedimentum licite apponere, antequam fiat præceptum: alioquin non liceret alicui transire ad secundas nuptias, ne per hoc impediretur a susceptione Episcopatus, vel sacri Ordinis: non autem hoc liceret in his, quæ per se sunt de necessitate salutis. Qui ergo votum emittit de non suscipiendo Episcopatum, & de non consentiendo in sui electionem, si per hoc intendat se obligare ad hoc, quod neque per obedientiam superioris praelati coactus accipiat, illicite votet. Si autem intendit ad hoc se obligare, ut quantum est de se, Episcopatum non quærat, nec suscipiat, nisi imminente necessitate obedientiæ, licitum est votum: quia, vovet, se facturum id, quod hominem facere decet. Et hoc pacto emittitur votum solemne non quærendi, & non acceptandi extra religionem praelationem aliquam, vel dignitatem in nostro Ordine Clericorum Regularium Minorum; & ideo apponitur in emissionem hujusmodi voti a nostris Clericis illa clausula, *Nec consensurum in mei electionem, nisi coactus auctoritate Summi Pontificis*. Ubi notandum, quod ex vi talis voti religiosus electus ad Episcopatum, tenetur, quantum in se est, non acceptare, quia ad hoc se sponte obligavit per votum: non autem tenetur votum Papæ manifestare, quia ad hoc non se obligavit per votum; quod votum, utpote conditionatum, non indiget dispensatione, sed solum purificatione conditionis, scilicet coactione obedientiæ,

qua posita, habens votum obedire tenetur. Perfecti, tamen animi erit, & ab omni ambitione alieni signum, tale votum manifestare sub spe, quod, illo cognito, Pontifex non cogat ad acceptandum.

## CAPUT III.

*Utrum oporteat eum, qui ad Episcopatum assumitur, esse ceteris meliorem.*

2.2. qu. 185. ar. 3.

**I**N Decret. lib. 2. tit. 6. cap. Cum in cunctis, dicitur: *Sufficit eligere bonum, neque oportet eligere meliorem*. E contrario in Trident. sess. 24. c. 18. dicitur, *Eos alienis peccatis communicantes mortaliter peccare, qui nisi quos digniores, & Ecclesiæ magis utiles ipsi judicaverint, ad Ecclesias promoveant*. Circa quæ verba, damnata sunt ab Innoc. XI. prop. 47. male exponens sensum Concilii. Quomodo autem ista duo concordent, nec oportet eligere meliorem, & oportet eligere digniorem, examinandum est in prælo. Ad cujus evidentiam

*Sciendum* I. Quod circa assumptionem alicujus ad Episcopatum aliquid considerandum est ex parte ejus, qui assumitur, & aliquid ex parte ejus, qui assumit. Ex parte enim ejus, qui assumit, vel eligendo, vel providendo, requiritur, quod talem eligat, qui fideliter divina mysteria dispenset, quæ quidem dispensari debent ad utilitatem Ecclesiæ, secundum illud 1. ad Cor. 14. *Ad ædificationem Ecclesiæ quærite, ut abundetis*. Non autem divina mysteria hominibus committuntur propter eorum remunerationem, quam expectare debent in futuro. Et ideo ille, qui debet aliquem eligere in Episcopum, vel de eo providere, non tenetur assumere meliorem simpliciter, quod est secundum charitatem, sed meliorem, quoad regimen Ecclesiæ, qui scilicet possit Ecclesiam & instruere, & defendere, & pacifice gubernare. Unde contra quosdam Hieron. dicit super illud 1. ad Tit. *Et constituas per civitates presbyteros*, quod *Quidam non quærunt eos in Ecclesia columnas erigere, quos plus cognoscunt Ecclesiæ prodesse, sed quos plus ipsi amant, vel quorum sunt obsequiis delinunt, vel dediti, vel pro quibus majorum quispian rogaverit, & ut destituta taceamus, qui*

## De his, quæ pertinent ad statum Episcoporum. 75

qui, ut Clerici fierent, muneribus impetrarunt. Hoc autem pertinet ad acceptionem personarum, quæ in talibus est grave peccatum. Ex parte autem ejus, qui assumitur, non requiritur, quod reputet se aliis meliorem, hoc enim esset superbum, & presumptuosum, sed sufficit, quod nihil in se inveniat, per quod illicitum ei reddatur assumere prælationis officium. Unde

*Sciendum 11.* Quod Dominus in Petro sciebat ex suo munere esse idoneitatem, etiam quantum ad alia, gubernandi Ecclesiam: & ideo eum de ampliori dilectione examinavit, ad ostendendum, quod, ubi alias invenitur homo idoneus ad Ecclesiæ regimen, præcipue attendi debet in ipso eminentia divinæ dilectionis. Petrus autem interrogatus, an Dominum plus cæteris diligeret, in sua responsione non se prætulit cæteris, sed simpliciter respondit, quod Christum amaret. Debet tamen ad hoc intendere, qui in dignitate Episcopali constitutus est, ut talem se exhibeat, ut cæteris & scientia, & sanctitate præcellat. Unde Symmachus Papa dicit, & habetur 1. q. 1. cap. *Vilissimus computandus est, nisi scientia, & sanctitate præcellat, qui est dignitate præstantior.* Et Gregor. in Pastor. 2. c. 1. dicit: *Tantum debet actionem populi alio transcendere præsulis, quantum dispare solet a grege vita pastoris.* Non autem sibi imputandum est, si ante prælationem excellentior non fuit, ut ex hoc debeat vilissimus reputari.

*Sciendum 111.* Quod, sicut dicitur 1. ad Cor. 12. *Divisiones gratiarum, & ministrarionum, & opitulationum sunt.* Unde nihil prohibet, aliquem esse magis idoneum ad officium regiminis, qui tamen non excellit in gratia sanctitatis. Secus autem est in regimine naturalis ordinis, in quo id, quod est superius ordine naturæ, ex hoc ipso habet majorem idoneitatem ad hoc, quod inferiora disponat. Attendenda est igitur idoneitas, tanquam causa principalis in dispensatione ministrorum, ut scilicet eligendus sit magis idoneus ad officium regiminis. Quod, si etiam aliæ qualitates, puta, potentia, consanguinitas, & alia hujusmodi coadjuvent idoneitatem, scilicet ad pacifice, & magis fideliter gubernandam Ecclesiam, non erit vitium acceptionis personarum illas erit attendere. Si

autem non coadjuvent idoneitatem, erit acceptatio personarum, quia in dispensatione non attenditur causa debita dispensationis, sed persona.

*Sciendum 1 v.* Quod in distributione Ecclesiastici regiminis non debet attendi principaliter remuneratio, sive meriti apud Deum ex charitate provenientis, quod a Deo remunerationem expectat: sive meriti apud Ecclesiam ratione servitiorum, aut quorumcumque beneficiorum, quæ illi præstita sunt, adeoque ab Ecclesia remunerationem expectant: quia, ut dictum est, divina ministeria non sunt ordinata ad remunerationem meritorum, sed ad utilitatem, seu regimen Ecclesiæ. Hoc autem non obstat, quin Prælati possint, & debeant secundario pensare Ecclesiastica servitia, sive beneficia præstita Ecclesiæ: non tamen adeo, quod propter remunerationem proponatur magis idoneus ad Ecclesiasticum regimen. Sed, cæteris paribus circa idoneitatem, potest, & debet illum præferre, qui est magis benemeritus de Ecclesia: sicuti, cæteris paribus circa idoneitatem, debet illum præferre, qui est majoris meriti apud Deum. Hoc enim recta ratio dicit, & jura clamant, quod Clerici benemeriti de Ecclesia, debent ab Ecclesia remunerari Ecclesiasticis beneficiis, quæ constat pertinere ad divina ministeria, propter quæ instituta sunt. Et ideo patet, quod non oportet semper eligere meliorem, sed digniorem, seu magis idoneum, & Ecclesiæ magis utilem ad illam regendam, & gubernandam, ut dicit Trident. Qua de re vide S. Thom. Quodl. 8. art. 6.

### C A P U T I V.

*Utrum Episcopus possit curam Pastoralem deferere, ut ad religionem se transferat.*

2. 2. q. 185. a. 4.

**D**Einde considerandum est de his, quæ ad statum Episcoporum concomitantur se habent. Et primo, utrum Episcopus possit ad religionem se transferre, relicta Episcopali cura. Circa quod

*Sciendum 1.* Quod perfectio Episcopalis status in hoc consistit, quod aliquis ex divina dilectione se obligat ad hoc, quod salutis proximorum insistant: & ideo tamdiu obli-

obligatur ad hoc, quod curam pastorem retineat, quamdiu potest subditis sibi commissis proficere ad salutem, quam quidem negligere non debet, neque propter divinæ contemplationis quietem, cum Apostolus propter necessitatem subditorum etiam a contemplatione futuræ vitæ se differri patienter toleraret, secundum illud ad Philip. 1. *Ecce, quid eligam, ignoro. Coarctor autem e duobus, desiderium habens, dissolvi, & esse cum Christo, multo magis melius: permanere autem in carne necessarium est propter vos, & hoc confidens scio, quia manebo.* Neque propter quæcumque adversa vitanda, vel lucra conquirenda: quia, sicut dicitur Joann. 10. *Bonus pastor ponit animam suam pro ovibus suis.* Nihilominus

*Sciendum* 1. Quod contingit quandoque, quod Episcopus impediatur procurare subditorum salutem multipliciter. Quandoque quidem propter defectum proprium, vel conscientie, sicut, si sit homicida, vel simoniacus; vel etiam corporis, puta, si sit senex, vel infirmus: vel etiam scientie, quæ sufficiat ad curam regiminis: vel etiam irregularitatis, puta, si sit bigamus. Quandoque autem propter defectum subditorum, in quibus non potest proficere. Quandoque autem contingit ex parte aliorum, puta, cum de prælatione alicujus personæ scandalum suscitatur, dum tamen scandalum non oriatur ex malitia aliorum volentium fidem, aut justitiam Ecclesiæ conculcare. Propter hujusmodi enim scandalum non est cura dimittenda, secundum illud Matth. 15. *Sinite illos* (scilicet, qui scandalizabantur de veritate doctrinæ Christi) *cæci sunt, & duces cæcorum.* Tamen

*Sciendum* 11. Quod oportet, quod sicut curam regiminis assumit aliquis per providentiam superioris Prælati: ita etiam per ejus auctoritatem ex causis prædictis dederat susceptam. Unde Extra. de renunciati. in Decret. lib. 1. tit. 9. c. 10. dicit Innocent. III. *Si pennas habeas, quibus satagas in solitudinem evolare, ita tamen adstrictæ sunt nexibus preceptorum, ut liberum non habeas absque nostra permissione volatum.* Soli enim Papæ licet dispensare in voto perpetuo, quo quis se ad curam subditorum adstrinxit, Episcopatum suscipiens. Non est autem inconveniens, quod pro-

pter impedimentum superveniens potestas Episcopalis remaneat absque actu, seu operatione, ad quam est principaliter, & ex natura sua ordinata. Nam etiam in naturalibus rebus propter impedimentum superveniens potentia remanet absque actu, sicut propter infirmitatem oculi cessat actus visionis.

*Sciendum* 1v. Quod perfectio religiosorum, & Episcoporum propter diversa attenditur. Nam ad perfectionem religionis pertinet studium, quod quis adhibet ad propriam salutem. Ad perfectionem autem Episcopalis status pertinet adhibere studium ad proximorum salutem: & ideo, quamdiu potest esse aliquis utilis proximorum salutem, retrocederet, si ad statum religionis vellet transire, ut solum suæ salutem insisteret, qui se obligavit ad hoc, quod non solum suam salutem, sed etiam aliorum procuraret. Unde Innoc. III. dicit in Decretali prædicta: *Facilius indulgetur, ut Monachus ad præsulatum ascendat, quam præsul ad monachatum descendat.* Sed, si salutem aliorum procurare non possit, conveniens est, ut suæ salutem intendat. Unde de Beato Adalberto Pragensi Episcopo legit Ecclesia: *Beatus Adalbertus Pragensis Episcopus factus, cum cerneret, gregem suum per abrupta viarum ire, fletus, ac desperans, se posse quicquam facere, relicto Episcopatu, Romam perrexit, ibique Monachus factus est.*

*Sciendum* v. Quod propter nullum impedimentum debet homo prætermittere studium suæ salutis, quod pertinet ad religionis statum. Potest autem esse aliquod impedimentum procurandæ salutis alienæ: & ideo monachus potest ad statum Episcopatus assumi, in quo etiam suæ salutis curam agere potest. Potest etiam Episcopus, si impedimentum alienæ salutis procurandæ interveniat, ad religionem transire, & impedimento cessante, potest iterato ad Episcopatum assumi, puta, per correctionem subditorum, vel per sedationem scandalum, vel per curationem infirmitatis, aut depulsa ignorantia per instructionem sufficientem: vel etiam si simoniace sit promotus, eo ignorante, si se ad regularem vitam Episcopatu dimisso transfulerit, poterit iterato ad alium Episcopatum promoveri. Si vero aliquis propter culpam sit ab

Episc.

## De his, quæ pertinent ad statum Episcoporum. 77

Episcopatu depositus, & in Monasterium detrusus ad poenitentiam peragendam, non potest iterato ad Episcopatum revocari; ut dicitur 7. q. 1. c. Hoc nequam.

### C A P U T V.

*Utrum liceat Episcopo propter aliquam persecutionem corporalem deferere gregem sibi commissum. 2. 2. quæst. 185. a. 5.*

**A**postolis, quorum successores sunt Episcopi, mandavit Dominus Matth. 10. *Si vos persecuti fuerint in una civitate, fugite in aliam.* Ad cujus mandati evidentiam

*Sciendum I.* Quod in qualibet obligatione præcipue attendi debet obligationis finis. Obligant autem se Episcopi ad exequendum pastorale officium propter subditorum salutem: & ideo ubi subditorum salus exigit personæ pastoris præsentiam, non debet pastor personaliter suum gregem deferere, neque propter aliquod commodum temporale, neque etiam propter aliquod personale periculum imminens, cum bonus pastor animam suam ponere teneatur pro ovibus suis. Si vero subditorum saluti possit sufficienter in absentia pastoris per alium provideri, tunc licet pastori vel propter aliquod commodum Ecclesiæ, vel propter personæ periculum corporaliter gregem deferere. Unde

*Sciendum II.* Quod Augustinus dicit in Epist. 108. ad Honoratum: *Fugiant de civitate in civitatem servi Christi, quando eorum quisque specialiter a persecutoribus queritur, ut ab aliis, qui non ita queruntur, non deferatur Ecclesia.* Cum autem omnium est commune periculum, hi, qui aliis indigent, non deferantur ab his, quibus indigent. Si enim perniciosum est navem in tranquillitate navem deferere, quanto magis in fluctibus? ut dicit Nicolaus Papa, & habetur 7. q. 1. c. Sciscitaris. Ille ergo, tanquam mercenarius fugit, qui commodum corporale, vel etiam salutem corporalem spiritali salutem proximorum præponit. Ille autem, qui ad evitandum periculum recedit abique detrimento gregis, non tanquam mercenarius fugit, & suæ sponcioni satisfacit, si per alium gregi provideat, quando habet impedimentum, pro-

pter quod non possit personaliter curæ subditorum intendere.

*Sciendum III.* Quod ille, qui ad Episcopatum assumitur, assumit statum perfectionis secundum aliquod perfectionis genus, a quo, si impediatur, ad aliud genus perfectionis non tenetur, ut scilicet necesse sit, eum ad statum religionis transire. Imminet tamen sibi necessitas, ut animum retineat intendendi proximorum salutem, si opportunitas adsit, & necessitas requiratur: quia hoc ad statum perfectionis, quem solemniter professus est, essentialiter pertinet. Licet ergo ei propter legitimum impedimentum curam personalem gregis deferere, sed nunquam ei licet, animum, seu intentionem talis curæ deponere. Sicuti religioso non licet in ullo casu deponere animum tendendi ad perfectionem per media congrua suæ professioni, licet aliquoties propter impedimenta de facto non tendat.

*Sciendum IV.* Quod, sicut constat ex tradita doctrina, status Episcopalis est status perfectionis, generis disparati a statu perfectionis, quem religiosi profitentur: unde in se non includit genus perfectionis ad statum religionis pertinens, sicut religio perfectior includit perfectionem alterius religionis minus perfectæ, utpote quæ est perfectior illa in eodem genere perfectionis. Unde sequitur, quod, qui vovit religionem minus perfectam, satisfacit voto, & meliori modo, ingrediendo religionem magis perfectam: non autem satisfaceret tali voto, assumendo statum Episcopalem, licet sit status magis perfectus, quia est magis perfectus in diverso genere perfectionis. Et ideo, secundum canones, teneretur in tali casu deponere Episcopatum, & religionem ingredi, ut satisfaceret voto. Quod verum non esset, si perfectio status Episcopalis in eodem genere perfectionis includeret perfectionem status religiosi. Status ergo Episcopalis est naturæ perfectiæ universalis, sicut Sol: status autem religionis est naturæ sibi ipsi proficientis, sicut Dion. dicit 4. c. Ecclesiæ hier.

## CAPUT VI.

*Utrum Episcopus jure divino obligetur  
personaliter residere in propria  
Ecclesia.*

**D**E jure divino ad statum Episcopi pertinet cura pastoralis, juxta illud Joan. ult. *Pasce oves meas*; sed cura pastoralis ex natura sua exigit præsentiā personalem pastoris, quæ sine residentia in propria Ecclesia salvari non potest: ergo videtur, quod residentia Episcopi in propria Ecclesia sit de jure divino. Ad cujus evidentiam

*Sciendum 1.* Quod munus Episcopale constat divinitus esse institutum ad curam pastorem, seu ad pascendum gregem Dominicum. Quicumque autem absolute, & simpliciter ex jure, seu præcepto divino tenetur ad aliquem finem, ex eodem jure tenetur ad medium necessarium, per quod pervenitur ad talem finem: medium vero necessarium, per quod cura pastoralis habetur, sunt omnes illæ operationes propriæ veri pastoris, quæ a Deo exprimuntur Ezechiel. 34. scilicet, consolidare infirmum, sanare ægrotum, alligare confractum, reducere abjectum, requirere perditum, & custodire pingue, ac forte. Quæ operationes exercentur ab Episcopo, prædicando verbum Dei, Sacramenta ministrando, præcipue ea, quæ a solo Episcopo ministrari possunt, sæpe visitando gregem suum, & super illum continue vigilando, ac illum custodiendo, & a lupis defendendo, &, si opus est, animam suam exponendo pro ovibus suis. Hæ autem operationes exigunt ex natura sua præsentiā personalem pastoris: quia ad ipsum pertinet cura de ovibus; non autem mercenarii, qui videt lupum, & fugit, quia mercenarius est, & non pertinet ad eum de ovibus. Et ideo manifestum est, quod Episcopus ex jure divino tenetur personaliter residere in propria Ecclesia, & ex vi intrinseca, & essentiali sui muneris, supposita institutione divina.

*Sciendum 11.* Quod consulto dictum est, quod hæ operationes exigunt ex natura sua præsentiā personalem pastoris. Considerandum enim est, quod prædicare verbum

Dei, & aliæ operationes propriæ pastoris, supra recensitæ, dupliciter sumi possunt. Uno modo absolute, & secundum se. Alio modo respective, & secundum quod sunt actus pastores. Certum est, quod si sumantur absolute, & secundum se, possunt exerceri etiam a mercenariis, & fortasse aliquando melius, & cum majori utilitate ovium, quam si exercentur a proprio pastore: cæterum hoc est per accidens, idest ex parte operantis, habentis zelum Dei, & salutis proximorum: non autem per se, & ex natura operis, quod in quantum procedit a mercenario, non fert secum talem amorem, & obligationem invigilandi supra gregem, & defendendi a lupis, & animam suam exponendi, si opus est, pro illius salute spirituali: & ideo, ut in plurimum fugit, quia mercenarius est, & non pertinet ad eum de ovibus. In quantum vero supradictæ operationes sunt actus pastores, per se, & ex natura ipsius operis exigunt dilectionem, & vigilantiam talem supra gregem suum, ut pastor etiam animam suam ponat pro illis, quia ad ipsum pertinet cura de ovibus: & ideo ex natura sua, & ex vi muneris pastoralis exigunt procedere a persona proprii pastoris. Unde super illud: *Pasce oves meas*, August. dicit tract. 133. in Joan. *Sit amoris officium pascere Dominicum gregem, sicut fuit timoris indicium negare pastorem*. Et ideo Episcopus non satisfacit gravissimæ obligationi sui muneris pastoralis, curam sui gregis per alios exercens.

*Sciendum 111.* Quod obligatio, quam habet Episcopus residendi personaliter in sua Ecclesia, est ex præcepto morali, & juris divini, non præcisè ratione solius præsentiæ corporalis: quia præsentiā sola, & otiosa inutilis est salutem ovium commissarum. Nec est ratione præcisè solius actus curæ, quia hic actus absolute sumptus exerceri potest ab alio, qui non est proprius pastor ovium, ut supra dictum est: sed ratione utriusque conjunctim considerati, scilicet ratione actus curæ pastoralis, qui per se, & ex natura operis, amorem pastorem exigit, & curam proprii pastoris, non autem mercenarii, ut dictum est. Et ideo Dominus Joan. ult. dicit Petro: *Si diligis me, pasce oves meas*; non autem dicit ei, si diligis me, fac, ut alii pascant oves meas:

## De his, quæ pertinent ad statum Episcoporum. 79

meas : quia pascere oves est amoris officium, secundum quod est actus pastoralis, & ab Episcopo procedens: non autem per se, & ex natura sua est amoris officium, secundum quod est exercitus a mercenario, qui, quatenus mercenarius est, pascit oves solum intuitu mercedis, quia non pertinet ad eum de ovibus.

*Sciendum* 1 v. Quod abusus est, non consuetudo, tot Episcoporum non residentium in propriis Ecclesiis, sed sequentium curias; nulla enim consuetudo prævalere potest contra jus morale, & divinum tam graviter obligans Episcopos ad curam personalem sui gregis. Sed, quia unusquisque præsumitur poenitens in fine vitæ suæ, quando cum Sanctæ Catholice Ecclesiæ communionem ab hac vita recedit, ideo nihil honoris non residentium tumulis Ecclesia admittit: Coram Deo autem imminet eis illud terribile vaticinium Ezechiel. 34. *Va pastoribus Israel! quod perierat, non quaesistis, quod abiectum erat, non reduxistis, &c.* Nec hoc videri debet durum ei, qui considerat illud Hieronymi: *Non omnes Episcopi sunt Episcopi.* Et illud Prophetæ: *Dic pastoribus Israel, qui pascebant semetipsos, non gregem &c.* Cæterum, sicut in causis naturalibus accidit, quod cessant ab operatione sibi propria, & conaturali, ratione impediendi supervenientis: ita etiam in moralibus præceptis, & divinis affirmativis, ratione alicujus impediendi legitimi Episcopus excusatur a residentia personali in propria Diocesi, sicut supra dictum est.

### C A P U T V I I.

*De causis excusantibus Episcopum a continentia residentia in sua Diocesi.*

**S**icut ex præcepto juris divini Episcopus obligatur quoad locum, ad residendum personaliter in propria Diocesi: ita ex eodem præcepto, per se loquendo, tenetur quoad tempus, ad semper residendum in illa. Cura enim pastoralis exigit continuum sollicitudinem, & vigilantiam pastoris supra gregem suum. Utpote tamen præceptum affirmativum, cessat obligare in aliquibus circumstantiis, seu stantibus aliquibus causis, & supervenientibus legi-

timis impediementis, ut dictum est. Ad cuius evidentiam

*Sciendum* 1. Quod, quamvis præceptum affirmativum ex natura sua obliget semper, non tamen obligat pro semper, sed pro loco, & tempore, & attentis debitis omnibus circumstantiis. Præceptum autem divinum de residentia personali pastoris spiritualis, scilicet Episcopi, licet affirmativum, ratione tamen materiæ præceptæ, quæ est cura animarum sibi commissarum, exigit & locum determinatum, scilicet propriam Diocesim, & tempus determinatum, scilicet tam frequens, ut continuum censendum sit. Sed quoniam obligatio ista ad semper residendum, ex parte materiæ est in hoc præcepto particulari affirmativo, & materia ista mutabilitati subiecta est; ideo contingit absque violatione præcepti, Episcopum non semper residere. Quæcumque enim ita se habent ad hujus præcepti materiam, quod secundum rectæ rationis iudicium absolvent illum a vinculo necessariæ continuitatis, excusant Episcopum ab obligatione residendi pro tunc. Hæc autem ad tres causas reducuntur, scilicet ad necessitatem impediendi, ad qualitatem negotii, & ad conditionem personæ. Unde

*Sciendum* 11. Quod necessitas impediendi dupliciter contingit, scilicet vel ab intrinseco, vel ab extrinseco. Si enim extrinseca persecutio vel infidelium, vel Principis Christiani cogit Episcopum exulare, vel recedere, ut contingit B. Joanni Evangelistæ, & S. Thomæ Cantuariensi, licite Episcopus subtrahit præsentiam personalem gregi suo. In huiusmodi autem persecutionibus servanda est universaliter regula supra tradita in cap. 5. distinguendo scilicet, quando expedit Ecclesiæ præsentia personalis Episcopi, etiamsi vita corporalis Episcopi auferenda credatur a tyranno: quoniam bonus pastor animam suam dat pro ovibus suis; & quando expedit Ecclesiæ, ut vita, vel libertas Episcopi conservetur. Ex Ecclesiæ siquidem bono sumenda est ratio necessitatis præsentiae, vel absentiae. Impediementum autem intrinsecum, proveniens scilicet a corporali infirmitate, absolute loquendo, excusat a residentia, puta, si oporteat mutare aerem ad recuperandam sanitatem, vel esse ad balnea, & huius-

hujusmodi. In casu autem imminenti periculi Ecclesie sue, cui sua obvaret presentia, teneretur sustinere ægrotudinem, etiam usque ad mortem inclusive, juxta verbum Domini, *Bonus pastor animam suam ponit pro ovibus suis.*

*Sciendum* III. Quod negotium excusans a residentia, licet multiplex valde sit, ad triplex tamen genus reducitur. Primo ad utilitatem propriæ Ecclesie. Secundo ad utilitatem Ecclesie universalis. Tertio ad utilitatem alterius Ecclesie particularis; ita tamen, ut semper utilitas spiritualis præferatur temporalis, & major utilitas spiritualis minori etiam spirituali. Episcopus enim tenetur defendere bona Ecclesie sibi commissæ, tam spiritualia, quam temporalia, quando oportet etiam cum absentia personali a sua Diocesi. Item, quia bonum totius prævalet bono partis, ob utilitatem spiritualem Ecclesie universalis, etiam cum aliquo detrimento spirituali propriæ Ecclesie, potest ab illa absentari, puta, ad interveniendum Conciliis, ad excercendum officium legati, ad pacem componendam inter Principes: non autem ad temporalia negotia, quæ non exigunt personam Episcopi. Unde non licet Episcopo propriam Ecclesiam deserere ad excercendum Romæ munus Auditoris, vel simile: quia non est hoc servitium universalis Ecclesie, nec ad utilitatem spiritualem pertinet. Denique ob grave periculum spirituale alterius Ecclesie potest justè absentari, dummodo Ecclesie propriæ ex sua absentia non imminet gravius malum spirituale, aut æquale. Charitas enim, qua compaginamur in uno corpore mystico Christi, urget omnia membra ad succurrendum alter alterius gravi necessitati, si fieri potest absque majori, aut æquali detrimento proprio.

*Sciendum* IV. Quod conditio personæ, excusans Episcopum a personali residentia, est unica; quando scilicet persona talis est, ut melius, aut saltem æque bene pacatur Ecclesia a tali persona absente, quam paceretur ab alio præsentem. Ob hanc rationem sunt sex Episcopi vicini Romanæ Ecclesie, habentes Romæ residentiam, quia sunt Sanctæ Romanæ Ecclesie Cardinales Episcopi. Ob hanc etiam rationem potest unus plures Ecclesias habere, defi-

cientibus aliis idoneis, & excusaretur a juri residentia in una. Quod autem hæc, quæ de personali residentia hucusque dicta sunt, ita se habeant, ex ipso etiam jure scripto de Clericis non residentibus, satis patet. Ex regulis etiam Gregorii in Pastoralibus, quam personalem exigant industrias, & probitatem, patet. Constare quoque potest ex regula supra tradita a D. Thoma in cap. 5. Si enim nec persecutionis quidem tempore licita est absentia pastoris, nisi in calu, quo detrimentum spirituale gregi non imminet; quanto magis illicita erit, & perniciofa absentia pastoris sine rationabili causa, & nulla cogente necessitate? De trimestri autem concessio Episcopis a Trident. sess. 23. c. 1. dicam infra in tract. decimo, cap. undecimo.

## CAPUT VIII.

*Utrum liceat Episcopo aliquod proprium habere. 2. 2. quæst. 185. a. 6.*

**D**enique considerandum est de consequentibus ad statum Episcopalem. Et primo, utrum liceat Episcopo aliquod proprium habere. Circa quod

*Sciendum* I. Quod ad ea, quæ sunt supererogationis, nullus tenetur, nisi se specialiter ad illa voto astringat. Unde Augustinus in Epist. 45. ad Paulinam, & Armenitarum: *Quia jam vivisti, jam te obstrinxisti, aliud tibi facere non licet. Prius quam esses voti reus, liberum fuit, quod esses inferior.* Manifestum est autem, quod vivere absque proprio, supererogationis est: non enim cadit sub præcepto, sed sub consilio. Unde Matth. 19. cum dixisset Dominus adolescenti: *Si vis ad vitam ingredi, serva mandata*; postea superaddendo subdit: *Si vis perfectus esse, vende, & vende omnia, quæ habes, & da pauperibus.* Non autem Episcopi in sua ordinatione ad hoc se obligant, ut absque proprio vivant: neque etiam vivere absque proprio ex necessitate requiritur ad pastorale officium, ad quod se obligant: & ideo non tenentur Episcopi ad hoc, quod sine proprio vivant. Unde dicitur 12. q. 1. c. *Episcopi de rebus propriis, vel acquisitis, vel quidquid de proprio habent, heredibus suis, si voluerint, decedant.* Unde

*Sciendum*



## De his, quæ pertinent ad statum Episcoporum. 81

*Sciendum* 11. Quod, sicut supra habitum est in tract. 4. perfectio christianæ vitæ non consistit essentialiter in voluntaria paupertate, sed voluntaria paupertas instrumentally operatur ad perfectionem vitæ. Unde non oportet, quod, ubi major paupertas est, ibi sit major perfectio: quinimmo potest esse summa perfectio cum magna opulencia. Nam Abraham, cui dictum est Genes. 17. *Ambula coram me, & esto perfectus*, legitur fuisse dives. Ille ergo perfectus esse non potest, cujus studium diminuitur circa ea, quæ sunt Dei, dum intendit his, quæ sunt mundi. Sic autem non debent, nec Episcopi, nec Clerici proprium possidere, ut, dum curant propria, defectum faciant in his, quæ pertinent ad cultum divinum: sed debent cum Apostolo, omnia terrena arbitrare ut stercora, ut Christum lucrifaciant, in quo paupertas (spiritus, seu affectus consistit, ratione cuius dicuntur a Domino: *Beati pauperes spiritu* quasi perfectionem jam assequuti.

*Sciendum* 111. Quod verba illa Matth. 10. *Nolite possidere aurum, neque argentum, neque pecuniam in zonis vestris*. Sicut August. exponit in lib. 6. de consensu Evang. c. 30. intelligitur, Dominum non præcipiendo, sed magis permittendo Apostolis dixisse. Permisit enim eis, ut absque auro, & argento, & aliis sumptibus ad prædicandum irent, accepturi sumptus vitæ ab his, quibus prædicabant. Unde subdit, *Dignus est enim operarius mercede sua*. Ita tamen hoc permisit, quod, si aliquis propriis sumptibus uteretur in prædicatione Evangelii, ad supererogationem pertineret, sicut Paulus de se ipso dicit 1. ad Cor. 9. Chrysostomus vero exponit illa verba, ut intelligatur, id Dominum præcepisse discipulis, quantum ad illam missionem, qua mittebantur ad prædicandum Judæis, ut per hoc excitarentur ad confidendum de virtute ipsius, qui eis absque sumptibus provideret; ex quo tamen non obligabantur ipsi, vel successores eorum, ut absque propriis sumptibus Evangelium prædicarent. Nam & de Paulo legitur 2. ad Cor. 11. quod ab aliis Ecclesiis stipendium accipiebat ad prædicandum Corinthiis: & sic patet, quod aliquid possidebat ab aliis sibi missum. Stultum autem videtur dicere, quod tot Sancti Pontifices sicut Athanasius, Ambrosius, & Augustinus illa præcepta transgressi fuissent, si ad ea servanda se crederent obligari.

### C A P U T IX.

*Utrum Episcopi mortaliter peccent, si bona Ecclesiastica, quæ procurant, pauperibus non largiantur.* 2. 2. quæst. 185. ar. 7.

**A**Liter dicendum est de propriis bonis, quæ Episcopi possidere possunt, quorum verum dominium habent: & de bonis Ecclesiasticis, quorum sunt dispensatores, vel procuratores. Ad cuius evidentiam

*Sciendum* 1. Quod Episcopi propriorum bonorum verum dominium habent: unde ex ipsa rerum conditione non obligantur, ut ea aliis conferant, sed possunt ea, vel sibi retinere, vel etiam aliis pro libito elargiri. Possunt tamen in eorum dispensatione peccare propter inordinationem affectus, per quam contingit, vel quod sibi plura conferant, quam oporteat; vel aliis etiam non subvenient, secundum quod requirit debitum charitatis; non tamen tenentur ad restitutionem, quia huiusmodi res sunt eorum dominio deputatæ. Non autem potest determinari in particulari, quando sit ista necessitas, quæ ad peccatum mortale obliget, sicut nec cætera particularia, quæ in humanis actibus considerantur. Horum enim determinatio relinquatur humane prudentiæ: & ideo solum in generali determinatur, quod charitas ad peccatum mortale obligat de superfluis statui providere extremam necessitatem patientibus, secundum ea, quæ in secunda parte dicta sunt in tractat. de Charitate, cap. 11.

*Sciendum* 11. Quod Episcopi bonorum Ecclesiasticorum sunt dispensatores, vel procuratores, ut dicit August. Epist. 50. ad Bonifacium. Sunt enim vota fidelium, & pretia peccatorum, ac patrimonium pauperum, ut dicit Urbanus Papa, & martyr. Ad dispensationem autem requiritur bona fides, secundum illud 1. ad Cor. 4. *Hic jam quaeritur inter dispensatores, ut fidelis quis inveniatur*. Sunt autem bona Ecclesiastica non solum in usus pauperum, sed etiam ad cultum divinum, & necessitates

F tates

tates ministrorum expendenda. Unde dicitur 12. q. 2. cap. *De redditibus Ecclesie*, vel oblatione fidelium, sola Episcopo ex his una portio remittatur, due Ecclesiasticis fabricis, & erogationi pauperum profutura a presbytero sub periculo sui ordinis minifrentur, ultima Clericis pro singulorum meritis dividatur. Non ergo omnia bona Ecclesiastica sunt pauperibus largienda, nisi forte in articulo necessitatis, in quo etiam pro redemptione captivorum, & aliis necessitatibus pauperum, vasa cultui divino dicata distrahuntur, ut Ambrosius dicit lib. 2. de offic. c. 28. & habetur 12. q. 1. c. Aurum, & in tali necessitate peccaret Clericus, si vellet de rebus Ecclesie vivere, dummodo haberet patrimonialia bona, de quibus vivere posset. His suppositis,

*Sciendum* 111. Quod, si distincta sunt bona, quae debent in usum Episcopi cedere, ab his, quae sunt pauperibus, & ministris, & cultui Ecclesie eroganda, & aliquid sibi retinuerit Episcopus de his, quae sunt pauperibus eroganda, vel etiam in usum ministrorum, aut in cultum divinum expendenda, non est dubium, quin contra fidem dispensationis agat, & mortaliter peccet, & ad restitutionem teneatur. De his autem, quae sunt specialiter suo usui deputata, videtur esse eadem ratio, quae est de propriis bonis, ut scilicet propter immoderatum affectum, & usum, peccet quidem, si immoderate sibi retineat, & aliis non subveniat, sicut requirit debitum charitatis. Et ideo, si de eo, quod usui Episcopi, vel alicujus Clerici est deputatum, velit aliquis sibi subtrahere, & consanguineis, vel aliis dare, non peccat, dummodo illud faciat moderate, id est, ut non indigeant, non autem, ut ditiores inde fiant. Unde Ambrosius dicit in lib. 1. de offic. c. 30. & habetur in Decr. dist. 86. cap. *Hec est approbanda liberalitas, ut proximos seminis tui non despicias, si eger cognoscas, non tamen, ut illos ditiores fieri velis ex eo, quod tu potes conferre inopibus.*

*Sciendum* 114. Quod, si bona Ecclesiastica non sint distincta, eorum distributio fidei Episcopi committitur, & si quidem in modico deficiat, vel superabundet, potest hoc fieri absque bonae fidei detrimento, quia non potest homo in talibus pun-

ctualiter accipere illud, quod fieri oportet. Si vero sit multus excessus, non potest latere, unde videtur bonae fidei repugnare, & ideo non est absque peccato mortali contra iustitiam; unde ad restituendum tenetur. Si tamen, necessitate non imminente providendi pauperibus, de his, quae superfluant ex proventibus Ecclesie, possessiones emat, vel in thesauro reponat in futurum utilitati Ecclesie, & necessitatibus pauperum, laudabiliter facit. Si vero necessitas imminet pauperibus erogandi, superflua cura est, & inordinata, ut aliquis in futurum conservet, quod Dominus prohibet Matth. 6. dicens: *Nolite solliciti esse in crasnum.* Unde colliges, quod Episcopi habentes redditus superabundantes ad decentem sustentationem sui status, licet distinctos a praebendis Clericorum, tenentur ex iustitia, tanquam fideles dispensatores, erogare superfluos in usus Ecclesiasticos, dividendo illos in duas partes, alteram pauperibus largiendo, & alteram cultui divino, seu fabricis Ecclesiarum applicando, vel de praesenti, si urgeat necessitas, vel futuris necessitatibus sublevandis, reponendo, ut dictum est. Sunt enim bona communia illorum dispensationis credita a fidelibus, nec debent pauperes, & cultus Dei, portione sibi debita fraudari: & idem dicendum de omnibus Clericis redditus superabundantes Ecclesiasticos possidentes; possident enim illos, tanquam dispensatores bonae fidei; sicut bene notant Cajet. & Laym. juxta sensum genuinum D. Thomae. Qua de re vide Trident. sess. 25. cap. 1. de reform. Sed de hac re latius dicam in tract. de beneficiis Ecclesiasticis, cap. 3.

## C A P U T X.

*Utrum religiosi, qui promoveantur in Episcopos, teneantur ad observantias regulares.* 2. 2. quæst. 185. art. 8.

**D**icitur in Decr. 16. q. 1. cap. *De monachis*, qui diu morantes in monasteriis, si postea ad Clericatus ordines pervenerint, statuimus non debere eos a priori proposito discedere. Ad cujus canonis intelligentiam

*Sciendum* 1. Quod, sicut supra dictum est,

est, status religionis ad perfectionem pertinet, quasi quædam via in perfectionem tendendi. Status autem Episcopalis ad perfectionem pertinet, tanquam quoddam perfectionis magisterium. Unde status religionis comparatur ad statum Episcopalem, sicut disciplina ad magisterium, & dispositio ad perfectionem. Dispositio autem non tollitur, perfectione adveniente, nisi forte quantum ad id, in quo perfectioni repugnat. Quantum autem ad id, quod perfectioni congruit, magis confirmatur: sicut discipulo, cum ad magisterium pervenerit, non congruit, quod sit auditor, congruit tamen ipsi, quod legat, & meditetur etiam magis, quam ante. Ex quo

*Sciendum 11.* Quod, si quæ sunt in regularibus observantis, quæ non impediunt pontificale officium, sed magis valeant ad perfectionis custodiam, sicut est continentia, paupertas, & alia huiusmodi, ad hæc remanet religiosus, etiam factus Episcopus, obligatus, & per consequens ad portandum habitum suæ religionis, qui est huius obligationis signum. Si quæ vero sunt in observantiis regularibus, quæ officio pontificali repugnant, sicut est solitudo, silentium, & aliquæ abstinentiæ, vel vigiliæ graves, ex quibus impotens corpore redderetur ad exequendum pontificale officium, ad huiusmodi observanda non tenetur. In aliis autem potest dispensatione uti, secundum quod requirit necessitas personæ, vel officii, & conditio hominum, cum quibus vivit, per modum, quo etiam prælati religionem in talibus secum dispensant. Unde

*Sciendum 111.* Quod id, quod dicitur 18. q. 1. cap. statutum, scilicet, *Monachum canonica electio à iugo regule monasticæ professionis absolvit, & sacra ordinatio de monacho Episcopum facit*: non debet intelligi, sic, quod absolvitur a iugo monasticæ professionis quantum ad omnia; sed quantum ad illa, quæ officio pontificali repugnant, ut dictum est, & sic concordatur iste canon cum canone superius citato. Et quia censuræ, & præcepta apposta in regula, pertinent ad disciplinam regularem, & concernunt statum conventuum sub disciplina, dedecet autem perfectionem magisterialem status Episcopalis, ideo religiosus promotus ad talem

statum absolvitur a vinculo præcepti, vel censuræ Ecclesiasticæ statutis regulæ positò, tanquam pedagogo. Secus autem est de vinculo votorum, & huiusmodi, quoniam illa non ex superioris regulæ, aut hominis vinculo, sed ex propria promissione Deo facta vim suam retinent, ut bene notat Cajet. Tenetur ergo religiosus promotus ad observantias regulares, quæ non impediunt pontificale officium, sed solum via directiva, seu in conscientia; non autem via coactiva.

*Sciendum 1v.* Quod vota sæcularis vitæ se habent ad vota religionis, sicut particulare ad universale, ut dictum est in tractatu de voto. Sed vota religionis se habent ad pontificalem dignitatem, sicut dispositio ad perfectionem. Particulare autem superfluit habito universali, sed dispositio adhuc necessaria est, perfectione obtenta: & ideo religiosus non tenetur observare vota, quæ in sæculo fecit: sed religiosus, qui assumitur ad Episcopatum, tenetur observare vota suæ professionis. Per accidens autem est, quod obediæ prælati suæ religionis non teneatur, quia subditus esse desiit, sicut & ipsi prælati religionum. Proprium autem nullo modo habere potest. Non enim paternam hereditatem vendicare potest quasi propriam, sed quasi Ecclesiæ debitam, & illi restituendam, ut dicitur 18. qu. 1. cap. statutum. Testamentum vero nullo modo facere potest, quia sola ei dispensatio committitur rerum Ecclesiasticarum, quæ morte finitur, ex qua incipit testamentum valere, ut Apostolus dicit ad Hebr. 9. Si tamen ex concessione Papæ testamentum faciat, non intelligitur ex proprio facere testamentum, sed Apostolica auctoritate intelligitur esse ampliata potestas suæ dispensationis, ut ejus dispensatio valere possit post mortem.



# TRACTATUS OCTAVUS.

*De his, quæ pertinent ad statum Religionis.*

**D**Einde considerandum est de his, quæ pertinent ad statum Religionis. Circa quod occurrit quadruplex consideratio. Quarum prima est de his, in quibus principaliter consistit religionis status. Secunda de distinctione religionum. Tertia de religionis ingressu. Quarta de his, quæ religionis convenire possunt, vel non. Sit igitur

## CAPUT PRIMUM.

*Utrum religio importet statum perfectionis.*  
2. 2. quæst. 186. ar. 1.

**D**ionys. dicit 6. c. Eccles. hier. *Eos, qui nominantur Dei famuli, (scilicet monachi, seu religiosi) ex Dei puro servitio, & famulatu uniri ad amabilem perfectionem.* Sed ea, quæ ad humanos actus pertinent, ab intentione finis speciem, & nomen accipiunt: ergo religiosi pertinent ad statum perfectionis. Ad cuius evidentiam

*Sciendum 1.* Quod id, quod communiter multis convenit, antonomastice attribuitur ei, cui per excellentiam convenit: sicut nomen fortitudinis vendicat sibi illa virtus, quæ circa difficillima firmitatem animi servat, & temperantiæ nomen vendicat sibi illa virtus, quæ temperat maximas delectationes. Religio autem est quædam virtus, per quam aliquis ad Dei servitium, & cultum aliquid exhibet. Et ideo antonomastice religiosi dicuntur illi, qui se totaliter manciant divino servitio, quasi holocaustum Deo offerentes. Unde Gregor. dicit hom. 20. super Ezech. *Sunt quidam, qui nihil sibi metipsum reservant, sed sensum, linguam, vitam, atque substantiam, quam perceperunt, omnipotenti Deo impolant.* In hoc autem perfectio hominis consistit, quod totaliter Deo inhaereat, sicut ex supra dictis patet. Et secundum hoc religio perfectionis statum nominat. Unde

*Sciendum 11.* Quod exhibere aliqua ad cultum Dei est de necessitate salutis: sed quod aliquis se totaliter, & sua, divino cultui deputet, ad perfectionem pertinet: hoc autem faciunt religiosi, ut dictum est: & ideo religio nominat perfectionis statum. Considerandum est igitur, quod ad virtutem religionis pertinent non solum oblationes sacrificiorum, & alia huiusmodi, quæ sunt religionis propria, sed etiam adus omnium virtutum, secundum quod referuntur ad Dei servitium, & honorem, efficiuntur actus religionis. Et secundum hoc, si aliquis totam vitam suam divino servitio deputet, tota vita ipsius ad religionem pertinebit: & secundum hoc ex vita religiosa, quam ducunt, religiosi dicuntur, qui sunt in statu perfectionis.

*Sciendum 111.* Quod, sicut dictum est, religio nominat statum perfectionis, non ut formæ, aut effectus, sed ex intentione finis. Unde non oportet, quod quicumque est in religione, iam sit perfectus: sed quod ad perfectionem tendat. Unde super illud Matth. 19. *Si vis perfectus esse:* dicit Origenes: *Ille, qui mutavit pro divitiis paupertatem, ut fiat perfectus, non in ipso tempore, quo tradiderit bona sua pauperibus, sed omnino perfectus, sed ex illa die incipiet speculatio Dei adducere eum ad omnes virtutes.* Et hoc modo in religione non omnes sunt perfecti, sed quidam incipientes, quidam proficientes. Ubi nota, quod religio ex intentione finis nominat hunc statum perfectionis, non autem denominat statum. Non enim sufficit ad statum intentio perfectionis, sed requiritur obligatio intendendi hunc finem, scilicet perfectionem, sicut dictum est in tract. 3. cap. 1. Quapropter

*Sciendum 1v.* Quod religionis status principaliter est institutus ad perfectionem adipiscendam per quædam exercitia, quibus tolluntur impedimenta perfectæ charitatis. Sublatis autem impedimentis perfectæ charitatis, multo magis excluduntur occasiones peccati, per quod totaliter tollitur charitas. Unde, cum ad poenitentiam pertineat causas peccatorum excidere, ex consequenti status religionis est convenientissimus poenitentiae locus, tanquam eminenter continens virtutem poenitentiae, & excellentiori modo præstans effectus ipsius. Unde

Unde in Decr. 33. quæst. 2. cap. Admonere, consulitur cuidam, qui uxorem occiderat, ut potius monasterium ingrediatur, quod dicitur esse melius, & levius, quam quod poenitentiam publicam agat, remanendo in sæculo. Et ideo in Decr. 7. q. 1. cap. Hoc nequaquam, vita monastica dicitur poenitentiae locus. Locus autem poenitentiae repugnat statui perfectionis Episcopalis, cui competit perfectio ut forma, non autem statui intendentium perfectionem, ut est status religionis.

## CAPUT II.

*Utrum quilibet religiosus teneatur ad omnia consilia. 2. 2. quæst. 186. art. 2.*

**A**D ea, quæ sunt supererogationis, non tenetur aliquis, nisi ex propria obligatione: sed non quilibet religiosus obligat se ad omnia, sed ad aliqua determinata, quidam ad hæc, quidam ad illa: non ergo omnes tenentur ad omnia. Ad cuius evidentiam

*Sciendum 1.* Quod ad perfectionem aliquid potest tripliciter. Uno modo essentialiter: & sic ad perfectionem pertinet perfecta observantia præceptorum charitatis, sicut supra dictum est in tract. 4. cap. 2. Alio modo ad perfectionem pertinet aliquid consequenter: sicut illa, quæ consequuntur ex perfectione charitatis; puta, quod aliquis maledicenti benedicat, & alia huiusmodi impleat, quæ, etsi secundum præparationem animi sint in præcepto, ut scilicet impleantur, quando necessitas requirit, tamen ex superabundantia charitatis procedit, quod etiam præter necessitatem quandoque talia impleantur. Tertio modo pertinet aliquid ad perfectionem instrumentaliter, & dispositivè, sicut paupertas, continentia, abstinencia, & alia huiusmodi.

*Sciendum 11.* Quod, sicut dictum est, ipsa perfectio charitatis, quæ est forma, seu vinculum perfectionis, est finis status religionis. Status autem religionis est quædam disciplina, vel exercitium ad perfectionem perveniendi, ad quam quidem aliqui pervenire nituntur exercitiis diversis: sicut etiam medicus ad sanandum uti potest diversis medicamentis. Manifestum est

*P. Soffetti Theol. Tom. V.*

autem, quod ille, qui operatur ad finem, non ex necessitate convenit, quod affectus sit finem, sed requiritur, quod per aliquam viam tendat ad finem. Et ideo ille, qui statum religionis assumit, non tenetur habere perfectam charitatem, sed tenetur ad hoc tendere, & operam dare, ut habeat charitatem perfectam. Et eadem ratione non tenetur ad hoc, quod illa impleat, quæ ad perfectionem charitatis consequuntur. Tenetur autem, ut ad ea implenda intendat, contra quod facit contemnens; unde non peccat, si ea præmittat, sed si ea contemnat. Similiter etiam non tenetur ad omnia exercitia, quibus ad perfectionem pervenitur: sed ad illa, quæ determinate sunt ei taxata secundum regulam, quam professus est. Ex quibus

*Sciendum 111.* Quod ille, qui transit ad religionem, non proficitur se esse perfectum, sed proficitur, se adhibere studium, seu conatum ad perfectionem adipiscendam: sicut etiam ille, qui intrat scholas, non proficitur se scientem, sed proficitur se studentem ad scientiam acquirendam. Et ideo religiosus non est transgressor professionis, si non sit perfectus, sed solum si contemnat ad perfectionem tendere. Dicitur autem contemnere, ut infra notat S. Thom. art. 9. ad 3. quando voluntas ejus renuit subijci ordinationi legis, vel regulæ: & ex hoc procedit ad faciendum contra legem, vel regulam. Quando autem e converso propter aliquam particularem causam, puta concupiscentiam, vel iram, inducitur ad aliquid faciendum contra legem, aut regulam, non peccat ex contemptu, sed ex aliqua alia causa, etiam si frequenter ex eadem causa, vel alia, simile peccatum iteret. Si enim ostendit, se non esse perfectum, non autem directe peccat contra suam professionem, quia non renuit subijci ordinationi legis, aut regulæ, licet ab illa ordinatione deficiat ob inirmitatem, aut passionem animi imperfecti. Frequentia tamen peccati dispositivè inducit ad contemptum.

*Sciendum 1v.* Quod, sicut diligere Deum ex toto corde tenentur omnes, est tamen totalitas aliqua perfectionis, quæ sine peccato prætermitti non potest: aliqua autem, quæ sine peccato prætermittitur, dum ta-

men desit contemptus, ut supra dictum est: ita etiam omnes tam religiosi, quam sæculares, tenentur aequaliter facere, quidquid boni possunt. Omnibus enim communiter dicitur Eccles. 9. *Quodcumque facere potest manus tua, instanter operare*. Est autem aliquis modus hoc præceptum implendi, quo peccatum vitatur, scilicet, si homo faciat, quod potest, secundum quod requirit conditio sui status, dummodo contemptus non adsit agendi meliora, per quem animus firmatur contra spirituales profectum. Dictum est enim, quod ea, quæ consequuntur ex perfectione charitatis, secundum præparationem animi sunt in præcepto, ut scilicet implantantur, quando necessitas requirit; contra quod directe agit, qui firmat voluntatem contra spirituales profectum ita, ut intendat non implere ea, quæ sunt perfectionis, etiamsi necessitas id requirat. Si ergo hæc perfectio, seu potius intentio perfectionis, est de necessitate salutis, etiam in sæcularibus, quanto magis in religiosis?

*Sciendum v.* Quod quædam consilia sunt, quæ si prætermitterentur, tota vita hominis implicaretur negotiis sæcularibus, puta, si quis haberet proprium, vel matrimonio uteretur, aut aliud huiusmodi faceret, quod pertinet ad essentialia vota religionis, & ideo ad omnia talia consilia observanda religiosi tenentur. Sunt autem quædam consilia de quibusdam melioribus particularibus actibus, quæ prætermitti possunt absque hoc, quod vita hominis sæcularibus actibus implicetur: unde non oportet, quod ad omnia talia religiosi teneantur quantum ad executionem, licet ad omnia teneantur quantum ad intentionem, seu in præparatione animi, in casu scilicet necessitatis, sicuti tenentur omnes christiani. Contra quam intentionem facit contemptus: contemptus autem, vel cadit supra consilium, quia illud parvi pendit, & sic est contemptus formalis, qui semper est peccatum mortale: vel cadit supra materiam consilii, & tunc est contemptus materialis. Si ergo actum consilii, in quantum præcise cadit sub consilio, adeoque non est de necessitate salutis, non curat exequi, nullum est peccatum: si autem contemnat, seu non curet de illo, etiam in casu necessitatis, in quo

cadit sub præcepto, erit peccatum mortale, vel veniale, secundum quod præceptum legis, aut regulæ obligat, vel necessitatem imponit. Si denique non curat de actu, quia non est de necessitate salutis, summe proponens, le nunquam facturum extra calum necessitatis, peccat venialiter (puta si proponeret quis, nunquam ingredi religionem) quia poneret obviam inspirationi Spiritus Sancti, firmando voluntatem ad ejus exclusionem, licet in actu non necessario ad salutem: nam licet ad executionem consilii non teneatur, tenetur tamen ad intentionem.

## CAPUT III.

*Utrum paupertas requiratur ad perfectionem religionis. 2. 2. quæst. 186. art. 3.*

**D**ominus dicit Matth. 19. *Si vis perfectus esse, vade, vende omnia, quæ habes, & da pauperibus, & veni, sequere me*. Quasi dicat, hoc faciens ad hunc finem pervenies. Sed religio est status tendentium in perfectionem: ergo ad religionis perfectionem proprie pertinet voluntaria paupertas. Ad ejus evidentiam

*Sciendum i.* Quod, sicut dictum est, status religionis est quoddam exercitium, & disciplina, per quam pervenitur ad perfectionem charitatis. Ad quod quidem necessarium est, quod aliquis affectum suum totaliter abstrahat a rebus mundanis. Dicit enim August. in 10. Confess. cap. 29. ad Deum loquens: *Minus te amat, qui tecum aliquid amat, quod non propter te amat*. Unde in lib. 83. qq. qu. 36. dicit idem August. *Nutrimetur charitatis est diminutio cupiditatis: perfectio nulla cupiditas*. Ex hoc autem, quod aliquis res mundanas possidet, allicitur animus ad earum amorem: Unde August. dicit in Epist. 31. ad Paulinum, & Therasiam: *Terrena diliguntur arctius adepta, quam concupita*. Nam unde juvenis ille tristis discessit, nisi quia magnas divitias habebat? Aliud est enim nolle incorporare, quæ desunt, aliud sem incorporata divellere. Illa velut extranea repudiatur, ista vero veluti membra præscinduntur. Et Chrysost. dicit hom. 64. in Matth. *Apposito divitiarum majorem accendit flammam, & vehementer*

*hementior fit cupido.* Et inde est, quod ad perfectionem charitatis acquirendam primum fundamentum est voluntaria paupertas, ut aliquis abique proprio vivat. Unde

*Sciendum 11.* Quod ille, qui omnia sua dimittit propter Christum, non exponit se periculo neque spirituali, neque corporali. Spirituale enim periculum ex paupertate provenit, quando non est voluntaria: quia ex affectu congregandi pecunias, quem patiuntur illi, qui involuntarie sunt pauperes, incidit homo in multa peccata, secundum illud ad Tim. ult. *Qui volunt divites fieri, incidunt in tentationem, & in laqueum diaboli.* Ille autem affectus depositur ab his, qui voluntariam paupertatem sequuntur. Magis autem dominatur in his, qui divitias possident, ut ex supra dictis patet. Corporale etiam periculum non imminet illis, qui intentione sequendi Christum omnia sua relinquunt, divinæ providentiæ se committentes. Unde Aug. dicit in lib. 2. de ferm. Dom. in monte, cap. 25. *Quærentibus primum regnum Dei, & iustitiam ejus, non debet subesse sollicitudo, ne necessaria desint.*

*Sciendum 111.* Quod medium virtutis, secundum Philof. in 2. Ethic. cap. 6. accipitur secundum rationem rectam, non secundum quantitatem rei. Et ideo quidquid potest fieri secundum rationem rectam, non est vitiosum ex magnitudine quantitatis, sed magis virtuosum. Efficit autem præter rationem rectam, si quis omnia sua consumeret per intemperantiam, vel abique utilitate. Est autem secundum rationem rectam, quod aliquis divitias abiciat, ut contemplationi sapientiæ vacet, quod etiam Philofophi quidam dicuntur fecisse. Dicit enim Hieron. in Epist. ad Paulinum. *Crates ille Philosophus, homo quondam divitissimus, cum ad philosophandum Athenas pergeret, magnum auri pondus abiecit, nec putavit se posse simul divitias, & virtutes possidere.* Unde multo magis secundum rationem rectam est, ut homo omnia sua relinquat ad hoc, quod Christum perfecte sequatur. Unde Hier. dicit in Epist. ad Rusticum monachum: *Christum nudum, nudus sequere.*

*Sciendum 1v.* Quod status Episcopalis non ordinatur ad perfectionem adipiscendam, sed potius, ut ex perfectione, quam quis

habet, alios gubernet, non solum ministrando spiritualia, sed etiam temporalia: quod pertinet ad vitam activam, in qua multa operanda occurrunt instrumentaliter per divitias. Et ideo ab Episcopis, qui profitentur gubernationem gregis Christi, non exigitur, ut proprio careant, sicut exigitur a religiosis, qui profitentur disciplinam perfectionis acquirendæ. Et hoc est, quod Philof. dicit in 10. Eth. cap. 8. *Ad actiones multis opus est: speculanti vero nulla talium* (scilicet exteriorum bonorum) *ad operationem necessitas, sed impedimenta sunt ad speculationem;* in quantum scilicet sua sollicitudine impediunt animi quietem, quæ maxime necessaria est contemplanti. Unde idem Philof. 10. Eth. cap. 7. ad sollicitatem vitæ activæ, quæ consistit in exterioribus operationibus, dicit, quod divitiæ instrumentaliter cadiuvant, dicit enim. *Multa operamur per amicos, & per divitias, & per civilem potentiam, sicut per quedam organa; sollicitatem autem vitæ contemplativæ magis impediunt.*

*Sciendum v.* Quod ad futuram beatitudinem, quæ est felicitas perfecta, ordinatur aliquis per charitatem. Et, quia voluntaria paupertas est efficax exercitium perveniendi ad perfectam charitatem, ideo multum valet ad cœlestem beatitudinem consequendam. Unde Dominus Matth. 19. dicit: *Vade, vende omnia, quæ habes, & da pauperibus, & habebis thesaurum in cælo.* Divitiæ autem habitæ per se quidem natæ sunt perfectionem charitatis impedire, principaliter alliciendo animum, & distrahendo: Unde dicitur Matth. 13. *Sollicitudo sæculi, & fallacia divitiarum suffocat verbum Dei.* Et ideo difficile est charitatem inter divitias conservare. Unde Dominus dicit Matth. 19. quod dives difficile intrabit in regnum cœlorum. Quod quidem intelligendum est de eo, qui actu habet divitias: nam de eo, qui affectum in divitiis ponit, dicit hoc esse impossibile secundum expositionem Chrysost. hom. 64. in Matth. cum subdit. *Facilius est Camelum per foramen acus transire, quam divitem intrare in regnum cœlorum.* Et ideo non simpliciter dicitur dives esse beatus, sed qui inventus est sine macula, & post aurum non abiit Eccl. 31. & hoc ideo,

E 4 quia

quia rem difficilem fecit. Unde subditur. *Quis est hic, & laudabimus eum? Fecit enim mirabilia in vita sua*, ut scilicet inter divitias positus divitias non amaret. Et ideo ad excludendum errorem Vigilantii, dicitur in lib. de Eccles. dogmat. cap. 17. *Bonum est facultates cum dispensatione pauperibus erogare, melius est pro intentione sequendi Dominum insinuat donare, & absolutum a sollicitudine egere cum Christo.*

*Sciendum VI.* Quod felicitas speculativa dupliciter consideratur, vel secundum se, vel in tali subiecto, scilicet homine viatore. Si consideretur in se, impeditur & a temporalibus bonis, & ab ipsius hominis conditione, quæ eget cibo, potu, somno, quiete, & huiusmodi. Nam hæc omnia a contemplatione abducunt animam, ut experiri continue. Si vero consideratur felicitas contemplativa, ut est hominis viatoris, sic bona temporalia sunt necessaria, non ut eligenda propter contemplationem directe, sed ut consequentia ex necessitate materiæ, scilicet hominis. Ad vitam quippe speculantis hominis conservandam eligenda occurrunt temporalia, & propterea quanto pauciora eliguntur, sufficientia tamen, tanto minus contemplatio impeditur. Unde religioso licitum est usus bonorum temporalium ad subveniendum necessitatibus naturæ, non aliter tamen, quam sit sibi a superiore permixtum, quia nihil proprium habet. Hic est enim ordo naturalis, ut inferiora secundum superiora regantur. Quare, sicut dicit S. Thom. 2. 2. quæst. 32. art. 8. Monachus, quia nihil proprium habet, non potest facere eleemosynam sine licentia Abbatis vel expressæ habitæ, vel probabiliter præsumptæ, nisi forte in articulo extremæ necessitatis, in quo licitum esset ei furari, ut eleemosynam daret.

*Sciendum VII.* Quod Prælati regulares non sunt domini bonorum temporalium monasterii, utpote communium, sed solum dispensatores. Ad dispensationem autem requiritur bona fides, secundum illud 1. ad Cor. 4. *Hic jam queritur inter dispensatores, ut fidelis quis inveniat.* Eorum ergo distributio fidei ejus committitur, & si quidem in modico deficiat, vel superabundet, potest hoc fieri absque bonæ fidei

detrimto, quia non potest homo in talibus punctualiter accipere illud, quod fieri oportet. Si vero sit multus excessus, non potest latere, unde videtur bonæ fidei repugnare, & ideo non est absque peccato mortali contra voluntariam paupertatem, quam professus est, & similiter ex parte subditi, qui tali immoderata dispensatione sibi facta utitur in usus superfluos, aut illicitos, dilapidando bona communia contra voluntatem Domini, & statuta fuz professionis. Unde dicitur Matth. 24. *Si dixerit malus servus in corde suo. Moram facit Dominus meus venire, (quod pertinet ad divini judicii contemptum) & cæperit percutere servos suos, (quod pertinet ad superbiam) manducet autem, & bibat cum ebriosis (quod pertinet ad luxuriam) veniet Dominus servi illius in die, quæ non sperat, & dividet eum, (scilicet a societate bonorum) & partem ejus ponet cum hypocritis; scilicet in inferno, sicut explicat D. Thom. 2. 2. quæst. 185. art. 7. in corp. Qua de re vide Bullam 28. Clement. VIII. quæ incipit, Religiosa, quæ agit de largitione muncum religiosis interdicta, etiam cum licentia superioris particularis, exceptis levioribus rebus.*

*Sciendum VIII.* Quod parvitas materiæ contra votum paupertatis, attendi debet ex natura actus proprietatis. In consumptione enim, vel donatione, aut acceptance rerum, metienda est ex quantitate materiæ juxta prudentis arbitrium, attendita diversitate personarum, & qualitate materiæ: nam si donetur, aut accipiat aliquid a religioso ejusdem conventus, major quantitas requiritur ad peccatum mortale, minor vero si a religioso alterius conventus, & adhuc minor si ab extraneo. Hæc autem materia, juxta diversas opiniones Doctorum, in toto anni decursu non extenditur absque gravi peccato, nisi ad duos aureos, aut quatuor, aut sex, aut ad summum octo: & intra hanc latitudinem major quantitas requiritur, si materia sit de esculentis, & poculentis, quam de aliis rebus. In mutuo autem gravitas peccati attendi debet & ex quantitate pecuniæ, & ex qualitate periculi amittendæ fortis. In commodato vero attendenda est deterioratio rei, quæ ad usum traditur, & periculum. In deposito periculum, &

quam



quantitas attendenda. In venditione denique, emptione, & commutatione gravitas attendi debet ex qualitate materię, & quantitate excessus. Quæ de re vide Salmant. tractat. 15. cap. 6. ubi plures casus congerunt in hac materia. De his etiam agit S. Anton. in summ. part. 3. tit. 16. cap. 1. §. 11.

## CAPUT IV.

*Utrum perpetua continentia requiratur ad perfectionem religionis. 2. 2. q. 186. a. 4.*

**A**postolus 2. ad Corinth. 7. dicit. *Mundemus nos ab omni inquinamento carnis, & spiritus, perfectientes sanctificationem nostram in timore Dei.* Sed munditia carnis & spiritus conservatur per continentiam. Dicitur enim 1. ad Cor. 7. *Mulier innupta, & virgo cogitat, quæ Domini sunt: ut sit sancta spiritu, & corpore.* Ergo perfectio religionis requirit continentiam. Ad cujus evidentiam

*Sciendum 1.* Quod ad statum religionis requiritur subtrahio eorum, per quæ homo impeditur, referatur totaliter in Dei servitium. Usus autem carnalis copulæ retrahit animum, ne totaliter feratur in Dei servitium dupliciter. Uno modo propter vehementiam delectationis, ex cujus frequenti experientia augetur concupiscentia, ut etiam Philof. dicit in 3. Eth. cap. 11. & inde est, quod usus venereorum retrahit animum ab illa perfecta intentione tendendi in Deum. Et hoc est, quod August. dicit in 1. Soliloq. cap. 10. *Nihil esse sentio, quod magis ex arce deiciat animum virilem, quam blandimenta fuminea, corporumque ille contactus, sine quo uxor haberi non potest.* Alio modo propter sollicitudinem, quam ingerit homini de gubernatione uxoris, & filiorum, & rerum temporalium, quæ ad eorum sustentationem sufficiunt; sicut Apost. dicit 1. ad Cor. 7. Et ideo continentia perpetua requiritur ad perfectionem religionis, sicut voluntaria paupertas. Unde sicut damnatus est Vigilantius, qui adæquabat divitias paupertati: ita damnatus est Jovinianus, qui adæquavit matrimonium virginitati.

*Sciendum 11.* Quod perfectio non solum paupertatis, sed etiam continentię, intro-

ducta est per Christum, qui dicit Matth. 19. *Sunt Eunuchi, qui castraverunt seipsos propter regnum celorum; & postea subdit qui potest capere, capiat; ut ostendat difficultatem, & rem esse supra naturam humanam, & ideo non cadere sub præcepto, sed sub consilio Evangelicæ perfectionis.* Et, ne alicui spes perveniendi ad perfectionem tolleretur, assumpsit ad perfectionis statum (scilicet ad statum Episcopalem, seu Apostolatus) etiam illos, quos invenit matrimonio junctos. Non autem poterat abique injuria fieri, quod viri uxores desererent, sicut abique injuria fiebat, quod omnes divitias relinquere. Et ideo Petrum, quem invenit matrimonio junctum, non separavit ab uxore, Joannem tamen volentem nubere a nuptiis revocavit. Unde habes, quod ad statum Episcopalem, sicut non exigitur necessario voluntaria paupertas; ita nec essentialiter exigitur votum perpetuæ continentię, sicut exigitur ad statum religionis. Est enim status Episcopalis status jam perfectiorum, qui possunt uti & divitiis, & matrimonio abique eo, quod a tali usu alliciantur, & distrahantur a puro Dei servitio, sicut distraherentur adhuc imperfecti volentes tendere ad perfectionem; ad cujus evidentiam

*Sciendum 111.* Quod, sicut August. dicit in lib. de bono conjugali cap. 22. *Melior est castitas calibum, quam castitas nuptiarum, quarum Abraham habuit unam in usu, ambas in habitu, caste quippe conjugaliter vixit. Esse autem castus sine conjugio potuit, sed tunc non oportuit.* Nec tamen, quia antiqui Patres perfectionem animæ simul cum divitiis, & matrimonio habuerunt, quod ad magnitudinem virtutis pertinebat, propter hoc infirmiores quosque non debent præsumere se esse tantæ virtutis, ut cum divitiis, & matrimonio possint ad perfectionem pervenire: sicut nec aliquis præsumit hostes inermis invadere, quia Sampson per mandibula asini multos hostium peremit. Nam illi patres, si tempus fuisset continentię, & paupertatis servandæ, studiosius hoc impleverint. Ex quo colliges, quod illi modo vivendi, secundum quos homines matrimonio utuntur, licet possint compati cum perfectione charitatis, non tamen cum statu religio-

nis,

nis, simpliciter, & absolute talis, sed secundum quid, in quantum scilicet in aliquo participant quædam, quæ ad statum religionis pertinent, sicut patet in Fratribus Tertiæ Ordinis, & aliquarum religionum militarium.

*Sciendum IV.* Quod, sicut ex dictis patet, ad statum religionis simpliciter, & absolute dictæ, quia est status nondum perfectorum, sed tendentium ad perfectionem charitatis, sicuti de necessitate requiritur abdicatio omnium rerum temporalium, ita requiritur abdicatio omnium delectationum, & actuum veneriorum: quia per utrumque genus honorum homo impeditur, ne totaliter in Deum feratur per ejus servitium, aliter tamen, & aliter. Nam usus rerum temporalium, quantum ad sufficientiam, necessarius est ad conservationem individui, quod omni homini convenit; & ideo ad perfectionem status religionis requiritur abdicatio omnium rerum temporalium quantum ad proprietatem, & etiam quantum ad usum dispositum, non autem requiritur abdicatio usus simpliciter, & absolute, quippe qui necessarius est ad conservandam naturam individui ad Dei servitium. Usus autem veneriorum non ordinatur a natura ad conservationem individui, sed solum ad propagationem speciei intra legitimum matrimonium; ad quod non omnes tenentur; & ideo ad perfectionem status religionis simpliciter talis necessario requiritur abdicatio absolute, & simpliciter cujuslibet usus veneriorum, nondum extra, sed & intra matrimonium, per continentiam absolutam, & universalem ab omnibus veneriis, sive illicitis, sive licitis. Per consequens autem ex vi talis professionis obligatur religiosus ad vitandas omnes concupiscentias veneriorum, quantum ad internum, & omnes occasiones, & incentiva, quantum ad externum.

*Sciendum V.* Quod, sicut notant Sanch. Pal. Pelliz. Salmant. religiosus inducens alterum, vel alteram, sola persuasione, aut metu, vel alio extrinseco ad genus luxuriæ, ad violandam castitatem, peccaret quidem gravissimo peccato scandalii: non autem peccato sacrilegii contra votum continentie, quam in se tenetur observare ex vi voti facti, non autem in aliis. Si autem faciat aliquem actum aliquo modo ex-

citativum ad luxuriam per se, & ex natura sua, quamvis certo sciat nullam inde oriri ruinam spirituales occasionem, nec in se, nec in aliis, peccat contra votum continentie, quam professus est: quia ex vi ejus tenetur vitare omnia incentiva luxuriæ, & per accidens est, quod ruinam spirituales non causeat de facto, semel quod nata sunt illam causare, ut notat noster Piselli part. 1. tract. 17. c. 3. §. 2. Si quis plura desiderat circa votum castitatis, quod solet fieri etiam a pluribus secularibus, legat Salmanticenses, tract. 15. cap. 6.

## CAPUT V.

*Utrum obedientia pertineat ad perfectionem religionis.* 2. 2. quæst. 186. a. 5.

**P**erfectio religionis maxime consistit in imitatione Christi, secundum illud. Matth. 19. *Si vis perfectus esse, sequere me;* sed in Christo maxime commendatur obedientia, secundum illud ad Philipp. 2. *Factus est obediens usque ad mortem;* ergo videtur, quod obedientia pertineat ad perfectionem religionis. Ad cujus evidentiam.

*Sciendum 1.* Quod, sicut supra dictum est, status religionis est quædam disciplina, vel exercitium tendendi in perfectionem. Quicumque autem instruuntur, vel exercitantur, ut perveniant ad aliquem finem, oportet, quod directionem alicujus sequantur, secundum cujus arbitrium instruantur, vel exercitentur, ut perveniant ad illum finem, quasi discipuli sub magistro. Et ideo oportet, quod religiosi in his, quæ pertinent ad religiosam vitam, dicatur: *Monachorum vita subiectionis habet verbum, & discipulatus.* Imperio autem, & alterius instructioni subijcitur homo per obedientiam; & ideo obedientia requiritur ad religionis perfectionem.

*Sciendum 2.* Quod obedire Prælati in his, quæ pertinent ad necessitatem virtutis, non est supererogationis, sed omnibus commune, secundum illud. Apostoli ad Hebr. ult. *Obedite præpositis vestris, & subjacete eis.* Sed obedire in his, quæ pertinent ad exercitium perfectionis, pertinet

pro-

proprie ad religiosos, & comparatur ista obedientia ad aliam, sicut universale ad particulare. Illi enim, qui in sæculo vivunt, aliquid sibi retinent, & aliquid Deo largiuntur: & secundum hoc obedientiæ Prælatorum subduntur. Illi vero, qui vivunt in religione, totaliter se, & sua tribuunt Deo, ut ex supra dictis patet: unde obedientia eorum est universalis, sicut & eorum continentia, & paupertas.

*Sciendum* III. Quod, sicut Philof. dicit in 2. Eth. c. 1. *Homines exercitantes se in operibus perveniunt ad aliquos habitus, quos cum acquisierint, eosdem actus maxime possunt operari.* Sic ergo obediendo, illi, qui non sunt perfectionem adepti, ad perfectionem perveniunt. Illi autem, qui jam sunt perfectionem adepti, maxime prompti sunt ad obediendum, non quasi indigentes dirigi ad perfectionem acquirendam, sed quasi per hoc se conservantes in eo, quod ad perfectionem pertinet. Obedientia ergo per se exigitur ad statum religionis, qui est status discipulatus sub magistro, & directorum indigent. Personæ autem religiosæ quandoque in tantum culmen perfectionis perveniunt, ut non egeant duce, sed per internos habitus seipsos optime regunt delectabiliter. Verum, quia personæ istæ ex obedientiæ statu religioso conveniente conservantur, ideo obedientia religionis comes illis convenit.

*Sciendum* IV. Quod subiectio religiosorum principaliter attenditur ad Episcopos, qui comparantur ad eos, sicut perfectiores ad perfectos, ut patet per Dion. 6. c. Eccl. hier. ubi etiam dicit: *Monachorum obediencia nec Eremitæ, nec etiam Prælatis religionum exculatur.* Et, si a Diocefanis Episcopis totaliter, vel ex parte sunt exempti, obligantur tamen ad obediendum Summo Pontifici, non solum in his, quæ sunt communia aliis, sed etiam in his, quæ specialiter pertinent ad disciplinam religionis. Votum ergo obedientiæ principaliter fit Summo Pontifici, qui est primus Prælatus omnium religionum, qui eximendo religiosum ab obedientia sui Prælati, non dispensat votum, sed tollit potestatem talis Prælati supra talem religiosum.

*Sciendum* V. Quod votum obedientiæ ad religionem pertinens se extendit ad dispositionem totius humanæ vitæ: & secundum hoc votum obedientiæ habet quandam universalitatem, licet non se extendat ad omnes particulares actus, quorum quidam ad religionem non pertinent, quia non sunt de rebus pertinentibus ad dilectionem Dei, & proximi: sicut consecratio barbæ, vel levatio festuæ de terra, & similia, quæ non cadunt sub voto, nec sub obedientia. Quidam vero etiam contrariantur religioni. Nec est simile de voto continentiæ, per quam excluduntur actus omnino perfectioni religionis repugnantes, seu contrarii. Religiosi igitur non tenentur Prælati suis obedire in omnibus, ut supra habitum est in parte 2. cum de virtute obedientiæ ageretur, sed solum in conducentibus aliquo modo ad virtutem religionis, & quæ possunt esse materia voti, & quæ eorum potestatem non excedunt.

*Sciendum* VI. Quod necessitas coactionis facit involuntarium, & ideo excludit rationem laudis, & meriti: sed necessitas consequens obedientiam, non est necessitas coactionis, sed liberæ voluntatis, in quantum homo vult obedire, licet forte non vellet id, quod mandatur, secundum se consideratum implere. Et ideo, quia necessitate aliqua faciendi, quæ secundum se non placent, per votum obedientiæ homo se subijcit propter Deum, ex hoc ipso ea, quæ facit, sunt Deo magis accepta, etiam si sint minora: quia nihil majus potest homo Deo dare, quam quod propriam voluntatem propter ipsum voluntati alterius subijciat. Unde in collationibus Patrum, coll. 18. c. 7. dicitur: *Deterrimum genus Monachorum esse Sarabaitas, quia suas necessitates curantes, absoluti a seniorum iugo, habent libertatem agendi quid libitum fuerit, & tamen magis, quam his, qui in Cænobiis degunt, in operibus diebus, ac noctibus consumuntur.* Qua de re vide ea, quæ dicta sunt in secunda parte de virtute obedientiæ.

*Sciendum* VII. Quod, sicut ex dictis colligitur, religiosus ex duplici titulo tenetur obedire suis Prælati, & ex reverentia Deo debita ratione voti, & ex reverentia homini debita, ratione subjectionis, qua sponte se

te se Prælatorum imperio subiecit per solemnem religionis professionem. Unde religiosus, qui præceptis Superiorum non obtemperaret, dupliciter peccaret, scilicet, & contra virtutem religionis, & contra virtutem observantiæ. Ex neutro autem capite obedire tenetur, nec etiam sub veniali, nisi per mandatum expressum, aut tacitum a Prælatis obligetur, tum quia obiectum obedientiæ est præceptum, tum etiam quia in professione sua promisit solum præceptis Prælatorum obtemperare. Quando autem præceptum Prælatis obliget sub gravi, vel non, colligendum est, tum ex parte formæ, qua intentio præcipientis exprimitur, tum ex parte materiæ præceptæ. Quando enim Prælatus præcipit in virtute sanctæ obedientiæ, aut sub poena excommunicationis, vel alia simili forma verborum, præceptum ex natura sua inducit obligationem gravem obediendi: quando vero Prælatus simplici mandato præcipit aliquid subdito in his, ad quæ extenditur sua potestas, tunc obligatio gravis, vel levis colligi debet ex parte materiæ, quæ præcipitur, quod etiam notatur in Constitutionibus nostris part. 1. cap. 5. n. 8.

*Sciendum VIII.* Quod præceptum Prælatis obligat religiosos subditi ubique terrarum, quia potestas Prælatorum religionis immediate respicit personas, non territorium, ut notant Lez. Sylv. Pelliz. Non tamen extenditur eorum potestas ad præcipiendos actus internos, cum illis sit solum commissæ externa gubernatio, ut dictum est in 2. part. cum de obedientia ageretur: nec extenditur ad omnes particulares actus externos, quorum quidam ad religionem non pertinent, ut sunt actus indifferentes, quoties in statu manent indifferentiæ: Quidam vero religioni sunt contrarii, ut sunt actus contra legem Dei, vel contra regulas Ordinis: Quidam autem sunt supra obligationem regulæ, supra quam non extenditur Prælatorum facultas, cum religiosus juxta regulam obedire promiserit. In iis vero, in quibus Prælatis possunt regulam dispensare, si præcipient, tenetur subditus obedire, ut docet D. Thom. 2. 2. q. 185. a. 2. ad 2. In dubiis autem debet subditus se subicere judicio Prælatis, quia pro eo stat possessio. Qua de re Salmon, tract. 15. cap. 6.

## CAPUT VI.

*Utrum requiratur ad perfectionem religionis, quod Paupertas, Continentia, & Obedientia cadant sub voto. 2. 2. q. 186. artic. 6.*

**I**N veteri lege Nazaræi cum voto sanctificabantur, secundum illud Numer. 6. *Vir, sive mulier, cum fecerint votum, ut sanctificentur, & se voluerint Domino consecrare &c.* Per eos autem significatur illi, qui ad perfectionis summum pertingunt, ut dicit Gloss. Gregor. ibid. desumpta ex 3. Moral. c. 27. Ergo votum requiritur ad statum perfectionis. Quare

*Sciendum 1.* Quod ad religiosos pertinet, quod sint in statu perfectionis, sicut ex supradictis patet. Ad statum autem perfectionis requiritur obligatio ad ea, quæ sunt perfectionis, quæ quidem Deo fit per votum. Manifestum est autem ex præmissis, quod ad perfectionem humanæ vitæ pertinet paupertas, continentia, & obedientia: & ideo religionis status requirit, ut ad hæc tria aliquis voto obligetur. Unde Gregor. dicit hom. 20. super Ezech. *Cum quis omne, quod habet, omne, quod vivit, omne, quod sapit, omnipotenti Deo voverit, holocaustum est.* Quod quidem pertinere postea dicit ad eos, qui præsens sæculum deserunt. Unde

*Sciendum 11.* Quod ad perfectionem vitæ Dominus pertinere dixit, quod aliquis eum sequatur non qualitercumque; sed ut ulterius retro non abiect. Unde & ipse dicit Lucæ 9. *Nemo mittens manum ad aratrum, & respiciens retro, aptus est regno Dei.* Hæc autem immobilitas sequetur Christi firmatur per votum. Homo enim non potest totam vitam suam Deo actu exhibere ad ejus sequelam, seu conformitatem, aut imitationem: quia non est tota simul, sed successive agitur. Unde non aliter homo potest totam vitam suam Deo immobiliter exhibere ad ejus sequelam, nisi per voti obligationem suam obligationem firmando. Et ideo votum requiritur ad perfectionem religionis, per quod mittit jam quis manum ad aratrum, cum obligatione retro amplius non respiciendi.

*Sciendum 111.* Quod, sicut Aug. dicit ad

ad Pollentium de adulteriis conjugii lib. 1. c. 14. *Ea sunt in nostris officiis gratuita, quæ, cum liceret nobis non impendere, tamen causa dilectionis impendimus*; inter alia autem, quæ licet nobis non impendere, est etiam propria libertas, quam homo cæteris rebus chariorem habet. Unde, cum aliquis propria sponte voto sibi adimit libertatem abstinendi ab his, quæ ad Dei servitium pertinent, hoc fit Deo acceptissimum. Unde Aug. dicit in Epist. 45. ad Arm. & Paulinam: *Non te vovisse pœnitent, immo gaude jam tibi non licere, quod cum tuo detrimento licuisset. Fælix necessitas, quæ in meliora compellit.*

*Sciendum* IV. Quod solemnitas votorum est ex jure Ecclesiastico introducta, ut dicit Bonif. VIII. in cap. un. de voto in 6. & Gregor. XIII. in Extrav. Ascendente Domino: Adeoque non est de essentia status perfectionis, qui sufficienter salvatur per exhibitionem sui totalem, quæ fit per tria vota simplicia. Hæc enim exhibitio immobilitatem importat ex parte voventis irrevocabiliter se obligantis ad Dei servitium: unde Scholares Societatis Jesu, & alii hujusmodi, qui vota simplicia emittunt, veri sunt religiosi, quamvis liberum sit ex parte religionis illos licentiaré. Sicut enim Ecclesia in una religione potest talem, vel talem conditionem, vel solemnitatem requirere, ut eam pro vera religione approbet: ita in alia non requirere. In quo autem consistat solemnitas voti, & quos effectus inducat, dictum est supra, cum de voto ageretur.

## C A P U T V I I.

*Utrum in his tribus votis consistat religionis perfectio.* 2.2. quest. 186. art. 7.

**R**eligionis status potest considerari tripliciter. Uno modo, secundum quod est exercitium tendendi in perfectionem charitatis. Alio modo, secundum quod quietat animum humanum ab exterioribus sollicitudinibus. Tertio modo, secundum quod est quoddam holocaustum, per quod aliquis totaliter se, & sua offert Deo: & secundum hoc ex his tribus votis integratur religionis status. Unde dicitur Extrav. de statu Monach. cap. Cum ad Monasterium:

*Custodia castitatis, & abdicatio proprietatis sunt annexæ regula Monachali.* Ad quorum evidentiam

*Sciendum* 1. Quod, quantum ad exercitium perfectionis requiritur, quod aliquis a se removeat illa, per quæ posset impediri, ne totaliter affectus tendat in Deum, in quo consistit perfectio charitatis. Hujusmodi autem sunt tria. Primum quidem cupiditas exteriorum bonorum, quæ tollitur per votum paupertatis. Secundum autem est concupiscentia sensibilibus delectationum, inter quas præcellunt delectationes venereæ, quæ excluduntur per votum continentie. Tertium autem est inordinatio voluntatis humanæ, quæ excluditur per votum obedientie. Honor autem, qui computatur inter exteriora bona, sicut Philof. dicit in 4. Eth. c. 3. proprie, & secundum veritatem non debetur, nisi virtuti: sed quia exteriora bona instrumentaliter deserviunt ad quosdam actus virtutum, ex consequenti etiam eorum excellentie honor aliquis exhibetur, & præcipue a vulgo, qui solam excellentiam exterioriorem recognoscit. Honori ergo, qui Deo, & Sanctis omnibus exhibetur propter virtutem, abrenunciare non competit religiosi, qui ad perfectionem virtutis tendunt. Honori autem, qui exhibetur exteriori excellentie, abrenunciant ex hoc ipso, quod sæcularem vitam derelinquant. Unde ad hoc non requiritur speciale votum.

*Sciendum* II. Quod solitudinis sæcularis inquietudo præcipue ingeritur homini circa tria. Primo quidem circa dispensationem exteriorum rerum: & hæc solitudo per votum paupertatis homini auferitur. Secundo autem circa gubernationem uxoris, & filiorum, quæ amputatur per votum continentie. Tertio circa dispositionem propriorum actuum, quæ amputatur per votum obedientie, quo aliquis se alterius dispositioni committit. Ubi notandum, quod voluntati specialiter tantum subduntur actiones humanæ, seu voluntariæ, quamvis ex consequenti ei subjiciantur omnia humana. Nam passionés pertinent etiam ad appetitum sensitivum: & ideo ad cohibendum passionés carnalium delectationum, & exteriorum appetibilium, impediétes perfectionem vitæ, necessarium fuit

fuit

fuit votum continentiae, & paupertatis : sed ad disponendum actiones proprias, secundum quod requirit perfectionis status, requiritur votum obedientiae, per quam exteriores actiones hominis ab alio gubernantur, scilicet a Superiore.

*Sciendum* 111. Quod holocaustum est, cum aliquis totum, quod habet, offert Deo, ut Greg. dicit hom. 20. super Ezech. Habet autem homo triplex bonum, secundum Philos. in 1. Eth. c. 8. Primo quidem exteriorum rerum, quas quidem totaliter aliquis Deo offert per votum voluntariae paupertatis, abdicando proprium, & potentiam ad acquirendum res temporales, seu ad proprium habendum. Secundo autem bonum proprii corporis, quod aliquis praecipue offert Deo per votum continentiae, quo abrenunciat maximis delectationibus corporis. Tertium autem bonum est animae, quod aliquis totaliter Deo offert per obedientiam, qua aliquis offert Deo propriam voluntatem, per quam homo utitur omnibus potentiis, & habitibus animae : & ideo convenienter ex tribus votis status religionis integratur. Ubi notandum, quod interiores actus virtutum, quorum mater est charitas, secundum illud 1. ad Cor. 13. *Charitas patiens est, benigna est &c.* non cadunt sub voto religionis, sed se tenent ex parte finis, qui est perfectio charitatis : unde vota religionis ordinantur ad actus interiores virtutum, sicut ad finem. Non enim religiosi profitentur, se esse perfectos, sed tendentes ad perfectionem per remotionem extrinsecorum impedimentorum.

*Sciendum* 1v. Quod omnes aliae religionum observantiae ordinantur ad praedicta tria principalia vota. Nam, si quae sunt instituta in religionibus ad procurandum victum (puta, labor, mendicitas, vel alia huiusmodi) referuntur ad paupertatem, ad cuius conservationem religiosi per hos modos victum procurant. Alia vero, quibus corpus maceratur, sicut vigiliae, jejunia, & si quae sunt huiusmodi, directe ordinantur ad votum continentiae observandum. Si qua vero in religionibus instituta sunt pertinentia ad humanos actus, quibus aliquis ordinatur ad religionis finem, scilicet ad dilectionem Dei, & proximi (puta, lectio, oratio, visitatio infirmorum, vel si aliquid aliud est huius-

modi) comprehenduntur sub voto obedientiae, quod pertinet ad voluntatem, quae secundum dispositionem alterius suos actus ordinat in finem. Determinatio autem habitus pertinet ad omnia tria vota, tanquam signum obligationis. Unde habitus regularis simul datur, vel benedicitur cum professione.

*Sciendum* v. Quod licet actus interiores virtutum, ut charitate formati, non cadant sub voto religionis (quod respicit tanquam obiectum, seu materiam circa quam fertur per obligationem, tantum media conducentia ad perfectionem charitatis, scilicet remotionem principalium impedimentorum tendendi in perfectionem charitatis : ipsam vero perfectionem charitatis, ex qua virtutes formatae procedunt, respicit solum ut finem) tamen actus boni interiores per se connexi cum actibus exterioribus, qui cadunt sub voto, etiam ipsi cadunt sub voto. Actus enim exteriores non cadunt sub voto, nisi in quantum sunt morales, seu voluntarii, & ex genere boni, & per consequens in quantum procedunt ab actibus interioribus voluntatis, a quibus intenduntur, & qui se habent ut forma actuum exteriorum, sive in statu charitatis fiant, sive in statu peccati. Ex quo etiam sequitur, quod actus interiores voluntatis, qui feruntur in violationem exteriorum voti per concupiscentias pravas, omnes directe opponuntur observantiae voti, & sunt sacrilegia (puta desideria habendi proprium, fornicandi, intentio, seu propositum non obediendi praeceptis superiorum). Desideria autem otiosa, quae non feruntur in violationem voti (puta habendi res exteriores cum licentia superioris, vel nubendi, si esset secularis, & alia huiusmodi) non sunt contra votum. Et in hoc sensu dicitur in nostris constitutionibus part. 1. cap. 7. quod votum non procutandi dignitates extra religionem, non comprehendit actus internos. Nam si quis concupisceret procurare, licet de facto non procuraret, peccaret mortaliter contra votum : non autem, si simpliciter dignitates desideraret : votum enim est, non procurandi, non vero non desiderandi.

## CAPUT VIII.

*Utrum votum obedientiæ sit potissimum inter tria vota religionis.*

2.2. q. 186. ar. 8.

**S**icut Greg. dicit in 35. Moral. cap. 12. *Obedientia vidimis jure præponitur, quia per vidimas aliena caro, per obedientiam vero voluntas propria madatur.* Sed vota religionis sunt quædam holocausta, sicut supra dictum est: ergo votum obedientiæ est præcipuum inter omnia religionis vota; & hoc triplici ratione. Unde

*Sciendum 1.* Quod per votum obedientiæ aliquid majus homo offert Deo, scilicet ipsam voluntatem, quæ est potior, quam corpus proprium, quod offert homo Deo per continentiam; & quam res exteriores, quas offert homo Deo per votum paupertatis. Unde illud, quod fit ex obedientia, est magis Deo acceptum, quam id, quod fit per propriam voluntatem, secundum illud Hieron. quod dicit ad Rusticum monachum: *Ad illud tendis oratio, ut doceam, te non tuo arbitrio dimittebam, & postea subdit: Non facias, quod vis, comedas, quod juberis: habeas, quantum acceperis: vestiaria, quod datur.* Unde & jejunium non redditur Deo acceptum cum propria voluntate, secundum illud Isaïæ 58. *Ecce in diebus jejunii vestri invenitur voluntas vestra.*

*Sciendum 11.* Quod votum obedientiæ continet sub se alia vota: sed non convertitur. Nam religiosus, etsi teneatur ex voto continentiam servare, & paupertatem, tamen hæc etiam sub obedientia cadunt, ad quam pertinent multa alia præter continentiam, & paupertatem servare. Consilium autem obedientiæ includitur in ipsa Christi sequela; Qui enim obedit, sequitur alterius voluntatem; & ideo magis pertinet ad perfectionem, quam votum paupertatis: quia, ut Hieron. dicit super Matth. 19. *Id, quod perfectum est, addidit Petrus, cum dicit: Et secuti sumus te.* Continentia etiam præfertur exterioribus divitiis auri, & argenti, quæ pondere mensurantur, & per paupertatem voluntariam abdicantur, secundum illud Eccles. 26. *Omnis ponderatio non est digna animæ con-*

*tinentis.* Et ideo votum continentiae excellentius est voto paupertatis, non autem voto obedientiæ.

*Sciendum 111.* Quod votum obedientiæ proprie se extendit ad actus propinquos fini religionis. Quanto autem aliquid propinquius est fini, tanto melius est. Et inde etiam est, quod votum obedientiæ est religioni essentialius. Si enim aliquis abique voto obedientiæ voluntariam paupertatem, & continentiam etiam voto servet, non propter hoc pertinet ad statum religionis, qui præfertur etiam ipsi virginitati ex voto observatæ. Dicit enim Aug. in lib. de Virginit. cap. 45. *Nemo, quantum puto, ausus fuit virginitatem præferre monasterio.*

*Sciendum 1v.* Quod Papa in voto obedientiæ non potest sic cum religioso dispensare, ut nulli prælati teneatur obedire in his, quæ ad perfectionem vite pertinent (dato etiam, quod posset in voto solemnī castitatis, & paupertatis dispensare) Non enim potest cum a sua obedientia eximere. Potest autem eum eximere ab inferioris prælati subjectione, quod non est in voto obedientiæ dispensare. Sicut enim Papa, manens Papa, non potest suam personam alteri subicere, quia non potest diminuire suam potestatem: potest tamen subtrahere suam personam potestati Pontificiæ per renunciationem, & sic illam subicere; ita non potest cum religioso, religioso manente, dispensare, ut nulli prælati teneatur obedire, sed solum eximere ejus personam a potestate Prælati inferioris.

## CAPUT IX.

*Utrum religiosus semper peccet mortaliter transgrediendo ea, quæ sunt in regula.*  
2.2. quæst. 185. art. 9.

**S**tatus religionis est securior, quam status secularis vite. Unde Greg. in 1. Moral. cap. 1. comparat vitam sæcularem mari fluctuanti, vitam autem religionis portui tranquillo: sed, si quælibet transgressio eorum, quæ in regula continentur, religiosum obligaret ad peccatum mortale, status religionis esset periculosissimus propter multitudinem observantiarum. Non ergo

ergo quælibet transgressio eorum, quæ in regula continentur, est peccatum mortale. Ad cuius evidentiam

*Sciendum 1.* Quod in regula continetur aliquid dupliciter, sicut ex dictis patet. Uno modo, sicut finis regulæ (puta ea, quæ pertinent ad actus virtutum) & horum transgressio, quantum ad ea, quæ cadunt communiter sub præcepto, obligat sub mortali: quantum vero ad ea, quæ excedunt communiter necessitatem præcepti, non obligat ad mortale, nisi propter contemptum: quia, sicut supra dictum est, religiosus non tenetur esse perfectus, sed ad perfectionem tendere, cui contrariatur perfectionis contemptus. Alio modo continetur aliquid in regula pertinens ad exterius exercitium, sicut sunt omnes exteriores observantiæ, inter quas sunt quædam, ad quas obligatur religiosus ex voto professionis. Votum autem professionis respicit principaliter tria prædicta, scilicet paupertatem, continentiam, & obedientiam: alia vero omnia ad hæc ordinantur: & ideo transgressio horum trium obligat ad mortale. Aliorum autem transgressio non obligat ad mortale, nisi vel propter contemptum regulæ, quia hoc directe contrariatur professioni, per quam aliquis vovit regularem observantiam: vel propter præceptum, sive oratenus a prælato factum, sive in regula expressum, quia hoc esset facere contra obedientiæ votum.

*Sciendum 11.* Quod ille, qui proficitur regulam, non vovet servare omnia, quæ sunt in regula, sed vovet regularem vitam, quæ essentialiter consistit in tribus prædictis. Unde & in quibusdam religionibus cautius aliqui proficiuntur non quidem regulam, sed vivere secundum regulam, id est tendere ad hoc, ut aliquis mores suos informet secundum regulam, sicut secundum quoddam exemplar, & hoc tollitur per contemptum. In quibusdam autem religionibus adhuc cautius proficiuntur obedientiam secundum regulam, ita, quod proficitioni non contrariatur, nisi id, quod est contra præceptum regulæ: transgressio vero, vel omisio aliorum obligat solum ad peccatum veniale: quia, sicut dictum est, huiusmodi dispositiones sunt ad principalia vota. Peccatum autem veniale est

dispositio ad mortale, in quantum impedit ea, quibus aliquis disponitur ad observanda principalia præcepta legis Christi, quæ sunt præcepta charitatis.

*Sciendum 111.* Quod in aliqua religione, transgressio talis, vel omisio eorum, quæ non cadunt sub præcepto regulæ, ex suo genere non obligat ad culpam neque mortalem, neque venialem, sed solum ad poenam taxatam sustinendam: quia per hunc modum ad talia observanda obligantur, qui tamen possent venialiter, vel mortaliter peccare ex negligentia, vel libidine, seu contemptu. Considerandum est igitur, quod non omnia, quæ continentur in lege, traduntur per modum præcepti, sed quædam proponuntur per modum ordinationis cuiusdam, vel statuti obligantis ad certam poenam: Sicut in lege civili non facit semper dignum poena mortis corporalis transgressio legalis statuti: ita nec in lege Ecclesiæ omnes ordinationes, vel publica statuta obligant ad mortale, & similiter nec omnia statuta regulæ.

*Sciendum 1v.* Quod tunc committit aliquis, vel transgreditur ex contemptu, quando voluntas ejus renuit subijci ordinationi legis, vel regulæ: & ex hoc procedit ac faciendum contra legem, vel regulam, & tunc semper est peccatum mortale. Quando autem e converso propter aliquam particularem causam (puta concupiscentiam, vel iram) inducitur ad aliquid faciendum contra statuta legis, vel regulæ, non peccat ex contemptu, sed ex aliqua alia causa, etiam si frequenter, aut ex habitu ex eadem causa, vel alia, simile peccatum iteret. Sicut & August. dicit in lib. de natura, & gratia, cap. 29. quod *Non omnia peccata committuntur ex contemptu superbiæ.* Et tunc erit peccatum mortale, aut veniale juxta subjectam materiam: vel etiam nullum peccatum ex genere suo, si regula obliget ad solam poenam sustinendam. Frequentia tamen peccati, aut transgressionis regulæ dispositive inducit ad contemptum, secundum illud Proverb. 18. *Impius, cum in profundum venerit peccatorum, contemnit.*

*Sciendum v.* Quod ex dictis oritur dubium: an peccet mortaliter religiosus, qui statuit in corde suo observare solum vota, & statuta obligantia sub mortali, & nihil de



de aliis curare, quæ non obligant sub mortali: & est ratio dubii, quia iste videtur directe peccare contra suam professionem, vi cuius, licet non teneatur esse perfectus, tenetur tamen tendere ad perfectionem. Ad hoc dico, quod si ex contemptu regulæ tale propositum faciat (puta, quia voluntas ejus renuit subijci regulæ, aut quia regulam parvi pendit) peccat mortaliter, ut patet ex dictis: Contemptus enim formalis superbiæ non admittit parvitatem materiæ. Si autem propter aliquam particularem causam inducitur ad hoc propositum faciendum, non peccat ex contemptu formali superbiæ, sed solum ex contemptu materiali, & interpretativo, quod non semper est peccatum mortale: sed quandoque mortale, quandoque veniale, juxta subjectam materiam, seu objectum. In casu ergo proposito, si religiosus non movetur ex contemptu formali regulæ, neque ex alia causa graviter culpabili, sed ex levitate materiæ ad proponendum nihil curare de transgrediendis statutis non obligantibus sub mortali, peccat quidem directe contra obligationem suæ professionis, sed intra lineam venialium, adeoque peccat solum venialiter, & se disponit ad contemptum formalem regulæ. Religiosus enim tenetur tendere ad perfectionem sub gravi per media obligantia sub gravi, & sub levi obligatione per alia accessoria; sicut notant Salm. tr. 15. c. 1.

## CAPUT X.

*Utrum religiosus eodem genere peccati gravius peccet, quam secularis.*

2. 2. q. 186. a. 10.

**R**eligiosi, & alii, qui sunt in statu perfectionis, cæteris paribus gravius peccant eodem genere peccati, quam seculares. Ad cujus evidentiam

*Sciendum 1.* Quod peccatum, quod a religiosis committitur, potest esse gravius peccato secularium ejusdem speciei tripliciter. Uno modo, si sit contra votum religionis (puta, si religiosus fornicetur, vel furetur, quia fornicando facit contra votum continentiae, & furando facit contra votum paupertatis) & non solum con-

*P. Soffetti Theol. Tom. V.*

tra præceptum divinæ legis. Secundo, si ex contemptu peccet: quia ex hoc videtur esse magis ingratus divinis beneficiis, quibus est sublimatus ad statum perfectionis. Unde & Dominus conqueritur Jerem. 11. *Quid est, quod dilectus meus facit in domo mea scelera multa?* Tertio modo peccatum religiosi potest esse majus propter scandalum, quia ad vitam ejus plures respiciunt. Unde dicitur Jerem. 23. *In prophetis Jerusalem vidi similitudinem adultæranium, & iter mendacii: & confortaverunt manus pessimorum, ut non converteretur unusquisque a malitia sua.*

*Sciendum 11.* Quod, si religiosus non ex contemptu, sed ex infirmitate, vel ex ignorantia aliquod peccatum, quod non est contra votum suæ professionis committat absque scandalo (puta in occulto) levius peccat eodem genere peccati, quam secularis: quia peccatum ejus, si sit leve, quasi absorbetur ex multis operibus bonis, quæ facit: & si sit mortale, facilius ab eo relinquitur. Primo quidem propter intentionem, quam habet rectam ad Deum, quæ, etsi ad horam intercipiatur, de facili ad pristina reparatur. Unde super illud Psal. 36. *Cum ceciderit, non collidetur*, dicit Origen. ho. 4. *Injustus, si peccaverit, non pœnitet, & peccatum suum emendare nescit: Justus autem scit emendare, scit corrigere.* Juvatur etiam a sociis ad resurgendum, secundum illud Eccles. 4. *Si unus ceciderit ab altero fulciatur.* Vt soli, quia cum ceciderit, non habet sublevantem se.

*Sciendum 111.* Quod justii non de facili peccant ex contemptu, sed quandoque labuntur in aliquod peccatum ex ignorantia, vel infirmitate, a quo de facili relevantur. Si autem perveniant ad hoc, quod ex contemptu peccent, efficiuntur pessimi, & maxime incorrigibiles, secundum illud Jerem. 2. *Confregisti jugum, dirupisti vincula, dixisti: Non serviam. In omni colle sublimi, & sub omni ligno frondoso tu prosternebaris meretricis.* Unde August. dicit in Epist. 117. ad plebem Hipponensem: *Ex quo Deo servire cæpi, quomodo difficile sum expertus meliores, quam, qui in monasteriis profecerunt, ita non sum expertus pejores, quam, qui in monasteriis ceciderunt.* Videant igitur quan-

G tum

tum criminis incurrant ii, qui favent religiosis prælatos suos contemnentes, sunt enim eorum criminum participes.

## C A P U T XI.

*De differentia religionum.*  
2. 2. quæst. 188.

**D**Einde considerandum est de differentia religionum, de qua scribitur in Psal. 44. ad ornatum Regine, scilicet Ecclesie, pertinere, quod sit circumamicta varietate. Circa quem

*Sciendum* 1. Quod, sicut ex supradictis patet, status religionis est quoddam exercitium, quo aliquis exercetur ad perfectionem charitatis. Sunt autem diversa charitatis opera, quibus homo vacare potest: sunt etiam diversi modi exercitiorum; & ideo religiones distingui possunt dupliciter. Uno modo secundum diversitatem eorum, ad quæ ordinantur, sicut, si una religio ordinetur ad peregrinos hospitio suscipiendos, & alia ad visitandos, vel redimendos captivos. Alio modo potest esse diversitas religionum secundum diversitatem exercitiorum, puta, quod in una religione castigatur corpus per abstinentias ciborum, in alia per exercitium operum manualium, vel per nuditatem, aut per aliquid aliud huiusmodi. Sed, quia finis est potissimum in unoquoque, major est religionum diversitas, quæ attenditur secundum diversos fines, ad quos religiones ordinantur, quam quæ attenditur secundum diversa exercitia.

*Sciendum* 11. Quod status religionis ordinatur ad perfectionem charitatis, quæ se extendit ad dilectionem Dei, & proximi. Ad dilectionem autem Dei directe pertinet contemplativa vita, quæ soli Deo vacare desiderat. Ad dilectionem autem proximi directe pertinet vita activa, quæ deservit necessitatibus proximis: & sicut ex charitate diligitur proximus propter Deum; ita etiam obsequium delatum in proximos redundat in Deum, secundum illud Matth. 25. *Quod uni ex minimis meis fecistis, mihi fecistis.* Unde & huiusmodi obsequia proximis facta, in quantum ad Deum referuntur, dicuntur esse sacrificia quædam, secundum illud ad Hebr. ult. *Bene-*

*ficientia, & communionis nolite oblivisci: talibus enim hostiis promeretur Deus.* Et quia ad religionem proprie pertinet sacrificium Deo offerre, ut supra habitum est, consequens est, quod convenienter religiones quædam ad opera vitæ activæ ordinantur. Unde dicitur Jac. 1. *Religio munda, & immaculata apud Deum, & patrem hæc est, visitare pupillos in tribulatione eorum, & immaculatum se custodire ab hoc seculo.*

*Sciendum* 111. Quod, sicut dictum est, religio institui potest non solum ad opera vitæ contemplativæ, sed etiam ad opera vitæ activæ, in quantum pertinent ad subventionem proximorum, & obsequium Dei: non autem in quantum pertinent ad quid mundanum tenendum. Potest autem officium militare ordinari ad subventionem proximorum non solum quantum ad privatas personas, sed etiam quantum ad totius reipublicæ defensionem: ordinari etiam potest ad conservationem divini cultus. Unde convenienter potest institui aliqua religio ad militandum, non quidem propter aliquid mundanum, sed propter defensionem divini cultus, & publicæ salutis, vel etiam pauperum, & oppressorum, secundum illud Psal. 81. *Eripite pauperem, & egenum de manu peccatoris liberate.* Religio autem non sic instituitur ad militandum, quod religiosis propria auctoritate liceat bella gerere, sed solum auctoritate principum, vel Ecclesie.

*Sciendum* 1v. Quod magis procuratur utilitas proximorum per ea, quæ pertinent ad spirituales animæ salutem, quam per ea, quæ pertinent ad subveniendum corporali necessitati, quanto spiritualia corporalibus sunt potiora. Unde dictum est in 2. p. tr. 3. quod elemosynæ spirituales sunt corporalibus potiores. Hoc etiam pertinet magis ad obsequium Dei, cui nullum sacrificium est magis acceptum, quam zelus animarum, ut Greg. dicit ho. 11. in Ezech. Majus etiam est spiritualibus armis contra errores hæreticorum, & tentationes dæmonum fideles defendere, quam corporalibus armis populum fidelem tueri: & ideo convenientissimum est ad prædicandum, vel ad confessiones audiendum, & ad alia huiusmodi, quæ pertinent ad salutem animarum, aliquam reli-

religionem institui. Quod autem aliquis auctoritate prælatorum prædicet, vel alia hujusmodi faciat, non supergreditur disciplinatus, vel subjectionis gradum, qui competit religiosus. Minister enim est instrumentum animatum, ut Philos. dicit in 1. Politic. cap. 3. operatur enim in virtute alterius.

*Sciendum v.* Quod, sicut dictum est, religio potest ordinari ad vitam activam, & ad vitam contemplativam. Inter opera autem vitæ activæ principaliora sunt illa, quæ ordinantur directe ad salutem animarum: sicut prædicare, confessiones audire, & alia hujusmodi. Competit ergo studium litterarum religiosus tripliciter. Primo quidem quantum ad id, quod est proprium contemplativæ vitæ, ad quam studium litterarum coadjuvat, & directe mentem illuminando circa divina, & indirecte, errores scilicet removendo. Secundo necessarium est studium religiosus ad prædicandum, & alia hujusmodi exercendum, quod pertinet ad vitam activam. Tertio studium litterarum religioni congruit, quantum ad id, quod est omni religioni commune: valet enim ad vitandum carnis lasciviam. Avertit enim animum a cogitatione lasciviz, & carnem macerat propter studii laborem. Unde & Hieron. dicit ad Rusticum. *Ama scripturarum studia, & carnis vitia non amabis.* Valet etiam ad auferendam cupiditatem divitiarum: Unde Sap. 7. dicitur: *Divitias nihil esse duxi in comparatione illius.* Valet etiam ad obedientiæ documentum, ut Aug. dicit in lib. de oper. Monach. c. 17. Et ideo manifestum est, quod congrue potest institui religio ad studium litterarum.

*Sciendum vi.* Quod Philosophi profitebantur studia litterarum. quantum ad sæculares doctrinas, quæ sine charitate instant, & per consequens dissensiones pariunt. Sed religiosus competit principaliter intendere studio litterarum pertinentium ad doctrinam, quæ secundum pietatem est, ut dicitur ad Tit. 1. Aliis autem doctrinis intendere non pertinet ad religiosos, quorum tota vita divinis obsequiis mancipatur, nili in quantum ordinantur ad sacram doctrinam. Unde Aug. dicit in lib. 6. Musicae in fin. *Nos, dum*

*negligendos esse non existimamus, quos hæretici rationis, & scientia fallaci pollicitatione decipiunt, tardius incedimus consideratione ipsarum viarum. Quod tamen facere non auderemus, nisi multos pios Ecclesie Catholice matris optime filios eadem refellendorum hæreticorum necessitate fecisse videremus.*

## CAPUT XII.

*De comparatione religionum quantum ad perfectionem. 2. 2. quæst. 188. a. 6.*

**T**Riplex comparatio consideranda inter religiones occurrit. Prima est inter eas, quæ vacant vitæ contemplativæ, & eas, quæ vacant vitæ activæ. Secunda inter mendicantes, & non mendicantes. Tertia inter solitarios, & cœnobitas. Circa quod

*Sciendum 1.* Quod differentia unius religionis ad aliam principaliter quidem attenditur ex parte finis: secundario autem ex parte exercitii. Et, quia non potest aliquid dici altero potius, nisi secundum id, in quo ab eo differt, ideo excellentia unius religionis super aliam principaliter quidem attenditur secundum religionis finem, secundario autem secundum exercitium. Diversimode autem utraque comparatio attenditur. Nam comparatio, quæ est secundum finem, est absoluta, eo, quod finis propter se queritur. Comparatio autem, quæ est secundum exercitium, est respectiva, quia exercitium non queritur propter se, sed propter finem: & ideo illa religio alteri præfertur, quæ ordinatur ad finem absolute potius, vel quia est majus bonum, vel quia ad plura bona ordinatur. Si vero sit finis idem, secundario attenditur præminencia religionis non secundum quantitatem exercitii, sed secundum proportionem ejus ad finem intentum. Unde & in Collationibus Patrum collat. 2. c. 3. introducitur sententia B. Antonii, qui prætulit discretionem, per quam aliquis omnia moderatur, & jejuniis, & vigiliis, & omnibus hujusmodi observantiis. Quibus præsuppositis,

*Sciendum 11.* Quod opus vitæ activæ est duplex. Unum quidem, quod ex ple-

nitudine contemplationis derivatur: sicut doctrina, & prædicationi, ut Greg. dicit ho. 5. in Ezech. Et hoc præfertur simplici contemplationi. Sicut enim majus est illuminare, quam lucere solum: ita majus est contemplata aliis tradere; quam solum contemplari. Aliud autem opus est activæ vitæ, quod totaliter consistit in actione, seu occupatione exteriori, sicut elemosynas dare, hospites recipere, & alia hujusmodi, quæ sunt minora operibus contemplationis, nisi forte in casu necessitatis, ut ex supra dictis in tract. 2. patet. Sic ergo summum gradum in religionibus tenent, quæ ordinantur ad doctrinam, & prædicandum, quæ & proximissimæ sunt perfectioni Episcoporum. Secundum autem gradum tenent illæ, quæ ordinantur ad contemplationem. Tertius est earum, quæ occupantur circa exteriores actiones. In singulis autem horum graduum potest attendi præminentia, secundum quod una religio ordinatur ad altiore actum in eodem genere, sicut inter opera vitæ activæ potius est redimere captivos, quam recipere hospites: & in operibus vitæ contemplativæ potius oratio, quam lectio. Potest etiam attendi præminentia, si una earum ad plura horum ordinetur, quam alia, vel si convenientiora statuta habeat ad finem propositum consequendum.

*Sciendum III.* Quod perfectio non consistit essentialiter in paupertate, sed in Christi sequela. Paupertas autem est sicut instrumentum, vel exercitium perveniendi ad perfectionem, sicut supra dictum est, in quantum per remotionem divitiarum tolluntur quedam charitatis impedimenta, scilicet sollicitudo, amor divitiarum, & inanis gloria, vel elatio, quæ ex divitiis nascitur. Quorum primum, scilicet sollicitudo a divitiis non potest separari totaliter, sive sint magnæ, sive parvæ; sed solum diminui, si procurentur solum in modica quantitate, quantum sufficiunt ad simplicem victum. Alia vero duo, scilicet amor divitiarum, & elatio, seu gloriatio de divitiis, non consequuntur, nisi abundantes divitias. Differt tamen circa hoc, utrum divitiæ abundantes, vel moderate in proprio, vel in communi habeantur. Nam sollicitudo, quæ circa proprias divi-

tias adhibetur, pertinet ad amorem privatum, quo quis se temporaliter amat: sed sollicitudo, quæ adhibetur circa res communes, pertinet ad amorem charitatis, quæ non quaerit, quæ sua sunt, sed communibus intendit. Et, quia religio ad perfectionem charitatis ordinatur, quam perficit amor Dei usque ad contemptum sui, habere aliquid proprium perfectioni repugnat religionis: habere autem superabundantes divitias in communi est impedimentum perfectionis, licet non totaliter excludat eam: habere autem de rebus exterioribus in communi, quantum sufficit ad simplicem victum, perfectionem religionis non impedit, si consideretur paupertas per comparisonem ad communem finem religionum, qui est vacare divinis obsequiis.

*Sciendum IV.* Quod, si consideretur paupertas per comparisonem ad speciales fines religionum, sic præsupposito tali fine, paupertas major, vel minor est religioni accommodata; & tanto erit unaquæque religio secundum paupertatem perfectior, quanto habet paupertatem magis proportionatam suo fini. Manifestum est enim, quod ad exteriora, & corporalia opera vitæ activæ indiget homo copia exteriorum rerum: ad contemplationem vero pauca requiruntur. Unde Philof. dicit in 10. Ethic. c. 8. *Ad actionem multis opus est, & quanto utique majores sunt, ac meliores, pluribus. Speculanti autem nulla solum ad operationem est necessitas, sed solis necessariis indiget: alia vero impedimenta sunt ad speculationem.* Sic ergo patet, quod religio, quæ ordinatur ad actiones corporales activæ vitæ (puta, ad militandum; vel ad hospitalitatem sectandam) imperfecta esset, si communibus careret divitiis. Religiones autem, quæ ad contemplativam vitam ordinantur, tanto perfectiores sunt, quanto earum paupertas minorem eis solitudinem temporalium ingerit. Tanto autem sollicitudo temporalium rerum magis impedit religionem, quanto sollicitudo spiritualium major ad religionem requiritur. Unde

*Sciendum V.* Quod, sicut manifestum est, majorem solitudinem spiritualium requirit religio, quæ est instituta ad contemplandum, & contemplata aliis tradenda

per doctrinam, & prædicationem, quam illa, quæ est instituta ad contemplandum tantum. Unde talem religionem decet paupertas talis, quæ minimam sollicitudinem ingerat: manifestum est autem, quod minimam sollicitudinem ingerit conservare res usui hominum necessarias tempore congruo procuratas: & ideo tribus gradibus religionum suprapositis triplex gradus paupertatis competit. Nam illis religionibus, quæ ordinantur ad corporales actiones activæ vitæ, competit habere abundantiam divitiarum communium. Illis autem religionibus, quæ sunt ordinatæ ad contemplationem, magis competit habere possessiones moderatas, nisi simul oporteat, tales religiosos per se, vel per alios hospitalitatem tenere, & pauperibus subvenire. Illis autem, quæ ordinantur ad contemplata aliis tradenda, competit vitam habere maxime ab exterioribus sollicitudinibus expeditam. Quod quidem fit, dum modica, quæ sunt necessaria vitæ, congruo tempore procurata conservantur: & hoc Dominus paupertatis institutor docuit suo exemplo. Habebat enim in oculis Judæ commissos, in quibus recondebantur ei oblata, ut habetur Joan. 12. ad sustentationem discipulorum, aliorumque pauperum: & Apostoli post resurrectionem, a quibus omnis religio sumpsit exordium, pretia prædiorum conservabant, & distribuiebant, prout cuique opus erat. Qua de re S. Th. hic art. 7.

*Sciendum* vi. Quod solitudo, sicut & ipsa paupertas, non est ipsa essentia perfectionis, sed perfectionis instrumentum. Manifestum est autem, quod solitudo non est instrumentum congruum actioni, sed contemplationi, secundum illud Osee 2. *Ducam eam in solitudinem, & loquar ad cor ejus.* Unde non congruit religionibus, quæ sunt ordinatæ ad opera vitæ activæ, sive corporalia, sive spiritualia, nisi forte ad tempus exemplo Christi, qui, ut dicitur Luc. 6. *Exiit in montem solus orare.* Competit autem religionibus, quæ sunt ad contemplationem ordinatæ. Considerandum est autem, quod id, quod est solitarium, debet esse sibi per se sufficiens. Hoc autem est, cui nihil deest, quod pertinet ad rationem perfecti: & ideo solitudo competit contemplanti, qui jam ad perfectio-

nem pervenit. Quod quidem contingit dupliciter: Uno modo ex solo divino munere; alio modo per exercitium virtuosi actus, secundum illud ad Hebr. 5. *Perfectiorum est solidus cibum, eorum, qui pro consuetudine exercitatos habent sensus ad discretionem boni, & mali.*

*Sciendum* vii. Quod ad exercitium virtuosi actus juvatur homo ex aliorum societate dupliciter. Uno modo quantum ad intellectum, ut instruat in his, quæ sunt contemplanda. Secundo quantum ad affectum, ut scilicet noxiæ affectiones hominis reprimantur exemplo, & correptione aliorum. Et ideo vita socialis necessaria est ad exercitium perfectionis: solitudo autem competit jam perfectis. Sicut ergo id, quod jam perfectum est, præminet ei, quod ad perfectionem exercetur: ita vita solitariorum, si debite assumatur, præminet vitæ sociali. Si autem absque præcedenti exercitio talis vita assumatur, est periculosissima, nisi per divinam gratiam suppleatur, quod in aliis per exercitium acquiritur, sicut patet de beatis Antonio, & Benedicto. Unde dicit Hier. ad Rusticum. *De nido monasterium bujuscemodi voluit egredi milites, quos eremi rudimenta dura non terream, qui specimen conversationis suæ multo tempore dederunt.* Qua de re S. Thom. hic art. 8.

## CAPUT XIII.

*De his, quæ pertinent ad ingressum religionis.*  
2. 2. quæst. 189.

**D**Einde considerandum est de his, quæ pertinent ad ingressum religionis. Et primo de his, quæ professionem solemnem religionis præcedunt. Secundo de ipsa professione solemni religionis. Tertio de consequentibus professionem solemnem religionis. Circa primum igitur

*Sciendum* i. Quod, sicut ex supra dictis patet, status religionis est quoddam spirituale exercitium ad consequendam charitatis perfectionem, quod quidem fit, in quantum per religionis observantias auferuntur impedimenta perfectæ charitatis. Hæc autem sunt, quæ implicant affectum hominis ad terrena. Per hoc autem, quod affectus hominis implicatur ad terrena,

G 3 non

non solum impeditur perfectio charitatis, sed interdum etiam ipsa charitas perditur, dum per inordinatam conversionem ad bona temporalia homo avertitur ab incommutabili bono mortaliter peccando. Unde patet, quod religionis observantia, sicut tollunt impedimenta perfectæ charitatis, ita etiam tollunt occasiones peccandi: sicut patet, quod per jejunium, vigiliis, & obedientiam, & alia hujusmodi, retrahitur homo a peccatis gulæ, & luxuriæ, & quibuscumque aliis peccatis. Et ideo religionem ingredi non solum expedit his, qui sunt exercitati in præceptis, ut ad majorem perfectionem perveniant: sed etiam his, qui non sunt exercitati, ut facilius peccata vitent, & perfectionem assequantur. Unde Dominus Matthæum publicanum, qui in observantia præceptorum exercitatus non erat, advocavit ad consiliorum observantiam. Dicitur enim Lucæ 5. *Religiosis omnibus secutus est eum.*

*Sciendum II.* Quod, sicut supra dictum est, cum de voto ageretur, unum, & idem opus ex voto factum est laudabilius, quam si sine voto fiat, tum quia votum est actus religionis, quæ habet quandam excellentiam inter virtutes: tum quia per votum firmatur voluntas hominis ad bonum faciendum. Et, sicut peccatum est gravius ex hoc, quod procedit ex voluntate obclinata in malum: ita bonum opus est laudabilius ex hoc, quod procedit ex voluntate firmata in bonum per votum. Et ideo obligari voto ad religionis ingressum, est secundum se laudabile. Quod autem aliquis voti transgressor gravius ruat, hoc non derogat bonitati voti, quod de se non dat homini occasionem ruinæ: sed magis subtrahit: sicut nec derogat bonitati baptismi, quod aliqui post baptismum gravius peccent. Ille ergo, qui se obligat ad religionis ingressum, tenetur religionem ingredi, secundum quod se voto obligare intendit, ita scilicet, quod, si intendit se absolute obligare, tenetur, quam citius poterit, ingredi, legitimo impedimento cessante. Si autem ad certum tempus, vel sub certa conditione, tenetur religionem ingredi, tempore adveniente, vel conditione existente, sicut supra dictum est in tract. de voto.

*Sciendum III.* Quod obligatio voti ex

voluntate procedit. Nam votum voluntatis est, ut Augustinus dicit, & habetur in Decr. l. 3. tit. 34. c. magnæ, c. licet. In tantum ergo fertur obligatio voti, in quantum se extendit voluntas, & intentio voluntatis. Si ergo votum intendit se obligare non solum ad ingressum religionis, sed etiam ad perpetuo remanendum, tenetur perpetuo remanere. Si autem intendit se obligare ad ingressum religionis causa experiendi cum libertate remanendi, vel non remanendi, manifestum est, quod remanere non tenetur. Si vero in votum simpliciter de ingressu religionis cogitavit absque hoc, quod cogitaret de libertate exitus, vel de perpetuitate remanendi, videtur obligari ad ingressum religionis secundum formam juris communis, quæ est, ut ingredientibus detur annus probationis: unde non tenetur perpetuo in religione permanere. Si tamen intrat, ut statim exeat, non videtur satisfacere voto suo, quia ipse in votum hoc non intendit, & ideo tenetur mutare propositum, ut saltem velit experiri, an ei expediat in religione remanere, non autem tenetur ad perpetuo remanendum.

*Sciendum IV.* Quod, sicut patet ex dictis, votum simpliciter ingressum religionis, tenetur habere propositum, ut saltem velit experiri, an ei expediat in religione remanere: in hoc autem proposito virtualiter includitur intentio remanendi, si facta experientia prudenter judicet esse sibi expediens illa religio: ergo ex vi voti facti tenetur remanere in religione, purificata conditione: & ideo, si absque rationabili causa retrocedat, reus est fracti voti, ut notat Cajet. Sicut enim religio non potest absque rationabili causa eum ejicere, quoties probat esse idoneum, & aptum iugo religionis ferendo: ita & ipse votum, ex vi voti non potest religionem absque justa causa delinere, & peccaret mortaliter non remanendo, ratione voti. Hæc est ergo differentia inter ingressum ex voto, & ingressum absque voto; quod ista, si absque justa causa recedat, notatur tantum defectu inconstantia, alter vero perfidie in Deum. Uterque autem, si exeat ex aliqua rationabili causa, nullo modo peccat apud Deum, nec dat scandalum proximis, quantum est ex parte sui, quia facit, quod licitum est sibi

sibi facere, & expediens ei propter rationabilem causam, puta infirmitatem, aut debilitatem, aut aliud huiusmodi.

*Sciendum* v. Quod duplex est religionis votum. Unum simplex, quod consistit in sola promissione Deo facta, quæ ex interiori mentis deliberatione procedit. Et hoc votum habet efficaciam ex jure divino. Quod tamen dupliciter impediri potest. Uno modo per defectum deliberationis, ut patet in furiosis, quorum vota non sunt obligatoria, ut habetur extra de regularibus & transuentibus ad relig. Decr. 3. tit. 31. cap. Sicut tenor. Et eadem est ratio de pueris, qui nondum habent debitum usum rationis, per quem sint doli capaces, quem quidem pueri habent, ut frequentius, circa quantum decimum annum: puellæ vero circa duodecimum, qui dicuntur anni pubertatis. In quibusdam tamen anticipatur, & in quibusdam tardatur secundum diversam dispositionem naturæ. Alio modo impeditur efficacia simplicis voti, si aliquis Deo voveat, qui non est propriæ potestatis, puta, si servus etiam usum rationis habens voveat se religionem intrare, aut etiam ordinetur, ignorante domino, potest enim hoc dominus revocare, ut habetur in Decr. dist. 54. c. Si servus. Et, quia pueri, vel puellæ infra pubertatis annos naturaliter sunt in potestate patris quantum ad dispositionem suæ vitæ, poterit pater votum eorum revocare, vel acceptare, si sibi placuerit, ut expresse dicitur de muliere Num. 30. Aliud autem est votum solemne, quod facit monachum, vel religiosum, quod quidem subditur ordinationi Ecclesiæ, propter solemnitatem, quam habet annexam. Et hoc ex jure novo Trident. non sortitur effectum, ut faciat profitentem esse religiosum, si fiat ante decimum sextum annum completum.

*Sciendum* vi. Quod, sicut dictum est in 2. p. cum de pietate ageretur, parentes habent rationem principii, in quantum huiusmodi: & ideo per se eis convenit, ut filiorum curam habeant. Et propter hoc non licet alicui filios habenti religionem ingredi, omnino prætermissa cura filiorum, id est non provolo, qualiter educari possint. Dicitur enim 1. ad Tim. 5. *Si quis juvenum curam non habet, fidem negavit, & est infideli deterior.* Per accidens ta-

men parentibus convenit, ut a filiis adjuvantur, in quantum scilicet sunt in necessitate aliqua constituti. Et ideo dicendum est, quod parentibus in necessitate existentibus, ita, quod eis commodè aliter, quam per obsequium filiorum, subveniri non possit, non licet filiis, prætermisso parentum obsequio, religionem intrare. Si vero non sint in tali necessitate, ut filiorum obsequio multum indigeant, possunt, prætermisso parentum obsequio, filii religionem intrare etiam contra præceptum parentum: quia post annos pubertatis quilibet ingenuus libertatem habet quantum ad ea, quæ pertinent ad dispositionem sui status, præsertim in his, quæ sunt divini obsequii, & magis est obtemperandum patri spirituum, ut vivamus, quam parentibus carnis, ut Apost. dicit ad Hebr. 12. Unde Dominus, ut legitur Matth. 8. & Luc. 9. reprehendit discipulum, qui volebat eum statim sequi intuitu paternæ sepulture. Erant enim alii, per quos illud opus impleri poterat, ut Christ. dicit ibid.

*Sciendum* vii. Quod ille, qui est obligatus ad aliquid certum, non potest illud licite prætermittere, facultate existente. Et ideo, si aliquis sit obligatus, ut alicui rationem ponat, vel ut certum debitum reddat, non potest hoc licite prætermittere, ut religionem ingrediatur. Unde superiores tenentur sub pœna etiam privationis officii, vocisque activæ, & passivæ, informationem capere, an volens ingredi religionem fuerit criminofus, aut ære alieno sit gravatus, juxta Bullas Sixti V. Cum de omnibus Ecclesiasticis ordinibus, Gregor. XIV. & Clem. VIII. Si tamen debeat aliquam pecuniam, & non habeat unde reddat, tenetur facere, quod potest, ut scilicet cedat bona sua creditori. Propter pecuniam autem persona liberi hominis secundum jura civilia non obligatur, sed solum res: quia persona liberi hominis superat omnem æstimationem pecuniæ. Unde licite potest exhibitis rebus suis religionem intrare, nec tenetur in sæculo remanere, ut procuraret, unde debitum reddat. Alia autem est ratio de servo: quia servitus est in pœnam peccati introducta; & ideo per servitutem aliquid admittit homini, quod ei competeret, ne scilicet libere de sua persona possit disporre: servus enim id,

quod est, domini est. Criminosus etiam, quia in persona obligatus est propter crimina, non potest religionem ingredi, nisi jam punitus, vel absolutus sit, & præstito prius iuramento de hoc.

*Sciendum viii.* Quod, sicut supra dictum est, obligatio voti perpetui præferatur omni alii obligationi. Obligari autem voto perpetuo, & solemnii ad vacandum divinis obsequiis competit proprie Episcopis, & religiosis. Presbyteri autem Curati, & Archidiaconi non obligantur voto perpetuo, & solemnii ad curam animarum retinendam: sicut ad hoc obligantur Episcopi. Unde Episcopi prælatum non possunt deferere quacumque occasione absque auctoritate Summi Pontificis, ut habetur extra de regularib. & transuentib. ad religionem, c. Licet. Archidiaconi autem, & Presbyteri curati possunt libere abrenunciare Episcopo curam eis commissam absque speciali licentia Papæ, qui solus potest in votis perpetuis dispensare. Unde manifestum est, quod Archidiaconis, & Presbyteris curatis licet ad religionem transire, ut habetur in Decret. 19. quæst. 2. c. Duæ sunt leges. Denique illegitimi, aut ob parentum genealogiam maculati, iure communi non prohibentur ingredi religionem. Unde licite possunt recipi, nisi obstat statuta particularia religionis. Pueri etiam ante annos pubertatis, licet proficere non possint, possunt tamen cum voluntate parentum in religione recipi, ut nutrantur ibidem, quod est valde expediens, secundum illud Threnor. 3. *Bonum est viro, cum portaverit iugum ab adolescentia sua.*

*Sciendum ix.* Quod inducentes alios ad religionem non solum non peccant, sed magnum præmium merentur. Dicitur enim Jac. ult. *Qui converti fecerit peccatorem ab errore viæ suæ, salvabit animam ejus a morte, & operiet multitudinem peccatorum.* Potest tamen contingere circa hujusmodi inductionem triplex inordinatio. Primo quidem, si violentè aliquis alium ad religionem cogeret, quod prohibetur in Decret. 20. quæst. 3. c. Quam pios. Et in Concilio Trident. sess. 23. cap. 18. de regularib. ubi etiam lata est sententia excommunicationis contra cogentes foras fieri, aut non fieri moniales: & contra, ad

id cooperantes. Secundo, si aliquis simoniacè alium ad religionem trahat, muneribus datis, ut prohibetur in Decret. 20. quæst. 2. c. Quam pios. Nec tamen ad hoc pertinet, si aliquis alicui pauperi necessaria subministrat in sæculo nutriendi eum ad religionem: vel si sine pacto aliqua munuscula tribuat ad familiaritatem captandam. Tertio, si mendacis eum alluciat. Imminet enim sic inducto periculum, ne, cum se deceptum invenerit, retrocedat, & sic fiant novissima illius hominis pejora prioribus; ut dicitur Lucæ 11.

*Sciendum x.* Quod circa ingressum religionis tria possunt considerari. Primo quidem ipse religionis ingressus secundum se: & sic certum est, quod ingressus religionis est melius bonum; & qui de hoc dubitat, quantum est in se, derogat Christo, qui hoc consilium dedit. Alio modo potest considerari religionis ingressus per comparisonem ad vires ejus, qui est religionem ingressurus. Et sic etiam non est locus dubitationis de ingressu religionis: quia illi, qui religionem ingrediuntur, non confidunt de sua virtute, sed in auxilio divino, secundum illud Ila. 40. *Qui sperant in Domino, mutabunt fortitudinem, assument pennas, sicut aquila, current, & non laborabunt, ambulabunt, & non deficiunt.* Si tamen sit aliquod speciale impedimentum (puta, infirmitas corporalis, vel onera debitorum, vel aliqua hujusmodi) in his requiritur deliberatio, & consilium cum his, de quibus speratur, quod prosint, juxta illud Ecclesiæ. 37. *Cum viro sancto assiduus esto.* Tertio autem modo considerari potest modus religionem intrandi, & quam religionem aliquis ingredi debeat: & de talibus potest haberi etiam consilium cum his, qui non impediunt.

*Sciendum xi.* Quod id, quod dicitur 1. Joan. 4. *Nolite credere omni spiritui, sed probate spiritus, si ex Deo sint;* locum habet in his, quæ dubia sunt, utrum spiritus Dei sint. Sicut dubium potest esse in his, qui jam sunt in religione, Utrum ille, qui religioni se offert, spiritu Dei ducatur, an simulate accedat. Et ideo B. Benedictus mandat in regula sua cap. 58. *Veniens ad religionem non sit facilis probandus ingressus: sed probandum est, an*  
[spirita]



*spiritus ex Deo sint.* Et ad hoc etiam datur tempus probationis, ut dicam in cap. seq. ut sic non sit facilis ad religionem ingressus; & accedentem probent, utrum divino spiritu moveatur. Sed illi, qui ad religionem accedunt, non potest esse dubium, an propositum de ingressu religionis in corde ejus exortum sit a spiritu Dei, cujus est hominem ducere ad terram rectam. Nec propter hoc ostenditur non esse ex Deo, quod aliqui retrocedunt. Non enim omne, quod a Deo est, est incorruptibile, aliquin creaturæ corruptibiles non essent ex Deo, ut Manichæi dicunt, neque etiam aliqui, qui habent a Deo gratiam, possent illam amittere, quod etiam est hæreticum.

## CAPUT XIV.

*De anno probationis professioni solemnī religionis præmittendo.*

**I**Nnoc. III. in Decr. l. 3. tit. de regularib. & transeuntib. ad relig. c. 1. & Concil. Trident. sess. 25. c. 15. statuerunt, ut ad professionem solemnem religionis admitrendus per annum integrum novitiatus religionem experiatur, & ipsam religio. Circa quod

*Sciendum* 1. Quod ad annum probationis quatuor conditiones requiruntur. Prima est legitima ætas, nimirum, quod recipiendus sit pubertatem nactus, quæ in viris incipit decimoquarto anno completo: in foeminis vero duodecimo anno completo. Quamvis autem in quibusdam pubertas anticipetur, & in quibusdam tardetur secundum diversam dispositionem naturæ, tamen si annus probationis fiat ante tempus pubertatis, quantumcumque aliquis habeat usum rationis plenum, vel sit doli capax, non habet suum effectum: quia Ecclesia respicit id, quod ut in pluribus accidit. Secunda conditio est, quod receptio novitii sit legitima, seu facta ab habente juridicam potestatem. Tertia conditio est, quod novitiatus fiat in loco ad hoc determinato sub directione magistrī. Quarta conditio est, quod novitiatus deferat habitum religionis ad valdum novitiatum peragendum, ut docent Lez. Peyr. Rodr. Azor. Quamvis hanc conditionem non esse

necessariam doceant Pal. Pelliz. Abbas, & alii apud Salmant.

*Sciendum* 11. Quod potestas recipiendi novitios jure communi competit prælatis immediatis, scilicet Abbatibus, Prioribus, Præpositis, & aliis hujusmodi, ut constat ex cap. de his, 4. quæ possunt a Prælat. ex consuetudine tamen, vel privilegio Nicol. III. cap. Exiit, de verb. signif. in 6. illam habent Generales in tota religione, Provinciales in tota provincia, & Superiores locales in sua domo, una tamen cum capitulo, nisi lex, statutum, aut consuetudo specialis obstat, ut notant Pelliz. Suar. Salmant. Si prælatus, & alius tantum sint in conventu, & uterque pro novitio suffragium ferat, valida erit receptio, quia totum jus capituli residere potest in uno solo, ut notat Gloss. in cap. 2. de postul. Qui semel est capitulariter admittus, potest excludi, & exclusus iterum admitti: peccaret autem prælatus absque justa causa id faciens, ut notant Peyr. Pelliz. Salmantic. Probabilius item videtur, quod peccaret mortaliter, si absque rationabili causa, petentem ab ingressu religionis excluderet, ut docent Capet. Suar. Lez. Salm. contra Sanch. Bordon. Rodrig. abuteretur enim potestate sibi tradita in edificationem, & non in destructionem religionis.

*Sciendum* 111. Quod intra Italiam, & insulis adjacentibus novitiatus debet peragi in domibus, vel monasteriis a Sede Apostolica, vel a prælatis de licentia Papæ designatis, ut testantur Lez. Pelliz. Bord. ex quadam bulla Clem. V. quam refert Naldus. In aliis autem regionibus valide fit in qualibet domo, vel monasterio intra ordinem ex c. 1. de regularib. in 6. Et ita declarasse sacram Congr. testatur Sanchez. Si quis tamen ex legitima licentia extra monasterium degit per aliquot menses, adhuc illi tale tempus computari debet, ob præsumptionem juris, quo, qui de legitima licentia degit extra monasterium, intra monasterium censetur commorari. Et ita docent Lez. Peyr. Pal. Pelliz. Sanch. Salmant. Videtur tamen probabilius oppositum, quia sic frustraretur finis legis, qui est, ut novitiatus experientiam sumat de religionis observantia, & religio experimentum sumat de novitio.

*Scien-*

*Sciendum* IV. Quod annus novitiatus debet esse integer, & computari mathematice de momento in momentum, ut docet probabilior sententia cum Suar. Sanch. Lez. Pelliz. contra Rodrig. & Peyr. Debet etiam esse continuus absque morali interruptione, ut ex pluribus probant Sanch. & Suar. & omnia privilegia in contrarium esse sublata a Trident. docent Pal. & Villal. contra Rodr. & Pelliz. Censetur autem interrumpi moraliter, quando novitius dimisso habitu exit a monasterio animo non redeundi, quia tunc censetur completa derelictio status, ut notant Dian. & Peyr. contra Less. & Garc. qui ducunt non interrumpi moraliter, si novitius poenitens facti post aliquos dies redeat. Si autem injuste expellatur a religione, & post aliquot menses, cognito errore, denuo recipiatur, dicunt Pelliz. & Bord. quod debet illi computari tempus præteritum peractum in probatione: immo etiam tempus intermedium, quo extra mansit. Denique non interrumpitur novitiatus per hoc, quod non conjugatur immediate cum professione, ut docent Sylv. Rodr. Salmant. contra Suar. Peyr. & ita declarasse sacram Congr. docent Sanchez, & Pelliz. Neque per hoc, quod novitius toto tempore novitiatus ægrotet, ut docent Suar. Sanch. Bord. neque per hoc, quod per multum tempus incidat in amentiam, ut est communis sententia: in quo casu, non esse tempus amentiae supplendum docent Pal. Bord. Salmant. contra Barb. Lez. Sylv.

*Sciendum* V. Quod semper, & in omni casu, etiamsi de una ad aliam religionem fiat transitus, debet integer, & continuus annus novitiatus præmitti ad professionem: & ita declarasse S. Congr. refert Barb. In uno tantum casu ex privilegio bullato a S. Pio V. concessio monialibus S. Domini- ci, & aliis per communicationem, valet professio emissæ ante completum annum novitiatus, scilicet in mortis articulo, ut docent Lez. Sanch. Peyr. contra Barb. Rodr. Portel. Si quis vero ficto animo novitium inchoavit, non est necesse, quod postea supplicet tempus transactum, si animus mutet, ut docent Suar. Sanch. Bord. Nec etiam est necesse, ut iteret novitium, qui fuit invalide receptus, sive defectus appareat ante, sive post profes-

sionem, quando postea fit habilis, ut docent Lez. Sanch. Portel. contra Navar. Rodrig. Sed notat Sanch. in tali casu dispensationem esse impetrandam, vel consensum capituli, tacito nomine religiosi, si nullitas sit secreta.

*Sciendum* VI. Quod novitius, sine ulla causa recedens a religione, non peccat mortaliter, ut est certum, quia nulla hic datur obligatio præcepti, aut voti: immo nec etiam venialiter peccat, habet enim in hoc omnimodam libertatem: nec tenetur, si bona fide ingressus est, solvere expensas factas a monasterio pro victu, & vestitu ipsius, nisi præciserit pactum expressum, aut tacitum, ut docent Pelliz. Pal. Villal. Si vero mala fide, & ficto animo ingressus sit, tenetur in conscientia solvere expensas, nisi obsequia ab ipso præstita, & necessaria monasterio, æquivalent dictis expensis: quia non debet ex sua culpa commodum reportare. Si vero novitius aliquid donet monasterio pro victu, & vestitu, tenetur monasterium illi egredienti restituere totum, præter id, quod pro rata temporis in victu, & vestitu consumpsit, ut patet ex Trident. sess. 25. c. 16. Quod, si monasterium renuat solvere, potest Episcopus etiam per censuras compellere ad restitutionem. Insuper, ne libertas exeundi minuat, statuit Trid. cit. ne ante professionem aliquid ex bonis novitii in notabili quantitate monasterio tribuatur, sub poena excommunicationis, tam contradantes, tutores scilicet, parentes, aut propinquos, quam contra recipientes: quam excommunicationem esse ferendam sententiae, docent Pelliz. Peyr. Salmant.

*Sciendum* VII. Quod novitii tenentur ad regulares observantias, non quidem directe, & per se, quia non sunt adhuc regulam professi: sed ex quadam decencia, & ne aliis scandalum generent, aut prævum præbeant exemplum, ut docent Suar. Sanch. Pal. Salmant. Per consequens non subjacent prohibitionibus, & poenis statutis generaliter contra religiosos, nisi specialiter exprimantur: quia licet in favorabilibus veniant nomine religiosi, non tamen in odiosis. Subjacent tamen jurisdictioni religionis eo modo, & non amplius, quo Clerici subdantur suis Episcopis in ordine ad debitam gubernationem, & directionem.

clio-

tionem in utroque foro : Sunt enim tempore novitatus exempti a jurisdictione tam Episcopali, quam laicali, & gaudent omnibus privilegiis, & exemptionibus, sicut alii religiosi, quia sunt in potestate religionis, & pars illius, ut declaravit Clemens VIII. & docent Sanch. Suar. Pelliz. Lez. Bord. contra Rodr. & Portel. Unde possunt absolvi a reservatis, sed solum ab approbato a Superiore ad audiendas confessiones novitiorum : licet possint etiam confiteri cuique approbato ab Ordinario, sive intra, sive extra religionem. Item possunt eligere sepulturam, quam, si non eligant, in monasterio, in quo decedunt, sepeliendi sunt ex consuetudine, & privilegio, ut ex communis docent Suar. Lez. Mirand. Salmant. Quæ omnia intelligi debent, si sincero, & non fido animo, religionis habitum sumperint, ut notant Salmanticens.

## CAPUT XV.

*De solemnitate a Tridentino requisita pro renunciationibus novitiorum.*

**D**Einde considerandum est de solemnitatibus requisitis a Concilio Tridentino pro valida renunciatione bonorum temporalium, quæ solet fieri a Novitiis in favorem tertii. Circa quod

*Sciendum* 1. Quod circa renunciationes bonorum temporalium, quæ sunt irrevocabiles in favorem tertii, ita statuitur in Trident. sess. 25. c. 16. de regular. *Nulla quoque renuntiatio, aut obligatio antea facta, etiam cum juramento, vel in favorem cujusvisque causæ piæ, valeat, nisi cum licentia Episcopi, sive ejus vicarii, fiat intra duos menses proximos ante professionem: ac non alias intelligatur effectum suum sortiri, nisi secuta professione. Aliter vero facta, etiamsi cum hujusmodi expressa renunciatione, etiam jurata, sit irrita, & nullius effectus.* Quod decretum comprehendit omnes donationes liberas inter vivos, omnes contractus lucrativos, omnem renunciationem quorumcumque bonorum temporalium, officiorum, dignitatum, & aliorum hujusmodi, etiam si fiant a majoribus sexdecim annorum, ne novitius libertatem exeundi amittat, eo, quod vi-

deat totam, vel majorem partem suæ substantiæ donasse, nec de facili eam recuperare posse, ut ex communi notant Barb. Salm. Pelliz.

*Sciendum* 11. Quod in prædicto decreto non comprehenditur testamentum, Codicillus, aut aliæ donationes causa mortis, quæ ex natura sua semper sunt revocabiles, & ideo novitio non adimunt libertatem exeundi a religione. Potest ergo novitius ante professionem testamentum facere, quando vult, absque solemnitate requisita a Trident. pro renunciationibus, quod, professione secuta, quæ est mors civilis, confirmatur, ut est certum apud omnes: nec revocatur per ingressum in religionem: nec religio succedit novitio morienti ab intestato, sed ejus legitimi hæredes, ut probabilior. fert sententia apud Salmant. In testamento, sicut etiam in renunciatione facta in subsidium causæ piæ, puta, ad dotandas virgines, potest novitius sibi reservare electionem personarum, quibus suus hæres, vel renunciarius debeat quot annisolvere certam summam, si id de licentia suorum superiorum faciat, dummodo non obstat statutum religionis. Potest etiam post professionem, testamentum, aut renunciationem a se factam declarare, ut docent Sanchez, Regim. Peyr. Probabile etiam est, in supradicto decreto non comprehendi renunciationes, quæ fiunt ante ingressum religionis, etiam si fiant intuitu ingressus, uti docent Garc. Vill. Lez. Barb. quia Trident. loquitur de religiosi, quales adhuc non sunt, qui religionem non sunt ingressi. Sed valde probabile est oppositum, attento fine talis decreti, uti docent Mol. Miran. Layman, Less. Fag. Azor. & alii apud Salmant.

*Sciendum* 111. Quod licentia Episcopi, vel ejus Vicarii requisita ad valorem renunciationis, sufficit, sive sit expressa, sive tacita, & ratihabitione de presenti, etiam si non sit in scriptis: immo etiam valida erit renuntiatio facta sub conditione, quod postea Episcopus eam approbet, purificata tamen conditione, ut docent Sanch. Pelliz. Garc. Invalida tamen erit, si fiat absque ulla licentia, etiam si fiat sub conditione secuturæ professionis, quia non servaretur solemnitas requisita a Trident. uti docent Miran. Portel. Laym. Sanch. Rodr. con-

contra Less. Pal. Barb. Mol. Ad ejus autem valorem, quando est facta cum debita licentia, sufficit, quod fiat bimestri ante tempus, quo poterat fieri professio, etiam si postea professio ob aliquam causam differatur, ut declaratum esse a sacra Congr. refert Barb. vel, si ratione mortis imminetis ex privilegio Pii V. anticipetur professio, poterit etiam tunc fieri renunciatio, ut docent Pelliz. Garc. Peyr. Pal. Salmant. contra Sanch. & Barbol.

*Sciendum* IV. Quod renunciatio inter vivos, facta cum solemnitate requisita a Trident. irrevocabilis est, utpote dum pendet conditio professionis securæ: poterit tamen revocari ratione ingratitudinis renunciarii in omnibus casibus, in quibus revocari possunt donationes inter vivos, sicut dictum in 2. parte. Et docent Laym. Pelliz. Si tamen non sequatur professio, per se ipsam cessat, ut patet expresse ex supra dicto decreto, etiam si renunciatio facta sit in favorem causæ piæ, aut ipsius religionis. Unde plures inferunt, quod nulla est talis renunciatio, etiam si professio non sequatur ratione præmaturæ mortis ipsius novitii. Ita Pelliz. Garc. Villal. Rodr. alique contra Less. Suar. Sanch. Salmant. Nam non existente conditione requisita a Trident. ad valorem renunciationis, hæc invalida est. Denique ad valorem renunciationis requiritur, quod professio secuta sit valida, uti notant Less. Villal. Pelliz. nam renunciatio valorem habet ex professione.

*Sciendum* V. Quod in supradicto decreto Tridentini comprehenduntur renunciationes beneficiorum Ecclesiasticorum, & pensionum, quas Novitius ante susceptionem habitus religiosi obtinuerat. Unde non vacant, nisi professione secuta, nec aliter vacare possunt: quare Episcopus non potest illa conferre ante Novitii professionem, sicut læpe declaratum est a sacra Congreg. teste Sanchez, qui addit valide posse Novitium de novo accipere beneficium Ecclesiasticum, quamvis illicita erit collatio illius, non autem pensionis, ut sentiunt etiam Less. & Peyrin.

*Sciendum* VI. Quod in dicto Decreto non continentur donationes parvi momenti etiam inter vivos, factæ etiam Monasterio, quia non possunt impedire libertatem egres-

sus, sicut notant Less. Garc. Suar. Nec etiam contractus onerosi, puta emptionis, venditionis, & alii hujusmodi, qui sunt utrinque lucrativi: bene vero comprehenduntur fidejussio, etiam pretio accepto. Mutuum non præstita cautione sufficienti a mutuario, vel ab aliis, ut declaratum esse a Sacra Congr. testatur Garcia. Item depositum, sicut & mutuum cum sufficienti cautione datum pignoratitia, aut fidejussoria, non comprehenduntur in dicto Decreto, affirmant Peyr. Sanch. Suar. Pal. contra Miran. Less. Pelliz. Laym.

*Sciendum* VII. Quod invalida est renunciatio hæreditatis nondum obtentæ, sed speratæ a patre, vel ab alio, ipso vivente, & non consentiente, si fiat in favorem determinatæ personæ, ne detur occasio machinandi mortem: quæ occasio, cum non habeatur, si fiat in favorem Monasterii, vel alterius causæ piæ, erit valida, uti docent Sanch. Pal. Pelliz. Valida tamen erit renunciatio juris jam acquisiti, etiam si fiat consanguineo, aut alteri determinatæ personæ, ut docent Sanch. Laym. & Anton. a Spiritu Sancto. Denique validæ sunt dictæ renunciationes, quæ sunt, servatæ forma Trident. a Novitiis, etiam si non observent solemnitates requisitas a jure civili, sicuti docent Mol. Suar. Garc. Rebel. Sanch. Salmant.

## C A P U T XVI.

### De solemnî professione Religionis.

**D**Einde considerandum est de ipsa professione solemnî religionis, in qua ingressus in religionem perficitur. Circa quod

*Sciendum* I. Quod professio religionis est contractus moralis, per quem homo voluntarie seipsum tradit Deo in determinata religione approbata ab Ecclesia, promittendo tria vota Paupertatis, Continentiæ, & Obedientiæ in perpetuum: idque, interveniente Prælati regularis consensu, qui nomine Dei illa acceptat. Duplex autem est, una expressa, alia tacita. Expressa est, quæ fit verbo, vel scripto, vel etiam nutibus consensum sufficienter exprimentibus; adeoque ad illam ex jure communi non requiritur formula verborum determin-

terminata, nec ex parte profitentis, nec ex parte acceptantis: fieri etiam potest per procuratorem, sicut matrimonium: nec ad illius valorem testes requiruntur, sed solum ad illius probationem in foro externo. Ad hoc autem, ut fiat licite, debet fieri absolute; si tamen fiat sub conditione, valebit, purificata conditione, sicut dictum est in 1. p. de Matrimonio. Tacita est, quæ signis, vel actionibus a jure canonico statuta, inducitur.

*Sciendum 11.* Quod duplex signum in jure canonico invenitur pro professione tacita inducenda, ad quæ alia reduci possunt. Primum est, si propriis professorum actibus sponte, & scienter te ingerat (puta, suscipiendo ordinem sacrum ad titulum paupertatis) ut declaratum est a Sacra Congr. anno 1609. teste Lezana. Requiritur autem, quod per triduum perseveret in tali exercitio actuum professorum in casu, quo habitum non deferat, ut notant Laym. Less. Sanch. Secundum signum est, si quis per triduum sciens, & prudens sponte deferat distinctissimum professorum habitum: quæ perseverantia non requiritur, si simul cum delatione habitus se professorum actibus ingerat, etiam si extra Monasterium degat, de licentia tamen Prælati, uti docent Sanch. Sylv. Rodr. Sed notandum est, quod ad professionem tacitam requiruntur, ut sit valida, omnes conditiones, quæ ad expressam requiruntur, de quibus infra dicetur. Insuper notandum, quod professio tacita non obligat hominem illi religioni, in qua proficitur, sed religioni in genere, ita, ut libere possit transire ad aliam, etiam laxiorem, ut constat ex cap. Statuimus, cap. Consultuisti, de regular. Unde & religio potest illum compellere ad profitendum expresse, & ipse religionem, ut expressam suam professionem admittat: quia sua interest, ut possit esse Prælatos, quod sine expressa professione fieri non potest ex cap. Nullus, de elect. in 6. & notant Pelliz. & Sanchez.

*Sciendum 111.* Quod ad valorem professionis requiritur, quod acceptetur legitime à Prælato potestatem habente. Sufficit autem, quod major pars Capituli consentiat, etiam si Prælati dissentiat, dummodo ipso proponente fiat Capitulum. Sed notandum primo, posse Capitulum gene-

rale, vel alii, ad quos spectat, condere statutum, ut professio nonnulli cum talibus conditionibus sit valida: immo adhuc nullo præcedente Decreto, si Conventuale Capitulum reciperet Novitium cum conditione expressa, quod non habeat aliquem defectum, protestando, se nolle consentire in professionem, stante tali defectu, erit nulla professio, si datur ille defectus. Si tamen detur statutum solum prohibens, non autem irritans professionem sine aliqua conditione factam, professio erit valida sine illa; ut ex communi notant Salmant. Notandum secundo, quod Superior Prælati non possunt admittere Novitium ad professionem sine consensu Capituli illius Domus, in qua Novitium peragit, nisi in casu, quo omnes Capitulares essent privati voce activa, ut notant Navar. & Bord. Si vero Prælati esset voce privatus, adhuc cum consensu Capituli potest ad professionem admittere, ipso tamen non infiragante. Denique, etiam si Prælati, vel omnes Capitulares essent excommunicati, suspensi, vel alio impedimento canonico irretiti, adhuc possunt valide Novitium ad professionem admittere, quia non est actus jurisdictionis, sed dominii, & consensus voluntarii ad contractum celebrandum, uti docent Sanch. Suar. Pelliz. Rodr. Salmant.

*Sciendum 1v.* Quod ex vi professionis religiosus transit in dominium, & potestatem religionis, ad obsequendum ei in omnibus, quæ sunt juxta regulam, constitutiones, & consuetudines legitimas illius: & simul religio tenetur illum alere, & gubernare, sicut mater filium, dominus subiectum, respublica civem: quia contractus est mutuus. Unde sequitur, quod religiosus professus tenetur obedire suis Prælati, & ob reverentiam Deo debitam ratione voti, quod pertinet ad latram; & ob reverentiam Prælati debitam ratione subjectionis, quod pertinet ad Duliam. Quare obedientia religiosi ad virtutem religionis pertinet, tanquam ad imperantem, & ad virtutem observantiae, tanquam ad principium proximum clientem. Ex alia parte Prælati tenentur ratione officii ex justitia providere subditos juxta regulæ præscriptum de necessariis ad victum, vestitum, & alia statui conventuali: & insuper invigilare, ut observent regulas sui

instituti; alias, si frequenter, & passim illas violari permittant, dum possunt impedire hujusmodi relaxationem, graviter peccant, etiam si tales regulæ religiosos particulares non obligent sub mortali: quia tenentur ex officio avertere grave damnum religionis, quod oritur ex eo, quod transgressiones subditorum non corriguntur, ut ex communi docent Salmant. Lug. Sanch. contra Rodrig.

*Sciendum v.* Quod plures effectus ex valida professione consequuntur. Primus est, quod status religiosus ex parte vinculi indissolubilis est ab intrinseco, & ex natura sua, ex parte quidem religiosi semper, ex parte vero religionis, quando professio est solemnis: an vero ab extrinseco dissolvi possit quoad vinculum per dispensationem; aliqui concedunt, inter quos Cajet. Sed D. Thom. id negat expresse 2. 2. q. 88. a. 11. Alter effectus, consequens professionem ex opere operato, est remissio plenaria omnium peccatorum quoad poenam illis debitam, ut colligitur ex cap. Quis aliquando, & docet D. Thom. 2. 2. q. 189. a. 3. ad 3. Si enim aliquis elemosynis factis potest statim satisfacere de peccatis suis, secundum illud Daniel. 4. *Peccata tua elemosynis redime*; multo magis in satisfactionem pro omnibus peccatis sufficit, quod aliquis se totaliter divinis obsequiis se mancipet per religionis ingressum, quæ excedit omne genus satisfactionis, etiam publicæ poenitentiae, ut habetur in Decr. 33. q. 1. c. Admonere. Unde legitur in visis Patrum, quod eandem gratiam consequuntur religionem intrantes, quam consequuntur baptizati. Imo hanc satisfactionem operari, quoties sincero, & ferventi animo ratificatur professio religiosa eo affectu, ac si de novo fieret, docent Laym. Pal. Peyr. Salm. contra Sanchez.

*Sciendum vi.* Quod tertius effectus professionis religiosæ est tollere irregularitatem ex defectu natalium quoad susceptionem quorumcumque ordinum: non autem in ordine ad prælaturas, nisi adjungatur dispensatio, quam ex privilegio dare possunt Prælati regulares, ut docent communiter Doctores apud Salmantic. Quartus effectus est tollere maculam delicti in ordine ad actus judiciales, puta testificandi, ut docent Lec. Pal. Pelliz. Quintus effectus est

liberatio a patria potestate in odiosis tantum. Sextus effectus est, quod, si ante parentis mortem fiat professio, præteritum abolet ingratitudinem, ob quam exheredari poterat, ut docent Sylv. Sanch. Pelliz. Lex. Septimus effectus est dirimere matrimonium ratum nondum consummatum. Octavus effectus est, quod in ipsam ex natura sua ipso facto commutantur omnia vota, & juramenta soli Deo facta, per quæ jus tertio non est acquisitum, ut habetur in Decr. lib. 3. tit. 34. cap. Scripturæ, & docet D. Thom. 2. 2. q. 189. ar. 3. ad 3. Quod verum est, etiam si religiosus habeat expressam intentionem illa non commutandi: quia vota religionis se habent, ut quid universale respectu omnium operationum particularium supererogationis, quæ cadere possunt sub aliis votis particularibus: posito autem universali supersuunt obligationes particulares, ut notat S. Tho. & cum eo Doctores communiter.

## C A P U T XVII.

*Quibus de causis professio religiosa sit nulla.*

**D**Einde considerandum est de causis irritantibus professionem religiosam, & omnino ejus efficaciam impediuntibus, & annullantibus. Circa quod

*Sciendum 1.* Quod omnes illi, qui vel a natura, vel a jure sunt inhabiles ad statum religiosum, de quibus dictum est in cap. 13. invalide profitentur. Item invalida est professio, quando ex parte admittentis non datur potestas legitima, vel quoad usum impedita. Tertio ex parte profitentis, si non habeat ætatem legitimam, quæ post Concilium Trident. debet esse annorum sexdecim completorum, & mathematicæ computandorum a die natiuitatis. Quarto, si aliquo jure impediatur, vel ex defectu conditionis a jure communi requisitæ, vel a statuto particulari religionis ad valorem professionis exactæ. Quarto, si professio fiat sub conditione substantiæ ipsius contraria, puta, retinendi proprietatem bonorum temporalium. Quinto invalida est professio facta ex metu gravi ex jure canonico, ut omnes fatentur cum D. Thom. 2. 2. q. 189. a. 5. Sexto invalida est, si fiat ex errore circa substantiam, &

ve talis error sit ex parte recipientis, five ex parte profitentis. Septimo nulla est in foro conscientie fida, & dolosa professio, defectu consensus. In dubio autem, an professio fuerit valida, necne, præsumendum est fuisse validam in utroque foro, quia professio stat pro ejus valore, ut ex communi docent Salmantic. tr. 14. cap. 1. quæst. 1.

*Sciendum* 11. Quod, si professio fuit nulla defectu ætatis, aut defectu integri anni probationis, nec etiam in vi voti simplicis obligat: quia ex Trident. sess. 25. c. 15. expresse habetur, nullam in tali casu parere obligationem. Item, si professus expresse intendat, se obligare per vota solum ut constituenta statum religionis, nullo modo manet obligatus, si professio sit nulla. E contra, si expresse intendat se obligare per vota independentem a statu religioso, manebit obligatus in vi voti simplicis, etiam si professio sit nulla. Si vero absolute fecit professionem, nihil expresse de uno, vel altero cogitando, & sit nulla ex aliquo alio capite, præter duo supradicta, adhuc obligari in vi voti simplicis aliqui dicunt: quia quando actus non valet eo modo, quo fit, valet eo modo, quo fieri potest, cap. un. de sponsalib. impub. in 6. cap. Quidam, cap. Placet, de conversat. conjug. ubi deciditur, quod conjugati professio facta absque consensu alterius conjugis, quæ profecto est nulla, obligat ad non petendum debitum, adeoque supponit obligare in vi voti simplicis. Ita Sanch. Lez. Navar. Alii vero id negant, quia quod nullum est, nullum potest parere effectum, ut patet de matrimonio, quod ex quocumque capite sit nullum, non valet nec etiam in ratione sponsalium. Ita Less. Cajet. Pal. Beech.

*Sciendum* 111. Quod præcisè per fluxum temporis non ratificatur professio nulla, ut patet ex reg. 18. juris in 6. sed requiritur novus consensus validus, & legitimus, ut patet in matrimonio nullo, & docent Pal. Lez. Peyr. Hunc autem consensum apponere debet ratificans professionem sciens, & volens. Si enim nesciat nullitatem professionis, quantumvis illam ratificet, erit semper invalida: quia intendit solum confirmare, quam supponit fuisse a principio validam, non abolita, sed ex falsa sup-

positione. Ita Pelliz. Garc. Bonac. Sanch. Sed, si nesciens invaliditatem professionis, eam ratificet eo animo expresso, ut, si ex aliquo capite invalida fuit, ex nunc saltem vult habere ratificatam, & validam, revalidatur, ut docent Pal. Pelliz. Less. Nec est in tali casu necesse iterare Novitiatum, si annus integer prolationis fuit peractus, quia jam satisfactum fuit intentioni Tridentini. Si vero annus probationis non fuit integer, supplendum est tempus omissum, quod fieri potest etiam inter profesos cum hac intentione: quia nec locus, nec habitus Novitiorum, nec eorum exercitia sunt de substantia Novitiatus, sed experimentum religionis, ejusve institutorum, ut docent Suar. Bonac. Peyr. Potest autem ratificatio fieri non solum expresse, sed etiam tacite, scilicet habitum professorum portando, & illorum exercitiis sponte se ingerendo, supposita tamen notitia nullitatis, quia his positis, præsumitur velle ratificare. Sed hæc præsumptio, dum non conflet de opposito animo, nisi post quinquennium non inducit in foro exteriori ex Trident. sess. 25. c. 14. facta vero ratificatione professionis, religiosus gaudet omnibus privilegiis, honoribus, antiquitatibus, ut si ab initio valide professus fuisset, ut tenent Bonac. & Salmant.

*Sciendum* 1 v. Quod ad hoc, ut professio nulla ratificetur, aliqui requirunt consensum utriusque partis exterioris explicatum, etiam si defectus sit solum ex parte unius, puta professi: quia prior consensus ex parte utriusque fuit nullus. Ita Azor. Pal. Basil. Pontius. Alii vero dicunt, quod, si defectus fuit ex parte utriusque, requiritur novus consensus exterioris manifestatum ex parte utriusque, quia prior consensus fuit nullus ex utraque parte. Si vero defectus fuit ex parte alterius tantum, sufficit, quod ex hac parte novus apponatur consensus: quia supponitur, quod altera pars adhuc perseveret in priori consensu, ut a simili dicitur de matrimonio revalidando. Sic Sanch. Suar. Less. Pelliz. Alii tandem probabilis dicunt, in nullo casu requiri ex parte utriusque novum consensum, sed sufficit, ut, qui nulliter professus est, novum consensum apponat: quia ex parte admittentis, etiam si consensus ab initio fuerit nullus ex aliquo capite, suppletur

pletur a Summo Pontifice, nomine prælati, & religionis dictam professionem acceptante, ob bonum pacis, & quietis religiosorum, ut patet ex cap. Significatum, de regul. cap. 1. eod. tit. in d. quod non currit in matrimonio. Ita Sylv. Navar. Peyr. Bonac. Salmant.

## CAPUT XVIII.

## De jure reclamandi ob nullitatem professionis.

**D**Einde considerandum est de jure reclamandi, quod habet nulliter professus. Circa quod

*Sciendum* 1. Quod Trident. sess. 25. cap. 29. de regular. sic decernit. *Quicumque regularis præstendat, se per vim, & metum ingressum esse religionem: aut etiam dicat, ante ætatem debitam professum fuisse, aut quid simile; velique habitum dimittere quacumque de causa, aut etiam cum habitu discedere sine licentia Superiorum, non audiatur, nisi intra quinquennium tantum a die professionis, & tunc non aliter, nisi causas, quas præstenderit, deduxerit coram Superiore suo, & ordinario. Quod, si autem habitum sponte dimiserit, nullatenus ad allegandum quacumque causam admittatur, sed ad monasterium redire cogatur, & tanquam apostata puniatur. Interim vero nullo privilegio sue religionis juvetur.* Sed, quia circa triplicem conditionem assignatam in hoc decreto, plures sunt difficultates, ideo aliqua notare oportet. Unde

*Sciendum* II. Circa primam conditionem (nimirum, ut non dimittat habitum, vel fugiat sine licentia ante reclamationem, vel lite pendente illius.) quod Concilium loquitur de eo, qui temere habitum dimittit. Quare, si ex iusta causa dimittat habitum, vel exeat, puta, quia non potest obtinere licentiam exeundi ad reclamandum, nisi habitu dimisso: vel, quia non permetteretur litem prosecui, vel a prosecutione impediretur, nisi fugiendo habitu deposito, non ob id amitteret jus, ut audiretur, nec ut apostata esset puniendus, ut notant Sanch. Less. Lez. Pelliz. Si quis vero temere habitum dimitteret, & postea reassumeret, post reas-

umptionem licitum esset ei reclamare, & audiendus esset, quia verba Tridentini interpretanda sunt, quamdiu ad monasterium non rediit, & habitum non induit, nullatenus ad allegandum quacumque causam admittatur, ut docent Sanch. Pal. Mirand. Villal.

*Sciendum* III. Circa secundam conditionem, (nimirum, quod causæ nullitatis deducantur coram superiore, & ordinario) quod nomine ordinarii intelligitur Episcopus, vel ejus vicarius, aut provisor sedis vacantis, vel Abbas habens jurisdictionem quasi Episcopalem respectu illius territorii, in quo situm est monasterium, ubi reclamans professionem emisit. Per prælatum autem regularem ille intelligitur, qui reclamantem ad professionem admisit, vel ejus successor, seu præfectus illius conventus, in quo professio facta est, & hoc ex jure communi, ut docent Barb. Pal. Sed ex jure particulari, & consuetudine religionum, videndum est ad quem prælatum revolvitur, seu cognitio talis causæ pertineat, ut tradunt Bord. Pelliz. De substantia autem hujus judicii est, quod ad illud tam ordinarius, quam prælatus regularis copulative concurrant, ut docent Barb. Pelliz. Salmant.

*Sciendum* IV. Circa tertiam conditionem, (nimirum, quod reformatio fiat intra quinquennium a die professionis enumerandum) quod decretum Concilii fundatur in præsumptione ratihabitionis tacite pro illo quinquennio, vel expresse: Unde solum locum habet pro foro externo, non vero pro interno, quando vere talis professio ratificata non est. Quare certus de nullitate professionis, non tenetur eam ratam habere, aut perpetuo in religione perseverare, ut docent Sanch. Pelliz. Lez. In dubio tamen tenetur stare professioni, quia pro hac stat præsumptio prudentissima Tridentini. Imo etiam cum sola opinione probabili suæ nullitatis, non poterit reclamare, si æque probabilem habeat opinionem valoris, quia possessio stat pro valore professionis. Sed cum opinione probabili nullitatis, poterit licite reclamare, ut docent Sanch. Dian. Garc. Judicium reclamationis inchoatum intra quinquennium, transacto quinquennio, poterit continuari; quia tempore opposi-

tuna



tupo fuit inchoatum, ut notant Bord. Pelliz. Salmant.

*Sciendum* v. Quod quinquennium numerandum est a die professionis, ut expresse dicitur in decreto Trident. Unde a dicta die currit tempus etiam ignorant nullitatem suæ professionis, aut impotent, vel impedito reclamare. Nam dictum decretum non fuit factum in odium negligentiae non reclamandi, sed in favorem religionis, ne litibus perturbaretur: quoties autem assignatur tempus in favorem, currit tempus ignorant, & impedito, ut dicit Glossa in cap. statutum, verb. numerandum, de præben. in 6. & docent Sanch. Barb. Navar. Alii vero dicunt, quod dictum decretum Trident. fundatur in præsumptione professionis ratificatæ intra quinquennium: hæc autem ratificatio non præsumitur in ignorante nullitatem, aut in impotente, vel impedito ad reclamandum: unde illi numerandum est quinquennium a die, quo cessat ignorantia, impotentia, & impedimentum. Ita Miran. Portel. Suar. Pal. Salmant.

*Sciendum* vi. Quod, transacto quinquennio, aliqui dicunt, clausam esse omnem viam reclamandi: quia Concilii decretum generaliter, & indistincte negat omnem audientiam. Ejus enim intentum est obviare litibus, & perturbationibus religionis, quibus certe non obviaret, si daretur audientia via extraordinaria restitutionis in integrum alleganti ignorantiam, vel impedimentum: & ita declaratum esse a Gregor. XIII. & a Sacra Congr. docent Portel. Paris. Zevall. Alii vero communiter docent, quod etiam transacto quinquennio datur locus in casu reclamandi via extraordinaria per beneficium restitutionis in integrum: quia decretum Concilii fundatur in præsumptione ratificatæ professionis, quæ præsumptio cessat in allegante impedimentum, impotentiam, vel ignorantiam. Satis autem sit intento Concilii, & declarationibus adductis per hoc, quod negetur audientia post quinquennium via ordinaria. Ita Sanch. Suar. Peyr. Salmant. qui notant, quod minores viginti quinque annis debent audiri per beneficium restitutionis in integrum, etiam si non habuerint impedimentum, aut impotentiam reclamandi, vel ignorantiam,

P. Soffetti Theol. Tom. V.

quia hic favor est a jure eis concessum ratione fragilis ætatis.

*Sciendum* vii. Quod ille, qui scit certo, se nulliter esse professum, tenetur in conscientia unum ex tribus eligere, vel reclamare, si potest: vel ratificare professionem; vel, si aliter non potest, se subducere si fieri potest absque scandalo, alias in conscientia non potest alimenta a religione percipere, suffragium ferre, prælaturas obtinere, sacris ordinibus initiari, sed peccaret graviter illos suscipiendo, & remaneret ab exercitio illorum suspensus, & si in eis ministraret, fieret irregularis: quia non habet titulum, nisi saltem paupertatis, ob quod ordinatur, cum verus religiosus non sit. Ita Portel. Bonac. Pelliz. Salmantic. Si autem sine nota, aut scandalo fugere non potest, nec de facili reclamare, nec nullitatem opportune probare, poterit in tali religione licite permanere, ordines recipere, imò absolvere a reservatis, & aliis privilegiis religionis uti, quia adest error communis, & titulus coloratus, & lex Ecclesiæ non obligat quando absque nota, incommodo gravi, aut scandalo impleri non potest. Ita Pelliz. Less. Peyr. Pal. Salmant.

*Sciendum* viii. Quod sciens certo nullitatem suæ professionis, si de facili possit reclamare, & nullitatem in foro externo probare, nec ab hoc impediatur, peccat mortaliter, & ut apostata est puniendus, si propria auctoritate fugiat, aut habitum dimittat: quia ageret contra decretum Ecclesiæ in re gravissima, & contra jus fori externi. Verum tamen est, quod, si semel exeat, nullatenus redire tenetur, etiam si per excommunicationem citetur: quia citatur non audiendus, sed puniendus ut apostata ex falsa præsumptione facti, scilicet, quod vere sit religiosus. Ita ex communi sententia Suar. Pal. Salmant. Si vero non possit de facili reclamare, vel reclamans sententiam habeat contrariam, potest licite fugere, habitum dimittere, uxorem ducere: non enim tenetur professionem ratificare, nec ad hoc in conscientia cogi potest a iudice, ut patet a paritate matrimonii nulli, & docent Sanch. Less. Laym. Pelliz. Navar. Suar. Peyr. In uno tantum casu tenetur professionem ratificare, quando scilicet ex sua culpa pro-

H tel.

fessio fuit nulla, quia nimirum scite professus est absque urgente causa: unde & iuste compelli potest a iudice ad professionem ratificandam, a paritate matrimonii, quia decepit religionem in re gravi. Ita Lez. Bonac. Rodr. Ang. Salmant.

*Sciendum 1x.* Quod, qui scite professus est, iusta interveniente causa, in foro externo non potest reclamare nec post, nec intra quinquennium: quia in foro externo non creditur juranti in suum favorem. Ita Sanch. Pelliz. & Ant. a Spiritu Sancto, qui tamen excipit casum, in quo habeat testes de sua scita intentione. Cæterum talis protestatio proderit tam in foro interno, quam externo, quando professio solum tacite facta fuit: tunc enim signa portationis habitus professorum, & exercitium actuum illorum cum declaratione intentionis contrariæ, non inducunt præsumptionem professionis tacitæ. At in professione expressa non sic, cum adsit factum contrarium declarationi, nisi ex urgente causa hoc factum esse probetur, puta ex gravi metu. Ita Sanch. Sylv. Navar. Salmant. Tabien. Religio autem potest ejicere, quem scit nulliter esse professum, & nolentem ratificare professionem, tam intra, quam post quinquennium, etiam post sententiam iudicis de validitate fundatam in falsa præsumptione, & hoc sine interventu ordinarii: quia hic solum requiritur quando religiosus vult sponte sua exire, & ex alia parte nulli facit injuriam in tali ejectione: & a fortiori potest permittere fugam, ut docent Sanch. Pelliz. Lez. Peyr. Salmant.

*Sciendum x.* Quod religiosus reclamans debet ali usque ad sententiam diffinitivam exclusive, quia usque tunc ut filius, & pars conventus judicatur, non vero potest. Unde summam debitam pro sententia non ad monasterium, sed ad ipsum solvere spectat, ut docent Bord. Pelliz. & Ant. a Spiritu Sancto, executi autem vi reclamationis restituenda sunt omnia bona relicta a consanguineis, & cognatis; non enim intuitu religionis, sed religiosi ratione cognationis, & consanguinitatis cedentur relicta: item quæcumque ex hæreditate, legato, donatione, renunciatio- ne, vel alio titulo religioni; vel aliis pervenerunt, quæ non nisi secuta valida pro-

fessione confirmantur, ut dictum est in cap. 15. Sed non tenetur religio illi reddere quæ acquisivit intuitu status religiosi, puta per conciones, lectiones, & hujusmodi. Ita Pelliz. Salmant. Bordon.

## C A P U T XIX.

*De potestate ejiciendi a religione incorrigibiles.* S. Thom. quodl. 12. a. 36.

**D**Einde considerandum est de his, quæ validam professionem religionis consequuntur. Et primo de potestate ejiciendi a religione incorrigibiles. Circa quod

*Sciendum 1.* Quod datur in religionibus potestas ejiciendi criminosos, ne alios inficiant: Quod juri naturali est conforme, quia bonum commune præferri debet privato, & praxis ipsa, & communis consuetudo religionum confirmat, & patet ex cap. Cum ad monasterium, de statu monach. & docet D. Tho. cit. ex illo Apostoli. *Auferite malum ex vobis, modicum enim fermentum totam massam corrumpit.* Ad hanc autem expulsionem, utpote quæ est poena gravissima, & spiritalis, ecclesia non procedit, nisi peccatum religiosi sit grave, scandalosum, & conjunctum cum contumacia in tali peccato, per hoc, quod religiosus criminosus ter punitus, vel monitus, non vult emendari, aut damnatus ob peccatum poenas ferre recusat, vel e carcere fugiat; vel denique ita vitis sit assuetus, ut nulla sit spes emendationis. Ita cum D. Tho. cit. Suar. Laym. Pal. Navar. Salmant. & alii contra Abb. Imol. Sylv. Godefr. alioque, quos refert Sanchez.

*Sciendum 11.* Quod ex decreto S. Congr. ex speciali mandato Papæ editum anno 1624. plura ad hanc expulsionem requiruntur. Primo, ut in posterum nullus dimittatur, nisi sit vere incorrigibilis juxta juris communis dispositionem, sublatis in hac parte statutis, & consuetudinibus cusculumque religionis, etiam a Sede Apostolica approbatis, & confirmatis: verum etiam unius anni spatium in jejuniis, & penitentibus probetur in carceribus, quo elapso, si non reliquerit, ejici possit. Secundo, quod hoc solum a Generali fiat de consensu sex Patrum definitorum, qui eli-

gan-

gantur in capitulo, & structo prius processu. Tertio, quod ejectioni, quamdiu non redierint ad religionem, in habitu clericorum incedant, atque ordinarii loci jurisdictioni, & obedientiæ subint: & proinde Generalis illico expulsiōis sententiam eidem ordinario notificare teneatur. Quarto exhortantur Superiores ad intentandum prius omnia media, ut respiciant prædicti.

*Sciendum 111.* Quod eadem S. Congr. quinto statuit, ut iidem Superiores nemini ex religiosus expulsi litteras testimoniales concedant, illos ad Sedem Apostolicam rejicientes, vel jubentes aliam ingredi religionem. Sexto, ut ejectioni extra religionem degentes sint perpetuo suspensi ab exercitio ordinum, sublata locorum ordinariis facultate dictam suspensionem relaxandi, vel moderandi: quamvis hæc poena sit, vel tantum comminatoria, vel non est in usu, ut notant Salmant. Septimo, quidquid in contrarium factum fuerit, irritum, & inane esse decernit. Octavo revocat omnia privilegia in hac parte. Insuper S. Congr. anno 1632. declaravit circa primum, quod, si religiosus, qui probatur in carceribus, interim fugiat, non ob id poterit statim ejici, sed puniri ferrea catena iterum in carcere, donec totum unum annum integrum in ipsa permaneat. Ubi ergo hæc decreta recepta sunt, nec consuetudine contraria abrogata, omnino servari debent.

*Sciendum 1v.* Quod ubi recepta sunt supradicta decreta, non potest ejici religiosus, qui in sua professione celavit aliquod impedimentum non irritans, quo cognito numquam esset admittendus ratione statuti ipsius religionis: quia talis religiosus non est vere incorrigibilis juxta juris communis dispositionem, sublati in hac parte statuti, & consuetudinibus cuiuscumque religionis. Sed præciscendo a prædicto decreto, aliqui dicunt, quod poterit expelli in poenam, quia religionem decepit celando impedimentum. Ita Verga, Sa, Ant. a Spiritu Sancto. Alii e contra id negant, quia potius zelo religionis, quam malitia, classe præsumitur; adeoque non est dignus hac poena gravissima; supposito tamen, quod post ingressum religionis aliud delictum non com-

miserit. Sic Sanch. Rodr. Pal. Bonac. Alii denique distinguunt inter impedimenta provenientia a gravissimis criminibus in sæculo commissis, de quibus Xistus V. Clemen. VIII. & Gregor. XV. loquuntur, quando criminosos in religione recipi vident, de quibus dictum est in cap. 13. & inter alia impedimenta. De primis affirmant, ejiciendos esse juxta primam sententiam: de secundis vero negant cum secunda sententia. Ita Patres Salmant. tract. 15. cap. 5.

*Sciendum v.* Quod illi, qui a religione fuerunt in perpetuum expulsi, votis substantialibus manent ligati; non tamen tenentur ad alias observantias regulares, quarum obligatio pro illo tempore suspenditur, utpote annexa actuali convictui cum aliis religiosus. Unde nec ad officium divinum recitandum tenentur, nisi sint ordinati in sacris, nec ad habitum religiosum, aut clericalem portandum: quia, præciscendo a prædictis decretis S. Congr., non datur lex de hoc, ut docent Less. Pelliz. Bonac. Sanch. Laym. Ad paupertatem tamen tenentur, unde dominium rerum acquirere non possunt, sed quidquid acquirunt monasterio, debetur post mortem illorum ex jure communi: sed ex constit. Gregor. XIII. cameræ Apostolicæ, licet in vita eis concedatur libera administratio in quoscumque usus licitos, ut notant Pal. Bonac. Sanch. Item ex voto obedientiæ adhuc continentur sub prælatorum regularium dominio: & ideo cogi possunt, ut redeant: item sub obedientia Episcopi, cui Papa censetur suas vices committere, ut docent Navar. Suar. Pal. Probabile tamen est, quod ex vi votum non subjiciantur ordinario, sed sicut alii Clerici, ejus jurisdictioni, ut docent Sanch. Lez. Rodr. Azor.

*Sciendum vi.* Quod religiosus expulsus tenetur, non solum ex generali obligatione charitatis mores corrigere, sed etiam ex speciali suæ professionis, ita, ut per ipsum non stet quominus iterum recipiatur, si religioni placuerit, licet religio ad hoc cogi non possit, ut docent Suar. Laym. Lez. Bonac. Salmant. & alii contra Navar. Rodr. Azor. Tolet. Sayr. Nec sine licentia suorum prælatorum potest ejectionis prædicare, confessiones audire, aut doce-

re, & hoc privilegio Innoc. VI. Clem. IV. & Julii II. sicut referunt Peyr. & Calarub. Imo in sæculo manens est infamis infamia facti, ut tenent Miran. Rodr. Pelliz. Non tenetur ejectionis ad aliam religionem transire, cum suæ tantum se obligaverit: quia tamen suæ voluntati relictus est, poterit libere propria auctoritate ad quamcumque transire, ut docent Pelliz. Pal. Bonac. Sanch. Salmant. contra Suar. Lez. Angel. Denique non tenetur religio etiam correctum denuo recipere, supposita iusta sententia perpetuæ expulsiōis, ut docent Sanch. Suar. Rodr. Azor. Si autem detur decretum Sacræ Congr. sub Urban. VIII. præcipiens annuatim quære ejectionis, non esse usu receptum notant Salmant. tract. 15. cap. 5.

## CAPUT XX.

*De Religiosis apostatis, & fugitivis.*

**D**Einde considerandum est de religiosis apostatis, & fugitivis. Circa quod

*Sciendum* 1. Quod apostasia a religione est recessus, quo religiosus professus deserit monasterium animo excutendi in perpetuum obedientiæ jugum, seu deserendi statum religiosum. Unde, qui vel ob merum prælati, vel ob vagandi voluntatem, sipe licentia prælati recedit a monasterio eo animo, ut ad tempus sit extra potestatem, ac obedientiam religionis, in foro conscientiæ non est apostata, sed fugitivus, adeoque coram Deo non subiacet pœnis pro apostatis in iure assignatis, ut ex communi notant Salmant. In foro autem externo, tunc apostata religiosus præsumitur, & ut talis pœnis in iure assignatis pleciendus judicatur, quando per multum tempus extra monasterium vagatur: e contra apostata non præsumitur, sed solum fugitivus, qui per breve tempus extra vagatur. Ex circumstantiis enim judicatur in foro externo, quarum una est, si habitu dimisso in fuga capiatur: ipsi enim in tali casu incumbit probare, non animo se subtrahendi in perpetuum fugisse. Unde in Trident. sess. 25. cap. 4. de regular. statuitur, religiosos absque licentia a monasteriis recedentes, posse ab ordinariis puniri tamquam desertores sui in-

stituti. Quæ dicta sunt ex iurē communi, nam quis ex iure speciali iudicandus sit apostata, vel fugitivus, unusquisque ex statutis sui ordinis scire potest.

*Sciendum* 11. Quod apostatæ ex vi solius apostasiæ nullam aliam pœnam incurrunt ipso facto, nisi excommunicationem, a qua non possunt absolvi, nisi a Summo Pontifice, vel a Generali sui Ordinis, vel ab eo, cui Generalis commiserit, ut est certum apud omnes; siue hæc excommunicatio ex iure communi sit imposita, ut plures docent, siue ex diversis privilegiis religionibus concessis. Hanc etiam excommunicationem incurrunt, qui apostatæ a religione cooperantur, scilicet consulentes, mandantes, recipientes, defendentes, aliove modo auxilium præbentes ad fugam, vel illius perseverantiam, reservata absolutione Summo Pontifici, vel Prælati illius Religionis, ut supra dictum est, ob diversa privilegia Religionibus concessa ab Innoc. IV. Leon. X. Pio V. ut docent Lex. Rodr. Miran. Pelliz. Peyr. Hanc excommunicationem non incurrunt fugitivi, nisi habitum temere dimittant: quamvis ex privilegiis, illam incurrere doceant Pelliz. Lez. Navar. Suar. Consequenter autem, tam apostatæ, quam fugitivi, remanent suspensi ab exercitio ordinum, quos jam susceperunt, & a suscipiendis aliis ordinibus, quos, si in apostasia susceperint, incurrunt suspensionem in perpetuum ab exercitio illorum, si sacri sunt, ex cap. fin. de apost. Præter has, nullas pœnas de facto incurrunt, unde non privantur privilegiis suæ religionis, ut notant Salmant.

*Sciendum* 112. Quod, sicuti ex dictis colligitur, si religiosus recedat a monasterio sine licentia, animo accedendi ad Superiores, ut aliquid ab ipsis obtineat, vel ut conqueratur de inferioribus prælati, & recta via ad Superiorem tendat, non est vere apostata, vel fugitivus, quia non animo vagandi, aut excutendi jugum obedientiæ fugit. Peccat tamen mortaliter, quia Trident. sess. 24. c. 4. de regular. interdicit religiosi recessum a suis conventibus absque licentia Prælati, etiam prætextu Superiores suos adeundi, nisi ab eis fuerint vocati. Quamvis, si certo constaret, vexationem fuisse injustam, & nulla  
ab

alia via, nisi fugiendo ad superiores, posse evadi, non esset peccatum, saltem mortale, talis fuga: quia Concilium noluit justam defensionem tollere, quæ jure naturali ab omni lege concessa est; uti notant Sanch. Lez. Pelliz. Bonac.

*Sciendum* IV. Quod, si religiosus damnandus esset capite, mutilatione, vel ei cibis negetur, vel alia necessaria ad sustentationem vitæ, etiam si justè id fieret, adhuc licite posset fugere e custodia, non animo vagandi, sed se superioribus, vel Summo Pontifici præsentandi ac misericordiam implorandam: quia ex jure naturæ conservandi vitam, licitum est tales pœnas, etiam si justas, fugere, sive ante, sive post sententiam, aut præceptum, ut cum D. Thom. docent Sot. Sylv. Valq. Sanch. Probabile etiam est, quod liceat ei fugere, si justè damnatus est ad perpetuum carcerem, vel triremes, quia est mors prorogata, & continua, ut docent Ban. Bonacin. Pelliz. Antonius a Spiritu Sancto contra Salmant. Rodr. Peyr. Sanch. Lez. qui dicunt esse probabilius oppositum, quia reus tenetur obedire præceptis justam pœnam imponentibus. Hoc certum est, quod alias pœnas mitiores, & justas, reus patienter sustinere tenetur, & peccaret mortaliter religiosus illas fugiens, etiam si prætextu recurrendi ad superiores, ut docent Sanch. Lez. Peyr. Bannez. Qua de re vide dicta in 2. p. tr. II. de Judiciis.

*Sciendum* V. Possè prælatos regulares capere, incarceratione, & aliis pœnis afficere apostatas, & fugitivos, ut relapsant, si cuti constat ex cap. Nobis, de apostat. Quod etiam possunt extra provinciam, & etiam circa subditos alterius prælati ejusdem Ordinis, invocato etiam, si opus est, brachio seculari, & hoc ex variis privilegiis bullatis, quæ referunt Rodr. Peyr. Pelliz. Tenentur autem prælati regulares summo studio perquirere apostatas, & fugitivos (si forte sit spes illos inveniendi, & sine notabili religionis dedecore fieri possit) enixeque procurare, ut a tali statu perditionis extrahantur, & ad religionem restituantur, tum ex jure naturali obligationis sui officii, tum ex cap. fin. de regular. & ex bulla Pii IV. contra apostatas; etiam si ob eorum incorrigibilitatem postea ejiciendi essent, quia auctoritate superioris,

P. Soffetti Theol. Tom. V.

& non propria, debent a religione separari, forte enim vexatio dabit illis intellectum. Si autem prælati regulares in hoc desides sint, aut negligentes, & non adfit monasterium in illis diecesibus, in quibus reperiuntur apostatæ, & fugitivi, hoc munus Episcopis committitur a Tridentin. sess. 25. c. 4. ut notat Lez. & Sacra Congr. jussu Urban. VIII. decrevit, ut sive habitum portent, sive non, possint, ac debeant ab Episcopo loci, ubi moram faciunt, in carcerem conjici, ac superioribus regularibus consignari, secundum sua instituta puniendi.

*Sciendum* VI. Quod religio tenetur expensas factas pro illorum incarceratione, vel reditione solvere, quia in ejus bonum, & utilitatem exhibentur: non autem, quæ ab ipsis in fuga consumpta sunt, etiam ad sustentationem vitæ, cum non fuerint in bonum ejus. Melius enim religioni esset, quod talibus non darentur, ut fame pressi ad matrem redirent: ipse vero apostata, & etiam religio, si secum apostata bona ferat, tenetur ea solvere ex justitia, ut notant Sanch. Lez. Bona autem fugitivorum quocumque modo acquisita ( præterquam acquisita ex beneficio Ecclesiastico, quæ ad Ecclesiam pertinent. ) debentur religioni, si fugitivus ad eam redeat: Si vero extra religionem in apostasia, vel fuga moriatur, per modum spoli ad cameram Apostolicam pertinent ex decreto Gregor. XIII. relato a Cherubino. Quod, si ante mortem ea tradat religioni, non tenetur religio illa restituere cameræ, nisi post sententiam judicis, quia talis applicatio bonorum facta cameræ est pœnalis, ut docent Lez. Peyr. Rodr. Suar.

## C A P U T XXI.

*De dimittentibus temere habitum religionis.*

**D**Einde considerandum est de religiosis, qui habitum religionis temere dimittunt. Circa quod

*Sciendum* I. Quod religiosi tacite, vel expresse professi debent habitum suæ religionis portare, tanquam signum suæ professionis, ut eis præcipitur in cap. 2. Ut periculosa, de selig. donib. nec temere illum

illum dimittere. Si quis autem horum temerarius violator extiterit, excommunicationis ipso facto incurrit sententiam, ut dicitur in cit. cap. sed sub hoc decreto non comprehendi religiosi militares, pluribus docent Salmant. contra Pelliz. Rodriq. & Ant. a Spir. Sancto. Id certum est, apostatas, & fugitivos hanc excommunicationem non incurere, si habitum religionis non dimittant, ut docent Lez. Navar. Sanch. Ad incurrandam vero huiusmodi excommunicationem requiritur, quod dimissio habitus sit temeraria. Non dicitur autem temerarie dimittere, qui ex ignorantia craf-  
sa, dummodo non affectata, vel ex levitate, timore, aliave causa, licet non sufficienti, dimittit: & multo minus si ex iusta causa, & rationabili dimittat. Unde

*Sciendum* 11. Quod, si religiosus dimittat habitum, ut liberius prædicet in terris infidelium, vel, ne ab illis deprehendatur, vel, ne ab inimicis insequentibus cognoscatur, non peccat, nec incurrit excommunicationem. Item, si ex usu introducto in aliquo conventu, intra claustra habitum dimittat propter æstivos calores, non peccat, quia temere non dimittit. Nec contra hoc præceptum peccat, qui post patrarum delictum, occultat, vel dimittit habitum, ne a proprio superiore capiat, aut puniatur: & multo minus si illum dimittit quando iniuste vexatur, ut securus fugiat, & se præsentet superiori majori, ut docent Pelliz. Portel. Idem asserunt Sanch. & Pelliz. de religio-  
so, qui, ne cognoscatur in delicto committendo, dimittit habitum, & alium assumit, causa vitandi scandali.

*Sciendum* 111. Quod, si religiosus dimittat habitum, alium autem diversum non induat, non dicitur proprie dimittere: quia hæc est nudatio, ac spoliatio, non autem dimissio, quæ sit causa vagationis, quia non solent tales vagare nudi, aut indecenter vestiti, ut notant Navar. Rodr. Sanch. Si vero, retento habitu, superinduat secularem, ita, ut nullo modo exterius appareat habitus religiosus, ut sic liberius incedat, licet peccet ob occasionem vagandi, quam assumit, probabile tamen est, quod non incurrat hanc excommunicationem, ut docent Sayr. Suar. & Ant. a Sp. Sancto. Sed aliis probabilius

videtur oppositum, quia formaliter dimittit habitum, qui ut signum religionis est institutus. Ita Sanch. Navar. Lez. Salmant.

*Sciendum* 1v. Probabile esse, quod religiosus non incurrat hanc excommunicationem, si dimisso habitu propriæ religionis, alterius religionis habitum induat, animo in ea vivendi, non vero evagandi. Ita Sanch. Rodr. Pelliz. Lessi. Sed probabilius est oppositum, quia vere habitum suæ religionis dimittit, ut docent Pal. Sylv. Suar. Salmant. Denique, quoties dimissio habitus est temeraria, & per se occasio evagandi, etiam si sit intra claustra, inducit excommunicationem, ut docent Sylv. Sayr. Sanch. Salmant. contra aliquos. Datur tamen in hoc parvitas materiæ, quia non censetur moraliter dimittere habitum, qui brevi tempore illum dimittit, ut docent Sanch. Tol. Sa, Azor. Pelliz. Salm. alique contra Lez. Sylv. Sayr. Pal. Suar.

## C A P U T XXII.

*Utrum liceat de una religione transire ad aliam.* S. Thom. 2. 2. qu. 189. a. 8.

**I**N Decret. 20. qu. 4. dicitur, cap. *Virgines sacre, si pro lucro animæ suæ propter districtiorem vitam ad aliud monasterium pergere disposuerunt, ibique commanere decreverunt, sancta Synodus concedit.* Et eadem ratio videtur esse de quibuscumque religiosus: ergo potest aliquis licite transire de una religione in aliam. Ad cuius evidentiam

*Sciendum* 1. Quod transire de religione ad religionem, nisi propter magnam utilitatem, vel necessitatem, non est laudabile, tum quia ex hoc plerumque scandalizantur illi, qui relinquuntur, tum etiam, quia facilius proficit aliquis in religione, quam consuevit, quam in illa, quam non consuevit, cæteris paribus. Potest tamen aliquis laudabiliter de una religione transire ad aliam triplici ex causa. Primo quidem zelo perfectionis religionis. Secundo propter declinationem religionis a debita perfectione. Tercio propter infirmitatem, vel debilitatem, ex qua interdum provenit, quod non potest aliquis ædulis religionis statuta servare, posset autem servare statuta laxioris.

*Scien-*

*Sciendum* II. Quod in dictis tribus casibus potest esse differentia. Nam in primo casu debet quidem propter humilitatem licentiam petere, quæ tamen ei negari non potest, dummodo constet, illam religionem esse arctiorem, & *præ prius superiori legitime consiliterit, eam religionem paratam esse eum recipere, qui licentiam petit, tuncque regularis vestra via se transferat ad arctiorem, ut decrevit sacra Congr. jussu Urbani Papæ VIII.* Si vero dubitetur, illam religionem esse arctiorem, est in hoc judicium Superioris requirendum, sine cujus licentia transitus fieri non poterit, ut habetur extra, de regular. & transferat ad arctiorem, ut decrevit sacra Congr. jussu Urbani Papæ VIII. Si vero dubitetur, illam religionem esse arctiorem, est in hoc judicium Superioris requirendum, sine cujus licentia transitus fieri non poterit, ut habetur extra, de regular. & transferat ad arctiorem, ut decrevit sacra Congr. jussu Urbani Papæ VIII. Si vero dubitetur, illam religionem esse arctiorem, est in hoc judicium Superioris requirendum, sine cujus licentia transitus fieri non poterit, ut habetur extra, de regular. & transferat ad arctiorem, ut decrevit sacra Congr. jussu Urbani Papæ VIII.

*Sciendum* III. Quod hujusmodi dispensatio transeundi ad laxiorem religionem valide concedi non potest absque justa causa, cum sit commutatio voti in minus. Cause autem justæ illam concedendi plures assignantur a Doctoribus. Prima est, si ex transitu speretur major spiritualis profectus. Secunda, si religiosus experiatur gravem difficultatem, & repugnantiam ad exercitiam suæ religionis. Tertia, si inique tractetur, vel despiciatur. Quarta, si ob delictum infamatus, magno inde rubore, & tristitia afficiatur in convivendo aliis. Quinta, si infirma sit valetudine. Sexta, si detur aliquod salutis spiritualis impedimentum: & alie similes causæ, quæ reducuntur ad tres supra assignatas a D.Tho. ut consideranti patebit.

*Sciendum* IV. Quod modo ex variis privilegiis religionum, quæ referuntur a Salmant. non licet transitus, sine licentia Summi Pontificis, etiam ad strictiorem religionem, excepto transitu ad Carthusiam. A statu autem laicorum ad statum Clericorum intra eundem Ordinem, potest licite dari transitus ex jure communi, etiam sine causa, quia est transitus ad statum perfectiorem, secundum illud Hieron. ad Rusticum monachum: *Sic vivis in monasterio, ut Clericus esse merearis.* Sed ex

decreto Sacræ Congr. jussu Clement. VIII. edito, & confirmato ab Urbano VIII. talis transitus prohibetur sine licentia Pontificis. E contra transitus de statu Clericorum ad statum laicorum, etiam ad strictiorem religionem fiat, illicitus est sine justa causa, cum sit commutatio voti in minus perfectum, adeoque dispensatione opus sit in lege divina, sicut docet S.Tho. ad 2. & ideo ad hoc nemo cogi potest, nisi in poenam delicti, quando adhuc ad sacros Ordines non est promotus, ut docent Lez. Pelliz. Suar. Navar.

*Sciendum* V. Quod, si quis transferit legitime ad aliam religionem, & in eam professionem emisit, jam liber manet ab omnibus obligationibus prioris religionis, exceptis votis substantialibus: neque prior religio tenetur amplius illum recipere; secus vero, si professionem in secunda non emisit. Dum tamen in novitiatu secundæ persistit, liber est ab omnibus observantiis primæ, quia est in via ad secundam, cum qua debet conformari: & ideo etiam bona, quæ acquirit post transitum, ad secundam pertinent, ut notant Salmantic. Sed hic notandum cum Pelliz. Less. Sanch. Bon. quod, si quis religiosus fiat eo animo transeundi ad aliam religionem, cum studiorum cursum perfecterit, vel ad Ordines promotus fuerit, peccat mortaliter, quia in re gravi religionem decipit, & ad restitutionem tenetur expensarum, quia peccat contra justitiam. Cum quo tamen stat, quod adhuc postmodum licite possit transire, si expediens sit suæ salutis.

*Sciendum* VI. Quod in Clement. I. Ut professores, de regular. plures quasi poenæ assignantur pro transeuntibus, etiam de licentia Papæ, a religionibus mendicantibus ad non mendicantes. Prima est, privatio vocis activæ, & passivæ. Secunda, privatio loci in capitulo. Tertia, inhabilitas ad quascunque dignitates, & officia, etiam lectoris, Syndici, & hujusmodi. Quarta, privatio loci honorifici debiti ratione antiquitatis. Ex decreto item Concilii Trident. sess. 14. c. 11. translatus de una in aliam religionem inhabilis fit ad beneficia etiam curata extra religionem obtinenda. Denique transiens de una ad aliam religionem, etiam strictiorem, non servato ordine juris, non solum fugitivus cen-

sendus est, ut docent Sanch. Lez. Bonac. Pelliz. sed etiam apostata, ut docent Salmant. Suar. Pal. quia recedit a sua religione in perpetuum: & ut tales appellatur a Greg. XIII. Paulo III. & Pio V. in bullis expulsi pmo Societate Jesu: & a Gregor. XIV. pro Carmelitis, ut testantur Salmanticenses.

### C. A. P. U. L. XXIII.

*Utrum religiosis liceat appellare a sententiis suorum Prælatorum.*

Consequenter ad ea, quæ pertinent ad ingressum religionis, considerandum est de his, quæ licite convenire possunt religiosis, vel non. Et primo, utrum eis licitum sit appellare a sententiis, & correctione suorum Prælatorum. Circa quod

*Sciendum* 1. Quod appellatio, quæ est recursus rei ab inferiori Prælato ad superiorem, causa gravaminis in sententia latæ, vel ferendæ, duplex est. Una proprie dicta, seu juridica, quia nimirum a jure introducta est quantum ad modum, & effectus illius, licet quantum ad substantiam sit de jure naturæ. Alia est improprie dicta, & est simplex querela, vel supplicatio facta a reo superiori Prælato, ut suam causam videat, & ad se advocet, inferiorem inhibeat ante sententiam, vel post illam rigorem temperet in totum, vel in partem. Hæc appellatio impropria nullo jure est prohibita religiosis, sed magis ipso jure naturali concessa: eamque proinde nullus Prælatus inferior licite impedire potest, nisi rationabilis causa addit: quia ex una parte subditus jns ad illam habet, & ex alia parte Prælato inferiori nullam facit injuriam, cum ejus jurisdictionem non limitet, aut suspendat, cum ejus effectus non sit suspensivus, sed solum devolutivus, ut ex communi docent Sanch. Sayr. Rodr. Pelliz. Suar. Lez.

*Sciendum* 1. Quod appellatio juridica ultra effectum devolutivum, habet etiam suspensivum. Sententiam enim, & jurisdictionem inferioris suspendit, taliter, quod, si aliquod postea in causa egerit, nullum sit, & irritum, l. Ex illa, l. Minime, Cod. de appellat. c. An sit, eod. tit. Excipitur censura jam lata absolute, quæ per

appellationem subsequentem non suspenditur, ut patet ex cap. Pastoralis, §. verum, de appellat. cap. Is evi, §. fin. de sent. excom. in 6. Apud Ecclesiasticos, & regulares faciendæ est appellatio coram Judice, qui sententiam tulit, intra decem dies a manifestatione sententiæ: & ad prosequendam appellationem annus integer a jure conceditur, qui terminus justa de causa prorogari potest usque ad biennium, quod tempus non cutrit impedito.

*Sciendum* 11. Quod a judicibus arbitris appellari non potest, ut probat D. Thom. 2. 2. q. 59. a. 3. ab aliis vero potest appellari tam a sententia interlocutoria, quando continet damnum irreparabile torturæ, excommunicationis, suspensionis, & interdicti, ut patet ex Trident. sess. 13. c. 1. de reform. imo etiam carceris, ut declaravit Sacra Congr. quam a sententia definitiva, quando reo constat certo, vel probabiliter esse injustam. Si vero constat certo, sententiam esse justam, peccabit mortaliter reus appellando juridice, quia judicem infamat in re gravi, & sine causa impedit ejus jurisdictionem, ut docet D. Tho. cit. Similiter peccat graviter Juxd ex non admitte appellacionem legitimam: quia & reo, & Superiori, ad quem est causa devolvenda, injuriam facit, ut notat Navar. In appellatione a sententia definitiva non est necesse exprimere in specie causam gravaminis, nisi in casibus, in quibus est interdicta appellatio: bene vero in appellatione a sententia interlocutoria, sive judicialis sit, sive extrajudicialis. Quibus suppositis,

*Sciendum* 1 v. Quod ex jure communi interdicta est religionis appellatio juridica a correctione suorum Superiorum, ut patet ex cap. ad nostram, de appellat. cap. reprehensibilis, cap. cum speciali in fin. eod. tit. Quæ jura intelligenda sunt, quando correctio legitime fit secundum regulam: secus vero quando modum excedit, quia tunc ex jure communi est illis permessa appellatio in cap. Super quæst. cap. de priori, de appellat. & docent Suar. Navar. Azor. Sanch. Ex multis autem privilegiis concessis religionibus a Bonif. VIII. Xisto V. Julio II. & aliis relatis a Sorb. Sanch. Lez. Omnis appellatio juridica, etiam ad sacram Congreg. etiam ad Sedem Apostolicam, religiosis interdictus. Hoc

autem,



autem intelligitur a correctione ordinaria Prælatorum, quamvis modum excedat, ut est certum apud omnes.

*Sciendum* v. Quod in causis gravissimis, & a sententiis infamiam, vel rigorosam poenam continentibus, etsi licita non sit religiosus appellatio, quando solum dubium est, vel probabile, sententiam esse injustam, vel Prælatus modum religiosæ disciplinæ excedere, ut est certum, alias supradicta privilegia nihil supra jus commune operarentur: attamen, quando injustitia est manifesta, & alias per simplicem recursum, seu per viam simplicis querelæ, non potest religiosus gravamen evadere, licitum est ei, nec per talia privilegia prohibitum, appellationem juridicam interponere, ut optime probant Vega, Lez. Peyr. Pelliz. Log. Bord. Quamvis Ban. Salon, & alii dicant, nunquam licere religiosus hujusmodi appellationem ex vi privilegiorum: sed talem appellationem illis concessisse Bonif. IX. Clem. VIII. Leon. X. & Xistum V. testatur Peyrin. falsitatis convincens illorum sententiam, juri naturali omnino contrariam, ut notant Salmant.

*Sciendum* vi. Quod dicta appellatio juridica in casibus, in quibus licita est, debet fieri hoc ordine, ut constet ex Bullis Pontificum, & declaravit sacra Congreg. pluries, ut refert Petrus ab Angelis: scilicet, ut a Priori appelletur ad Provincialem, ab isto ad Generalem, ab hoc ad Protectorem, & ab isto ad sacram Congregationem, & ab hac ad Pontificem. Qui ordo necessario observari debet, ut docent Petrus ab Angelis, Spatar. Peyr. Pelliz. Salmant. contra Dian. & Lezanam. Duæ tamen exceptiones fieri debent. Prima, quod non vitiat appellatio ratione non servatæ gradationis, quando immediate a iudice inferiori appellatur ad Papam, ut habetur cap. Ad Romanum 2. q. 6. Altera, quod, adveniente rationabili causa (puta, si iudex intermedius sit reo suspectus) potest non servari prædictus ordo: quod est juri naturali conforme, ut videre est apud Ludovicum de Amico in sua practica criminali, tit. 3. §. 4.

*Sciendum* vii. Quod ad Nuncium Apostolicum non potest fieri appellatio a religiosis, nisi hic habeat specialem commissionem, & extraordinariam jurisdictionem

a Summo Pontifice supra privilegia, & bullas de hac materia loquentes, ut docent supra citati Doctores. Appellare autem ad tribunalia secularia, vel etiam Ecclesiastica, quibus religiosi non subduntur, nullo modo possunt religiosi sub poena excommunicationis latæ sententiæ, ex Bonif. IX. Leon. X. & Gregor. XIII. ut refert Confectius. Denique in casibus, in quibus licita est appellatio juridica, licita est etiam recusatio juridica, ante sententiam cujuscumque Prælati, etiam Generalis, quando in tali causa valde suspectus est, quod ob passionem, vel inimicitiam rei, vel amicitiam partis, sit excessurus graviter, vel certitudine morali timetur injuste vexaturus. Ita Sanch. Pal. Peyr. Lez. Pelliz. Quando autem fieri possit recusatio: Quæ causæ sufficiant ad recusandum iudicem ordinarium, vel delegatum; Coram quo iudice causæ illæ cognoscendæ sint: Quo modo se debeat gerere reus recusans, aut ju- rex recusatur, & alia huc pertinentia, late tractant Peyrinus, & Petrus ab Angelis.

#### C A P U T XXIV.

*Utrum religiosi licent docere, prædicare, & alia hujusmodi facere.*

2. 2. q. 187. a. 1.

**G**regorius dicit, & habetur 16. qu. 1. cap. Ex auctoritate enim hujusmodi decreti, quod Apostolico moderamine, in pietatis officio nobis est constitutum, sacerdotibus monachis Apostolorum figuram tenentibus liceat prædicare, baptizare, communionem dare, pro peccatoribus orare, penitentiam imponere, atque peccata absolvere. Ad quorum evidentiam

*Sciendum* 1. Quod aliquod dicitur alicui non licere dupliciter. Uno modo, quia habet in se, quod contrariatur ei, quod dicitur non licere: sicut nulli homini licet peccare, quia habet in se quilibet homo rationem, & obligationem ad legem Dei, quibus contrariatur peccatum. Et hoc modo dicitur alicui non licere prædicare, vel docere, vel aliquid hujusmodi facere: quia habet in se aliquid, quod his repugnat, vel ratione præcepti, sicut his, qui sunt irregulares ex statuto Ecclesiæ, non licet ascendere ad sacros ordines: vel pro-

propter peccatum, secundum illud Ps. 49. *Peccatori autem dicit Deus: Quare tu enarras iustitias meas?* Hoc autem modo non est illicitum religiosus prædicare, docere, & huiusmodi facere: tum quia ex voto, & præcepto regulæ ad hoc non obligantur, quod ab his abstineant: tum etiam, quia non redduntur ad hoc minus idonei ex aliquo peccato commissio, sed magis idonei exercitio sanctitatis, quod assumpserunt, ut dicit Bonif. Papa, & habetur 16. q. 1. cap. Sunt nonnulli.

*Sciendum* 11. Quod alio modo dicitur aliquid non licere alicui, non propter contrarium, quod habeat, sed propter hoc, quod deficit ei, unde illud possit: sicut Diacono non licet Missam celebrare, quia non habet ordinem Sacerdotalem; & Presbytero non licet sententiam ferre, quia non habet Episcopalem auctoritatem. In quibus tamen est distinguendum, quia ea, quæ sunt ordinis, committi non possunt, nisi ei, qui ordinem habet: sicut Diacono non potest committi, ut celebret Missam, nisi fiat Sacerdos. Ea vero, quæ sunt jurisdictionis committi possunt eis, qui non habent ordinariam jurisdictionem; sicut prolatio sententiæ committitur ab Episcopo simplici Sacerdoti. Et hoc modo dicitur non licere monachis, & aliis religiosus prædicare, docere, & alia huiusmodi facere, quia status religionis non dat eis potestatem huiusmodi faciendi. Possunt tamen ista facere, si Ordinem accipiant, vel ordinariam jurisdictionem: aut etiam, si eis committantur ea, quæ sunt jurisdictionis. Quibus suppositis,

*Sciendum* 111. Quod religiosi, etiam si ad sacros Ordines non sint promoti, possunt prædicare in quibuscumque locis, Ecclesiis, aut plateis, & viis publicis, ut concessit Clemens IV. Minoribus, Xistus IV. Carmelitis, & Paulus III. Jesuitis, quod est conforme juri communi, & declaravit sacra Congr. his verbis: *Munus prædicationis committi potest etiam Clericis, qui non sunt in sacris Ordinibus constituti: non enim alicujus Ordinis sacri videtur abus esse.* Ex decretis autem Concilii Trident. sess. 5. c. 2. & Concilii Lateran. sub Leone X. sess. 1. debet regularis examinari, & approbati a suis Prelatis circa mores, & scientiam, ut munus prædicandi exer-

cere valeat: & sine illorum licentia nec etiam in Ecclesiis sui Ordinis prædicare potest: cum quæ licentia se personaliter Episcopo præsentare, & ab eo benedictionem petere teneatur antequam prædicare incipiat. In Ecclesiis vero, quæ suorum Ordinum non sunt, ultra licentiam suorum Superiorum, etiam licentiam Episcopi habere teneatur, sine qua in ipsius Ecclesiis, quæ suorum Ordinum non sunt, nullo modo prædicare potest. Petita autem benedictione, etiam si illam non obtineat ab Episcopo, potest in propriis Ecclesiis prædicare, ut declaravit sacra Congr. anno 1597. Cum licentia autem Episcopi potest in alienis Ecclesiis prædicare, etiam si contradicentibus Parochis, tum quia Episcopus superior est Parochorum; tum quia ita concessit Alexand. IV. Minoribus, & Prædicatoribus per bullam, quod postea confirmavit Xistus IV. Carmelitis, ut refert Casarubias..

*Sciendum* IV. Quod in duobus casibus certum est, regulares non posse prædicare etiam in propriis Ecclesiis, contradicente Episcopo, scilicet hora illa, in qua Episcopus voluerit prædicare, vel coram se facere solemniter prædicare, ut patet ex Clement. 2. d. 2. & Extravag. Inter cunctas. Et licet extra hos casus possint libere prædicare ex dictis juribus; tamen ex Trident. sess. 24. c. 4. habetur: *Nullus autem secularis, aut regularis, etiam in Ecclesiis suorum ordinum, contradicente Episcopo, prædicare presumat.* Et Greg. XV. in Constit. quæ incipit, *Inscrutabili*, dicit: *Ac demum habeat Episcopus, tanquam dilectæ Sedis delegatus, auctoritatem coercendi, ac puniendi quoscumque exemptos, tam seculares, quam regulares, qui in alienis Ecclesiis, quæ suorum ordinum non sunt, absque Episcopi licentia: & in Ecclesiis suorum ordinum, non petita illius benedictione, aut ipso contradicente, prædicare presumpserint.* Sed dicta decreta Trident. & Gregor. loquuntur conformiter ad jus commune, scilicet in supradictis duobus casibus, ut patet ex illorum contextu, & declaratione Sacre Congr. supra citata.

*Sciendum* V. Quod licet in alienis Ecclesiis absque Episcopi licentia nullus prædicare possit, etiam si a Parocho invitatus, ut declaravit Clem. VIII. apud Barbolam: potest

potest tamen Parochus dare licentiam viro docto, aut religioso, ut bis, vel ter concionetur in sua Ecclesia ex præsumpta licentia, & approbatione Episcopi, ut docet idem Barbosa, & cum eo Bord. Rodr. Navar. Salmant. Item aliqui dicunt, posse Episcopum examinare regularem antequam illi concedat licentiam prædicandi: & ita declaratum esse a Sacra Congr. anno 1628. testatur Barbosa. Sed hoc manifeste contradicit decreto supra cit. Concil. Lateran. sub Leone X. in quo examen expresse committit superioribus regularium, & solum requirit, quod approbatio Superiorum authentica Episcopo præsentetur, cui decreto non potest derogare declaratio, si datur, Sacræ Congr. ut docent Pelliz. Bord. Peyrin.

*Sciendum* v. 1. Quod sex casus in iure assignantur, in quibus potest Episcopus suspendere a prædicatione regulares, quorum tres habentur in cit. Concil. Lateran. Primo, si prædicent miracula falsa, aut incerta. Secundo, si prædicent prophetias, quæ in sacra scriptura fundamentum non habent, aut a Sede Apostolica non sunt approbatæ, aut saltem ab Ordinario, trium, aut quatuor virorum eruditorum examine adhibito, si tempus ad dictam Sedem accedere non permiserit. Tertio, si prædicando, de Episcopis, vel de suis Prælati detrahant. Alii tres casus habentur in Trident. sess. 5. c. 2. quorum primus est, si prædicent propositiones erroneas. Secundus, si prædicent propositiones scandalosas. Tertius, si prædicent propositiones hæreticas. Extra dictos casus non potest Episcopus suspendere prædicatorem regularem, aut contra illum procedere, & eum punire: sed, si in aliquo excesserit, ad Prælatos regulares pertinet illum corrigere. Et ita declarasse Sacram Congr. anno 1602. testatur Cherub. quod etiam est conforme iuri communi.

*Sciendum* vii. Quod Trident. sess. 5. c. 2. loquens de Prædicatoribus, dicit: *Plebes sibi commissas pro sua, & earum capacitate pascant salutaribus verbis, docendo eas, quæ scire omnibus necessarium est ad salutem, annuntiandoque eis cum brevitate, & facilitate sermonis vitia, quæ eos declinare, & virtutes, quæ sectari oportet, ut panem æternam evadere, & cælestem*

*gloriam consequi valeant.* Et sess. 24. c. 9. præcipit, ne indulgentias non publicatas, vel approbatas per Ordinarios locorum, prædicent. Et idem præcipitur in cap. Religiosi, Clemen. de privileg. Præterea prædicantes miracula falsa incurrunt excommunicationem Papæ reservatam ex Concil. Lateran. sub Leon. X. sess. 11. Prohibitum est etiam eis a Sacra Congr. ut refert Gavantus, ne inter concionandum pauperes aliquos determinatos commendent sine licentia Episcopi. Illicitum etiam est eis prædicare dum existunt in peccato mortali, ut docet D. Thom. supra cit. præciso tamen scandalo, non peccant mortaliter, ut notat in præf. art. Cajet. quia prædicare non est actus Ordinis: & idem docent Sot. Lex. Med. Salmant. contra aliquos. Hæc quidem dicta sunt de prædicatione. Nam circa administrationem Sacramentorum, præcipue Pœnitentiæ, dicam in tractatu sequenti.

## CAPUT XXV.

*Utrum religiosi liceat secularia negotia tractare.* 2. 2. quæst. 187. art. 2.

**D**Einde considerandum est, utrum licitum sit religiosis secularia negotia tractare. Circa quod

*Sciendum* 1. Quod, sicut supra dictum est, status religiosus est ordinatus ad perfectionem charitatis consequendam. Ad quam quidem principaliter pertinet Dei dilectio: secundario autem dilectio proximi. Et ideo religiosi præcipue, & propter se, debent intendere ad hoc, quod Deo vacent. Si autem necessitas proximis imminet, eorum negotia ex charitate agere debent, secundum illud ad Galat. 6. *Alter alterius onera portate, & sic adimplebitis legem Christi;* quia in hoc ipso, quod proximis serviunt propter Deum, dilectioni divinæ obsequuntur. Unde dicitur Jac. 1. *Religio munda, & immaculata apud Deum, & Patrem hæc est, visitare pupillos, & viduas in tribulatione eorum.* Gloss. interl. ibid. *Succurrere eis, qui carent præsidio, in tempore necessitatis.* Est ergo dicendum, quod causa cupiditatis secularia negotia nec Monachis gerere, nec Clericis licet. Causa vero charitatis se negotiis secularibus

bis cum debita moderatione ingerere possunt secundum superioris licentiam in ministrando, & dirigendo: sicut dicitur in Decret. dist. 88. c. Decrevit. Unde .

*Sciendum* 11. Quod, sicut ex dictis colligitur, quatuor conditiones requiruntur ad hoc, ut religiosus licite tractet negotia secularia. Prima est, quod non ex cupiditate, hoc est propter lucrum, aut emolumentum, aut finem aliquem temporalem hoc faciat, cum sic prohibeatur etiam Clericis in cit. Decret. Secunda est, quod ex charitate hoc fiat: quia sic huiusmodi opera pertinent ad finem religionis. Tertia est, quod de licentia superioris hoc fiat: quia religiosus non est sui juris. Quarta, quod cum debita moderatione hoc fiat: non enim omnis modus ministrandi, & dirigendi decet religiosos; ipsos enim non decet esse exactores, & negotiorum gestores, secularibus tumultibus se immiscendo: sed ita oportet, dum necessitas charitatis urget, se exhibere, ut & ipsi se non implicant secularibus negotiis, quamvis tractent illa, & nomen Domini in servis suis non blasphemetur, ut bene notat Cajet. ex 2. ad Tim. 2.

*Sciendum* 111. Quod frequentare palatia regum, vel magnatum propter delicias, vel gloriam, vel cupiditatem, non competit religiosus: sed ea adire propter pias causas, eis competit. Unde dicitur 4. Reg. 4. quod Helisæus dixit ad mulierem: *Numquid non habes negotium, & vis, ut loquar Regi, vel Principi militia?* Similiter etiam convenit religiosus adire regum palatia ad eos arguendos, & dirigendos, sicut Joannes Baptista arguebat Herodem, ut dicitur Matth. 14. Sed hic memento illud Apostoli. *Omnia mihi licent, sed non omnia expediunt, neque adificam.* Adire curias, & palatia propter pias causas, licitum fatemur: sed timeamus damnum, ac ruinam. Nam Petrus, ut prænotavit D. Bernardus, semel palatium intravit, Christum sequendo captum, & ligatum, & ter Dominum negavit. Curiam Diogenes definivit, locum ad decipiendum, & prævalendum, qui sunt actus diabolo permixti a Deo 3. Reg. 22.

*Sciendum* 1v. Quod officium Judicis, Procuratoris, & Advocati, tam in iudicio Ecclesiastico, quam seculari, licitum est

omnibus religiosis (exceptis fratribus Minoribus) cum duabus tamen conditionibus, scilicet cum licentia Prælati, & cum utilitate monasterii: secus vero prohibetur in cap. Monachi 16. qu. 1. cap. ex parte, de postulando. Clement. Religiosus, de procuratorib. Clement. exivi, de verb. signif. Si autem exerceatur sine licentia Prælati, & utilitate monasterii, nullus erit actus, & irritus, ut docent Sanch. Laym. Pelliz. vel saltem irritabilis, ut docent Salmant. Pal. Probabile etiam est, una, vel altera vice intervenire, & exercere in iudicio dicta officia, extra casum necessitatis, non esse peccatum mortale, ut docent Sayr. Navar. Sed probabilius esse, quod sit peccatum mortale, docent Salmant. Sylv. Sanch. Pelliz. Tabien. Pal.

*Sciendum* v. Quod officium tabellionis, seu notarii in causis secularibus, est omnibus religiosis prohibitum, etiam de licentia superioris, ut patet ex cap. Sicut nec Clerici, vel Monachi cap. ut officium inquisitor 5. verum ab hæret. in 6. Cæterum ex Constit. Pii IV. quæ incipit, Pastoralis officii, possunt religiosi tale munus exercere in quibuscumque causis fidei, ad sanctæ inquisitionis: & ex privilegio Pii V. concessio Dominicanis in bulla incipiente, Debitum pastoralis, ad intimanda mandata, concessiones, privilegia, & indulta apostolica religioni concessa, quibuscumque personis ecclesiasticis, & secularibus, etiam principibus, regibus, tale munus exercere poterunt, imo creati a suis superioribus notarii.

*Sciendum* vi. Quod possunt omnes religiosi esse testes, tam in iudicio, quam extra, licite cum licentia, & valide sine illa, exceptis causis criminalibus, quando testimonium fit in damnum alterius, non vero ad damnum impediendum innocentis, ut notant Pelliz. & Lezan. Non est autem necessaria licentia ad testificandum extra iudicium, puta, in testamentis, contractibus, ut docent Sanch. Pal. Lez. Denique in causis civilibus nequit religiosus ut actor, aut reus comparere nomine proprio, nec licite, nec valide: quia omnia bona, jura, & rationes transiit in monasterium ratione voti paupertatis. In causis vero criminalibus intentare non potest religiosus actionem, nisi de superioris licentia

centia saltem præsumpta prudenter, quia sui juris non est. Dantur tamen aliquæ causæ, in quibus religiosus ut actor esse potest, tam in civilibus, quam in criminalibus, ut ad conservationem juris sibi competentis, puta, ne alimenta sibi denegetur, ne suffragio privetur, & hujusmodi: in quibus casibus nec licentia Prælati semper est necessaria, ut docent Salmant. Pelliz. Sanch. Laym. Less.

*Sciendum* VII. Quod tutoris, & curatoris munus omnino prohibitum est religiosi in cap. fin. dist. 86. Authen. de Sanctis Episc. 5. Deo autem amabiles, collat. 7. Licet circa tutelam legitimam miserabilium personarum aliqui oppositum sentiant. Fidejussoris autem munus cum sola licentia Prælati, & majoris partis capituli potest religiosus suscipere, non autem sine illa: quia non habet de proprio aliquid, quod possit obligare cap. penult. de fidejussione l. 2. tit. 12. p. 5. Depositum autem potest valide, non tamen licite suscipere sine licentia Prælati, quia est contractus onerosus gravem obligationem pariens. Munus item executoris testamentarii religiosi cum licentia possunt suscipere, exceptis fratribus Minoribus. Commissarius etiam ad condendum testamentum potest eligi religiosus, etiam sine licentia, quia nullum datur jus id prohibens, ut notant Pal. Salmant. contra Sanch. & Pelliz. quorum sent. probabilior videtur, cum religiosus non sit sui juris.

## C A P U T XXVI.

*Utrum religiosus manibus operari teneatur.*  
2. 2. quæst. 187. art. 3.

**A**D præcepta, quæ communiter omnibus proponuntur, eodem modo tenentur religiosi, ac sæculares. Sed præceptum de opere manuali communiter omnibus proponitur, ut patet 1. ad Cor. 7. *Si quis non vult operari, non manducet.* Non ergo religiosi magis tenentur manibus operari, quam sæculares. Ad cujus evidentiam

*Sciendum* I. Quod labor manualis ad quatuor ordinatur. Primo quidem, & principaliter ad victum querendum. Unde primo homini dictum est: *In sudore vultus*

*tui vesceris pane tuo.* Secundo ordinatur ad tollendum otium, ex quo multa mala oriuntur. Unde dicitur Eccles. 33. *Mitte servum tuum in operationem, ne vacet.* Multam enim malitiam docuit otiositas. Tertio ordinatur ad concupiscentiæ refrenationem, in quantum per hoc maceratur corpus. Unde 2. ad Cor. 6. dicitur: *In laboribus, in jejuniis, in vigiliis, in castitate.* Quarto autem ordinatur ad eleemosynas faciendas. Unde dicitur ad Ephes. 4. *Qui furabatur, jam non furetur: magis autem laboret operando manibus suis, quod bonum est, ut habeat, unde tribuat necessitatem patienti.* Secundum ergo quod labor manualis ordinatur ad victum querendum, cadit sub necessitate præcepti, prout est necessarius ad talem finem. Secundum autem, quod ordinatur ad otium tollendum, vel ad corporis macerationem, aut ad eleemosynas faciendas, secundum se non cadit sub præcepto, nisi forte in casu necessitatis. Unde

*Sciendum* II. Quod id, quod ordinatur ad finem, a fine necessitatem habet, ut scilicet in tantum sit necessarium, in quantum finis sine eo esse non potest: & ideo, qui non habet aliunde, unde vivere possit, tenetur manibus operari, cuiuscumque sit conditionis. Et hoc significant verba Apostoli. *Qui non vult operari, nec manducet.* Quali diceret: ea necessitate aliquis tenetur ad operandum manibus, quatenus tenetur ad manducandum. Unde, si quis absque manducatione posset vitam transigere, non teneretur manibus operari, & eadem ratio est de illis, qui non habent alias, unde licite vivere possint. Non enim intelligitur aliquis posse facere, quod non licite facere potest. Unde & Apostolus non invenitur opus manuum præcepisse, nisi ad excludendum peccatum eorum, qui illicite victum acquirebant, aut furto, aut cupiditate alienarum rerum, aut turpibus negotiis.

*Sciendum* III. Quod secundum quod opus manuale ordinatur ad otium tollendum, vel ad corporis macerationem, non cadit sub necessitate præcepti secundum se consideratum: quia multis aliis modis potest vel caso macerari, vel etiam otium tolli, quam per opus manuale. Maceratur enim caro per jejunia, & vigiliis: & otium

otium tollitur per meditationes sacrarum scripturarum, & laudes divinas. Et ideo propter has causas religiosi non tenentur ad opera manualia: sicut nec sæculares, nisi forte ad hoc per statuta sui ordinis obligentur, sicut Hieron. dicit in Epist. ad Rusticum monachum. *Egyptiorum monasteria hunc tenent morem, ut nullum absque opere, aut labore suscipiant, non iam propter victus necessitatem, quam propter animæ salutem, ne vagetur perniciosus cogitationibus.*

*Sciendum iv.* Quod in quantum opus manuale ordinatur ad eleemosynas faciendas, non cadit sub necessitate præcepti: nisi forte in aliquo casu, in quo ex necessitate aliquis eleemosynas facere teneretur, & non posset alias habere, unde pauperibus subveniret, in quo casu obligarentur similiter religiosi, & sæculares ad opera manualia exequenda. Sciendum tamen, quod sub opere manuali intelliguntur omnia humana officia, ex quibus homines licite victum lucrantur, sive manibus, sive pedibus, sive lingua fiant. Vigiles enim, & cursores, & alii huiusmodi de suo labore viventes, intelliguntur de operibus manuum vivere. Quia enim manus est organum organorum, per opus manuum omnis operatio intelligitur, de qua aliquis victum licite potest lucrari.

*Sciendum v.* Quod præceptum de opere manuali, quod ab Apostolo proponitur, est de jure naturali. Unde & natura manus homini dedit loco armorum, & tegumentorum, quæ aliis animalibus tribuit, ut scilicet per manus hæc, & alia omnia necessaria conquirit. Ex quo patet, quod communiter ad hoc præceptum tenentur & religiosi, & sæculares, sicut ad omnia alia legis naturalis præcepta. Non tamen peccant, quicumque manibus non operantur, quia ad illa præcepta legis naturæ, quæ pertinent ad bonum multorum, non tenentur singuli, sed sufficit, quod unus vacet huic officio, & alius alii, puta, quod quidam sint opifices, quidam agricolæ, quidam Iudices, quidam doctores, & sic de aliis, secundum illud Apostoli 1. ad Cor. 12. *Si totum corpus oculus, ubi auditus, si totum auditus, ubi odoratus?*

## C A P U T XXVII.

*Utrum religiosi licent de eleemosynis vivere.*  
2. 2. quæst. 187. art. 4.

**G**regor. dicit in 2. Dialog. cap. 1. B. *Benedictus tribus annis in specu permanens, de his, quæ a Romano monacho ministrabantur, refectus est, postquam domum, parentesque reliquerat.* Et tamen validus corpore existens non legitur de labore manuum quævisse victum: ergo religiosi licite possunt de eleemosynis vivere. Ad cujus evidentiam

*Sciendum 1.* Quod unicuique licet vivere de eo, quod suum est, vel sibi debitum. Fit autem aliquid alicujus ex liberalitate donantis: & ideo Religiosi, & Clerici, quorum monasteriis, vel Ecclesiis ex munificentia principum, vel quorumcumque fidelium sunt facultates collatæ, ut sustententur, possunt de eis vivere licite absque hoc, quod manibus laborent, & tamen certum est eos de eleemosyna vivere. Unde & similiter, si aliqua mobilia religiosi a fidelibus conferantur, possunt de eis licite vivere. Stultum est enim dicere, quod aliquis in eleemosynam possit accipere magnas possessiones, non autem panem, vel parvam pecuniam. Sed, quia huiusmodi beneficia religiosi videntur esse collata ad hoc, quod liberius religiosi actibus insisterent, quorum capiunt se fore participes, qui temporalia subministrant, redderetur eis usus prædicatorum donorum illicitus, si ab actibus religiosi desisterent: quia sic, quantum est de se, defraudarent intentionem eorum, qui talia beneficia contulerunt.

*Sciendum 11.* Quod debitum est alicui aliquid dupliciter. Uno modo propter necessitatem, quæ facit omnia communia; ut Ambros. dicit serm. 81. Ideo, si religiosi necessitatem patiantur, licite possunt de eleemosynis vivere. Quæ quidem necessitas potest esse tripliciter. Primo quidem propter corporis infirmitatem, ex qua contingit, quod non possint sibi labore manuum victum quærere. Secundo, si illud, quod ex opere manuali conquiritur, eis ad victum non sufficiat. Tertio propter pristinam conversationem eorum, qui non

con-

confueverunt manibus laborare, ut August. dicit in lib. de opere Monach. cap. 21. Alio modo efficitur aliquid alicui debitum ex eo, quod ipse exhibet, siue sit aliquid temporale, siue spirituale, secundum illud 1. ad Cor. 9. *Si nos vobis spiritualia seminavimus, magnum est, si carnalia vestra metamus?* Et secundum hoc quadrupliciter possunt religiosi de eleemosynis vivere, quasi sibi debitis. Qua de re

*Sciendum 111.* Quod religiosi licitum est de eleemosynis vivere, quasi sibi debitis, primo, si prædicent auctoritate Prælatorum. Secundo, si sint ministri altaris: quia, ut dicitur 1. ad Cor. 9. *Qui altari deserviunt, cum altari participant.* Ita & Dominus ordinavit his, qui Evangelium annunciant, de Evangelio vivere. Tertio, si ministrant studio sacre scripturæ ad communem utilitatem Ecclesiæ, ut Hieron. dicit in Epist. 2. contra Vigilantium. Quarto, si bona temporalia, quæ habebant, monasterio largiantur, de eleemosynis monasterio factis possunt vivere, ut August. dicit in lib. de operib. Monach. cap. 25. Si vero aliqui sint religiosi, qui absque necessitate, & utilitate, quam afferant, velint otiosi de eleemosynis, quæ dantur pauperibus, vivere, hoc est eis illicitum: quia, ut August. dicit in cit. lib. *Neque propterea ad pietatem divites humilantur, ut pauperes ad superbiam extollantur. Nullo enim modo decet, ut ad eam vitam, ubi senatores sunt laboriosi, ibi fiant opifices otiosi; & quo veniunt, reliquiis deliciis suis, qui fuerunt prædiorum domini, ibi sint rustici delicati.*

*Sciendum 1v.* Quod religiosi illi, qui absque necessitate, & utilitate, quam afferant, velint otiosi de eleemosynis, quæ dantur pauperibus, vivere, hoc est eis illicitum, tum quia defraudant intentionem benefactorum, qui talia donarunt; tum etiam quia abutuntur rebus donatis. Sed, quia huiusmodi fraus non consistit in ablatione rei alienæ, sed in abusu rei jam factæ suæ per donationem, in quantum religiosus ea utitur non ad illum finem, propter quem fuit donata, scilicet, ut liberius Deo serviret; ideo non peccat contra iustitiam tali dono abutendo, sed contra beneficentiam donantis, peccato solum ingratitude, quod ad restitutionem non

obligat: sed solum meretur, quod superiores tali usu illum privent, ut desistat a defraudanda pia intentione benefactorum. Nec est simile de stipendio militum, quod datur a principe ex contractu oneroso, non vero ex donatione, & propterea miles volens esse otiosus, & officium suum non exequi, peccat contra iustitiam, & ad restitutionem tenetur. Ingratitudo autem, consistens in abusu beneficii collati, in duobus casibus est peccatum mortale, uno modo formaliter, quando fit ex contemptu benefactoris, aut beneficii collati: alio modo materialiter, quando ex alia causa religiosus abutitur dono collato, vivendo contra statuta sui ordinis in essentialibus, ut bene notat Cajet.

*Sciendum v.* Quod, cæteris paribus, dare est perfectius, quam accipere, ut dicitur Act. 20. & tamen dare, vel relinquere omnia sua pro Christo, & modica accipere ad sustentationem vitæ, melius est, quam dare aliqua particulariter pauperibus, ut ex dictis constat. Nec accipere ista modica ad victum, quando sibi debentur ob necessitatem, & utilitatem, sicuti faciunt religiosi, præstat occasionem peccandi: sed solum quando accipiuntur munera ad divitias augmentandas, vel accipitur victus ab aliquo sibi non debitus absque utilitate, & necessitate. Nec, quando apparet manifesta necessitas, & utilitas, propter quam aliqui religiosi de eleemosynis vivunt absque opere manuali, ex hoc scandalizantur infirmi, sed solum malitiosi more Phariseorum, quorum scandalum contemnendum Dominus docet, Matth. 15. Sed, si non esset evidens necessitas, & utilitas, posset exinde generari scandalum infirmis, quod esset vitandum. Idem tamen scandalum imminere potest de his, qui facultatibus communibus otiose utuntur.

## C A P U T XXVIII.

*Utrum religiosi liceat mendicare.*

2.2. quæst. 187. a. 5.

**R**eligiosus competit vivere ad imitationem Christi, sed Christus mendicavit, secundum illud Psalm. 39. *Ego autem mendicus sum, & pauper.* Ubi dicit Gloss. Cal.

Calliodori. *Hoc dixit Christus de se ex forma servi.* Et infra: *Mendicus est, qui ab alio petit, & pauper, qui sibi non sufficit.* Ergo conveniens est religiosis mendicare. Ad cujus evidentiam

*Sciendum* 1. Quod circa mendicationem duo possunt considerari. Unum quidem ex parte ipsius actus mendicationis, qui habet sibi quandam abjectionem conjunctam. Et secundum hoc causa humilitatis aliqui laudabiliter mendicant, sicut & alia assumunt, quæ ad abjectionem quandam pertinent, quasi efficacissimam medicinam contra superbiam, quam vel in se ipsis, vel etiam in aliis per exemplum extinguere volunt. Unde & in poenitentiam pro gravibus culpis injungitur aliquibus, ut peregrinentur mendicantes. Sed, quia humilitas, sicut & cætera virtutes, absque discretionem esse non debet: ideo oportet discrete mendicatem ad humilitatem assumere, ut ex hoc homo notam cupiditatis non incurrat, vel cuiuscumque alterius indecentis.

*Sciendum* 11. Quod alio modo potest considerari mendicatio ex parte ejus, quod quis mendicando acquirit. Et sic ad mendicandum potest homo ex duobus induci. Uno modo ex cupiditate habendi divitias, vel victum otiose: & talis mendicatio est illicita. Alio modo ex necessitate, & utilitate. Ex necessitate quidem, sicut, cum aliquis non potest aliunde habere, unde vivat, nisi mendicet. Ex utilitate autem, sicut, cum aliquis intendit ad aliquid utile perficiendum, quod sine elemosynis fidelium facere non potest: sicut petuntur elemosynæ pro constructione pontis, vel Ecclesiæ, vel quibuscumque aliis operibus, quæ vergunt in utilitatem communem, sicut scholares, ut possint vacare studiis sapientiæ. Et hoc modo mendicatio est licita, sicut secularibus, ita religiosis.

*Sciendum* 111. Quod duplex est turpitudinis. Una inhonestatis. Alia exterioris defectus: sicut turpe est homini esse infirmum, vel pauperem. Et talis turpitudinis mendicatio non pertinet ad culpam, sed ad humilitatem pertinere potest, vel poenam: Unde, cum prædicatoribus ex debito debeat victus ab his, quibus prædicant, quod necessaria sumunt ab his, in quibus laborant, non est mendicatio,

sed potestas. Si tamen non quasi sibi debitum, sed quasi gratis dandum mendicando petere velint, ad majorem humilitatem pertinet. Deuter. vero 15. dicitur: *Omnino indigens, & mendicus non erit inter vos;* non quasi lex divina prohibeat alicui mendicare, nam & Lazarus justus fuit mendicus: sed prohibet divitibus, ne tam tenaces sint, ut propter hoc aliquis egestate mendicare cogatur. Lex autem civilis imponit poenam validis mendicantibus, qui non propter utilitatem, aut necessitatem mendicant. Cod. lib. 11. tit. 25.

*Sciendum* 1v. Quod mendicantes cupiditate otiosi victus, ex quo in veritate sunt pauperes, nullam fraudem committunt in proximum, sed solum peccant in se ipsos, otiosam vitam, & abjectam absque ulla rationabili causa eligentes: & propterea nulla est hic ratio peccati mortalis, per se loquendo: nec etiam propter poenam legis civilis, quæ non facit, sed suppositam punit culpam, quæ de se non est mortalis. Mendicans etiam ex cupiditate habendi divitias, si est infra latitudinem pauperum, peccat quidem debito modo utens ad expendendum improbum appetitum, sed quoniam nec contra charitatem Dei, aut proximi agit, & neminem decipit, quia vere pauper est, a mortali excusatur peccato. Mendicans autem ex cupiditate divitiarum, si extra pauperum latitudinem est, peccat mortaliter, & tenetur datum dare pauperibus: quia proximum decipit, & donatio procedit ex ignorantia, elemosynamque sibi usurpat contra voluntatem dantis, sicut docent Scotus in 4. sent. dist. 15. qu. 2. & Cajet. in præsentis art. qu. 3.

## CAPUT XXIX.

*Utrum religiosus possit egredi claustrum absque licentia sui Prælati.* S. Thom. quodl. 3. quæst. 6. art. 16.

**D**Einde considerandum est de clausura religiosorum. Et prius de clausura virorum, deinde sanctimonialium. Circa primum duo consideranda sunt. Primo, utrum liceat religiosis egredi claustrum absque licentia. Secundo, utrum sit prohibitus ingressus mulierum intra claustra Re-



Religiosorum. Unde circa primum dubium

*Sciendum* 1. Quod viri religiosi absque licentia tacita, vel expressa, generali, vel particulari suorum Prælatorum e claustris licite exire non possunt, tum ex jure naturali, ratione cujus, supposito voto obedientie, Prælatorum gubernationi, & imperio subduntur: tum ex jure positivo pluribus in locis, & præcipue in Trident. sess. 25. cap. 4. de regular. Imo ex Decreto Clemen. VIII. approbato, & innovato ab Urbano VIII. non sufficit licentia Generalis, sed requiritur specialis singulis vicibus obtinenda, & concedenda ex justa causa, cum adjunctione loci. Qua de causa præcipitur, ut claustra conventus oblerentur, & diligenter custodiantur, ut testantur Sanch. Pelliz. Salm.

*Sciendum* II. Quod licentiam prædictam, etiam ad longum tempus, ex jure communi dare potest quilibet Prælati, etiam inferior: peccaret tamen, si absque justa causa talem facultatem concederet. Sed ex jure novo Clement. VIII. in Decretis pro reformatione regularium, approbatis, & innovatis a Sacra Congreg. Cardin. jussu Urban. VIII. licentias ad longum tempus degendi extra claustra, vel ad longas peregrinationes, non nisi ex gravissima causa approbata a Sede Apostolica, concedi posse. Quæ decreta, an sint in usu, quasi præceptiva, vel potius directiva tantum, dubitant Pelliz. Anton. a Spiritu Sancto, Garc. Salmant. & alii. Unde

*Sciendum* III. Quod subditus, supposita licentia, etiam si data sine causa justa, non peccat contra hoc præceptum clausuræ, illa utendo, cum talis licentia sit valida. Non enim est dispensatio legis, quæ ad sui valorem exigit justam causam, sed conditio a lege requisita ad exitum licitum, ut notant Salm. Pelliz. Peccaret tamen, si absque licentia exiret, graviter, vel leviter, juxta quantitatem materiæ, quæ ex circumstantiis judicari debet, puta, si egressus furtivus esset nocturnus, si ad longum tempus, & aliis hujusmodi; etiam si fieret animo ad Superiores majores recurrendi, ut declaratum est in supradictis Decretis: in quibus etiam sub gravibus poenis prohibetur religiosi, ne sub quocumque prætextu Ro-

mam veniant sine Protectoris, vel Generalis licentia in scriptis obtenta, ut testantur Salmant. tract. 15. c. 5. n. 160.

*Sciendum* IV. Quod, quamvis peccent religiosi sine licentia exeuntes e claustris, tamen excommunicationem non incurrunt, nisi in quatuor casibus. Primo exeuntes ad partes ultramontanas, ubi pauci sunt fideles: & Prælati Generali inferiores, qui talem licentiam præsumunt concedere, incurrunt excommunicationem Papæ reservatam. Solus autem Generalis potest dare licentiam hanc religiosi prudentia præditis, alias etiam ipse incurrit dictam excommunicationem, ut habetur extra. Ad nostram de regular. Secundo Monachi nigri, & Canonici regulares non habentes ullam administrationem temporalem, vel spirituales, si ad aulas principum se conferant intentione nocendi suis Prælati, aut Monasteriis, excommunicationem, non tamen reservatam, incurrunt absque licentia exeuntes, & tendentes, ut habetur in Clement. 1. de statu Monachorum.

*Sciendum* V. Quod omnes religiosi extra oppidum sui Monasterii exeuntes, simul & accedentes ad studia legum, vel canonum, absque licentia sui Prælati, & majoris partis capituli, incurrunt excommunicationem non reservatam, ut patet ex cap. periculosa, ne Clerici, vel Monachi. Quarto incurrunt excommunicationem nemini reservatam religiosi exeuntes extra Monasterium ad audiendas leges, aut medicinam, nisi intra duos menses redeant ad sua Monasteria: qui tamen menses, non a die exitus, sed a die auditionis computari debent, ut notant cit. Salmantentes.

*Sciendum* VI. Quod est prohibitum religiosi, five extra, five intra Monasterium, studium juris civilis, si illi principaliter incumbant, ex cap. 2. ne Cler. vel Monach. Item officium Medici, vel Chirurgi, si cum incisione, vel aduisione fiat: & sine illis, nisi causa pietatis, vel necessitatis, juxta dicta supra in cap. 25. Datur tamen privilegium concessum Societati Jesu a Gregor. XIII. & per communicationem aliis religionibus, ut possint mederi domesticos, & extraneos, de licentia Superioris, quando commode medicus secularis haberi non potest; dummodo per se ipsos

incisionem, aut aduersionem non faciant, ut testantur Pelliz. Lezan. Sanch.

### C A P U T XXX.

*Utrum sit prohibitus ingressus mulierum intra claustra religiosorum.*

**D**Einde considerandum est de prohibito ingressu mulierum intra claustra religiosorum. Circa quod

*Sciendum* I. Quod ex constit. Gregor. XIII. edita anno 1575. quæ incipit, Ubi gratia: excommunicationem Papæ reservatam incurrunt omnes scemina septennio majores, quæ prætextu alicujus facultatis, aut indulti, ab eo revocati, ingrediuntur monasteria virorum. Prælati vero, & alii religiosi, qui prætextu alicujus indulti præsumunt illas introducere, ultra excommunicationem reservatam, incurrunt privationem officiorum, inhabilitatem ad illa, & suspensionem a divinis ipso facto. Ex constit. vero Pii V. expedita anno 1570. quæ incipit, Romanum Pontificem; omnes, & quæcumque mulieres septennio majores, etiam sine prætextu facultatis, præsumentes ingredi monasteria virorum, excommunicationem Papæ reservatam incurrunt: religiosi vero, tam subditi, quam prælati illas introducentes, non incurrunt excommunicationem, sed solum privationem officiorum, inhabilitatis in posterum ad illa, & alia obtinenda, & suspensionem a divinis ipso facto, sine alia declaratione. Sed, quia in dictis constit. præsumptio, audacia, & scientia requiruntur, & aliquæ exceptiones ponuntur, ideo ad horum evidentiam

*Sciendum* II. Quod quævis ignorantia, etiam crassa, dummodo non sit ingens temeritas, excusat a talibus poenis incurrendis, ut notant Sanch. Barb. Bonac. Insuper dictæ poenæ, præter censuras, ut ex praxi constat, non incurruntur ante sententiam Judicis, saltem declarativam criminis, ut notant Pelliz. Lez. Salmant. Nomine autem officiorum aliqui intelligunt, non solum dignitates, aut prælaturas; sed etiam quælibet officia, puta, lectoris, concionatoris, Confessoris, & hujusmodi: Ita Lez. Pelliz. Bonac. Alii minus intelligunt solas dignitates, & præla-

turas, & ita declaravit Xistus V. in constit. contra illegitimos explicatione: & docent Sanch. Rodr. Pal. Item sola excommunicatio est Papæ reservata, non vero suspensio, aut aliarum poenarum, ut docent Cand. Rodr. Salmant.

*Sciendum* III. Quod excipiuntur in dicta prohibitionem reginæ, & earum filiarum cum decenti earum comitatu, ut docent Suar. Sanchez. Lez. Pal. Probabile etiam est excipi fundatrices, ut docent Pelliz. Garc. Pal. Suar. contra Rodr. Bonac. Sanch. Laym. Similiter excipiuntur aliarum sceminarum, quæ ratione necessitatis salvandæ vitæ, vel medendi, vel ratione pietatis ingrediuntur monasteria ad comitandam processionem, audiendam concionem, vel ad audienda officia divina, quando intra claustrum aliqua festivitas fit, ut declaravit Pius V. vel quando ratione magni concursus non possunt ingredi et porta Ecclesiæ, licitum est et porta claustrum ingredi, & exire, ut notant Salmant.

*Sciendum* IV. Quod licet mulieres, semel licite ingressæ, peccent, si diutius, quam par est, detineantur, finiti processionem: vel ad alias partes interiores claustræ divertant; tamen non incurrunt excommunicationem, quæ lata est contra præsumentes ingredi, non vero contra immorantes, aut discurrentes post licitum ingressum, ut docent Sanch. Bonac. Pelliz. Probabile tamen est, peccare mortaliter prælatum ordinantem processionem intra claustra eo solo fine, ut mulieres intra claustra ingrediantur: quia Papa solum permittit ingressum rationi consonum. Ita Sanch. Rodr. Pal. Villal. Sed probabilius est, peccare solum venialiter: quia imprudenter permittit ingressum cum tali circumstantia licitum, ut docent Portel. Bonac. Garc. Salmant. Denique mulieres, quæ post dictas Constitutiones Pontificium privilegium obtinuerunt, possunt licite ingredi monasteria virorum, juxta tamen tenorem privilegii.

*Sciendum* V. Quod nomine claustræ in dictis constit. veniunt solum monasteria, in quibus religiosi permanentiter degunt, vitam communem acturi, & omnes illius officinæ, & loca, quæ sub eorum ambitu continentur, & porta communi clauduntur: non vero prædia, domus rusti-

et, aliaque loca a monasterio separata, nec infirmariæ, aut domus deputatæ ad recipiendos hospites religiosos, vel infirmos, & non habentes conventum, nec ecclesiam. Secus vero dicendum est de illis hospitibus, in quibus religiosi conventum, & ecclesiam habent, quamvis non habeant Eucharistiam, si communiter recitent divinum officium, & in eis permanserint saltem aliqui vivant, ut docent Pelliz. Lez. Rodr. Sanch. De hortis conjunctis monasterio, probabilius est subijci clausuræ, ut docent Bonac. Sanch. Laym. Item de choro, & sacristia, quæ ingressum habent ex utraque parte in conventum, & ecclesiam. Ita Sanch. Pal. Lez. Rodr. Salmant. contra Bonac. Garc. Bord.

*Sciendum VI.* Quod clausuram, & terminos ejus constituere non possunt superiores locales, sed majores, cum sit res magni momenti, ut docent Pelliz. & Anton. a Spiritu Sancto: qui etiam docent, quod quando nullus religiosus est intra conventum, possunt licite mulieres ingredi, quia cessat finis legis. Sed probabilius est oppositum, quia non cessat adæquate finis legis, ut docent Salmant. tract. 15. cap. 5. in fin. Hoc certum est, quod, si monasterium tradatur militibus ad habendum cum eorum mulieribus, cessat pro illo tempore clausura.

## CAPUT XXXI.

## De clausura sanctimonialium.

**D**Einde considerandum est de clausura mulierum sanctimonialium. Circa quod tria consideranda sunt. Primo de ipso egressu a clausura sanctimonialibus prohibito. Secundo, de prohibito aliorum ingressu intra clausuram. Tertio, de prohibito accessu ad colloquendum cum sanctimonialibus, aliisque degentibus intra clausuram. Circa primum igitur

*Sciendum I.* Quod, ut periculosa sanctimonialium evagatio caveatur, statuta est clausura, ad quam professæ tenentur, non solum ex vi regulæ, & voti, sed etiam ex præcepto Ecclesiæ, ut disponitur in Concilio Trident. sess. 25. c. 5. de regular. Unde violentes talem clausuram, per hoc, quod egrediuntur terminos illius præfixos, etiam si egressu fiat intra

propriam Ecclesiam, peccant mortaliter, & etiam incurrunt excommunicationem ipso facto Papæ reservatam: quam etiam incurrunt omnes illi, qui ad earum egressum cooperantur extra calus permisos, ut disponitur in bulla octava Pii V. quæ incipit: Cura pastoralis: ac ejusdem declaratione, quæ incipit: Decori, & honestati. Quibus suppositis,

*Sciendum II.* Quod sanctimoniales professæ violant clausuram, quando egrediuntur perfecte, id est toto corpore, terminos clausuræ perfectos: non autem, si egrediuntur imperfecto, id est aliqua parte corporis: quia, cum materia sit odiosa, stricte interpretanda est. Semel autem, quod egrediuntur perfecte, etiam si per tempus brevissimum, peccant mortaliter, & excommunicationem incurrunt: quia in Trident. eis prohibetur egressus etiam per breve tempus: & gravitas materiæ in hoc præcepto non desumitur ex mora temporis, sed ex totalitate egressus, id est ex perfecto egressu.

*Sciendum III.* Quod tunc egressus sanctimonialium intelligitur esse ultra terminos perfectos clausuræ, quando fit, vel intra propriam Ecclesiam, ut declaravit Gregor. XIII. in bulla octava, quæ incipit, Deo Sacris: vel extra ambitum exteriorum portæ communis monasterii, aut alterius partis, puta fenestræ, vel tecti, ut colligitur ex decreto Sacræ Congr. quæ mandavit, absolvendas esse moniales egressas supra tectum, in una Comen. 18. Septembris: & in una Licien. 16. ejusdem mensis 1609. ut testatur noster Clemens Pifelli, par. 1. tract. 18. cap. 1. §. 1.

*Sciendum IV.* Quod sanctimoniales, quæ sine licentia legitima, vel absque periculo non patiente moram, egrediuntur claustrum, peccant mortaliter, & excommunicationem incurrunt. Idem dicendum est, si egrediuntur ex causa justa, sed, ea cessante, non redeunt, vel superiorem non monent: quia tunc, quamvis egressus fuerit licitus, non regressus tamen est illicitus. Ita Zechius, de rep. eccles. tit. de regular. c. 3. n. 15. v. 9. Item superiores omnes inferiores Summo Pontifice licentiam concedentes absque justa causa, & ceteri omnes cooperantes ad illarum illicitum egressum, vel perseverantiam in

illo: auxilium, vel favorem præstantes, aut consulentes, graviter peccant, & excommunicationem incurrunt. Secus autem, si hoc faciunt ex urbanitate, amicitia, consanguinitate, aut alio modo non dante causam egrediendi, aut perseverantiæ in illo. Ita Sanch. in opere morali, l. 6. c. 15. n. 75. & deducitur ex declarat. supra dictæ bullæ Pii V.

*Sciendum* v. Quod licet quam plurimæ causæ assignentur, ob quas moniales egredientes a clausura monasterii exculantur a culpa, & per consequens ab excommunicatione, ut patet ex cap. periculosa, de statu regular. in 6. & ex bulla supra cit. Pii V. omnes tamen reducuntur ad duo capita, scilicet ad licentiam legitimam, & ad necessitatem urgentem. Licentia a solo Episcopo potest legitime concedi, stante iusta causa, & in scriptis: quia ita disponitur in declarat. bullæ 8. Pii V. Necessitas autem urgens, quæ scilicet moram non patitur, puta, fugiendi incendii, terræmotus, & huiusmodi, ex iure ipso naturæ licentiam tecum affert, quando consensus superioris expectari non potest; tunc enim, ut docet D. Tho. opus est executione, non vero consultatione. Ita Sanch. in opere moral. lib. 6. c. 12. nu. 29. Sylv. ver. religio 7. q. 15. Vide Castropal. tr. 16. disp. 4. par. 9.

### C A P U T XXXII.

*De prohibito ingressu in Monasteria sanctimonialium.*

**D**Einde considerandum est de prohibito ingressu in monasteria sanctimonialium. Circa quod

*Sciendum* 1. Quod ingressus in monasteria monialium est omnibus utriusque sexus, septennio majoribus, prohibitus sine licentia, quæ superioribus monasterii conceditur a iure cum hac restrictione, ut prælatus regularis possit solum ingredi ex causa visitationis semel in anno, & unica die incipiendi post ortum, & complenda ante solis occasum, cum duobus lociis, si est Generalis, alias cum uno. At, si urgeat necessitas pluries ingrediendi, non potest ingredi, nisi cum præsentia Episcopi, vel alterius Ecclesiastici secularis ab Episcopo deputandi, ex constit.

156. Alexan. VII. quæ incipit, Felici: & alias incurrit, etiam pro prima vice, privationem officiorum, & excommunicationem latæ sententiæ, non tamen reservatam. Episcopus vero potest ingredi cum decenti comitatu, non solum causa visitationis, sed etiam quoties necessitas urgens adest, extra quam, si ingrediatur, incurrit pro prima vice interdictum ab ingressu Ecclesiæ; pro secunda suspensionem a munere pontificali, & a divinis; pro tertia excommunicationem, non tamen reservatam, ex constit. 29. Gregor. XIII. quæ incipit: Ubi gratiæ.

*Sciendum* 2. Quod cæteris, qui non sunt superiores, licentia ingrediendi potest dari a prælato monasterii cum hac restrictione, ut detur in scriptis, saltem Abbatis, & ex sola necessitate præstandi ea, quæ a monialibus physice, vel moraliter præstari non possunt; alias, si ingrediuntur, ipso facto incurrunt excommunicationem, quæ in duobus casibus est Papæ reservata: si scilicet ingressus fiat ad malum finem, vel præterito facultatis a Papa, vel ab aliis concessæ; cum quælibet facultas sit revocata quoad omnes, exceptis personis regularibus, ut colligitur ex dicta constit. Gregor. XIII. In his duobus casibus incurrunt excommunicationem Papæ reservatam etiam Moniales admittentes; in aliis vero, etsi peccent admittentes, nullam tamen excommunicationem incurrunt. Sed, quia eatenus culpam gravem, statutaque penas ingredientes, & admittentes incurrunt, quatenus ingressus sine licentia, vel etiam cum ipsa est illicitus; ideo.

*Sciendum* 3. Quod, si ingressus in monasteria fit sine necessitate, est illicitus semper: quia etiam habentibus licentiam prohibetur ingressus sine necessitate a Gregor. XIII. in declaratione supra cit. constit. quæ incipit, Dubiis, §. 1. Si autem ingressus fit ex necessitate, est licitus, quoties fit sine licentia, quæ expectari potest: vel fit ad malum finem. Ratio est, quia in tantum permittitur ingressus sine licentia in necessitate, in quantum necessitas est urgens, quæ non patitur dilationem, cum periculum sit in mora: talis autem non censetur, quando licentia potest expectari. Quod, si ad hæc

in simul malus finis, ingressus censetur violatius clausuræ sub excommunicatione reservata, juxta decretum Sacræ Congr. regular. editum 26. Novembris 1602. Unde

*Sciendum* IV. Quod, qui habent licentiam ingrediendi in monasteria, ut sunt Confessarii, Medici, artifices, bajuli, alii-que operarii, si ingrediuntur quando, vel non est opus eorum ministerio, vel hoc præstari potest extra clausuram, peccant, & excommunicationem incurrunt, ob ingressum illicitum, quia fit sine necessitate. E contra, si ingrediuntur, quando opus est eorum ministerio, & eo completo non egrediuntur pro tempore notabili, quamvis peccent, non tamen excommunicationem incurrunt: quia licet non egressus, utpote morosus absque necessitate, sit aliquo modo illicitus, ingressus tamen fuit licitus, quia factus fuit ex necessitate. Sanch. in opere moral. l. 6. c. 16. n. 40. & 68.

*Sciendum* V. Quod, qui sine licentia ingrediuntur in monasteria ad liberandas moniales ab aliquo periculo gravi, sed non tam cito imminente, ita, ut possit adiri superior, peccant graviter, & excommunicationem incurrunt, quia licet ingrediuntur ex necessitate, licentia tamen potest expectari. Secus autem, si periculum sit ita imminens, ut, si adeatur superior, interim moniales moraliter censeantur perituræ, ut in incendio, vel terremoto: quia tunc licentia non potest expectari. Navar. de regul. commentar. 4. n. 60. vers. 4.

*Sciendum* VI. Quod, qui ex necessitate urgenti ingreditur monasterium ad aliquod opus præstandum, & ex hac occasione intendit cum moniali aliquid inhoneste tentare, incurrit excommunicationem: quia per hoc, quod ingrediatur ex necessitate, non tollitur, quod ingressus non sit, etiam ad malum finem. E contra, si prava intentio ei suborietur post ingressum, ideoque opere completo non egrediatur post tempus notabile, quamvis peccet graviter, non tamen excommunicationem incurrat, quia non egressus, non autem ingressus fuit ad malum finem. Barb. de off. & potest. Episc. p. 3. alleg. 100. nu. 58. Vide Bonac. de clausura, q. 4. p. 3. & nostrum Piselli, part. 1. tr. 18. c. 3.

P. Soffitti Theol. Tom. V.

## C A P U T XXXIII.

### De prohibito accessu ad monasteria Monialium.

**D**Enique considerandum est de prohibito accessu ad monasteria ad colloquendum cum monialibus. Circa quod

*Sciendum* I. Quod accessus ad colloquendum cum monialibus, si prohibeatur a prælato monasterii, est illicitus omnibus, qui accedendo contra prohibitionem peccant graviter, & incurrunt censuras ab eo latas, etiam si sint religiosi, juxta decretum Congr. Concil. 26. Junii 1627. ut testatur noster Piselli, p. 1. tr. 18. c. 4. An vero hujusmodi decretum derogare possit privilegio bullato, in quo expresse habetur, Episcopos non posse compellere regulares per censuras, nisi in casibus in jure expressis, ex dicendis in tract. seq. manifestum fiet. Si vero non prohibeatur a prælato, saltem ex consuetudine non censetur illicitus secularibus, etiam ecclesiasticis, si frequentia desit: sed solum religiosus ob specialem prohibitionem. Ad cujus evidentiam

*Sciendum* II. Quod allocutio cum monialibus strictissime religiosis prohibetur a Summo Pontifice sub gravi peccato, ac poenis privationis officiorum, vocisque activæ, & passivæ, juxta decretum Congr. regular. 7. Maii 1590. quoties fit sine licentia expressa, & legitima cum qualibet degente intra clausura. Quam licentiam, licet secularibus possit pro libito dare quilibet prælatus monasterii, religiosis tamen non potest dare, nisi Episcopus loci cumulative cum prælato monasterii, si hoc est exemptum: non tamen omnibus, sed solis consanguineis monialium in primo, & secundo gradu: nec semper, sed solum quater singulis annis: nec quolibet anni tempore, sed solum extra adventum, quadragesimam, dies Sabbati, feriæ sextæ, vigiliarum, ac festorum, juxta decretum Congregat. Concil. 19. Decemb. 1623. Ubi ergo hæc decreta sunt recepta, nec consuetudine abrogata, omnino servari debent. Quibus suppositis,

*Sciendum* III. Quod religiosus (cujus nomine non venit novitus) si ex fenestra,

stra, ex testō, vel ex alio loco extramona-  
nasterium adhibet voces, gestus, nutus,  
vel aliud signum cum aliqua in monaste-  
rio degente, peccat graviter: quia licet  
non accedat ad monasterium, loquitur ta-  
men cum aliqua degente intra monaste-  
rium. Nomine enim locutionis veniunt,  
non solum verba voce expressa, sed scri-  
pto, aut quolibet alio signo manifestan-  
tia sensum, seu conceptum mentis: muti  
enim nutibus loquuntur. Tamen videtur  
probabilis sententia Lezanae, & nostri  
Piselli, qui dicunt non peccare religio-  
sum, qui mittit epistolam, aut nuncium  
ad aliquam intra monasterium degentem.

*Sciendum* IV. Quod religiosus, qui ex-  
pleta concione habita ad moniales, cum  
ipsis loquitur sine licentia (etiam si de  
materiis spectantibus ad eandem concio-  
nem, vel ad eas instruendas in via per-  
fectionis) peccat, ut constat ex decisione  
Congr. Concil. 21. Maii 1678. Idem di-  
cendum est, etiam si ex quacumque oc-  
casione eas alloquatur paucis verbis (nisi  
sit per modum salutationis, vel resaluta-  
tionis ex urbanitate) quia in hoc parvi-  
tas materię sublatā est ex decreto Congr.  
Concil. 11. Maii 1669. ut testatur noster  
Piselli. Quod tamen non est intelligen-  
dum de materia, quę attentis omnibus  
circumstantiis, levis est, cum superior non  
possit imponere obligationem gravem in  
materia levi, ut dictum est in tract. de  
legibus: sed debet intelligi de materia se-  
cundum se parva, sed graviter conducen-  
te contra finem legislatoris: vel de ma-  
teria determinata ab aliquibus indiscrete,  
tamquam sit parva, cum vere parva  
non sit.

*Sciendum* V. Quod religiosus, qui sine  
licentia loquitur cum educanda, novitia,  
vel Abbatissa, peccat graviter: quia licet  
educanda, & novitia non sit monialis,  
degit tamen intra clausuram: & licet Ab-  
batissa non veniat nomine monialis in  
odiosis, tamen in hac comprehenditur pro-  
hibitione, ut disponitur in constit. 50. Pa-  
pę Alexan. VII. quę incipit, Sacrosancti,  
§. 6. Secus autem est, si religiosus loqua-  
tur etiam cum professa a monasterio lici-  
te, vel illicite egressa: vel cum quacum-  
que degente in conservatoriis mulierum:  
quia non verificatur, quod loquitur cum

aliqua degente intra clausuram alienius  
Monasterii. Lezana vers. Monialis, n. 20.

*Sciendum* VI. Quod religiosus monialem  
alloquens cum licentia Episcopi, quem  
scit in ea concedenda non servasse condi-  
tiones pręscriptas a Congr. Concil. peccat  
graviter: quia scit licentiam esse contra  
formam decreti, adeoque non esse legiti-  
mam. Idem dicendum est, etiam si ha-  
beat licentiam a Sacra Congr. sed subre-  
ptitie obtentam, quia adhuc scit esse nul-  
lam, & contra formam decreti, ut con-  
stat ex decisione Sacrę Congr. Concil. 19.  
Decembr. anni 1623. De his agit Fælix  
Poteſt, in examine Confess. t. 1. p. 2. cap.  
5. pag. 154. ubi refert decreta Congr. per  
extensum.

## TRACTATUS NONUS.

*De privilegiis status religionis annexis.*

**D**Einde considerandum est de privilegiis  
status religionis annexis. Circa quod  
triplex consideratio occurrit. Prima, de  
ipsis privilegiis in communi, secundum se.  
Secunda, de privilegiis in speciali, quę  
ad communitatem pertinent. Tertia, de  
privilegiis in speciali, quę religiosis com-  
petunt in particulari. Sit igitur

### CAPUT PRIMUM.

*Quę privilegia regularium, & qualiter  
sint revocata.*

**C**irca privilegia regularium in com-  
muni quatuor examinanda sunt. Primo  
de illorum revocatione. Secundo, de illo-  
rum interpretatione. Tertio, de illorum  
mutua communicatione. Quarto, de eo-  
rundem usu. Circa primum igitur in  
præsenti,

*Sciendum* I. Quod Gregor. XV. anno  
1622. in bulla, quę incipit, Romanus Pon-  
tifex in specula, revocavit omnia oracula  
viva voce a se, vel suis prędecessoribus  
ulque ad illud tempus religionibus conce-  
ssa,

fa, nisi illa, quæ authentica essent, & manu alicujus Cardinalis subscripta, vel concessa ad instantiam regum. Sed, quia circa hoc plures difficultates insurgabant, postea Urban. VIII. anno 1631. in Constit. quæ incipit, *Alias felicis recordat.* confirmavit, & ampliavit eandem revocationem, revocando etiam oracula, quæ Gregor. exceperat. Quam constitutionem postea idem Urbanus in appendice ejus temperavit, declarans, suam revocationem non comprehendere oracula expedita per illos Pontificis officiales, quibus ratione munerum suorum antea de summi Pontificis oraculis fides præstari solebat, ut in ipsa Constit. videri potest. Dicti autem officiales in extrav. Ad regimen, de præb. & dignit. sunt Camerarii, Vicecancellarii, Notarii, & hujusmodi, inter quos connumerandus est etiam Cardinalis protector, ut notant Peyrin. & Donatus. Quibus suppositis,

*Sciendum II.* Quod sub dictis revocationibus non comprehenduntur oracula, quæ sunt meræ declarationes decretorum Papalium, vel Concil. Trident. in favorem religionum: neque comprehenduntur indulgentiæ vivæ vocis oraculo concessæ, quia non veniunt nomine privilegii, ut docent Rodr. Pelliz. Peyr. Bord. Lez. Neque oracula pro omnibus fidelibus, aut Ecclesiasticis aliquod privilegium continentia: sed solum regulares concernentia, ut patet expresse ex dictis revocationibus. Neque privilegia uni religioni per bullam concessa, & alteri per oraculum vivæ vocis communicata, quia jam non sapiunt naturam oraculi. Neque oracula concessa postea absolute per bullam, nulla mentione facta concessionis per vivæ vocis oraculum: quia tunc, quatenus vim habent ex bulla, non revocantur in dictis constitutionibus; Immo ab exclusione confirmata manent cum omnibus privilegiis bullatis, ut optime notant Lez. Peyr. Bord. Salmant. Solum difficultas est, an privilegia vivæ vocis oraculo concessa regularibus, & postea confirmata per bullam, cum expressa mentione oraculi vivæ vocis, sive in generali confirmando omnes gratias oretenus solum concessas, vel de novo concedendo: sive in specie hoc, vel illud oraculum nominando, vel illius tenorem in bulla reci-

tando, intelligantur revocata. Circa quod

*Sciendum III.* Quod circa propositum dubium duplex datur sententia, utraque satis probabilis. Una affirmat, fuisse revocata cujus ratio est, quia confirmatio facta per bullam relinquit illa privilegia in sua natura, in qua erant; adeoque non mutant naturam oraculi oretenus concessi. Deinde, cum plures Pontifices, etiam post dictas revocationes confirmaverint, & innovaverint omnia privilegia, etiam oretenus solummodo concessa religionibus: & ipse Gregorius XV. anno 1621. in bulla, quæ incipit, *In Apostolica*, Theatinis confirmaverit omnia privilegia, etiam oretenus pro illis, aut aliis religionibus concessa, ut refert Pelliz. & hoc ex certa scientia, & de plenitudine potestatis; sequetur, quod dictæ revocationes essent frustraneæ, & nugatoriæ. Ita Quintanad. Dian. Bord. Donat. Prad. Portel. Altera sententia negat, dicta privilegia fuisse revocata: quia jam desinunt esse mera oracula per hoc, quod sint per bullam confirmata: sicut privilegium insertum in corpore juris communis, induit rationem canonis, & legis communis. Ita Pelliz. Lez. Peyr. nosse Thomas Hurtado, Salmant. & alii.

*Sciendum IV.* Quod inter dictas duas sententias media via incedendum videtur, & dicendum cum prima, quod oracula vivæ vocis in genere solum confirmata per bullam, remanent revocata per supra dictas constitutiones Gregorii, & Urbani. Cum secunda vero dicendum, quod oracula vivæ vocis in specie confirmata, nominando in bulla hoc, vel illud oraculum, vel illius tenorem in bulla recitando, non intelliguntur revocata. Ratio autem videtur manifeste deduci ex intentione Pontificum revocantium oracula vivæ vocis, & præcipue ex appendice Constit. Urbani. Nam finis revocationis, seu causa motiva revocandi fuit, quia non erant authentica, & per officiales Pontificis expedita, quibus ratione suorum munerum antea de summi Pontificis oraculis fides præstari solebat. Sed eo ipso, quod oracula in specie exprimuntur in bulla, jam authentice constet de illis, sive retineant naturam oraculi, sive non: ergo non intelliguntur revocata in dictis constitutionibus.

*Sciendum V.* Quod non comprehendun-

tur in dictis revocationibus oracula vivæ vocis, quæ jam erant antea sortita suum effectum, ut in ipsis expresse declaratur, & responsum est a Sacra Congr. Cardin. anno 1625. Tunc autem intelligitur oraculum fuisse sortitum suum effectum, quando in suo effectu principali unicum tantum habet actum, licet succellive transeuntem, vel certe unum principalem effectum cum pluribus actibus secundariis cum illo necessario connexis, & in futurum succedentibus, ut pluribus exemplis explicant Peyr. Lez. Bord. Castell. Petrus ab Angelis, & Salmant. quamvis alii aliter hoc explicant, ut videre est apud ipsos Salmant. tract. 18. cap. 2. qu. 6.

## CAPUT II.

*Quomodo, & a quibus interpretari possint privilegia regularium.*

**D**Einde considerandum est, qualiter, & a quibus interpretari possint privilegia regularibus concessa. Circa quod

*Sciendum 1.* Quod interpretatio duplex est. Una doctrinalis, alia authentica, seu juridica. Doctrinalis fieri potest a quolibet viro docto, secundum scientiam tamen, non autem ex arbitrio. Authentica, seu judicialis non potest fieri, nisi a Principe concedente privilegium, sicut dictum est in part. prima, tract. 4. de legibus. Unde privilegia concessa regularibus a Sede Apostolica, a nullo possunt juridice interpretari, nisi a solo Summo Pontifice, vel ab eo, cui ipse commiserit. Quapropter Clem. IV. concessit Prædicatoribus, & Minoribus: Alexand. VI. Congregationi S. Benedicti: Paulus III. Societati Jesu, ne prælati Ecclesiarum privilegia eorum interpretentur, siue clara sint, siue dubia: sed Sedes Apostolica supra his consulatur.

*Sciendum 11.* Quod Generales religionum Ordinum interpretari possunt eorum privilegia, cum dubia sunt, pro toto ordine, etiam juridice, ut concessit Julius secundus Generali Prædicatorum: & pro foro conscientie, adhibito consilio peritorum, omnes prælati, etiam immediati, ut concessit Xistus IV. Canonicis regularibus S. Salvatoris in bulla, quæ incipit, *Ad universos*: Paulus V. Præposito, aut

Deputato Oratorii Neapolitani; quorum interpretationi omnes subditi stare debent, ut docet D. Thom. 2.2. qu. 88. a. 12. quæ hanc facultatem dicit illis a jure competere. Et ita tenent Cajet. Lez. Nav. Tol. Salmant.

*Sciendum 111.* Possent prælatos regulares, non solum interpretari, sed limitare, & restringere, imo etiam pro suis subditis tollere usum privilegii alicujus: (exceptis privilegiis, quæ sunt infecta in corpore juris, quæ vim legis habent, quam abrogare non potest inferior legislator) Imo & quorumcumque a Sede Apostolica dimanantium, tum ex concessione Leon. X. facta Minoribus, & Augustinianis: & Clement. IV. Cisterciensibus: & Gregor. XIII. Societati Jesu: tum, quia subditi stare debent obedientie prælatorum in omnibus. Sic Miran. Lez. Rodr. Portel. Addit Suarez, posse capitulum generale tollere pro tota religione aliquod, vel aliqua privilegia, illis renunciando.

*Sciendum 1v.* Quod privilegia regularibus concessa in nullius severa cedunt præjudicium, sed potius in bonum omnium, ut probat D. Thom. in 4. dist. 17. qu. 3. art. 3. quæst. 1. ad 1. & per consequens sunt late interpretanda, attenda materia, & mente Principis concedentis privilegium, & ita concesserunt Alexan. VI. Congregationi S. Justine de Padua, & Congregationi Vallis Oleri: Julius II. Congregationi Vallis Umbrosæ: & Paulus III. Societati Jesu; scilicet, quod in dubiis, privilegia regularium semper in illorum favorem sint interpretanda. Sic Portel. Rodr. Brun. Leza. Cætera, quæ pertinent ad interpretationem privilegiorum in communi, dicta sunt in tract. de legib. c. 20.

## CAPUT III.

*De mutua communicatione privilegiorum inter Ordines regulares.*

**D**Einde considerandum est de mutua communicatione privilegiorum inter Ordines regulares. Circa quod

*Sciendum 1.* Quod communicatio privilegiorum in eo consistit, quod jus uni concessum per aliquod privilegium, alteri etiam concedatur per novam communicationem, quæ



qua illud ipsum isti conceditur, vel certe per quandam extensionem talis privilegii, proportionem servata. Talis autem proportio in eo consistit, ut concessum uni religioni, ad aliam religionem extendatur: concessum uni provinciae, ad aliam: concessum Generalibus, aut Provincialibus unius religionis, Provincialibus, aut Generalibus aliarum deterviant: concessum capitulis pro capitulis: & concessum singularibus religiosis, ut partes sunt communis, non prout singulares personae, pro aliis singularibus alterius religionis vim habeant: ut, puta, concessum praedicatoribus, confessoribus, procuratoribus unius religionis, huiusmodi personis alterius religionis deserviant: & concessum pro festivitatibus unius Ordinis, pro alterius Ordinis festivitatibus respective concessum sit. Quae de re verba indulti attente consideranda sunt, tam ex parte ejus, cuius privilegium communicatur, an perpetuum sit, an totale, an conditionatum: quam ex parte ejus, cui communicatur, an extendatur ad concessa dumtaxat, an etiam ad concedenda: quam etiam ex parte modi, quo communicatur, an cum aliqua circumstantia, limitatione, vel modo, an absolute.

*Sciendum 11.* Quod omnes religiones mendicantes, & Societas Jesu: imo omnes fere religiones inter se communicant in eorum privilegiis: ut de nostra Clericorum regularium Minorum fides facit Benedict. XIII. in bulla expedita die 23. Junii 1725. quae incipit, *Sacrofanctum*. Tanta autem est vis hujus communicationis, ut, si privilegium pereat primae religioni, cui fuit primo concessum, imo ipsa destruat, non ideo perit secundae, cui communicatur: quia per communicationem fuit factum proprium communicantis, & omnino independentem a priori religione: ita, ut, licet ab illius privilegio in impetrari, & in fieri dependeat, non tamen in conservari, sicuti docent Suar. Sanch. Lez. Bord. Miran. Salmant. & communiter Doctores. Etiam si autem alicui religioni concedatur communicatio cum aliis in privilegiis concessis; adhuc tamen participat cum aliis in concedendis: quia plures sunt religiones, quibus fuit jam concessum privilegium communicationis in concessis, & concedendis: ut concessit Leo X. Domini-

canis, & Minoribus: Clemens VII. Carmelitis: Greg. XIII. Cisterciensibus: Paulus V. Societati Jesu: & alii Pontifices pluribus religionibus.

*Sciendum 111.* Quod non communicantur privilegia, quae statutis religionum sunt contraria: quia, secundum quod opponuntur instituto, sunt odiosa, adeoque restringenda, ut notant Lez. Postel. Pelliz. Similiter non communicantur privilegia in odiosis, & poenalibus, nisi hoc cedat in favorem communem religionis: quia Pontifices favorem praestare potius volunt, quam onus imponere in communicatione privilegiorum, quam concedunt, ut notant Bord. Lez. Miran. Unde sequitur, quod privilegia concessa Societati Jesu cum dependentia a suo Generali, ab aliis religionibus participantur adque tali dependentia: quia huiusmodi limitatio non est privilegium, sed onus, & restrictio, adeoque odium, quod Societati propter ejus speciale institutum expediens est, sed non extendendum ad alios Ordines, sicuti docent Pal. Pelliz. Rodr. Bassus Salmant.

*Sciendum 1v.* Quod privilegia concessa cum clausula incommunicabilitatis, communicantur etiam aliis religionibus, quibus postea idem Pontifex, vel ejus successores absolutam communicationem omnium privilegiorum concedunt, etiam si de illa clausula fiat mentio: quia Summi Pontifices, posita illa clausula, non potuerunt ligare manus successorum, aut illorum potestatem coarctare: maxime, cum in bullis communicationum frequenter apponant clausulam derogatoriam omni clausulae resistenti, & tollant omnes derogatorias derogatorias per clausulam: Quorum tenores. Sic Donat. Urban. Brun. Rodr. Salmant. Mirand.

*Sciendum v.* Quod communicantur etiam omnes indulgentiae perpetuae, quae generaliter alicui religioni conceduntur intuitu religionis, nisi fuerint de his, de quibus specialis mentio requiritur. Non tamen communicantur indulgentiae, quae ob specialem, & specificam rationem, alicui Ordini, vel Ecclesiae, vel Monasterio conferuntur, & quae raro, & nonnisi cum magna difficultate solent concedi, sicuti est indulgentia Altaris privilegiati; & ideo sub generali communicatione non comprehen-

henduntur, ut practicatur de stylo Curiae, & docent Salmant. Peyrin. Merol. Similiter non communicantur indulgentiae ad tempus: quia communicatio est solum de privilegiis, quae sunt perpetua, ut notant Lex. Bordon. Salmant.

## CAPUT IV.

*De usu privilegiorum pro utroque foro.*

**D**Einde considerandum est de usu privilegiorum, tam pro foro interno, quam pro foro externo. Circa quod

*Sciendum* 1. Quod, ut privilegiatus possit uti privilegio in foro conscientiae, debet sibi constare de validitate, aut firmitate ejus: vel saltem debet circa hoc habere opinionem vere, & practice probabilem. Hoc enim sufficit, ut sit tutus in conscientia illo utendo: vel etiam sufficit, quod per consuetudinem illud acquisierit. In foro autem externo requiritur, quod illud exhibeat in scriptis, vel in forma probante: quia in hoc foro nulli creditur sine probatione, ut habetur ex cap. Tua nos de sponsalib. cap. Accipimus 4. de privileg. Episcopus autem dubitans de validitate privilegii regularium, non potest impedire illos, ne interim utantur tali privilegio, sed recurrendum est ad Sedem Apostolicam, ut docent Rodr. Pelliz. Salmant. Imo addit Garcia, posse religiosos uti suis privilegiis adversus quemcumque Papa inferiorem: qui, si ab oppositione non desistat, potest eum religio excommunicare per Judicem conservatorem, ut dicitur in cap. seq. & interim, quod factum fuerit contra illos, erit nullum, ob indultum Julii II. concessum religiosis de Monte Oliveti, & Leon. X. Augustinianis. Nec privilegia regularium cessant per usum contrarium, ob privilegium bullatum Eugen. IV. concessum Congr. S. Benedicti, ut referunt Portel. & Dian. & ab eodem concessum Congr. S. Justinæ, quod referunt Bord. & Tamb. Qualiter autem privilegiatus possit uti privilegio adversus alium privilegiatum, dictum est in tract. de legib. cap. ult.

*Sciendum* 11. Quod regulares uti possunt privilegiis, quae sunt contra decreta

Trident. & per Trident. non fuerunt revocata, cum adhuc remaneant in suo robore, & firmitate, ut ex se constat, & est certum apud omnes. Non autem possunt uti illis privilegiis, quae fuerunt revocata per Trident. per clausulam revocatoriam illorum. Nam, quamvis Pius V. concesserit regularibus, ut possent uti privilegiis revocatis per Trident. tamen postea Greg. XIII. in bulla, quae incipit: In tanta rerum, & negotiorum mole; tale indultum revocavit: & ex praxi expediendi bullas, hoc idem constat, cum in illis fere semper apponatur clausula hæc: dummodo decretis Tridentini non sint contraria: Quod, non solum de foro externo, sed etiam de foro interno intelligi debet. Unde ab Alexand. VII. damnata fuit hæc prop. 36. *Regulares possunt in foro conscientiae uti privilegiis suis, quae sunt expressè revocata per Concilium Tridentinum.* Possunt tamen regulares uti aliis privilegiis revocatis per alia Concilia generalia antecedentia: quia Trident. cætera, non revocando, tacite confirmavit, ut ostendunt Salmantic. in præf. tract.

*Sciendum* 113. Quod regulares, & quilibet alius privilegiatus, possunt uti privilegio, sibi absolute concessio sine limitatione aliqua, in quolibet loco, nisi de mente concedentis aliter constet: vel, nisi speciali lege, consuetudine, aut statuto fuerit materia ejus prohibita in aliquo loco, & absit scandalum. Quia ex una parte privilegium reale sequitur personam, & non afficitur loco: ex alia parte non derogat consuetudini, aut statuto particulari. Ita Bonac. Pal. Suar. Unde, qui habet privilegium ab Episcopo audiendi confessiones suorum subditorum, ubi libet poterit illas audire intra ejus Dioecesim; non autem extra territorium, ob bullam Innocent. XII. quae incipit: Cum sicut non sine animi nostri dolore; de qua dictum est in tract. de poenitent. & iterum infra dicitur. Item si es dispensatus in jejunio, vel habes privilegium comedendi sabbatinia, vel carnes ob infirmitatem, ubicumque fueris, poteris tali privilegio uti, seculo scandalo. Sic Laym. Azor. Salmant. Si autem aliter constet de mente legislatoris, seu concedentis, non potest quis uti privilegio, sicut dictum est in tract. de legib.

Celsa

cap. ult. Qua de re vide Salmant. in tr. de privileg. regular. cap. 4.

## C A P U T V.

### *De privilegio eligendi Judicem conservatorem.*

**D**Einde considerandum est de privilegijs in speciali, quæ totam concernunt communitatem regularium. Et primo de electione Judicis conservatoris. Secundo, de exemptione a Jurisdictione Episcopali. Tertio, de facultate nova Monasteria fundandi. Quarto de facultate sepe- liendi sæculares in proprijs Ecclesijs. Quinto, de privilegio non solvendi portionem canonicam, & quartam funeralem. De alijs autem privilegijs dictum est suis locis. Circa primum igitur in præsentī

*Sciendum 1.* Quod conservator, ut in præsentī accipitur, est Judex a Papa delegatus ad tuendos regulares ab injurijs illis illatis, illorum bona, jura, & privilegia defendendo. Omnes autem regulares utriusque sexus habent a Sede Apostolica facultatem nominandi, & designandi Judices conservatores, ut concessit Xistus IV. Carmelitis in bulla, Dum attenta: Pius V. Dominicanis in bulla, Ad hoc nos Deus. Julius II. Minimis in bulla, Alias venerabilem: & Gregor. XIII. Societati Jesu in bulla, Æquum reputantes. De quibus, & alijs privilegijs late agit Barbosa, asserens, declaratum fuisse a Sacra Congreg. omnes religiones in illis communicare.

*Sciendum 11.* Quod Judex conservator potest alijs suas vices subdelegare, ut patet ex citatis bullis, & etiam, quia est electus ad universitatem causarum, & ideo Ordinarius est. Nec ejus munus cessat quoad negotia non cæpta ob mortem Pontificis, ut docent Rodr. Læz. Probabilis tamen est oppositum, quod docent Barb. & Cochier, attento cap. fin. de offic. Judic. deleg. in 6. quod & confirmavit Greg. XV. & innovavit. Jus eligendi hujusmodi Judicem, de jure communi competere Prælati cum suis Capitulis: sed attentis privilegijs competit etiam Prælati localibus. Electus autem tenetur ostendere Ordinario suam facultatem, juxta Constitut. Gregor. XV. ut notat Peyrin. qui etiam ponit

formulam eligendi Judicem conservatorem.

*Sciendum 111.* Quod quæcumque persona in dignitate Ecclesiastica constituta potest eligi in Judicem conservatorem, ut patet ex supradictis privilegijs. Possunt igitur eligi Episcopi, Abbates, Cardinales, Vicarii generales Episcoporum, Archidiaconi, Archipresbyteri, Præpositi, Decani; siquidem hi omnes habent dignitatem Ecclesiasticam. Possunt etiam eligi Canonici cujuscumque Ecclesiæ Cathedralis ex Clemente VIII. in Constit. edita anno 1592. Nemo potest esse Conservator sui Conservatoris ex jure communi; nec substitutus, sive in temporali, sive in spirituali jurisdictione, potest esse conservator sui Domini, vel Superioris, exceptis Regibus, & Regnis. Ita Barb. Læz. Pelliz. Prælati regulares possunt institui conservatores ex privilegio Clem. VIII. apud Rodr. Peyr.

*Sciendum 1v.* Quod præterea ad hoc, ut aliquis possit eligi in Judicem conservatorem, requiritur a Trident. sess. 25. c. 10. quod fuerit electus Judex Synodalis, seu designatus a Synodo ad hoc munus, seu, ut possit eligi in conservatorem: quod decretum innovavit Clem. VIII. & Gregorius XV. adeoque debet omnino observari. Aliud decretum ejusdem Gregorii referunt Salmant. continens, quod regulares intra quinquennium debent eligere Judices conservatores, quos nonnisi elapso quinquennio mutare non possint: quod, si non eligant, coram Ordinarijs possunt conveniri, quamdiu non elegerint. Electi in conservatores tenentur munus acceptare sub pœna excommunicationis, & suspensionis latæ sententiæ soli Papæ reservatæ ex decreto Julij II. & Pii V. sicuti notant Rodr. Pelliz. Portel. Salmant. Excipe tamen, nisi sint religiosi, hi enim acceptare non tenentur.

*Sciendum v.* Quod amplissima est Judicum conservatorum potestas, ita, ut a nullo impediri possit, nec etiam a legato a latere: contra quos, si opus est, potest religiosos tueri etiam per censuras, tum ex jure communi, tum ex privilegijs supra citatis, quando sibi fuerint inobedientes, etiam appellatione quacunque postposita, quando causa est notoria. Et non solum religiosos, sed etiam illorum familiares, aut Syndicos, Procuratores, & alios

huiusmodi possunt auctoritate sibi collata defendere contra quoscumque, ut patet ex dictis privilegiis. Sed, loquendo de rebus, causis, & negotiis, ad quæ Judicum conservatorum iurisdiclio se extendit, quamvis ex supradictis privilegiis ad omnes causas se extendat, sive cum judiciali indagine, sive absque illa, tamen ex Constitut. Greg. XV. adeo restricta, & limitata est, ut pene ad nihilum sit redacta. Pro cuius notitia

*Sciendum* v. i. Quod potestas Judicum conservatorum ex Constit. Greg. XV. solum se extendit ad causas, in quibus religiosi sunt rei: in causis vero, in quibus sunt actores, non possunt procedere, nisi in manifestis injuriis, ac violentiis, ut declaravit Sacra Congr. anno 1624. Nec procedere possunt extra civitates, aut Dioeceses, in quibus fuerint deputati; licet vocare possint extra illas existentes per duas dietas, seu 60. milliaria, & sola indagine judiciali, ut patet ex dicta Constitut. quæ incipit: Sanctissimus. Si vero excedant huius iurisdictionis metas, incurrunt suspensionem ab officio per annum, ut habetur in cap. fin. de offic. delegati in 6. Pars vero, quæ procuravit, quod Iudex excedat, excessu lecto, excommunicationem incurrit, a qua absolvi non potest, nisi satisfacta parte integraliter de expensis. Impedientes vero, vel molestantes conservatores, incurrunt excommunicationem, vel suspensionem ex concessione facta a Pio V. Dominicanis.

## C A P U T V I.

*De privilegio exemptionis regularium a iurisdictione Episcopali.*

**D**Einde considerandum est de privilegio exemptionis regularium a iurisdictione Episcopali. Circa quod

*Sciendum* I. Quod omnes fere regulares exempti sunt a potestate ordinaria omnium Prælatorum, Papa inferiorum, ex variis privilegiis, quæ videri possunt apud Catarub. Quare omnes Prælati regulares habent in propriis Monasteriis, & Ecclesiis iurisdictionem pleno jure quasi Episcopali, juxta doctrinam Glossæ communiter receptam in Clement. de rebus Eccles. non alien.

verb. proprii, ut notat Barbosa. Sunt autem exempti regulares, tam in civilibus, quam in criminalibus: tam quoad personas, quam quoad loca, Monasteria scilicet, & Ecclesias, ut constat ex Constitut. Bonif. IX. quæ incipit: Sacræ religionis; apud Confect. & Nicol. V. Etsi cunctorum: & Xisti IV. apud eundem. Unde Episcopi, & alii Prælati, nullam iurisdictionem ordinariam, aut præminentiam exercere valent in eorum bonis, personis, locis, sicut ex infra dicendis magis constabit. Hæc autem exemptio, quamvis tam ampla, & generalis, non tollit, quin in aliquibus rebus, & casibus limitetur, & in illis ex jure divino, vel humano regulares Episcopi subijciantur. Qua de re

*Sciendum* II. Quod regulares subijciuntur Episcopis in administratione Sacramentorum, de qua infra erit sermo: Quantum vero ad susceptionem Ordinum, dictum est in part. 1. tr. 14. Quoad renunciationem faciendam a Novitiis, dictum est in tract. ant. Item regulares exempti non possunt erigere nova Monasteria sine licentia Episcopi, ut dicam in cap. seq. Neque possunt sine ejus licentia recipere Ecclesias a secularibus, ex cap. Decimas, 16. q. 7. cap. Nullus, de jure patronat. Neque imprimere libros sine licentia Episcopi in scriptis, ut cautum est in Concil. Lateran. sub Leon. X. sess. 10. Insuper possunt ab Ordinariis compelli ad restituenda Novitiis, egredientibus a religione, ea omnia, quæ tempore ingressus tecum detulerunt, etiam per censuras ex Trid. sess. 25. c. 16. Habet etiam potestatem Episcopus cognoscendi de nullitate professionis, ut dictum est in tract. ant.

*Sciendum* III. Quod insuper Episcopus habet auctoritatem explorandi voluntatem Virginis ingressæ Monasterium, aut professionis: & statuendi numerum Monialium in Monasteriis, etiam exemptis, ex Trident. sess. 25. c. 3. & 7. & ex variis declarat. S. Congr. Potest etiam procedere contra regulares in causis miserabilium personarum, quando degunt extra Monasterium, ex Trident. sess. 7. c. 14. & declaravit S. Congr. anno 1573. Subijciuntur etiam regulares Ordinarii quoad publicas processiones, ex Trident. sess. 25. c. 13. excipiuntur tamen plures religiones habentes privilegium

Poſt.

Possunt tamen sine licentia Episcopi processiones facere intra Ecclesiam, ejusque Monasterii ambitum, ut pluries declaravit S. Congr. Circa vero id, quod possunt regulares in suis Ecclesiis, magnæ exortæ sunt inter illos, & Parochos controversiæ, ob quas consultata fuit S. Congr. anno 1520. cujus responsa authentica legi possunt apud Salmant. tr. 18. cap. 3. n. 9.

*Sciendum* IV. Quod in tribus casibus possunt Ordinarii compellere regulares exemptos ad obediendum per censuras. Primo in ordine ad restituendum Novitiis ex-euntibus ea, quæ attulerunt, ex Trident. sess. 25. cap. 16. Secundo contra Moniales claustrum non observantes, scilicet. ead. c. 5. Tertio contra celebrantes in Oratorii privatis, scilicet. 12. de celebr. Missar. Ultra hos casus, nullus datur in jure expresse, in quo regulares possint ab Ordinariis per censuras compelli. Plures autem Doctores dicunt, quod in omnibus casibus, in quibus regulares Ordinarii subiciuntur, possunt compelli per censuras, alias iniuste eisset Ordinarii jurisdictione, ut docent Riccius, Barb. Rodr. Bord. Probabilius tamen est oppositum, quia jus, ubi vult concedere talem facultatem, id exprimit, ut colligitur ex jure communi, cap. Nolentes, de privileg. in 6. & ex variis privilegiis id declarat: ex quibus unum sufficit concessum a Paulo III. Societati Jesu, ut videre est in bullario ejusdem Societ. fol. 35. & docent Lez. Sanch. Brun. Pelliz. Cord. Salmant. In casu autem notorietatis censuræ incurse a regulari, in quo non requiritur citatio, posse Episcopum declarare regularem excommunicationem incurrisse, docent Dian. Pelliz. Garc. ut notant Salmant.

*Sciendum* V. Quod in causis criminalibus non possunt Ordinarii contra regulares procedere, nisi in casibus in jure expressis: & si secus fecerint, incurrunt ipso facto censuras, & irritum, & inane erit quidquid contra eos facere attentaverint, ut patet ex bulla Clem. IV. quæ est 4. in bullario Cherub. & Xisti IV. in bulla, quæ incipit: Mare magnum. Nec obstat decretum Innoc. IV. editum in Concil. Lugdun. & innovatum in Trident. sess. 7. c. 14. quia in illo non comprehendunt regulares exemptos, declaravit idem Innoc. in bulla, quæ incipit: Cum olim duxerimus: & in

alia, quæ incipit: Cum nuper: & Pius V. in bulla, Et si mendicantium, confirmata in specie ab Urban. VIII. in bulla, quæ incipit: In plenitudine. In duobus tamen casibus a Tridentino datur facultas Ordinariis procedendi contra regulares exemptos. Primo contra eos, qui extra claustra degentes (permanenter tamen, & longe a correctione Prælatorum) delinquant, ut habetur in sess. 6. c. 3. Secundo contra eos, qui degentes intra claustra, extra illa cum scandalo populi notorio delinquant, quando instante Episcopo, a suo Superiori non puniuntur taliter, ut punitio innoscat Episcopo, ut habetur sess. 25. c. 14.

*Sciendum* VI. Quod non potest Episcopus visitare Monasteria, nec Ecclesias regularium exemptorum, nec Capellas, aut Confraternitates proprias religionis, nisi rescriptum particulare Papæ ad hoc ostendant, ut manifeste colligitur ex Trident. sess. 25. c. 20. Circa quod dantur plures declarationes, quas referunt Lez. Rodr. Barb. In casu autem, quo regulares habeant in suis Ecclesiis res prohibitas, aut indecentes, tunc Concilium provinciale poterit illas visitare, & etiam censuris contra regulares procedere, secundum quandam declarationem S. Congr. quam refert Barbof. Nec etiam potest Episcopus visitare Ecclesias Parochiales subditas regularibus, quæ administrantur per Parochum religiosum: nec istum punire potest in delictibus suum officium concernentibus, ut sæpius declaravit Sac. Congr. apud Barbof. Probabilius etiam est, non posse Episcopos visitare Monasteria Monialium exemptarum, ut videre est apud Salmant. tr. 18. c. 3. & licet ex jure communi possint visitare testamenta, in quibus regulares constituuntur hæredes, ad cognoscendum, si satisfaciunt legatis; tamen ex privilegio Eugen. IV. concessio Benediclinis, & Xisti V. concessio Clericis Congr. de Somalcha anno 1585. illa amplius visitare non possunt.

*Sciendum* VII. Quod regulares exempti non tenentur interesse Concilii Provincialibus, aut Synodis Diocesanis, nisi sint Parochi, ut patet ex Trident. sess. 14. c. 2. & ex privilegio Eugen. IV. concessio Benediclinis, relato a Rodr. in suo Bullario: & a Leon. X. Camaldulensibus Bulla 2. apud Cherub. & declaravit S. Congreg.

anno 1124. ut refert Barboſa. Neque vi coactiva obligantur ad obſervandas leges Synodales Diœceſis, aut Provinciæ, ut eſt certum: Imo nec vi directiva, ſeu in conſcientia, niſi in caſibus expreſſis in jure, ut patet ex cap. 1. de privilegiis in 6. Sed in jure non habetur expreſſum, niſi, quod regulares tenentur obſervare interdictum ab Epifcopo impoſitum, quando obſervatur a matrice, & ſeſta Diœceſſana indiſta pro tota Diœceſi ab Epifcopo, ut patet ex Trident. ſeſſ. 25. cap. 12. & ex Clement. 1. de ſent. excomm. Ergo ad nihil aliud tenentur, maxime cum ad alia onera ſint obligati. Ita Salmant. Lez. Portel. Bonac. Bord. contra Valq. Sanch. Rodr. Ratione tamen officii dependentis ab Epifcopo (puta, Parochi, Concionatoris, Confeſſoris) erunt obligati in conſcientia ad obſervandas leges diœceſſanas: quia in condendis legibus Diœceſſanis, procedunt Epifcopi tanquam ordinarii, non vero tanquam Sedis Apoſtolicæ delegati.

*Sciendum. VIII.* Quod hoc privilegio exemptionis a juriſdictione Epifcopali gaudent omnes religioſi profeſſi, ſive viri, ſive ſcœminæ: novitii etiam, & tertiarii cujuſcumque ordinis collegialiter viventes, ſi ſint viri: ſi autem ſcœminæ, vitam cœlibem expreſſo voto ſub habitu tertii ordinis ducentes, ut conceſſit Sixtus IV. & Leo X. Imo etiam ſamuli regularium quoad aliqua ſunt exempti a juriſdictione ordinarii, ſi aſtu ſerviant, & reſideant in Monafteriis, nimirum, quoad Sacramentorum adminiſtrationem, & quoad cenſuras, juxta conceſſionem bullatam Alex. IV. quam refert Cherubin. ex diſciſ colligitur, quod Monafteria, & Eccleſiæ regularium ſe habent ſicut alia loca extra Diœceſim exiſtentia, in quibus ſcœculares delinquentes non incurrunt cenſuras latas ab Epifcopo, nec ad ſtatuta Diœceſſana obligantur, ut docent Salas, Alter. Peyr. Laym. Bordon. Pelliz. Salmant.

### C A P U T VII.

*De privilegiis nova Monafteria fundandi, mutandi, transferendi &c.*

**D**Einde conſiderandum eſt de poteſtate, quam habent regulares nova mona-

ſteria fundandi, mutandi, transferendi, deſerendi, & alia hujusmodi faciendi. Circa quod

*Sciendum. I.* Quod, quamvis olim regulares plura haberent privilegia fundandi nova monaſteria, nullius ad hoc requiſita licentia: modo tamen omnia revocata ſunt ab Urban. VIII. in Conſt. quæ incipit „Romanus Pontifex, in qua confirmat Conſtit. Clem. VIII. quæ incipit, Quoniam ad inſtitutam: & Greg. XV. juxta formam etiam requiſitam a Trident. Ex quibus tres nunc conditiones requiruntur ad nova Monafteria fundanda. Prima eſt Epifcopi Diœceſſani, ſeu ordinarii loci expreſſa licentia. Secunda, quod ad eam concedendam vocentur Priores, & Procuratores Monafteriorum, alique in eo intereſſe habentes, & audiantur, an ipſi incommoda ſint, & nociva nova erigenda Monafteria. Tertia, quod nova non erigantur Monafteria, niſi in eis ex reſcriptis, & aliis conſuetis elemoſynis commode duodecim religioſi ſuſtentari poſſint, alias correctioni, viſitationi Ordinarii loci, atque omnimodæ juriſdictioni talia Monafteria erecta, abique eo, quod duodecim fratres in eis valeant habitare, & de ſacſo habitent, ſubjecta eſſe intelligantur. Multi quartam conditionem requirunt, ſcilicet, Sedis Apoſtolicæ facultatem: atque ita declaravi S. Congr. reſerunt Barboſ. Pelliz. Campanil. Alii oppoſitum probabilius judicant, inter quos Suar. Bord. Sorb. Btun.

*Sciendum. II.* Quod, ſi alii regulares irrationabiliter, aut ex mala voluntate conſenſum negant, poterit Epifcopus, non expectato illorum conſenſu, concedere talem licentiam, ut notant Lezan. Pelliz. Imo, ſi Epifcopo conſiderit novum Monafterium nullum detrimentum aliis aſſerre, non tenebitur modo dicto aliorum ordinum convocare Prælatos, ut declaravi Sacram. Congr. anno 1642. refert Lezana. Circa tertiam conditionem notandum, quod ex Decreto S. Congr. 29. Novemb. 1657. Sufficit, quod in Monafterio de ſacſo degant permanentes ſex ſaltem religioſi, quorum quatuor ſint Sacerdotes, ad hoc, quod non eſſe ſubjecta correctioni, viſitationi, & juriſdictioni Ordinarii intelligantur: alias, ſubjecta eſſe intelligantur omnimodæ juriſdictioni Ordinarii, & ſtatutis Synodi Diœceſſanæ.

celane ligantur in his, quæ regulari observantiæ non opponuntur, ut decrevit Innoc. X. die 10. Februar. 1654. & Alexand. VII. die 30. Martii 1661. ut refert Fœlix Potestas p. 1. tom. 1. c. 2. num. 66. Quod tamen intelligendum non est de religiosis existentibus in grangiis, vel in aliis partibus dependentibus a Monasterio pro servitio religionis, quia sunt partes Monasterii, cap. Recolentes 5. Monasterium, de statu Monach. Sic Sanch. Salmantic. Barb. & Bellarm. qui adducit declarationem S. Congr.

*Sciendum* 11. Quod in dictis prohibitionibus non comprehenduntur hospitia, etiam si Ecclesiam habeant, ad quorum proinde constructionem non requiruntur prædictæ conditiones, & solemnitates, ut docent Riccius, Tambur. Peyr. Bord. Debent tamen observari prædictæ solemnitates in constructione novi Monasterii monialium, ut declaravit S. Congr. anno 1620. apud Barbof. Quarum insuper Monasteria ex Trident. sess. 25. cap. 5. intra urbes, aut oppida construi debent: & ex Decreto Sacræ Congr. ut refert Barbofa, non nisi in locis, in quibus adest Presbyterorum, & regularium copia, ad audiendas earum confessiones. Ita Lezan. Ugolin. Vener. Salmant.

*Sciendum* 12. Quod in constructione novi Monasterii servari debet certa distantia inter Monasterium, quod de novo fundatur, & alia jam fundata. Circa quod plura extant privilegia: nam Clemens IV. ut refert Portel. concessit Minoribus, ne reliquæ Mendicantes, aut quæcumque aliæ religionis quæstuentes, possent ædificare Monasteria intra spatium 300. cannarum a suis Conventibus, mensurandarum per aerem. Consimile privilegium concessit idem Pontifex Prædicatoribus, ut testatur Joan. a Cruce. Et Carmelitis minus amplum 140. cannarum. Item ex concessione Urban. IV. nulla ædificia construi possunt intra unum milliare ab Abbatibus, & locis Ordinis Cisterciensium, & Sixtus IV. pro Carthusianis statuit, ne intra dimidiam leucam a terminis possessionis illorum alicui religioni liceat quolibet ædificium construere, vel possessiones acquirere. Sed Minimi habuerunt facultatem fundandi Monasteria etiam in distantia a Monasteriis

aliorum Ordinum per 140. cannas, a Julio II. Quod etiam Societas Jesu obtinuit a Gregor. XIII. Spatium autem cannarum mensurandum est a janua antiquæ Ecclesiæ ad alteram recentem ædificandæ, licet aliunde horti essent contigui, ut ex declaratione Pontificis facta Minoribus, & Prædicatoribus, testatur Bruno.

*Sciendum* 13. Quod licet ex jure antiquo in cap. 1. de excessib. Prælat. in 6. & Clement. Cupientes de pœnis, & cap. un. de relig. domib. in 6. non liceret Mendicantibus Monasteria mutare sine Sedis Apostolicæ licentia, nisi mutatio ad eremos faciendæ esset; at ex privilegio nunc possunt Monasteria ad alia loca magis idonea transferre cum suis redditibus, fructibus, privilegiis, quæ habebant, ut plures Pontifices concesserunt variis religionibus, sicut refert Salmantic. Ad hanc autem mutationem non est necesse servare conditiones requisitas pro construendo novo Monasterio, dummodo intra eandem urbem, vel prope illam, aut oppidum, vel villam fiat translatio. Sic Bord. Lez. Miran. Barb. Navar. Similiter, licet ex jure antiquo absque expressa licentia Papæ non possent Mendicantes totaliter deserere Monasteria, ex privilegio tamen Sixti IV. Urban. VIII. & Sixti V. Minoribus, & Benedictinis concessio, possunt sine tali licentia. Quod, si Monasteria derelicta velint de novo recuperare, non est necesse, ut observent conditiones requisitas pro constructione novi Monasterii, siue coactè illa dereliquerint, siue sponte: quia non novum Monasterium, sed antiquum acquirunt, ut probabilius docent Lez. Rodrig. Miran. Salmant. contra Cherub. Peyr. & Celsed. Denique ex privilegiis Joan. XXIII. Pii II. Innoc. VIII. & Urban. VIII. possunt conventus tenues, & pauperes, & eorum bona cum aliis Conventibus incorporare, in quibus sufficiens numerus fratrum alii possit: & onera omnia in illos transferendo, & providendo, ut in Ecclesiis derelictis quandoque divina celebrentur; Ad quod tamen licentia Diocesani non requiritur, ut notant Salmant.

## CAPUT VIII.

*Qualiter eligentes sepulturam in Ecclesiis regularium, possint ab eis sepeliri.*

**D**Einde considerandum est de privilegio regularibus concessio, ut possint sepelire in propriis Ecclesiis sæculares. Circa quod

*Sciendum* 1. Quod, præsuppositis his, quæ dicta sunt in tract. de testam. cap. 15, quando quis sponte eligit sepulturam apud regulares, vel in eorum Ecclesia habet sepulchrum majorum suorum, poterit ibidem sepeliri, sive cum habitu religionis, sive absque illo, ut habetur ex cap. ubicumque 13. quæst. 2. cap. Agapitus 16. qu. 1. Clement. Dudum, de sepult. & ex pluribus privilegiis, ut videre est apud Barb. Cherub. & Lezan. Quæ privilegia conveniunt etiam Monialibus, ut declaravit S. Congr. sub Greg. XV. Nec Parochi possunt plus exigere pro associandis corporibus ad Ecclesias regularium, quam si ad Parochiam ducerentur, ut patet ex cap. Audivimus 41. de Simonia cap. Nos sunt 8. cap. Cum in Ecclesia eod. tit. & ex Clem. VIII. in Bulla, quæ incipit, Expositum: apud Rodr. in qua id prohibet sub pœna excommunicationis Papæ reservatæ Parochis Indiarum, ut referunt Portel. & Lezan.

*Sciendum* 11. Quod quando Parochi non interveniunt associationi cadaveris sepeliendi apud regulares, etsi possint habere emolumenta, quæ illis propter jus Parochiale conveniunt: sed non illa, quæ propter associationem debentur, ut declaravit S. Congress. anno 1640. & juxta Decretum Urban. VIII. ut refert Peyrin. hæretici defuncti non tenentur convocare ad associandum corpus tot Clericos, quot regulares: nec prius totum Capitulum, quam religiosos: nec dare tot candelas Parocho, quot regularibus: sed convocare possunt Clericos sibi bene visos, & cuilibet dare ceram sibi bene vitam: revocans in hoc quælibet instituta, & consuetudines, seu abusus. Ex Decreto tamen Leon. X. in Bulla, Dum intra: tenentur regulares prius vocare, & expedare Parochum defuncti, quo renuente, possunt cum Cruce

levare corpus defuncti, ut declaravit Sac. Congr. anno 1614. & ad propriam Ecclesiam recto tramite deferre processionaliter, absque eo, quod illud teneantur prius deferre ad Ecclesiam Parochialem, ut ex declarat. S. Congr. referunt Peyr. & Lezan. Qui addit ex alia declarat. S. Congr. ad regulares spectare, determinare per quam viam sit alportandum cadaver. Officium vero super cadaver omnino debet fieri ab ipsis regularibus, non vero a Parocho, nec a Canonicis, non obstante quacumque consuetudine etiam immemorabili in contrarium, ut declaravit eadem S. Congr. anno 1629. apud Barbof. & Peyrin.

*Sciendum* 111. Quod in casu, quo cadaver publici excommunicati, usurarii, aut interdicti, sepultum fuerit intra Ecclesiam regularium, potest Episcopus illius exhumationem præcipere: quia ipsi ita conceditur a jure in dictis tribus casibus tantum, abrogatis omnibus privilegiis in contrarium, ut patet ex Clement. Eos, de sepult. Absolute tamen in omnibus casibus recensitis in Rituali Romano, debet cadaver sepultum, si ab aliis discerni possit, exhumari, in quocumque loco sacro sepultum sit, vel per præceptum Ordinarii, vel Prælati regularis respective. Sepelientes vero hæreticos, eorumque fautores, & receptatores, incurrunt excommunicationem ipso facto, ex cap. Quicumque 2. de hæret. in 6. Insuper sepelientes in loco interdicto in casibus non concessis a jure, vel publice excommunicatos, aut nominatim interdictos, vel usurarios manifestos, scientes tamen, & cum præsumptione, ipso facto sunt excommunicati: nec possunt absolvi, nisi satisfactione præstita ad arbitrium Episcopi Diocelani, ex Clement. 1. de sepult. quas excommunicationes incurrunt etiam mandantes, & procurantes, & authentice concurrentes ad sepeliendos supra dictos, ut dictum est in tract. de Censuris 1. part. & docent Ugol. Pal. Suarez, & Salmanticensis.



## CAPUT IX.

*Utrum regulares teneantur solvere portionem  
Canonicam, quartam funeralem,  
& decimas.*

**D**Einde considerandum est, an regulares exempti sint a solvenda portione Canonica, quarta funerali, & decimis. Circa quod

*Sciendum* 1. Quod portio Canonica debetur Episcopis ex omnibus legatis, & donationibus causa mortis, quæ sunt Ecclesiis suæ Diocesis, aut aliis locis piis, in recognitionem suæ superioritatis, & ob pabulum spirituale, quod illis præbet, ut patet ex cap. de his 20. quæst. 1. cap. Constitutum 16. quæst. 1. Clement. Dudum, de sepult. apud Barbof. Hæc aliquando erat tertia pars, aliquando quarta, & ob id quarta Canonica dicebatur legatorum, & aliorum, quæ Ecclesiis relinquebantur. Sed in hoc, standum esse consuetudini, decrevit Innoc. III. in cap. Requisitis de testament. & ult. volunt. Quæ consuetudo vix est amplius in usu. Cæterum sive sit in usu, sive non, Monasteria regularium exemptorum, tam viroorum, quam mulierum, eam solvere non tenentur, tum ex extrav. Inter cunctas §. de quibuscumque, de privileg. tum, quia plura dantur privilegia regularibus concessa cum revocatione cap. Dudum, eximentia. illos a solutione quartæ Canonice Episcopis debite, ut concessit Julius II. Dominicæ, & Minoribus: Eugenii IV. Benedicinis. Sixtus IV. Carmelitæ in eorum mari magno. Qua de re Rodr. Garc. Lezan.

*Sciendum* 2. Quod portio Parochialis, seu funeralis, debetur Ecclesiæ Parochiali, seu Rectori illius de funeralibus, & legatis relictis Ecclesiæ, apud quam Parochianus eligit sepulturam: & de omnibus, quæ adveniunt ratione funeris, seu in die funeris, ut patet ex pluribus capit. sub tit. de sepult. Aliquando fuit tertia pars, aliquando dimidia, sed frequenter quarta, & ob id quarta funeralis communiter dicitur, ut constat ex Clement. Dudum, de sepult. extra communi. Super Cathedram, de sepult. Sed in hoc standum est omnino consuetudini legitime introductæ, ut pro-

*P. Josephi Theol. Tom. V.*

bat Gloss. in cap. 1. de sepult. ver. tertiam partem. Hæc portio est magis in usu, & secundum jus commune, eam tenentur solvere omnes regulares, quantumcumque exempti, nisi speciali privilegio a solutione quartæ funeralis eximantur, ut constat ex dicta Clem. Dudum. Non enim in hac parte Generalis communicatio privilegiorum suffragatur, ut aliqui prætendunt, quia est in præjudicium tertii: pro quo plures decisiones assert Barbof. Quamvis oppositum probabilius videatur Salmant. pro quo alias decisiones adducunt Bonac. Lezan. Molphee. Quarant. & Garc.

*Sciendum* 3. Quod omnes fere religiones exemptæ, propter specialia privilegia illis concessa, sunt exemptæ a solutione quartæ funeralis. Nam Gregor. XI. Martin. V. & Sixtus IV. hoc concessit, cum derogat. Clement. Dudum, Minoribus, & Prædicatoribus, apud Consect. imposita excommunicatione cunctis cogentibus regulares ad eam solvendam. Julius II. & Julius III. idem concessit Minoribus: Eugen. IV. Benedicinis. S. Justinae, ut refert Rodr. Julius II. Congregationi Vallis Umbrosæ. Leo X. Alex. VI. & Paulus V. Minoribus, Sed, quia plures religiosi incuria, vel ignorantia ducti, hanc quartam funeralem solvebant, Concil. Trident. sess. 25. cap. 13. statuit primo, Monasteria, quæ per quadraginta annos ante Concilium solita erant solvere quartam funeralem, teneri in posterum eam solvere, non obstantibus quibuscumque privilegiis. Secundo, quod illa Monasteria fundata ante Concilium, quæ solita non erant per quadraginta annos ante quartam funeralem solvere, in posterum etiam non tenentur ad illam solvendam. Tercio, quod Monasteria fundata ante Concilium citra quadraginta annos, non tenentur ad illam solvendam. Quarto, quod Monasteria fundata post Concilium, aut in posterum fundanda, non tenentur illam solvere.

*Sciendum* 4. Quod pro illis, qui quartam funeralem solvere tenentur, plures Pontifices, & præcipue Pius V. in Bulla, Et si mendicantium; statuerunt, ut regulares non tenerentur solvere quartam funeralem, requisitam a Trident. nisi de cera, & aliis, quæ in aliquibus partibus deferri contingerit tempore, quo defunctorum corpora

K

pora ad sepulturam deferuntur : non autem de Missis, seu legatis, vel aliis, fratribus ipsis, seu monialibus hujusmodi relictis pro ornamento Ecclesie, palliorum, planetarum, cortinarum, & pannorum, vel pro victu fratrum. Sic Covar. Lex. Bord. & Barb. qui plures referunt declarationes Sacre Congr. Denique addo, quod novissime Benedictus XIII. in Concilio Romano obligavit omnes regulares ad solvendam parochis quartam funeralem, revocando circa hoc omnia privilegia. Ubi ergo acceptata sunt decreta hujus Concilii, regulares quartam funeralem solvere tenentur.

*Sciendum v.* Quod Monachi, & Religiosi, aut Clerici in communi viventes jure antiquo exempti erant a decimis solvendis: postea vero Innoc. III. in Concil. Lateran. cap. Nuper, de decimis, privilegia dicta limitavit, statuens, eos teneri ad solvendas decimas de prædiis, ac terris post prædictum Concilium ab eis possidendis, si novalia non fuerint, sed ex eis antea decimæ solvebantur, sive per colonos, sive propriis manibus, aut sumptibus eas excoluerint. Cæterum post dictum Concilium, virtute suorum privilegiorum, religiosi omnino exempti sunt a decimis solvendis, sive personalibus, sive realibus, seu prædialibus, uti videre est apud Lex. Azor. Tamb. Salm. Hujusmodi autem privilegiis non gaudet illarum religionum militares, quibus concessum est uxores ducere, nisi tantum, quantum ad fructus suarum commendatarum, ut testatur ipsa consuetudo.

## C A P U T X.

*De potestate, quam habent prælati regulares absolvendi, & dispensandi.*

**D**enique considerandum est de privilegiis, quæ competunt religiosis in particulari, ratione officii. Et primo de illis, quæ competunt illis ratione prælationis. Secundo, de illis, quæ competunt regulis muneris ministrandi Sacramentum Pœnitentiæ, vel illud suscipiendi. Tertio de illis, quæ competunt ratione muneris Sacerdotalis in ordine ad Missæ celebrationem, & ministrationem sacramentorum. Circa primum igitur in præsentem

*Sciendum 1.* Quod prælati regulares habent jurisdictionem quasi Episcopalem, seu ordinariam in suos subditos: ac per consequens possunt illos absolvere, sive per se, sive per suum delegatum, ab omnibus casibus, & censuris, a quibus Episcopi possunt respective ad suos subditos. Similiter etiam dispensare possunt in omnibus irregularitatibus, & pœnis, inhabilitatibus, votis, juramentis, & legibus, in quibus possunt Episcopi. Imo ex variis privilegiis amplio rem potestatem habent in suos subditos, quam Episcopi in suos, & multo magis ratione potestatis dominativæ, quam non habent Episcopi erga suos subditos: sicuti ex dicendis fiet manifestum. Interim tamen notare oportet, quod nomine prælati regularis in præsentem, non solum veniunt Generales, Provinciales, Priores, Præpositi, Guardiani, vel quocumque alio titulo nuncupati superiores: sed etiam in eorum absentia illorum Vicarii, Præsidentes, vel alio nomine appellati, qui locum, & jura superioris habent, & vices supplent, seu sufficient, sicuti docent ex communi Salmant. Unde

*Sciendum 11.* Quod prælati regulares possunt absolvere subditos ab omnibus casibus, & censuris, quæ Papæ non sunt reservatæ: & etiam a censuris ab homine latis, etiam specialibus, & per sententiam specialem publice declaratis, ut ex privilegiis concessis a Paulo V. Xisto IV. & Eugen. IV. docent Pelliz. Lex. Cand. Fragot. Possunt etiam illos absolvere ab omnibus casibus, & censuris Sedi Apostolicæ reservatis extra bullam cœus Domini, ex privilegio Xisti IV. & Gregor. XIII. Item possunt eos absolvere a casibus, & censuris occultis, quæ continentur in bulla Cœus Domini, excepta hæresi, etiam occulta, ut ex probabiliori sententia docent Salmant. Quamvis non desint, qui dicant, posse absolvere subditos regulares etiam ab hæresi, quando est occulta; non autem sæculares, ut dicebat proposit. 4. damnat. ab Alex. VII. Possunt etiam absolvere subditos ab excommunicatione contracta ob percussionem gravem, etiam publicam alterius religiosi, vel etiam Clerici sæcularis, ex privilegio Bonif. IV. & Clement. VIII. Respectu vero sæcularium eandem potestatem habent, ac alii confessarii regula-

gulares, de quibus infra sermo erit. Qua de re vide nostra privilegia verb. Absolutio a casibus in bulla cœnæ.

*Sciendum* III. Quod prælati regulares possunt absolvere subditos ab omnibus casibus, & censuris Papæ reservatis, a quibus possunt Episcopi ex vi Concil. Trident. ut illis concessit Pius V. die 21. Julii 1571. ut referunt Rodr. & Pal. An vero dicta facultas sublata sit quoad casus contentos in bulla cœnæ: (sicut de facto sublata est Episcopis, etiam si casus sint occulti, ut colligitur ex prop. 3. damn. ab Alex. VII.) Affirmant Lex. Dian. Trull. Tamb. Bord. quod probant ex clausulis revocatorii ipsius bullæ, quibus omnia privilegia regularium in hoc revocantur, & ex decreto Clem. VIII. & Urban. VIII. prohibentibus hoc idem regularibus. Alii vero, & probabilius, id negant: quia prælati regulares habent plura privilegia concedentia facultatem expressam absolvendi a casibus bullæ cœnæ, quando sunt occulti, quæ privilegia non revocantur per annuam publicationem ejusdem bullæ, in qua expresse excipiuntur illi, qui ad hoc habent a Papa speciale privilegium: quæ exceptio, etiam si non exprimitur, subintelligitur, ut in simili de bulla cruciatæ declaravit Julius II. apud Peyr. & Suar. Declarationes vero in contrarium adductæ, solum loquuntur de absolutione in ordine ad sæculares, non vero regulares subditos: vel de delictis publicis, sicut docent Rodriq. Peyr. Cand. Sanch. Bord. Salmant. & alii.

*Sciendum* IV. Quod prælati regulares possunt cum suis subditis dispensare in omnibus irregularitatibus ex delicto occulto provenientibus, & quæ ad forum contentiosum non sunt deductæ, excepta irregularitate proveniente ex homicidio voluntario: quia talis facultas competit Episcopis jure ordinario ex Trident. sess. 24. c. 6. Insuper possunt dispensare in omnibus irregularitatibus, sive ex delicto, sive ex defectu provenientibus, etiam bigamiæ, & homicidii voluntarii, dummodo notorium non sit, ex privilegio Martin. V. Imo ex privilegio Pauli III. & Xisti IV. possunt prima die Junæ Quadragesimæ dispensare cum subditis in omnibus irregularitatibus, etiam bigamiæ, & homicidii voluntarii, etiam si publicis, & notoriis. Denique ex

concessione Pii V. possunt toties, quoties suos subito liberare ab omni irregularitate ex delicto, etiam homicidii voluntarii, & publici, dummodo tale homicidium factum non fuerit post ingressum religionis, & semper sint in illa permansuri donec vixerint. Ex concessione vero Xisti IV. Pii V. & Greg. XV. dispensare possunt in omnibus penis, & inhabilitatibus contractis ob quæcumque delicta, etiam si sint Papæ reservatæ. Qua de re Lezana tom. 1. p. 1. c. 18. & Salmant. tr. 4. c. 8.

*Sciendum* V. Quod prælati regulares habent potestatem irritandi vota subditorum, & etiam dispensandi, sicut & relaxandi eorum juramenta, exceptis tamen votis substantialibus statum constituentibus, ut patet ex Trident. sess. 25. c. 1. exceptis etiam votis, & juramentis cum statu annexis, puta, non procurandi dignitates, ut declaravit Paul. V. in const. edita die 16. Febr. 1610. & Urban. VIII. anno 1643. Possunt tamen dispensare votum ingrediendi arctiorem religionem, ut patet ex bulla 2. Eugen. IV. apud Suarez: quamvis tale votum irritare non possint, ex cap. licet de regular. De privilegiis vero dispensandi in recitatione officii canonici cum infirmis dicitur in tract. seq. & alia alibi dicta sunt. Possunt etiam dispensare in omnibus legibus pontificiis, in quibus possunt Episcopi cum suis subditis, quia, supposita exemptione regularium a jurisdictione Episcoporum, prælati eorum cum omni jurisdictione loco Episcoporum succedunt, ut habetur in Clement. Ne Romani, de elect. in 6. & in bulla Pii V. quæ incipit, *Romani Pontificis*. Quapropter,

*Sciendum* VI. Quod possunt prælati regulares dispensare cum suis subditis, etiam novitiis, & commensalibus, in jejunii, esu carni, observantia festorum, & in omnibus casibus frequenter occurrentibus, vel in quibus non est facilis recursus ad Pontificem, sicut possunt Episcopi, ut dictum est in tract. de legib. Solum addo, ex privilegiis non posse prælatos dispensare sæculares, ut laborent intra monasterium in diebus festis. Cæterum ex jure communi excusantur a peccato sæculares, qui gratis laborant in diebus festis pro Ecclesiis, & locis piis, pro monasteriis pauperum religiosorum ædificatione, vel repara-

paratione, vel in alio opere necessario, dummodo prius audiant Missam, uti docent Fag. Sylv. Lean. Salmant. & infra dicitur in tract. 14. Possunt etiam praelati regulares benedicere vasa, & vestimenta sacra, imagines, sepulturas, & omnia, ad quorum benedictionem non requiritur unctio Chrismatis, sicut dictum est in prima parte, in tractatu de sacrificio Missæ.

## CAPUT XI.

*De privilegiis Confessariorum regularium respectu religionum sui Ordinis.*

**D**Einde considerandum est de privilegiis, quæ competunt regularibus in ordine ad ministrandum Sacramentum Pœnitentiæ: & primo religionis sui Ordinis. Secundo sæcularibus. Circa primum igitur

*Sciendum* 1. Quod ad hoc, ut confessarii regularium possint valide ministrare Sacramentum pœnitentiæ religionis sui Ordinis, non fufficit, quod sint approbati ab Episcopo: imo hæc approbatio nullo modo requiritur; sed omnimode requiritur approbatio, & deputatio prælatorum sui Ordinis, ad quos juxta statuta cujusvis religionis pertinet approbare, vel deputare confessarios pro suis religionis. Approbati ergo, & deputati a prælatis libere possunt uti omnibus privilegiis, infra adducendis, in ordine ad absolvendum religiosos sui Ordinis, etiam novitios, donatos, & famulos commensales: & dispensandum cum illis, nisi alias hujusmodi facultas restringatur a constitutionibus, vel consuetudine, aut a prælatis per reservationem.

*Sciendum* 11. Quod confessarii regularium possunt illos absolvere toties, quoties ab omnibus casibus a jure, vel ab homine Episcopis reservatis, ex privilegio bullato Xisti V. quod refert Rodr. ex quo fit, quod possint ab omnibus absolvere, a quibus possunt Episcopi jure ordinario. Quinam vero sint isti casus, dictum est in tract. de censuris, cap. 8. Insuper possunt toties, quoties absolvere ab omnibus casibus, censuris, & penis, etiam publicis, etiam Sedi Apostolicæ reservatis, exceptis his, qui in bulla cenzæ Domini continentur, ex privilegio Pauli III. pro Societate Jesu, quod refert Lezana: & ex alio Xi-

sti IV. pro monialibus S. Claræ, quod refert Rodr. Item deputati a Generali, vel Provinciali pro confessionibus religionum possunt toties, quoties illos absolvere ab omnibus casibus Papæ reservatis, etiam publicis, etiam contentis in bulla cenzæ, exceptis hæreticis relapsis schismaticis, apostolicarum litterarum falsariis, & ad infideles prohibita deferentibus, ex concessione Xisti IV. in mari magno Carmelitarum, confirmantis aliam bullam Eugen. IV. quam postea extendit ad moniales, ut refert Lez.

*Sciendum* 111. Quod religiosi semel in vita possunt eligere confessarium ex approbatis a suis prælatis, qui eos plenarie absolvat ab omnibus casibus, nullo excepto, ut concessit Xistus IV. Minoribus in bulla, quam refert Lez. & Gregor. IX. in bulla 17. Leo X. in alia bulla concessa religionis de Ucles, quam refert Joan. a Cruce. Idem concessit Eugen. IV. bulla prima apud Rodr. & Innocent. VIII. in bulla, quam adducit Lez. Item quater in vita eligere possunt ex Confessariis approbatis a suis prælatis, qui eos plenissime absolvant, ut concessit Paulus III. in bulla adducta a Joan. a Cruce. Idem possunt in omnibus festivitatibus Domini Sabaoth, B. Mariæ Virginis, S. Fundatoris Ordinis, & omnium Sanctorum, ut concessit Leo X. in bulla 47. apud Rodr. monialibus S. Claræ: & in bulla 20. apud eund. Ancillis B. Mariæ Virg. addens festum SS. Petri, & Pauli, & totam hebdomadam Sanctam. Denique Innoc. VIII. in bulla, quam refert Rodr. & Xistus IV. in bulla 45. quam refert Pellæ, concedit religiosi, ut in articulo mortis eligere possint confessarium, quemcumque vellent, sive regularem, sive sæcularem, qui ab omnibus casibus eos absolveret, nullo excepto, & concederet illis sanctum Jubilæum, seu omnes, & singulas indulgentias, quæ per omnes Romanos Pontifices prædecessores suos concessæ fuerunt Christi fidelibus personaliter euntibus Romam anno Jubilæi, & visitantibus Ecclesias ad hoc determinatas.

*Sciendum* IV. Quod confessarii regularium dispensare possunt omnia vota, & juramenta, in quibus possunt cum sæcularibus dispensare, ex privilegio Eugen. IV. Loquendo autem de irregularitatibus (nisi in religione detur statutum, lex, aut consue-

læ

tuendo in contrarium) possunt toties, quoties dispensare in omnibus, in quibus possunt Episcopi cum suis subditis, scilicet, in omnibus irregularitatibus ex delicto occulto, excepto homicidio voluntario, ut concessit Xistus IV. in bulla 2. quam refert Peyrin. & Eugen. IV. in bulla prima pro Benedectinis, & Minoribus, ut refert Rodrig. concessit, quod possint dispensare cum fratribus in omnibus irregularitatibus, & inhabilitatibus quovis modo contractis, sive ex delicto, sive ex defectu, etiam Sedi Apostolicæ reservatis, excepta irregularitate bigamiæ, homicidii voluntarii, & voluntariæ membrorum mutilationis.

*Sciendum* v. Quod confessorii regularium ex concessione Eugen. IV. facta fratribus S. Hieronymi in Hispania, quam refert Rodriguez, possunt semel in vita dispensare in foro conscientie super omnem irregularitatem, quacumque occasione contractam: quæ formula comprehendit etiam irregularitatem bigamiæ, & homicidii voluntarii, ubi docent Rodr. Salmantic. & Anton. a Spir. Sancto. Denique possunt eum illis in foro conscientie dispensare in omnibus penis, ex quibuscumque delictis provenientibus, quales sunt inhabilitates ad officia, privationis dignitatum, vocis, & loci, & huiusmodi, ex bulla Xisti IV. exceptis quatuor delictis, scilicet, obreptum in hæresim, schisma, falsificationem litterarum Apost. & delationem prohibitorum ad infideles, ut docent Sorb. Portel. Peyr. Lezzana, Salmant.

## C A P U T XII.

*De privilegiis regularium in ordine ad audiendas confessiones secularium.*

**D**Einde considerandum est de privilegiis regularium in ordine ad ministrandum secularibus Sacramentum poenitentiae. Et primo de facultate illud ministrandi. Secundo de casibus, censuris, & penis, a quibus possunt sæculares absolvere. Circa primum igitur

*Sciendum* 1. Quod, quamvis olim regulares haberent plura privilegia, etiam in corpore juris inserra, ut atque approbatione Ordinarii possent secularium audire confessiones; tamen post Decretum

Trident. sess. 23. cap. 11. de quo dictum est in tract. de Sacram. poenit. cap. 15. Omnino debent præsentari, & approbari ab Ordinario, ut possint secularium confessiones excipere, nisi Parochi sint. Unde Urban. VIII. in bulla edita anno 1629. revocavit, & annullavit omnia, & quæcumque privilegia, quibuscumque religionibus, & societatibus quoad hoc concessa. Quare nullo modo, nec valide, nec licite possunt nunc audire confessiones secularium sine approbatione Episcopi, seu Ordinarii, nisi Parochi fuerint. Ordinarius autem, cujus approbatio necessaria est, est solum Ordinarius loci, in quo audiuntur confessiones: & quod ita debeat intelligi Decretum Tridentin. expresse declarat Innoc. XII. in bulla edita die 19. April. 1700. quæ incipit: Cum sicut, non sine animi nostri dolore; quam per extensum referunt Salmant. in tract. 18. cap. 4. Hinc probabilior sent. affirmat, nec etiam Prælatos regulares posse sine approbatione Episcopi Diocesani audire confessiones secularium: quia in hoc non veniunt nomine Parochi, ut docent Lug. Dicast. Leand. Ledes. Suar. Bord. contra plures, quorum sententiam probabilem judicant Salmantenses.

*Sciendum* 11. Quod, secundum probabiliorem sententiam, regularis approbatus ab Ordinario Diocesis ad audiendas confessiones secularium, etiam, si a suis Superioribus præsentatus non sit, imo a suis statutis sit prohibitus, tamen valide potest absolvere: quia habet omnia requisita ad valide ministrandum Sacramentum, scilicet potestatem ordinis, & jurisdictionis. Ita Cand. Grass. Zerol. Pelliz. Lezan. alique. Opposita tamen sent. valde probabilis est, & in praxi securior, quam tenent Henriq. Fagun. Pal. Bord. Portel. Sylvest. & alii apud Salmant. Hoc cerum est, quod in dicto casu regularis non potest uti privilegiis suæ religionis in ordine ad absolvendum a reservatis, vel censuris, aut ad dispensandum in votis: quia hoc solum possunt regulares a religione expositi. Respectu etiam ad religiosos sui ordinis, si sint professi, nec etiam valide potest ministrare Sacramentum cum sola approbatione Episcopi, quæ non confert jurisdictionem in non subditos.

*Sciendum* III. Quod regularis approbatus ab Episcopo in sua Diœcesi, potest in illa omnium fidelium undequaque venientium confessiones excipere, etiam si per multos annos ab illa abfens fuerit, & postea redeat: non enim tunc indiget nova approbatione, etiam si mortuus fuerit Episcopus, qui illum approbavit, & alius loco ejus successerit, ut concessit Eugen. IV. Minoribus, & Clem. VIII. ut refert Rodrig. quod & praxis testatur, cum per mutationem domicilii non perdat approbationem, ut notant Bonac. Boss. Bordon. Pelliz. Regularis vero, quamvis injuste reprobatus ab Episcopo, non potest valide secularium confessiones audire, quia deficit ei conditio essentialiter requisita a Tridentino, undedamnata fuit ab Alexan. VII. hæc prop. 13. *Satisfacit præcepto annuæ confessionis, qui confitetur regulari Episcopo præsentato, sed ab eo injuste reprobato.* Qua de re vide dicta in part. I. tract. 12. cap. 15.

*Sciendum* IV. Quod idem Episcopus non potest regulares semel approbatos absolute, & illimitate, iterum ad examen vocare absque justa causa, eaque ad confessiones pertinet: quod, si secus fecerit, revocatio erit nulla, ut habetur expresse in Clement. Dudum, de sepult. & Extra. Super Cathedram, cod. tit. & ex bulla Pii V. quæ incipit: Romani Pontificis provident. Et ex declarat. S. Congr. quam adducunt Bord. Lez. & Bassæus. Et insuper, quia neque a Trident. neque ex aliquo decreto colligitur, hoc posse Episcopum, imo contrarium expresse habetur in jure. Quamvis autem, justa causa interveniente, eaque ad confessionem pertinente, possit Episcopus unum, vel alterum regularem suspendere, aut ad examen revocare, quia ad officium pastoris pertinet ab ovili arcere lupos, non tamen potest regulares in communi per edictum universale ad examen vocare, nec omnes confessores unius conventus indiscriminatum suspendere, quia justam causam in omnibus reperiri, iniquum est judicare: & ita expresse declaravit S. Congr. die 20. Novemb. 1615. uti refert Gavant. Peyr. & Lez. Neque capitulum Sede vacante potest indiscriminatum regulares suspendere, vel ad examen generaliter vocare, ut con-

cessit Clemens. IV. & Clem. V. Dominicanis, sicut refert Brun. & Confess. & etiam, quia capitulum succedit loco Episcopi, qui id facere non poterat, ut ex communi notant Salmant. tr. 18. cap. 4.

*Sciendum* V. Quod regulares absolute approbati ab uno Episcopo, possunt a successore in eadem diœcesi iterum examinari, approbati, vel reprobari ex eo præcise, quod vultum gregis sui velit agnoscere, ut sciat quos ministros pro suis ovibus habeat: quia ita expresse declaratur in bulla Pii V. supra cit. & a Sacra Congr. cujus decretum adducit Lezana: & ita tenent Bord. Riccius, Mirand. Dian. Pelliz. Fag. Alii vero id negant ex Clement. Dudum: & extrav. 2. de sepult. Nec obstat bulla Pii V. cum in primis fuerit moderata a Gregor. XIII. & restricta ad terminos Tridentini in bulla, quæ incipit: In tanta negotiorum mole: quam refert Navar. in suo Manual. Insuper, quia Pius V. & S. Congr. citati, dicunt hoc posse fieri a successore pro majori quiete suæ conscientiæ, ad quod nullo modo conducit generalis revocatio regularium ad examen: Imo ad perturbationes, & scandalum, ut experientia ipsa testatur. Poterit ergo Episcopus unum, vel alterum regularem, justa interveniente causa, ad examen vocare pro quiete suæ conscientiæ, absque eo, quod omnes inquietet. Sic Salmant. Navar. Dicast. Vafq. Veg. Villal. & Vi-vald. qui adducit quamdam declarationem Sacræ Congr. anno 1587. editam.

## C A P U T XIII.

*De casibus, censuris, & pœnis, a quibus Confessarii regulares possunt sæculares absolvere.*

**D**Einde considerandum est de casibus censuris, & pœnis, a quibus confessarii regulares possunt sæculares absolvere. Circa quod

*Sciendum* 1. Quod confessarii regulares, a prælatis suis expositi, & ab ordinario loci approbati, possunt sæculares absolvere ab omnibus casibus, & censuris, quæ sunt reservatæ Summo Pontifici, exceptis illis, quæ in bulla Cœnæ Domini continentur, ut concessit Xistus IV. Dominicanis,

canis, sicut refert Rodr. Leo X. Minoribus bulla 9. apud Concist. Clemen. VII. bulla 2. apud Bord. & Paulus III. Societati Jesu, bulla 7. quam refert Lezana. Excipiuntur etiam sex casus, a quibus intra Italiam, & extra Urbem, non possunt regulares absolvere sæculares, ex decreto S. Congr. jussu Clemen. VIII. edito anno 1601. quod decretum non extendi ultra Italiam, declaravit S. Congr. de mandato Urban. VIII. anno 1618. Dicti autem casus sunt. 1. Violatio immunitatis ecclesiasticæ circa confugiens ad Ecclesias, juxta constit. Gregor. XIV. cum alias. 11. Violatio claturæ Monialium ad malum finem. 111. Duellum in terminis Concil. Trident. iv. Simonia realis scienter commissæ. v. Confidentia beneficiæ. vi. Percussio violenta Clerici, vel Monachi, si-ve læsio fuerit levis, si-ve gravis.

*Sciendum* 11. Quod possunt etiam Confessarii regulares cum sæcularibus dispensare in omnibus irregularitatibus ex delicto provenientibus, quando sunt occultæ, nec ad forum contentiosum deducuntur, excepto homicidio voluntario, eo modo, quo possunt Episcopi. Sic enim concessit Minimis Xistus IV. bulla 9. quam postea confirmavit Julius II. in constit. quæ incipit: Dum ad sacrum ordinem Minimorum: apud Peyrin. In qua bulla confessariis illorum concedit facultatem his verbis. *Ab omnibus excommunicationibus, suspensionibus, & interdictis, & super quacumque irregularitate ordinaria, tam a jure, quam ab homine reservatis, toties, quoties opus fuerit absolvendi, & dispensandi, ac vota quacumque permutandi, sicut potest Diæcesanus.* Denique possunt cum sæcularibus dispensare in omnibus pœnis ecclesiasticis, dummodo sint occultæ, & extra bullam cœnæ contentæ, ut concessit Eugen. IV. Benedictinis, & Paulus II. Societati Jesu; ut referunt Lez. Salmant. Fragos. Dispensare etiam possunt, & commutare vota, exceptis quinque reservatis, ut dictum est in tr. 5. & impedimentum petendi debitum, contractum ob affinitatem in primo, & secundo gradu, post matrimonium, ut dictum est in 1. part. tract. 15.

*Sciendum* 111. Quod, sicut ex dictis colligitur, possunt regulares absolvere sæ-

culares a criminibus, & censuris, quæ sunt tribunali Sacræ Inquisitionis reservata, & extra bullam cœnæ contenta: adeoque quoties ex errore contra fidem non procedunt. Item possunt absolvere sæculares ab omnibus casibus, qui sunt jure ordinario Episcopis reservati, & extra bullam cœnæ, dummodo non sint ab Episcopo sibi specialiter reservati, unde damnata fuit ab Alexan. VII. hæc prop. 12. *Mendicantes possunt absolvere a casibus Episcopis reservatis, non obtenta eorum ad id facultate.* Possunt etiam absolvere non solum ab excommunicatione lata per sententiam generalem a jure, vel ab homine: sed etiam nominatim, & specialiter excommunicatos, vel aliis censuris ligatos, dummodo hoc fiat, prius satisfacta parte.

*Sciendum* iv. Quod ab omnibus prædictis casibus, & censuris regulares possunt absolvere toties quoties, etiam si casus publici sint: imo etiam si deducti sint ad forum contentiosum: quia privilegia absolute, & sine ulla restrictione facultatem concedunt. Unde absolutio a dictis censuris, si-ve ab homine, si-ve a jure latis, prodest etiam pro foro externo. Requiritur tamen, quod pœnitens in scriptis afferat testimonium confessarii, quod debet acceptari a prælato, & interim debet se gerere tamquam excommunicatus, ne tribunal externum perturbetur: Semper etiam debet præcedere satisfactio partis. Sic docent Sanchez. Delben. Pelliz. Pal. Salmant. Ab irregularitatibus yero, aliisque pœnis, quando publicæ sunt, absolvere non possunt regulares, ut supra dictum est.

*Sciendum* v. Quod circa casus contentos in bulla cœnæ, in primis certum est, quod ab hæresi, nec etiam occulta, possunt absolvere regulares, etiam si sint prælati: unde damnata fuit ab Alexan. VII. hæc prop. 4. *Prelati regulares possunt in foro conscientie absolvere quoscumque sæculares ab hæresi occulta, & ab excommunicatione propter eam incursum, secundo circa alios casus, certum est, regulares intra Italiam, & extra Urbem non posse absolvere sæculares, etiam si tales casus sint occulti, ob decretum Clement. VIII. editum anno 1601. Tertio, certum*

est, quod quando Summus Pontifex adiri non potest ob aliquod impedimentum, & alias urget necessitas, etiam si casus bullæ cœnæ sint publici, possunt Episcopi, & regulares, vel etiam quilibet confessorius approbatus sæculares absolvere, præstita tamen juxta formam Ecclesiæ cautione, quod excommunicantis mandato parebit, ut patet ex cap. Nuper, cap. de sent. excom. sicut dictum est in tr. de censuris.

*Sciendum* VI. Quod plures dicunt, posse regulares extra Italiam ex vi suorum privilegiorum absolvere sæculares a casibus bullæ cœnæ occultis, hæresi excepta: quia tales casus definiunt esse papales, & sunt ipso jure episcopales, ut patet ex Trident. sess. 24. cap. 6. Nec obstat revocatio, quæ fit quotannis per novam publicationem bullæ: quia revocatio privilegiorum solum intelligitur de dictis casibus quando publici sunt. Nec obstat, quod Alex. VIII. damnavit hanc prop. 3. *Sententia asserens, bullam cœnæ solum prohibere absolutionem hæresi, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. die 18. Julii, in consistorio Sacre Congregationis Emin. Cardinalium visa, & tolerata est.* Non inquam obstat, quia solum damnatur, quod sententia viti, & tolerata est, non autem damnatur ipsa sententia. Ita Sanch. Trull. Pal. Peyr. Lean. Sod. ut bene notat P. Viva super theses damnatas, sententia supradicta absoluta, & categorica, licet damnata non sit, in damnatione tamen propositionis hypothetica, probabilitatem ex parte magna amittit, unde remanet tenuis probabilitatis, quæ in praxi tute sequi non potest, ut patet ex damnat. prop. 3. proscriptæ ab Innoc. XI.

#### C A P U T XIV.

*Qualiter unius ordinis religiosi possint cum extraneis confiteri.*

**C**onsequenter considerandum est de privilegiis regularium in ordine ad susceptionem Sacramenti poenitentiae. Et primo, qualiter possint confiteri cum extraneis. Secundo de his, qui possunt sibi

eligere confessorium. Circa primum igitur

*Sciendum* 1. Quod, si religiosus habuerit copiam confessorii sui ordinis, nec intra, nec extra suos conventus potest cum religiosus alterius ordinis, aut sacerdotibus sæcularibus confiteri, nisi de licentia expressa, vel tacita suorum prælatorum, ut patet ex cap. Omnis, 12. de poenitent. & ex privileg. Innoc. VIII. bulla 3. Clement. VIII. bulla 4. Greg. XIII. & extrav. Benedict. XI. Cum inter cunctas, de privileg. & Xisti IV. in mari magno. Excipiuntur prælati ab hac generali regula: hi enim possunt sibi eligere confessorium, ut infra dicitur. Itinerantes vero, vel extra domum existentes, qui non habent sui ordinis confessorium idoneum, possunt confiteri cuicumque sacerdoti simplici, sive sæculari, sive regulari, etiam alterius ordinis, etiam si non approbato, dummodo non sit suspensus, aut excommunicatus, vel interdictus: & etiam sacerdoti sui ordinis non approbato, dummodo non detur statutum speciale religionis id prohibens. Ratio est, quia licentia itinerandi, vel extra monasterium commorandi, imbibit tacite licentiam sic consistendi, & hoc ex jure communi, & insuper ex privilegiis Xisti IV. & Innoc. VII. quorum verba adducit Borden.

*Sciendum* II. Quod possunt etiam regulares, etiam Moniales, tam intra, quam extra conventum, confiteri cum confessorio sæculari, vel alterius ordinis sine licentia suorum prælatorum (non obstantibus constitutionibus, & præceptis, aut privilegiis sui ordinis) tempore magnorum Jubilæorum, quæ solent Summi Pontifices concedere toti Ecclesiæ, præcipue quando ad pontificatum assumuntur, etiam si copiam confessorii sui ordinis habuerint, juxta tenorem bullæ Jubilæi. Ita Navar. Sot. Rodr. Bord. Lug. Pal. Peyr. Salmant. An vero possint regulares uti privilegiis bullæ cruciatae ad eligendum confessorium extra suam religionem, sine licentia suorum prælatorum, non est concors Doctorem sententia. Multi id affirmant apud Salmant. Sed probabilius est non posse, quia ita declaravit Clem. VIII. Greg. XIII. Urban. VIII. & alii Pontifices, ut referunt Salmant. Cum licentia tamen suorum prælatorum tacita, vel expresse.



pressa possunt uti tali privilegio cum omni amplitudine, ut absolvantur etiam a reservatis juxta tenorem bullæ, ut omnes concedunt.

*Sciendum* III. Quod omnes Episcopi, & alii superiores, nec non minores prælati exempti, etiam sine sui superioris licentia, providum, & discretum possunt sibi eligere confessarium, qui eos absolvat a calibus reservatis etiam, & censuris, a quibus ipsi possunt absolvere subditos, etiam si sit simplex sacerdos non approbatus ab ordinario, nisi alias habeant statutum speciale in contrarium. Quod indultum illis concessum in cap. ult. de pœnit. & remiss. non fuit revocatum a Trident. Unde sit posse modo omnes prælatos regulares, & in eorum absentia vicarios, & quoscunque præfidentes conventus, eligere sibi confessarium, quem voluerint, etiam simplicem sacerdotem non approbatum, sive sui ordinis, sive extraneum sæcularem, aut alterius Ordinis regularem, ut ex communi sententia docent Salmant. Suar. Lug. Rodr. Bord. Parochi tamen, quia non veniunt nomine prælatorum interiorum, vel saltem non sunt de numero prælatorum exemptorum, non gaudent hoc privilegio, ut patet ex prop. 16. dam. ab Alex. VII.

*Sciendum* IV. Quod religiosi omnes de licentia expressa, vel tacita suorum prælatorum possunt cuilibet simplici sacerdoti confiteri, sive sæculari, sive regulari sui, vel alterius ordinis, etiam si non approbatus ab ordinario: quia hoc poterant ante Tridentinum ex suis privilegiis. Trident. autem nihil innovavit circa religiosos in hac parte, ut docent communiter Doctores. Hoc privilegio gaudent etiam novitii, & famuli communales conventus, ut patet ex Trident. sess. 24. cap. 11. Licet hi, quia non sunt absolute religiosi, poterunt sine licentia cuilibet extraneo ab Episcopo approbato confiteri, sicut alii sæculares. Excipiuntur Moniales, etiam si regularibus subiectæ, quæ non possunt confiteri, nisi sacerdoti approbato ab Episcopo diocesano, ex decreto Greg. XV. in bulla, quæ incipit: Inicrentabili., edita 1. Febr. 1622. adeoque ubi publicata, & recepta est ista bulla, debet omnino observari.

*Sciendum* V. Quod omnes alii fideles, qui vel a Summo Pontifice, vel a suo proprio prælato facultatem obtinent, ob speciale indultum, seu privilegium eligendi sibi idoneum confessarium, debet omnino talis esse approbatus ab ordinario, etiam si hoc in bulla, aut privilegio non exprimitur: quia semper subintelligitur ob decretum Tridentini, cui numquam derogatur, nisi fiat expressa mentio illius in derogatione, ut ex communi sententia docent Suar. noster Thomas Hurtad. & Salmanticenses.

## C A P U T X V.

*De privilegiis regularium in ordine ad celebrationem Missæ, & Sacramenta suscipienda, & ministranda.*

**D**Enique considerandum est de privilegiis regularium in ordine ad celebrationem Missæ, & in ordine ad Sacramenta suscipienda, vel ministranda. Circa quod

*Sciendum* I. Quod circa tempus celebrationis, possunt regulares per tres horas ante ortum solis celebrare: imo ex justa causa immediate post duas horas a media nocte Missas dicere possunt, in propriis tamen ecclesiis, ut constat ex privilegiis concessis a Greg. XIII. Alexan. VI. & Clem. VIII. quæ privilegia non esse revocata, docent Rodr. Lug. Lean. & alii apud Salmant. Extenduntur dicta privilegia etiam ad sacerdotes sæculares celebrantes in ecclesiis regularium. An vero ex privilegio Eugen. V. possint regulares differre inceptionem Missæ usque ad novam, id est tres horas post meridiem. Negant aliqui, arbitantes revocata fuisse privilegia circa hoc, ut declaravit S. Congregata Lex. Azor. Fag. Henric. Alii vero asserunt non constare de dicta revocatione, nec de hac declaratione: quia solum loquuntur de Missis celebratis de solo, forsitan etiam circa solis occasum: & ideo standum est privilegio Eugen. Ita Salmant. noster Averfa. Dicast. Lug. Dian.

*Sciendum* II. Quod circa locum, possunt regulares celebrare in oratorii locorum, ubi degunt, etiam in grangiis, & locis ubi non sunt ecclesiæ, vel capellæ,

ex

ex privilegio Xisti IV. In mari magno. Alex. VI. Urban. VIII. Xisti V. & aliorum Pontificum, ut referunt Rodr. Lez. Prad. qui dicunt valere dicta privilegia post Trident. etiam in casu, quo Episcopus repugnet: quia Trident. solum concedit Episcopis, ut prohibere possint regulis celebrare in privatis domibus, aut omnino extra Ecclesiam: hæc vero grangæ sunt bona ecclesiæ, & partes ipsius monasterii. Ita Peyr. Dian. Vercell. Salmant. qui addunt, in dictis oratoriis posse etiam celebrare sacerdotes sæculares, & satisfacere præcepto omnes, qui ibi Missam audiunt. Insuper Pius V. concessit, ut religiosi infirmi possent celebrare, aut facere celebrare in suis cellis, si commode inde exire non possunt. Dantur alia privilegia regularibus concessa ab Honor. III. Alex. VI. Xist. IV. & Urban. V. ut sine parochialis iuris præjudicio possent regulares ubilibet, sive in castris, sive in plateis, sive in privatis domibus sæcularium, altaria erigere, & ibi Missas celebrare: quæ jam esse revocata per Trident. sess. 22. evidenter constat ex Decreto Clement. XI. die 15. Decemb. 1703. quod per extensum retuli in fine tomi secundi.

*Sciendum* III. Quod religiosi non tenentur sub mortali Missam applicare secundum intentionem prælati, nisi de hoc deatur speciale mandatum, sive statutum. Qui vero omitunt offerre Missam pro defunctis sui ordinis secundum regulam, quæ non obligat sub mortali, reprehensibiles quidem sunt, non tamen mortaliter delinquant: quia talis obligatio solum oritur ex illa lege, vel statuto, quæ sub mortali non adstringunt. Ita Pelliz. Salmant. & Ant. a Spir. Sancto. Subditi etiam sacerdotes, qui vel ex mandato Superioris, vel ex regula tenentur Missas applicare secundum intentionem prælati; si pro aliis applicant, probabile est non velle eorum applicationem, sed applicationem prælati: sicuti, si oblivione naturali illam non applicarent, adhuc valeret applicatio prælati. Sic Confess. Barb. Cord. Gavant. Probabilius tamen est oppositum, Sacerdos enim est minister sacrificii, a cuius intentione sacrificium dependet, & quantum ad consecrationem, & quantum ad applicationem; non autem Prælati. Ita Henricq.

Fag. Villal. Suar. Ledesm. Peyr. Salmant. Sufficit tamen, quod subditi applicet sacrificium saltem habitualiter pro intentione prælati, ut valeat prælati applicatio, uti docent Suarez, Bonacina, & Salmanticenses. De aliis privilegiis regularium circa susceptionem Ordinum, & administrationem aliorum Sacramentorum, vel susceptionem eorumdem, dictum est satis in propriis tractatibus in prima parte huius operis: unde ne dicta repetamus, ad alia explicanda procedamus.

## TRACTATUS DECIMUS.

*De his, quæ pertinent ad statum  
Clericorum..*

Consequenter considerandum est de his, quæ pertinent ad statum Clericorum. Circa quod quadruplex consideratio occurrat, distinctis tractatibus explananda. Prima est, de obligationibus statui Clericorum annexis. Secunda, de beneficiis Ecclesiasticis. Tertia, de Vitiis Simoniacæ, quod res Ecclesiasticas inficere solet. Quarta, de Immunitate Ecclesiastica, quæ Clericorum privilegia complectitur. Circa primum igitur in præsentis tractatu sit.

### CAPUT PRIMUM.

*De tonsura, & habitu Clericorum..*  
Suppl. 3. part. quæst. 40.

Secundum Greg. cit. a Mag. in 4. sent. dist. 24. §. B. *Servire Deo regnare est*; sed corona, seu tonsura, est signum regni: ergo illis, qui ad divinum ministerium applicantur, corona competit. Ad cujus evidentiam:

*Sciendum* I. Quod eis, qui ad divina ministeria applicantur, competit tonsura, & tonsura ad modum coronæ, ratione figuræ: quia corona est signum regni, & perfectionis, cum sit circularis: Illi autem, qui divinis ministeriis applicantur, adipiscuntur regiam dignitatem, & perfecti ma-

xima

virtute esse debent. Competit etiam eis ratione subtractionis capillorum, & ex parte superiori per rasuram, ne mens eorum temporalibus occupationibus a contemplatione divinorum retrahatur: & ex parte inferiori per tonsuram, ne eorum sensus temporalibus obvolvuntur. Nazaræi vero, sicut & conversi regularium tonduntur ad significandum renunciationem, & contemptum temporalium, sed non raduntur, nec in modum coronæ capillos deponunt, quia non occupantur divinis ministeriis, in quibus divina oporteat eos aperta mente contemplari.

*Sciendum* 11. Quod Ministri Ecclesiæ a populo separantur ad vacandum divino cultui: in cultu autem divino quædam sunt, quæ per potentias determinatas sunt exercenda, & ad hoc datur spiritualis potestas Ordinis: quædam autem sunt, quæ communiter a toto ministrorum collegio fiunt, sicut dicere divinas laudes, & ad hoc non præexigitur aliqua potestas Ordinis, sed solum quædam deputatio ad tale officium, & hoc fit per coronam, seu rasuram in modum coronæ, & tonsuram: & ideo non est Ordo, sed præambulum ad Ordinem. Unde in collatione tonsuræ, seu coronæ non fit mentio de aliqua potestate, sicut fit in collatione cujuslibet Ordinis: propter quod etiam datur absque officio Missæ; nullus autem Ordo datur, nisi in Missæ celebratione, ad quam omnis Ordo refertur.

*Sciendum* 111. Quod ex hoc, quod aliquis est Clericus, est in altiori statu, quam laicus; non tamen habet ampliorem potestatis gradum, qui ad Ordinem requiritur; & ideo per coronam non imprimitur character, nec est Ordo. Unde Trident. sess. 23. c. 2. dicit: *Ordines, qui Sacerdotio ex officio deservirent, ita distributi, ut, qui jam Clericali tonsura insigniti essent, per minores ad majores ascenderent.* Quamvis autem per coronam non imprimatur character, tamen deputatur homo ad divinum cultum, ut dictum est; & ideo talis deputatio debet fieri per Summum ministrum, scilicet per Episcopum, qui etiam vestes benedicit, & vasa, & alia omnia, quæ ad divinum cultum applicantur.

*Sciendum* IV. Quod Clerici in hoc, quod coronam accipiunt, non renunciant patri-

monio, nec aliis rebus temporalibus: quia terrenorum possessio non contrariatur divino cultui, ad quem Clerici deputantur, sed nimia eorum sollicitudo. Quia, ut dicit Greg. 10. Moral. c. 17. *Affectus in crimine est, non sensus.* Dominus autem non dedignatur pars fieri hæreditatis eorum, qui res mundi ita possident, ut per eas a cultu divino non retrahantur: sed eorum, qui ex æquo finem suum ponunt in Deo, & in rebus mundi, volentes simul servire Deo, & mammonæ. Unde & error Joannis Vicleff, asserentis, Ecclesiasticos possessiones habentes esse hæreticos, damnatus fuit in Concil. Constant. sess. 8. & Trident. sess. 21. c. 2. decernit, nullum deinceps debere ad sacros Ordines promoveri, si Clericus sit, nisi habeat unde decenter sustentari valeat, cum non deceat Clericos mendicare.

*Sciendum* v. Quod habitus dupliciter potest considerari. Uno modo, prout est signum quoddam dispositionis, vel status humani: quia, ut dicitur Eccles. 19. *Amibulus hominis annunciat de illo.* Quandoque vero est signum, vel contemptus mundani fastus, vel ambitionis. Sicut enim ex splendore vestium animus hominis elevatur: ita ex humilitate vestium humiliatur. Secundum autem doctrinam Domini, in operibus sanctitatis nihil homines facere debent propter apparentiam, quod præcipue contingit, quando aliquis aliquid novum facit, ut Chrysost. dicit hom. 19. in Matth. Et ideo habitus Clericorum, attenta consuetudine cujuslibet provincie, talis esse debet honestatis, ut nec novitate oculis attrahat in admirationem, nec sordiditate in despectionem status intuentes inducat: sed moderatione, & compositione sit in exemplum simul aliorum, & in signum Ecclesiasticæ professionis. Unde Hieronym. dicit Epist. 26. ad August. *Perpicue demonstratur, nec rasis capitis, sicut Sacerdotes, cultoresque Ihidis, atque Serapis, nos esse debere, nec rursus comam demittere, quod proprie luxuriosum est, & militantium: sed ut honestus habitus Sacerdotum facie demonstretur.* Quapropter

*Sciendum* VI. Quod Clerici, qui non sunt in factis constituti, nec beneficiati, si habitum, & tonsuram non deierant, etiam absque ulla causa id faciant, non pec-

peccant, ut declaratur in cap. Ut consultationi, de Cler. conjug. amittunt tamen privilegium canonis, & fori, quibus Clerici gaudent, ut colligitur ex cap. perpendimus, de sent. excom. & ex Trid. sess. 23. c. 6. Si autem solam tonsuram omittant, privilegia non amittunt, ut ex eod. Trid. colligitur. Clerici vero in sacris constituti, vel beneficiati, dimittentes habitum, & tonsuram, si post trinam monitionem sibi factam a Judice Ecclesiastico, habitum non reassumunt, peccant mortaliter propter contumaciam, & contemptum, propter quod etiam excommunicari possunt, ut est certum apud omnes: & insuper amittunt ipso facto privilegium tam fori, quam canonis, ut disponitur in cap. In audientia, & in cap. contingit 2. de sent. excom. Solum difficultas est, an, præcisâ temeritate, contumacia, & contemptu, peccent mortaliter. Ad cuius rei evidentiam

*Sciendum* v. 11. Quod Abbas in cap. Si quis num. 1. de vita, & honest. Clericor. Navar. c. 15. n. 110. Angel. ver. Clericus 4. n. 1. dicunt esse mortale, Cajet. vero ver. Clericus, negat, nisi interveniat temeritas, contumacia, & contemptus, ita, ut post canonicam monitionem Clericus etiam excommunicari possit. Sylvester vero, Armilla, & Valquez, dicunt non esse mortale (seclusa contumacia, & contemptu) nisi notabilis excessus fiat ultra modum consuetum; quorum sent. probabilior videtur. Si enim, spectatis circumstantiis personæ, loci, diuturnitate temporis, Clericalis tonsuræ, & habitus neglectus notabiliter repugnet honestati, & bono exemplo Clericorum, cujus gratia talis habitus lege Ecclesiastica præcipitur, certe erit peccatum mortale. Sin vero ex iusta causa, vel ad tempus breve, sine honestatis detrimento, habitus deponatur, nulla omnino culpa erit: qua de re spectanda est cujusque Diocesis consuetudo, ut bene notat Layman lib. 5. tr. 9. cap. 12. n. 3. Similiter etiam peccat mortaliter quicumque Clericus, qui taliter in cultu habitus Clericalis excedit, ut valde honestati status repugnet, tum propter scandalum, tum propter Ecclesiæ præceptum, imo propter præceptum naturale honestatis. Qua de re vide, quæ dixi in tract. de temperantia, cap. 33.

## CAPUT II.

*De calibatu sacrorum Ministrorum.*  
2. 2. quæst. 88. a. 11.

Clerici statim ac ordinantur in sacris, juxta ritum Ecclesiæ latinæ, tenentur ad vitam cœlebem, seu ad continentiam ab omni actu venereo, ut patet ex Trid. sess. 24. can. 9. Ad cuius evidentiam

*Sciendum* 1. Quod juxta sententiam D. Tho. a. cit. communiter receptam, debitum continentiae non est essentialiter annexum Ordini sacro, sed ex statuto Ecclesiæ. Unde videtur, quod per Ecclesiam possit dispensari in voto continentiae solemnizato per suspensionem sacri Ordinis. Est autem debitum continentiae essentialis statui religionis, per quem homo abrenunciat sæculo, totaliter Dei servitio mancipatus: quod non potest simul stare cum matrimonio, in quo incumbit necessitas procurandæ uxoris, & prolis, & familiæ, & rerum, quæ ad hoc requiruntur. Unde Apost. dicit 2. ad Cor. 7. *Qui est cum uxore, sollicitus est, quæ sunt mundi, quomodo placeat uxori, & artibus est.* Unde nomen Monachi ab unitate sumitur per oppositum ad divisionem prædictam. Et ideo in voto solemnizato per professionem religionis, non potest per Ecclesiam dispensari, & rationem assignat Decretalis, Cum ad Monasterium, lib. 3. tit. 36. c. 6. dicens: *Abdicatio proprietatis, sicut etiam custodia castitatis, adeo annexa est regulæ Monachali, ut contra eam, nec Summus Pontifex possit licentiam indulgere.*

*Sciendum* 11. Quod debitum continentiae in sacris ordinato proberit ex duplici capite, scilicet ex lege Ecclesiæ, & ex voto, ex lege Ecclesiastica sacro Ordini annexo. Unde Trident. sess. 24. can. 9. dicit: *Si quis dixerit Clericos in sacris Ordinibus constitutos, vel regulares castitatem solemniter professos, posse matrimonium contrahere, contra illudque validum esse, non obstante lege Ecclesiastica, vel voto &c. anathema sit.* Licet enim vovere absolute non cadat sub præcepto, sed sub consilio: tamen in Ordine sacro, quem Ecclesia libere consert, quibus vult, potest conditionem apponere, & de facto adjecit, ut qui

talem

talem Ordinem suscipiunt, eo ipso tacite continentiam proficiantur, sicut colligitur ex cap. 1. & seqq. dist. 28. cap. Cum olim, de Cler. conjug. & cap. un. de voto: & tenet sentent. communior, & probabilior cum D. Tho. cit. contra Scotum in 4. d. 37. q. un. Palud. Guttier. & alios apud Sanch. l. 7. de matrim. d. 27. q. 2. qui dicunt, debitum continentiae ex solo præcepto Ecclesiae provenire in suscipientibus Ordinem sacrum, non autem ex voto, quod non tenetur emittere.

*Sciendum* 111. Quod prædictæ duæ sententiae Scoti, & D. Thomæ in uno conveniunt, & in altero differunt. Conveniunt quidem in eo, quod Clericus in susceptione sacri Ordinis, sive intendat emittere votum continentiae, sive non: imo positive intendat non emittere tale votum, adhuc debitum contrahit continentiae perpetuae ex præcepto Ecclesiae, taliter, ut suscepio sacri Ordinis impediat matrimonium valide contrahendum, ut constat ex canone cit. Trid. Discrepant vero in hoc, quod, si debitum continentiae servandæ provenit ex solo præcepto Ecclesiae, poterit Papa in eo valide dispensare, etiam nulla iusta causa interveniente, cum dispenset in hac lege Ecclesiastica, cujus valor ab ejus voluntate dependet. Si vero debitum continentiae provenit etiam ex voto, non poterit Papa in eo valide dispensare absque iusta causa, cum obligatio voti ex jure divino proveniat, in quo Summus Pontifex non habet potestatem dispensandi absque iusta causa; cum dispenset in lege Superioris.

*Sciendum* 1 v. Quod susceptio Ordinis sacri tam in Ecclesia latina, quam in Ecclesia graeca impedit matrimonium contrahendum ex lege Ecclesiae, & contractum post susceptionem Ordinis sacri invalidum est, ut expresse habetur ex cit. can. Trid. & solum hæc differentia intercedit; quod in Ecclesia graeca matrimonium legitime contractum ante susceptionem Ordinis cum unica, eaque virgine, non impedit susceptionem Ordinis sacri, sicut in Ecclesia latina, nec vicissim impeditur quoad usum ab Ordine sacro: in Ecclesia vero latina habens uxorem ordinari non potest absque consensu ipsius, alias fit irregularis: si vero ex consensu uxoris Ordinem sacrum sus-

cipiat, debet ab ea in perpetuum separari: Quam autem antiqua sit in Ecclesia lex coelibatus, constat ex Concil. 2. Carthagin. cap. 2. ubi legimus: *Placuit, & concedet, Sacrosanctis Antistes, & Dei Sacerdotes, necnon & Levitas, vel qui Sacramentis divinis inferviunt, continentes esse in omnibus, quo possint simpliciter, quod a Deo postulant, impetrare, ut quod Apostoli docuerunt, & ipsa servavit antiquitas, nos quoque custodiamus.* Qua de re vide Layman lib. 5. tract. 9. cap. 11. num. 3. & seqq.

### C A P U T I I I.

*De obligatione, quam habent Clerici, recitandi horas canonicas.*

**D**ebitum recitandi horas canonicas ex triplici capite oriri potest. Primo ex susceptione Ordinis sacri. Secundo ex professione religionis, quæ choro addicta est. Tertio ex beneficio Ecclesiastico, de quibus distinctim considerandum est. Igitur circa primum in præsentia

*Sciendum* 1. Quod horæ canonicæ dicuntur illæ sacræ preces, quæ horis diurnis, ac nocturnis, ex sacrorum canonum decreto, ab Ecclesiasticis personis, nomine Ecclesiae ad Deum persolvendæ sunt. Alias Officium divinum, aut Ecclesiasticum, dicitur, uti videre est in cap. Dolentes, 9. de celebr. Missar. & Clement. 1. ord. tit. quia præcipuum, ac maxime proprium Clericorum munus est, divinis precibus apud Deum nomine Ecclesiae insistere, ut dictum est in cap. 1. Ecclesiasticum porro officium dividitur in diurnum, & nocturnum, sicut videre est in cit. cap. Dolentes, ubi dicitur: *Præcipientes, ut Clerici divinum officium nocturnum pariter, & diurnum, quantum eis Deus dederit, studio celebrent pariter, ac devote.* Communiter autem dici solet, universim esse septem horas canonicas, sive Ecclesiastici officii partes: pro quo numero plures congruentias congerit Gloss. in cit. cap. 1. de celebrat. Missar. sicuti videri potest apud Laym. lib. 4. tr. 1. cap. 2. n. 2. His igitur præsuppositis,

*Sciendum* 11. Quod omnes Clerici, qui in sacris Ordinibus constituti sunt, liceat

nul-

nullo beneficium Ecclesiasticum obtineant, ad horas canonicas recitandas, sub culpa mortali obligati sunt, ut est communis Doctorum sententia, quæ sumitur cap. 1. de celebrat. Missar. quod sumptum est ex cap. Presbyter dist. 91. Sed, quia in canone isto de solis Presbyteris fit mentio, ideo obligationem hanc, quatenus omnes Clericos in majoribus Ordinibus constitutos astringit, potius in generali Ecclesiæ consuetudine fundatam esse, notavit Navar. cap. 7. n. 2. Azor. c. 5. qu. 1. Adde, Clericum non liberari hac obligatione, tamen si sit excommunicatus, suspensus, depositus, aut degradatus: sicut ex communi sensu docet Navar. c. 7. n. 17. ne ex propria iniquitate commodum reportet. Quamvis de damnatis ad ultimos, aliqui merito dicant, ab hac obligatione liberari, quia cederet in dedecus Ordinis Ecclesiastici. Ita Less. Sot. Sanch. Pelliz. Salmant. Et idem dicunt de ordinatis per vim, & metum, Sanchez, & Castropal.

*Sciendum* 111. Quod Clerici in minoribus dumtaxat Ordinibus constituti nullo jure, vel consuetudine universali obligantur ad officium, vel psalmos, vel alias certas preces recitandas, ut docent Sot. Medin. Tolet. Suar. & alii communiter contra Abb. in c. 1. de celebr. Missar. nu. 2. Si vero in aliqua Diocesi vigeat consuetudo, sub peccato obligans Clericos in minoribus constitutos ad recitandum quotidie psalmos, vel quid simile, observanda erit: & ad officium Episcopi, ejusque Vicarii, vel Ministri spectabit, ordinandos memores reddere hujusmodi obligationis: cui etiam parere, & satisfacere debent, quamdiu in ea Diocesi commorantur. Cæterum, cum non pauci Doctores existiment, Episcopum non posse in Ordinatione, præter universalis Ecclesiæ consuetudinem, imponere novum onus, sive obligationem perpetuam, cum talis facultas ad Summum Pontificem proprie spectare videatur; ideo ad pariendam obligationem non sufficit, quod Episcopus in ordinatione ita præcipere soleat, nisi etiam adsit consuetudo temporis diuturnitate præscripta, ut ordinati talem præcepti obligationem acceptent, & impleant. Ita Med. Laym. Salmanticenses.

*Sciendum* 1v. Quod obligatio hæc reci-

tandi divinum officium incipit ab hora correspondente tempori ordinationis, quæ regulariter est Nona: Unde non tenentur illa die ordinati in Subdiaconos recitare totum officium, sed solum Nonam, Vesperas, & Completorium. In hujusmodi autem obligatione nequit Episcopus dispensare ad longum tempus cum aliquo, cum sit lex superioris. Potest tamen in aliquo casu particulari, & frequenter occurrente, in quo non sit facilis ad Summum Pontificem recursus, ex justa causa ad breve tempus dispensare, sicut etiam in jejuniis, & aliis legibus canonicis, ut dictum est in prima parte, cum de legibus ageretur, ex doctrina Divi Thomæ communiter recepta.

#### C A P U T IV.

*De obligatione, quam habent religiosi, recitandi horas canonicas.*

**D**Einde considerandum est, utrum religiosi, tam viri, quam mulieres, ex vi professionis habeant obligationem recitandi horas canonicas. Circa quod

*Sciendum* 1. Quod certum est, religiosos in sacris ordinibus nondum constitutos, sed choro deputatos, ac professos, (& idem dic de Sanctimonialibus) nullo modo teneri ad divini officii recitationem ex vi alicujus præcepti positivi humani, vel divini, cum hoc nullibi reperiat expresse: Neque ex vi suæ professionis, qua tenentur tendere ad perfectionem, cum plura alia dentur media ad perfectionem charitatis tendendi. Solum difficultas est, an ex vi consuetudinis jam introductæ, & firmatæ, teneantur officium divinum recitare quotidie sub gravi obligatione peccati. Non est autem hic sermo de illis religionibus, in quibus, vel est regulæ, vel superiorum præceptum formale graviter obligans ad talem recitationem: neque de illis, quæ non sunt choro addictæ, ut sunt religiones militares, & Societas Jesu: neque de illis, in quibus, quamvis sint choro addictæ, expresse tamen ab initio foundationis non fuit acceptata obligatio recitandi officium divinum quoad non ordinatos in sacris, ut est nostra religio Clericorum regularium Minorum: sed de illis

illis solum religionibus, in quibus non datur statutum, aut præceptum graviter obligans, nec statutum deobligans, sed sunt choro addicte, & habent consuetudinem jam a multis annis receptam, & firmatam, ut omnes professi choristæ officium divinum recitent, etiam privatim.

*Sciendum* II. Quod de hisaliqui dicunt, talem consuetudinem non habere vim legis, ideoque non obligare sub gravi peccato; tum quia non constat introductam fuisse animo graviter se obligandi: tum etiam, quia introducta fuit solum ex vi regulæ cujuslibet religionis non obligantis sub gravi, quamvis postea ex ignorantia multorum hæc obligatio præsupposita sit: quod non sufficit, ut consuetudo sit graviter obligans, ut dictum est in tract. de legib. cap. 23. Hanc sententiam esse valde probabilem docent Pal. Sà, Veg. Bord. Armil. Lessi. & plures alii apud Salmant. Probabilior tamen sententia docet, talem consuetudinem habere vim legis, ideoque obligare sub gravi culpa ad quotidianam recitationem horarum canonicarum: quia jam ab immemorabili, & cum animo se obligandi fuit introducta; cum sit in materia gravi, & continuo cum tanta firmitate observata, & superiores graviter reprehendant, & puniant contrascentes: omnes etiam timorati, ac prudentes male sentiunt de his, qui non observant talem consuetudinem; ideoque habet omnes condiciones requisitas ad obligationem legis inducendam. Ita cum communi Laym. Val. Salmant. Portel. Regin. Malder. Sanch. Trull.

*Sciendum* III. Quod, quia prædicta obligatio est solum ex consuetudine introducta, possunt Prælati regulares cum non ordinatis in sacris facilius dispensare, sicut possunt in aliis observantis regularibus, quantumvis gravibus: non enim est lex Superioris, ut notant Bonac. Lessi. Gavant. Ex quo etiam sequitur, quod, si religiosus extrahatur a statu, in quo viget hujusmodi consuetudo tam pia (puta, transferatur ad statum laicorum, seu conversorum; vel ejiciatur in perpetuum a religione; vel damnetur ad trirèmes) non remanet amplius obligatus ad recitationem officii divini, sicut nec ad alias observantias regulares, ut docent Sanch. Bonac.

Lex. Lessi. Pelliz. Atque idem dicunt de illis, qui ex legitima licentia degunt in perpetuum extra Monasterium: sed de his probabilius est oppositum, quia per se sunt choro deputati, & pars communitatis, sicut illi, qui de licentia choro non interfunt, ut docent Pal. Suar. Navar. & idem est de fugitivis, & apostatis, ut docent Salmant. Lessi. Aror. & alii contra Bonac. Sot. Ang.

*Sciendum* IV. Quod, attentis privilegiis, possunt Prælati regulares dispensare religiosis subditos legitime occupatos, vel impeditos. *Ad hoc, ut ipsi occupati, vel impediti certum Psalmorum numerum, per ipsos Superiores eis assignandum, non minus septem, aut sex, cum divisione, ut orationem dominicam septies, Symbolum Apostolorum bis: graviter autem egrotantibus, orationem Dominicam semel, & salutationem Angelicam septies in die recitando, septem horis Canonicis, & toti divino officio satisfecisse censeantur.* Ita concessit per bullam Clem. VII. Theatinis. Hoc privilegium referunt, & approbant, docentque eo tuto conscientia uti posse Superiores ad dispensandum etiam cum constitutis in sacris ordinibus, Rodriq. noster Thomas Hurtad. Lezan. Pelliz. Salmant. Aliud privilegium bullatum concessit Monialibus S. Claræ Innoc. IV. bulla 10. tenoris sequentis: *Ut quæ occasione rationabili non possunt aliquando legendo dicere horas suas, liceat eis, sicut alie sorores, dicere Pater noster.* Omitto plura alia privilegia, quæ, quia sunt vivæ vocis oracula, in dubium vertuntur, ut dictum est in tract. ant. cap. 1. & videri possunt apud Salmant. tractat. 17. cap. 3. in fin.

## C A P U T V.

*De obligatione, quam habent beneficiati, recitandi horas canonicas.*

**D**Einde considerandum est de obligatione, quam habent Clerici beneficiati, recitandi horas canonicas. Circa quod *Sciendum* I. Quod beneficiati, etiam si in sacris non sint ordinati, tenentur quotidie sub gravi culpa recitare horas canonicas, ut constat ex Concil. Lateran. sub Leon. X. sess. 9. & ex motu Pii V. edito

anno

anno 1572. & ex cap. per ambitiosam, de reſcript. in 6. & aliis juriſibus. Nomine beneficii veniunt etiam preſtitimonia illa, quæ ſunt portiones ex beneficii redditibus deductæ, illas enim ad hunc effectum Pius V. ſub nomine beneficii comprehendit. Intelligitur etiam Capellania collati- va, etiam ſi ſit manualis, ea videlicet, quæ auctoritate Episcopii inſtituta eſt; & ab Episcopo conferitur, quamvis ſit ad nu- tum amovibilis; & juſ præſentandi ſit apud laicos, ut docent Suar. Pelliz. Villal. Penſiones vero Clericales ſecum habent annexam obligationem recitandi officium par- vum. B. Mariæ Virg. ſi officium divinum non recitetur, ut ſtatuit Pius V.

*Sciendum 11.* Quod Coadjutoria, quæ aliquibus conceditur pro futura ſucceſſione, ad nihil obligat, quando Coadjutori non assignantur aliqui fructus beneficii per mo- dum penſionis, quamvis aliquod assignetur per modum ſtipendii: quod, ſi ad titu- lum ei conceditur, ut ordinari poſſit, te- netur recitare officium divinum, tam coad- jutor, quam penſionarius, ut docent Bonac. Pelliz. Pal. Salmant. Penſiones autem illæ, quæ conferuntur titulo ſæculari, puta, ad pulſandum organa, ad docendam theolo- giam, ad ſacriſtiam cuſtodendam, vel ob alia officia non eccleſiaſtica, non veniunt nomine beneficii in ordine ad inducendam obligationem recitandi horas canonicas: quia ut ſtipendium ſæculare ſolent con- cedi. Quod, ſi ut beneficia conferuntur, ut exigant ordinem in ſuſceptione, obli- gationem officii divini ſecum afferunt, ut docent Salmant. Bonac. Sylv. Suar.

*Sciendum 111.* Quod, qui juſte duo be- neficia poſſidet, ad unum tantum officium divinum recitandum tenetur, etiam ſi ſit ordinatus in ſacris. Si autem beneficiatus ordinatus in ſacris omittat abſque juſta cauſa recitationem, duo peccata committit, unum contra religionem, alterum contra juſtitiam, ut docent Navar. Bonac. Sanch. Laym. Suar. quod verum eſt, ſi nolit fru- ctus reſtituere: ſi vero habeat intentionem reſtituendi fructus, non peccabit contra juſtitiam, ut eſt certum. An vero in tali caſu peccet contra religionem, ſi non ſit ordinatus, dubium eſſe videtur: ſed, ut certum tenendum eſt, quod peccat etiam contra religionem, ut notant Lug. &

Salmant. Nam agit contra finem primario intentum ab Eccleſia in collatione benefi- cii, quod inſtitutum eſt ad ſervitium Ec- cleſiæ, ut recitet ſaltem officium. Duplex ergo datur præceptum, unum antiquum, quo obligantur omnes beneficiati recitare officium: aliud novum de reſtitutione fru- ctuum, impoſitum a Concil. Lateran. & Pio V. adeoque licet in tali caſu; quo velit fructus reſtituere, non peccet contra ſecundum, peccat tamen contra primum.

*Sciendum IV.* Quod, ſi beneficiatus ſua culpa non acquirit poſſeſſionem beneficii, tenetur ad recitandum horas canonicas: quia ob culpam illius æquum non eſt be- neficium debito obſequio privari, ut eſt certum. Certum eſt etiam contra nonnul- los, quod habens titulum beneficii, ſed impeditum a poſſeſſione abſque ſua culpa, non eſt obligatus ad recitationem: quia fructus non ſunt omnino certi. Sic Rodr. Suar. Lug. Bonac. Si vero habeat titulum, & poſſeſſionem, ſed non pacificam, quia ob litem fructus non percipit, vel, ſi illos percipit, eſt cum onere reſtitutionis, ſi perdat litem, adhuc non teneri ad recita- tionem, docent Rodr. Suar. Barb. Bonac. Vega; quia adhuc non cenſetur poſſidere perfectè beneficium. Alii vero dicunt, quod tenetur, ſi beneficium adminiſtret, cum morali certitudine, quod fructus ſibi applicandi ſunt: quia jam perfectè benefi- ciatuſ cenſeri debet: multo magis, ſi in- terim percipiat emolumentum aliquod ex ſervitiis, & functionibus manualibus, quo- rum fructu privari non timet. Ita Villal. Pelliz. Leſſ. Pal. Led. Sanch. Lug. Sal- manticenſes.

*Sciendum V.* Quod, ſi quis non poteſt percipere fructus beneficii, non tenetur recitare horas canonicas: quia non tene- tur ad onus tam grave, niſi ob ſtipendium acceptum, vel accipiendum. Qui vero poteſt, ſed non vult percipere, tenetur recitare: quia Eccleſia, quantum in ſe eſt, illi conſert ſtipendium. Unde ſequi- tur, quod qui juſte eſt excommunicatus, ſuſpenſus, vel ſine licentia non reſidet, quamvis fructus non recipiat, tenetur offi- cium recitare: quia poteſt deſiſtendo a con- tumacia illos percipere. Si vero adhibet diligentiam ut abſolvatur, vel cum licentia ob juſtam cauſam non reſidet, & adhuc illi



illi fructus injuste subtrahuntur, non tenentur ad recitationem: quia per ipsum non stat, quod non percipiat. Similiter, si a iudice damnatur, ut per annum non acquirat fructus beneficii, non tenetur pro eo tempore recitare, licet sua culpa fuerit damnatus, quia jam per ipsum non stat, quod non percipiat fructus: sicut non obligaretur in perpetuum, si in perpetuum privaretur fructibus beneficii. Ita Sanch. Pelliz. Salmant.

*Sciendum* .vi. Quod celebris est sententia Soti asserens, beneficium, cui non remanet bona pars sustentationis annuæ, puta tertia saltem pars ex fructibus beneficii, non obligari ad recitationem officii divini: quia fructus exigui nulli censentur: & quod parum est, pro nihilo reputatur, ut patet ex cap. Is cui 19. de præben. in 6. ubi beneficium insufficiens habetur quasi non esset beneficium. Cum Soto sentiunt Malder. Arag. Sanch. Prad. Less. Led. Alii vero dicunt, quodcumque beneficium quantumvis tenue inducere obligationem recitandi officium: quia jura non distinguunt inter beneficium tenue, & pingue, sed de omnibus indifferenter loquuntur, quantum ad obligationem recitandi horas canonicas. Unde, sicut Ecclesia sine ullo stipendio tale onus imponit ordinatis in sacris; ita cum tenui stipendio potuit tale onus imponere beneficiariis. Ita Covar. D. Anton. Val. Azor. Suar. Navar. Barb. Laym. Salmant. Regin.

## C A P U T VI.

*De restitutione faciendâ a Clericis beneficiatis non recitantibus horas canonicas.*

**D**Einde considerandum est de obligatione, quam habent Clerici beneficiati, restituendi fructus beneficii, quando non recitant horas canonicas. Circa quod

*Sciendum* 1. Quod ex Concil. Lateran. sub Leon. X. sess. 9. statutum est: & ex Constit. Pii V. quæ incipit: Ex proximo Lateran. edita die 12. Octobr. 1571. Omnes beneficiarii, si omittant recitationem officii divini, seu canonici, semper peccant mortaliter, & post primum levestre, si non recitent, tenentur ad restitutionem pro rata: ita, ut, si totum officium omit-

P. Sofferti Theol. Tom. V.

tant, tenentur restituere omnes fructus correspondentes illi diei, etiam provenientes a distributionibus pro assistentia in choro. Si matutinum cum laudibus, dimidiam partem: si omnes reliquas horas, mediam partem: si unam tantum horam, sextam partem. Ad hanc autem restitutionem faciendam tenentur in foro conscientie ante sententiam declaratoriam Judicis, ut patet ex prop. 20. damnata ab Alex. VII. quia non acquirunt dominium talium fructuum, ut patet ex supra dictis constitutionibus. Quapropter

*Sciendum* 11. Quod, qui legitime impeditus non recitat, non tenetur ad restitutionem, ut expressè dicitur in bulla Pii V. Unde inferunt Doctores, quod, qui abique culpa mortali omittit recitationem, sive hoc ex oblivione naturali, infirmitate, impotentia, ignorantia inculpabili, sive ex alio legitimo impedimento proveniat, non tenetur ad restitutionem. Multi etiam excusant a restitutione eos, qui voluntarie uno, vel altero die omittunt totum officium abique justa causa, ob præsumptam indulgentiam piæ matris Ecclesiæ. Sed immerito hæc indulgentia præsumitur contra expressam intentionem justissimæ matris Ecclesiæ, declaratam in bulla Pii V. in qua dicitur, ut, qui uno, vel pluribus diebus omiserit recitare, tenentur ad restitutionem pro rata. Dicendum est igitur, ad restitutionem proculdubio teneri, ut docent Azor. Bonac. Suar. Vasq. Pelliz. Salmant. contra Laym. Sot. Veg.

*Sciendum* 111. Quod, qui leviter peccaret per omissionem voluntariam exiguæ partis horæ canonicæ, ad nihil restituendum teneretur, nec etiam sub veniali: quia parum pro nihilo reputatur, ut docent Suar. Bonac. Navar. Salmant. Quod verum est, etiam si exiguam partem in singulis horis omitteret: quia licet dictæ parvæ materiæ coalescant ad unum peccatum mortale contra præceptum recitationis, utpote quod respicit integrum officium per modum unius: non tamen coalescerent respectu præcepti restitutionis, quod respicit singulas horas secundum se, & pro rata. Sic docent Pal. Pelliz. Petrus Navar. Salmant. Montef. & probabile esse dicit Bonac.

*Sciendum* 1v. Quod, qui voluntarie di-

L

stra-

tractus recitat horas canonicas, restituere tenetur, in sententia illorum, qui dicunt, quod voluntarie animo distractus non satisfacit obligationi recitationis, uti docent Regin. Less. Bonac. Pal. E contra omnes illi, qui docent non requiri attentionem internam ad satisfaciendum obligationi recitationis, consequenter asserunt, voluntarie animo distractum non teneri ad restitutionem: de quibus dicam in cap. seq. Sed adhuc in sent. requirente attentionem internam ad satisfaciendum præcepto recitationis, probabile est, non adstringi ad restitutionem voluntarie distractum: quia restituitur præcipitur eis, qui recitationem omittunt, non autem animo distractis; Ecclesia enim non iudicat, nec punit actum internum, qui solum cadit sub iudicio Dei, qui intuetur cor: homines autem vident solum ea, quæ parent, ut dicitur 1. Reg. . Ita Azorius, Salmantic. Tolet. Villal. Malder. Dian.

*Sciendum v.* Quod, si beneficiatus præter obligationem horarum canonicarum habeat alia ministeria annexa beneficio, probabile est, quod si divinum officium non recitet, non teneatur restituere omnes fructus illi diei correspondentes: sed solum fructus correspondentes soli recitationi, scilicet quartam, vel quintam partem, ut docent Pelliz. Less. Sanch. Valq. Rodriq. Bonac. Sed probabilius est, teneri restituere omnes fructus correspondentes diei, etiam si habeat alia onera beneficio annexa præter recitationem: quod clare colligitur ex bulla Pii V. in qua privat Canonicos non recitantes etiam distributionibus, quæ ob meram assilientiam, seu præsentiam in choro lucrari debebant. Sic Valent. Garc. Lorc. Filliuc. Reg. Azor. Suar. Pal. Salmantic.

*Sciendum vi.* Quod beneficiarius culpabiliter omittens recitare horas canonicas, restituere debet vel fabricæ beneficii, vel pauperibus, ut in supra dictis iuribus expresse præcipitur. Unde, si ipse, vel parentes, aut consanguinei sint pauperes, poterit illis, vel sibi dictam elemosynam applicare: maxime, quia in tali casu non ipse, sed Papa talem applicationem facit: nec ad hoc opus est consilio confessarii, si evidens sit paupertas. Hoc autem intelligendum est, nisi in fraudem non recita-

verit sicut tali applicationi sibi faciendæ: sicut vult expresse Summus Pontifex in bulla compositionis, ne detur occasio peccandi. Sic Tolet. Bonac. Pelliz. Pal. vel, nisi ex consuetudine, aut speciali statuto, vel lege iam applicati sint tales fructus alicui particulari necessitati, aut pio operi, vel aliis beneficiatis: quia tunc non licet aliis applicare contra ius tertii iam acquisito: quia ratione etiam non poterit fieri compositio in dicto casu, ut docent Arag. Rodr. Tol. Bonac. Suar. Salmant.

*Sciendum vii.* Quod huiusmodi obligationi restituendi potest satisfieri per quacunque elemosynas post contractam obligationem factas, aut faciendas, etiam si non cogitaverit de satisfaciendo huic obligationi restituendi, ut notant Laym. Pelliz. Dian. Nam hæc videtur virtualis intentio omnium facientium elemosynas, scilicet satisfacere omnibus debitis, quibus per actum elemosynæ tenetur satisfacere: quod locum habet in omnibus debitis domino incerto. Non autem potest satisfieri dictæ obligationi restituendi per elemosynas, quas antea fecit beneficiarius de fructibus sui beneficii: Unde damnata fuit ab Alex. VII. hæc prop. 33. *Restitutio fructuum ob omissionem horarum suppleri potest per quacunque elemosynas, quas antea beneficiatus de fructibus sui beneficii fecerit*; hoc enim esset satisfacisse pro peccato futuro.

*Sciendum viii.* Quod beneficiatus hæc die omittens recitationem horarum canonicarum, non satisfacit obligationi restituendi, si alia die recitet duplex officium: quia obligatio recitandi est affixa diei. Sic Henric. Petrus Navar. Arag. Pelliz. Aliis vero valde probabile videtur, quod satisfaciat, eo pari modo, quo Capellanus omittens offerre Sacrificium die, qua tenetur, peccat quidem, sed liberatur ab onere restitutionis, si altera die suppleat Sacrificium omissum. Ita tenent Molph. Suar. Filliuc. Pal. Bonac. Salmant. Addit Quintanadv. sufficienter satisfieri huic obligationi, si per se, vel per alium beneficiarius offerat pro defunctis alia opera satisfactoria hoc intuitu. Sed relicta hac sent. in sua putata probabilitate, primæ sententiæ standum censeo. Ad cuius evidentiam

*Sciendum ix.* Quod restitutioni debiti pecu-

pecuniarii certi satisfieri non potest per opera spiritualia, maxime contra expressam voluntatem creditoris, ut est certum: beneficiarius autem, omittens recitationem horarum canonicarum, tenetur ad restituendum certam summam pecuniariam fructuum beneficii correspondentium pro rata recitationis illius dici; quia tales fructus non facit suos, seu non acquirit illorum dominium, quod proinde remanet apud Ecclesiam: ergo non potest tales fructus sibi appropriare absque consensu Ecclesiæ, sicut fit per bullam compositionis. Compositio autem, seu compensatio, quæ fit per substitutionem operum spiritualium, & satisfactionis, ab ipso beneficiato ad litum suum, non est ex consensu Ecclesiæ, sed contra ejus expressam voluntatem, quæ decrevit, ut tales fructus dentur vel fabricæ Ecclesiæ, vel pauperibus, ut constat ex supra citatis iuribus: ergo non deobligat ab onere restitutionis. Quæ pariter intelligenda sunt de pensionariis culpabiliter omittentibus recitare officium parvum B. Mariæ Virg.

## C A P U T VII.

*De circumstantiis recitationis horarum canonicarum.*

**D**Einde considerandum est de circumstantiis requisitis ad debitam recitationem horarum canonicarum. Circa quod

*Sciendum 1.* Quod certum est, non satisfieri obligationi recitandi officium divinum per solam mentalem pronuntiationem. Ecclesia enim præcipit orationem vocalem, quæ requirit vocis articulationem, ut ex communi docent Cajet. Sanch. Salmant. Probabilius tamen est, satisficere eum, qui pronunciat, linguam, & labia movendo, tamen si vocem non sonant totaliter, seu taliter, ut re audiat: quia præceptum est, ut recitet, non ut audiat. Sic Trull. Rodr. Azor. Salmantic. contra Pelliz. Regin. Suar. Pal. Hoc certum est, quod, si recitat cum socio, debet ita proferre, ut ab alio audiat, & ipse illum audiat vicissim, quia alias non communicaret cum socio. Unde sequitur, quod surdus extra chorum non satisfaciatur recitando cum socio, licet in choro satisfa-

ciat per alios audientes ex sua parte chori, cum quibus ut pars unum constituit.

*Sciendum 11.* Quod debet officium divinum integre pronunciari; ex quo sequitur, quod qui verba priora versiculis ultimis conjungeret, omittis intermediis, vel ea syncopando, & syllabas aborbendo, ita ut verborum sensus deperderetur, non satisfaceret, nisi parvitas materiæ excusaret a gravi culpa, vel inadvertentia, aut balbuties involuntaria, ut notant Pelliz. Sanch. Bonac. quod verum est, si se solo, si se cum socio recitet; quidquid alii in contrarium dicant. Interruptio autem, etiam si fiat in medio psalmi, vel lectionis, nunquam pertingit ad mortale, quia omnes versiculi habent suam completam significationem distinctam ab aliis: imo, si fiat cum causa, nullum erit peccatum: sicut etiam nullum erit peccatum, etiam sine causa discontinuare unum nocturnum ab alio, vel laudes a matutino: quia sic antiquitus fieri solebat, ut notant Navar. Suar. Sanch. Si quis totum officium audiret, non recitando alternatim cum socio, non satisfaceret, quia præceptum est de recitando secundum morem Ecclesiæ, non vero de audiendo, ut notant Salmant.

*Sciendum 111.* Quod officium divinum hoc ordine recitari debet, ut terminatus prius officio præcedentis diei, postea dicatur matutinum cum laudibus, postea prima, tertia, sexta, & nona, deinde vespere, & ultimo loco completorium. Nunquam tamen (secluso scandalo, aut contemptu) erit mortale in privata recitatione hunc ordinem horarum invertere: imo nec invertere partes ejusdem horæ; erit tamen veniale, si fiat sine causa, ut docent Pelliz. Bonac. Less. Similiter non erit mortale celebrare Missam ante recitatum matutinum: quia non habent connexionem inter se, ut est certum apud omnes: imo etiam sine causa non esse peccatum veniale, affirmant Sylvest. Villal. Pelliz. Sanch. Sot. Sed propter rubricas Missalis hoc inculcantis tribus in locis, esse veniale, si fiat absque causa legitima, docent Less. Bonac. Pal. Vasq. Suar. Circa locum vero recitandi officium divinum privatim, nulla datur determinatio in jure; ideoque ubilibet poterit recitari, juxta illud ad Titum

2. *Volo viros in omni loco orare.* Quam-

L. 2. vis.

vis aliqui dicant esse peccatum veniale, sine necessitate, in locis immundis officium recitare, ob aliquam indecentiam, quæ adesse videtur. Sedere autem, aut stare, aut genuflectere, in privata oratione non præcipitur, sed consiluitur.

*Sciendum IV.* Quod quantum attinet ad tempus, obligatio recitationis est affixa diei: unde non satisfaceret, qui ante tempus præfixum officium diei sequentis recitaret: neque qui illud omisit, siue culpabiliter, siue inculpabiliter, tenetur die sequenti supplere. Qui vero dubitat, an omiserit horam, vel psalmum, si est dubium vere tale, & non scrupulus, tenetur repetere, quia obligatio certa est in possessione: Si vero non sit purum dubium, sed habeat aliquam probabilitatem annexam, quod illud recitaverit, ut, si recorderetur, voluisse recitare, aut incepisse, & postea dubitet: Si in fine tertii psalmi dubitet, an dixerit primum, non tenetur repetere, maxime si sit scrupulosus: quin potius ad non repetendum obligari debet a confessorio, & prælato. Unde fit, non teneri quemquam repetere, qui non meminuit se dixisse, modo non meminerit, se non dixisse, & conjecturam habere, quod dixerit. Ita Sanch. Arag. Navar.

*Sciendum V.* Quod incipit obligatio recitationis a puncto mediæ noctis antecedentis, & finitur in puncto mediæ noctis subsequenter, excepto matutino, & laudibus, quæ ob consuetudinem possunt dici post vespertas antecedentes diei, ut fert communis sententia. Non desunt tamen plures Doctores dicentes, præceptum recitandi officium incipere a vespere hujus diei, usque ad mediam noctem diei crastinæ: & sic ab illo tempore posse dici nedum matutinum, sed totum officium diei sequentis perfolvi, pro qua sent. Bonaciniat Francol. Bellar. Duran. & videtur esse de mente D. Thomæ quodl. 5. ar. 18. quem refert cum aliis Doctoribus Navar. qui tamen explicat, debere intelligi de matutino, & laudibus. Cæterum, si totum officium simul summo mane recitetur, siue ad finem diei totum differatur, erit solum veniale, si fiat sine causa: quia ordo accidentaliter ab Ecclesia præscriptus non servatur. Ita Sanch. Trull. Villal. Pal.

*Sciendum VI.* Quod tempus, quo ma-

tutinum sequentis diei inchoari potest, est a primis vespere, id est post duas horas a meridie, ut docent Sanch. Moss. Saltr. Trull. & alii: ex quibus plures dicunt, non esse veniale, etiam sine causa, si anticipare matutinum diei sequentis esse veniale. Sanchez addit, in quadragesima, quando vespere anticipantur, posse etiam ex tunc dici matutinum sequentis diei. An vero adimpleat præceptum recitandi, qui hodiernum officium recitare incipit paulo ante mediam noctem diei sequentis, si ipsum prosequatur post mediam noctem: Affirmat Leand. a Sacram. citans alios iur. Ordinis: quia res incepta tempore apto, potest in continenti profecti tempore sequenti, ut patet ex leg. licta, ff. si certum petatur. Id vero negat communis sent. quia obligatio recitandi officium est affixa diei Ecclesiastico, quæ incipit in puncto mediæ noctis, & in puncto mediæ noctis subsequenter terminatur: res vero tribuitur diei, in quo terminatur, & non diei, in quo incipitur, l. contractus eod. de fidei instrum. Sic Navar. D. Anton. Sylv. Azor. ex hac usque didici patet falsitas prop. 35. damnatæ ab Alex. VII. quæ sic habet: *Unico officio potest quis satisfacere duplici præcepto pro die presentis, & crastino.*

*Sciendum VII.* Quod non satisfacit præcepto, qui officium longius permutat in brevius: ut colligitur ex prop. 34. damnata ab Alex. VII. quæ sic habet: *In die Palmarum recitans officium paschale satisfacit præcepto.* Imo probabilius est, quod non satisfaciatur, etiam si illud sponte permutet in æquale, vel etiam in longius: quia non solum datur præceptum recitandi officium, sed illud recitandi secundum formam præscriptam, ut constat ex bulla Pii V. affixa in principio breviarum. Ita Suar. Bellar. Pal. Gavan. Rodr. Salm. & alii contra Azor. Less. Cajet. Sylv. Laym. Cæterum, si mutatio fiat ex errore, aut inadvertentia, non erit opus repetere, tum ob probabilitatem oppositæ sentent. tum, quia incredibile videtur, quod Ecclesia tantum onus velit imponere sic erranti, ut bis officium recitet eadem die, ut ex communi docent Salmant. Nec tenetur in tali casu alia die officium remittere, si sit de aliquo Sancto, sed debet aliis conformari. Quod, si errorem advertat dum recitat, pote-

poterit officium inceptum prosequi, vel prosequi currens. Ita Lug. Villal. Trull.

*Sciendum viii.* Quod licet sit probabilis sent. asserentium, quamlibet horam canonicam diverso præcepto imperari, quia singulæ divisæ sunt etiam quoad tempus ab Ecclesia; ideoque tot numero peccata committere, quot sunt horæ canonicæ, quas quis omittit: Probabilius tamen est, omnes unico præcepto imperari, ideoque unum peccatum committi: quia in iure officium nocturnum pariter, & diurnum per modum unius præcipitur, nec multiplicanda sunt præcepta absque manifesta lege, aut ratione, ut docent Pelliz. Lez. Less. Sanch. Salmant. In sent. igitur asserente, pro singulis horis dari speciale præceptum, parvitas materiæ, vel gravitas consideranda est non respectu totius officii, sed respectu cuiuslibet horæ; & ideo tertiam, vel quartam partem in singulis omittere, & in matutinis octavam, non esse materiam gravem. In sent. vero asserente, omnes horas cadere sub unico præcepto, materiæ quantitas desumenda est respectu totius officii; & ideo unicam horam minorem prætermittere non esse mortale, vel quantitatem æquivalentem, ut aliqui volunt. Alii dicunt omissionem unius horæ minoris esse materiam gravem, secus vero quantitas minor. Alii dicunt, octavam partem officii vix esse materiam gravem: In officio autem longiori maiorem latitudinem habet parvitas materiæ, quam in breviori, ut notant Salmant.

*Sciendum ix.* Quod ad satisfaciendum obligationi recitationis, sufficit intentio directa recitandi officium, aut orandi, si-ve hæc sit expressa, seu formalis: si-ve virtualis, seu implicita, quam censetur habere, qui solito more assumit breviarium ad recitandum: non vero requiritur intentio reflexa satisfaciendi præcepto. Sufficit enim, quod humano modo ponatur, seu exequatur res præcepta, id est scilicet, ut dictum est in tract. de legibus. Requiritur etiam attentio externa, ut est certum apud omnes, taliter, ut, si quis ridendo, & ludendo recitaret officium, non satisfaceret præcepto, aut si poneret aliam actionem externam impossibilem cum recitatione. Dubium solum est, an requiratur attentio interna actualis, vel saltem vir-

tualis, in vi scilicet primæ attentionis, si-ve intentionis attendendi, vel ad Deum, vel ad verba, vel ad sensum verborum, non retradata procedens; ita, ut voluntarie omnino distractus non satisfaciat præcepto officium recitando. Negant aliqui, dicentes, quod attentio interna non est de essentia orationis vocalis, neque præcipi potest absque Ecclesia, quæ non iudicat de internis, nisi in quantum habent connexionem per se cum actibus externis. Sic Duran. Laym. Sylv. Less. & alii plures. E contra alii affirmant, dicentes, quod attentio interna est de essentia cuiuslibet orationis, cum oratio sit actus intellectus, si-ve vocibus exprimitur, si-ve non; ut patet ex dictis in 2. part. cum de oratione ageretur. Sic Sanch. Rodr. Bonac. Salm. & plures alii Doctores apud Salmant. Ad cuius rei evidentiam

*Sciendum x.* Quod aliud est querere, an voluntarie distractus animo, seu mente, satisfaciat obligationi recitandi horas canonicas, taliter, ut non peccet mortaliter coram Deo: aliud est, an satisfaciat præcepto Ecclesiastico, taliter, ut non sit reus coram Ecclesia, quæ nec iudicat, nec punit actus internos, etiam si per se conexos cum actibus externis, & ideo illos non potest directe præcipere, ut dictum est in tract. de legib. sed solum indirecte, seu concomitanter, in quantum scilicet, præsupposito præcepto Ecclesiæ de actu virtutis externo, illi conjungitur præceptum divinum, & naturale de faciendo opere uti oportet. Sic igitur dicendum est, quod, qui recitat horas canonicas voluntarie, & totaliter mente distractus, non satisfacit suæ obligationi, & est reus peccati mortalis coram Deo, quia vere non orat; & de his Deus conqueritur in Evangelio, Matth. 15. dicens, *Hypocrite, bene de vobis prophetavit Iſaias, Populus hic labiis me honorat, cor autem eorum longe est a me.* Sed, quia Ecclesia non iudicat de actibus internis, nec iudicare potest, quia cor hominis inscrutabile est, & soli Deo notum, atque soli divino iudicio reservatum; ideo in iudicio Ecclesiæ reus non censetur, qui actum externum recitandi horas canonicas adimplevit, si-ve recta, si-ve prava intentione id egerit, si-ve voluntarie distractus, si-ve non; satisfacit ergo præcepto

Ecclesie, quantum ad vitandam poenam, non culpam: unde nullam poenam fori exterioris incurrat, sed manet obnoxius poenae aeternae. Ita D. Thom. 1. 2. qu. 100. art. 9. S. Anton. & alii. Qua de re vide Salmant. tract. 5. cap. 6. & ea, quae dixi in tract. de legibus.

## CAPUT VIII.

*De causis excusantibus a recitatione horarum canonicarum.*

**D**Einde considerandum est de causis excusantibus a recitatione horarum canonicarum, quae reducuntur ad impotentiam physicam, aut moralem, & ad legitimam dispensationem. Unde

*Sciendum* 1. Quod a recitatione horarum canonicarum excusantur in primis, qui inculpata oblivione, unam, vel plures horas non recitant. Secundo graviter infirmi, qui sine magna difficultate, vel corporis periculo recitare non possent videntur, ut sumitur ex cap. Clericus victum. dist. 19. In dubio autem, vel superior, aut confessorius consulendus, vel prudentis, & probi medici iudicio acquiescendum, sicuti tradunt Navar. Suar. Illud vero admonent, quod levis tertiana febris, & diuturna quartana ferme non excusat aegrotum ab horario penso: quia plerumque tempus a morbo liberum relinquit, quod ad orandum eligi potest saltem anteposendo, vel postponendo, sicut etiam notarunt Innoc. & Abbas in cit. cap. In casu autem, quo nec superioris, nec confessorii, nec medici consilium adhiberi possit, & timeatur ex recitatione grave incommodum, excusatur infirmus, quia concurrat jus fortius de vitando damno salutis: quod verum est etiam si ex sua culpa infirmitatem incurrerit, ut notant Salmant.

*Sciendum* 11. Quod tertio excusantur graviter occupati, si occupatio sit honesta, & necessaria, quae sine scandalo, & notabili detrimento proprio, vel alieno, differri non potest, vel omitti: quia tunc cum ea recitatio divini officii moraliter est impossibilis. Qua de re Navar. Sylv. Arag. Unde excusantur Confessarii, Concionatores, & scholares per integrum diem disputationem habituri, si moraliter, seu

sine gravi incommodo nequeant cum executione sui muneris conjungere officii divini recitationem. Ordinarie autem propter studium non excusantur, etiam si per alium recitent. Unde damnata fuit ab Alexand. VII. haec prop. 21. *Habens capellaniam collativam, aut quoddam aliud beneficium Ecclesiasticum, si studio literarum vacet, satisfacit suae obligationi, si officium per alium recitet.*

*Sciendum* 111. Quod excusantur quarto impotentes, aut intinsece tales, ut sunt coeci, qui memoriter officium recitare nesciunt: vel ab extrinseco tales, ut sunt, qui amiserunt breviarium, nec aliud habere possunt, ut docet S. Thom. 2. 2. q. 79. a. 3. ad 2. Cajet. Sot. Laym. Denique excusantur, qui legitimam habent dispensationem, quam absolute dare potest Summus Pontifex valide etiam sine ulla causa: & ex praesumpta illius licentia praelati inferiores in aliquo casu particulari ad breve tempus, & iusta causa existente. Sic Less. Sanch. Suar. Laym. Salmant. & alii communiter, sicut constat ex his, quae dicta sunt in prima parte, cum de legibus ageretur.

*Sciendum* IV. Ex dictis colligi primo, quod, qui solus recitare impotens est, si socium commode adhibere non potest, vel non nisi soluto pretio, non tenetur recitare officium divinum: quia censetur impotens moraliter. Si vero commode illum habere potest, & gratis, probabilius est teneri, quia hoc est medium ordinarium, & sic non censetur amplius moraliter impotens. Ita Garc. Sanch. Rodr. Salmant. & alii contra Dian. & Anton. a Sp. Sando. Non tenetur autem per alium adimplere, si socium habere non potest: quia haec obligatio est personalis. Nec tenetur alias orationes, aut alia pia opera substituere loco recitationis, quantum est ex vi hujus praeccepti, ut bene notant Salmant. quia hoc praecceptum obligat solum ad recitationem horarum canonicarum.

*Sciendum* v. Quod ex dictis colligitur secundo, quod qui potest majorem, vel notabilem partem officii recitare, abque dubio tenetur ad illam recitandam, etiam si impotens sit ad totum officium recitandum. Falsum enim est in hoc casu, quod major pars trahat ad se minorem, cum non

non habeant inter se necessariam connexionem in ordine ad finem: finis enim hujus præcepti in qualibet parte officii divini totus salvatur: Unde merito damnata fuit ab Innoc. XI. hæc prop. 54. *Qui non potest recitare matutinum, & laudes, potest autem reliquas Horas, ad nihil tenetur, quia major pars trahit ad se minorem*. Dixi notabilem partem, puta integram horam: si enim exiguum solum partem, puta unum, vel duos psalmos recitare tantum possit, non tenetur, quia in jure parum pro nihilo reputatur.

*Sciendum vi.* Ex dictis colligi tertio, quod, qui scit, se postea habitum impedimentum, aliqui dicunt, quod non tenetur anticipare, vel posticipare recitationem: quia quælibet hora canonica suo tempori determinato correspondet; & ideo ulque dum illud tempus non adveniat, præceptum recitationis non urget: neque urget obligatio post elapsum illud tempus: non enim tenetur uti indulgentia, seu privilegio anticipandi, aut posticipandi. Sic Cano, Henriq. Dian. Caram. Ant. a Spiritu Sancto. Probabilior vero sent. docet, quod tenetur anticipare, vel posticipare, quando statutis horis non potest recitare: quia Ecclesia duo præcipit, scilicet, recitationem officii a puncto mediæ noctis ulque ad mediam noctem sequentem: & hoc est substantiale obligans sub mortali: & recitationem statutis horis, quod accidentale est respectu præcepti, & obligans sub veniali; & ideo, qui statutis horis non potest recitare, excusatur a veniali: sed non excusatur a mortali, si absolute non recitet illa die. Sic Sanch. Salmant. Trull. Villal. Azor. Pelliz. & alii.

## C A P U T IX.

### *De recitatione publica horarum canonicarum.*

**C**onsequenter considerandum est de recitatione publica horarum canonicarum. Circa quod quinque consideranda sunt. Primo de ipsa recitatione publica secundum se. Secundo de distributionibus quotidianis pro assistentia in choro. Tertio de numero Canonicorum, aliorumque conventualium. Quarto de obligatione resi-

dentis. Quinto de rebus Ecclesiæ non alienandis. Circa primum igitur in præsentia,

*Sciendum i.* Quod datur ex jure communi obligatio recitandi officium divinum in communi in omnibus Ecclesiis Cathedralibus, Collegiatis, Regularibus, & Parochialibus, ut patet ex Clement. i. de celebr. Missar. & ex cap. Dolentes, eod. tit. nisi ex speciali instituto ab Ecclesia approbato hæc obligatio cesset, ut est in Societate Jesu, & aliis hujusmodi religionibus. Cæterum, cum hæc obligatio a jure positivo tantum habeatur, adversus quod prævalere potest consuetudo, ex illa pluribus in locis, præcipue collegiatis, & parochialibus, imo in pluribus regularibus, introductum est, ut solum pro diebus Dominicis, festivis, & aliis solemnioribus hoc observetur: & in aliquibus in totum talis obligatio est ablata ob tenuitatem stipendii, quod non videbatur sufficiens ad hanc obligationem gravem, & continuum imponendam: sive ob paucitatem ministrorum, ut notant Sylv. & Suar.

*Sciendum ii.* Quod in Ecclesiis, ubi adhuc viget consuetudo divinum officium publice celebrandi, sub gravi culpa tenentur prælati curam adhibere, ne unquam horæ canonicæ publice omitantur. Ex jure autem communi nullus religiosus in particulari sub culpa gravi tenetur choro interesse, & idem dicendum est de sanctimonialibus, ut notant Salmant. sed solum tenentur ex vi regulæ, quæ in aliquibus religionibus nec etiam ad leve peccatum obligat, sed solum ad poenam. Ad satisfaciendum vero obligationi recitandi in communi, debent ad minus quatuor religiosi convenire, quia absque tali numero non censetur sufficere communitas ad intentum: unde in tali casu paucitas religiosorum excusat ab obligatione chori, quando quinque saltem non sunt expediti, ut docent Villalob. Bordon. Pelliz. Salmant. Tenentur etiam Prælati regulares curam adhibere, ut in suis Monasteriis saltem una Missa singulis diebus in Ecclesia celebretur, ut colligitur ex cap. Cum creatura, de celebr. Missar. & tenent omnes Doctores, quorum aliqui excusant a mortali prælatum, qui una, vel altera die sacrum absque legitima cautela omitti permitteret, ut Sot. Suar. Alii vero id non admittunt, ut Laym. Co-

ninck. Alii melius dicunt, spectandam esse consuetudinem, ut Pal. Salm. Non est autem necesse, ut talis Missa cum cantu celebretur, quia de hoc nullum datur præceptum, ut docent Peyrin. Gavarr. Pelliz. Tambur: His igitur præsuppositis,

*Sciendum i. r.* Quod in publica recitatione servandus est omnino ordo, locus, & tempus ab Ecclesia præscriptum, ut manifeste constat ex cap. Dolentes cit. & ex constit. Pii V. quæ incipit: Quod in nobis, Ordo consistit in eo, quod non invertantur horæ canonicæ, vel ipsarum horarum formula ab Ecclesia præscripta. Tempus, ut Matutinum cum laudibus dicatur infra hos terminos, scilicet a Solis occasu usque ad ortum: regulariter autem proximæ post mediam noctem. Prima post ortum Solis: Tertia, Sexta, & Nona circa meridiem: exceptis feriis Quadragesimæ, Vesperæ dici debent post meridiem: Completorium prope noctem. Sed hoc intelligendum est, nisi aliter habeat consuetudo laudabilis, vel statutum speciale Ordinis, aut Monasterii. Quantum ad locum, semper talis recitatio fieri debet in choro, vel in Ecclesia, ita, ut sit peccatum mortale illud in Sacristia, Capitulo, vel alio loco communiter perolvere, nisi gravis necessitas, vel consuetudo oppositum perluadeat: quia ita habetur in cap. fin. dist. 12. & Clement. 1. de celebr. Missar. & docent Navar. Sanch. Cajet. Similiter erit grave peccatum in publica recitatione ordinem horarum ab Ecclesia præscriptum invertere, si frequenter hæc fiat; vel per tempus notabile officium in choro interrompere: quia importat notabilem deformitatem, & scandalum generat, quod non verificatur in privata recitatione. Ita Suar. Azor. Sot. Villal. Lez. contra Bonac. Trull. Gavarr. qui dicunt esse veniale, si absque iusta causa fiat, quia sunt circumstantiæ accidentales.

*Sciendum i. v.* Quod gravior est obligatio recitandi officium divinum in choro respectu communitatis, quam extra chorum respectu particularium. Unde plura, quantum ad materiæ integritatem, quæ in particularibus non pertingunt ad mortale, respectu communitatis erunt peccatum mortale. Quare peccant mortaliter Prælati, & omnes ad id cooperantes, si per-

mittant unicam horam, vel partem notabilem illius in choro prætermitti, ut docet communis sent. apud Dian. Pelliz. Suar. Salmant. contra Bord. Brun. Vidak. Tancred. Cæterum datur etiam respectu communitatis parvitas materiæ, puta, si una commemoratio, vel brevis psalmus voluntarie prætermittatur, ut est communis sent. Si autem præter intentionem bona fide aliquid prætermittatur, aut mutetur, non debet in choro repeti nec tunc, nec postea: quia confusionem pareret, & notam ex se causaret: & etiam, quia præceptum officium recitandi in choro est, ut statutis temporibus recitetur, ut monet Sanchez: ideoque illis elapsis cessat præceptum. Unde inierit, quod, si integra hora prætermissa sit, sive culpabiliter, sive inculpabiliter, melius est illam omittere, si tempus illi horæ canonicæ deputatum elapsum est, idque ad evitandum scandalum, & notam, & confusionem. Sic etiam docent Pelliz. Navar. Salmant.

*Sciendum v.* Quod destinati ad chorum satisfaciunt suæ obligationi, etiam si aliquam partem non recitent, nec audiant officii, cum ob servitium chori detineantur in pulsandis campanis, aut organis, in transferendis libris, vel aliis huiusmodi: quia cooperantur recitationi, & per alios satisfaciunt. Similiter tarde ad chorum accedentes post horam jam inchoatam, si multum non est in hora processum, non tenentur repetere omnia: quia ob locieratis vinculum alii canentes consentient defectum loci supplere: & idem est, si aliquo accidente impediti non recitent, vel exeant a choro, & postea revertantur, ut docent Laym. Azor. Salmant. Probabilius tamen est, quod non satisfaciunt, si submissa voce non recitent versus, qui organis pulsantur, quia integrum officium debet recitari voce humana, ut præcipit Ecclesia. Sic Pal. Pelliz. Suar. Bonac. Villal. Salmant. Sed probabile est etiam oppositum, quia ab Ecclesia sonus ille recipitur loco vocis ex consuetudine introducta, uti docent Sanch. Trullen.

*Sciendum vi.* Quod non satisfaciunt suæ obligationi privatim recitandi, qui in choro recitantes partem sui, partem alteram chori non audiunt: sufficit autem, si audiunt in conspectu, quia aliquo modo in ta-



si casu cum alia parte communicant, & faciunt unum. Ita Sanch. Bonac. Pelliz. Salmant. Hinc probabile est, quod iustus non satisfaciatur, ut docent Bonac. & Kegin. Sed probabilior est oppositum, tum quia facit, quod potest, nec debet adstringi ad amplius, cum præcepta Ecclesiæ debeant benigne, & humane interpretari: tum etiam, quia chorus supplet ejus defectum: nam pateram suam cum altera parte chori communicat, & partem alteram audit, mediantibus locis inæ partis, cum quibus unum mystice corpus facit. Ita Trullen. Salmantic. Suar. Denique probabilior est, quod satisfaciatur, qui submissa voce recitat suam partem, ita, ut ab alia parte non possit audiri, dummodo alii ex parte sua clara voce recitent: quia ad communicandum cum alia parte, non requiritur, quod omnes voces audiantur. Sic Sanch. Arag. Less. Bon. Villal. contra Cajet. Navarr. Armill.

*Sciendum VII.* Quod recitare officium parvum B. Mariæ Virg. Defunctorum, Psalmos penitentiales, aut graduales in choro, non est præceptum, ut testatur Pius V. in sua bulla, nisi ubi viget laudabilis consuetudo, quæ solum obligat communitatem, non vero particulares extra chorum, ut tenent communiter Doctores. In die tamen omnium Defunctorum etiam particulares tenentur ad recitandum integrum illorum officium, quia est pars officii divini illius diei, sicut notatur in Calendario, & praxis docet. Ita Pal. Salmant. Bonac. Pelliz. quidquid in contrarium dicant alii relati a Molfes. De Letaniis autem in die S. Marci, & tribus diebus Rogationum, omnes alicuius obligare sub mortali communitatem, sive in processione, sive in choro. Respectu vero particularium, alii dicunt, probabile esse, quod non obligent extra chorum. Ita Vasq. Dian. Pellizar. Malder. Sed probabilior est, quod obligent, quia sunt pars officii illius diei, ut notatur in Calendario, & in rubricis: nec in bulla Pii V. excipiuntur, sicut excipiuntur Psalmi penitentiales. Sic Suar. Bonac. Trull. Pal. Salm. Lean. Lenz.

*Sciendum VIII.* Quod omnes Ecclesiastici, tam sæculares, quam regulares, tenentur sequi formam Breviarii Romani, tam intra, quam extra chorum, exceptis

Religionibus, & Ecclesiis, quas constat habuisse speciale Breviarium per 200. annos ante institutionem hujus a Pio V. recogniti, & emendati, ut constat ex ejus bulla. At vero Ecclesiæ sæculares, vel regulares, quæ habebant speciale Breviarium ante ducentos annos, si illud relinquere vellent, & se cum Romano conformare, hoc debet fieri cum consensu Capituli, & Superioris illius: si vero suum retinere velint, adhuc particulares extra chorum possunt, si velint, recitare secundum Romanum. Ubi vero est receptum Breviarium Romanum, non satisfaciatur suæ obligationi, qui recitat secundum aliud Breviarium, ut expresse habetur in motu proprio Pii V. & docent Bonac. Garc. Pal. Sanch. Salmantic. contra Regin. Vasq. Dian. Hinc sequitur, quod, qui non haberet Breviarium Romanum, non teneretur recitare secundum aliud Breviarium, quia respectu ejus non est officium canonicum. Episcopi autem regulares possunt juxta Breviarium suæ Diocesis officium recitare, & idem est de lociis cum eis recitantibus, vel cum aliis privilegiatis, quia privilegium extenditur ad illos, ut constat ex Clement. Dignum, de celebr. Missar. Etiam religiosi, qui in itinere non habent Breviarium Romanum, vel ex alia justa causa, possunt recitare cum aliis, vel per se solos juxta aliud Breviarium, ex privilegio concessio Minoribus ab Innoc. IV. ut rekerunt Salmantic. Rodg. Dian. Tambur.

*Sciendum IX.* Quod regulares exempti, utentes Breviario Romano, possunt recitare officium de Sanctis, de quibus in Diocesi, in qua existunt, recitatur; sed non tenentur, nisi quantum ad Festum Patroni, in quo cum matrice debent conformari ex constit. Greg. XIII. quæ incipit: Pastoralis officii. Capellanus Monialium, qui dicit Missam conventualem, potest in officio cum Missa conformari, licet Missa sit de Sanctis, de quibus ob speciale institutum Moniales recitant, ut notant Regin. Sylv. Quintanad. Episcopus, per se loquendo, non potest instituere, ut totus Clerus festivitatem alicujus Sancti celebret, quando, secundum rubricas Breviarii Romani, de alio Sancto, vel de feria recitandum est, nisi habeat speciale privilegium: quia non potest facere contra præceptum Papæ; sicuti

sicuti notant Bonac. Navar. Pal. In Ecclesia, ubi habetur insignis Reliquia, potest fieri officium de illo Sancto, sed non alibi, ex decreto S. Congr. jussu Urban. VIII. edito, ex quo etiam habetur, quod non potest fieri per totam civitatem, aut locum, officium Titularis Ecclesie parochialis, vel regularis, aut Abbatialis: sed solum in propria Ecclesia. Reliquia vero insignis, ut possit fieri officium de illo Sancto, debet esse authenticata ab aliquo Episcopo, ex Trident. sess. 25. Decreto 2. de Purgatorio, & Reliquiis Sanctorum.

## CAPUT X.

*De distributionibus quotidianis ob assistentiam in choro.*

**D**Einde considerandum est de distributionibus quotidianis ob assistentiam in choro Clericorum. Circa quod.

*Sciendum* 1. Quod peccant mortaliter præbendati, qui sine causa legitima non interiunt choro. illis diebus, quibus obligati sunt interesse, etiam si cedant distributionibus, nisi parvitas materie excuset, ut, si ter, vel quater in anno absint: quia in cap. Dolentes, de celebr. Missar. & Clement. 1. eod. & aliis juribus, sub censuris, & pœna depositionis præcipitur eis assistentia in choro, & graviter reprehenduntur tarde ad chorum accedentes, vel ante completum officium exeuntes, vel ibi confabulantes, & recitantes mutilando, aut syncopando horas: & etiam, quia ad talem assistentiam obligantur non solum ratione distributionum, sed principaliter ratione proprii muneris. Ita cum probabiliori sent. docent Valsq. Pal. Suar. Garc. Bonac. Salmant. contra Navar. Pelliz. Barb. Reg. Val. Cajet. Sylv. Hoc certum est, quod, si sua absentia causa sunt, ut recitatio officii divini omittatur in choro, peccant graviter.

*Sciendum* 11. Quod, quamvis, atrento juris rigore, teneantur Canonici non solum interesse, sed etiam canere in choro, vel recitare, ut suæ obligationi satisficiant, & possint acquirere distributiones: maxime, quia Trident. sess. 24. c. 12. statuit, omnes Canonicos compellendos esse officia divina per se, non vero per substi-

tutos, celebrare: tamen, attenta consuetudine, quæ in pluribus Ecclesiis Cathedralibus est legitime introducta, dicendum est, non teneri per se in choro canere, sed satisfaciunt suæ obligationi, postquam distributiones lucrari, assilendo, & sua officia præstando, ministris, & capellanis pfallentibus; quod etiam ad decorem confert in Ecclesiæ ministris. Sic Reg. Pelliz. Salm. Arag. Santh. Bonac.

*Sciendum* 111. Quod, qui absque debita exteriori reverentia assilunt choro, legendo, ridendo, confabulando, aut dormiendo, non possunt lucrari distributiones: quia illæ non nisi ob assistentiam humanam, cedentem in Dei cultum, conferuntur. Excipe, nisi forte quis somno oppressus, vim sibi faciendo procuret debite assilere: quia jam ex parte sui humano modo, & cum reverentia assiluit, ob illam violentiam, quam sibi facit, ut notant Sot. Bon. Barb. Pal. Salm. contra plures, qui dicunt, per solam assistentiam, quamvis indebite iactam, lucrari distributiones, etiam si nec etiam privatim postea recitetur officium: quod tamen esse falsum, expr. se habetur in bulla Pii V. ut optime notant Salmant.

*Sciendum* 1V. Quod præbendati, qui choro non assilunt, ipso facto ante iudicis sententiam privantur distributionibus; & ideo tenentur in foro conscientie illas restituere, quia non acquirunt dominium illarum, ut patet ex cap. un. de Cleric. non resid. in 6. & ex Trident. sess. 24. c. 12. & ex damnata ab Alex. VII. proposit. 20. Insuper ex Trident. præbendati, qui, ultra tempus sibi a jure permissum, choro non interiunt, pro primo anno, & prima vice privandi sunt dimidia parte fructuum beneficii: Quod, si iterum ea usi fuerint negligentia, privandi sunt omnibus fructibus beneficii: crescente vero contumacia, beneficio ipso sunt spoliandi.

*Sciendum* v. Quod, nisi detur statutum, aut consuetudo alicujus Ecclesie, ut dictæ distributiones applicentur fabricæ, aut alteri pio operi, omnes portiones absentium, & fructus quacumque ratione amissi ob absentiam a choro, accrescunt aliis interessentibus, inter quos sunt dividendi ex Trident. sess. 24. c. 3. Ex his tamen portionibus non participant illi, qui legitime impediti, non interfuerint, nisi detur

con.

consuetudo in contrarium, ut fert probabilior sent. Pelliz. Pal. Bonac. Salmant. Si tamen omnes præbendati inculpabiliter abessent, puta, quia Ecclesia diruta est, vel ipsi iniuste sunt interdicti, ipsis absque culpa absentibus sunt applicandæ, ut docent Pal. Bonac. Salmant.

*Sciendum vi.* Quod assistentes in choro, quibus de jure competunt distributiones absentium, non possunt eas donare, remittere, vel super eas transigere cum absentibus, ut patet ex Trident. sess. 24. c. 12. Unde donatio erit invalida, ut probabilior fert sententia cum Suar. Sanch. Pelliz. Salmant. contra Navar. & Sylv. Quod intelligitur, non solum de distributionibus amittendis, sed etiam de amissis: quia Trid. quamlibet remissionem, aut collusionem excludit, ut docent Pelliz. Barb. Pal. Bon. Salmant. contra Veg. Rodriq. Hoc tamen non tollit, quod possint libere donari postquam illas quis possidet: quia tunc nec est remissio, nec collatio, ut notant Salmant. Sanch. Bonac.

*Sciendum vii.* Quod Bonif. VIII. in cap. un. de Cleric. non resident. in 6. assignat tres causas, ob quas possunt Canonici choro non interesse, & nihilominus distributiones lucrari. Prima est infirmitas. Secunda, iusta, & rationalis corporis necessitas. Tertia evidens Ecclesiæ utilitas. Religiosos vero, quacumque ratione impeditos, omnino a consecratione distributionum excludit. Circa primam causam notandum, quod infirmitas debet esse gravis, & infirmus residens, nisi ob iustam causam esset absens a loco suæ residentiae, & solitus choro interesse: quia alias infirmitas non esset unica causa absentiae. Sic Barb. Pelliz. Bon. Salmant. Per hoc autem, quod quis sit furdus, aut cæcus, non excusatur, maxime ubi sola præsentia sufficit ad lucrandas distributiones, ut docent Suar. Sanch. Covar. contra Barbof. Pelliz. Dian.

*Sciendum viii.* Circa secundam causam, quod pro corporali necessitate intelligitur, in primis quando imminet grave periculum vitæ, salutis, honoris, aut fortunæ: vel datur impedimentum ex propria culpa non proveniens, ipsam assistentiam physice, aut moraliter impossibilem reddens, ut, si iniuste esset damnatus, de-

tentus, aut excommunicatus. Sic Vasq. Sanch. Bonac. Pelliz. Iuste autem excommunicatus, si assistat choro, quamvis illi, valide tamen acquirit distributiones, licet in poenam sui peccati illis privandus sit ex cap. Pastoralis, 9. Verum, de appellat. Sic Petrus Navar. Vasquez, Bonac. Salmantic. & alii ab ipsis relati.

*Sciendum ix.* Circa tertiam causam, quod utilitas Ecclesiæ debet esse evidens, gravis, & propriæ Ecclesiæ, vel Ecclesiæ universalis. Insuper hæc utilitas excusat ab absentia in choro in ordine ad acquirendas distributiones, non vero absentes a residentia, ut eruitur ex cap. Cum non deceat, de Cleric. in 6. & ex communi docet Sanch. Verius tamen est oppositum ex cit. cap. un. in quo indifferenter, & sine ulla limitatione excusantur absentes ob evidentem Ecclesiæ utilitatem, ut notant Pelliz. Bon. Pal. Salmant. Unde sequitur primo, quod Canonici poenitentiaius tempore, quo Sacramenta ministrant, etiam si choro non assistat, lucratur distributiones, ut constat ex Trident. sess. 22. c. 3. Similiter Canonici magistralis, & lectoralis, diebus, quibus concionantur, vel legunt, ex concessione Greg. XIII. & declaravit S. Cong. Secundo Canonici, qui ad servitium Episcopi sunt deputati: Item docentes, & studentes in Academiis habentibus privilegium a Papa, licet lucrentur fructus beneficii, non tamen distributiones: quia non ob utilitatem Ecclesiæ, sed Episcopi, vel suam, sunt absentes a choro. Sic Barb. Pelliz. Monet.

*Sciendum x.* Quod absentes a choro recreationis causa tribus mensibus concessis a Trident. sess. 24. c. 12. licet lucrentur fructus beneficii, non tamen lucrentur distributiones, ut probabilior fert sentent. & colligitur ex dictis. Si tamen præbenda alios non habeat fructus præter distributiones, illas lucrentur. Ita Bonac. Pelliz. Pal. Salmantic. Sed valde probabile est, quod absolute lucrentur etiam distributiones, ut docent Covar. Sanch. Vival. Episcopus etiam potest dare ad breve tempus licentiam non interessendi choro ob iustam causam, absque eo, quod amittantur fructus beneficii, ut probabilis fert sent. non autem, ut distributiones percipiantur, ut docent Barb. Pal. Salmantic. Consuetudine tamen con-

contra sacros canones praevalente, in pluribus Ecclesiis introductum est, ut & absentes tempore vacationis, & inservientes Episcopo, & studentes in Accademiis, & celebrantes, aut Sacramenta ministrantes intra eandem Ecclesiam, distributiones lucrarentur. Item, quod assistentia in choro per alium non obligatum suppleri possit, & alia huiusmodi: & ideo tanquam licita tolerantur.

*Sciendum* x1. Quod nomine distributionum veniunt illae portiones Ecclesiastico- rum beneficiorum, seu fructuum ex beneficiis deductae, quae quotidie distribui solent illis beneficiatis, qui statutis horis divino officio in choro interfunt, de quibus fit mentio in cap. licet nobis, de praeben. cap. de Cleric. non resident. in 6. Extrav. Cum nonnullis, inter communes, tit. de praeben. & in Clement. Ut ei qui, de aetate, & qualitatibus. Quibuscumque similitudinem gerunt anniversaria, & alia huiusmodi emolumenta, quae ex certa fundatione Clericis officio divino praesentibus tantum distribui debent, sicuti constat ex cit. cap. un. de Cleric. non resident. in 6. Quantitas vero distributionum statuitur in Trid. sess. 21. c. 3. tertia pars fructuum cuiuslibet beneficii. Quamvis salubris ista constitutio non ubique in praxi deducta sit, ut notant Salmantic.

## C A P U T X I.

### *De Clericis non residentibus.*

**D**Einde considerandum est de obligatione residentiae, quae de jure afficit Clericos. Circa quod

*Sciendum* 1. Quod residentia dicitur assiduitas commorationis in loco beneficii, causa tervitii Ecclesiastici personaliter praestandi. Ex quo colligit Sylv. ver. residentia. Si Clericus in loco sui beneficii commoretur quidem, sed officium nunquam praestet, v.g. Canonicus nunquam ad chorum, ad Capitulum veniat, non esse censendum residere: quia frustranea est ejus residentia, quippe sine suo, effectuque destituta. Nihilominus recte ait Navar. lib. 3. consil. 13. aliud esse residere, aliud interesse. Quare licet Canonicus v.g. interdum non sine culpa sua a divinis abſit, ideo

que incurrat poenas, sive privationes fructuum, qui praesentibus deputati sunt, ut dictum est in cap. ant. non tamen amittit fructus residentiae. Et Praepositus, vel Canonicus, qui juravit residentiam, etsi saepius divina officia negligat, atque peccet, non tamen censetur perjurus, modo interdum se sistat tunc in Ecclesia, tum in Capitulo, praesertim si vocatus fuerit, vel ejus auxilio opus sit tunc enim residentia non omnino caret sine suo. Quo praesupposito,

*Sciendum* 11. Quod, spectato jure communi, omnia beneficia ad residentiam obligant, sicut colligunt Doctores ex c. conquirentes, ubi Abbas n. 3. & toto ferme tit. de Cleric. non resident. Consuetudo tamen obtinuit, ut in simplicibus quibusdam beneficiis non resideatur. Immo praesimonia, licet ex constit. Pii V. vel Ecclesiae alicujus consuetudine, annexam habent obligationem officii canonici privatim recitandi quia tamen nullum aliud servitium postulant, ideo, qui ea obtinent, neque per se, neque per vicarium, Ecclesiae delevire tenentur, sicuti notavit Azor. to. 2. lib. 7. c. 3. q. 2. De obtinentibus vero in Ecclesiis cathedralibus, vel collegiatis dignitates, Canonicatus, praebendas, decretum est in Trident. sess. 24. c. 12. de reformat. *Ut non liceat eis, vigore cuiuslibet statuti, aut consuetudinis ultra tres menses ab Ecclesiis suis abesse; salvo nihilominus earum Ecclesiarum constitutionibus, quae longius servitii tempus requirunt.* Postea subditur: *Omnes vero divina per se, & non per substitutos, compellantur obire officia, & Episcopo celebranti, aut alia Pontificalia exercenti adstare, & intervenire, atque in choro, ad psallendum instituto, hymnis, & canticis, & nomen reverenter, distincte, devotique laudare.*

*Sciendum* 111. Quod Trident. sess. 23. cap. 1. aperte indicat, residentiam in beneficiis, saltem curatis, divino jure necessariam esse: & ita colligitur ex cap. 12. Hier. cap. 3. Ezech. cap. 10. & 21. S. Joan. & cap. 20. Act. & ex communi docent Sot. Cajet. Major. Covar. Navar. & alii contra Catharinum, & Thomam Candeg. Bene autem admonet S. Thom. 2. 2. q. 185. a. 5. quod, cum causa obligandi Ecclesiasticos pastores ad praesentiam personalem sit sa-

sit salus animarum commissarum; ideo ubi hæc pastoris præsentiam exigit, non potest pastor gregem suum deserere propter personæ suæ periculum declinandum, cum bonus pastor animam suam pro ovibus suis dare debeat. Joan. 10. Sin vero Ecclesiæ, atque subditis utilius, vel æque utile futurum est, ut Episcopatus, vel Parochia ab absente viro docto, vel qui magnæ potestatis, & auctoritatis est, per vicarium administraretur, quam si ab alio quopiam præsentem, consideratis etiam aliis circumstantiis loci, temporis, hoc casu obligatio residentie personalis cessat secundum jus divinum, & manet tantum obligatio juris Ecclesiastici, in quo Papa dispensare potest, & solet: idque, vel in casibus specialibus, vel generali lege. Præter quam quod, si causa excusans a personali residentia, saltem ad tempus, manifesta sit, non videtur esse opus licentia superioris, nisi a speciali lege postuletur, ut notant Cordub. & Vass. Qua de re vide ea quæ superius dicta sunt, cum de statu Episcoporum ageretur.

*Sciendum IV.* Quod causæ iustæ a continua residentia excusantes, ad quatuor capita revocari possunt, quorum meminit Trident. sess. 23. c. 1. his verbis: *Cum christiana charitas, urgens necessitas, debita obedientia, evidens Ecclesiæ, vel rei publicæ utilitas, aliquos nonnunquam abesse possint.* Ad primum caput pertinet, si quis a loco beneficii discedat, causa juvandi proximum auxilio indigentem, puta, ut odia, & lites componantur. Ad secundum caput spectat, si beneficiatus absit propter aeris intemperiem, vel corporis infirmitatem, vel ob tyranni persecutionem, vel ad prosequendam litem super juribus beneficii. Ad tertium caput pertinet, si beneficiatus absit mandato Papæ, vel in apostolicæ Sedis servitio occupatus. Ad quartum caput spectat, si Clericus absit ob negotium propriæ Ecclesiæ, vel vocatus ad Synodum: Item studiorum causa, vel quando in servitio Episcopi est occupatus. Qua de re vide Laym. lib. 4. tr. 2. cap. 6. & ea, quæ dicta sunt in tract. de statu Episcoporum.

*Sciendum V.* Quod Clericus per censuram compelli potest, ut resideat, quando ad residentiam est obligatus, & insuper

per privationem fructuum, & ipsius beneficii: dummodo, si absens est, personaliter prius citetur, si id fieri possit: alioquin per edictum, & quidem trinum, si nesciatur ubi sit, expectato deinde trium mensium spatio, sicut habetur in cap. Ex tuæ, de Cleric. non resident. Vide etiam Trident. sess. 6. c. 1. & sess. 23. cap. 1. de reform. ubi etiam significat, Curatos suos non facere fructus absentie culpabili respondentem, neque tuta conscientia retinere posse, etiam nulla Judicis declaratione, vel sententia secuta. Illis tamen Tridentina Synodus loco cit. indulget, ob iustam causam, & sine gregis detrimento, ut per bimestre abesse possint singulis annis: Episcopis vero, ut spatio duorum, vel trium mensium. Utrum vero ad hanc ipsam absentiam Parochorum Episcopi licentia opus sit, non clare exprimitur: quam ob rem Navar. c. 25. nu. 101. negat. Less. vero, Azor. & Garc. affirmant. Sed tutius est cuiuscumque diocesis consuetudinem in hac parte sequi.

*Sciendum VI.* Quod, sicut dictum est, Trident. concessit præbendis privilegium, ut possint singulis annis per tres menses a suis Ecclesiis abesse, causa recreationis, & levaminis: quo privilegio uti libere possunt sine licentia Ordinarii, ut docent Salmant. Potest tamen Ordinarius, si videat ob multitudinem absentium divinum cultum diminui, cogere ne simul absint, ut notant Barb. & Pelliz. Possunt ergo præbendati nonaginta diebus, sive continuis, sive discretis, abesse, ut notat Pelliz. Non tamen possunt sumi omnes dies ex destinatis ad assistentiam in choro; sed consue ex destinatis, & non destinatis, ut declaravit S. Congr. & notat Barbola. Insuper dictum privilegium conceditur pro Ecclesiis tantum, in quibus integro anno obligat residentia, ut notant Sanch. Bonac. Salmant. semper tamen ista privilegia non residendi stricte interpretanda sunt, quia cedunt in præjudicium cultus divini, ut notant Pal. Barb. Salmant.

## CAPUT XII.

*De numero Canonicoꝝ, alioꝝque Conventualium augendo, vel minuendo.*

**D**Einde considerandum est de numero Canonicoꝝ, alioꝝque Conventualium augendo, vel minuendo. Circa quod

*Sciendum* I. Quod, si numerus Canonicoꝝ, Monachorum, aut Monialium, alicubi determinatus non est, tot institui, vel suscipi debent, quot ex Ecclesiæ redditibus commode sustentari possunt, habito respectu ad alia etiam Ecclesiæ onera, & impendia in fabricam, hospitalitatem, elemosynas, sicut habetur in cap. Cum Monast. de constit. & cap. I. de instit. ubi Abbas admonet, Capitula, Rectores, & Abbates a Superiori suo compelli posse ad tantum numerum suscipiendum. Verum ultra Ecclesiæ facultates cogi non debent, ut aliquem recipiant: quare contra superioris mandatum excipere possunt, ut habetur in cap. auctoritate eod. tit. & notat Abbas in cap. Ex parte, num. 4. de concess. præben. His adde, quod in Trident. sess. 25. c. 4. de regular. expresse præcipitur, ut in monasteriis, tam virorum, quam mulierum, bona immobilia possidentibus: vel non possidentibus, is tantum numerus constituatur, qui ex redditibus propriis monasteriorum, vel ex confectis elemosynis commode sustentari valeant.

*Sciendum* II. Quod, sicut notat Sanchez. lib. 7. c. 23. Moral. prædictum decretum Trident. quod attinet ad monasteria virorum, non continuo usu esse receptum: cum passim videamus, non sine notabili observantiae regularis detrimento, & religioꝝrum gravissimo incommodo, & scandalo, plures in monasteria recipi, quam commode sustentari valeant. In monasteriis autem sanctimonialium, de quibus singulariter decretum est in cap. un. §. sane, de statu regular. in 6. & a Pio V. in bulla, quæ incipit: Pastoralis officij; ne plures recipiantur, quam alii possint, satisfieri huic præcepto, quandoquidem abique dote recipi non solent, ideoque earum receptione monasterium non gravatur, sed ple-

rumque subleatur: In quo tamen alius gravissimus abusus irrepsit contra sacrorum canonum decreta, ut in monasteriis, etiam prædiximus, mulieres abique dote non recipiantur, & redditus monasteriorum in omnes alios usus, præter eos, ob quos deputati, & relicti sunt a benefactoribus, & principibus, adhibeantur, cum maximo detrimento observantiae regularis, & cultus divini.

*Sciendum* III. Quod, si numerus Canonicoꝝum statuto determinatus est, non debet is ob modicum reddituum augmentum augeri, sicuti ex communi docent Gloss. & Abba. in cit. cap. I. sed redditus accrescant mensæ capitali, si bona communiter possidentur, in fine anni inter canonicos dividendi: vel accrescant propriis beneficiatis, si præbendæ, sive redditus beneficiorum distincti sunt. Si vero Ecclesiæ redditus multum augeantur, tunc etiam numerus augeri debet, tametsi a Papa confirmandus sit: quandoquidem talis confirmatio facta censetur in favorem capituli, seu canonicoꝝum, cui ipsi renunciare possunt, sicuti docet Gloss. cap. dilecto de præben. arg. cap. cum M. de constit. ubi notat Abba. n. 6. in tali casu antiquis præbendis in sua integritate remanentibus, ex novis redditibus novas præbendas instituendas esse.

*Sciendum* IV. Quod sic etiam vice versa, si redditus Ecclesiæ nimis decrescant, & non sufficiant tanto Canonicoꝝum, vel Monachorum numero sustentando, imminui poterit, non obstante confirmatione Papæ: cum confirmatio Papæ intelligatur, si res in eodem statu permaneant. Quandoquidem in Ecclesiæ dedecus tendit, si Canonici, aliive Clerici honeste se ex redditibus alere non possint, sicut docet Abba. in cap. cum M. num. 1. & in cap. Cum accessissent, num. 4. de constit. Cæsar Lambertin. de iure patronat. quæst. 6. principal. ar. 7. ubi notant, si Ecclesia, vel beneficia patronata sint, patroni etiam consentum adhibendum esse, præsertim in diminutione, vel suppressione alicujus beneficii: si tamen patronus consentire nolit, ipso etiam invito, Episcopus disponere posse, quatenus Ecclesiæ necessitas, vel magna utilitas postulat: quia patronus Ecclesiæ utilitatem impedire non debet.

*Sciendum*

*Sciendum v.* Quod, si redditus unius præbendæ abundantiores sint, potest Episcopus cum Capitulo inde subtrahere ad supplementum defectum alterius præbendæ, vel reddituum fabricæ, arg. cap. Exposuisti, de præben. ubi id notat Abbas, & in cap. Cum M. n. 28. rationem dans: quia Canonici non possident præbendas jure proprio, sed jure Ecclesiæ. Convenit tamen, ut hæc subtractio fiat vacante beneficio: tunc enim etiam alia onera honesta, & sacris canonibus non repugnantia vacanti præbendæ imponi possunt, ad quæ beneficiati in posterum teneantur, uti colligunt Doctores ex cap. Significatum, de præb.

*Sciendum vi.* Ex cap. ex parte, de concess. præbendæ, & cap. dilecto de præben. plurimum referre, utrum numerus Canonicorum, in iis Ecclesiis, in quibus præbendæ distinctæ non sunt, sed redditus omnes ad communem mensam deferuntur, statuto aliquo determinatus sit, necne. Quia, si numerus Canonicorum determinatus non est, non vacat Canonicatus aliqujus morte: neque devolutio fit ad Superiorem, ob negligentiam insituendi intra tempus semestris. Nec refert, etsi longo tempore consuetudo fuerit tot Canonicos, tot Monachos suscipiendi: quia consuetudo consistens in actibus meræ facultatis, sive liberæ voluntatis, non inducit legem. Interim Superior, puta Episcopus, a Papa potestatem habet compellendi inferiorem Prælatum, & Capitulum, ut novos suscipiant, secundum reddituum facultatem.

*Sciendum vii.* Quod, si numerus Canonicorum statuto determinatus est, tunc vacat Canonicatus morte beneficiati. Quod, si vero Capitulum supra decretum numerum, aliquem de novo creet, distinguendum est: utrum id faciant dispensative ex gratia speciali, ut pro ea vice sit supernumerarius, vel si recipiant aliquem in Canonicum sine præbenda, ut videre est apud Abbat. cap. Dilectus, 1. de præben. his casibus sibi non præjudicant. An vero absolute aliquem Canonicum supra numerum recipiant, tunc enim censentur renunciare statuto, saltem ad hoc, ut illud allegare non possint in præjudicium alterius, ut ait Abb. cap. pro illorum n. 5. de præben. & colligitur ex cap. cum accessissent, de constitut.

## CAPUT XIII.

*De rebus Ecclesiæ non alienandis.*

**D**Einde considerandum est de alienatione bonorum Ecclesiasticorum. Circa quod

*Sciendum 1.* Quod bona Ecclesiarum, Monasteriorum, & aliorum piorum locorum, quæ immobilia sunt, vel mobilia pretiosa, quæ servando servari possunt, alienari prohibentur, præterquam ob justam causam, & interveniente certa solemnitate. Ita habetur in cap. Nulli, de reb. Eccl. alien. cap. hoc jus porrectum, 10. q. 2. & Extrav. Anibitionæ, eod. tit. post l. jubemus 2. C. de sacrosanctis Eccles. & Authen. de non alien. coll. 2. Quamvis autem in religionibus plura olim darentur privilegia, ut bona Monasteriorum absque solemnitate juris possent alienari: tamen post decretum S. Congr. jussu Urban. VIII. editum anno 1624. in quo innovatur Extrav. Ambitionæ, cum poenis in ipsa latis, & aliæ gravissimæ adduntur, omnia revocantur, ut videre est apud Lez. Bonac. Pelliz. & in lib. nostrorum privilegiorum, verb. Alienatio. Ubi ergo dictum decretum est ulu receptum, omnes graviter obligat. Ad cujus evidentiam

*Sciendum 11.* Quod bona immobilia censentur fundus, prædia, domus, vineæ, oliveta, & hujusmodi, quæ fixam habent radicem: census etiam, quibus annui redditus correspondent, & jus ad illos, Cathedra, Commenda, beneficium Ecclesiasticum, debita rerum immobilium, jus patronatus, ususfructus longi temporis, & jus ad hæc, quando sunt magni valoris, scilicet, quando excedunt valorem vigin-tiquinque aureorum, ut declaravit S. Congreg. 1. esse Dian. & Lez. & eruitur ex constitutionibus supra citatis. Mobilia vero pretiosa, quæ servando servari possunt, sunt vasa aurea, argentea, gemmæ, paramenta, quæ sunt valoris pluriusquam 25. aureorum, quoties servari possunt, & longe sunt a consumptione: Item grex ovium, caprarum, & hujusmodi, ex quo Ecclesia redditus annuos accipere consuevit: Item bibliotheca, sylva, & alia hujusmodi. Quæ autem servando servari non possunt, sunt

sunt ferme ea, quæ usu absumuntur, vel brevi tempore inveterascunt, ut fructus, pecudes, pleræque vestes, item pecunia usui quotidiano deserviens. Quæ de re Sylv. ver. Alienatio qu. 7. Bonac. Pal. Denique jura, & actiones eodem discrimine censentur, quo res ipsæ, ad quas tendunt, sicut tradunt Sylv. q. 9. & Laym. l. 3. t. 4. p. 3. cap. 10.

*Sciendum* I I I. Quod nomen alienationis, si strictè, & propriè sumatur, est nonnisi venditionem, permutationem, donationem, & similes contractus comprehendat, quibus directum rei traditæ dominium transfertur, juxta l. 1. C. de fundo dotali : & l. alienatum, ff. de ver. signif. ramen in materia hac Ecclesiæ, & privilegiatis personis favorabili, accipi debet late, ut comprehendat etiam feudum, emphyteusim, & locationem in longum tempus, quibus vel ususfructus, seu dominium utile transfertur, juxta extrav. Ambrosiæ inter communes, de reb. Eccl. non alien. & multo magis contractum censualem, per quem dominium, seu directum, seu utile in alterum transfertur, constituta pensione annua : sed & perpetui, & vitalitii census, quibus annui Ecclesiæ redditus, vel pars aliqua eorum constituto pretio venditur, alienationis prohibitz nomine comprehendi censentur : quia jura, & redditus annui inter bona immobilia numerantur, ut dictum est, quorum alienatio Ecclesiis, ac natu minoribus prohibita est, sicuti docet Redoanus, de reb. Eccl. non alien. rubr. 13. & 16. Præterea nomine alienationis comprehenditur in materia ista quævis constitutio pignoris, aut hypothecæ specialis, non item generalis, ut colligitur ex cit. cap. Nulli, ubi id docet Abb. n. 3. quia per generalem hypothecam non tantum juris in rem, cum periculo eam alienandi, transfertur, quam per specialem. Prohibito enim aliquo actu, censetur prohibitum omne illud, per quod pervenitur ad actum, juxta rubricam Saliceti in lib. ult. C. de rebus alienis non alien.

*Sciendum* I v. Quod causæ justæ, ob quas rerum Ecclesiasticarum alienatio fieri possit, quatuor enumerantur in Glois. summaria causæ, 12. q. 1. quam sequitur Abb. in cit. cap. Nulli n. 6. Sylv. Covar. Navar.

& alii communiter. Prima est necessitas, puta, si debita urgeant, quibus alia ratione satisfieri non possit : si Ecclesia, vel Monasterium indigeat reparatione. Secunda est major utilitas Ecclesiæ, puta, ut res alia utilior comparatur : quæ duæ causæ adferuntur in Authen. Hoc jus, de Sacrosan. Ecclef. Tertia est pietas, puta, pro redemptione innocentium captivorum, vel alia gravi pauperum necessitate sublevanda : ob quam causam etiam vasa sacra frangere, & pretium erogare quandoque concessum est, exemplo S. Ambrosii sub Maximo tyranno, quod factum laudavit S. August. apud Possidonium in vita ejus c. 24. Unde cap. Aurum, & cap. Sanctiorum, 12. q. 2. Nam, ut dicitur in l. Sancimus, C. de sacris Ecclef. absurdum non est, ut animas hominum quibuscumque vasis, vel vestimentis præferri. Quarta demum causa est Incommoditas, puta, si res alienanda plus incommoditatis, quam commoditatis Ecclesiæ afferat, v. g. quia multum distat, arg. c. Terrulas 12. q. 2.

*Sciendum* v. Quod, posita una, vel altera ex dictis causis, solemnitas ad alienationem requisita in his consistit conditionibus. Prima est, ut præcedat tractatus cum Capitulo, quatenus discutatur, an expediat rem alienari, necne, juxta cap. Sine distinctione 12. q. 2. & cap. 1. de reb. Eccl. non alien. in 6. Secunda est, ut accedat etiam consensus Capituli, juxta cap. 1. cap. tua, & totum tit. de his, quæ fiunt a Prælati sine consensu Capituli. Cæterum, etsi Capitulum ante alienationem non consentiat, vel etiam contradicat, potest tamen eandem postea ratam habere, & alterum contrahentem ad contractus observationem compellere : quare favore Ecclesiæ contractus interim claudicat, ut inquit Abb. in cit. cap. 1. & colligitur ex cap. cum nos, cit. tit. Tertia est, ut interveniat auctoritas Prælati, id est, consensus ejus, qui ex munere publico Ecclesiæ præest, puta Episcopi, Abbates exempti, Generales Ordinis, ut docent communiter Doctores. Sufficit autem consensus tacitus, qui specialiter præsumitur adfuisse ex diuturnitate temporis, præsertim immemorialis, ut notat Ancharan. consil. 139. Quarta, requiritur subscriptio Capitularium, juxta cap. tua cit. usu tamen



men sufficit, si subscriptio manu notarii fiat, teste Abb. in cit. cap. 1. Quinta, denique requiritur consensus Papæ, & Sacre Congreg. consultatio, teste Barbof. Pal. Quod, si rei Ecclesiasticæ alienatio contra juris terminos facta sit, ipso facto irrita censetur, juxta cap. Si quis, & Extrav. Ambitiofæ.

*Sciendum* vi. Quod alienantes res Ecclesiæ absque dicta solemnitate, incurrunt excommunicationem latæ sententiæ, & privationem officii, & beneficii, & administrationis bonorum, quæ intendunt alienare. Si vero Episcopi, vel Abbates fuerint jurisdictionem Episcopalem habentes, incurrunt solum interdictum ab ingressu Ecclesiæ, & si per sex menses in tali interdicto perseveraverint, incurrunt suspensionem a præsentia, quam habent in spiritualibus, & temporalibus: sicuti habetur ex cit. Extrav. Ambitiofæ. Notandum tamen est, quod Prælati sine dicta solemnitate alienare possunt, primo res Ecclesiæ modicas, & parum utiles, tamen si immobiles sint, arg. cap. terrulas 12. quæst. 2. Secundo, licet Prælati absque consensu Capituli, aliique solemnitatibus, Ecclesiæ obesse, ac præjudicare non possint in bonis, ac juribus acquisitis, ut dictum est: nihilominus solus Prælati obesse, & præjudicare potest Ecclesiæ in bonis, ac juribus acquirendis, iisque valide renunciare, sicuti notat Gloss. recepta in cap. ult. 16. quæst. 6. Tertio potest Prælati sine Capituli consensu obesse in judicialibus, sinendo adversus Ecclesiam fieri sententiam: item in usucapionibus, sinendo res Ecclesiæ ab altero diuturnitate temporis ufucapi. Quantumvis in utroque casu apparentis læsionis, restitutio in integrum intra quadrigennium concedatur, sicuti docet Abb. in c. 1. n. 9. de præscript. Qua de re vide Salmant. tract. 15. c. 7. qu. 2.

#### C A P U T XIV.

*De Clericis negotiatoribus.* S. Thom. 2. 2. quæst. 77. art. 4. ad 3.

**D**Einde considerandum est de negotiatione Clericis prohibita a Sacris Canonibus. Circa quod

*Sciendum* 1. Quod Clerici, non solum P. Jossessi Theol. Tom. V.

debent abstinere ab his, quæ sunt secundum se mala: sed etiam ab his, quæ habent speciem mali. Quod quidem in negotiatione contingit, tum propter hoc, quod est ordinata ad lucrum terrenum, cujus Clerici debent esse contemptores: tum etiam propter frequentia negotiatorum vitia, quia *difficulus exiit negotiator a peccatis laborum*; ut dicitur Eccles. 26. Est & alia causa, quia negotiatio nimis implicat animum secularibus curis, & per consequens a spiritualibus retrahit. Unde & Apostolus dicit 2. ad Tim. 2. *Nemo militans Deo implicat se negotiis secularibus*. Quapropter Hieron. in Epist. ad Nepotianum, dicit: *Negotiatorem Clericum ex inope divitem, ex ignobili gloriosum, quasi quandam pestem fuge*. Hinc Ecclesia eisdem jam constitutis in sacris prohibet negotiationem sub censuris, aliisque poenis sententiæ ferendæ, ut habetur in cap. Ex litteris de vita, & honest. Clericor. & in can. consequens dist. 88. Sed, quia non omnis negotiationis species Clericis prohibita est, aut illicita; sed potius aliqua juxta morem Apostolorum exercenda, consultatur in can. nunquam, de consecrat. dist. 5. ideo,

*Sciendum* 11. Ex D. Thom. cit. Quod duplex est negotiatio, seu commutatio. Una quidem quasi naturalis, & necessaria, per quam scilicet fit commutatio rei ad rem, vel rerum, & denariorum propter necessitatem vitæ: & talis commutatio non proprie pertinet ad negotiatores, sed magis ad economicos, vel politicos, qui habent providere vel domui, vel civitati de rebus necessariis ad vitam, & hac specie commutationis licet Clericis uti. Alia vero commutationis species est, vel denariorum ad denarios, vel quarumcumque rerum ad denarios, non propter res necessarias vitæ, sed propter lucrum querendum: & hæc quidem negotiatio proprie videtur ad negotiatores pertinere secundum Philos. 1. Politic. cap. 6. Et juste Clericis prohibita est propter rationes supradictas, quia quantum est de se deservit cupiditati lucri, quæ terminum nescit, sed in infinitum tendit: & ideo secundum se quandam turpitudinem habet; in quantum non importat de sui ratione finem honestum, & necessarium.

M

Scien-

*Sciendum III.* Quod licet negotiatio proprie dicta secundum se considerata quamdam turpitudinem habeat, quia non importat de se finem honestum, aut necessarium: lucrum tamen, quod est negotiationis finis, etsi in sui ratione non importet aliquid honestum, vel necessarium, nihil tamen importat in sui ratione vitiosum, vel virtui contrarium. Unde nihil prohibet, lucrum ordinari ad aliquem finem necessarium, vel etiam honestum: & sic negotiatio licite redditur. Sicut cum aliquis lucrum moderatum, quod negotiando querit, ordinat ad suam domus sustentationem, vel etiam ad subveniendum indigentibus, vel etiam, cum aliquis negotiationi intendit propter publicam utilitatem, ne scilicet res necessariae ad vitam patriae desint, & lucrum expetit non quasi finem, sed quasi stipendium laboris. Unde August. dicit super illud Psalm. 70. *Quoniam non cognovi litteraturam: Negotiator avidus acquirendi pro damno blasphematur, pro pretiis rerum mentitur, & pejerat: sed haec vitia hominis sunt, non artis, quae sine his vitiis agi potest.* Quare in aliquo casu necessitatis poterit etiam a Clerico licite exerceri. Ad cuius evidentiam

*Sciendum IV.* Quod, si Clericus lucrum moderatum ex negotiatione querat, ut suae domus necessitati subveniat, quam aliter subvenire non potest, non peccat nec contra honestatem, sicut non peccaret quilibet secularis: nec contra praeceptum Ecclesiae ratione sui status: quia necessitas ab omni lege exempta est. Si vero necessitati aliter subvenire potest, peccat contra decentiam sui status, & praeceptum Ecclesiae, quoties per se negotiationem exercet, maxime si sit in re indecenti, vel turpi: non tamen peccatum mortale committit, nisi frequenter hoc faciat, vel ad sit scandalum, vel negotiationem exerceat in re nimis turpi, quae statui Ecclesiastico notam infamiae inferat, vel in lucro finem constituat, vel post monitionem canonicam, qua ad censuras ferendas proceditur, contumax in negotiatione perseveret. Ita Salmant. Sylv. Tap. Villal. alique contra Cajet. & Rodr. qui dicunt, quod non peccat mortaliter etiam si frequenter id faciat, praefixo tamen scandalo, contuma-

cia, & aliis praescindendis. Qua de re vide Salmant. tractat. 14. cap. 2. quaest. 4. & nostrum Piselli part. 1. tract. 16. c. 5.

*Sciendum V.* Quod non quicumque carius vendit aliquid, quam emerit, negotiatur: sed solum qui ad hoc emit, ut carius vendat. Unde Cassiodorus dicit in Psalm. 70. *Quid est aliud negotiatio, nisi vilius comparare, & carius velle distrahere?* id est ea voluntate, ut carius distrahatur. Si autem emit rem, non ut vendat, sed ut teneat, & postmodum propter aliquam causam eam vendere velit, non est negotiatio, quamvis carius vendat. Potest enim hoc licite facere, vel quia in aliquo rem melioravit, vel quia pretium rei est mutatum secundum diversitatem loci, vel temporis: vel propter periculum, cui se exponit, transferendo rem de loco in locum, vel eam festi faciendo, & secundum hoc venditio non est injusta, nec Clericis prohibita.

*Sciendum VI.* Quod, sicut dicitur in Decret. dist. 88. c. decrevit, quod est 2. in ordine. *Decrevit sancta Synodus, nullum deinceps Clericum aut possessiones conducere, aut negotiis secularibus se immiscere, nisi propter curam pupillorum, aut orphanorum, aut viduarum, aut si forte Episcopus civitatis Ecclesiasticarum rerum sollicitudinem eum habere precipiat.* Eadem autem ratio est de religiosis, ac Clericis, quia utrique similiter negotia secularia interdiciuntur, quia, ut dictum est ex Ap. 1. 2. ad Tim. 2. *Nemo militans Deo, implicat se negotiis secularibus.* Unde dicendum est, quod causa cupiditatis, seu lucri captandi, secularia negotia gerere, nec Clericis licet, nec Monachis. Causa vero charitatis se negotiis secularibus cum debita moderatione ingerere possunt secundum superioris licentiam in ministrando, & dirigendo, taliter tamen, ut non se implicent. Qua de re S. Thom. 2. 2. qu. 187. art. 2. juxta dicta in tract. de statu religionis.

## CAPUT XV.

*Utrum Clericis liceat pugnare, malefactores occidere, aut arma deferre. 2. 2. quæst. 40. art. 2.*

**N**icolaus Papa dicit in Decret. dist. 50. cap. Clericum. *Cum discreti sint milites seculi a militibus Ecclesie, non convenit militibus Ecclesie militare seculo, per quod ad effusionem sanguinis necesse sit pervenire.* Unde Petro in persona Episcoporum, & Clericorum dicitur Matth. 26. *Converte gladium tuum in vaginam.* Ad cuius evidentiam

*Sciendum 1.* Quod ad bonum societatis humanæ plura sunt necessaria. Diversa autem a diversis melius, & expeditius aguntur, quam ab uno, ut patet per Philos. in 1. Polit. cap. 1. & quædam negotia sunt adeo sibi repugnantia, ut conveniret simul exerceri non possint: & ideo illis, qui majoribus deputantur, prohibentur minora. Sicut secundum leges humanas militibus, qui deputantur ad exercitia bellica, negotiationes interduntur. Bellica autem exercitia maxime repugnant illis officiis, quibus Episcopi, & Clerici deputantur, propter duo. Primo quidem generali ratione, quia bellica exercitia maximas inquietudines habent: unde multum impediunt animum a contemplatione divinorum, & laude Dei, & oratione pro populo, quæ ad officium pertinent Clericorum. Secundo propter specialem rationem. Nam omnes Clericorum ordines ordinantur ad altaris ministerium, in quo sub Sacramento repræsentatur passio Christi: & ideo non competit eis occidere, vel effundere sanguinem, sed magis esse paratos ad propriam sanguinis effusionem pro Christo, ut imitentur opere, quod gerunt ministerio. Et propter hoc est institutum, ut effundentes sanguinem etiam sine peccato, sint irregulares. Nulli autem, qui est deputatus ad aliquod officium, licet id, per quod suo officio incongruus redditur. Unde Clericis non licet omnino bella gerere, aut alia officia exercere, quæ ordinantur ad sanguinis effusionem, etiam si iustam.

*Sciendum 11.* Quod Clerici ex auctori-

tate superioris possunt interesse bellis, non quidem ut ipsi propria manu pugnent, sed ut iuste pugnantibus spiritualiter subveniant suis exhortationibus, & absolutionibus, & aliis huiusmodi spiritualibus subventionibus, sicut & in veteri lege mandabatur Josue 6. quod Sacerdotes sacris bucinis in bellis clangerent. Et ad hoc primo fuit concessum, quod Episcopi, vel Clerici ad bella procederent: quod autem aliqui propria manu pugnent, abusionis est, & contra præscriptum sacrorum canonum. Unde in Concilio Toletano quarto dicitur can. 44. *Clerici, qui in quacunque facione arma volentes sumpserunt, amisso ordinis sui gradu, in monasterio penitentiae tradantur.* Et in Concil. Illerden. dicitur can. 1. *Clerici in obsidionis necessitate positi a sanguine humano, etiam hostili, se abstineant.* Prælati enim, & Clerici debent resistere non solum lupis, qui spiritualiter interficiunt gregem, sed etiam raptoribus, & tyrannis, qui corporaliter vexant, non autem materialibus armis in propria persona utendo, sed spiritualibus, secundum illud Apost. 2. ad Cor. 10. *Arma militie nostræ non carnalia sunt, sed potentia Deo;* quæ quidem sunt salubres admonitiones, devotæ orationes, & contra pertinaces excommunicationis sententia.

*Sciendum 111.* Quod omnis potentia, ars, vel virtus, ad quam pertinet finis, habet disponere de his, quæ sunt ad finem. Bella autem carnalia in populo fideli sunt referenda, sicut ad finem, ad bonum spirituale divinum, cui Clerici deputantur: & ideo ad Clericos pertinet disponere, & inducere alios ad bellandum bella iusta: unde dicitur 23. qu. 8. c. Hortatu, quod hortatu, & precibus Adriani Romanæ urbis Episcopi, Carolus bellam contra Longobardos suscepit. Non enim interdicitur Clericis bellare, quia peccatum sit: sed quia tale exercitium eorum personæ non convenit. Unde inferunt Cajet. & alii communiter, quod in casu urgentis necessitatis, in quo ob defensionem fidei, vel patriæ opus esset opus Clericorum, non solum licitum esset eis propria manu pugnare, sed ad hoc obligarentur lege strictissime charitatis. Si enim hoc licet ob defensionem propriæ vitæ in casu urgentis necessitatis, quanto magis licitum, & de-

bitum erit ad tuendum bonum publicum, siue spirituale, siue temporale? Nec sefert, quod Clerici in tali casu reddantur inepti ad proprium officium ob irregularitatem, quam incurrun: quia hæc incurritur sine peccato: & quælibet iactura boni particularis, dummodo absque peccato, sustineri debet pro bono communi.

*Sciendum* IV. Quod, si Clerici constituti in sacris, vel beneficiati, nulla urgente necessitate arma deferunt, ubi alii Clerici non sunt soliti deferre, vel, si solent deferre, hoc faciunt contradicente Episcopo, vel Superiore, peccant contra prohibitionem Ecclesiæ, & honestatem sui status, ut patet ex Clement. 1. de vita, & honest. Cleric. cap. Sententiam tit. ne Clerici, vel Monachi, & can. Quicumque 23. quæst. 8. Secluso tamen aliorum scandalo, & contumacia post monitionem canonicam, non videtur tam gravis indecentia, ut peccati mortalis damnari possint, maxime si non deferant arma prohibita, & ablit periculum damni alienius. Quod, si adsit consuetudo jam introducta, vidente, & tolerante Superiore, ut Clerici passim deferant arma, nullum erit peccatum illa deferre, secluso tamen scandalo, & periculo damni. Consuetudo enim legitime jam introducta vim habet abrogandi legem humanam, non autem legem naturalem honestatis, & decentiæ proprii status, contra quam nulla consuetudo prævalere potest, quæ potius corruptela dicenda est, quæ toleratur a Superioribus, illam extirpare non valentibus.



## TRACTATUS UNDECIMUS.

### *De Beneficiis Ecclesiasticis.*

Consequenter considerandum est de beneficiis Ecclesiasticis, quæ statum Clericorum, eorumque officia concernunt. Circa quod primo considerandum est, de beneficiorum origine, & quidditate. Secundo de illorum distinctione, & multiplicitate. Tercio de eorumdem supraditione,

& collatione. Quarto de qualitatibus ad illa requisitis. Quinto de eorumdem vacatione. Sexto de eorum pensionibus. Unde sit

### CAPUT PRIMUM.

#### *De notione, & quidditate beneficii Ecclesiastici.*

**B**eneficium dici solet omnis gratuita concessio, siue gratia principis, sicut colligitur ex l. 3. ff. de constit. princip. & reg. 16. in 6. Ea propter etiam Ecclesiastica præbenda nomen beneficii sortita est: quia licet ab Ecclesiæ Prælati ex officio conferenda sit, nemini tamen in particulari stricto iustitiæ jure debetur: sed est gratuita concessio, siue gratia. Definiri itaque potest beneficium Ecclesiasticum *Jus perpetuum recipiendi redditus ex bonis Ecclesiæ ratione spiritualis officii, Ecclesiastica auctoritate constitutum.* Cujus definitionis bonitas ex dicendis manifeste apparebit. Unde

*Sciendum* I. Cum Suarez t. m. 1. de relig. lib. 4. cap. 24. Quod in beneficio Ecclesiastico duo jura considerari possunt. Primum est jus officii, siue potestas exercendi muneris spiritualis, quatenus id ministro Ecclesiæ competit; & hoc jus simpliciter, ac per se spirituale est. Alterum est jus ad percipiendum redditus Ecclesiasticos; & hoc jus secundum se precise spectatum temporale est: respective tamen, seu ut annexum spirituali officio, per accidentem spiritualitatem quandam participat, sicut constat ex cap. Dilecto, de præben. & infra explicabitur in tractatu de simonia. Beneficium igitur Ecclesiasticum est jus secundo modo acceptum: & ideo in definitione appellatur jus percipiendi redditus ex bonis Ecclesiæ ratione spiritualis officii. Beneficium enim distinguitur ab officio spirituali, & ratione ejus conceditur.

*Sciendum* II. Quod dicta duo jura a se mutuo separari possunt, ut aliquis habeat jus spirituale, puta Canonicatum alicujus Ecclesiæ, & nullo præbendæ reddito accipiat. Non enim præbenda Canonicum facit, ait Abbas in cap. Cum super nu. 2. de concess. præben. sed collatio juris spiritualis facta ab eo, qui habet potestatem,

et c.

& in cap. relatum n. 2. de præben. ait , quod ex solo jure canonizæ aliquis accipere possit jus suffragii in capitulo: quamvis talis canoniam sine redditibus consecutus nondum proprie dicitur habere beneficium, uti notat ibidem Abb. in cap. ut nostra n. 1. de rescript. Contra fieri sæpe solet, ut redditus Ecclesiastici alicui, seu Clerico, seu laico per modum pensionis assignentur, non ob spirituale munus, sive Ecclesiasticum officium, sed ob aliam causam, puta litterarum studia, ad bellum contra infideles, in remunerationem meritorum, propter officium cantandi, organa pulsandi. Qua de re iterum dicam cap. ult. hujus tract.

*Sciendum* 111. Quod de ratione beneficii est quod sit perpetuum: & ideo dicitur in definitione Jus perpetuum recipiendi redditus ex bonis Ecclesiæ: quod duobus modis explicari potest. Primo, quod beneficium legitime collatum auferri non potest, nisi gravi causa id postulante, ut docet Less. l. 2. c. 34. dub. 2. num. 3. Verum, si ita accipiatur definitio, non comprehendit beneficia manualia, quæ tamen vere beneficia sunt, ut infra dicam. Secundo explicari potest, quod beneficium dicatur perpetuum, saltem secundum aptitudinem, quomodo omnia beneficia principis perpetua esse dicuntur, quia durant donec conferuntur, seu revocentur. Qua de re vide Petrum Ruffum in praxi benefic. n. 4. post præmium. Unde a ratione beneficii excluditur commendata temporalis, quippe quæ non datur in titulum, neque tribuitur jus, seu dominium beneficii, sed solum custodiam, & administrationem ad tempus, sicuti advertit Navar. lib. 3. Consil. 9. de præben. Multoque magis excluditur vicaria temporalis, & non collativa, de quibus plura dicam infra.

*Sciendum* 1v. Quod bona immobilia, & alia dominia, & jura, ex quibus beneficiorum fructus, seu redditus percipiuntur, ad particulares quasque Ecclesias pertinent: sunt enim bona universitatis. E contra vero administratores, & curatores sunt Episcopi, alique ordinarii Ecclesiarum tum secularium, tum regularium rectores, sicuti docet S. Thom. 2. 2. quæst. 43. art. 8. & habetur in cap. expedit. cap. Episcopus, & seqq. 12. qu. 1. Quare prædia, allaque

P. Sossietti Theol. Tom. V.

bona Ecclesiæ esse res Dei, & Christi, in sacris Canonibus legitimus eadem causa 12. qu. 2. quia a fidelibus ad cultum Dei, & Christi donatæ, ac veluti fundatæ fuerunt eo pacto, ut non ad profanos usus, sed ad ministrorum Ecclesiæ, item pauperum sustentationem, captivorum redemptionem, Ecclesiæ fabricam, vel alium pium, & ad animæ salutem, Deique gloriam proxime cedentem usum, converti deberent, sicuti docet Urbanus Pontifex Epist. decret. un. Vide Molin. tom. 1. tract. 2. disp. 142. Laym. lib. 4. tract. 2. c. 1. n. 2.

*Sciendum* v. Quod beneficium Ecclesiasticum non potest licite sine institutione Canonica obtineri, ut dicit reg. 1. juris in 6. Canonica autem institutio, sive collatio juris beneficalis dicitur, quæ ab Ecclesiæ Prælato fit secundum formam, & modum a sacris Canonibus præscriptum. Quare in definitione beneficii dicitur, quod debet esse Ecclesiastica auctoritate institutum. Per hoc igitur excluduntur a beneficii ratione Capellaniz non collativæ, ut infra dicam. Porro nihil huic rei obstat, quod laici quoque reges, alique principes quædam beneficia conferant, vel idoneum eligant, sicuti videre est apud Azor. lib. 6. cap. 25. quæst. 19. id enim faciunt non quasi jure ordinario; ac proprio: sed ex speciali privilegio, & quasi delegatione Papæ. Qua de re

*Sciendum* vi. Quod licet in aliis causis, si reus ante litem contestatam consummacer ab sit, Actor in possessionem bonorum, vel jurium, de quibus contendit, mitti Judicis auctoritate soleat, juxta cap. tuæ, ut lite non contestata non procedatur: tamen in causa beneficali, petito remittendum non esse in possessionem beneficii ob contumaciam adversarii; sed jus actoris examinandum, & juxta illud sententiam ferendam esse, si periculum in mora sit, ne alioquin, causa non examinata, sine titulo, sive institutione Canonica vitiosum ingressum ad beneficium reddat. Sicut respondet Innoc. IV. cap. un. de eo, qui mittitur in possessionem causa servandæ rei in 6.

## CAPUT II.

*De origine, & institutione beneficiorum Ecclesiasticorum.*

**D**Einde considerandum est de origine, & institutione beneficiorum Ecclesiasticorum. Circa quod

*Sciendum* I. Quod constat ex Actis Apostolorum cap. 4. & 5. in primitiva Ecclesia Christi discipulos vendere solitos prædia sua, eorumque pretia Apostolis, tamquam Ecclesiæ prælatis asserre, ut exinde Diaconorum manibus singulis distribuerentur, prout cuique opus erat. Postea vero magis expedire visum est, ut ipsamet prædia, sive immobilia bona, Ecclesiæ donarentur, & conservarentur ex quorum annuis redditibus ministrorum sustentationi perpetuo provisum esset, sicuti videre est in Epist. 2. Decret. Pii I. & in Epist. un. Urban. & in cap. futurum, & seq. causa, 12. qu. 1. Quemadmodum etiam in veteri lege Sacerdotes non tantum fructuum decimas, sed etiam earum partem civitatum, ac prædiorum in singulis tribubus ex Dei mandato possederant, sicuti legitur Numer. 35.

*Sciendum* II. Quod longo tempore Clerici nihil proprium possidentes plerisque in locis ex communibus Ecclesiarum redditibus alebantur: quamobrem Canonici, id est regulares, dicti sunt: quia in communi viventes ad certam vivendi normam, ac regulam adstringebantur. Eorumque sacræ ædes, sicut Collegia Clericorum ædificatæ, præfixo ipsis titulo, v.g. Sancti Stephani, Sanctæ Crucis: sicut colligitur ex epist. 3. Pii I. aliisque testimoniis, quæ congerit Gratianus causa 12. qu. 1. Neque ullus in Clericorum numerum, ac ordinem admittebatur, nisi sub titulo alicujus sacræ domus sustentationem haberet, ut constat ex cap. Sanctorum, dist. 70. Quod etiam hodie observatur, ut nemo ad majores ordines sine sustentationis titulo admittatur, alioquin ei Episcopus de suo interim providere debet, donec aliquem beneficii titulum consequatur, sicuti decrevit Alexan. III. in Concilio Lateranen. cap. Cum secundum, de præben.

*Sciendum* III. Quod pluribus tamen in

locis (sicuti & nunc permittitur) olim permissum fuit, ut Clerici extra communiter viverent, atque propria, seu patrimonialia bona possiderent: sicuti videre est in cap. certe, sumpto ex D. August. serm. 2. de communi Clericorum vita, & seqq. cc. causa, 12. qu. 1. Qua de causa, si Clerici ex patrimonialibus bonis sufficientem sustentationem habeant, etiam sine ullo beneficii titulo sacris Ordinibus initiari possunt, juxta cap. tuæ, de præben. & dignitatib.

*Sciendum* IV. Quod, cessante olim communi Clericorum vita, & cohabitatione, redditus, sive proventus Ecclesiastici in quatuor partes dividi cœperunt: quarum una pro mensa, sive sustentatione Episcopi relicta erat, altera ad Ecclesiæ fabricam deputata, tertia elemosynis in pauperes, ac peregrinos destinata, quarta mensæ capitulari relicta, ut inter Clericos, sive Canonicos pro singulorum meritis dispensaretur: cujus quadripartitæ divisionis mentio fit in Concilio Romano, 2. sub Sylvestro I. can. 5. in epist. 3. Simplicii Papæ, quæ refertur in cap. de redditib. 12. qu. 2. & in epist. Gelasii ad Episcopos per Lucaniam, quæ refertur in cap. quatuor, qu. ead. Item in Epist. Gregor. I. ad August. respon. ad 1. & 2. & lib. 3. epist. 11. ad Gregorium Maximianum Episc. & refertur in cap. Cognovimus, 12. qu. 2.

*Sciendum* V. Quod hæc itaque est origo, & institutio Ecclesiasticorum beneficiorum. Jus, inquam, tributum Episcopis, aliisque Clericis propter officium, & obligationem suam percipiendi certam portionem reddituum ex Ecclesiæ prædiis, aliisque rebus. Qua in re, certum est ipsorum prædiorum, seu immobilium bonorum proprietatem, ac dominium ad beneficiatos non transire, sed penes Ecclesiam remanere. Dubium autem est de fructibus, sive redditibus beneficiorum, utrum beneficiati de illis, tamquam veri domini, sine cuiuscumque injuria disponere possint: de quo in cap. seq. tractandum est. Unde fit,

## CAPUT II.

*Utrum beneficiati sint veri, & absoluti domini Ecclesiasticorum reddituum.*

**C**irca hoc dubium recolenda sunt ea, quæ dicta sunt in tractatu de statu Episcoporum, cap. 9. quibus præsuppositis,

*Sciendum* 1. Quod bona Clericorum, seu beneficiatorum secularium, triplicis generis sunt. Alia, quæ ex hæreditate, arte, donatione, aliove titulo temporali proveniunt, & uno verbo patrimonialia vocantur: & de his nemo dubitat Clericos arbitratu suo, tanquam veros, & absolutos dominos disponere posse. Alia sunt bona quasi patrimonialia, quæ a fidelibus offeruntur non Ecclesiæ, sed particulariter ipsis ministris, tanquam laboris, & vitæ stipendium, ob quotidianas Missas, sacramentorum ministratorem, funeralia, prædicationem verbi divini: atque ejusmodi bona patrimonialibus æquiparari, plenoque, & absoluto jure domini ad Clericos pertinere, ex communi sententia docent Navar. & Major. Idque probatur. Nam Ecclesiastici ministri, cum ratione spiritualis officii, & laboris, stipendium sustentationis accipiunt, tanquam ex justitia sibi debitum illud accipiunt, *dignus est enim operarius mercede sua*, ut dicitur Luc. 10. Non enim debent esse deterius conditionis, quam alii officiales reipublicæ: ergo sicut illi, dominium dati sibi stipendii pleno, & absoluto jure acquirunt. Et hæc etiam videtur esse mens fidelium, Clericis, five curatis, five non curatis, stipem, & oblationes, absolute donandi: neque ullum jus Ecclesiasticum reperitur, quotalis donatio infirmetur. Alia denique sunt Clericorum bona, quæ proprie dicuntur redditus, five proventus Ecclesiastici, quia secundum originem suam ad Ecclesiam pertinent: sed ab Ecclesiâ postea Clericis peculiariter deputata sunt, tanquam beneficium, five stipendium ob spirituale ab eis præstitum officium. Huc spectant annui redditus ex fundis Ecclesiasticis: item decimæ, cum & istæ sint pars ususfructus Ecclesiæ debita ad ministrorum sustentationem. Atque de his tantum bonis, five redditibus

quæstio est, utrum ad beneficiatos pleno domini jure pertineant. Quapropter

*Sciendum* 11. Ex communi Doctorum sententia cum S. Thom. 2.2. qu. 185. a. 7. redditus Ecclesiasticos, quatenus prudentis viri arbitrio beneficiato necessarij sunt ad honestam, ac decentem vitæ sustentationem, pleno jure ad ipsum pertinere, non minus quam bona patrimonialia; adeo quidem, ut si ex victu, vestitu, aliisque impendiis aliquid propria parsimonia detrahat, de eo arbitratu suo disponere possit, dando, v.g. consanguineis, sicuti docent S. Thom. cit. Navar. & alii communiter. Adde, quod licet beneficiatus propria bona patrimonialia habeat, posse tamen, iis in quemcumque voluerit usum servatis, ex Ecclesiasticis redditibus competentem sibi sustentationem accipere, sicuti docent S. Tho. ibid. ad 3. Innoc. Gabr. & alii apud Laym. contra Alexandrum de Ales, & Adrian. Probatur autem ex Apost. 1. ad Cor. 9. *Quis unquam suis stipendiis militat?* Et intra: *Qui in sacrario operantur, quæ de sacrario sunt, edunt:* & qui altari deserviunt, cum altari participant. Ita & Dominus ordinavit iis, qui Evangelium annuntiant, de evangelio vivere. Sed Clericus beneficiatus, licet patrimonium habeat, operarius tamen est, & Ecclesiæ servit, si officium suum præstet: ergo ex justitia debetur illi stipendium necessarium ad decentem vitæ sustentationem ex bonis Ecclesiæ. Vide Navar. & Sotum.

*Sciendum* 111. Quod nomine stipendii necessarij ad honestam, ac decentem sustentationem, comprehenditur in primis id, quod ad ipsum beneficentium, ejusque familiam, quam convenienter suo statui habet, honeste alendam requiritur. Deinde ea, quæ ad hospitalitatem exercendam erga consanguineos, amicos, peregrinos: tum vero ad præstandas donationes remuneratorias beneficiorum: imo interdum etiam liberales, non prodigas: denique ad alias honestas, & statui convenientes animi, ac corporis recreationes; quorum omnium quantitas æstimari debet cum ex personæ, & officii dignitate, tum ex reddituum amplitudine, ac copia, sicuti ex communi docet Navar. Insuper æstimanda sunt etiam beneficiati merita, ac labores, quos Ecclesiæ utiliter præstat do-

Arina, consilio, scripture, sicuti monet Gloss. recepta in cap. conquerentes, ver. sufficientia, de Cleric. non resident. Nam ob hanc causam ejusmodi beneficiatus potest ad sustentationem suam ex redditibus Ecclesiasticis accipere plus, sumpto argum. ex verbis Apost. 1. ad Timot. 3. *Qui bene præfunt Presbyteri, duplici honore digni habeantur, maxime qui laborant in verbo, & doctrina*, quod de munere largitione interpretatur S. Hieron. in cap. 15. Matth. & ex cap. de multa, de præben. sicut notat Navar. His suppositis, restat, ut de superfluis beneficiarum redditibus duo dubia resolvamus. Primum est, utrum horum dominium ad beneficiatos pertineat. Alterum, utrum ex lege iustitiæ eos in pium aliquem usum erogare debeant, adeoque ad restitutionem teneantur, si in prophanum usum insumperunt. Quæ duæ quæstiones valde diversæ sunt, sicuti recte animadvertit Paludanus, in 4. dist. 24. q. 3. in fin. Nam potest acquiri dominium cum onere, quoniam non adimpleto, contra iustitiam quis peccat, & ad restitutionem obligatur: sicuti patet in fideicommissu, legato, donato sub modo, & gravamine. Pro harum igitur quæst. resolutione,

*Sciendum IV.* Beneficiatos omnium etiam superfluum reddituum dominium comparare. Ita docet S. Thom. 2. 2. q. 185. a. 7. & opusc. 6. a. 12. Palud. Adrian. Sot. Covar. Laym. In Concilio enim Lateran. sess. 9. §. statuimus: & in Trident. sess. 22. c. 2. decernitur, beneficiatos ob absentiam, vel intermissum officium canonicum, fructus beneficii suos non facere. Unde manifeste colligitur, si præsentibus sint, & officium præstent, dominium illorum acquirere: nam alioquin constitutioni poenali, seu privationi ob absentiam, & negligentiam locus non esset. Deinde Clerici, sicut & laici, capaces sunt dominio acquirendo præsupposita divisione, ex qua ortum habuit rerum proprietas. Cæterum, quamvis beneficiati domini sint omnium etiam superfluum reddituum, tamen peccant contra strictam obligationem charitatis, si eos in pios usus non convertant, ut docent communiter Doctores, tum quia semper in sua radice Deo obligati præsent, sunt enim secundum canones res Dei, patrimonium Christi, vota

fidelium, pretia peccatorum, id est, a fidelibus Deo oblatæ in manibus prælatorum Ecclesiæ, ut per hos ad pium aliquem usum, ad Dei honorem, & pro salute inferentium fideliter dispendantur: tum etiam, quia Concil. Trident. sess. 25. c. 1. Episcopi, Cardinalibus, & omnibus beneficiis obtinentibus severe interdicit ne ex redditibus Ecclesiæ consanguineos, familiaresque suos augere studeant, cum & Apostolorum canones prohibeant, ne res Ecclesiasticas, quæ Dei sunt, consanguineis donent. Solum ergo dubium remanet, aut etiam peccent contra iustitiam, & ad restitutionem teneantur, si tales redditus in usus prophanos convertant. Circa quod

*Sciendum V.* Probabilius esse, quod beneficiati peccent contra iustitiam, si redditus superfluos beneficii in usus prophanos convertant, & per consequens ad restitutionem tenentur: sunt enim a fidelibus Christianis relicta cum hoc onere, ut in pium aliquem usum convertantur. Unde S. Bernard. epist. 2. ad Canonicum Lugdun. dicit: *Quidquid præter necessarium vicium, & vestitum de altari retinet, tumum non est, rapina est, sacrilegium est.* Hinc Clerici prohibentur testari de redditibus Ecclesiasticis etiam ad causas pias, sicuti videre est in cap. 1. cap. quia nos, cap. Cum in officiis: cap. relatum, 2. de testam. & in Auth. licentiam, C. de Episc. & Cleric. non aliam profecto ob causam, nisi quia redditus Ecclesiastici superflui debentur Ecclesiæ, unde profecti sunt. Quamvis autem Ecclesiæ potestatem tribuat beneficiatis, ut redditus Ecclesiasticos in pias causas convertant dum in vivis sunt; non autem disponendi de iis in tempus post mortem suam: & hoc merito decernitur, ut beneficiati promptiores sint ad bona, quæ ipsis superflua sunt, in pias causas erogandi, scientes nullam sibi facultatem superesse de iis post mortem suam disponendi. Nullus autem prohibetur testari de bonis, quæ jure absoluto, & sine ullo annexo onere ad ipsos spectant, l. 1. C. de SS. Ecclesiis. Hanc sententiam defendunt Cajet. Adrian. Navar. Covar. Vasq. Laym. alique contra Sanch. Lug. Molin. Salmant. Qua de re vide Laym. lib. 4. tr. 2. c. 3.



## CAPUT IV.

*De distinctione beneficiorum Ecclesiasticorum.*

**D**Einde considerandum est de distinctione beneficiorum Ecclesiasticorum. Circa quod

*Sciendum* 1. Quod Beneficium primo dividitur in sæculare, quod Clericis sæcularibus competit; & regulare, quod regularibus additum, & debitum est. Nam beneficium regulare conferri non potest Clerico sæculari, neque vice versa beneficium sæculare Clerico regulari: sicut colligitur ex cap. Cum de beneficio, de præben. in 6. cap. super eo de regular. Excipe primo, si Canonicus regularis, vel monachus Ordinis non mendicantis eligatur ad Episcopatum, vel aliam prælaturam sæcularem, sicut colligitur ex cap. Nullus religiosus de elect. cap. Quod Dei timorem, de statu monach. ubi id Abbas explicat numer. 3. Excipe secundo, quod regularis ob iustam causam, cum consensu prælati, si ille exemptus est, fieri possit Vicarius Episcopi, juxta Gloss. receptam cap. cum pastoris, 2. qu. 7. habitu tamen retento: quia solius Papæ est dare facultatem manendi extra monasterium sine habitu Ordinis, sicut docet Navar. ex cap. 2. ne Clerici, vel Monach. in 6. Excipe tertio, quod canonicis regularibus concessum est ab Innoc. III. in cit. cap. Quod Dei timorem, sæcularia beneficia curata obtinere. Sed jure novo derogatum est huic licentiæ: unde absque Papæ dispensatione id hodie fieri non potest, ut patet per concordata Concilii Lateran. cum Leone Papa; ut videre est apud Sanch. Garc. & S. Congr. declaravit. Excipe quarto, si Ecclesia, seu Conventus regularis deficiat, ita ut, consideratis loci, temporis, personarum circumstantiis, per regulares reformari non possit, tunc Episcopus, Clericos ibi sæculares instituere potest, juxta cap. inter quatuor, de religiosis domib. sicuti etiam Episcopus cum Capituli consensu Collegium Clericorum ad statum regularem conformare potest, modo Clericis sæcularibus, dum vixerint, vitæ necessaria mitterentur, juxta cap. ad audientiam, 2.

de Ecclef. ædific. Qua de re plura notat Laym. lib. 4. tr. 2. c. 4.

*Sciendum* 11. Quod beneficium aliud est duplex, & aliud simplex. Beneficium duplex dicitur illud, quod aliquam eminentiam, jurisdictionem, vel administrationem habet. Inter quæ beneficia primum, ac præcipuum est Papæ, juxta cap. 1. de maledicis. Quare & ipse canonicè eligi, atque institui debet. Reliqui etiam Episcopi beneficia habere dicuntur in cap. felicitis, §. quod si quis, de præben. in 6. Quamquam Episcopatus, sicut & Papatus, communi appellatione beneficiorum, præsertim in pœnabilibus, aliisque strictæ interpretationis canonibus comprehendi non solent, sicuti notavit Joan. de Sylva, p. 1. de benefic. q. 3. n. 25. cum sint culmina beneficiorum, ac dignitatum, sicuti dicitur in cap. pœnal. de præben. ordo Episcoporum, ait Isidor. relatus in c. 1. dist. 21. quadripartitus est. Sunt enim Patriarchæ, Primates, Metropolitani, seu Archiepiscopi, & Episcopi. Cardinales quoque S. Rom. Ecclesiæ in præcellenti Ecclesiasticæ dignitatis, & officii gradu constituti sunt, quippe consultores, coadjutores, & fratres Romani Pontificis, sicuti appellantur in cap. fundamenta, §. decet, de elect. in 6. de quorum origine, & antiquitate lege Anton. Marcel. p. 2. c. 13. & quæ hæcenus dicta sunt, appellantur beneficia majora, seu sublimia.

*Sciendum* 111. Quod alia dicuntur beneficia media, ut videre est apud Abb. cap. majoribus, de præben. & sunt reliquæ dignitates præter illas sublimes, item personatus, & officia, quæ omnia beneficia duplicia censentur. Dignitas est præminencia, ferme cum jurisdictione fori exterioris juncta, teste Abb. & Innoc. in cap. de multa, de præben. cujusmodi beneficia obtinent Abbates, & alii Prælati tam regulares, quam sæculares: Item Archidiaconus, qui post Episcopum, veluti Vicarius ejus, in omnis diœcesis Clericos jurisdictionem obtinet, c. 1. de officiis Archidiaconi. Hodie vero in multis Ecclesiis Vicarius generalis appellatur, qui hanc potestatem exercet, quæ describitur in cit. cap. 1. cap. mandamus, & seqq. eod. tit. Personatus est præminencia in Ecclesia sine jurisdictione fori exterioris, v. gr. qui alii

aliis præpositus est in choro, in processione, in suffragiis: quamquam hæc vocabulorum differentia semper non observetur: sed interdum dignitas, & personatus pro eodem accipiuntur, sicuti videre est in c. Cum accessissent, de constit. Officium dicitur administratio sine jurisdictione fori exterioris: cuiusmodi se habet Custos, Thesaurarius, Primicerius, Archipresbyter, qui omnes Archidiacono subiecti sunt: Archipresbyter vero, veluti Decanus, Presbyteris præfectus erat, tamen sine jurisdictione in foro externo: sicuti colligitur ex cap. ult. de officio Archipresb. & cap. un. de officio Primicer. Nihil tamen obstat, quin officium Archipresbyteri, seu Decani, si in Ecclesia jurisdictionem, vel præminentiam habeat, inter dignitates, & personatus etiam numeretur. Parochus quoque, sive Plebanus, officium, & beneficium duplex, quasi duplici cura, & onere constrictum, habere censetur. Denique simplex beneficium dicitur, quod neque specialem præminentiam, neque jurisdictionem, neque administrationem habet, v.g. Canonicatus, Capellania, sive Altare auctoritate Episcopi constitutum.

*Sciendum* IV. Quod beneficium tertio dividitur in simpliciter titolare, quod videlicet in titulum perpetuum confertur: & in beneficium manuale, quod in titulum quidem confertur, sed revocabiliter: quia ad nutum Prælati, vel patroni, beneficiato auferri potest. Talia beneficia manualia sunt omnia ferme regularia, quæ nec curata, nec electiva sunt, ut Prioratus, officium Custodis, Sacristæ, sive Thesaurarii, sicuti notavit Marfil. p. 2. de rebus Eccles. c. 15. n. 16. Loquitur autem de priori, qui sub Abbatis obedientia constitutus est, ideoque ab eodem ad nutum removeri potest, juxta cap. Cum ad Monasterium, §. sed alicui, de statu Monachor. Beneficia autem secularia licet ordinarie in titulum perpetuum conferri soleant, ideoque sine gravi causa revocari non possint, sicut constat ex cap. præcepta, dist. 55. cap. Satis perversum, dist. 56. cap. Sanctorum, dist. 70. tamen nihil obstat videtur, quominus etiam secularia quædam beneficia speciali statuto, vel fundatione, temporalia, & ad nutum amovibilia instituantur, sicut pluribus allegatis docet Ni-

colaus Garcias p. 1. de benefic. cap. 2. §. 1. contra Navar. consil. 8. de iure patrore. & consil. 5. de præben. ubi significat, Capellaniam non perpetuam, sed manualement non esse proprie beneficium Ecclesiasticum. Ad ejus evidentiam

*Sciendum* V. Quod rectius distinguitur cum Suarez, & aliis inter capellanias. Quædam enim sunt temporales, & non collativæ, videlicet, quæ sine Episcopi auctoritate, quamvis in perpetuum institutæ sunt, ut a fundatore, ejusque hæredibus conferantur, cui ipsi voluerint: & tales capellaniz beneficia non sunt, sed merè temporalia stipendia facellanorum, sicuti recte docet Navar. in cit. consil. 5. Aliæ vero sunt capellaniz, quæ Episcopi auctoritate institutæ, spirituales sunt factæ, & collativæ: ideoque proprie dicta beneficia ecclesiastica, quamvis ad nutum Episcopi, vel patroni, auferri possunt: hoc enim ad accidentalem tantum beneficiorum differentiam spectare videtur: quandoque ipsæmet Navar. consil. 8. de iure patronat. n. 20. fatetur, beneficia ecclesiastica per voluntatem Papæ, vel consuetudinem immemorabilem posse fieri manualia. Id. tamen sateri oportet, spectato jure communi, & ordinario, beneficia secularia censeri perpetua: regularia vero beneficia censeri manualia, seu revocabilia. Quam ob rem hæc qualitates in impetratione beneficiorum necessario exprimi non debent, cum insint communi jure, quod Pontifici notum esse præsumitur, juxta cap. 2. de constit. Aliam beneficiorum divisionem, ex modo conferendi delumptam, infra reperies in cap. seq. & cap. 7.

## C A P U T V.

De pluralitate beneficiorum. S. Thom. quodl. 9. a. 15.

**D**Einde considerandum est, an habere plures præbendas sine dispensatione, sit peccatum mortale. Circa quod

*Sciendum* 1. Ex D. Tho. cit. Quod omnis questio, in qua de peccato mortali queritur, nisi expresse veritas habeatur, periculose determinatur: quia error, quo non creditur esse peccatum mortale, quod est peccatum mortale, conscientiam non excu-

excusata a toto: licet forte a tanto. Error vero, quo creditur esse mortale, quod non est mortale, ex conscientia ligat ad peccatum mortale. Præcipue autem periculum est, ubi veritas ambigua est, quod in hac questione accidit. Cum enim hæc questio ad theologos pertineat, in quantum dependet ex jure divino, vel ex jure naturali: & ad iuristas, in quantum dependet ex jure positivo, inveniuntur in ea theologi theologis, & iuristæ iuristis contraria sentire. In jure namque divino non invenitur determinata expressio; cum in sacra scriptura expressa mentio de ea non fiat, quamvis ad eam argumenta ex aliquibus auctoritatibus scripturæ forte adduci possint: quæ tamen non facile veritatem ostendunt. Determinando vero eam secundum jus naturale,

*Sciendum* 11. Quod sic videtur ad præsens dicendum, quod actionum humanarum triplex est differentia; Quædam enim sunt, quæ habent deformitatem inseparabiliter annexam, ut fornicatio, adulterium, & alia hujusmodi, quæ nullo modo bene fieri possunt: de numero talium non est habere plures præbendas, alias in nullo casu dispensationem accipere posset, quod nullus dicit. Quædam vero sunt actiones, quæ de se indifferentes sunt ad bonum, vel malum, ut levare festucam de terra, vel aliquid hujusmodi inter quarum numerum quidam computant habere plures præbendas, dicentes: Ita licitum est habere plures præbendas, sicut habere plura poma. Sed hoc non videtur esse verum, cum hoc, quod est habere plures præbendas plurimas in se inordinationes contineat, urpote quia non est possibile, aliquem in pluribus Ecclesiis deservire, in quibus est præbendatus, cum præbendæ videantur esse ordinatæ quasi quædam stipendia Deo ibidem ministrantium. Sequitur etiam diminutio cultus divini, dum unus loco plurimum instituitur. Sequitur etiam in aliquibus defraudatio voluntatis testatorum, qui ad hoc aliqua bona Ecclesiæ contulerunt, ut certus numerus Deo deservientium ibi esset. Sequitur etiam inæqualitas, dum unus pluribus beneficiis abundat, & alius nec unum habere potest; & multa alia hujusmodi, quæ de facili patent; unde non potest contineri inter indifferentes actiones,

& multo minus inter eas; quæ sunt secundum se bonæ, ut dare eleemosynam, & hujusmodi. Quapropter.

*Sciendum* 111. Quod sunt quædam actiones, quæ absolute consideratæ deformitatem, vel deordinationem quandam important, quæ tamen, aliquibus circumstantiis advenientibus, bonæ efficiuntur, sicut occidere hominem, vel percutere, in se deformitatem quandam importat, sed, si addatur occidere malefactorem propter justitiam, vel percutere delinquentem causa disciplinæ, non erit peccatum, sed virtus. In numero harum actionum videtur esse habere plures præbendas. Quamvis enim aliquas inordinationes contineat, tamen aliæ circumstantiæ possunt supervenire ita honestantes actum, quod prædictæ inordinationes totaliter evacuentur, ut puta, si sit necessitas in pluribus Ecclesiis ejus obsequio, & possit plus servire Ecclesiæ, vel tantumdem abiens, quam alius præsens, & si quæ alia sunt hujusmodi, & tunc istis conditionibus supervenientibus cum recta intentione non erit peccatum, etiam nulla dispensatione interveniente, si consideretur tantum secundum jus naturale: quia dispensatio ad jus naturale non pertinet, sed solum ad positivum. Si autem aliquis ea intentione plura beneficia habeat, ut sit ditior, ut lautius vivat, & ut facilius ad Episcopatum perveniat in aliqua Ecclesiæ, ubi est præbendatus, non tolluntur prædictæ deformitates, sed augentur, quia cum tali intentione, & unum beneficium habere, quod nullam deformitatem importat, esset illicitum. Et sic quidem esset dicendum, nullo positivo jure etiam superveniente.

*Sciendum* 1v. Quod nunc certum est, per antiqua jura prohibitum esse habere plures præbendas; patet etiam huic prohibitioni consuetudinem esse contrariam, per quam quidam dicunt illa jura esse abrogata. Nam per contrariam consuetudinem jura humana abrogantur. Quidam vero dicunt per hanc consuetudinem antiqua jura non abrogari, eo, quod quædam Decretalis dicit: *Multa per patientiam fuerint deducenda, justitia cogente, cassarentur*. Et hæc controversia iuristis est relinquenda, quamvis hoc videatur esse probabile, quod quantum

tum ad hoc, quod jura illa antiqua continent jus naturale, abrogari non possunt per contrariam consuetudinem, utpote irrationalem. Quantum autem ad hoc, quod solum de jure positivo continent, possunt esse abrogata, præcipue, si simulant hanc contrariam consuetudinem, in quorum potestate est jus positivum mutare, intendunt per talem dissimulationem antiqua jura mutare. Si ergo antiqua jura, quæ hoc prohibent, in suo robore maneant, contraria consuetudine non obstant, certum est non posse aliquem plures præbendas habere absque dispensatione, etiam illis circumstantiis supervenientibus, quæ secundum considerationem juris naturalis actum poterant honestare. Si autem antiqua jura sunt per consuetudinem abrogata, tunc prædictis circumstantiis supervenientibus, etiam sine dispensatione licitum est plures præbendas habere, sine quibus circumstantiis licitum non est, quantumcumque dispensatio interveniat, eo, quod dispensatio humana non aufert ligamen juris naturalis, sed solum ligamen juris positivi, quod per hominem statuitur, & per hominem dispensari potest.

*Sciendum v.* Quod beneficia alia incompatibilia dicuntur, alia compatibilia. Primi generis in primis sunt ea, quorum singula per se, vel naturali jure, vel saltem Ecclesiastica constitutione continuum residentiam postulant, uti sunt duo Episcopatus, duæ Abbatiz, duæ Parochiæ, duæ perpetuæ Vicariæ, & cætera curata beneficia. Item duæ dignitates, sive personatus, quin & duo Canonicatus, ob constitutionem Trident. sess. 24. c. 12. Deinde beneficia uniformia sub eodem titulo incompatibilia censentur, v.g. duo Canonicatus ejusdem Ecclesiæ. Reliqua vero beneficia compatibilia sunt. Si beneficia sint incompatibilia, de jure communi solus Papa ob causam justam dispensare potest, ut quis simul plura habeat, ut docet Gloss. in cap. Dudum 2. de elect. ver. per sedem, cap. De multa de præben. ver. per sedem, & in cap. 1. de consecr. in 6. ver. absque dispensat. Si vero beneficia sint compatibilia, secundum quosdam eidem conferri possunt absque dispensatione in casibus, in quibus juri naturali non repugnat: quia consuetudo id permittit, dummodo provi-

sus indigeat ad honestam vitæ sustentationem. Ita, præter alios docent Abb. in c. Dudum, Rebus. Valent. Alii vero id negant, ut supra dictum est. An vero consuetudine obtineri possit, ut plura beneficia jure communi incompatibilia fiant compatibilia, ideoque eidem conferri possint etiam sine dispensatione. Negative respondent Doctores ex cap. 1. de consuetud. in 6. ubi talis consuetudo etiam immemorabilis reprobatur.

## C A P U T V I.

### De unione Beneficiorum.

**D**einde considerandum est de unione beneficiorum Ecclesiasticorum ex parte ipsius beneficii. Circa quod

*Sciendum 1.* Quod unio beneficiorum (quæ ex Rebus. in praxi de unionib. est beneficiorum auctoritate Prælati Ecclesiastici facta annexio) duplex est, perpetua scilicet, & temporalis. Perpetua fit ob Ecclesiæ necessitatem, vel utilitatem: temporalis in utilitatem beneficiati, ideoque durat tantum ad vitam ejus: neque est proprie dicta unio, sed potius dispensatio, seu reservatio nomine unionis testis: & idcirco odiosa, atque adeo non præsumitur in dubio, teste Rebus. nu. 19. Neque eam Episcopus facere potest in beneficiis incompatibilibus, sed solus Papa, ut dictum est in cap. ant. & colligitur ex Trident. sess. 7. c. 4. & sess. 24. c. 17. Quare omnia unione ad vitam beneficiati, de perpetua tantum, & proprie dicta beneficiorum unione tractandum est. Quapropter

*Sciendum 1 1.* Quod unio beneficiorum proprie dicta tribus modis fieri potest, uti docet Gloss. in cap. 1. ver. uniendo, ne Sede vacante, Gloss. in cap. & temporis 16. q. 1. ver. unire. Primo, si ex duobus beneficiis fiat unum. Secundo, si unum beneficium alteri uniatur tanquam accessorium principali. Tertio, si duo beneficia ita sub eodem rectore uniuntur, ut tamen propriam naturam, qualitates, & privilegia sua retineant, & neutrum alteri subiciatur, aut adhzreat, sed utrumque suum titulum retineat; & ideo de utroque in impetratione alterius beneficii mentio facienda sit. Modus secundæ unionis ope-

operatur quasi extinctionem beneficii annexi, ut beneficium per se non censeatur, ideoque nec vacare debeat: quia assumit naturam, qualitates, ac privilegia beneficii principalis, cui adhæret: unde in beneficii impetratione solus principalis mentio facienda est, quo collato, venit etiam accessorium. Ex quo

*Sciendum* 111. Quod, si parochialis Ecclesia unita sit Canonici, vel dignitati, non debet attendi ætas 25. annorum, quæ ad Parochiam eam requiritur, cum eam institutus non per seipsum, sed per Vicarium sufficientis ætatis regere debeat: sed sufficit ætas, quæ ad Canoniciatum, vel dignitatem habendam postulat; accessorium enim sequitur natræ, & qualitates principalis. Quapropter beneficium minus dignum oportet unire magis digno, juxta cap. postulat de præben. cap. super eo, eod. tit. in 6. Non enim decet, ut magis dignum sit accessorium minus digni. Item, si pertineat beneficium accessorium diverso Episcopo, non requiritur ejus consensus, sed sufficit consensus Prælati majoris beneficii: cum enim beneficium unitum accessorio non censeatur vacare, ideo ejus collatio secundum se cessat: quod non evenit in beneficiis tertio modo unitis, in quibus requiritur consensus, seu collatio, aut confirmatio utriusque Prælati, si ad diversos pertineant, sicut colligitur ex Gloss. in cit. cap. & temporis.

*Sciendum* 1v. Quod potestas uniendi beneficia, & Ecclesias quascunque, pleno jure pertinet ad Summum Pontificem, ut docet S. Thom. 2. 2. q. 89. a. 9. & habetur in cap. 2. de præben. in 6. Episcopus vero ob justam causam in perpetuum unire potest beneficia suæ Diocesis, quæ neque exempta, neque Summo Pontifici specialiter, ac perpetuo reservata sunt, ex cap. Sicut unire, de excess. Prælator. Eademque ratione ordinariæ potestatis ad Episcopum, vel alium simili jurisdictione præditum spectat, beneficium aliquod justa de causa omnino extinguere, sicut & unum in duo dividere, sicut docet Innoc. cap. unum. ibidem. In certis autem casibus ipsum Jus talem uniendi facultatem Episcopo tribuit, non obstante reservatione, ut patet ex Trident. sess. 21. c. 5. & sess. 23. c. 18.

Debet tamen in dictis casibus talis unio fieri antequam beneficium vacet, ut possit fortiri summ effectum, & non impediat per reservationem, ut monet Garc. num. 102.

*Sciendum* v. Quod beneficia unius Diocesis non debent uniri cum beneficiis alterius Diocesis ex Trident. sess. 14. c. 9. Item prohibet sess. 24. c. 12. ne Ecclesiæ Parochiales Monasteriis quibuscunque, aut Abbatibus, seu Dignitatibus, aut præbendis Ecclesiæ Cathedralis, vel Collegiæ, aliisque beneficiis simplicibus uniantur. Denique Capitulum Sede vacante unire potest beneficia cum supradictis conditionibus, absque tamen præjudicio juris Episcopalis, ut ex communi docet Rebus. n. 36. Porro aliæ pertonæ Ecclesiasticæ, seculo specialii privilegio, aut legitima præscriptione, beneficia unire non possunt, etiam si ea conferendi jus habeant. Causæ unionis faciendæ, sunt necessitas, vel utilitas Ecclesiæ ex cap. Postulasti, de præben. Solemnitas ad unionem requisita in his consistit. Primo, quod antecedat cognitio causæ. Secundo, ut vocentur ii, quorum interest. Tertio, requiritur consensus Capituli. Quæ de re vide Trident. sess. 24. c. 19. & Laym. lib. 4. tract. 2. cap. 9.

## C A P U T V I I.

*De institutione, & collatione beneficiorum.*

Consequenter ad Natræ, & distinctionem beneficiorum, considerandum est de his, quæ pertinent ad illorum institutionem, & collationem. Circa quod

*Sciendum* 1. Quod institutio in beneficiis Ecclesiasticis tribus modis fit, scilicet, per electionem, præsentationem, & liberam collationem. Quamobrem Ecclesiastica beneficia distinguuntur ex parte modi conferendi in tria genera, electiva nimirum, patronata, & libera, seu collativa. Ubi notandum, quod omnis collatio fieri debet beneficii vacantis, ne quis mortem alterius desiderare possit, si leat in ejus locum se insinuatum iri, ut habetur in cap. 2. & cap. Constitutus, de concess. præben. cui consonat Trident. sess. 24. c. 19. ubi omnes gratiæ expectatiæ abrogatæ, seu inferioribus Papa collatoribus prohibi-

tae sunt. Nec sufficit, quod beneficium vacet de jure, ut possit conferri, sed requiritur, quod vacet etiam de facto; Si enim alter habeat possessionem beneficii cum titulo colorato, non conferetur beneficium vacare de facto. Quare in tali casu possessor prius de possessione amovendus est, quam beneficium alteri conferatur, cognita prius causa, ut docet Abb. in cap. cum nostris, de concess. præben.

*Sciendum* 11. Quod supremus, & universalis beneficiorum collator, sive hæc libera sint, sive electiva, est Papa, cap. 2. de præben. in 6. Tribus autem modis solet Papa beneficia conferre, teste Rebus. Primo jure præventionis, cum alicui confert gratiam expectativam ad beneficium primo vacaturum, juxta cap. omnium, de præben. in 6. Secundo jure concursus, nam Papa concurret cum quolibet Ordinario in potestate, & jurisdictione: quamvis enim potestatem conferendi Ordinarius dederit, sibi tamen majorem reservavit, juxta cap. Dudum, §. cum igitur, de elect. in 6. quapropter inter Papam, & reliquos inferiores ordinarios collatores datur locus præventioni. Tercio conferuntur beneficia a Summo Pontifice jure devolutionis, de quo dicam in cap. seqq.

*Sciendum* 111. Quod post Papam Episcopus est ordinarius collator beneficiorum tam patronatorum, quam liberorum existantium in diocesi sua, sicuti constat ex cap. 5. de capel. Monach. cap. cum & plantare, §. in Ecclesiis, de privileg. cap. cum ex injuncto in fin. de hæret. Porro Episcopus in collatione beneficiorum adhibere debet consilium, imo etiam consensum capituli & alioquin irritam fore institutionem significatur in cap. novit. de his, quæ fiunt a prælat. juncta Gloss. ver. cære, & ex cap. ea noscitur, eod. tit. habetur, quod prælatus regularis, ad quem jus præsentandi spectat, cum consensu monachorum præsentare debeat, alioquin firmitatem non obtineat. Ubi tamen excipitur, nisi legitime præscripta consuetudine, aut privilegio obvineat prælatus, ut fine capituli consensu præsentare possit.

*Sciendum* 1v. Quod capitulum, vacante Sede Episcopali, tamen conferre non possit beneficia libera, si eorum collatio ad solum Episcopum spectet: nihilominus po-

test a patronis præsentatos ad beneficia instituere, uti habetur cap. 1. de instit. in 6. & electos confirmare, juxta cap. cum olim, de major. & obediens. Item recipere beneficiati resignationem non liberam, sed quæ sit causa permutationis, sicuti notat Garc. p. 5. c. 7. Denique, causa exigente, capitulum potest beneficia unire, dummodo nihil detrahatur juri Episcopali, ut dictum est cap. ant. Quorum ratio est, quia jura, vacante Sede, indulgent capitulo Episcopalem jurisdictionem causa necessitatis, ne ex defectu superioris periculum generetur, sicuti notat Gloss. in cap. his quæ, ver. pro bono pacis.

*Sciendum* v. Quod eadem ratione Vicarius generalis Episcopi, quamvis generale mandatum habeat, beneficia tamen conferre non potest, nisi id ei specialiter concessum sit, cap. fin. de offic. Vicar. in 6. ubi ratio additur: quia regulariter donare non potest is, cui bonorum administratio etiam libera concessa est. Quare neque poterit Vicarius sine speciali mandato præsentare ad beneficium, cujus patronus Episcopus est, sicut notavit Garc. p. 5. c. 8. Nam utrumque tam conferre, quam præsentare est genus gratiæ, & liberalitatis. Nihilominus concessum est Vicario instituere præsentatos, juxta cap. ex frequentibus, de Instit. & confirmare electos: Item conferre beneficia vacantia ex causa permutationis, si habeat ab Episcopo facultatem recipiendi resignationes, arg. cap. un. de rerum permut. & Clement. un. eod. tit. quia hi omnes actus sunt necessitatis, & justitiæ, ut specialem concessionem non desiderent.

*Sciendum* vi. Quod Legatus a latere communi jure concurret cum Ordinario in collatione beneficiorum, ita ut inter eos locus sit præventioni, juxta cap. si a Sede, de præben. in 6. & cap. 1. de offic. legati in 6. Idque extendendum est etiam ad beneficia vacantia, quæ sunt de jure patronatus Ecclesiastici, cap. dilectus, de offic. legat. cap. cum dilectus, de jure patronat. Non item, quæ sunt de jure patronatus laicorum, nisi ea devoluta sint ad Episcopum propter negligentiam præsentatoris laici, sicut docet Garc. p. 5. c. 3. Item extendendum est ad ea, quæ spectant ad exemptorum collationem, quippe in

quos jurisdictionem habet, juxta cap. 1. de ver. signif. in 6. Denique ad ea, quæ ad Papam devoluta, sed eidem reservata non sunt, teste Gloss. communiter recepta in cap. 1. de officio legati in 6. Aliis vero Nuntiis, sive Legatis non a latere, sine speciali mandato, concessum non est beneficia conferre, sicuti habetur expresse in cit. cap. 1.

## CAPUT VIII.

## De Beneficiorum reservationibus.

**D**Einde considerandum est de beneficiorum reservationibus. Circa quas in præsentibus

*Sciendum* 1. Quod beneficium reservatum esse dicitur, cujus collationem superior, videlicet Papa, sibi propriam vendicat, ut ab aliis Ordinariis conferri non possit. Hac ratione Summus Pontifex in primis sibi reservat collationem dignitatum, quæ post Episcopalem majores sunt in Ecclesiis Cathedralibus: item collationem dignitatum principalium in Ecclesiis collegiatis, sicut habetur in reg. 3. Cancellariæ apud Mendosam quæst. 22. quamquam alique Ecclesiæ speciale indultum Sedis Apostolicæ habeant illas eligendi.

*Sciendum* 11. Quod reservat sibi Papa beneficia quæcumque promovendorum, id est, quæ vacant per affectionem alterius beneficii, aut dignitatis ab ipso met Papa conferendæ, juxta reg. Cancellariæ, & Extrav. ad regimen de præben. Neque refert, an dignitatis electivæ sint: siquidem per electionem talem non censetur vacare beneficium prius habitum ab electo. Quinimo reservatio ista papalis locum habet quotiescumque Papa beneficium conferat alicui habenti alterum incompatible: hujus enim ipso jure vacantis collatio Papæ reservatur, sicuti colligitur ex cit. Extrav. ad regimen.

*Sciendum* 111. Quod Papæ reservantur omnia beneficia Cardinalium, & Curialium, seu familiarium Papæ, tametsi extra curiam vacent, ut, si curiales extra curiam moriantur: sicuti colligitur ex cit. Extrav. ad regimen. Adde, in reg. 3. Cancellariæ, reservari etiam beneficia familiarium alicujus Cardinalis. Neque refert etsi

tempore obitus non sint amplius officiales, sed dimiserint officium: quia beneficia postquam semel affecta sunt reservatione papali, semper remanent affecta; sicuti notavit Jacobus Menoch. de arbitrar. qq. Centur. 3. casu 1. n. 111.

*Sciendum* IV. Quod reservat sibi Papa beneficia, quæ vacant per obitum legatorum, & cursorum suorum: item aliorum quorumcumque ad Curiam accedentium, vel inde redeuntium, si in curia, vel in aliis locis ultra duas dictas a curia non distantibus moriantur. Ita habetur in cit. Extrav. ad regimen, & cap. præsentibus. Et in bulla Nicol. V. Ad sacrum. Et dicitur tunc beneficium in curia vacare, seu apud Sedem Apostolicam, ut specialiter affectum, ejusque collatio Papæ reservata censetur; adeo quidem, ut facta alicui potestate reservandi, aut conferendi beneficia, non censentur comprehendere ea, quæ in curia vacant; sicuti habetur expresse in c. 2. de præben. in 6.

*Sciendum* v. Quod Papa reservat sibi beneficia omnia, quæ vacant per depositionem, privationem, vel translationem auctoritate Sedis Apostolicæ factam. Item ea, ad quæ aliqui in concordia, vel discordia electi, seu postulati sunt, si electio cassata, vel postulatio repulsa, aut renunciatio ab his facta, & admissa per eandem Sedem Apostolicam fuerit cit. Extrav. ad regimen. Et bulla concordat Nicol. V. Atque hæc itidem beneficia in curia vacare censentur. Verumtamen in cap. Si apostolica de præben. in 6. Excipiuntur ab hac regula beneficia curata, si ea dictis modis in curia vacare contigerit, vacante Sede Apostolica.

*Sciendum* vi. Quod denique reservat sibi Papa alia omnia beneficia in mensibus alternis Pontificis ex cit. bulla Nicol. V. Ad sacrum, & habetur etiam in regul. Cancellariæ, sicuti videre est apud Garciam p. 5. cap. 1. num. 438. Est autem hæc mensium reservatio personalis, ita, ut mortuo Pontifice expiret: atque Ordinarius, dum Sedes Apostolica vacat, omnibus mensibus conferre possit, teste Garcia cit. num. 645. Porro hæc reservationes papales locum non habent neque in beneficiis manualibus; neque in beneficiis, quæ sunt juris patronatus laicalis: neque in beneficiis Ecclesiæ

clisæ non numeratæ, quia talia beneficia nunquam censentur vacare: neque in beneficiis resignatis causa permutationis, quia nec ista censentur proprie vacare: sicuti ex communi docent Covar. Gaspar de Perusio, & Æn. de Falconib.

## C A P U T IX.

### De Beneficiorum devolutionibus.

**D**Einde considerandum est de beneficiorum devolutionibus. Circa quas

*Sciendum* 1. Quod, si collator beneficium indigno scienter conferat: vel electores, puta capitulum, scienter eligant indignum, id est ineapacem, seu impedimento canonico laborantem, talis collatio, seu electio ipso jure irrita est, & collator, vel electores privantur ea vice potestare conferendi, eligendi, & devolvitur potestas ad alium, plerumque ad proximum superiorem. Ita de collatore colligitur ex cap. Cum in cunctis §. Clerici. De electoribus vero habetur expresse in cap. cit. cap. innouit, cap. scriptum de electionib. in 6. Ut autem in specie cognoscatur, quid de hac re sentiendum sit,

*Sciendum* 11. Quod, si Ecclesiæ Cathedralis canonici Episcopum indignum scienter elegerunt, collatio devolvitur ad Papam, ex cap. Quamquam, nisi pars canonicorum, licet minor, contradicat; tunc enim poenae ipsos remanebit jus eligendi, juxta cap. gratum, de postulat. Prælator. In aliis vero inferioribus beneficiis, in quibus eligendi, vel confirmandi potestas ad capitulum pertinet, devolutio fit ad Episcopum propter negligentiam, vel defectum capituli, sicuti constat ex cit. §. Clerici. Idemque dicendum, si alius inferior, puta Abbas non exemptus, beneficia conferre tempore statuto neglexit, vel indigno contulit, devolvi potestatem ad Episcopum, sicuti colligitur ex Clement. un. de supplen. negligent. Prælator. Quod, si etiam Episcopus deficiat, fit devolutio gradatim ad Superiorem, puta ad Metropolitanum, ab hoc ad Papam arg. cap. Ne pro defectu, de elect. At vero, si collator, vel electores exempti negligentiam, vel defectum committant, ob quem jure suo priventur, potestas devolvitur ad Pa-

pam, sicuti constat ex cap. Cum singula §. prohibemus, de præben. in 6.

*Sciendum* 111. Quod in Clement. un. de suppl. neglig. Prælator. decernitur, ut ad Episcopum, tanquam Sedis Apostolicæ delegatum, devolvantur beneficia omnia tum secularia, tum regularia, in ipsius Diocesi sita, quæ Prælati regulares intra sex menses conferre neglexerunt. Neque in hoc casu devolutionis, & collationis concurrere potest legatus Papæ; quandoquidem Episcopus habet delegationem specialem, cui non derogat delegatio generalis, sicuti notavit Petrus Rebuffi. in praxi tit. de devolur. num. 28. Si autem Episcopus negligentiam, vel defectum committat in conferendis beneficiis, quæ ad ipsum spectant jure proprio, & non devoluto, tunc jus collationis ad capitulum devolvitur, juxta cit. cap. Cum in cunctis.

*Sciendum* 1v. Devolutionem potestatis fieri propter negligentiam, sive conferendi, aut eligendi moram. Si enim beneficia infra Episcopatum, & prælaturam regularem, infra sex menses a die scientiæ numerandos, cessante legitimo impedimento non conferantur, fit devolutio ad Episcopum ad Capitulum, & vice versa, & ab his ad Metropolitanum, sicut supra dictum est, & habetur in cap. licet, cap. dilectus. Electio autem Episcopi, vel regularis Prælati, si infra tres menses, legitimo impedimento cessante, non fiat, ad Superiorem immediatum gradatim devolvitur, ex cap. ne pro defectu, sumpto ex Lateran. Concil. Sed alia ratio est, si electio Episcopi ipso jure irrita est, si indignus electus sit, vel per sententiam infirmetur ob formam electionis non servatam; tunc enim devolutio non fit gradatim, sed statim ad Papam, ut supra dictum est ex cap. Quamquam.

## C A P U T X.

### De Beneficiis Electivis.

**C**onsequenter considerandum est de beneficiis electivis. Circa quod in præ-

*Sciendum* 1. Quod beneficium electivum late appellatur omne illud, ad quod alicui jus tribuitur per suffragia, & alterius con-



confirmationem, ex doctrina Gloss. in cap. Quia propter, de elect. ver. Ecclesiis viduaris. Sed proprie electiva dicuntur illa totum beneficia, quæ prælaturæ sunt, seu in quibus aliquis instituitur, ut sit caput Collegii, & quasi sponfus Ecclesiæ secularis, aut regularis. Quare electio proprie, & strictè sumpta ex cit. cap. definitur: *alicuius persona ad Ecclesiæ vacantis pastoralē dignitatem canonica vocatio*. Pro cuius definitionis intelligentia. Notandum est, quod electio non tribuit electo jus in re, & quasi dominium beneficii, sed jus ad rem: quare opus est superioris confirmatione, per quam plenum jus in beneficium acquiritur; & ideo dicitur vocatio, non institutio. Ex quo sequitur, quod, si electus ante confirmationem moriatur, beneficium vacare censetur per mortem non huius, sed prioris Prælati. Insuper sequitur, quod electus, ante confirmationem, beneficii administrationem usurpare non debeat, alioquin privatur jure ex electione quæsitio, cap. nostri, cap. avaritiz eod. tit. in 6. Tertio sequitur, quod beneficia electi non vacant, nisi post confirmationem, imo etiam subsecutam consecrationem, vel saltem post elapsum trimestre tempus a sacris Canonibus ad consecrationem definitum, sicuti colligitur ex cap. Cum in cunctis §. vero de elect.

*Sciendum* 11. Quod jure communi electio ad Collegium spectat, ut habetur in cap. 1. de elect. cap. Congregatio 10. qu. ult. etiam si duo tantum, vel tres in Capitulo, vel Collegio sint, sicuti colligitur ex cit. cap. 1. juncta Gloss. ver. duo. Quod, si nemo addit præter unum, aliis mortuis, vel privatis, etiam in illo uno jus universitatis permanere, testatur Gloss. communiter recepta in cap. 2. de postulat. Prælator. ver. pauciores: quamvis se ipsum eligere non possit, quia ambitionis notaretur, arg. c. per nostras, de jure patronat. & docet Sylv. ver. electio qu. 1. Ex privilegio autem, vel ex consuetudine, etiam alii, qui non sunt in Collegio, jus eligendi Prælaturam consequi possunt, juxta cap. Cumana, juncta Gloss. ver. consuetudine de elect. Qui est in quasi possessione juris eligendi, conferendi, vel præsentandi, ejus electio, collatio, præsentatio rata est, licet postea in judicio ab illo evincatur, cap. quærelam de elect. cap. consultationib. de jure patron. cap. Cum olim, de causa possession.

*P. Soffetti Theol. Tom. V.*

tur, cap. quærelam de elect. cap. consultationib. de jure patron. cap. Cum olim, de causa possession.

*Sciendum* 111. Quod potestatem eligendi habere non possunt, excommunicatus, cap. constitutis. 1. de appellat. suspensus ab officio, cap. Cum dilectus, de consuet. cap. Cum inter, de elect. Irregularis, sicuti colligitur ex cap. Is qui §. ult. de sent. excomm. in 6. Item, qui in loco interdicto scienter celebravit, cit. §. ult. Item eligentes scienter indignum, seu incapacem, cap. Cum in cunctis. Qui per abusum admittit secularis potestatis elegerunt, cap. quisquis de elect. Qui tribus mensibus Prælaturam eligere neglexerunt, privati sunt ea vice, cap. ne pro defectu. Item impuberes, cap. ex eo quod, de elect. in 6. Qui in Ecclesiis regularibus, vel Monasteriis expresse, vel tacite professi non sunt: item Laici conversi electionibus interesse non possunt, cap. Ex eo quod §. ult. de elect. in 6. Quapropter tales inhabiles ab electionibus repelli debent: si autem de eorum habilitate dubitetur, admitti possunt cum protestatione, sicuti docent DD. in cap. Cumana.

*Sciendum* 1v. Quod forma, seu modus in electione observandus, ex cap. quia propter, hujusmodi est. Primo, ut omnes, quibus jus eligendi competit, ad electionem vocandi sunt, dummodo qui absentes sunt commode vocari possint. Quod, si aliquis in civitate, vel oppido præiens, propter infirmitatem accedere non possit, ejus suffragium a Scrutatoribus exquiri debet, sicuti ex communi docet Sylv. ver. electio 1. qu. 5. Si vero aliqui ad electionem legitime vocati venire contempnunt, vel ab electione jam cæpta exeunt, reliqui sine his, si major, & sanior pars suffragantium est, ad canonicam electionem procedere possunt, arg. cap. auditis, de elect. Secundo, si aliquis oxilens in possessione juris eligendi, qui commode vocari potuit, ac debuit, vocatus non sit, valet quidem electio facta sine ipso: sed potest illa, si velit, contemptum suum prosequi, & electionem infirmare, cap. quod sicut, cap. bonæ 1. & 2. de postulat. Prælator. Cæterum, si quis accedere nolens, juri electionis pro ea vice renuntiet, ordinario, & communi jure compelli

N

non

non potest, nisi ejus absentia in præjudicium Ecclesiæ cederet, sicut docet Abbas, & Gloss. in cap. quia propter ver. qui volunt. Tertio, si abiens justo impedimento detentus accedere non posset, concessum est ei procuratorem, seu mandatarium constituere, qui tamen e capitulo sit, nam extraneum canonici recipere non tenentur.

*Sciendum v.* Quod post factam electionem, debet ea, cum primum fieri potest, electio significari, quia nisi intra spatium unius mensis consensum præbeat, jure consentiendi deinde privatus est, modo consentiendi libertatem habuerit. Post consensum vero electioni prælitum, intra trimestre tempus confirmationem petere cogitur, alioquin electio irrita redditur, nisi justis impedimenti excusatio adsit. Quod, si electio effectum suum non fortitur, quia electus consentire renuit, vel post consensum juri suo renunciat, aut vita fungitur, vel propter aliquod vitium electio irritatur, tunc electoribus ad eligendum de novo tempus integrum, videlicet trimestre in Ecclesiis Cathedralibus, & regularibus; sex mensium spatium in aliis collegiatis conceditur; modo nihil fraudulentum gestum fuerit, cap. si Ecclesia, de elect. in 6. juncta Gloss. ver. integrum.

*Sciendum vi.* Quod tres sunt modi, seu formæ eligendi. Primus est per scrutinium, sive collectionem suffragiorum; in qua necesse est, ut major, ac sanior pars præsentis Capituli in eundem consentiat, sicut habetur in cit. cap. quia propter, cap. in Genesi, cap. Ecclesia vestra 1. & 2. de elect. Secundus modus eligendi est per compromissum, si omnes e capitulo præsentis potestatem eligendi idoneum pastorem committant uni, vel pluribus viris bonis, ac Deum timentibus, cap. causam quæ, cap. contingit, de arbitris. Hæc vero potestas data compromissariis revocari non potest, si res integra non sit, sive tractatus jam coeptus, juxta cit. cap. in causis. Tertius demum modus eligendi est quasi per inspirationem divinam, dum omnes electores, tanquam uno corde, & ore in eundem absque vitio consentiunt, cit. cap. quia propter. Qua de re vide Laym. lib. 4. tract. 2. cap. 12.

## CAPUT XI.

*Quid sit postulatio, & qualiter differat ab electione.*

**D**Einde considerandum est de postulatione, quæ licet in aliquibus cum electione conveniat, tamen differt ab illa. Circa quod

*Sciendum 1.* Quod postulatio cum electione in his convenit. Primo, quod qui eligere possunt, iidem etiam postulare, sicut colligitur ex cap. 2. de postulat. Prælator. cap. innovit, cap. bonæ, de elect. Secundo, sicut electio fit in ordine ad Superiorem, qui electum confirmare debet; ita etiam postulatio fit a Superiore, qui postulatam admittit, & approbare potest. Necesse autem est, ut talis Superior potestatem habeat dispensandi super defectu postulati, alioquin postulationem admittit nequit, sicut colligitur ex cit. cap. innovit. Tertio, sicut eligentes, ita & postulantes indignum, seu incapacem, potestate eligendi, aut postulandi privantur, & potestas ad alios, licet pauciores numero, devolvitur, juxta cap. Cum in cunctis §. Clerici sane, cap. Vintoniensis, de elect. cap. 2. de postulat.

*Sciendum 11.* Quod differunt in multis electio, & postulatio. Primo quidem, quia, qui eligi non potest, postulari tamen potest, si non omnino inhabilis sit ad exercendam Prælaturam, sed facile defectum dispensabilem habeat, sicut docet Abbas, cap. ult. de postulat. Prælator. num. 10. puta, in ætate legitima, cap. cum nobis olim, de elect. Vel in ordine sacro ad Prælaturam requisito, cap. dudum 1. de elect. juncto cap. a multis, de ætat. & qualitat. Vel in naturalibus, cap. innovit de elect. in quo habetur, illegitimum, si ad Episcopatum idoneus sit, postulari posse, licet eligi non possit. Differunt secundo, quod electio, si idoneus sit, & nullus defectus apparet, vel opponitur, jus acquiritur per electionem solum inchoatum, ita, ut is, ad quem confirmatio spectat, teneatur eum confirmare; alioquin ad ejus Superiorem recurreretur, qui confirmatori terminum præfiget, intra quem confirmare debeat: quod, si id intermittat, tunc jus confir-

mandi

mandi ad ipsum Superiorem devolvitur, sicut docet Abb. in cap. postquam, de elect. At vero per postulationem jus nullum acquiritur, sicut constat ex cap. bonæ 1. & cap. postulationem, de postulat. Prælator.

*Sciendum* 111. Quod ex dictis sequitur primo, quod postulantes variare possunt, id est, sine injuria postulationem revocare antequam ea Superiori præsentata sit. Secundo, quod Superior sine cuiusquam injuria postulationem rejicere potest, cum sit specialis gratia, ad quam dandam nemo cogitur, sicut habetur in cit. cap. postulationem. Si tamen postulatio concors, vel saltem a duobus partibus capituli propter Ecclesiæ necessitatem, vel utilitatem fiat, tunc quodammodo debita Ecclesiæ est ejus concessio. Qua de re Gloss. in cap. cupientes, prope fin. ver. gratia, de elect. in 6. Denique, si postulario solemniter apud Prælatum interposita, ab eo acceptata, seu admissa fuit, confert hodie effectum electionis, & confirmationis, sicut docet Abbas in cap. 1. n. 34. & cap. gratum n. 13. de postulat. Prælator.

## C A P U T XII.

## De Beneficiis Patronatus.

**D**Einde considerandum est de beneficiis juris patronatus. Circa que plura animadvertenda sunt, ad quorum notitiam.

*Sciendum* 1. Quod Jus patronatus, quod & Jus advocacionis dicitur in cap. quia Clerici, juncta Gloss. ver. advocacionis, de jure patronat. definiri potest: Jus nominandi, seu præsentandi aliquem instituendum ad beneficium Ecclesiasticum vacans. Acquiritur tale jus tribus ex causis, ut patet ex Trident. sess. 14. cap. 12. scilicet fundacione, ædificatione, & dotacione: unde verius: Patronum faciunt dos, ædificatio, fundus. Quare, si unus dedit fundum, seu terræ solum, in quo Ecclesia construeretur, alter vero Ecclesiam ædificavit, & alter redditus sufficientes assignavit, erunt plures patroni, sicut colligitur ex cap. decernimus 16. qu. 7. cap. Monasterium; ead. qu. cap. filiis, ead. qu. est igitur Jus patronatus jus honorificum, onerosum, & utile, competens alicui in Ec-

clesia, qui de consensu Ecclesiastici Prælati eam fundavit, construxit, aut dotavit, seu ipsetem, seu is, a quo causam accepit. Vide Sylv. ver. Jus patronat. in princ. & Abb. in rob. de jure patron.

*Sciendum* 11. Quod Jus patronatus dividitur in Ecclesiasticum, & laicum. Jus patronatus Ecclesiasticum dicitur, quod Ecclesiasticæ personæ competit vel ratione dignitatis, aut beneficii sui, vel ratione fundacionis, constructionis, dotacionis a se factæ ex bonis Ecclesiasticis. Jus patronatus laicum est, quod convenit alicui, seu laicæ, seu ecclesiasticæ personæ, aut communitati, ratione fundacionis, constructionis, vel dotacionis ex bonis propriis, sive patrimonialibus. Cæterum patronatus, tametsi ab initio fuerit laicus, ecclesiasticus tamen efficitur, si donatione, testamento, vel alia ratione in Ecclesiam, vel Monasterium transferatur, sicut habetur in cap. un. §. verum, de jure patron. in 6. Plures tamen sunt horum differentię; unde

*Sciendum* 111. Quod in patronatu laico, si patronus intra quatuor menses, in ecclesiastico vero intra sex menses a die vacationis cognitiæ neminem præterit, amittit ea vice Jus præsentandi, & collatio beneficii libera efficitur. Secundo, juri patronatus laico nunquam derogari censetur, nisi de eo expressa, & specialis mentio fiat juxta Gloss. communiter receptam in Clement. 2. ver. Apostolicis, de præben. Tertio, Legatus a latere potest conferre beneficium sine consensu patroni ecclesiastici: non ita derogare potest juri patronatus laici; sicut ex communi notat Gloss. ibid. ver. præsentare. Quarto, in patronatu laico patronus potest variare, id est, postquam præsentavit unum, præsentare etiam alterum: in patronatu autem ecclesiastico, qui primus præsentatus est, institui debet. Quinto, si patronus laicus indignum præterit, jubendus est alium præsentare: patronus vero ecclesiasticus privatur ea vice jure præsentandi.

*Sciendum* 1v. Quod patrono, sive ecclesiastico, sive laico, quatuor jura potissimum competunt, ut notant Doctores in cap. nobis, de jure patron. Primo præsentare Episcopo instituendus ad beneficia, sive simplicia, sive curata; postquam vacaverunt. Excipe Prælatum, seu Rectorem

Ecclesie Collegiata, qui a Capitulo eligitur, cui electioni patronus interesse non debet. Secundo honor precipuus patrono debetur in processibus, sessionibus, & aliis hujusmodi. Tertio, si patronus, ejusque filii ad inopiam vergant, ab Ecclesia, ejusque beneficiatis alendus est ex redditibus superfluis, secundum Ecclesie facultates, & statum, sive qualitatem patroni. Quarto patrono competit jus, vel potius onus tuendi, ac defendendi Ecclesiam, c. filius, 16. q. 7.

*Sciendum v.* Quod sine consensu patroni non potest Episcopus dispoñere circa beneficia cum præjudicio, sive derogatione juris patronatus, ut habetur in cap. Monasterium, juncta Gloss. 16. qu. 7. excipitur tamen casus necessitatis, in quo etiam contradicente patrono mutatio fieri potest. Quia patronus non potest impedire majorem utilitatem Ecclesie, cum jus patronatus ipsi ab Ecclesia ex gratia, non absolute debito concessum sit, sicut notavit Abb. in cap. nobis, n. 10. Hinc sequitur, quod, si iusta, & rationabilis fuit dispositio fundatoris circa beneficium patronatum, ea ab ipso Episcopo, vel alio Papa inferiore Prelato mutari non potest, ut sumitur ex cap. tua nobis, de testam. Potest tamen hæres fundatoris minuire, vel tollere eas conditiones, quæ in solum suum favorem, contra, vel præter jus commune a fundatore appositæ sunt. Sed & novas conditiones, quæ Ecclesie utiles sint, cum Episcopi consensu appovere, ut docet Abbas in cap. dilectus, de consue.

*Sciendum vi.* Quod Jus patronatus competere potest non solum masculo, sed etiam femina: non tantum puberi, sed etiam impuberi: non tantum legitime nato, sed etiam illegitimo: quia secundum jura omni christiano. jus patronatus competere potest. Duo tamen obiter notanda sunt. Primo, si jus patronatus annexum sit bonis a muliere in dotem marito datis, probabilius videri, quod jus præsentandi ad maritum pertineat, quia transit cum universitate rerum, ac juri: secus si patronatus annexus sit aliis bonis uxoris in dotem non allatis, sicut docet Garc. contra Azor. Secundo præsentatio patroni ætate minoris valida est, nec revocari potest, quamvis sine curatoris auctoritate facta: quia curator non datur minori quoad Ec-

clesiastica, & spiritualia. De pupillo autem alia est ratio, cum tutor ei constituitur etiam ad actiones personæ regendas: quare æquum est, ut tutoris auctoritas adhibeatur: imo tutoris præsentatio l. eo pupilli admitti potest, nisi is rationis discretionem præditus contradicat.

*Sciendum vii.* Quod, si plures existentes patroni in præsentando non consentiant, dicendum est primo, quod is, in quem plures comparatione aliarum partium consentiunt, aliis prætermisissis, præferendus est, juxta cap. quoniam, & caput ult. diff. 53. Si autem præsentatio ad universitatem, vel collegium pertineat, necesse est consentiri majorem partem, sicut de electionibus dictum est. Secundo, si plures præsentati paria suffragia habeant, præferri debet, qui magis idoneus est Episcopi iudicio, cit. cap. ult. Si vero æque idonei videantur, is, quem Episcopus maluerit. Cum enim omnia paria sunt, tunc gratificandi locus est, ait Abb. in cap. Cum autem, n. 3. de jure patronat. Tertio, si lis alicui mota sit de possessione juris patronatus, interim ab eo præsentatio admittenda non est, arg. cap. ex litteris eod. tit. Si vero bonæ fidei possessor, lis mota esset super proprietate juris, admittenda quidem est præsentatio, sed præsentatus pendente lite institui non debet. Alia vero ratio est, si possessor ante litem contestationem præsentavit: tunc enim institutio fieri debet, nihil obstante, quod lis superveniat, ut ex communi docet Abb. in cit. c.

*Sciendum viii.* Quod quatuor modis jus patronatus transfertur, scilicet, successionem, donationem, permutationem, & venditionem universitatis. Ita Gloss. cap. Cum sæculum, de jure patron. Successione hæreditaria jus patronatus devolvi potest, tam ex testamento, quam ab intestato, non solum ad agnatos, sed etiam ad extraneos, tam masculos, quam feminas. Cæterum, si duobus existentibus patronis, unus eorum patronatum in plures, seu testamentum, seu contractum transmittat, isti plures succedunt in locum unius, unamque in præsentatione vocem habent, ut decisum est in Clement. 2. de jure patron. juncta Gloss. Donatione gratuita patronatum transferri posse colligitur ex cap. ex infirmatione, de jure patron. Permutatione ita de-

mum,

mun concessa est translatio juris patronatus, si fiat non cum re temporali, sed spiritali, puta alio jure patronatus, sicuti notat Innoc. ex cap. nemini, 16. qu. 7. & cap. ult. de rerum permut. Denique jus patronatus transfertur per accidens, sive necessitate, una cum universitate, quæ alicui venditur, legatur, donatur, in feudum datur, cap. ex litteris, cap. cum sæculum, de jure patron.

## CAPUT XIII.

*De ætate requisita ad beneficia obtinenda.*

**C**onsequenter ad modis, quibus aliquis in beneficiis Ecclesiasticis institui potest, considerandum est de qualitatibus requisitis ad beneficia Ecclesiastica obtinenda. Et primo de ætate. Secundo de legitima nativitate. Tertio de recta intentione. Quarto de reliquis qualitatibus. Circa primum igitur in præsentia

*Sciendum 1.* Ætas, quæ in omnibus simplicibus beneficiis requiritur, jure novo Trident. sess. 23. c. 6. debet esse saltem 14. annorum inchoatorum, cum jure antiquo septennium completum sufficeret. Excipe, nisi in fundatione beneficii aliter cautum sit: id enim servari debet, ut ex declaratione S. Congr. refert Sa, ver. beneficium, n. 30. Porro specialiter decretum est in Trident. sess. cit. c. 12. ut nemo ad canonicatum, vel dignitatem admittatur, nisi eo ordine insignitus sit, quem beneficium illud postulat. Quare, cum in Ecclesiis Cathedralibus omnes saltem subdiaconi esse debeant, ut in eadem constit. Trident. habetur, requiritur neminem in Ecclesia Cathedrali Canonicatum obtinere posse, nisi eam ætatem habeat, ut intra annum subdiaconus ordinari possit: unde saltem 21. ætatis annum inchoasse debet, sicut indicat Tridentin. cit. c. 12. §. neminem etiam: juncta sess. 22. c. 4. Ad canonicatum vero non habentem annexum ordinem sacrum in Ecclesia collegiata, sufficit ætas annorum 14. Sed interim, dum subdiaconi non possunt juxta Clement. 2. de ætat. & qualitatibus statui Trident. cit. c. 4. Sed circa hæc attendendæ etiam sunt speciales

*P. Josephi Theol. Tom. V.*

Ecclesiarum consuetudines, constitutiones, ac privilegia.

*Sciendum 11.* Quod quantum attinet ad beneficia duplicia, si non habeant annexam curam animarum, vigintiduo anni requiruntur in cit. c. 12. sess. 24. & quidem completi, secundum communem Doctorum sent. Nam Trident. requirit, ut non minor 22. annis, qua loquendi forma anni completi in jure intelligi solent. Ad curata autem beneficia quæcumque, necesse est, providendum 25. ætatis annum attigisse, sicut habetur in cap. cum in cunctis, §. inferiora, de elect. cap. licet canon. de elect. in 6. & in Trident. cit. c. 12. & videri potest Navar. c. 25. Manual. n. 116. Quare idem quoque dicendum est de Abbate, posse aliquem eligi, dummodo ætatis annum 25. attigerit, teste Abb. in cap. super inordinata, n. 7. Ad Abbatissam vero triginta anni completi requiruntur in cap. indemnitate, de elect. in 6. novo autem Trident. jure, sess. 25. c. 7. de regular. statutum est, ut in Abbatissam, & quamvis prælaturam regularium non eligatur minor quadraginta annis, quæ octo ante annis professa sit. Quod, si talis in monasterio non reperiatur, ex alio ejusdem Ordinis eligi possit: Sin vero id superiori, qui præest, expedire non videatur, tum demum eligere liceat ex iis, quæ trigessimum saltem annum excederent, & quinque annis post professionem in illo monasterio laudabiliter vixerunt. Denique, qui in Episcopum eligitur, triginta annos complevisse debet ex cit. cap. cum in cunctis, & Trident. sess. 22. c. 2. & sess. 24. c. 1.

*Sciendum 111.* Quod neque Episcopus, neque Capitulum Cathedralis potest dispensare per se, & directe in requisita ætate, ut aliquis fiat canonicus: potest tamen indirecte dispensare, aut potius licentiam dare de non promovendo ad sacros Ordines caula studiorum: ruente autem obligatione illa principali sacri Ordinis suscipiendi, consequenter etiam tollitur accessorium, quod est ætatis requisitum, non propter se, sed per accidens, si loquamur de canonicatibus Ecclesiarum Cathedralium. Ætas namque in simplicibus beneficiis non requiritur per se, sed ratione Ordinis sacri annexi indirecte, & consecutive. Et in hoc, permittente ipso Tridentino, Episcopi

N 3 dispensant

dispensare possunt ob causam studiorum, ut colligitur ex sess. 7. c. 12. juncta Gloss. margin. quæ citat cap. cum eo, de elect. in 6. ubi facultas conceditur Episcopis dispensandi causa studiorum cum obtinentibus Ecclesiis Parochialibus, ne intra septennium teneantur ad Sacerdotium promoveri, & interim ipsis liceat a parochiis suis abesse. Unde argumentum sumit Abb. in cap. tuz, n. 6. de Cleric. non resident. talem dispensandi facultatem studiorum causa multo magis in simplicibus beneficiis locum habere, & quidem sine obligatione vicarium constituendi, aut Ordinem sacrum suscipiendi.

## CAPUT XIV.

*Utrum promovendus ad beneficia debeat esse ex legitimo matrimonio natus.*

**D**Einde considerandum est de legitimis natalibus promovendorum ad beneficia Ecclesiastica. Circa quod

*Sciendum 1.* Quod altera qualitas requisita ad beneficium assequendum est, ut promovendus ex legitimo matrimonio natus sit: vel saltem a Summo Pontifice, aliove habente Ecclesiasticam ad id potestatem, dispensatus, vel legitimatus, juxta cap. 1. de filiis presbyter. in 6. ubi tria advertenda sunt cum Gloss. & DD. ibid. Primo, quod Episcopus cum illegitimo dispensare potest, ut ad ordines minores, & beneficia simplicia, quibus sacer Ordo annexus non est, admittatur: non item ad dignitates, & personatus, neque ad beneficia curata, juxta cap. ult. extra, de filiis presbyter. Secundo, si illegitimus dispensationem a Papa, vel ejus Legato acceperit, ut ad sacros Ordines admitti possit, etsi non hoc ipso ad beneficia quoque dispensatus censeatur, tamen, accedente dispensatione Episcopi, ad quævis beneficia simplicia, etiam Ecclesiæ Cathedralis Canoniatum admitti potest, nisi Ecclesiæ consuetudo repugnet. De tertio vero statim dicam.

*Sciendum 11.* Quod illegitimus dispensatus ad beneficia simpliciter, non ideo censetur dispensatus ad curata, quippe in quibus majorabilitas requiritur, juxta cap. cum in illis, de præben. in 6. Ne-

que ad dignitates, & personatus, quippe quæ communi beneficiorum nomine non veniunt. Nec denique ad Ecclesiæ Cathedralis Canoniatum, arg. c. quamvis, 1. de præben. in 6. Neque item dispensatus ad beneficia quæcumque, etiam dignitates, censi debet dispensatus ad prælaturam, cit. c. cum in illis. Nec ad dignitatem in Ecclesia principalem, multoque minus ad Cardinalatum, sicut docet Majolus lib. 1. de irregular. cap. 94. Quamvis talis promoveri possit ad majores ordines, & Ecclesiam Parochialem: quia dignitas, sive personatus, & ejusmodi beneficium curatum inter se æquiparantur, cap. dudum, 2. de elect. & docet Ugolin. de irregular. c. 44. §. 4.

*Sciendum 111.* Quod in Trident. Synodo sess. 25. c. 15. extensa est antiqua constit. cap. ad prælentiam, & cap. cum decorem, de filiis presbyter. atque decretum: *Ut paterne incontinentiæ memoria a locis Deo consecratis, quos maxime paritas, sanctitasque decet, longissime arceatur, non liceat filiis Clericorum, qui non ex legitimo nati sunt matrimonio, in Ecclesiis, ubi eorum patres beneficium aliquod Ecclesiasticum habent, vel habuerunt, quodcumque etiam dissimile beneficium obtinere: nec in dictis Ecclesiis quoquo modo ministrare, nec pensiones super fructibus beneficiorum, quæ parentes eorum obtinent, vel alias obtinuerunt, habere.* Et habet hæc constit. etiam locum in filiis Clericorum naturalibus, id est, qui ante Clericatum ex simplici fornicatione nati sunt, sicuti ex S. Congr. declarat. testatur Garc. p. 3. c. 3. n. 15. Non item in nepotibus ex Clericorum filiis, seu legitime, seu illegitime, procreatis: sicut cum Gloss. communiter recepta in c. 1. dist. 56. ver. filios, docet Navar. lib. 1. consil. 9. de filiis presbyter. contra Rebuff.

*Sciendum 1v.* Quod vero Trident. prohibet quoquo modo ministrare, intelligi debet, tanquam ex officio, & ob stipendium, v. g. cooperatorem, cantorem agendo. Interim vero non prohibetur filius illegitimus ex devotione ministrare, vel celebrare in Ecclesia, ubi pater beneficium habet, sicuti docet Garc. cit. c. 3. n. 70. contra Navar. lib. 1. consil. 1. qu. 7. de consil. Neque etiam prohibetur filius illegitimus beneficium accipere in Ecclesia, in

in qua pater ejus ministravit, sed sine titulo beneficii, v. g. Capellanum, vel Vicarium temporalem agendo, juxta cap. constitutus, de filiis Presbyter. & docet Garc. n. 72. Vide etiam Navar. in Auctario, cap. quando, de rescript. ubi resolvit, quod licet pater beneficium suum resignavit, vel mortem obierit, non permit-tendum tamen secundum Trident. ut filius in eadem Ecclesia beneficium obtineat.

*Sciendum* v. Quod, quantum attinet ad legitimos Clericorum filios, ii possunt beneficia in eadem Ecclesia cum patre ob-tinere, cap. ad hæc, de filiis Presbyter. dummodo patri in eodem beneficio imme-diate non succedant, cap. constitutus, cap. ex transmissa, cap. ad extirpandos, cap. dilectus, eod. tit. Cum in beneficiis Ecclesiasticis ea, quæ hereditariæ successio-nis imaginem afferunt, sacris constitutionibus sint odiosa, & Patrum decretis con-traria, ait Trident. sess. 25. c. 7. sed quid sentiendum de nepote, utrum Avo in eo-dem beneficio immediate succedere possit? Affirmativam partem videntur tenere Glossi. in cap. Apostolicæ 8. q. 1. Navar. cit. con-sil. 9. Garc. n. 23. Sed contrarium placet cum Glossi cit. cap. ad extirpandas, ver. filii Presbyter. Rebus. de dispensat. super defectu natalium, n. 27. Sylv. ver. benefi-cium 3. q. 6. Verumtamen viceversa pater nullo jure prohibetur filio suo legitimo, seu illegitimo, mediate, vel immediate in beneficio succedere. Quamvis non possit obtinere beneficium in Ecclesia, in qua ejus filius illegitimus de facto minister, vel beneficiatus est; sicuti notavit Garc. num. 80.

## CAPUT XV.

*De intentione, quam habere debet promo-vendus ad beneficia Ecclesiastica.*

**T**ertia qualitas, quam promovendus ad beneficia Ecclesiastica habere debet, est intentio, seu propositum accipiendi sa-cros Ordines, vel perseverandi in statu Cle-ricali. Circa quod

*Sciendum* 1. Quod necesse non est, ut qui beneficium simplex, aut curatum accipit, propositum omnino absolutum, ac determinatum habeat in Clericali statu per-

severandi, & sacrum Ordinem suo tempore suscipiendi: sed sufficit voluntas condi-tionalis perseverandi, & ad Ordines ascen-dendi, nisi nova circumstantia, sive cau-sa mutandi voluntatem accesserit, puta, si Clericalis status postea minus convenire videatur: aut, si primogenitus, aut uni-cus frater moriatur, vel liberos nullos procreavit: si optimum matrimonium ad con-servandam familiam, extinguendas lites opportunum se offerat. Ita ex communi Navar. Rodr. Sanch. Less. Laym. Garc. con-tra Sotum, & Gutierrez, qui hanc asser-tionem negant in susceptione beneficii cu-rati. Ratio asseriti est, quia ex una parte provisus sincerò animo, quamvis condi-tionato, procedit: ex altera vero parte Eccle-siam talem conditionem, sive voluntatem renunciandi beneficio, & statui Clericali, si aliquid melius, vel salubrius obtigerit, non damnat.

*Sciendum* 11. Quod qui beneficium cu-ratum, sive parochiale accipit animo intra annum a jure præscriptum, Sacerdo-tium non suscipiendi, sed Ecclesiam paro-chialem dimittendi; is non solum mortali-ter peccat, sed etiam ad restitutionem fructuum perceptorum obligatur. Ita ha-betur in cap. commissæ, §. cæterum, de elect. in 6. Ratio est, quia Ecclesia benefi-cium curatum Clerico nondum Sacerdoti cum hoc onere, & tacite annexo pacto conferre solet, ut is obligatus sit intra an-num Sacerdotium suscipere, alioquin fru-ctus interea perceptos restituere debeat. Ait vero Glossi. in cit. cap. ver. non inten-dens: *Si quis intendebat a principio pro-moveri, sed postea mutata voluntate pro-motus non fuerit, non tenetur ad restitutio-nem fructuum. Quod verum puto* (adjicit Glossa) *de perceptis ante mutatam volun-tatem; de aliis postea perceptis crederem secus.* Quamvis Navar. Sanch. & Less. ne-gent talem ad restitutionem obligari: quia in dicto cap. commissæ, solum fit mentio de eo, qui ab initio non intendit. Notant tamen Doctores, quod, si mutata volunta-te promotus fuerit, vel dispensationem im-petret, restituere non tenetur, ut habetur in cap. licet canon. Unde dicit Glossi. *Nota, quod fructus purgatur, sicut de mora inter-dum.* Collatio enim ab initio valida fuit, licet sub modo, & obligatione facta,

*Sciendum* 111. Quod, si quis beneficium curatum animo dubio, & accipiti fuscipit, num intra annum ad Sacerdotium ascendere velit, si postea, non promoveatur, ad restitutionem tenetur omnium fructuum, ut ex communi docet Sanch. contra Garc. quia in cit. cap. commissa, tanquam conditio requiritur in proviso, ut habeat intentionem intra annum post diem provisionis Sacerdotium suscipiendi. Quam intentionem certe non habet, qui anceps, & dubius accedit: unde ad restituendos fructus tenetur; deductis tamen iis, quæ Vicario Ecclesiam administranti dari, aut selicti sunt, ut notat Rodriq. c. 30. concl. 6.

*Sciendum* 1v. Quod qui beneficium non curatum, habens annexam obligationem sacri Ordinis, accipit cum intentione intra tempus a jure requisitum se habilem non efficiendi, seu Ordinem sacrum non suscipiendi, is mortaliter quidem peccat, sed ad fructuum restitutionem non obligatur. Ita Navar. Sot. Rodr. Tolet. Sa, Sanch. Less. Laym. Quia suscipiens officium, cui obligatio aliqua annexa est, omni jure se habilem efficere tenetur, arg. cap. non est putanda l. q. 1. adeoque peccat mortaliter. Quod vero ad restitutionem non obligetur, probatur contra Gabriel. Adrian. Rebuff. & Garc. quia jus canonicum ad hoc non obligat, nisi beneficia curata sint. Jus vero naturale non dicit talia fructuum restitutionem faciendam esse ante Judicis sententiam: quandoquidem collatio beneficii valida fuit, ideoque jus fructuum percipiendorum acquisitum, quo spoliari beneficiatus non debet ante condemnationem, dummodo officium saltem per Vicarium præsterit.

*Sciendum* v. Quod qui beneficium simplex, cui sacri Ordinis obligatio annexa non est, intentione in Clericali quidem statu permanendi, sed ad Ordines majores non ascendendi, accipit, is omni culpa vacat. Quæ assertio videtur esse ex terminis clara, & traditur a Sanch. n. 17. Excipi potest cum Navar. Nisi, exigente necessitate, vel magna utilitate Ecclesiæ, præcipiatur beneficiato, ut ad majores Ordines ascendat. Denique, si eo animo accipit beneficium simplex, ut fructus lucratur, postea dimissurus, & ad statum sæcularem rediturus, damnari non potest pec-

cati mortalis, si interim, dum beneficium obtinet, officio suo satisfaciatur. Ita Navar. Sanch. Garc. Valsq. Laym. contra Sot. & Tolet. Ratio est, quia jura ejusmodi beneficiato liberam permittunt licentiam ad statum sæcularem, & ad nuptias transeundi; adeoque si hoc ab initio intendat, fraude non utitur. Negari tamen non potest, quin hæc intentio aliquam perversionem contineat, quia aliquo modo repugnat naturæ beneficiorum, quæ instituta sunt pro his, qui se penitus divino cultui dicarunt: ceditque in Ecclesiæ aliquod detrimentum, quæ hac ratione ministris idoneis, quos longo tempore aluit, spoliatur. Quare venialis saltem culpa erit, ut docet Laym. licet id ab omni culpa excuset Garcias.

### C A P U T XVI.

*De reliquis qualitatibus requisitis ad beneficia Ecclesiastica obtinenda.*

**D**Einde considerandum est de reliquis qualitatibus requisitis ad beneficia Ecclesiastica obtinenda. Circa quas

*Sciendum* 1. Quod quarta qualitas requisita ad beneficium assequendum est Clericatus, sive prima tonsura. Quæ est omnium DD. sent. & colligitur ex cap. Cum adeo de rescript. ubi id notat Gloss. verb. Clericus. Ex quo colligit Garcias, quod irrita sit præsentatio absolute facta, si præsentatus eo tempore, quo Episcopo exhibetur, sit laicus. Cæterum sciendum, quædam beneficia esse Sacerdotalia, quæ de jure, fundatione, aut consuetudine ordinem Sacerdotalem requirunt: alia Diaconalia, quæ ordinem Diaconatus postulant, & sic de aliis; idque duobus modis, vel aptitudine, vel actu ipso. Et quidem jure communi necesse non est, insitituum actu habere sacrum Ordinem, quem Ecclesiæ beneficium requirit: sed satis est, si intra annum, justo impedimento cessante, se promoveri fecerit, sicuti dicitur in Clement. 2. de reat. & qual. & docuit Gloss. in cap. Præterea, ver. breve tempus, de reat. & qual. & videri potest Trident. sess. 22. c. 4. Præterquam quod Episcopus, cum eligitur, Subdiaconus esse debet, c. a multis, eod. tit. Quare, si in fundatione alicujus Capellanæ requiratur Capella-

nus,



nus, qui per seipsum celebret, benigne, & conformiter juri communi id explicari posse videtur, satis esse, si intra breve tempus ordinem Sacerdotii suscipere possit; nisi aliud fundator expresserit, sicuti docet Zechus de republ. Christi. c. de benefic. n. 4. in fine.

*Sciendum* 11. Quod quinta qualitas est morum probitas, cap. Cum in cunctis de elect. cap. grave nimis de praben. Clem. 2. de etat. & qualit. Sexta est litterarum scientia pro qualitate, ac conditione beneficii, uti constat ex cit. juribus, juncto cap. Venerabilis de praben. & videri potest Trident. sess. 24. c. 12. & 18. de ref. Septima qualitas est, ut ad beneficium promovendus non sit irregularis, aut censura aliqua interdictus, qua de re dictum est in parte prima. Octava, ut ad beneficium regulare aliquis non promoveatur, nisi sit ejusdem Ordinis professus, vel qui promittat, se intra certum tempus suscepto habitu professionem editurum, juxta Trident. sess. 14. c. 10. juncta interpretatione Sanch. lib. 7. Moral. c. 4. n. 24. Beneficium autem seculari curam animarum non habens conferri non potest regulari professo, juxta c. Super eo, de regular. Clement. un. de supplen. negligent. prelat. Imo jure novo neque curata beneficia regularibus conferri, aut commendari possunt, ut dictum est supra in cap. 4.

*Sciendum* 111. Quod nona qualitas est, quod patri filius immediate in eodem, vel omnino simili beneficio succedere non potest, cap. quoniam, cap. ad extirpandas, de filiis Presbyter. Idque ne hæreditariæ successionis species aliqua præsentetur, a qua jura canonica valde abhorrent. Quod vero additum est de beneficio omnino simili, intelligi debet de beneficio eundem titulum, ac jus habente, secundum Hostiens. in summa tit. de filiis Presbyter. 6. Qui filii Presbyter. videlicet, si pater fuerat Rector Ecclesiæ parochialis, ea unita Monasterio, filius non potest fieri Vicarius ejus perpetuus, quia eadem est unius Ecclesiæ cura indivisibilis; ideoque licet non omnino idem beneficium sit, quod pater habuit, est tamen omnino simile, quippe ejusdem juris indivisibilis, juxta cap. Michael eod. tit. At vero, ut pater, & filius legitime natus, seu simul, seu suc-

cessive in eadem Ecclesia diversa beneficia, v. g. Canonicatus ejusdem Ecclesiæ Cathedralis obtineant, omnino permixtum, ac nullam prohibitionem reperitur, juxta text. & DD. in cap. Ad hæc eod. tit.

*Sciendum* 1v. Quod decima qualitas est cœlibatus. Nam conjugatus ad Ecclesiastica beneficia admitti non debet; nisi forte castitatem vocet perpetuam, & qui unam virginem habuerit uxorem, ut dicitur in cap. 2. de Clericis conjug. Adde, si beneficiatus matrimonium contrahat valide, ipso jure amittit beneficium, quippe cum Clericus conjugatus beneficii possidendi incapax sit, perinde ac laicus, sicut colligitur ex cap. 1. & cap. diversis, eod. tit. Quod verum est etiam si uxor matrimonio non consummato religionem ingrediatur: quia jus semel extinctum non reviviscit, etsi causa extinguendi postea cesset, arg. Clement. gratiæ de rescript. De aliis vero Clericis Ordinum Minorum communis ferme est sent. DD. ipso facto privatos esse beneficio, si matrimonium quamvis invalide contrahant. Sed contraria sent. est probabilis, quam tradit Sanchez, quia invalide contrahens, neque ob tacitam renunciationem jus beneficii amittit, cum nulla renunciatio, nisi facta in manibus Episcoporum, vim suam obtineat, secundum jura: neque amittit ob juris dispositionem, quia canones ipso facto privantes beneficium, si uxorem accipiat, loquuntur de matrimonio valido, cum dicatur in cap. 2. de renunciat. cogendum esse contrahentem, ut uxorem retineat. Porro, sicut matrimonio carnali, ita & spirituali, sive religionis professione expressa, vel tacita, ipso jure vacant beneficia antehabita, juxta c. Beneficium, de regular. in 6.

## CAPUT XVII.

*Quam graviter peccet conferens beneficium Ecclesiasticum indigno.*

**D**Einde considerandum est de conferendis beneficiis Ecclesiasticis. Et primo, quam graviter peccet qui beneficium confert indigno. Secundo, utrum beneficia dignioribus conferenda sint. Circa primum igitur in presenti

*Sciendum* 1. Quod mortale peccatum est Ec.

Ecclesiasticum beneficium conferre indigno, si dignus haberi possit, ut ex communi docet Major in 4. dist. 24. q. 4. Quod colligitur tum ex gravitate poenarum, quæ canonico jure indignæ electioni, & collationi decretæ sunt cap. cum in cunctis, de elect. cap. grave nimis, de præbend. tum ex incommodis, quæ exinde Ecclesiæ accidere solent. Quod, si alicubi dignus reperiri non possit, licebit quandoque ob necessitatem conferre alicui, qui moribus, aut litterarum, & rerum imperitia indignus est, ne si nulli conferatur, gravius malum eveniat, sicuti notavit Less. lib. 2. c. 34. n. 55. Provisus tamen quam primum operam dare debet, ut se dignum, & idoneum reddat, ut bene notat Layman lib. 4. tract. 2. cap. 15. num. 1. Quo præsupposito,

*Sciendum* 11. Plerasque qualitates, quas supra per quatuor. cap. enumeravi, adeo in proviso necessarias esse, ut, si earum aliqua deest, proviso non solum illicita, sed etiam ipso jure irrita sit, ut est legitima ætas, & nativitas: item clericatus, & coelibatus, vel libertas a censuris, & irregularitatibus. Deinde, si quis omnino illiteratus est, ita, ut nec legere quidem sciat litteras latinas, haud dubie ejus electio, aut proviso irrita erit, quia veluti irregularis censetur, juxta cap. ult. de tempor. ordinat. in 6, & cap. illiteratos dist. 36. quia litteris carens sacris non potest esse aptus officiis. Sin vero legere, & scribere sciat, licet non intelligat, valida quidem erit collatio, sicut docet Navar. cap. Si quando, exception. 22. & seqq. de rescript. tamen rescindi debet, præsertim si sit beneficii curati, juxta cap. ult. de ætat. & qual. & Trident. sess. 7. c. 3. de reform. Multoque magis, si provisus vita, & moribus indignus sit, ut habetur in c. Inter dilectos, de excessib. Prælator. Si autem spes manifesta adsit, provisum brevi tempore scientiam beneficio suo competentem, morumque integritatem acquisitum esse, quandoque dispensatione tolerari potest.

*Sciendum* 111. Quod invalide provisus tenetur in foro conscientie ante omnem judicis sententiam beneficium resignare. Ita ex communi sent. Sylv. verb. beneficii, 3. n. 20. Navar. c. 27. n. 21. quan-

doque nullum in beneficio jus habet. Excipe, nisi titulus ei revalidetur per novam legitimam institutionem, præcedente absolutione, vel dispensatione, si canonicum impedimentum habeat. Qua de re videri potest Suar. tom. 5. de censur. d. 13. §. 1. Postquam autem per absolutionem, vel dispensationem impedimentum ablatum est ab eo, qui potestatem habet, tunc collator ordinarius, puta Episcopus (si extra culpam fuit, & Papa manus non apposuit) iterum conferre poterit personæ habili effectæ, ut colligitur ex cap. Postulatis, juncta Gloss. ver. dispensatum, de Clerico excom. ministran. & docet Abb. ibid. n. 8. Si vero impedimentum sit occultum, per absolutionem, & dispensationem eo ipso absque nova collatione revalidatur titulus, secundum doctrinam Innoc. & Hostien. in cap. Innotuit. Addit Sanch. idem sentiendum esse, etiam invalide provisus administrationi se ingererit, si etiam hoc intrusionis vitium occultum sit.

*Sciendum* 1v. Quod invalide provisus interim donec ei titulus revalidetur, ab administratione beneficii secundum propriam personam abstinere debet, alioquin vitium intrusionis incurrit, ob quod denuo inhabilis fit ad beneficium illud, in quod se intrusit, consequendum. Quamobrem, prædato jure ordinario, in postulatione beneficii a Papa specialis mentio intrusionis fieri debet, alioquin impetratio subreptitia censetur, sicuti docet Abb. in cap. Cum jamdudum n. 3. de præben. Item tenetur invalide provisus beneficii fructus Ecclesiæ restituere, vel successori relinquere, sicuti statuitur in cap. Dilecto filio, in fin. de præben. Excipe, nisi bona fide, scilicet ignorans impedimentum, beneficium possideat; tunc enim tenetur restituere id, in quo factus est ditior, cognita invaliditate: Imo, elapso triennio cum bona fide, jure ipso præscriptionis titulus beneficii validatur non solum in foro externo, ut est certum: sed etiam in foro conscientie, ut docent Rebuff. de pacifica possessione. n. 10. Navar. consil. 30. de præben. Laym. l. 4. tr. 2. c. 15. n. 4. & 5. contra Covarr. Excipe secundo, nisi titulus postea revalidetur; tunc enim revalidantur fructus, si Ecclesiæ consuetudo sit, ut vacantis beneficii fructus successori relinquuntur, sicuti

notant Henric. Coninch. Sa. Alioquin vero necesse est, una cum tituli revalidatione remissionem, vel compositionem fructuum petere. Qua de re vide Navar. de spoliis Clericor. §. 12.

## CAPUT XVIII.

*Utrum licitum sit conferre beneficium digno, prætermisso digniori.*

S. Tho. quodl. 8. a. 6.

**D**einde considerandum est, an beneficia Ecclesiastica dignioribus semper conferenda sint. Circa quod

*Sciendum* 1. Quod aliquis homo potest dici bonus, vel melior altero dupliciter. Uno modo simpliciter, & sic melior est, qui in charitate est perfectior. Alio modo secundum quid: & sic dicitur aliquis melior altero, vel ad militiam, vel ad magisterium, vel ad prælationem, vel aliquid huiusmodi, qui non est melior simpliciter, eo, quod in singulis officiis tam spiritualibus, quam corporalibus requiruntur aliqua præter moralem bonitatem ad hoc, quod aliquis sit idoneus ad illud officium exequendum. Dicendum est ergo, quod oportet eligere ad prælationem, vel Ecclesiasticum officium, aut beneficium aliquem, qui sit bonus simpliciter: quia per quodlibet peccatum mortale aliquis redditur indignus ad quodlibet spirituale exequendum: Unde dicit Dionys. in Epist. ad Demophilum monachum, loquens de Sacerdote, qui non est gratia illuminatus: *Non est iste Sacerdos, sed inimicus dolosus, delusor sui ipsius, & lupus supra Domini-cum populum, pelle armatus ovina.* Non tamen oportet, quod semper eligatur ille, qui sit melior simpliciter: sed ille, qui sit melior ad hoc officium. Et in hoc sensu iura loquuntur, & præcipue Trident. sess. 24. cap. 18. ad cuius rei evidentiam

*Sciendum* 11. Possibile esse, quod illi, qui est in charitate perfectior, deficiant multa, quæ requiruntur ad hoc, quod aliquis sit Prælati idoneus, quæ in alio, qui est minoris charitatis, inveniuntur, ut sunt scientia, industria, potentia, & alia huiusmodi. Unde non oportet semper eligere meliorem simpliciter, sed eum, qui sit melior ad hoc officium. Si autem cli-

gat quis eum, quem reputat minus idoneum ad tale officium, peccat. Non enim potest esse, quod de duobus unus alteri præeligatur, nisi propter aliquid in ipso consideratum. Illud autem, quod consideratur in eo, qui est minus idoneus, ad hoc, quod magis idoneo præferatur, est aliqua conditio indebite movens, vel familiaritas, vel consanguinitas, vel aliud huiusmodi. Non enim potest esse aliqua conditio pertinet ad Prælati idoneitatem, ex quo alter simpliciter magis idoneus reputatur, & sic indebite movet. Et sic in tali electione erit ibi acceptio personarum, quæ sine peccato non fit, juxta illud Jacob. 2. *Si accipitis personas, peccatum operamini.* Qua de re vide prop. 47. damnatam ab Innoc. XI.

*Sciendum* 111. Quod peccatum acceptationis personarum locum non habet in distributionibus mere gratuitis, quæ ad liberalitatem pertinent, juxta illud Matth. 20. *An non licet mihi, quod volo, facere?* sed solum locum habet in debitis ex iustitia, ut dictum est in 2. part. Habito autem respectu ad promovendos, collatio beneficii mera gratia est, cum nemini eorum beneficium proprie debitum sit, sed solum secundum quandam congruitatem conveniat magis idoneo; & ideo proprie dicta injuria ei non fit, si conferatur minus digno. At vero, habito respectu ad bonum statum, & regimen Ecclesiæ, debitum ex iustitia est, quod digniores, seu magis idonei ad beneficia Ecclesiastica promoveantur; & ideo proprie dicta injuria fit Ecclesiæ, si in promotione, & electione ad officia, & beneficia, non attendatur ad causam debitam, quæ est idoneitas ad officium, sed ad aliam causam indebitam, & nihil conducentem ad majorem idoneitatem: & in hoc est peccatum acceptationis personarum, quod committitur in promotione minus digni, prætermisso digniore, seu magis idoneo.

*Sciendum* IV. Quod peccatum acceptationis personarum est mortale ex genere suo, quia est contra charitatem, & ad restitutionem obligat, non quidem ratione sui, sed ratione iustitiæ commutativæ, cum tali peccato conjungatur semper læsio juris alieni, cui damnum injustum inferitur. In dispensatione autem beneficiorum,

rum, ut dictum est, non læditur jus promovendi, quando hic est dignior, & minus digno postponitur: sed læditur jus Ecclesiæ, eique damnum contra justitiam infertur a collatore, vel electoribus, qui ex officio tenentur bonum Ecclesiæ promoveri: & ideo ad restituendum, seu compensandum damnum tenentur, non quidem personæ digniori prætermisæ, quæ nullum habebat jus ad beneficium; sed Ecclesiæ, cujus jus læsum est. Quod quidem damnum esse contra justitiam commutativam in provisione indigni, omnes concedunt: in provisione autem minus digni, negat Adrianus in 4. de ressit. conclus. 1. & 2. esse contra justitiam, sed immerito, cum ex officio electores, & collatores teneantur beneficia conferre, non absolute dignis, exclusis indignis: sed dignioribus, prætermisæ minus dignis, cum hac solum differentia, quod collatio beneficii facta indigno invalida est etiam in foro externo, secundum jura: facta vero personæ dignæ, posthabita persona digniori, valida est, & ex hoc capite impuguari non potest, ut docet S. Thom. 2. 2. quæst. 63. art. 2. ad 3. quia alias omnis electio posset habere calumniam.

*Sciendum v.* Quod in beneficiis simplicibus non videtur esse peccatum mortale prætermittere digniorem, dummodo qui vere dignus est, & idoneus, instituat, sicuti docent Sotus, & alii apud Gabriel, quia Ecclesia plerumque non magnum inde detrimentum accipit. Imo Petrus Navar. lib. 2. cap. 2. Garcias, & alii apud Major in 4. quæst. 9. nullum in ea re peccatum agnoscunt, sed non recte. Siquidem & Ecclesiæ aliquod idcirco commodum decedere solet, & justitia distributiva non nihil violatur; cum beneficia, saltem secundario fine, etiam ob commodum, & gratiam promovendorum, qui de Ecclesia bene merentur, instituta sint. Unde Prælati Ecclesiastici non est dominus, ut possit ea dare pro libito, sed dispensator, secundum illud 1. ad Corinth. 4. *Sic nos existimet homo, ut ministros Christi, & dispensatores ministeriorum Dei*. Quandoque autem consanguinei Prælati sunt æque digni, ut alii, & sic licite potest absque personarum acceptione consanguineos suos præferre, quia saltem in hoc præminent,

quod de ipsis magis confidere potest, ut unanimiter secum Ecclesiæ negotia tractent, sicuti notat S. Thom. 2. 2. quæst. 63. art. 2. ad 1.

*Sciendum vi.* Quod, si in fundatione, statuto, vel consuetudine Ecclesiæ requiratur, ut beneficia certo personarum generi, ex tali nobilitate, patria, familia, conferantur, tunc magis idoneus ex tali genere eligendus est, quamvis sufficientiores quandoque alibi invenirentur: quia hujusmodi personæ, ut in pluribus consueverunt esse utiliores quantum ad bonum commune Ecclesiæ, in qua sunt nutriti, ut notat S. Thom. cit. ad 4. Simili ratione probabiliter dicitur, patronum laicum satisfacere plerumque suæ obligationi, si libero præsentandi jure præditus, dignum, & idoneum præsentet, posthabitis extraneis fortasse magis idoneis: siquidem hic specialis favor illi conceditur, ut alicui gratificari possit, & quem voluerit præsentare, dummodo dignum cognoscat, sicut colligitur ex cap. Monasterium 16. quæst. 7. juncta Gloss. ver. ne malus. Et ex Trident. sess. 24. cap. 18. de reformat. Idemque eadem ratione sentiendum esse de resignatore beneficii in gratiam alterius, docent Cajetan. Less. Valq. Alia vero ratio est de Prælati, & Patronis Ecclesiasticis, quibus ex officio incumbit Ecclesiæ, quam optime possunt, prospicere, & beneficia ex bonis Ecclesiasticis fundata, sine ulla personarum acceptione, dignioribus conferre, sicuti & Trident. requirit in cit. cap. 18.

## C A P U T XIX.

*Quibus modis beneficia amittantur, & vacant.*

**C**onsequenter considerandum est de modis, quibus beneficia Ecclesiastica amittuntur, aut vacant. Circa quod

*Sciendum 1.* Quod Ecclesiastica beneficia vacant iu primis per mortem naturalem beneficiati. Necesse tamen est, ut habuerit jus in re, & quasi dominium beneficii, vel per confirmationem in electivo, vel per acceptionem in collativo; alioquin, si ante confirmationem, vel acceptionem mortuus fuerit, non censebitur beneficium de novo vacare, sicuti annota-

notavit Covar. 3. resol. cap. 26. Secundo ex juris dispositione, ipso facto beneficium vacat, si beneficiatus Episcopatum, vel aliud beneficium incomparabile accepit: vel, si matrimonium contraxit: vel, si religionem profectus est: aut, si crimen patravit, ob quod privatio beneficii ipso facto incurritur; quamvis etiam tunc opus sit sententia iudicis declarativa criminis, ante quam criminofus non tenetur beneficium dimittere, sicuti ex communi docent Azor. Laym. Henz. Sanch. Præterea, si promotus ad Parochiam, quæ residendam personalem requirit, intra annum Sacerdotium accipere negligat, ante omnem iudicis sententiam dimittere cogitur ex cap. licet, de elect. in 6. Porro alia crimina, quæ ipso facto inducunt Ecclesiastici beneficii privationem, numerantur a Rebuff. in praxi de modis amittendi beneficia.

*Sciendum 11.* Quod amittitur beneficium per Iudicis sententiam ob crimen, cui talis inferenda poena a jure decreta est, ut sunt homicidium, perjurium, receptatio hæreticorum, aut favor, & alia plura, quæ videtur possunt apud Rebuff. cit. tit. n. 50. Est autem duplex differentia inter privationem beneficii ipso jure latam, & eam, quæ per iudicis sententiam inferenda est. Si enim poena privationis ipso facto contracta sit, sententia condemnatoria iudicis retrotrahitur ad diem commissi criminis: atque non solum omnes fructus ex beneficiis ab illo tempore percepti auferuntur; sed etiam beneficiorum commutatio, vel resignatio in favorem tertii post criminis admissionem facta, rescinditur, sicuti ex communi docent Azor. Sanch. Less. At vero, si beneficium vacare debeat per sententiam a iudice ferendam, neque fructus ante percepti condemnato auferri, neque resignatio, aut commutatio beneficii ab eodem facta rescindi potest. Alia differentia est: Si beneficium ob crimen ipso jure alicui adimatur, illud etiam ante declarationem criminis, tanquam jure vacans, impetrari, & criminofus non vocato, conferri potest quoad titulum, non autem quoad possessionem, sicuti notant Azor. & Sanch. Sin vero beneficium per sententiam Iudicis ferendam vacet, non potest impetrari, aut auferri antequam privationis sententia in criminofum feratur.

*Sciendum 111.* Quod beneficium vacat per liberam renunciationem, quæ definitur: *Spontanea proprii beneficii dimissio, facta coram legitimo Superiore, id acceptante.* Si enim renunciatio non sit spontanea, sed metu, vel dolo, aut fraude extorta, irrita est, vel saltem irritari debet, juxta cap. Super hoc, de renunciat. cap. ad aures, de his, quæ vi, metulve causa. Insuper requiritur consensus, seu acceptatio Superioris legitimi, cap. admonet. Eod. tit. qui nonnisi iusta causa accedente renunciationem admittere debet, juxta Const. Pii V. quæ incipit: Quanta Ecclesia Dei, quæ est 58. Ad religionem vero petita, quamvis non obtenta licentia Superioris, potest quilibet beneficiatus transire, uti docet Gloss. in cap. admonet. Exceptis tamen Episcopis, juxta cap. Nisi pridem, de renunciat. ubi etiam causas afferuntur, ob quas ejusmodi renunciatio admitti debeat, scilicet, conscientia criminis, defectus corporis, malitia plebis, grave scandalum, & irregularitas personæ. Superior vero legitimus valens admittere renunciationem, dicitur ille solum, qui privare potest beneficium. Plus enim requiritur ad acceptandam renunciationem, beneficii, quam ad ejus collationem, ut docet Innoc. in cap. quod in dubiis eod. tit. Porro per renunciationem non minus vacare beneficium censetur, quam per mortem beneficiati, arg. cap. quam periculum 7. qu. 1. & docet Gloss. in cap. susceptum. Qua de re vide Laym. lib. 4. tr. 2. cap. 17. n. 3. & 4.

*Sciendum 1v.* Quod duplex est renunciatio. Una expressa, seu quæ verbis expressis fit. Altera tacita, quæ fit facto aliquo renunciationem significante, plerumque etiam ex juris dispositione, pura, si beneficiatus matrimonium contrahat, militiæ nomen det, aliud beneficium incompatibile accipiat; si lra super beneficio mota, cedat, vel eam intra tres annos non prosequatur: si post beneficium curatum acceptum, intra annum ad sacerdotium non promoveatur; sicuti latius videre est apud Rebuff. in praxi cit. de tacita resignat. Expressa autem renunciatio iterum duplex est. Una pura, & simplex, quæ fit sine ulla conditione, aut pacto, eaque proprie stricta renunciatio, sive resignatio

gnatio est. Altera vero conditionalis, cuius duæ sunt species: una quæ sit in favorem certæ personæ, id est, cum conditione, ut personæ nominatæ conferatur; & huiusmodi non nisi coram Papa fieri potest, ut docet DD. cum Gloss. in cap. ex parte 1. de officio legati. Idque Ecclesiarum consuetudo confirmat. Altera sit causa permutationis, cum duo beneficiati unum, vel plura sua beneficia, Papæ non reservata, in manu Ordinarii sui resignant ea conditione, ut postea vicissim alteri alterius beneficium conferatur: Cuiusmodi resignationem causa permutationis factam Episcopus ob causam ad bonum Ecclesiæ pertinentem admittere potest, iuxta cap. quæsitum, de rerum permut. Nota hic ex reg. Cancellar. de infirmis, quod, si constitutus in infirmitate, beneficium suum quomocumque in cuiuscumque Ordinarii; vel Collatoris manu resignavit; & intra viginti dies sequentes ex infirmitate mortuus est, beneficium non per resignationem, sed per mortem beneficiati vacare censetur, ideoque libere conferri potest, non obstante conditione resignationis apposita. Quæ de re vide Rebussum reg. de infirmis.

## CAPUT XX.

## De Pensionibus.

**D**enique considerandum est de pensionibus. Circa quas

*Sciendum* 1. Quod pensio est certa portio ex alieno beneficio Ecclesiastico ad tempus iuxta de causa detracta, & separata, ut docet Cardinal. in Clement. 1. de supplen. negl. prelator. Differt autem a beneficio præcipue in duobus. Primo, quod pensio pars quædam juris-beneficialium reddituum alteri constituta, & designata, ad eum modum, sicuti censum consignatorium, esse veluti partem quandam usufructus. Secundo beneficium in perpetuum ministrorum usum suapte natura constitutum est: quomobrem morte, vel renunciatione beneficiati vacat, & alteri conferri debet. Pensio autem ad tempus decernitur ita, ut vel renunciatione (quæ etiam sine Superioris auctoritate fieri potest) vel morte pensionarii omnino finia-

tur; sicuti usufructus morte usufructuarii, §. finitur, Instit. de usufructu. Quamquam, si necesse sit, postea denuo pensio imponi possit, sicut docet Azor. & Zachus. Nihilominus Papa ex plenitudine potestatis constituere potest, ut pensio præter naturam suam perpetua sit, & de uno ad alterum ejus successorem, vel ad alium quemcumque transferatur, sicut notavit Lessius d. 38. num. ult. Excludimus autem hinc pensiones, seu. portiones illas, quæ ex beneficiis deductæ, alicui in titulum beneficii, perpetuæ Vicariæ, aut Commendæ constituuntur: eæ enim portiones propriæ dictæ beneficia censentur, sicuti notavit Azor. & Garc. Cæteræ autem pensiones supra definitæ beneficiorum appellatione non comprehenduntur, licet in multis cum iis conveniant, quæ clericales pensiones sunt, ut. postea dicam.

*Sciendum* 11. Quod pensio dividitur in laicam, & Clericalem. Pensio laica, seu temporalis dicitur, quæ ob temporalem aliquam causam constituitur, & laico etiam competere potest, v. gr. quæ datur Ecclesiæ Economo, Cantori, Patrono, aut defensori: Pensio vero clericalis appellatur, quæ in solos Clericos cadit. Ea iterum duplex est: una simpliciter spiritualis, quia Clerico ob spirituale ministerium datur, v. gr. Concionatori, Episcopi Coadjutori, Vicario Parochi. Altera media, sive mixta, quæ in clericali quidem statu fundatur, tamen non propter spirituale ministerium conferitur, sed ob aliam causam, eamque vel lucrosam, ut quæ Clerico pauperi, vel Parocho scilicet loco alimentorum assignatur: vel onerosam, ut, quia aliquis lite beneficiaria cedit, cap. Nisi, de præben. vel, quia beneficium alteri resignat, servata sibi, cum Episcopi auctoritate, portione, sicuti docet Azorius: vel, quia beneficium suum cum altero tempore permutat, arg. cap. ad quæstiones, de rerum permut. Pensio clericalis multum cum beneficiis convenit, nam & jus spirituale est, vel potius annexum spirituali statui, & ferme eisdem modis, quibus beneficium, amittitur, saltem si loquamur de pensione simpliciter spirituali, sicuti notavit Gigas, tract. de pensionib. qu. 54. & seqq. Adde, quod pensioni simpliciter spirituali, seu clericali, ex Const. Pii V.

annexa

annexa est obligatio recitandi officium B. Virgin. quamquam hæc constitutio non ubique recepta est, teste Lessio cap. 35. d. 22. n. 129.

*Sciendum* 111. Quod pensiones beneficiis imponere potest Summus Pontifex ob iustam causam, cum in beneficiis plenissimam potestatem habeat cap. 2. de præben. in 6. De Episcopo vero dubitant Doctores. Antiquiores affirmant, ut S. Thom. 2. 2. quæst. 100. art. 4. ad 3. Abbas Imol. Verumtamen Less. Tolet. & alii testantur, secundum consuetudinem Curie Romanæ id hodie Episcopis non permitti. Sed quidquid sit de hoc? Id negari non potest, in casibus specialibus, ac necessariis, puta, propter paupertatem, senium resignantis, ob litis compositionem, aut ad coquandam fructus in permutatione beneficiorum, adhuc hodie Episcopo competere pensionem beneficio imponere, quamvis non in perpetuum, neque cum facultate transferendi ad alterum, sed solum ad vitam ejus, cui pensio imponitur, sicut habetur in cap. Nisi essent, de præben. quæst. 6. & docent Cacciaiup. Suar. Garc. Navar. Laym. Insuper Episcopus pensionis designationem facere debet ante collationem beneficii ad vitandum periculum passionis simoniacæ, sicut notavit Gigas quæst. 10. Præterea, cessante causa subtractionis fructuum, iterum beneficia sine diminutione conferri debent, juxta cap. un. ut Eccl. benef. sine diminut. conferantur.

*Sciendum* VI. Ex communi sent. ut notat Abb. in cap. conquirentes, num. 5. de Cleric. non resident. oportere pensionem moderate designari, ut tantum maneat beneficiato, præsertim Ecclesiæ Rectori, quo commode se sustentare, officiumque misericordiæ erga pauperes, & hospitalitatis erga peregrinos exercere: item jura Episcopalia solvere, & alia sibi incumbantia onera præstare possit, juxta cap. Cum cautam, cap. de Monachis, de præben. Ait vero Corduba lib. 1. qq. qu. 21. d. 2. Consecutum ferme esse, ut nomine pensionis ex beneficiis tertia reddituum pars extrahatur. Secundum autem jus commune, pensionarius pro rata pensionis suæ obligatus est ad præstandum subsidium charitativum Episcopo: item collectas cum ordinarias, tum extraordinarias, quæ ob

necessitatem, vel publicam causam a Clericis interdum exiguntur, ut docent Rebuff. Navar. Garc. frequentissime tamen pensiones designantur liberæ, & exemptæ ab omni præstatione; idque partim ex consuetudine Romanæ Curie, teste Gig. Azor. Partim vero ex voluntate Ordinarii, ipsiusve titularis, sive Rectoris: quod quidem ex litteris constitutæ pensionis cognoscendum est.

## TRACTATUS DUODECIMUS.

*De Simonia.*

**D**Einde considerandum est de Simoniæ vitio, quod collationes beneficiorum præcipue contaminare solet, & irritas reddere: de quo S. Thom. agit 2. 2. q. 100. Circa Simoniam autem quinque consideranda sunt. Primo de ejus quidditate. Secundo de ejus materia. Tertio de pretio Simoniaco. Quarto de divisione Simoniacæ. Quinto de penis Simoniaci. Sit igitur

### CAPUT PRIMUM.

*Quid sit Simonia. 2. 2. quæst. 100. art. 1.*

**S**imonia est studiosa voluntas emendi, vel vendendi aliquid spirituale, vel spirituali annexum, sicuti docet Gloss. communiter recepta in causa 1. quæst. 1. ver. quidem. Ad cujus definitionis evidentiam

*Sciendum* 1. Quod actus aliquis est malus ex genere, eo, quod cadit super materiam indebitam. Emptionis autem, & venditionis est materia indebita res spiritualis, triplici ratione. Primo quidem, quia res spiritualis non potest aliquo tereno pretio compenari: & ideo Petrus in ipsa sui radice simoniacam pravitatem condemnans, dixit Act. 8. *Pecunia tua tecum sit in perditionem: quoniam donum Dei existimasti pecunia possideri.* Secundo, quia id non potest esse debita venditionis materia, cujus venditor non est dominus: Prælati autem Ecclesiæ non est dominus spi-

spiritualium, sed dispensator, secundum illud 1. ad Cor. 4. *Sic nos existimet homo, ut ministros Christi, & dispensatores ministeriorum Dei.* Tertio, quia venditio repugnat spiritualium origini, quæ ex gratuita voluntate Dei proveniunt. Unde & Dominus dicit Matth. 10. *Gratis accepistis, gratis date.* Et ideo aliquis emendo, vel vendendo rem spirituales, irreverentiam exhibet Deo, & rebus divinis: propter quod peccat peccato irreligiositatis.

*Sciendum 11.* Quod omnia vitia opposita justitiæ, & partibus ejus sunt in voluntate, sicut in subiecto, & ideo conveniunt simonia, quæ directe opponitur virtuti religionis, per voluntatem definitur. Additur autem, studiosa, ad designandam electionem, quæ principaliter pertinet ad virtutem, & vitium. Subditur vero, emendi, vel vendendi, in quo intelligitur omnis contractus non gratuitus. Unde nec permutatio præbendarum, vel Ecclesiasticorum beneficiorum fieri potest auctoritate partium absque periculo simoniæ, sicut nec transactio, ut jura determinant. Malitia enim simoniæ in hoc consistit, quod res spiritualis cum re temporalis in commutationem ducatur, perinde ac, si tam vilis esset, ut instar temporalium rerum venalis proponi posset. Dicitur denique: Aliquid spirituale, vel spirituali annexum. Sicut enim anima vivit secundum se ipsam, corpus autem vivit ex unione animæ: ita etiam quædam sunt spiritualia secundum se ipsa, sicut sacramenta, & alia hujusmodi: quædam autem dicuntur spiritualia ex hoc, quod talibus adhæreant. Unde 1. qu. 3. cap. Si quis objecerit, dicitur: *Spiritualia sine corporalibus rebus non proficiunt: sicut nec anima sine corpore vivit.* Neutra autem vendi possunt sine labe simoniæ, sicut ex infra dicendis manifestum fiet.

*Sciendum 111.* Quod simonia, supposita fide, & revelatione donorum supernaturalium, juri naturali adversatur, unde nulla consuetudine potest excusari, ut docet S.Tho. hic a.2. in corp. est enim mala ex genere suo, ut dictum est: & ideo quando Christus Matth. 10. dixit: *Gratis accepistis, gratis date.* Non novum præceptum imposuit; sed quod spiritualium gratiarum naturalis conditio exigit, hoc explicavit,

atque præcepit. Unde, sicut dicit S.Tho. hic ad 3. etiam Papa potest incurrere vitium Simoniz: sicut & quilibet alius homo. Peccatum enim tanto in aliqua persona est gravius, quanto majorem obtinet locum. Quamvis enim res Ecclesiæ sint ejus, ut principalis dispensatoris, non tamen sunt ejus, ut domini, & possessoris, ut possit illas vendere. Habet ergo plenitudinem potestatis in dispensatione rerum Ecclesiæ, ut gratis det, cui voluerit: non autem, ut vendat contra voluntatem Domini, & contra spiritualium naturam. Nec peccatum simoniæ veniale fieri potest ob parvitatem materiæ, quia in qualibet parva materia tota ratio gravissimæ injuriæ Deo, & rebus sacris irrogatur: imo eo magis crescit ratio irreligiositatis, quo viiori pretio res sacra æstimatur.

*Sciendum 1v.* Quod peccatum simoniæ non solum religioni opponitur, sed etiam justitiæ commutativæ. Qui enim rem temporalem ab altero accipit sine ullo jure accipiendi, imo contra omne jus, is proculdubio injustitiam committit. Dans autem alteri rem spirituales, vel spirituali annexam pro re temporali, nullum omnino jus habet illam accipiendi, aut retinendi; Non quidem titulo donationis gratuitæ, quia vendit, ut suppono, & titulo oneroso accipit: neque titulo oneroso venditionis, & emptionis, quia talis contractus, seu venditio rei spiritualis pro temporali, ipso jure naturali, divino, & Ecclesiastico irrita est; & per consequens neque dominium rei temporalis transferre potest in venditorem. Unde vendens rem spirituales, vel spirituali annexam pro temporali, peccat contra justitiam, & ad restituendum pretium tenetur omni jure, ut infra latius dicam. Unde merito damnata suit ab Alexand. VII. hæc prop. 22. *Non est contra justitiam beneficium Ecclesiastica non conferre gratis: quia collator conservens illa beneficium Ecclesiastica pecunia interveriente, non exigit illam pro collatione beneficii, sed veluti pro emolumento temporalis, quod tibi conferre non tenebatur.*



## CAPUT II.

*De contractu emptionis, & venditionis ad simoniam essentialiter requisto.*

**N**omine emptionis, & venditionis, quæ ad simoniam essentialiter requiruntur, intelligitur omnis contractus non gratuitus, ut patet ex cap. quam pio, 2. q. 2. cap. tua nos, 1. q. 1. cap. dilectus, 2. in fin. de simonia. Et docet S. Thom. hic a. 1. ad 5. Tunc autem intervenit contractus non gratuitus, quando ex pacto expresso, vel tacito datur spirituale pro temporali: aut temporale acquirendum est motivum conferendi spirituale: sicut ex infra dicendis fiet manifestum. Unde

*Sciendum* 1. Quod, qui gratis aliquid temporale donaret, absque eo quod aliquam obligationem imponeret, nec etiam antidotalem, quamvis ex hoc speraret, & intenderet flexere animum alterius ex benevolentia, & gratitudine ad dandum sibi spirituale, non committeret simoniam: quia quod principaliter intendit ex donatione, est gratitudo, & benevolentia, licet minus principaliter, & ex consequenti, scilicet media gratitudine, & benevolentia, speret, & intendat consequi rem spiritualem. Idem dicendum est de dante rem spirituale, si solum ex gratitudine speret, & intendat consequi munus temporale, ut docent communiter Doctores. Nam in dicto casu nullum intervenit pactum nec etiam tacitum: nec temporale est motivum dandi spirituale; ideoque non intervenit contractus emptionis, & venditionis. In huiusmodi tamen munerum largitione pro consecutione spiritualium, maxime in collatione beneficiorum, valde considerata est intentio dantium, & accipientium, nam multoties virtualiter adest pactum implicitum dandi, vel recipiendi temporale ut pretium rei spiritualis, adeoque vendendi, & emendi. Quoties enim, nec ratio stipendii pro debita sacri ministri sustentatione, nec redemptio vexationis iniuste in habente jus in re, nec alie extrinsecæ rationes accidentarii laboris, honestæ amicitie, propinquitatis, aut alterius huiusmodi, non intervenit, facile est, quod sub titulo gratuite donationis pallie-

tur intentio simoniaca, & temporale sit motivum principale dandi spirituale: quæ quidem intentio, attentis circumstantiis, in aliquibus jure præsumitur; in multis vero intuetur a Deo, qui scrutator est cordium, & iudex intentionum.

*Sciendum* 11. Quod, si datur munus temporale, ut gratuita compensatio rei spiritualis, aut e contra, simonia committitur sub nomine gratitudinis palliata. Si quidem compensatio commutationem importat rei ad rem, dati ad datum, in quo ratio venditionis, & emptionis consistit. Implicat ergo in terminis, quod temporale detur ut compensatio, & quod sit gratuita, vel non iniuriola rei spirituali, quæ ut dicitur Proverb. 3. *Pretiosior est cunctis opibus, & omnia, quæ desiderantur, huic non valent comparari.* Similiter simonia est, si temporale est motivum, seu finis movens ad dandum, vel faciendum spirituale, quia spirituale vendere intendit; In qualibet enim venditione pretium accipitur quasi finis. Unde D. Thom. quodl. 8. a. 11. dicit, loquendo de Clerico. *Si huiusmodi distributiones recipit quasi finem sui operis principaliter intentum, simoniam committit, & mortaliter peccat. Si autem habet principalem finem Deum in tali actu (prestandi scilicet officium divinum) ad huiusmodi autem distributiones respicit secundario non quasi finem, sed sicut in id, quod est necessarium ad sui sustentationem, constat, quod non vendit actum spiritualem, & ita simoniam non committit, nec peccat. Sic enim acceptio distributionum non erit causa, quare ad Ecclesiam vadat: sed proprie huiusmodi determinatio, quare nunc vadat, & non alia vice.* Unde merito damnata fuit ab Innoc. XI. hæc propos. 45. *Dare temporale pro spirituali non est simonia quando temporale non datur tanquam pretium, sed dumtaxat tanquam motum conferendi, vel efficiendi spirituale: vel etiam quando temporale sit solum gratuita compensatio pro spirituali, aut e contra.* Vide etiam prop. 46. damnatam ab eodem Innocentio.

*Sciendum* 111. Effe simoniam deducere in pactum antidotalem obligationem dandi spirituale, & accipiendi temporale, v.g. dono tibi hanc pecuniam, ut mihi vicissim ex gratitudine præstare debeat bene-

scium, vel aliam rem spiritualem: aut vice versa, confero tibi gratis beneficium spirituale, ea tamen conditione, ut te obliges ex gratitudine mihi prestare munus aliquod temporale. Ratio est, quia licet alter ex gratitudine naturaliter obligetur libere omnino, & spontanee benefactori vices reddere, ita, ut, si non correspondeat, ingratus sit; non tamen injustus, & infidelis censeatur; Si vero hæc obligatio in pactum deducatur, jam induit naturam contractus onerosi, do, ut des: ita, ut injustus, vel saltem infidelis censeatur, si non præstet, quod promissit: & ex vi talis pacti potest cogi donatarius, quod titulo puræ gratitudinis repugnat; quæ debet esse spontanea; sicut a simili dictum est de usura in 2. p. quapropter damnata fuit ab Innoc. XI. hæc propositio. 42. *Usura non est, dum ultra sortem aliquid exigitur, tamquam ex benevolentia, & gratitudine debitum: sed solum si exigatur, tamquam ex iustitia debitum.* Et quis non videt, quod si huiusmodi pacta essent licita, nulla daretur simonia, & usura: imo potius omnia simoniis, & usuris impune replerentur? Qua de re vide Salmant. tr. 29. cap. 1. in fin. & Laym. lib. 4. tr. 10. cap. ult. §. 2. n. 9. Cæterum negari non potest, quod, si verbis simplicibus sine ullo pacto alteri recordetur, ut sit gratus, non erit simonia: quia illi solum innuitur id, quod naturaliter inest recipienti beneficium, scilicet obligatio gratitudinis; In quo tamen cavendum est temper a tacito pacto, & intentione simoniaca, sicut a pari dictum est de usura.

*Sciendum IV.* Quod non est simonia conferre alicui beneficium spirituale præcise, & principaliter ob motivum aliquod temporale, quando nihil lucri temporalis inde speratur, aut intenditur, v. gr. Si collator beneficium Ecclesiasticum conferat consanguineo, vel amico, etiam minus digno, vel indigno, præcise, & principaliter ratione consanguinitatis, vel amicitiae, nullo interveniente, aut sperato munere, ut expresse tradit S. Thom. a. 5. in hoc receptus ab omnibus. Ratio est, quia non datur spirituale ob motivum, seu finem temporalem consequendum, adeoque non intervenit venditio spiritualis pro temporali: sed solum donatio mere gratuita ex moti-

vo temporali, ex alio capite graviter peccaminoso. Tunc ergo committitur simonia, quando etiam sine pacto datur spirituale pro temporali; ut motivo principali, seu sine intento ad consequendum: quia tunc suis se habet ut pretium dationis, seu venditionis rei spiritualis. Et similiter qui dat temporale pro consecutione alicujus spiritualis, simoniam committit: quia intendit emergere spirituale temporali pretio, cum datio temporalis rei habeat pro motivo, & sine consequendi rem spirituales.

*Sciendum v.* Quod regnum cælorum, quo nihil spiritualis, dicitur emi, cum quis dat, quod habet, propter Deum, large sumpto nomine emptionis, secundum quod accipitur pro merito, quod tamen non pertingit ad perfectam rationem emptionis propter duo: sicuti notat S. Thom. hic a. 1. ad 3. Primo, quia non sunt condignæ passionis hujus temporis, nec aliqua nostra dona, vel opera, ad futuram gloriam, quæ revelabitur in nobis, ut dicitur Rom. 8. Secundo, quia meritum non consistit principaliter in exteriori dono, vel actu, vel passione, sed in interiori affectu charitatis. Addi potest, quod Deus est Dominus rerum spiritualium, sicut & corporalium; & ideo, si illas venderet, nulli injuriam faceret; licet illas vendere non possit, cum nihil ei solvi possit ab aliquo, quod Dei, & a Deo non sit, adeoque ei omni titulo debitum: unde & meritum, & præmium dona Dei sunt, qui ex abundantia suæ bonitatis vult dona sua esse merita nostra. Homo autem non est dominus rerum spiritualium, ut possit illas vendere, nec in comparatione, & estimatione rerum temporalium venire possunt, adeoque invendibilia sunt.

### C A P U T III.

*Utrum semper sit illicitum pro sacramentis pecuniam dare.* 2. 2. q. 106. a. 2.

**D**Einde considerandum est de rebus spiritualibus, quæ sunt materia indebita venditionis, & emptionis in contractu simoniaco. Et primo considerandum est de sacramentis. Circa quod

*Sciendum I.* Quod sacramenta novæ legis

gis sunt maxime spiritualia, in quantum sunt causa spiritualis gratiæ, quæ pretio æstimari non potest, & ejus rationi repugnat, quod non gratuite deitur. Dispensantur autem sacramenta per Ecclesiæ ministros, quos oportet a populo sustentari, ut dicitur 1. ad Cor. 9. Sic ergo dicendum est, quod accipere pecuniam pro spirituali sacramentorum gratia, est crimen simoniæ, quod nulla consuetudine potest excusari: quia consuetudo non præjudicat juri naturali, vel divino. Per pecuniam autem intelligitur omne illud, cujus pretium potest pecunia æstimari, ut Philosoph. dicit in 3. Ethic. Accipere autem aliqua ad sustentationem eorum, qui sacramenta Christi ministrant secundum Ecclesiæ ordinationem, & consuetudines approbatas, non est simonia, neque peccatum. Non enim sumitur tanquam pretium mercedis: sed tamquam stipendium necessitatis. Unde super illud 1. ad Tim. 5. Qui bene præsumunt presbyteri, dicit Gloss. Aug. *Accipiant sustentationem necessitatis a populo: mercedem dispensationis a Domino.* Unde

*Sciendum 11.* Quod in casu necessitatis quilibet potest baptizare. Et, quia nullo modo est peccandum, pro eodem est habendum, si Sacerdos absque pretio baptizare non velit, ac si non esset, qui baptizaret. Unde ille, qui gerit curam pueri, in tali casu licite potest eum baptizare, vel a quocumque alio facere baptizari. Posset tamen licite aquam a Sacerdote emere, quæ est purum elementum corporale. Si autem esset adultus, qui baptismum desideraret, & immineret mortis periculum, nec Sacerdos eum vellet sine pretio baptizare, deberet, si posset, per alium baptizari: Quod si non posset ad alium habere recursum, nullo modo deberet pretium pro baptismo dare, sed potius absque baptismo decedere: suppleretur enim ei ex baptismo flaminis, quod ei ex sacramento decisset. Sacerdos vero celebrans Missam non accipit pecuniam, quasi pretium consecrationis Eucharistiæ, aut Missæ decantandæ, hoc enim esset simoniacum: sed quasi stipendium lue sustentationis, ut dictum est. Similiter pecunia non exigitur ab eo, qui absoluitur ab excommunicatione, quasi pretium absolutionis: hoc enim esset simoniacum; sed quasi poena

culpæ præcedentis, pro qua fuit excommunicatus.

*Sciendum 111.* Quod, sicut dictum est, consuetudo non præjudicat juri naturali, vel divino, quo simonia prohibetur. Et ideo, si aliqua ex consuetudine exigantur quasi pretium rei spiritualis cum intentione emendi, vel vendendi, est manifeste simonia, & præcipue, si ab invito exigantur. Si vero exigantur quasi quedam stipendia per consuetudinem approbata, non est simonia, si tamen desit intentio emendi, vel vendendi, sed intentio referatur ad solam consuetudinis observantiam, & præcipue quando aliquis voluntarie solvit. In his tamen omnibus sollicite cavendum est, quod habet speciem simoniæ, vel cupiditatis, secundum illud Apost. 1. ad Thess. ult. *Ab omni specie mali abstinete vos.* Propter quod in jure pluribus in locis, & præcipue in Trident. sess. 21. c. 1. prohibitum est aliquid dare, vel accipere in collatione Ordinis, exceptis notariis Episcopis, quando salarium non est eis constitutum, qui decimam partem aurei pro sustentatione, & in stipendium possunt accipere.

*Sciendum 1v.* Quod antequam alicui acquiratur jus in Episcopatu, vel quacunque dignitate, vel præbenda, per electionem, vel provisionem, seu collationem, simoniacum esset adversantium obstacula pecunia redimere: sic enim per pecuniam pararet sibi viam ad rem spiritualem obtinendam: sed postquam alicui jus acquisitum est, licet per pecuniam injusta impedimenta remove, ut omnes concedunt cum D. Thom. in præsent. ar. ad 3. Universaliter enim verum est, quod unusquisque potest licite a se abjicere injustum, quod patitur, cum hoc nihil aliud sit, quam uti iniquitate parati, imo facientis iniquitatem, ad proprium bonum necessarium, & hoc est redimere vexationem injustam. Unde infert Cajet. quod habens curam infantis, quando est in extrema necessitate, & nullus sit, qui possit baptizare, nec ipse possit baptizare, puta, quia est mutus, potest pecunia oblata, vexationem injustam redimere a Sacerdote in quo nolente baptizare sine pretio: non autem, si sit adultus, quia potest per baptismum flaminis salvari.

## CAPUT IV.

*Sciendum v.* Quod Petrus de Palude in 4. d. 5. distinguit inter vexatores injustos. Nam quidam sunt, qui factio possunt obesse, & de jure non possunt prodesse: & ab istis licitum est redimere suam vexationem injustam, ut patet cum quis electus in Episcopum redimit suam vexationem a perturbatoribus de factio, qui nihil possunt juris conferre. Quidam vero sunt, qui & factio obesse, & jure prodesse possunt, & ab istis non licet redimere vexationem, ut patet in exemplo confirmatoris. Nam, si confirmator vexaret electum nolendo eum confirmare, non liceret ei pecuniam dare. Et ratio diversitatis est, quia isti dando, pararet sibi viam acquirendi Episcopatum, qui a confirmatore datur. Et simile est de puero morituro, quia baptizator confert characterem baptizando, unde non habet locum redemptionis vexationis. Hæc doctrina Paludani amplectenda est communiter in adultis, in quibus non datur talis necessitas, qualis in puero morituro sine baptismo, ac proinde potest prudenter præsumi, quod non tam pro vexationis redemptione, quam pro consecutione spiritualis officii pecunia detur.

*Sciendum v.1.* Quod quidam dixerunt, quod pro matrimonio licet pecuniam dare, ut refert S. Tho. ad 6. quia in eo non confertur gratia. Sed quia in Trident. jam definitum est, omnia novæ legis sacramenta gratiam conferre, quam significant; ideo aliter dicendum est, quod matrimonium non solum est Ecclesiæ sacramentum, sed etiam naturæ officium. Et ideo dare pecuniam pro matrimonio, in quantum est naturæ officium, licitum est: in quantum vero est Ecclesiæ sacramentum, est illicitum; & ideo secundum jura prohibetur, ne pro benedictione nuptiarum aliquid exigatur: sicut nec pro aliis sacramentalibus, aut materia proxima sacramentorum; ut patet ex cap. cum in Ecclesia, de simonia, cap. nemo presbyter, cap. baptizandis, eod. tit.

*Utrum liceat dare, & accipere pecuniam pro spiritualibus actibus. q. 100. a. 3.*

**D**icitur 1. q. 1. cap. Quidquid invisibilis gratia consolatione tribuitur, nunquam quæstibus, vel quibuslibet premiis venundari penitus debet. Hujusmodi autem sunt actus spirituales. Ad cujus evidenciam

*Sciendum 1.* Quod, sicut sacramenta dicuntur spiritualia, quia spirituales conferunt gratiam: ita etiam quædam alia dicuntur spiritualia, quia ex spirituali gratia procedunt, & ad eam disponunt, quæ tamen per hominis ministerium exhibentur, quos oportet a populo sustentari, cui spiritualia administrant, secundum illud 1. ad Cor. 9. *Quis militat suis stipendiis unquam? Quis pascit gregem, & de lacte gregis non manducat?* Et ideo vendere, quod spirituale est in hujusmodi actibus, aut emere, simoniacum est. Sed accipere, aut dare aliquid pro sustentatione ministrantium spiritualia secundum ordinationem Ecclesiæ, & consuetudine approbatam, licitum est: ita tamen, quod semper desit intentio emptionis, & venditionis, & quod ab invitis non exigantur per spiritualium subtractionem, quæ sunt exhibenda, hoc enim habet quandam venditionis speciem. Gratis tamen spiritualibus prius exhibitis, si cito possunt statui, & consuetæ oblationes, & quicumque alii proventus exigi a nolentibus, & valentibus solvere, auctoritate superiori interveniente. Unde

*Sciendum 11.* Quod illi, qui dant elemosynas pauperibus, ut orationum ab ipsis suffragia impetrent, non eo tenore dant, quasi intendentes orationes emere: sed per gratuitam beneficentiam pauperum animas provocant ad hoc, quod pro eis gratis, & ex charitate orent. Prædicantibus etiam temporalia debentur ad sustentationem prædicantium: non autem ad emendum prædicationis verbum. Similiter etiam aliqua temporalia dantur Deum laudantibus in celebratione Ecclesiastici officii, sive pro vivis, sive pro mortuis, non quasi pretium, sed quasi sustentationis stipendium. Et eo etiam tenore pro processio-

nibus

nibus faciendis in aliquo funere aliquæ eleemosynæ recipiuntur. Si autem huiusmodi pacto interveniente fiant, aut etiam cum intentione emptionis, vel venditionis, simoniacum est. Unde illicita esset ordinatio, si in aliqua Ecclesia statueretur, quod non fieret procelio in funere alicujus, nisi solveret certam pecuniæ quantitatem: quia per tale statutum, præcluderetur via gratis officium pietatis aliquibus impendendi. Magis autem licita esset ordinatio, si statueretur, quod omnibus certam eleemosynam dantibus talis honor exhiberetur: quia per hoc non præcluderetur via aliis exhibendi. Et præterea prima ordinatio habet speciem exactionis: secunda autem habet speciem gratuitæ recompensationis.

*Sciendum III.* Quod ille, cui committitur spiritualis potestas, ex officio obligatur ad usum potestatis sibi commissæ in spiritualium dispensatione: & etiam pro sua sustentatione statuta stipendia habet ex rebus Ecclesiæ. Et ideo, si aliquid acciperet pro usu spiritualis potestatis, non intelligeretur locare operas suas, quas ex debito suscepti officii debet impendere: sed intelligeretur vendere ipsum spiritualis gratiæ ulum. Et propter hoc non licet pro quacumque dispensatione aliquid accipere. Nec etiam per hoc, quod vices suas committunt, nec etiam per hoc, quod subditos suos corrigant, vel a corrigendo desistant. Licet autem eis accipere procurationes, quando subditi videntur, non quasi pretium correctionis, sed quasi debitum stipendium. Ille autem, qui habet scientiam, & non suscepit cum hoc officium, ex quo obligetur aliis ulum scientiæ impendere, licite potest pretium suæ doctrinæ, vel consilii accipere; non quasi veritatem, aut scientiam vendens, sed quasi operas suas locans. Si autem ex officio ad hoc teneretur, intelligeretur ipsam vendere veritatem, unde graviter peccaret.

*Sciendum IV.* Quod pro ingressu Monasterii non licet aliquid exigere, vel accipere, quasi pretium: licet autem, si Monasterium sit tenue, quod non sufficiat ad tot personas nutriendas, gratis quidem ingressum Monasterii exhibere: sed accipere aliquid pro victu personæ, quæ in Monasterio fuerit recipienda, si ad hoc non suf-

ficient Monasterii opes. Similiter etiam licitum est, si propter devotionem, quam aliquis ad Monasterium ostendit, largas eleemosynas faciendo, facilius in Monasterio recipiatur. Sicut etiam licitum est aliquem e converso provocare ad devotionem Monasterii per temporalia beneficia, ut ex hoc inclinetur ad Monasterii ingressum, licet non sit licitum ex pacto aliquid dare, vel recipere pro ingressu Monasterii, ut habetur 1. q. 2. cap. Quam pio. Ubi nota, quod licitum est muneribus alium allicere, ut ex benevolentia, aut gratitudine actum spiritualem præstet, vel spirituale beneficium conferat, dummodo sine ullo pacto etiam implicito id fiat, & sine intentione emendi spirituale.

*Sciendum V.* Ex doctrina Cajet. Quod quidam actus sunt mixti, ex spirituali, & temporali, in quibus principale quæsitum est id, quod est temporale: quidam vero, in quibus principale quæsitum est id, quod est spirituale. Et juxta hanc distinctionem dicendum est, quod illi actus, in quibus principale quæsitum est temporale, possunt licite sub pacto poni: illi autem, in quibus spirituale est principale quæsitum, non possunt sub pacto poni absque simonia, licet possit exigi stipendium sustentationis, quando est taxatum secundum ordinationem Ecclesiæ, aut consuetudinem approbatam, præstito tamen prius gratis actu spirituali. Ratio utriusque est, quia accessorium sequitur principale, ita, quod non æstimatur utrobique illud accessorium, sed concomitanter se habet ad principale. Unde habetur ratio, quare organistæ, mûsici cantores in Ecclesiis, Advocati, Magistri scientiarum, & Ministri exercentes opera misericordiæ corporalia, licite locare possint opera sua, & de mercede debita pacisci: quia in eorum operibus principale, quod quæritur, est temporale, puta auxilium, defensio, dulcedo, cantus: spirituale autem, quod est accessorium, solum concomitanter se habet, & nec æstimatur, nec venditur.

*Sciendum VI.* E contra actus prædicandi, Evangelium canendi, & omnes actus Ordinum, & jurisdictionis spiritualis exercitium, sub pacto cadere non possunt absque simonia: quia principale in eis, quod quæritur, spirituale est: temporale vero

accessorium, quod non æstimatur, aut venditur. Unde pro his actibus non potest licite accipi stipendium locatarum operarum, seu mercedis. Labor tamen itineris in Prædicatore, & Capellano obligato ad celebrandum statutis diebus, locis, & horis, quia non est de intrinseca ratione actus spiritualis, & mere accidentaliter se habet ad illam, cadit sub æstimatione, & de eo potest licite pacisci, sicuti de expensis itineris. De stipendio autem debitz sustentationis pro ministratore spiritualium, quando non est taxatum, pacisci non potest secundum jura, & doctrinam D. Thomæ, quia habet speciem exactionis: poterit tamen minister, si pauper sit, petere dicendo, si debeo ministrare, opus habeo sustentatione congrua, ut notat Cajet.

## CAPUT V.

*Utrum liceat pecuniam accipere pro his, quæ sunt spiritualibus annexa.*

2. 2. q. 100. a. 5.

**D**icit Paschalis Papa, & habetur 1. q. 3. cap. Si quis objecerit: *Si quis horum alterum vendit, sine quo nec alterum provenit, neutrum invenditum derelinquit. Nullus ergo vendat Ecclesiam, vel præbendam, vel aliquid Ecclesiasticum.* Ad cujus evidentiam

*Sciendum* 1. Quod aliquid potest esse annexum spiritualibus dupliciter. Uno modo, sicut ex spiritualibus dependens, sicut habere beneficium Ecclesiastica dicitur spiritualibus annexum: quia non competit, nisi habenti officium Clericale: unde hujusmodi nullo modo possunt esse sine spiritualibus. Et propter hoc ea nullo modo vendere licet: quia eis venditis, intelliguntur etiam spiritualia venditioni subjici. Quæ de re vide prop. 22. damn. ab Alexand. VII. Quædam autem sunt annexa spiritualibus, in quantum ad spiritualia ordinantur: sicut jus patronatus, quod ordinatur ad præsentandum Clericos ad Ecclesiastica beneficia, & vasa sacra, quæ ordinantur ad Sacramentorum usum: unde hujusmodi non præsupponunt spiritualia, sed magis ex ordine temporis præcedunt. Et ideo aliquo modo vendi possunt, non autem, in quantum sunt spiritualibus annexa. Quia doctrina præsupposita

*Sciendum* 11. Quod omnia temporalia annectuntur spiritualibus, sicut fini. Et ideo ipsa quidem temporalia vendere licet: sed ordo eorum ad spiritualia sub venditione cadere non debet. Unde vasa sacra quantum ad eorum materiam pro necessitate Ecclesiæ, & pauperum vendi possunt: sed eorum consecratio vendi non debet: & ideo præmissa oratione prius confringuntur, quia post confractionem non intelliguntur esse vasa sacra, sed purum metallum. Similiter etiam licitum est terram, ubi quondam fuit Ecclesia, vendere, aut emere in casu necessitatis, sicut vasa sacra. Jus autem patronatus per se vendi non potest, nec in feudum dari, quia per se ordinatur ad aliquod spirituale, imo consistit in ipso ordine ad spirituale: sed transit cum villa, quæ venditur, vel conceditur. Jus autem spirituale accipiendi decimas non conceditur laicis, sed tantummodo res temporales, quæ nomine decimarum dantur, & vendi possunt sine simonia.

*Sciendum* 111. Circa collationem beneficiorum, quod, si Episcopus ab eo, qui beneficium confert, requirit aliquid sibi exhiberi de fructibus illius beneficii, idem est, ac si aliquod munus ab eo exigeret, & non caret vitio simoniæ. Si vero Episcopus antequam beneficium alicui conferat, ob aliquam causam ordinaverit aliquid subtrahendum de fructibus beneficii conferendi, & in pios usus expendendum, non est illicitum: & in tali casu vendere jus ad talem portionem fructuum percipiendam, non erit simonia, quia tale jus jam est separatum a beneficio, adeoque mere temporale est. Hoc tamen de jure antiquo, quia post bullam Pii V. in qua omnes pensionarii obligantur ad officium B. Virg. recitandum, adeoque officium spirituale eis annexum est, non possunt sine simonia vendi, aut redimi, sicuti docent Cajet. Laym. Sot. Salmant.

*Sciendum* IV. Quod Commendæ spirituales, quæ in Ordinibus militaribus Clericis conferuntur propter officium spirituale exercendum, non possunt vendi, sicut & beneficia Ecclesiastica, sine labe simoniæ. Sed Commendæ temporales ordinatæ ad militandum, & habitus harum Religiosorum, qui militiæ incumbunt, possunt ven-

di sine simonia: quia in eis principale, quod attenditur, est honorificum temporale; & ad finem temporalem proxime ordinatum, licet aliquam spiritualitatem de consequenti habeant annexam. Non possunt tamen vendi sine iniustitia, attenta mente testatorum, earumque institutione, nisi ex auctoritate Summi Pontificis, ob bonum publicum. Ita Lez. Suar. Rodriq. Pal. Salmant.

## CAPUT VI.

*De Simonia, quæ committitur in beneficiis Ecclesiasticis.*

**D**Einde specialiter considerandum est de Simonia, quæ committitur in beneficiis Ecclesiasticis. Circa quod

*Sciendum* 1. Quod quamvis spectata rerum natura simoniacum non sit beneficium cum beneficio permutare, cum utrumque spirituale sit; ideoque cum legitima auctoritate prælati fieri possit, juxta cap. Ad quæstiones, de rerum permut. & Clement. un. eod. tit. sicut docet S. Thom. hic a. 1. ad 5. Si tamen privata partium conventionione fiat, periculum est simoniacæ intentionis, ut notavit Navar. c. 23. Quam ob rem positivo jure omnis ejusmodi pactio circa beneficia Ecclesiastica, tanquam simoniaca prohibetur, & irrita declaratur in cap. quælitum, cap. cum universorum, de rerum permut. cap. quam pio, l. q. 2. cap. Cum pridem, cap. ult. de pactis. Similiter simoniacæ centeri debent omnes pactiones, seu commutationes, quæ fiunt circa actiones, aut jura inchoata, & necessaria ad beneficiorum consecutionem. Item commutationes illæ, quæ sunt circa quæcumque spiritualia, quibus temporale aliquod annexum est consequenter, licet proprie beneficia Ecclesiastica non sint, ut habetur in cap. cum essent, de simonia, & cap. de hoc, eod. Verumtamen nihil obstat videtur, quominus partes prius inter se tractare, & convenire possint de permutatione faciendi cum conditione relata ad consensum Episcopi, in cujus manu beneficia resignare velint gratia permutationis; sicut colligitur ex cap. ult. de permut. & cit. Clem. un. & docent Abb. Navar. Suar. Laym.

*Sciendum* 11. Quod beneficium cum pensionem spirituali in titulum beneficii erecta, cum Ordinarii auctoritate permurari potest, ut ex communi docet Suar. quia talis pensio vere beneficium est. Episcopus autem jure ordinario non potest approbare permutationem beneficii cum pensionem etiam Clericali, quæ non est beneficium, ut docent Suarez, Laym. Si vero pensio sit mere temporalis, erit simonia juris divini, & naturalis beneficium cum illa commutare: Unde nec Summus Pontifex potest hanc permutationem facere per viam commutationis, sed alia via resignationis scilicet beneficii, & pensionis, & translationis personarum, utendo potestate supremi dispensatoris sicut explicat Salmant. His adde, simoniam fore, si partes permutatæ, aut resignatæ beneficium, inter se privatim paciscantur de expensis ab uno eorum faciendis, sicuti ex communi norat Suar. præterquam quatenus expensæ de jure ab aliquo faciendæ sunt, juxta receptam regulam: Quod de jure, seu ex iustitia fieri oportet, id ipsum in pactum deduci potest abque vitio simoniæ, ut notat Laym. lib. 4. tract. 10. cap. ult. §. 1. num. 13.

*Sciendum* 111. Quod in beneficiorum permutatione simonia est fructuum inæqualitatem pecunia, vel pensione annua expinguiori beneficio detracta compensare, etiam si hoc fiat auctoritate superioris, ut docent Abb. Adrian. Navar. Vasq. Suar. Covar. contra Ang. Sylv. & Less. Ratio est, quia fructus, siue redditus beneficiales ita sunt annexi beneficii titulo spirituali, ut nemini deberi possint, nisi ratione spiritualis præstiti officii: consequenter, qui redditus beneficiales emit, ipsum titulum, siue jus officii emere convincitur. Quare ad evitandam simoniam necesse est, redditus a spirituali titulo prius separari, quam in contractum, seu commutationem pecunia venire possint. Cum autem talis separandi facultas Episcopo jure ordinario non competat, arg. cap. Nisi essent, de præben. Sequitur, quod a Superiore approbari non possit, ut uberioris beneficii fructus pecunia compensentur. Potest tamen Papa imponere pensionem beneficio pinguiori solvendam alteri, qui minus pingue beneficium accipit, quod ipsum ju-

re ordinario Episcopo concessum non est.

*Sciendum* IV. Quod eodem modo loquitur S. Thom. cit. de transactione, ac permutatione, quia transactio quædam species permutationis est, & ad eam reduci- tur, cum sit portio non gratuita de re dubia, & lite incerta, ad litem dirimendam: seu, cum in lite dubia aliquid remittitur, altero retento, aut vicissim petito, l. i. ff. de transact. Quare differt a remissione gra- tuita, quæ etiam amicabile compulsi- o appellatur cap. super eo, de transact. Nam qui ita pacificatur donationis causa, rem certam, & indubitatam remittit, cit. l. i. Ut, si aliquis lite, quam iuste movere po- test, gratis cedat, omnemque actionem re- mittat: vel, si creditor, cui aliquando ju- re centum debentur, exactus octoginta, viginti remittat: vel, si Summus Pontifex, parte debitorum incertorum condonata, reliquam in pias causas erogari præcipias, generi non debent proprie transactiones, sed liberales compositiones, ut dictum est in part. 2.

*Sciendum* V. Certum esse, quod orta li- te de Ecclesiastico beneficio, vel alia re spiritali, non prohibentur partes gratis, & amicabiliter inter se componere, ut ex- presse habetur in cit. cap. super eo. Et non requiritur superioris auctoritas, ut docet Abb. ibid. præterquam, si oporteat possessorem beneficii illud dimittere, quod sine superioris auctoritate fieri non potest, sicuti habetur in cap. Admonet, cap. Quod in dubiis de renunciat. & videri potest Ugol. tab. 1. cap. 29. Item certum est, quod transactio est simoniaca, in qua ex una parte beneficium Ecclesiasticum, ex altera vero parte res temporalis datur, re- mittitur, retinetur, ut habetur expresse in cap. Cum pridem, de pactis, cap. super eo, cap. constitutus, de transact. cap. 2. de arbitris. Ratio est, quia transactio est species quædam commutationis, ut dictum est, adeoque est contractus reciprocus: spi- ritualia autem cum temporalibus commu- tari non possunt absque vitio simoniæ.

*Sciendum* VI. Quod quamvis controver- sia, quæ circa alias res, vel jura spiri- tualia versantur, terminari possint offere- do, vel retinendo aliud spirituale, id tamen concessum non est in materia beneficii, nisi prælati auctoritas intercedat. Verum,

cum Prælati, aut Judicis Ecclesiastici au- thoritate, perinde ac permutatio, ita & transactio in beneficiis iusta de causa fieri potest, designando etiam annuam pensio- nem ex beneficii redditibus solvendam ei, qui alteri beneficium relinquit, sicuti constat ex cap. Nisi essent. Et ex cap. 2. de arbitris. Notant tamen Doctores, pensio- nem, aliamve præstationem temporalem solum providentia Prælati, Judicis, aut Arbitri propter bonum pacis resignari pos- se: non item, si partium litigantium pa- cificatio, aut inchoata transactio antecessit, si- cum colligitur ex cap. cum pridem, & præben. Si tamen agatur, non de sola temporalitate, sed de pensione aliquo mo- do spiritali, & naturam beneficii partici- pante, tunc nihil obitare videtur, quod partes inter se conveniant, eamque con- ventionem Episcopo confirmandam offer- rant, sicut dictum est de permutatione be- neficiorum.

*Sciendum* VII. Quod præstatione mere tem- poralis facta auctoritate prælati ad compo- nendas controversias in materia beneficii, non potest fieri, tanquam in compensationem dubii juris, quod pars alia ad benefi- cium habet, alias simoniæ vitio non care- ret, quia spirituale cum temporali compen- saretur. Verum aliis de causis, seu titulis adjudicari potest parti, quæ a lite beneficia- ria recedit, videlicet in compensationem la- borum, & expensarum, quas in litigando frustra faceret, vel ad necessariam susten- tationem personæ quæ a jure, & actione desistit, ac denique in bonum pacis, & concordia, quæ ipsi etiam transigentis uti- lis est, adeoque pretio æstimabilis. Ita Suar. Abb. Laym.

*Sciendum* VIII. Quod renunciatio, quæ est abdicatio voluntaria, qua quis dimittit beneficium in manibus Prælati, quatuor modis fieri potest. Primo pure, & abso- lute, id est, sine onere pensionis, & sine designatione personæ, cui conferatur. Secundo pure, sed non absolute, id est, sine onere pensionis, sed cum conditione ex- pressa, ut detur tali personæ, & non alio modo, neque aliter. Tertio, nec absolute, nec pure, sed sub conditione, ut de- tur tali personæ, & cum onere pensionis. Quarto absolute, sed non pure, quia sine designatione personæ, sed cum designatio-



ne oneris, vel pensionis. Primo modo licita est, & potest fieri in manibus Ordinarii, qui illud beneficium conferre potest. Tertio modo illicita est, & simoniaca, si fiat in manibus Ordinarii Papa inferioris. Quarto modo licita est, si pensio fuerit spiritualis, & probabile est posse fieri in manibus Ordinarii, quia Episcopus ex iusta causa potest pensionem spiritualem beneficiis imponere, ut docent Gigas, Felin. Decius, Terol. Alii id negant, quia ex Constit. Pii V. quæ incipit: Intolerabilis: adempta est Episcopis omnis potestas pensiones creando. Sic Bonac. Azor. Salmant. Remanet dubium de secundo modo. Circa quod

*Sciendum* IX. Quod renunciatio, quæ fit sine onere pensionis, sed cum conditione, ut beneficium detur determinatæ personæ, & non aliter, non est simoniaca ex jure divino, quia non datur spirituale pro temporali, ut per se patet: prohibetur tamen fieri in manibus Episcoporum, aut aliorum Papa inferiorum, ut patet ex stylo Curiae: & ideo aliqui dicunt esse simoniacam ex jure Ecclesiastico, si fiat in manibus Episcopi, vel alterius Prælati. Ita Sylv. Rodr. Flaminus. Alii id negant, quia non intervenit pactum, nec Ordinarius coartatur ad admittendam renunciationem. Ita Valen. Lessi. Alii denique dicunt, quod, si præcedat pactum cum Episcopo, ut ipse acceptet cum illa conditione, erit simonia: quia omnis pactio circa beneficia prohibita est. Si vero non interveniat pactio, non erit simonia. Sic Sanch. Bonac. Sot. Vall. Salmant. Erit tamen quoddam injustitiæ, & sacrilegii genus, quia res sacras dispendere vult contra jura, ac si esset dominus; adeoque poterit Episcopus, ob crimen in tali renuntiatione attentata commissum, cum tali beneficio privare, & alteri conferre, ut notat Innoc. in cap. Quod in dubis. Si tamen talis renuntiatio fiat sine ullo pacto, aut conditione rigorosa, sed rogando Episcopum, ut tali personæ conferat, tunc se habet ut simplex renuntiatio, adeoque non est prohibita, ut docent Navar. Azor. Pal. Guttier. Hujusmodi vero renuntiationes cum rigorosa conditione factæ nullo modo admitti possunt ab Episcopo, etiam rejecta conditione, ut turpi, sicuti docent Rebuff. Suarez,

Garcia, contra Arag. Covarruv. Sanch. Sotus.

## C A P U T VII.

### De Simonia Confidentialiæ.

**S**pecialis hæc simonia a Summis Pontificibus Pio IV. in bulla, quæ incipit, Romanum Pontificem: & Pio V. in bulla, quæ incipit, Intolerabilis, damnata est, contra eos, qui beneficium Ecclesiasticum simplex, aut curatum, regulare, aut sæculare, alicui procurant, eligendo, præsentando, confirmando, instituendo, resignando, cum certa confidentialia, id est expresso, aut tacito pacto, ut is, cui procuraverat, vel alteri resignet, vel pensionem, aut fructus ex eo præstet. Ad cujus simoniæ noticiam

*Sciendum* I. Quod quatuor modi simoniæ confidentialis distingui solent. Primus dicitur Accessus, habetque locum in eo, qui ad beneficii Ecclesiastici provisionem concurrat eligendo, præsentando, aut confirmando, si id agat cum certa confidentialia, id est, passionē aliqua intercedente, ut beneficium postea ipsimet, vel alteri resignetur, puta nepoti. Secundus dicitur Regressus, habetque locum in eo, qui renunciat beneficium in favorem alterius cum certa confidentialia, seu pacto, quod postea tempore conveniente ad ipsum renunciantem, vel aliam personam, v. gr. consanguineum ejus, idem beneficium regressum sit. Quorum modorum Simoniæ mentio fit in Trident. sess. 25. c. 7. de reform. atque idcirco sacris constitutionibus adversari dicuntur, quia hæreditariæ successionis imaginem referunt.

*Sciendum* II. Quod tertius modus simoniæ confidentialis dicitur Ingressus, quando scilicet aliquis beneficium sibi collatum, sed nondum possessum, alteri renunciat ea confidentialia, seu pacto, ut postea ejus possessionem iterum ingrediatur, si is, cui resignaverat, mortuus fuerit, vel fiat, v. g. Episcopus. Quod in fraudem ab his fieri posset, qui ad beneficium retinendum inhabiles, illud aliquoquin dimittere deberent; sicuti optime declaravit Ugolin. cap. 22. §. 2. . . . Quartus modus, tam in renun-

ciante beneficium, quam in conferente, eligente, confirmante, aut presentante, locum habere potest, si illud alicui obvenire faciat, cum pacto, ut ex eo pensio ipsi renunciatur, aut conferenti, vel alteri personæ solvatur. Verum Navar. & Ugo- lin. existimant non esse simoniam confidentiæ, si pensio ipsi dimittenti, vel procuranti designetur: sed solum, si alteri personæ: sicut colligitur ex verbis bullæ Pii V.

*Sciendum* 111. Ex Suar. cap. 43. n. 11. Non committi simoniam confidentialem: sed aliam communem simoniam, si aliqui permittunt inter se beneficia cum confidentia, seu pacto regrediendi, vel eadem resignandi aliis, v. g. consanguineis. Nam Pontifices absolute loquuntur de renunciandis, seu cedentibus, quo nomine, præsertim in materia tam odiosa, ac pœnali, intelligi non debent permittentes beneficia. Secus autem esse videtur, si ipse Episcopus permittens talem permutationem pacificus de parte fructuum inde suo consanguineo, v. g. pendenda.

*Sciendum* IV. Quod, si pactum interveniat, non ut idem beneficium, quod Titius contulerat Cajo: sed aliud aliquod beneficium resignetur consanguineo collatori: Item, si quis, tamquam mediator existens, sibi procuraverit beneficium a collatore, aut presentatore, cum pacto, ut idem, vel aliud beneficium aliquando resignaretur procuranti, seu mediatori: non committeretur in his casibus simonia confidentialis. Quandoquidem non comprehenduntur sub speciebus supra enumeratis: nihilominus incurreretur communis simonia. Qua de re vide Laym. lib. 4. tr. 10. cap. ult. §. 8. Navar. c. 23. n. 110.

## C A P U T VIII.

*Utrum liceat spiritualia dare pro munere, quod est ab obsequio, vel a lingua.*

2. 2. quæst. 100. art. 5.

**C**onsequenter considerandum est de his, quæ habent rationem pretii in contractu simoniaco. Ad cuius notitiam

*Sciendum* I. Quod nomine pecuniæ, sicut supra dictum est, intelligitur vulgumque pretium, quod pecunia mensurari potest.

Manifestum est autem, quod obsequium hominis ad aliquam utilitatem ordinatur, quæ potest præcio pecuniæ æstimari, unde pecuniaria mercede ministri conducuntur. Et ideo idem est, quod aliquis det rem spirituales pro aliquo obsequio temporali exhibito, vel exhibendo, ac, si daret pro pecunia data, vel promissa, qua illud obsequium æstimari posset. Similiter etiam, quod aliquis satisfaciat precibus alicujus ad temporalem gratiam querendam, ordinatur ad aliquam utilitatem, quæ potest pecuniæ pretio æstimari. Et ideo, sicut contrahitur simonia accipiendo pecuniam, vel quamlibet aliam rem exteriorem, quod pertinet ad munus a manu: ita etiam contrahitur per munus a lingua, vel ab obsequio. Unde Urban. II. relatus cautus l. q. 3. cap. Salvator, dicit. *Quiquis res Ecclesiasticas non ad quod instituta sunt, sed ad propria lucra munere lingue, vel indebiti obsequii, vel pecunie largitur, vel adipiscitur, simoniacus est.* Unde

*Sciendum* II. Quod, si aliquis Clericus alicui Prælato impendat obsequium honestum ad spiritualia ordinatum (puta, ad Ecclesiæ utilitatem, vel ministrorum ejus auxilium), ex ipsa devotione obsequii redditur dignus Ecclesiastico beneficio, sicut & propter alia bona opera: unde non intelligitur esse munus ab obsequio, & in hoc casu loquitur Gregor. in registro lib. 2. cap. 57. dicens: *Ecclesiasticis utilitatibus deservientes, Ecclesiastica dignum est remuneratione gaudere.* Si vero sit in honestum obsequium, vel ad carnalia ordinatum (puta, quia servivit Prælato ad utilitatem consanguineorum suorum, vel patri- monii sui, vel ad aliquid hujusmodi) erit minus ab obsequio, & est simoniacum. Unde colliges, quod munus ab obsequio non importat obsequium præcise, sed obsequium indebitum, id est, vel illicitum, vel ad carnalia ordinatum, etiam quod alias de se est licitum. Nam beneficia Ecclesiastica instituta sunt pro sustentatione eorum, qui deservunt Ecclesiæ, non pro mercede operariorum hujus sæculi.

*Sciendum* III. Quod, si aliquis alicui spirituale alicui contrahat gratis propter consanguinitatem, vel quancumque carnalem affectionem, est quidem illicita, & carnalis collatio, non tamen simoniaca: quia nihil

nihil ibi accipitur. Unde hoc non pertinet ad contractum emptionis, & venditionis, in quo fundatur simonia. Si tamen aliquis det beneficium Ecclesiasticum alicui hoc pacto, vel intentione, ut exinde suis consanguineis provideat, vel pro ipsis apud principem intercedat; vel ut eorum causam, etiamsi iustam, in iudicio sine alio salario, sive mercede, patrocinetur: vel gratis serviat ad eorum utilitatem temporalem, est manifesta simonia: quia aliquid temporale accipitur pro re spiritali, quæ datur, quod pertinet ad contractum emptionis, & venditionis, in quo fundatur simonia. Aliud ergo est conferre spirituale alicui propter carnalem affectionem: aliud propter obsequium exhibitum, vel exhibendum, ad carnalia ordinatum. Primum non est simonia, quia est gratuita donatio. Secundum est simonia, quia est emptio, & venditio spiritalis pro temporali pretio.

*Sciendum IV.* Quod munus a lingua dicitur vel ipsa laus pertinet ad favorem humanum, qui sub pretio cadit: vel etiam preces, ex quibus acquiritur favor humanus, vel contrarius evitatur. Et ideo, si aliquis principaliter ad hoc intendit, simoniam committit: quia dat spirituale pro acquirenda utilitate temporali. Videtur autem ad hoc principaliter intendere, qui preces pro indigno porrectas exaudit: unde ipsum factum est simoniacum. Si autem pro digno preces porrigantur, ipsum factum non est simoniacum: quia subest debita causa, ex qua illi, pro quo preces porriguntur, spirituale aliquid conferatur: tamen potest esse simonia in intentione, si non attendatur ad dignitatem personæ, sed ad favorem humanum. Si vero aliquis pro se rogat, ut obtineat curam animarum, ex ipsa præsumptione redditur indignus, & sic preces sunt pro indigno: licite tamen potest aliquis, si sit indigens, pro se beneficium Ecclesiasticum petere sine cura animarum. Unde colliges, quod, sicut munus ab obsequio intelligitur pro obsequio indebito: ita munus a lingua intelligitur pro precibus, & laudibus pro indigno porrectis.

*Sciendum V.* Quod hypocrita non dat aliquid spirituale propter laudem: sed solum demonstrat, & simulando magis fur-

tive furripit laudem humanam, quam emat. Unde non videtur pertinere ad vitium simoniæ. Non ergo simonia contrahitur per munus a lingua, si aliquid neque detur, neque ematur ab ipso, qui consequitur munus a lingua, id est laudem humanam, nam simonia includit emptionem, & venditionem, & in ipsa fundatur. Similiter non est simoniacum alicui promittere, aut donare, vel legare rem temporalem sub conditione, aut modo, ut obsequium spirituale præstetur: ut, si parentes filiis munera promittant, ut Sacramenta frequentent: si fidelis donet, aut promittat aliquid infideli, ut baptismum suscipiat: si puellæ dotem, ut religionem ingrediatur: quia non intervenit in his casibus contractus onerosus, quo alteri obligatio imponatur, sed solum donatio liberalis ad alligandum ad opus bonum, quod non cedit in utilitatem dantis, sed potius recipientis. Si autem conditio, vel modus adjectus esset, ut aliquid præstaretur, vel fieret in utilitatem dantis, promittentis, vel alterius personæ, ut do tibi nummos, ut religionem ingrediaris, ex quo ingressu majoratus filio donantis proveniat, vel familia a scæmina liberetur, tunc erit simonia, quia conditio, vel modus transit in contractum, & commutationem. Imo quæcumque pactum intervenit dandi temporale, ut fiat spirituale, vel e contra faciendi, vel dandi spirituale, ut fiat temporale, etiam si non cedat in utilitatem dantis, vel recipientis, simonia committitur: quia contractus onerosus intervenit, seu emptio, & venditio.

*Sciendum VI.* Quod tradita divisio pretij simoniaci in munus a manu, munus a lingua, & munus ab obsequio, sufficiens est, & adequata: ut communiter Doctores fatentur contra Major. in 4. d. 23. q. 3. Siquidem omnia bona, & utilitates temporales, seu externæ, quæ in commutationem venire possunt, vel ad bona fortunæ, seu divitias pertinent: vel per verba, seu qualibet signa sensibilia obtineri possunt, vel denique per alia corporis membra, seu obsequia personalia consequuntur. Ad simoniam enim non sufficit dare spirituale, & accipere temporale ob amicitiam, consanguinitatem, aut aliam quamcumque causam: sed requiritur, quod tempore detur,

detur, aut intendatur ut pretium rei spiritualis, ad quod requiritur padio reciproca, & obligatio expressa, vel tacita, vel saltem intentio emendi, aut vendendi: sicut satis constat ex dictis. Quidquid autem temporale munus habet rationem pretii, seu dari potest ut pretium rei spiritualis, ad supra dicta tria membra reducitur.

## CAPUT IX.

## De Divisione Simonie.

**C**onsequenter ad ea quæ pertinent ad quidditatem contractus simoniaci, considerandum est de divisione simoniæ. Circa quod

*Sciendum* 1. Quod dividitur primo simonia in eam, quæ est prohibita, quia mala: & in eam, quæ est mala, quia prohibita. Ita docet Glossa communiter recepta in cap. ex parte 1. ver. remittere, de officio delegati. Ibiq. DD. sensus divisionis est, quod alia simonia sit, quæ juri naturali, ac divino repugnat: alia vero, quæ ex rei natura simonia non est, sed solum Ecclesiastica lege prohibetur, sicut explicat Henricus de Gandavo quodl. 6. quæst. 26. Simonia juris divini, seu naturalis est, quoties pro re temporali datur res spiritualis, aut spirituali annexa, puta Sacramenta, beneficia Ecclesiastica, & hujusmodi. Simonia solius juris Ecclesiastici committitur dupliciter, vel quando res spiritualis cum spirituali permutatur, puta beneficium cum beneficio: vel quando materia, circa quam versatur, neque in se, neque in proxima habitudine, aut intrinseca dependentia, sed solum remote, aut accidentaliter, rei spirituali annexa est: cujusmodi annexio, & habitudo non sufficeret ad vitium simoniæ spectata rei natura, nisi Ecclesiastica constitutio accederet: Qua ratione solo Ecclesiastico jure prohibitum est, ne pro sacro oleo, vel chrismate aliquid exigatur cap. Non satis, de simonia. Et in Concil. Calcedon. c. 2. relato in cap. Si quis Episcopus 1. qu. 1. tanquam simoniacum prohibetur, ne Episcopus pro pecunia aliquem promoveat ad officium dispensatoris, seu æconomi: aut defensoris, seu Syndici: aut Judicis circa

res temporales Ecclesiæ. Ita plerique DD. apud Cajet. ver. Simonia reg. 3.

*Sciendum* 11. Quod simonia ex solo jure Ecclesiastico ortum ducens, nullam vere, proprie, atque univoce dictam rationem simoniæ habere potest, ut docent Sotus, Valen. Laym. Quemadmodum fieri non potest, ut contractus, qui sua natura usurarius non est, jure positivo vere, ac proprie usura evadat. Nam, sicut omnis usura debet esse lucrum ex mutuo, & consequenter ubi hæc ratio reperitur, ibi usura est contra jus naturale, & divinum: ubi vero non reperitur, ibi non est vere, & proprie usura, quamvis illicitus, ac pœnis usuræ subjectus contractus esse possit propter positivum jus, ubi hoc viget: Sic etiam omnis simonia debet esse emptio, aut venditio, seu contractus onerosus, seu commutatio rei spiritualis pro temporali tanquam pretio: quæ ratio ubi reperitur, ibi simonia est juri naturali, ac divino repugnans: ubi vero non reperitur, ibi non est vere, ac proprie simonia, licet possit esse padio irreligiola, & sacrilega, & pœnis simoniæ subiecta propter Ecclesiasticæ legis prohibitionem, intuitu religionis, sive reverentiæ rebus sacris debitæ, eam prohibentis. Quod ipsum aperte significat Navar. lib. 2. cap. 2. num. 100. Imo hanc esse communem sententiam Doctorum ait Valent. qu. 16. p. 5. licet eam impugnet Suarez cap. 41. n. 3.

*Sciendum* 111. Quod simonia dividitur secundo in Mentalem, Conventionalem, & Realem. Mentalis simonia dicitur hoc loco, non ea, quæ in sola mente, sive proposito, seu intentione consistit committendi simoniam: sed quæ in externum opus transit, quod, licet exterius nullo modo, nec per se, nec propter adjuncta, simoniacum sit, seu appareat, ex sola tamen intentione, & affectione tale est. Videlicet, si aliquis rem spirituales alicui conferat, quasi ex obligatione justitiæ in compensationem obsequii temporalis indebiti, licet nulla padio, nec expressa, nec tacita, antecesserit. Et viceversa, si aliquis rem temporalem alicui conferat, quasi ex obligatione justitiæ eam debeat in compensationem pro spirituali re, ab alio sibi collata, nulla prius antecedente pactione, sicuti bene explicat Ugolin. tab. 2. in fin.

Quare

Quare simonia mentalis plerumque accidit ex parte tantum unius dantium : quamvis etiam accidere possit ex parte utriusque, sed casualiter tantum, non ex conventionem, sicuti notavit Suar. cap. 4t. n. 3. in fin.

*Sciendum* iv. Quod simonia conventionalis dicitur, quæ in pactionem mutuam, expressam, vel tacitam transit : sed reali traditione, seu executione nondum consummata est. Porro conventionalis simonia est duplex. Una pure conventionalis, cum ex neutra parte traditio sublecuta est. Altera mixta, cum vel traditio rei temporalis, sive pretii tantum facta est, nondum tradita rei spirituali : vel vice versa, tantum rei spiritualis traditio facta est, nondum traditio pretio, seu rei temporalis. Inter quas simonias hæc posterior detestabilior apparet, & magis accedens ad malitiam, & consummationem simoniæ realis. Nam deformitas, & malitia, aut irreligiositas simoniæ in eo consistit, quod res spiritualis in commutationem veniat pro temporali pretio : id vero consummari videtur hoc ipso, quod res spiritualis tali intentione propter præcedentem pactionem traditur, sicuti notavit Suarez cap. 4t. n. 8. & seqq.

*Sciendum* v. Quod Realis denique simonia dicitur, quæ ipsa rei traditione perficitur, & consummatur, sive ex parte unius tantum contrahentium, quæ dicitur simonia mixta : sive ex parte utriusque, quæ perfecte consummata, & simpliciter realis dicitur. Unde ex dictis duo colliges. Primo, quod simonia conventionalis est quasi media inter mentalem, & realem : quia mentali simoniæ conventionalis superaddit externam pactionem, expressam, vel virtualem, seu tacitam : ipsi vero conventionali realis simonia superaddit executionem, seu traditionem rerum, de quibus simoniaca conventio facta est. Secundo, quod, si quis scilicet promittat dare rem spirituales pro temporali, sine animo se obligandi, ac servendi, is conventionem simoniacam non committit, sed fingit se committere. Eademque ratione is, qui scilicet promittit dare rem temporalem pro spirituali, conventionalem simoniam non committit, sicuti recte notant Cajet. Sor. Valent. Ille vero, qui ita deceptus dat

rem temporalem pro promissa spirituali, simoniam dumtaxat mentalem committit, propter quam nulla poena incurritur : quamvis uterque a Iudice puniri possit, sicuti notavit Suarez cap. 4t. n. 4.

## CAPUT X.

*Utrum sit conveniens simoniaci poena, ut privetur eo, quod per simoniam acquisivit. 2. 2. qu. 100. art. 6.*

**D**enique considerandum est de poenis simoniaci. Et primo de poena temporali, qua privatur eo, quod per simoniam acquisivit. Secundo de poenis spiritualibus, quas incurrit. Circa primum igitur

*Sciendum* 1. Quod nullus potest licite retinere id, quod contra voluntatem Domini acquisivit. Puta, si aliquis dispensator de rebus domini sui daret alicui contra voluntatem, & ordinationem Domini sui, ille, qui acciperet, licite retinere non posset. Dominus autem, cujus Ecclesiarum Prælati sunt dispensatores, & ministri, ordinavit, ut spiritualia gratis darentur, secundum illud Math. 10. *Gratis accepistis, gratis date*. Et ideo, qui muneris interventu spiritualia quæcumque assequitur, ea licite retinere non potest. Nec potest repetere pecuniam, quam turpiter deit, licet alius injuste detineat, quia injuste acquisivit. Unde damnata fuit ab Alexan. VII. hæc prop. 22. *Non est contra iustitiam beneficia Ecclesiastica non conferre gratis : quia collator conferens illa beneficia pecunia interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur*. Simoniacus ergo peccat contra iustitiam, & per hoc, quod vendit rem spirituales, vel spirituales annexam, contra voluntatem domini : & quia exigit pretium rei, quam vendere non potest, adeoque sine ullo iure exigendi. Unde nec qui vendit rem spirituales, retinere potest pretium injuste acquisitum : nec qui emit rem spirituales, potest illam licite retinere, quamvis in poenam delicti non possit repetere pretium. Quo supposito,

*Sciendum* 11. Quod hoc, quod aliquis privetur eo, quod accepit, non solum est poena

pœna peccati, sed etiam quandoque est effectus acquisitionis iniustæ: puta, cum aliquis emit rem aliquam ab eo, qui vendere non potest. Et ideo, si aliquis sciens, & propria sponte simoniace accipiat ordinem, vel Ecclesiasticum beneficium, non solum privatur eo, quod accepit, ut scilicet careat executione ordinis, & beneficium resignet cum fructibus inde perceptis, sed etiam ulterius punitur, quia notatur infamia: & tenetur ad restituendos fructus non solum perceptos, sed etiam eos, qui percipi potuerunt a possessore diligenti. Quod tamen intelligendum est de fructibus, qui superflui, detractis expensis factis causa fructuum, exceptis fructibus illis, qui alias expensis sunt in utilitatem Ecclesiæ. Si vero eo insciente, nec volente, per alios alicujus promotio simoniace procuratur, caret quidem ordinis executione, & tenetur resignare beneficium, quod est consecutus cum fructibus extantibus: non autem tenetur restituere fructus consumptos, quia bona fide possedit; nisi forte inimicus ejus fraudulenter pecuniam daret pro alicujus promotione, vel nisi ipse expresse contradixerit. Tunc enim non tenetur ad renunciandum, nisi forte postmodum pacto consenserit, solvendo, quod fuit promissum.

*Sciendum 111.* Quod pecunia, vel possessio, vel fructus beneficii simoniace accepti debent restitui Ecclesiæ, in cujus injuriam data fuerunt, non obstante, quod prælatus, vel aliquis de collegio illius Ecclesiæ fuit in culpa: quia eorum peccatum non debet aliis nocere; ita tamen, quod quantum fieri potest, ipsi, qui peccaverunt, inde commodum non consequantur. Si vero prælatus, & totum collegium sunt in culpa; tunc debet cum auctoritate superioris, vel pauperibus, vel alteri Ecclesiæ erogari. Pretium autem simoniace acceptum pro re spirituali vendita, ex ipso jure naturæ deberet restitui danti, qui iniuste læsus fuit a venditore: sed quia, qui solvit pretium, ex ipso jure naturali meretur privari pretio jam soluto, ratione patratæ delicti, indignus esse videtur, ut ipsi restitutio fiat, arg. l. 2. Cod. de conditiis ob turpem causam. Quam ob rem S. Thom. 2, 2. q. 32. a. 7. & q. 62. a. 5. ad 2. Adrian. Covar. Sylv. Navar. Less. &

alii communiter dicunt, quæ simoniace accepta fuerunt, ea post præstitam rem spirituales, non danti, sed Ecclesiæ, aut pauperibus restituenda esse. Sotus autem; Bannez, & alii apud Less. dicunt, generaliter ante Judicis sententiam restituendum esse danti. Neque obstat, quod Navar. objicit; Turpiter acceptum restituendum non esse turpiter danti, cum sit in pari turpitudinis causa. Nam regula ista locum habet in foro externo, in quo datum ob turpem causam non potest repeti. Abbas vero, Covar. Victor. Suar. Laym. dicunt, quod pretium acceptum pro renunciatione beneficii, electione, aut præsentatione ad illud, ante Judicis sententiam restitui debet Ecclesiæ, in cujus injuriam simonia commissa est, quia ita jura decernunt, quod etiam docet D. Tho. in præsen. art. ad 4. Quamvis consuetudine obtentum sit, ut pauperibus restitui liceat, ut aliqui dicunt. In aliis vero casibus ante sententiam Judicis restituendum est danti, quia nulla jura asserri possunt, quæ ante Judicis sententiam in conscientia obligent, ut acceptum simoniace ad pios usus convertatur, sed quod dans ob turpem causam mereatur dato privari, propter quod non potest illud in judicio repetere.

*Sciendum 1v.* Quod, si aliqui sunt in monasterio simoniace recepti, & ibi votum solemne fecerint profitendo; non possunt quidem absolvi ab obligatione voti, sed debent ejici a Monasterio illo, in quo fuerunt simoniace recepti. Et, si his scientibus commissa est simonia post consilium generale, sine spe restitutionis de monasterio suo repelluntur secundum jura, & ad agendam perpetuam penitentiam sunt in arctiori regula ponendi, vel in aliquo loco ejusdem Ordinis, si arctior Ordo non inveniretur. Si vero hoc fuit ante consilium, debent in aliis locis ejusdem Ordinis collocari. Et, si hoc fieri non potest, dispensative debent in eisdem monasteriis recipi, ne in sæculo evagentur, mutatis tamen prioribus locis, & inferioribus assignatis. Si vero ipsi ignorantibus, sive ante consilium, sive post, sint simoniace recepti, postquam renunciaverint, possunt de novo recipi, locis mutatis; ut dictum est. Ante professionem vero debent ad sæculum ejici, quia receptio invalida fuit.

Et

Et ideo verum est, quod debet etiam Monachus, quod simoniace acquisivit, amittere, quantum fieri possibile est.

*Sciendum v.* Quod apud Deum sola voluntas facit simoniacum, unde & simonia per voluntatem definitur, ut dictum est in cap. 1. Sed quoad poenam Ecclesiasticam exteriorem non punitur, ut simoniacus, ut abrenunciare teneatur ea, quæ acquisivit intentione simoniaca, sed debet de mala intentione poenitere, arg. cap. ult. de simonia. Quod verum est, quando prudenter præsumi potest, quod alter liberaliter dederit, sine ulla intentione simoniaca, adeoque donatio valida fuerit ex parte dantis, & sufficiens ad transferendum dominium in accipientem. Si vero ille, qui dedit rem, nunquam habuerit animum donandi, sed simoniace dandi, licet hanc intentionem in pactum non deduxerit, & hoc ex circumstantiis prudenter judicari possit a recipiente, non potest retinere ea, quæ simoniaca intentione accepit, sed teneretur ea restituere. Quia, sicut in usura non est titulus accipiendi, aut acquirendi auctarium ratione mutui dati, sed solum ratione liberalis, seu gratuitæ donationis: ita in simonia non est titulus accipiendi, aut acquirendi aliquid, quod gratis non datur, sed intentione simoniaca solum venditur, aut pro pretio rei datur, quæ in vendibilis est, uti docent Sot. Major. Suar. Modin. Clavius, Henr. contra Cajet. Navar. Philiar.

*Sciendum vi.* Quod dispensare cum eo, qui est beneficiatus simoniace scienter, solus Papa potest. In aliis autem casibus potest etiam Episcopus dispensare; ita tamen, quod prius abrenuntiet quod simoniace acquisivit: & tunc dispensationem consequatur, vel parvam, ut habeat laicam communionem: vel magnam, ut post poenitentiam in alia Ecclesia in suo ordine remaneat: vel majorem, ut remaneat in eadem, sed in minoribus ordinibus: vel maximam, ut in eadem Ecclesia etiam majores ordines exsequatur, non tamen prælationem accipiat.

## CAPUT XI.

*De poenis spiritualibus simoniaci in generali.*

**S**imoniaci, tam vendentes, quam ementes spiritualia, aut etiam mediatores, non solum privantur eis, quæ per simoniam acquisiverunt, sed insuper aliis poenis puniuntur, scilicet infamia, & depositione, si sint Clerici, & excommunicatione, si sint laici, ut habetur, 1. q. 1. cap. Si quis Episcopus. Et docet S. Thom. in prælen. a. 6. Quas poenas considerare oportet primo in generali, secundo in speciali. Circa illas igitur in generali consideratas.

*Sciendum 1.* Quod certum est, nullas poenas in jure latas ipso facto incurrendas reperiri pro simoniaciis, præter quam ob simoniam commissam in ingressu religionis, in receptione Ordinum, & in beneficiis Ecclesiasticis, ut colligitur ex dictis in cap. ant. & late probant Navar. Ugolin. Suar. Item certum est, ob simoniam prementalem in quacunque materia nullam poenam juris incurri, ut colligitur ex cap. ult. de simonia. Et docet S. Thom. hic art. 6. ad 6. Nec per hoc, quod simonia mentalis actu externo consummatur, poenæ incurruntur, si pravus affectus sufficienter per actum externum non exprimitur, puta, quia actus ex se est indifferens, ut patet expresse ex cap. fin. de simonia. In tali enim casu simonia per se non est externa, ut a simili dictum est de hæresi in 2. part. tract. 1. & docent Cajet. Navar. Sanch. Suar. Nec etiam ob simoniam conventionalem ex neutra parte completam ulla poena juris incurritur. Imo etiam si pretium sit datum, si tamen res spiritualis tradita non est, nullam ipso facto poenam simoniacus incurrit: quia jura semper requirunt traditionem rei spiritualis ad incurrendas poenas, ut patet ex cap. Presbyter. 1. q. 1. extrav. 1. & 2. de simonia. Dubium solum est, an secuta traditione rei spiritualis, etiam si pretium non sit solutum, poenæ incurraur a simoniaco. Ad cujus evidentiam.

*Sciendum 11.* Certum esse, quod in simonia confidentiæ sufficit ad poenas incur-

currendas traditio rei spiritualis, de qua fuit facta conventio, propter specialem dispositionem juris, ut notant Navar. Sanchez, & Salmant. In aliis vero simoniis duplex datur sententia, utraque satis probabilis, & in praxi tuta, ut dicunt Suar. Pal. Salmant. Una dicit non incurri penas juris, nisi de facto pretium recipiatur: quia pena non incurritur, nisi per solam simoniam realem: simonia autem realis, ut contradistinguitur a conventionali, non est, nisi ultra pactum detur realis traditio ex utraque parte; Jura enim hanc requirunt, & de completa ex utraque parte loquuntur: Unde, sicuti non incurrit penas, qui pretium solvit, & rem spirituales non accipit; ita nec illas incurrit, qui rem spirituales tradit, & pretium non accipit. Et ita habere stylum curiae docent Navar. Zerol. Covar. Sanch. Less. Valent. Altera vero sententia asserit sufficere, quod res spiritualis tradatur sub promissione pecuniae, ad incurrendas penas; quia per solam traditionem rei credita pecunia contractus venditionis completur, in quo simonia realis fundatur: & hoc solum jura requirunt ad incurrendas penas, ut patet expresse ex cap. ea quae, 1. q. 3. & extrav. 2. de simonia. Ita Sot. Ugol. Felin. Cajet. Tolet. Pal. & Garcia, qui probat ex variis decisionibus Rotae, hanc sententiam ex stylo Curiae esse receptam, quae proinde probabilior videtur.

*Sciendum* III. Circa simoniam realem ex utraque parte completam, quae non est talis ex jure naturali, & divino, sed solum ex jure Ecclesiastico, dubium est, an illam committens incurrat penas in jure latis contra simoniacos. Illas incurere affirmant Navar. Abb. Felin. Sot. Villal. quia isti vere sunt simoniaci, & jura indefinite pro simoniis penas decernunt. E contra negant Girard. Arag. Rodr. Sanch. Petrus Navar. Dian. & alii apud Salmant. Siquidem verba absolute prolata debent accipi in proprio, & potiori significato, maxime in dubiis, & in materia penali. Sed potius, & proprium significatum in simonia, est illa, quae jure divino, & naturali est prohibita, seu illa, quae ab intrinseco, & ex natura sua est venditio, vel emptio rei spiritualis, ut patet ex definitione simoniae: ergo ista solum subja-

cet penis contra simoniacos absolute latis in jure. Et ita colligitur ex proemio extrav. 2. de simonia. Excipitur tamen simonia confidentialis, & quae ab officialibus Episcopi in collatione Ordinum committitur: nam licet haec sit solo jure humano prohibita; tamen subiecta est penis latis a Trident. sess. 21. cap. 1. & a Pio IV. & Pio V. ob specialem, & expressam dispositionem juris.

*Sciendum* IV. Quod pena privans simoniacum jure acquisito legitime, puta beneficiis antea licite acquisitis, locum non habet, nisi post sententiam Judicis, ut dictum est in tract. de legib. in 1. part. & docent Rebuff. Bonac. Laym. Sanch. Salmant. Excipitur primo simonia confidentiae propter bullam Pii V. Secundo, simonia commissa ab examinatonibus beneficiorum in Synodo deputatis, qui privantur ipso facto beneficiis antea rite obtentis, etiam ante Judicis sententiam, ut expresse habetur in Trident. sess. 24. c. 18. In ordine autem ad beneficia in posterum obtinenda, aliqui dicunt, quod ipso facto redduntur inhabiles, quia ita expresse habetur in motu Pii V. edito anno 1566. qui incipit: Cum primum. Unde, cum in sacra Poenitentaria conceditur absolutio a simonia occulta in beneficio commissa, datur etiam dispensatio ad alia beneficia in posterum obtinenda. Sic docent Bonac. Laym. Ugol. Lug. Rodr. Alii vero id negant: quia in jure antiquo talis inhabilitas non reperitur. Motus autem Pii V. vel non est ulu receptus quoad hanc inhabilitatem, vel non obligat in foro conscientiae ante Judicis sententiam, ut plures dicunt: quia loquitur de convictis, id est per sententiam damnatis: In Poenitentaria autem dispensatio datur ad majorem securitatem, ob probabilitatem alterius sententiae. Sic Sanch. Navar. Salm. Arag. Suar.

## CAPUT XII.

### *De penis spiritualibus simoniaci in speciali.*

**D**Enique considerandum est de penis simoniaci in speciali a jure decretis. Circa quas

*Sciendum* I. Quod pro simonia commissa in



in ingressu religionis ( nomine cujus ingressus in præsentem, valde probabile est, intelligi solam professionem, in qua ingressus consummatur, ut docent *Lez. Pal. Bonac.* ) Dantes, vel recipientes aliquid pro ingressu, scienter tamen, & præsumentes, ipso facto, si sint singulares personæ, incurrunt excommunicationem Papæ reservatam, ex *extrav. de simonia*, cap. 1. Capitulum vero incurrit suspensionem quoad actus capitulares pertinentes ad jurisdictionem, vel administrationem Ecclesiasticam. Professio vero simoniaca, licet sit valida, tamen sic professus, vel recipiens simoniace, de monasterio expellendus est sine spe restitutionis, & in locum arctioris regulæ ad perpetuam poenitentiam detrudendus, juxta cap. Quoniam, cap. de regular. de simonia. Et sunt perpetuo infames ex dicta *extrav. 5.* cæterum, & consequenter sunt irregulares irregularitate ex infamia orta, ut notant *Lez. Less. Laym. Salmant.*

*Sciendum 11.* Quod pro simonia in Ordinem susceptione commissæ, qui simoniace aliquem ordinat, aut ad conferendum Ordinem mediator, seu præsentator existit, eo ipso est excommunicatus excommunicatione Papæ reservatâ, quacumque fulgeat dignitate, Pontificia, aut Cardinalitia, juxta *extrav. 2.* Cum detestabile, de simonia. Sed, cum pœnæ restringendæ sint, & prima tonsuræ verus ordo non sit, ad illius simoniacam collationem hæc excommunicatio non extenditur, ut docent *Less. Pal. Salmant.* Insuper simoniacus ordinator ipso jure a collatione quorumcumque ordinum, etiam primæ tonsuræ, & exercitio omnium Pontificalium suspenditur a Xisto V. in bulla, quæ incipit; Sandum, & salutare, quam Clem. VIII. non revocavit quoad pœnas simoniacorum, ut notant *Sanch. Henrig.* & insuper est interdictus ab ingressu Ecclesiæ, & alias pœnas incurrat, si censuras violaverit, ex declaratione Xisti V. in cit. bulla.

*Sciendum 111.* Quod ordinati simoniace, si ipsis scientibus id fiat, incurrunt excommunicationem Papæ reservatam, & suspensionem ab executione omnium Ordinum susceptorum, & spe attendendi ad alios superiores, ut patet ex bulla Xisti V. *extrav. cit.* Dictam suspensionem incurrere per modum pœnæ ordinatum simoniace,

. P. Soffetti Theol. Tom. V.

quamvis absque sua culpa, quia eo ignorante simonia ab altero commissæ est, docet S. Thom. in præsentem qu. ar. 6. & cum eo *Fellin. Arag. Sot.* Oppositum tamen defendunt *Sanch. Lez. Villal.* Qua de re vide, quæ supra dicta sunt in cap. 10. Denique scienter ordinati simoniace, & contentientes simoniæ ab altero commissæ in sui ordinatione, incurrunt pœnam infamiæ, & depositionis ex cap. ult. q. 3, quæ pœna solum post Judicis sententiam incurritur. Addit Xistus V. omnes prædictas censuras, & inhabilitates esse Papæ reservatas, revocans circa hoc omnia privilegia Episcopis, & regularibus concessa etiam a Trident. Sed hanc bullam in hac parte non esse usum receptam, docent *Less. Pal. Salmant.*

*Sciendum 1v.* Quod pro simonia commissâ in beneficiis ( quorum nomine veniunt Abbatis, Generalatus, Provincialatus, Prioratus, & aliæ Ordinum regularium Prælaturæ ) conferentes, vel procurantes alteri officium, aut beneficium Ecclesiasticum simoniace, sive per electionem, postulationem, nominationem, confirmationem, sive publice, sive secreta, incurrunt excommunicationem Papæ reservatam. Eam etiam incurrunt recipientes, mediatos, & procurantes, seu cooperantes, ut patet ex *extrav. Cum detestabile*, de simonia. Et ex bulla Xisti V. Insuper omnes provisiones, & collationes talibus factæ sunt nullæ. Quas pœnas, præter excommunicationem, incurrat qui simoniace promovetur ad beneficium, etiam si simonia ab alio commissæ sit ipso nesciente, ut docet S. Thom. ar. 6. vel ipso sciente, & non contradicente, ut patet ex cap. Nobis facit, 27. cap. sicut tuis, 33. de simonia. Excipe, nisi eo nesciente simonia in fraudem, aut odium ipsius ab altero sit commissæ; ut dictum est in cap. 10. Insuper incurrunt inhabilitatem ad beneficia in posterum obtinenda; ut plures docent, quamvis id alii negent.

*Sciendum v.* Quod præter communes pœnas omnibus simoniacis impostas, pro simonia confidentiæ Pius IV. & Pius V. speciales assignant. Quarum prima est, quod Cardinales, Episcopi, & alii Prælati, qui committunt hanc simoniam confidentiæ, sunt interdicti ab ingressu Ecclesiæ, & si

P

ingre-

ingrediantur, sunt irregulares. Secunda, quod inferiores sunt ipso facto excommunicati excommunicatione soli Papæ reservata. Tertia, quod collatio, & acquisitio beneficii taliter facta, est nulla, etiamsi non sit completa: sed statim, ac quis simoniace beneficium recipit in confidentia, privatur beneficio, & fructus omnes restituere tenetur, Cameræ Apostolicæ consignandos. Quarta, qui post dictas constitutiones beneficium in confidentiam receperint, privantur omnibus beneficiis antea jure obtentis, & ipso jure sunt inhabiles ad illa, vel alia in posterum obtinenda. Ad hoc tamen, ut istæ poenæ incurrantur, requiritur, quod resignatio beneficii in confidentia fiat in manibus Prælati potentis illam admittere, si simonia non adesset, ut notant Salmant.



## TRACTATUS DECIMUSTERTIUS.

### *De Immunitate Ecclesiastica.*

**C**onsequenter considerandum est de immunitate Ecclesiastica, quæ comprehendit omnia privilegia statui Clericorum annexa. Et primo in præsentî tractatu considerandum est de Immunitate proprie dicta, quæ concernit personas, causas, loca, & res Ecclesiasticas. Secundo in sequentibus de immunitate improprie, seu metaphorice dicta, quæ concernit tempora Deo dicata. Circa primum igitur sit

### CAPUT PRIMUM.

*Quid sit Ecclesiastica Immunitas, & quo jure introducta.*

**C**irca immunitatem Ecclesiasticam quatuor consideranda sunt. Primo quid sit, & quo jure introducta. Secundo circa quid sit. Tertio quibus modis violetur. Quarto, utrum per contrariam consuetudinem tolli, aut minui possit. Circa primum igitur in præsentî

*Sciendum 1. Quod Immunitas dicta est*

quasi muneris vacatio, prout munus inter alia onus significat, cujus remissio, sive liberatio immunitatem præstat, sicut habetur in l. munus 18. de ver. signific. & l. 1. ff. de jure immunit. Quare Ecclesiastica Immunitas sic recte definitur. *Jur, quo loca, res, vel persona Ecclesiastica a communi onere, seu obligatione libera, & exempta sunt.* Quare alio nomine appellari solet libertas, seu exemptio Ecclesiastica, arg. cap. Adversus, de Immunit. Eccles. Unde duo colliges. Primo, quod triplex est Ecclesiastica Immunitas, scilicet localis, quæ Ecclesiis, & similibus Ecclesiasticis locis competit: Realis, qua aliæ res, seu bona Ecclesiastica gaudent: Personalis, quæ personis Ecclesiasticis debetur. Quibus addi debet quarta species, quæ est negotiorum, seu causarum Ecclesiasticarum, suapte natura exemptarum a potestate sæculari; quæ tamen ad prædictas tres species reduci videtur. Secundo, quod particularis alicujus Ecclesiæ, aut Ecclesiasticæ personæ exemptiones, seu privilegia, nomine Ecclesiasticæ immunitatis comprehendendi non solent: sed solum exemptiones illæ, quæ toti statui Clericorum, vel omnibus locis, aliisve rebus Deo peculiariter dicatis, communes sunt, sicuti notavit Innoc. & Abb. in cap. Noverit, num. 2. de sent. excom. Quæ ipsa causa est, cur Clerici, ne juramento quidem, Ecclesiasticæ immunitati renunciare possint, cap. si diligenti, de foro compet. Quia non ob peculiarem aliquorum, sed communem Ecclesiasticæ hierarchiæ favorem constituta est.

*Sciendum 11.* Quod non pauci ex Theologis docuerunt, exemptionem Clericorum a civilium principum, & magistratum jurisdictione, tam quoad illorum personas, quam quoad res Ecclesiasticas, immediate protectam esse ex christianorum principum privilegiis, cum consensu, & approbatione totius populi christiani concessis: quæ exemptorum privilegia a Summis Pontificibus, aliisque Ecclesiæ prælatiis, non tantum acceptata, sed etiam propriis sanctionibus confirmata, & defensa fuerunt. Addunt tamen, quod principes, & magistratus sæculares exemptionem Clericis concessam revocare, eoque jugo suo subicere nunquam possint sine gravi scelere, & tyrannide: quia Christianis principi-

cipibus naturalis, atque divina obligatio incumbit, Clericos, & omnes personas, & res Christo peculiariter dicatas a potestate, & jurisdictione eximendi, quatenus ad convenientem Christianæ Ecclesiæ statum necessarium est: uti significat S. Thom. lect. 1. in cap. 13. ad Rom. Ita Sot. Victor. Medin. Palat. Mol. Henriq.

*Sciendum* 111. Quod vera sententia docet, dictam Immunitatem, seu exemptionem Clericorum a divino jure proficisci: legibus autem cum civilibus, tum canonicis, declaratam, & confirmatam esse. Ita Canonistæ communiter, & ex Theologis Almain. Bellarm. Azor. Valen. Suar. Laym. Dicitur enim in Trident. sess. 25. cap. 20. *Ecclesiæ, & personarum Ecclesiasticarum immunitatem Dei ordinatione, & Canonice sanctionibus constitutam esse.* Cujus rationem affert Abbas in cap. Solitæ, de major. & obedient. Nulla enim potestas, sive jurisdictio, propria virtute se extendit ultra genus sui objecti, tamquam proprios limites in eo habeat. Ecclesiasticæ autem personæ, & bona sunt extra objectum, ac proprios limites jurisdictionis sæcularis, cum finis, ad quem per se, & directe ordinatur potestas civilis, sit politicus, & temporalis, sub quo res sacræ non continentur, utpote quæ ex natura sua ad finem supernaturalem ordinantur directe: sicut docet S. Thom. 2. 2. qu. 99. art. 1. ergo nulla potestas sæcularis directe, & per se se extendit ad res sacras.

*Sciendum* 1v. Quod licet privilegia exemptionis personis sacris, & rebus Ecclesiasticis ita concessa sint, ut, si potestates sæculares ea violare præsumant, injuriam Ecclesiastico statui inferant, & juri tam divino, quam humano adversentur; nihilominus is, qui toti Ecclesiæ præest, videlicet Summus Pontifex, vel Concilium generale, poterit ex justa causa aliquid remittere de privilegiis exemptionis, & sæcularibus Principibus permittere, ut adversus Clericos aliquam jurisdictionem exerceant, vel tributa aliqua exigant, sicuti infra patebit. Multo vero magis permittere possunt Prælati Ecclesiæ aliquid contra Ecclesiasticam libertatem facitari, si sine scandalo, aut majoris mali periculo prohibere non valeant. Qua ratione etiam Christus Dominus tributum pro se, & Petro

solvit, ne exactores scandalizaret. Et Paulus Apost. Cæsarem appellavit Act. 25. ut inferioris sub Cæsare constituti Judicis iniquam sententiam declinaret, sicuti ipsemet significat cap. 28.

## CAPUT II.

*De Immunitate personali, quantum ad privilegium Canonis.*

**D**Einde considerandum est de singulis speciebus immunitatis, seu potius partibus ejus. Et primo de Immunitate quantum ad personas, quæ comprehendit duo privilegia, scilicet Canonis, & fori. Circa privilegium igitur Canonis in præfenti

*Sciendum* 1. Quod in Canone, si quis suadente, 17. q. 4. Innoc. II. ob reverentiam debitam Ecclesiasticis personis, celebrem excommunicationem imponit contra illos, qui tales personas Deo dicatas lædere ausi fuerint, his verbis. *Si quis suadente diabolo manus violentas in Clericum, vel Monachum intulerit, anathematis vinculo subiacet: & nullas Episcoporum illum præsumat absolvere, nisi mortis urgente periculo, donec Apostolico conspectui præsentetur, & ejus mandata recipiat.* Porro hoc habet speciale hæc excommunicatio, quod quia illa irretitus est, absque alia declaratione ipso facto vitandus est, quoties, ut dicit Martinus V. in extray. Ad evitanda scandala, Adeo notorie illam constituit incurrisse, quod factum non possit aliqua tergiversatione celari, nec aliquo suffragio excusari. Unde

*Sciendum* 11. Quod ad hoc, ut percussor Clerici, vel Monachi sit vitandus, non sufficit post Concil. Constant. notorietas juris, scilicet per confessionem rei in judicio: sed requiritur notorietas facti, taliter, ut factum ipsum non possit ulla tergiversatione celari, aut aliquo suffragio excusari. Quare nemo tenetur illum vitare, etiam si delictum sit publicum, nisi etiam detur notorietas facti, per hoc, quod crimen ad notitiam majoris partis viciniae, aut Collegii devenierit, aut detur moralis certitudo per samam communem a fide dignis ortam, ut notant Avil. Dian. Pal. Salmant. Ad notorietatem autem facti de-

bet, ut notant Salmant. adjungi notorietas juris, aliquoquin semper poterit reus aliqua tergiversatione, aut suffragio factum excusare dicendo, se ad defensionem percussisse, aut se in ebrietate, aut ex ignorantia fecisse. Quamobrem raro contingit talem esse vitandum. Quibus suppositis, pro intelligentia majori supradicti canonis.

*Sciendum* 111. Hanc excommunicationem comprehendere omnes cujuscunque sexus, ætatis, ac status personas, etiam impubescentes, usum tamen rationis habentes, seu doli capaces, ut constat ex cap. 1. cap. mulieres, cap. pueris, de sent. excomm. Comprehendit etiam cooperantes physice, aut moraliter, mandato, consilio, & consensu, quando efficaciter influunt in percussionem, ut constat ex cit. cap. Mulieres, §. illi vero. Insuper comprehendit ratam habentes percussionem suo nomine factam, ut constat ex cap. Si quis, de sent. excomm. in 6. Insuper extenditur ad non impedientes, quando ex iustitia impedire tenentur, ex cap. quantæ, de sent. excomm. Non autem extenditur ad illos, qui ex sola charitate impedire tenentur, & non impediunt, quia illis damnum non imputatur, ut docent S. Anton. Navar. Bonac. Henric. Salmantic. contra Cajet. Sylv. Suarez.

*Sciendum* 114. Quod nomine Clerici veniunt omnes, etiam sola prima tonsura initiati, etiam si conjugati, excommunicati, vel irregulares sint. Deperdunt tamen hoc privilegium, si sint bigami bigamia reali, vel realiter degradati: vel, si in minoribus ordinibus constituti, habitum, & consuram non deferant: vel, si sint conjugati, ex licentia Episcopi alicui Ecclesie actu non inserviunt: vel, beneficium habentes, ex licentia Episcopi studio non vacant in aliqua universitate, quasi in via ad ordines sacros, sicut constat ex cap. un. de Cleric. conjug. & Trident. sess. 22. c. 6. Deinde privantur hoc privilegio Clerici, qui, abjectis Ecclesiasticis vestibus, negotiis se ingerunt secularibus, & tertio a suo Prelato moniti, non corriguntur, cap. contingit 45. de sent. excomm. Imo, si abjecto habitu, tyrannidi, ac enormitatibus se immisceant, privantur ipso facto hoc privilegio ante omnem monitionem, cap.

perpendimus 23. cap. Cum non ab homine 14. de sent. excomm.

*Sciendum* v. Quod nomine Monachi veniunt omnes regulares utriusque sexus, donati, conversi, novitii, ut probant Sanch. & Barbosa. Item Equites S. Jacobi, Alcantaræ, & Calatravæ, & S. Stephani: quia vel sunt veri religiosi, ut volunt Sanch. & Pelliz. vel saltem sunt personæ Ecclesiasticæ gaudentes privilegiis religionum, & statui Ecclesiastico annexis. Qua de re Dian. Mota. Cevallos. Similiter fratres tertiarum, Mantellati, Corrigiati, alique hujusmodi, si vere collegialiter vivant, seu cum claustralibus habitent, gaudet hoc privilegio: & etiam mulieres virginalem, seu cœlibem, aut vidualem expresso voto, & sub dicto habitu vitam traducentes, sicut declaravit Sacra Congreg. Cardinalium ex Constit. Concilii Lateran. sub Leon. X. quæ habetur sess. 11. Qua de re Salmant. Portel. Rodr. Lea.

*Sciendum* vi. Quod ad incurrendam hanc excommunicationem requiritur, quod actio sit injuriosa, graviter peccaminosa externe, & violenta, in Clerici, vel Monachi personam, aut rem illi adherentem, ita, ut re ipsa lædatur, ut ex communi docent Salmant. & noster Piselli. Unde sequitur, quod excommunicationem incurrit, qui Clericum, aut Monachum mutilat, percutit, verberat, violenter detinet, ne exeat, incarcerationem, hostiliter insequatur taliter, ut infamatio sit causa lésionis: aut, si violenter aliquid e manibus auferat, vel ejus vestimenta dilacerat, illum conspuat, aut Equum, cui insidet, detineat, vel lædat. Ita colligitur ex cap. Nuper de sent. excomm. & docent Avil. Bonac. Pal. Coninek. Laym. Non autem incurritur excommunicatione, si Clericum verbis offendit, vel ad ictum conetur, re tamen ipsa illum non lædit: aut absque violentia vestes ejus surripit, etiam si ob hoc domi manere quasi inclusus cogatur: sicuti docent Cajet. Innoc. Coninek.

*Sciendum* vii. Quod non incurritur excommunicatione ob percussionem joculam, etiam si gravem, quamvis cum aliqua ira inceptam, ut colligitur ex cap. 1. de sent. excomm. aut, si quis subita cholera Clericum percutiat, antequam plene advertat quid faciat: aut quoties ex circumstantia

per-

personæ, vel ex modo, percussio, non censetur graviter injuriola: sicut accidit inter pueros rixantes, & se invicem pugno percutientes, quamvis sanguinem e naribus effundant; Inter ipsos enim levis censetur injuria, ut notant Sor. Pal. Cornick. Nec eam incurrunt, qui Clericum percutiunt, vinculis ligant, aut alia poena puniunt titulo correctionis, quando ex officio hoc faciunt, ut sunt Prælati, Magistri, parentes, & hujusmodi; sicut constat ex cap. Universitatis 24. de sent. excom. cap. ex tenore, cap. Cum voluntate eod. tit. Quod verum est, etiamsi ira correpti excessum committerent in puniendos dummodo id principaliter ex odio non faciant; etiamsi Clericus sit in sacris constitutus: sicut docent Angel. Avil. Bonac. Suar. contrarium tamen docet N. Piffelli quoad Clericum constitutum in sacris, ex cap. Cum volunt. §. Si qui vero, de sentent. excom.

*Sciendum VIII.* Quod excusantur ab hac excommunicatione incurrenda, qui occidunt, mutilant, vel graviter offendant, aut lædunt Clericum, vel Monachum, quando illum inveniunt turpiter agentem, etiamsi actibus non consummatis, cum sua uxore, matre, sorore, aut filia, si hoc faciant in flagranti, & in continenti, quamvis in hoc graviter peccent, sicut constat ex cap. Si vero 1. de sent. excom. Similiter excusatur mulier, quæ a Clerico de turpi facto tentata, illum percusserit ob defensionem honoris, quando illum aliter avertere verbis non potest, uti docent Suar. Avil. Sylv. Denique excusantur omnes, qui ob defensionem justam, & inculpam Clericum, aut Monachum percutiunt, vel occidunt. Non autem excusatur Clericus se ipsum graviter percutiens, aut occidens ex odio, aut ira graviter peccaminosa: nec alii Clericum graviter percutientes, etiam si ipse consentiat: temper enim fit gravis injuria statui Clericali; ut notat N. Piffelli & cap. Contingit 1. de sent. excom.

*Sciendum IX.* Ex D. Thom. suppl. 3. p. quæst. 24. art. 1. Quod ab hac excommunicatione, quamvis Papæ reservata, potest absolvi percutiens in octo casibus. Primus est in articulo mortis, in quo a qualibet excommunicatione potest quis a quolibet

*P. Soffetti Theol. Tom. V.*

Sacerdote absolvi. Secundus, si sit officarius alicujus potentis, & non ex odio, vel proposito percussit. Tertius, si percutiens sit mulier. Quartus, si sit servus, & dominus læderetur de ejus absentia, qui non est in culpa. Quintus, si regularis regularem percutiat, nisi sit enormis excessus. Sextus, si sit pauper. Septimus, si sit impubes, vel senex, vel valetudinarius. Octavus, si habeat inimicitias capitales. Insuper quotquot habent legitimum impedimentum, ut non possint apostolico conspectui præsentari, vel ejus legato. Item Clerici collegialiter viventes possunt absolvi ab Episcopo ex cap. quoniam, de vita, & honest. Cleric. Qua de re N. Piffelli part. 3. tract. 2. App. 1. Ultra hos casus, regulares absolvere possunt ab hac excommunicatione extra Italiam, & intra Urbem, ut constat ex eorum privilegiis.

### C A P U T III.

*De Causis, & negotiis Ecclesiasticis a civili potestate omnino exemptis.*

**D**Einde considerandum est de exemptione a foro civili. Et primo de causis, & negotiis Ecclesiasticis omnino exemptis a potestate, seu jurisdictione civili. Circa quod

*Sciendum 1.* Quod causæ triplicis generis sunt, aliæ spirituales, seu mere Ecclesiasticæ: aliæ mere civiles: aliæ mixtæ. Causæ spirituales censentur omnes illæ, quæ sunt de fidei doctrina, sacrificio, & Sacramentis, Ministrorum ordinatione, officijs, beneficiis; Ecclesiarum, vaforum, virginum consecratione, & canonizatione Sanctorum: votorum obligatione, & observatione: & denique omnibus, quæ vel ad Dei cultum, vel spirituales animæ salutem, atque ad peccatorum emendationem spectant. Causæ mere civiles dicuntur, quæ sunt de laicorum dominio, tutela, contractibus, testamentis, ac similibus, quæ formam suam, atque obligationem a civili jure acceperunt: Cujusmodi causis Ecclesiastici Judices, ac Pastores ordinarii se immiscere non possunt: quia utriusque potestatis, cum civilis, tum Ecclesiasticæ, officia discreta esse debent, sicut ait Ni-

*P 3 colaus*

colaus I. Epist. ad Michaellem Imperat. Denique sunt aliquæ causæ mixtæ, quæ ad utrumque, tum sæculare, tum Ecclesiasticum forum pertinere possunt: & ideo in his datur locus præventioni. Quod possimum accidit in criminibus, quæ dicuntur mixti fori. Pro quorum notitia

*Sciendum* II. Ex doctrina Gloss. in Somma causæ II. quæst. I. Quod similiter crimina, alia sunt mere Ecclesiastica, alia mere civilia, alia mixta. Crimen mere Ecclesiasticum dicitur dupliciter. Primo, quod solum Canonico, ac divino positivo juri adversatur: puta, violatio jejunii, aut aliorum præceptorum Ecclesiæ, aut Christi circa Sacrificium, & Sacramenta. Secundo, quod jure etiam naturali prohibitum est immediate, sed a sæculari magistratu non cognoscitur; nec punitur, vel quia ab eo cognosci non potest propter sui spiritualitatem, ut hæresis, simonia: vel, quia non solet cognosci, cum non sit prohibitum jure civili, ut violatio pacti simplicis, deceptio infra dimidium pretii iusti in contractibus. Crimen mere civile, dicitur transgressio legis mere temporalis, & politice, puta, defraudatio vestigalium, tributorum, delatio armorum, & hujusmodi, quæ secundum formam juris civilis regulari debent. Crimina mixta, seu utriusque fori dicuntur, quæ vel utroque positivo jure, canonico scilicet, & civili prohibita sunt: vel quæ, non solum statui politico, sed etiam supernaturali fini reipublicæ Ecclesiasticæ repugnant, ut sunt violatio Sponsalium, Adulterium, usura, blasphemia, perjurium, sacrilegium, & alia, ut videre est apud Gloss. in cap. Cum sit, de jure compert.

*Sciendum* III. Quod Catholica veritas est, quam soli hæretici negant, quod causæ omnes spirituales, suapte natura, & institutione divina ab omni sæcularium principum potestate, & jurisdictione poenitus exemptæ, & liberæ sunt. Quare etiam Ecclesiasticæ appellantur, quia earum cognitio, ac tractatio, ad Ecclesiæ Prælatos proprie spectat. Potestas enim, seu jurisdictionis Ecclesiastica, & civilis sunt inter se poenitus diversæ, & cum origine, tum fine, ad quem ordinantur, omnino discretæ: & ideo versari, & contineri debent

intra limites materiæ sibi proportionatæ; quæ proportio ex fine desumitur, supernaturali scilicet, vel politico. Unde Ambros. lib. 3. Epist. 39. dicit. *Noli te gravare Imperator, ut putes, te in ea, quæ divina sunt, imperandi aliquod jus habere: sed, si vis divinitus imperare, esto Deo subditus: Scriptura est; Quæ Dei, Deo: quæ Cæsaris, Cæsari.*

*Sciendum* IV. Quod, sicut corpus spiritui, ita potestas civilis subjecta esse debet potestati Ecclesiasticæ, & non e contra, in his, quæ ad finem supernaturalem ordinantur, & ad salutem animæ pertinent. Unde Athanas. in Epist. ad solitariam vitam agentes, dicit. *Ne te misceas Ecclesiasticis, neque nobis in hoc genere præcipe: sed potius tu a nobis disce;* loquitur cum Imperatore. Hinc fit, quod licet potestas Ecclesiastica non debeat se intramittere causis mere civilibus, ordinarie loquendo, & directe; tamen extraordinarie, & indirecte potest se illis immiscere, quatenus, vel spirituali fini contrariantur, ut errantes corrigat, vel pertinaciter delinquentes per censuras ad resipiscendum compellat, maxime in causis miserabilium perlonarum, quando in foro civili injuste gravantur, ut colligitur ex cap. I. & 2. dist. 87. cap. Ex parte, de foro compet. cap. Novit. de Judiciis.

*Sciendum* V. Quod in causis mixti fori, actor sub quo maluerit Judice reum convenire potest: Quare locus datur præventioni, ut habetur ex cap. Cum sit. Sed, si ab uno Judice causa cognita fuerit, utrum etiam alter Judex, saltem ex officio procedere, & reum punire possit, non concordant Doctores, ut videre est apud Covar. 2. resol. cap. 10. n. 6. Arbitror tamen dicendum, quod, si sub uno Judice reus absolutus fuerit, alter nihilominus causam cognoscere, & si secundum allegata nocens reperiatur, punire eum potest: quia Jurisdictio Ecclesiastica, & sæcularis sunt omnino separatæ, & discretæ: adeoque absolutio in uno Judicio non parit exceptionem rei in altero Judicio. Ita ex communi Covar. Clar. Laym. Si vero poena inflicta ab Ecclesiastico Judice sit tantum spiritualis, puta excommunicationis, non prohibetur Judex sæcularis reum afficere poena sui juris propria, videlicet corporali,

porali, aut multa pecuniaria, ut ex communi docent Farinac. Navar.

*Sciendum* vi. Quod, si Ecclesiasticus Judex reum in suo foro punivit levius, quam merebatur, sive id factum sit ob ignorantiam juris, aut facti, aut similem accidentariam causam: sive, quia Judex non de toto delicto judicare vult, sed tantum secundum qualitatem pertinentem ad suum forum, tali casu Judex secularis, causa denuo in suo foro cognita, reum punire non prohibetur, sicuti docent Abb. Clar. Sanch. Molin. Denique, si reus in uno foro, nulla interveniente ignorantia, & fraude, de crimine totaliter judicatus, & punitus fuit, non potest deinde in altero foro judicari, aut puniri, ut docent Mol. Clar. Laym. Quia æquitas non patitur, ut idem de eodem crimine bis judicetur, & puniatur. Quamvis enim Ecclesiastica, ac civilis potestas diversæ sint: tamen una alteram juvare, & una alteri, quatenus æquitatis ratio permittit, consentire debet, arg. cap. i. de novi operis nunciat.

#### C A P U T IV.

##### *De exemptione Clericorum in Causis Criminalibus.*

**D**Einde considerandum est de exemptione Clericorum a foro seculari in causis, quæ spirituales non sunt. Et primo de causis criminalibus. Secundo de causis civilibus. Circa primum in præsentî,

*Sciendum* i. Clericos in omnibus causis criminalibus plenissimum fori privilegium obtinere, ut coram Judice seculari conveniri, aut puniri nullo modo possint, ut constat ex multis decretis Conciliorum, & Summorum Pontificum, quæ congerit Gratianus in causa 11. quæst. 1. Eandemque exemptionem Imperatores Christiani agnovērunt, & decreverunt, ut videre est apud Layman lib. 4. tract. 9. cap. 4. Ratio autem, & æquitas hujus exemptionis est, ut dicit Leo I. Epist. 96. ad Episcopos, & Presbyteros Thraciæ, quia valde indecens est, ut statu inferior judicet Superiorem: sed Sacerdotes, alique Clerici in digniore, & altiore statu sunt, quam laici, cap. duo sunt, dist. 96. Ergo indecens esset, atque in contumeliam Ordinis Clericalis

cederet, si Clerici a laicis judicarentur, aut condemnarentur. Plerique tamen Doctores excipiunt casum necessitatis: Quod enim per leges non licet, necessitas quandoque licitum facit, cap. Extra, de reg. juris. Verum, si exacte consideremus, necessitas, seu publici, seu privati mali averrendi, nequaquam tribuit Magistratui laico jurisdictionem in Clericos, sed solum jus defensionis, quam naturalis æquitas cuilibet permittit. Quapropter opus est, ut aliqua Clerici violentia antecesserit, vel saltem periculum violentiæ, quam necesse sit laicos per se ipsos repellere cum moderatione inculpatæ tutelæ. Ex quo

*Sciendum* 11. Quod ob defectum justitiæ, sive ob negligentiam Ordinariorum, Clericos ad secularè tribunal trahere non licet, sicuti significatur in cap. Qualiter, & quando, juncta rubr. & Gloss. ver. prohibemus. Ratio est, quia, ut inquit Abb. loco cit. n. 7. Naturale est, ut major minoris, & non minor suppleat negligentiam, seu defectum majoris. Ecclesiasticus autem Magistratus major est seculari, sicut spiritualia potiora sunt temporalibus, cap. denique, cap. duo sunt, dist. 96. Ergo Judex secularis non supplet negligentiam Judicis Ecclesiastici, sed potius vice versa, ut habetur in cap. Ex transmissa, cap. licet i. cap. ex tenore, de foro compet. Potest tamen secularis admonere, & instare apud Superiorem Ecclesiasticum, ut provideat, & invigilet: non autem se intromittere.

*Sciendum* 111. Quod, spectato communi jure, & seclisus specialibus privilegiis, non potest approbari praxis illa, quam referunt, ac defendere conantur Covar. & PP. Salmant. quod, si aliquis, seu laicus, seu Clericus, vi, aut censuris reprimatur a Judice Ecclesiastico, simplicem querelam deferre possit ad tribunal regium: tunc vero Senatoribus regiis competat, acta omnia, & processum causæ Ecclesiasticæ ad se advocare, & examinare: atque, si injustitiam commissam esse contempnerint, Ecclesiasticum Judicem ad actorum rescissionem compellere. Nam, ut optime notant Suar. & Laym. hoc esset subordinare jurisdictionem Ecclesiasticam jurisdictioni seculari tanquam Superiori, quod, sine privilegio delegationis a Sede Apostolica

lica concessio, fieri non potest sine manifesta usurpatione alienæ jurisdictionis, & immunitatis Ecclesiasticæ violatione. Quare necesse est, ut qui existimat, se injuriam, & vim pati a Judice Ecclesiastico, querelam deferat ad ejus Superiorem, videlicet Metropolitanum, vel Summum Pontificem. Quod, si in extraordinario casu id fieri non posset, tunc injuste oppressus naturali jure & se ipsum defendere, & alios quoscunque etiam laicos ad sui defensionem advocare potest, modo injuria manifesta sit, & nihil fiat per modum usurpationis jurisdictionis, sed solum per modum justæ, ac necessariæ defensionis.

*Sciendum IV.* Probabile esse, quod Clericus in flagranti crimine deprehensus, aut suspectus de proposito perpetrandi, puta, quia nocte armatus incedit, possit capi a ministro potestatis secularis, ut Ecclesiastico suo Judici tradatur, sicuti docent Abb. Navar. Sylv. Sâ. Mol. Avil. contra Hostien. aliosque. Necesse tamen est in tali casu, quod laici ex mandato tacito Prælatorum Clericum capiant, ut notavit Suarez; alioquin valde difficile, & moraliter impossibile esset absque tali mandato intra terminos necessariæ defensionis consistere, & jurisdictionem in Clericos non usurpare, ut eruitur ex cap. ut famæ, & singulariter notavit Gloss. in cap. Si Clericus ver. excedatur, de sent. excom. in 6. Similiter probabile est, Clericum debitorem, si fugiat, vel fugam meditetur, posse non tantum a Judice seculari, sed etiam a creditore privato capi, ac detineri, ut Judici suo sitatur, & ad solutionem compellatur, dummodo debitum alicujus sit momenti, ut docent Abb. Navar. Sylv. Nam hoc casu Clericus perinde se habet, ac si pecuniam alienam fugiens auferret; talem autem capi, & reduci, nemo negat posse licite fieri, quia contra vim injustam naturali jure concessum est se defendere.

*Sciendum V.* Ex D. Thom. 2. 2. q. 70. art. 1. Quod Clericus a Judice seculari vocari, & compelli non potest ad testificandum, nec etiam in causa, in qua non agitur de poena sanguinis alteri inferenda: quia testimonium alicujus auctoritate requirere, seu imperare, actus jurisdictionis est, ad proprium Superiorem spectans. Clerici

autem exempti sunt a jurisdictione secularium Judicum. Quod, si res postulare videretur, ut Clerici testimonium in aliqua causa habeatur, duo modi usurpari poterunt. Primus est, ut Clericus eorum suo Ordinario examinatus deponat, ac depositiones ejus, si opus est, ad Judicem secularem mittantur. Secundus modus est, ut Episcopus Clerico licentiam det coram seculari Judice testificandi, sicuti docent Mascard. & Farinac. Verum in causis levibus, in quibus juramentum exigi non solet, consuetudine obtentum esse videatur, ut Clerici seculares a Judice, vel a partibus rogati ad testificandum, in causis præsertim civilibus, ultro accedant, non requisita prius Episcopi licentia.

*Sciendum VI.* Quod, si aliquis post crimen commissum, Clericus, vel Religiosus fiat, non poterit a Judice seculari judicari, & puniri, ut ex communi sent. docent Abb. Covar. Navar. Suar. Quia privilegium exemptionis introductum est ad honorem status Clericalis, quod, utpote favorabile, ampliari debet, & non restringi. Si enim criminolus ad locum taciturni confugiens, inde extrahi, & a seculari Judice puniri n. n. potest; quanto minus, si ipsamet persona sacra effecta sit? Excipiunt vero Doctores communiter, nisi reus in fraudem Clericus, vel Religiosus factus sit. Dubitant tamen, in quibus casibus criminolus in fraudem clericalem statum assumpsisse credendus sit, ut videre est apud Abb. in cap. de obligatis ad ratiocinia 2. n. 5. Qua de re vide Laym. lib. 4. tract. 9. cap. 4. n. 12. Denique, si Clericus amittat privilegium fori, non poterit a Judice seculari judicari de crimine prius commissum dum privilegio fruebatur: sed de eo debet judicari a Judice Ecclesiastico: inipicitur enim tempus delicti, sicuti colligitur ex l. 1. ff. de poenis, & ex communi sent. docent Covar. Clar. Ultimo notandum est, quod quando criminolus in fraudem fit Clericus, remanet devinctus Judici seculari, non ratione personæ, sed bonorum suorum, adeoque in his solis poterit puniri, non autem in personâ, sicuti omnes concedunt.



## CAPUT V.

*De immunitate Clericorum in civilibus causis.*

**D**Einde considerandum est de immunitate Clericorum in civilibus causis. Circa quod

*Sciendum* 1. Clericos in causis etiam civilibus, ideoque etiam realibus, a seculari potestate exemptos, & coram Ecclesiastico tantum Judice suo conveniendos esse, utroque jure notissimum est. Quare hanc esse communem Doctorum sententiam testatur Abb. cap. Qualiter, de Judiciis n.8. Ratio est, quia, si bona non habeant obligationem per se, propriam sibi, seu realem, sequuntur conditionem, & statum personæ, ita, ut, si ea eximatur ab obligatione, seu jurisdictione, etiam bona ipsius exempta sint. Siquidem fieri non potest, ut Judex de bonis processum Judici, atque sententiam formet, nisi personam vocando, examinando, eidemque jubendo: quæ sine jurisdictione in illam fieri non possunt. Quare certum est, dicit Abbas, quod, si persona exempta est, etiam res ejus. Unde l. ult. C. Ubi in rem actio, & cap. ult. de foro compet. dicitur. Actor rei forum, sive in rem, sive in personam sit actio, sequitur. Quæ regula de personis omnino exemptis, & privilegiatis, sicuti sunt Clerici, abique exceptione certissima est, ut notat Laym. l.4. tract.9. c.5.

*Sciendum* 11. Quod, si bona, quæ a Clericis possidentur, comparatione laici obligationem habeant per se, sibi que propriam, puta, quia in feudum data sunt a principe; tunc non sequuntur conditionem personæ. Nam dominium semper manet apud primum conferentem, ad quem pertinet proprie de controversiis super feudo orientibus judicare, sicuti habetur expressè in cap. Ex transmissio, cap. Verum de foro compet. ubi Abb. n.13. Quamobrem in controversiis, quæ ratione feudaliū dominiorum oriuntur, ab Episcopo non ad Papam, sed ad Regem, vel Imperatorem appellandum est, ut monent Doctores in cit. cap. Verum. Quia, cum dominus laicus cognoscit in causa feudali, potius judicat super re sua, quam de Cle-

rico, cum tantum sit Judex respectu causarum, quæ oriuntur occasione feudi, ait Abb. in cit. cap. Qua de re vide Suar. libr. 4. defens. fidei Catholicæ cap. 34. num. 26.

*Sciendum* 111. Quod, si bona immobilia Ecclesiæ a laico domino donata fuerint cum revocatione jurisdictionis, quæ v. gr. laico, tanquam advocato Ecclesiæ, competere debent erga bona illi relicta, quæ jus patronatus laicale dici solet; talis conditio tanquam justa omnino servanda est, sicuti docent DD. in cap. Verum de condit. appositis, cap. Præterea 2. de jure patronat. & specialiter notat Suar. lib. 4. cap. 14. num. 13. ubi dat hanc regulam: Quoties bona a principio data fuerunt Clericis, vel Ecclesiæ sub aliqua conditione, ut semper sub eodem foro maneant, sub quo tunc existebant. Denique extra controversiam est, quod, si Clericus adversus laicum actionem intentat, coram seculari Judice comparere debet: quia actor forum rei sequitur, cap. Si Clericus, cap. Cum sit, de foro compet. Quibus tamen locis duæ exceptiones ponuntur. Una est, nisi consuetudine aliud observetur. Altera est, nisi cautæ sint mixti fori.

## CAPUT VI.

*De immunitate Ecclesiasticorum bonorum.*

**C**onsequenter ad ea, quæ pertinent ad immunitatem personalem Clericorum, considerandum est de immunitate rerum, seu bonorum Ecclesiasticorum. Circa quod

*Sciendum* 1. Quod bona ad Ecclesias, & personas Ecclesiasticas spectantia triplici genere continentur. Ad primum bonorum genus pertinent ipsæ materiales Ecclesiæ, & adjuncta cœmeteria: vala item, vestes, & quæcumque consecrata, vel benedicta sunt, tanquam divini cultus instrumenta. De quibus omnibus indubitatum est, ex speciali ratione a tributo, vengali, & quibuscumque exactionibus immunia esse debere. Raro est, quia hæc nullam utilitatem temporalem habent, quæ in æstimationem venire possit: quandoquidem ad divini cultus ministerium dedicata, nullis aliis usibus humanis, ac profanis applicari debent. Simili ratione ab  
omni

omni onere, ac servitio libera sunt Ecclesiæ arcæ, domus, & horti juxta positi; siquidem hæc omnia ferme nullum alium usum, aut fructum habere possunt, nisi ordinatum ad sacrum ministerium. Et ideo nullo prius onere, vel servitio gravari, aut, si antea gravata erant, liberari debent, juxta cap. Secundum. canonicam, cap. sancitum est, 23. qu. 8. & cap. 1. de censibus.

*Sciendum 11.* Quod alterum genus continet bona Ecclesiarum cum immobilia, tum mobilia quæcumque. Cujusmodi bona a tributis, & omni exactione secularium potestatum libera esse oportere, utroque jure certum est. Sunt enim patrimonium Christi, ut plane consequens sit, exemptionem hæc divini juris esse, quia Filium Dei liberum esse oportet ad exactionem principum terrenorum, juxta illud Matth. 17.

*Ergo liberi sunt filii.* Duæ tantum exceptiones ex communi. sent. admittendæ sunt. Prima, si fundator Ecclesiæ in fundatione moderatam aliquam præstationem cum Episcopo consensu sibi reservavit: nam ejusmodi pacta, siue conditiones servari oportere colligitur aperte ex cap. Verum, de condit. apposit. & aliis iuribus. Secunda, si bona, antequam ad Ecclesiam quocumque titulo devenerint, reali aliquo onere, servitio, pensione, tributo obligata fuerint: nam res transit cum onere suo, cap. ex litteris de pignoris. Donans enim bona Ecclesiæ juri alieno non potest præjudicare. Ex hoc tamen male inferitur, quod inter hæc onera debeant numerari tributa: quia onus solvendi tributa non est mere reale, sed adhæret rebus propter personas, quæ sub principis jurisdictione existentes, lege tributi obligari possunt: ergo, si transeunt ad omnino exemptos, pariter & illa eximi oportet, juxta regul. Juristarum: Mutata persona, mutatur etiam conditio rei. Qua de re vide Laym. l. 4. tr. 9. c. 6. ubi diffuse explicat distinctionem inter onus reale, personale, & mixtum.

*Sciendum 111.* Quod tertium genus bonorum sunt, quæ ad singulas personas Ecclesiasticas domini capaces proprie spectant. Eaque duplicis generis sunt. Nam quædam titulo spirituali acquisita sunt, puta, beneficiorum redditus, Missarum stipendia: Quædam vero ex titulo temporalis, v.g. hære-

ditate, arte, manuum labore: ideoque illæ Clericalia, hæc patrimonialia bona hoc loco appellari possunt. Bona Clericalia: ab omni exactione, & tributo secularium principum libera esse debere, est communis Doctorum sent. tradit in cap. sancitum, 23. q. 8. cap. 1. de censibus. Nam si hæc Clericorum stipendia, & lucra spectentur quoad titulum, & causam acquirendi, siue spectentur quoad personas, a quibus acquisita sunt, neutra consideratione seculari potestati subiecta esse possunt. Sed & in bonis patrimonialibus Clericos exemptos esse a secularium principum exactionibus, & jurisdictione, est communis Doctorum sent. & sumitur expresse ex c. Adversus, de immunitate Ecclesiæ. & l. 2. & constit. Item nulla, Cod. de Episc. & Cleric. quod juri divino, & naturali consonum est. Nam solvere tributum subditorum proprium est: personæ autem Ecclesiasticæ immunes sunt a jurisdictione secularium. Accedit, quod, cum domini seculares a Clericis accipiant spiritualia commoda, æquum non est, ut etiam temporalia ab iis exigant, sed potius tribuant, juxta illud Apostoli, 1. ad Cor. 9. *Si nos vobis spiritualia seminamus, magnum est, si nos carnalia vestra metamus?*

*Sciendum IV.* Quod regula illa, quam tradit Gloss. in cap. Ecclesia, ver. personis Ecclesiasticis de constit. Quod bona Clericorum propria, & bona Ecclesiarum eodem jure, ac privilegio gaudent; vera est in tantum privilegiis, quæ principaliter competunt personis, sive statui Ecclesiastico, rebus vero ipsorum accessorie, v.g. ut coram seculari iudice tanquam rei non conveniantur, etiam in causa civili, ac reali: ut a vestigali, tributo, collecta, non tantum mere personalia, sed etiam mixta, liberi, & immunes sint. Ea vero privilegia, quæ ob favorem bonorum Ecclesiasticorum principaliter data sunt, ut est beneficium constitutionis in integrum, si Ecclesia in contractu læsa sit: item, ut non tempore ordinario usucapio immobilium bonorum Ecclesiæ perficatur; non competunt bonis Clericorum propriis, sicut ex communi notavit Abbas in cap. vigilantibus, num. 36. de præscript. & in cap. Ecclesia, n. 7. Ratio est, quia bona Ecclesiastica inter res sacras numerantur, cujus rei signum est, quod

capitulum

eorum injusta ablatis sacrilegium censetur. Non ita vero bona Clericorum propria, præsertim ex temporali titulo acquisita, sacra censentur: consequenter nec ejusdem juris favorem merentur. Videri potest Suar. lib. 4. c. 23. defens. fidei.

## C A P U T VII.

*Quam personæ Ecclesiasticæ exemptione gaudeant.*

**D**Einde considerandum est in speciali de personis, quæ exemptione, seu immunitate Ecclesiastica gaudent. Circa quod

*Sciendum* 1. Quod non tantum Clerici, sed etiam regulares omnes utriusque sexus, etiam novitii eorum, & laici conversi a potestate seculari exempti, & immunes sunt. Ita sumitur ex lib. 16. Cod. Theodos. de Episc. & Cleric. l. 36. Authen. Justiniani Imper. Novella 123. §. Si quis contra, Collat. 9. quam allegat, & confirmat Gregor. l. Papa, lib. 11. Epist. 54. relatus in cap. de persona, l. 1. q. 1. & ex cap. Clericis, de immunit. Eccles. in 6. quibus in jure expressa mentio fit exemptionis personarum regularium. Item ex cap. Non minus, cap. Adversus, extr. ord. tit. & constit. Friderici Imperat. statuius, Cod. de Episc. & Cleric. quibus jure generatim eximuntur Ecclesiasticæ personæ, quo nomine comprehenduntur quoque regulares utriusque sexus, eorumque Novitii, ac laici conversi, omnesque illi, quos supra cap. 2. dixi gaudere privilegio canonis. Notanda est enim regula, quam tradit Suarez lib. 4. defens. c. 29. n. 7. Quibus personis ex vi sui status competit privilegium canonis, iidem etiam privilegium fori, seu exemptionis a potestate seculari, ac vice versa, competit. Ratio est, quia privilegium canonis ideo personis concessum est, quia sacræ sunt, Deo dicatæ; ideoque Ecclesiasticæ: Atqui ob hanc causam non oportet eas seculari potestati subiectas esse: sed ad Ecclesiæ tribunal pertinere: ergo utrumque privilegium eidem personis competere debet. Unde

*Sciendum* 11. Quod non tantum Clerici in sacris, sed etiam in minoribus ordini-

bus constituti, vel prima tantum tonsura insigniti, privilegio gaudent exemptionis, dummodo conditiones habeant requisitas a Concil. Trident. sess. 23. cap. 6. videlicet, ut, vel beneficium Ecclesiasticum obtineant, vel Clericalem habitum, & tonsuram deferentes, alicui Ecclesiæ ex mandato sui Episcopi deserviant: vel in seminario Clericorum, aut in aliqua schola, vel Universitate de licentia Episcopi, quasi in via ad majores Ordines suscipiendos, versentur. Circa quam constitutionem quædam notanda sunt. Primo, quod non statim Clericus minoribus initiatus fori privilegium amittit, si semel, aut iterum tonsuram, & habitum deferre intermiserit; sed tantum, si non deferendi consuetudinem habuerit. Contra etsi semel dimiserit, si postea sine fraude, & dolo reassumpserit, recuperat privilegium, ut ex communi docent Covar. Suar. Sylv. Layman. Secundo, etsi Clericus beneficiatus habitum, & tonsuram nunquam deferat, non amittit tamen privilegium fori, donec ab Episcopo ter monitus incorrigibilem se ostenderit, juxta cap. In audientia, cap. contingit 41. de sent. excomm. Tertio, privilegium fori, de quo hic Trident. loquitur, trahit etiam secum exemptionem a tributis, sicuti ex communi docet Suar. cap. 27. num. 14. & consuetudine observari notat Covar. c. 31.

*Sciendum* 111. Quod Clerici conjugati, qui cum unica, eaque virgine contraxerunt, si tonsuram, & vestes deferant Clericales, & statui eorum convenientes, insuper alicujus Ecclesiæ servitio, seu ministerio ab Episcopo deputati, eidem Ecclesiæ serviant, ac ministrent, præter privilegium canonis, etiam fori exemptionem retinent; tamen dumtaxat in causis criminalibus, sive criminaliter, sive civiliter agant: in causis vero mere civilibus, atque tributorum solvendarum obligatione, subiecti manent seculari potestati; nisi speciali lege, consuetudine, vel privilegio etiam in his eximantur. Ita habetur in cap. un. de Cleric. conjug. in 6. juncto Trident. sess. 23. c. 6. Adde, Clericum conjugatum, etsi negotiationem aliquam exerceat, non ideo canonis, ac fori privilegio privari, sed neque per sententiam privandum esse, nisi indecens negotiatio esse videatur. Non enim omnis

omnis negotiatio, quæ aliis Clericis prohibita est, etiam conjugatis prohibita ceteri debet, arg. cap. Joannes, de Cleric. conjug. juncta Gloss. ver. non potest, & notant Covar. Sylv. Suar. Laym. contra Clarum.

*Sciendum* IV. Quod, si captus a Judice sæculari, excipiat se Clericum esse, vel Clericali privilegio gaudentem; talis causa, seu incidens questio, non a sæculari, sed ab Ecclesiastico Judice cognosci debet: sicuti habetur expresse in cap. Si judex, de sent. excomm. in 6. Si tamen notorium sit, exceptionem frivolum, inanem, & solum fallendi causa appositam esse, haud dubie sæcularis Judex, ea rejecta, in causa principali procedere poterit. Denique notandum, quod Ecclesiasticæ personæ, quæ statum immutabilem habent, ut sunt Clerici in sacris constituti, & religiosi professi privilegium fori regulariter non amittunt, nisi eo per sententiam priventur in criminis poenam, sicuti notavit Suarez, c. 29. n. 8. Aliæ vero Ecclesiasticæ personæ, quæ statum mutabilem habent, ferme arbitrato suo abjicere possunt habitum, & eoque deposito privilegii Clericali-bus privari.

## C A P U T VIII.

*De asylo, seu jure immunitatis constituto Ecclesiis, aliisque locis piis.*

**D**Einde considerandum est de immunitate locali, seu de asylo, seu jure immunitatis constituto Ecclesiis, aliisque locis piis. Circa quod

*Sciendum* I. Quod legibus tum civilibus Christianorum Imperatorum, tum multo magis canonicis, quibus etiam dicte leges civiles approbatæ, & stabilitæ sunt, immunitas reis ad Ecclesiam, aliæque loca pia confugientibus constituta est. Quæ quidem immunitas, licet exemplar habuerit in lege Mosaicæ, & juris naturalis æquitati consentanea sit; nullo tamen jure naturali, aut divino legis Christi præcipitur. Non enim id absolute præcipit lex naturalis, etiam supposita sanctitate loci, quippe cui extrachio malefactorum, quæ per ic iusta est; haud repugnare videtur. Multo minus lex positiva Evangelica talem im-

munitatem decrevit: quandoquidem Christus Dominus supra legem naturæ, ac Fidei, nullas leges cæremoniales, nisi circa ritus sacrificii, & sacramentorum, addere voluit: reliqua vero Ecclesiæ disponenda reliquit, ut docet S. Thom. 2.æ. qu. 106. a. 2. Quo supposito,

*Sciendum* II. Quod loca, quæ hac immunitate gaudent secundum jura, sunt in primis templa, & sacella, auctoritate Episcopi consecrata, aut benedicta, aut alia ratione, puta Crucis erectione, deputata ad publicum sacrificii, & sacramentorum ulum. Nam talia loca sacra censentur, ideoque nullis temerariis ausibus prophandanda sunt, cap. penult. de immunit. Eccles. ubi id explicat Abb. n. 5. Ubi eadem ratione insert, etiam Oratoria Ecclesiastica immunitate gaudere, si cum Episcopi auctoritate divinis officiis deputata, licet nec consecrata, nec benedicta sint. Secus autem sentiendum est de privatis Oratoriis, in quibus Papa, vel Episcopus licentiam dedit Missas celebrandi: hæc enim immunitate non gaudent, uti ex communi annotavit Sanchez lib. 9. de matrim. d. 15. num. 39. extendenda est hæc immunitas. Primo, ut locum habeat etiam in Ecclesiis interdicta, aut polluta, vel violata. Secundo etiam in Ecclesiis, ubi adhuc divina mysteria non sunt celebrata. Tertio in cæmeteriis, & in omnibus locis, seu habitaculis Ecclesiæ, puta sacristia, atrio, porticu, quolibet modo Ecclesiæ adherentibus, sicuti dicitur in cap. Si quis contumax, 17. q. 4. Quarto extenditur ad domos, atria, & quæcumque loca existentia in circuitu 40. passuum in Ecclesiis majoribus 30. vero in minoribus. Quinto extenditur ad omnia loca, quæ canonico jure religiosa censentur, ut est hospitale auctoritate Episcopi constitutum, Religiosorum monasteria cum toto ambitu claustris, Episcopi Palatium etiam si ab Ecclesiâ junctum, ut eruitur ex cit. juribus. Sexto Doctores illam extendunt ad Sacerdotem manu gestantem sacram Eucharistiam, ut videre est apud Laym. lib. 4. tract. 9. c. 2. numer. 6.

*Sciendum* III. Quod omnes fideles cuiuscumque conditionis existant, si ad Ecclesias, vel loca sacra jam dicta confugiant, gaudent immunitate Ecclesiæ, exceptis casibus

sibus in jure expressis, ut constat ex cap. Inter alia, de Immun. Ecclef. cap. Frater, cap. Minor. Probabile est etiam infideles gaudere hac immunitate, ut docent Sylv. Dian. Armil. Salmant. saltem, si velint converti, ut docent Lez. Laym. Pal. & ita declarasse Sacram Congr. refert Barbofa. Probabilissimum etiam est, Clericos, & Religiosos gaudere hac immunitate respectu tuorum praelatorum, ita, ut non possint ab ipsis extrahi, si ad Ecclesiam propriam confugiant, ut sæpius declaravit sacra Congr. teste Diana, Barbofa, Farinac. Bord. Gutrier. Probabile tamen est oppositum, quod tenent Suarez, Pal. Bonac. Laym. Sylv. Lez. extenditur etiam dicta immunitas in causis civilibus, etiam ad fallitos, ut docent Farin. Suar. Pal.

*Sciendum IV.* Quod casus, ob quos hac immunitate malefactores non gaudent, sunt atrociora quædam crimina, quæ ad septem genera reducuntur, quæ recensentur in bulla Gregor. XV. quæ incipit: Cum alias nonnulli, his verbis; *Ad unam tantum formam reducimus, & moderamur, ut Laici ad Ecclesias, locaque sacra confluunt, si fuerint publici latrones, viarumque grassatores, qui itinera frequentata, & publicas stratas obsident, ac viatores ex insidiis aggrediuntur, vel depopulatores agrorum, quive homicidia, mutilationes membrorum in ipsis Ecclesiis, earumque cæmeteriis committere non verentur, aut qui produtione proximum suum occiderint, aut assassinii, vel hæresis, aut læsa majestatis rei in personam ipsiusmet principis, immunitas Ecclesiastica non suffragetur, ubi, ut vides, solum septem genera malefactorum ab immunitatis Ecclesiasticæ participatione excluduntur.* Qua de re Salmant. tr. 18. cap. 3. p. 3.

*Sciendum V.* Quod effectus hujus immunitatis sunt octo. Primo, ut reus ad Ecclesiam confugiens pro alylo, in ea capi, vel ab ea invitatus extrahi non possit, cap. inter alia, de Immunit. Ecclef. Secundo, ne reus in Ecclesia existens vinculis alligetur, vel alio modo personaliter vexetur, cap. definitiv. 17. q. 4. Tertio, ne fugienti ad Ecclesiam impediatur alimenta, vestitus, & reliqua vitæ necessaria, l. præsentis, C. de his qui, cap. definitiv. cit. Quarto, ne bona delinquentis, quæ secum

ad Ecclesiam tulerit, auferantur; dummodo tamen aliorum non sint, vel aliis obligata, ut declaravit S. Congr. anno 1642. Quinto, ne reus, dum in Ecclesia moratur, damnetur ad mortem, vel ad aliam pœnam corporalem, vel ad exilium, trimeres, servitutum, flagellationem, vel quid simile, cap. Inter alia, cap. constitutum, 17. q. 4. consuetudo tamen est in contrarium; ut notat Farinac. Sexto, ut extractus violenter, extra casus in jure expressos, ante omnia debeat Ecclesiæ restitui, cap. Minor, 17. q. 4. Septimo, quod, si reus de facto ab Ecclesia extrahatur, talis extractio nulla sit, & omnes actus ex illa secuti, ut expresse habetur in bulla Gregor. XV. Index tamen non teneretur restituere reo damna inde secuta, quia non peccat contra iustitiam, sed solum contra religionem, ut docet S. Thom. 2. 2. q. 99. a. 2. ad 3. contra Suar. Lez. Pal. Octavo, si Index velit extrahere reum ab Ecclesia extra casus permisso, illi per vim resisti possit: quæ tamen resistentia a personis Ecclesiasticis fieri non debet per arma materialia, sed per censuras, & claudendo ostium, & reum de manu ministrorum eripiendi; alias, si mors, vel mutilatio sequeretur, fierent irregulares. Ita Pelliz. Bonac. Lez. Salmant.

*Sciendum VI.* Quod violatores hujus immunitatis Ecclesiasticæ peccant graviter peccato sacrilegii, quod reputatur læsæ majestatis divinæ, & ob id a jure civili pœna capitali, & ultimo supplicio punitur, l. præsentis, C. de his, ex jure autem canonico judicio Episcopi pœnitentia publica puniri possunt, nec non pœna pecuniaria, in cultum Ecclesiæ violatæ applicanda, cap. Si quis contumax, 17. q. 4. quæ pœnæ innovatæ sunt a Trident. sess. 25. c. 20. Insuper in bulla Gregor. XV. incurrunt ipso facto excommunicationem Index mandans delinquentem extrahi, aut extractum non restituens: deinde omnes ministri ad hoc concurrentes: & denique quælibet alia persona, etiam particularis, quæ quomodolibet ad talem extractionem adjuvaverit. Et non solum has pœnas incurrit, qui de facto extrahit, sed, qui extrahere proxime tentavit mandato, vel ejus acceptatione, vel tentando aperire portam Ecclesiæ, vel extrahere inde delinquentem, etiam si non potue-

potuerit. Ita Farinac. Pelliz. Lez. Bord. Pal. Hanc excommunicationem incurrunt etiam regulares, si reos, ab sua Monasteria, vel Ecclesias confugientes, presumant expellere, ut colligitur ex cap. Minor, 17. q. 4. & ex bulla Gregor. salvo tamen jure naturali illos ejiciendi, si regularem observantiam perturbent, vel damnum inferant, vel inquieti, injurii, odiosi sint religiosi: quia tunc non est presumere, sed uti jure suo, ut docent Sanch. Salmant.

*Sciendum VII.* Quod ab hac excommunicatione nequeunt confessarii regulares absolvere sæculares ex vi suorum privilegiorum, nisi particularem habeant facultatem ab Ordinario: quia ab eis quoad hoc sublatam est omnis facultas a Clem. VIII. in decreto edito super casum reservatione: & insuper intra Italiam extra Urbem nemo potest ab hac excommunicatione absolvere, nisi solus Summus Pontifex, ut ex communi notat noster Piselli. Denique notandum est, quod in casibus exceptis, spectato juris rigore, non potest Judex laicus extrahere delinquentem ab Ecclesia absque licentia Episcopi, vel ejus officialis, etiam si Ecclesia sit regularium, aut alio modo exempta. Sed ex consuetudine, & praxi communi, posse Judices sæculares in casibus expressis, inconsulto Episcopo, reos ab Ecclesia extrahere, quando certo constat delictum non gaudere immunitate, docent Suar. Pal. Covar. Farinac. Salmant. Nec tunc Judex penam violatorum incurrit: Episcopus vero ab Ecclesiis, vel Monasteriis regularium non potest reum extrahere, etiam si sit Clericus, sine licentia Prælati regularis: quia in locos, & personas exemptas non habet jurisdictionem. Sic Pelliz. Cespedes, Salmant.

## CAPUT IX.

*Quibus modis Immunitas Ecclesiastica violari soleat, & puniri.*

**P**ost hæc considerandum est de modis, quibus immunitas Ecclesiastica violari solet, ejusque violatio puniri. Circa quod

*Sciendum I.* Quod Ecclesiastica immunitas duobus modis violari potest. Uno modo solo facto, seu privata usurpatione juris, puta, res Ecclesiarum surripiendo, Eccle-

siasticam personam percutiendo. Alio modo sub prætextu publicæ potestatis, seu jurisdictionis in Ecclesias, aut Ecclesiastica bona, & personas. Tamenli autem uterque modus violandi ex genere suo sit peccatum mortale, tum quia injuriam continet adversus justitiam virtutem, tum quia sacrilegii malitiam habet contra virtutem religionis: tamen posterior modus multo gravior, ac detestabilior censetur, arg. cap. Si vero, de sent. excom. in quo habetur: Si ostiarius, dum turbam arcet, Clericum percutiat, ab Episcopo absolvi posse, nisi percussio gravis, sive enormis sit: at vero, si officialis, id est Judex, vel apparitor potestatis secularis in Clericum manus injiciat, ad Sedem Apostolicam mittendum esse: quia non tantum injuriam infert, sed etiam jurisdictionem usurpat, sicuti ait Abb. ibidem. Quapropter posterior iste modus Ecclesiasticam libertatem violandi vix unquam ex levitate materie venialis efficitur: nam, v.g. exiguum aliquod tributum a Clericis exigere tanquam debitum Ecclesiasticæ potestati non exigam injuriam continet, cum significet subjectionem Clericorum, quæ ipsos dedecet. Nunc vero subijciam modos speciales, quibus Ecclesiastica libertas sub prætextu publicæ secularis potestatis violari solet: qui quatuordecim numerantur. Pro quorum notitia

*Sciendum II.* Quod primus modus est, si Magistratus secularis reum ad Ecclesiam, tamquam ad asylum confugientem, inde extrahere præsumat, præter quam in casibus jure canonico concessis: sicut dictum est in cap. ant. Secundus, si domini temporales in domibus Ecclesiarum hospitium sibi vindicent tanquam jure debitum, c. 1. de immun. Ecclesiar. juncta Gloss. ver. hospitium, ubi ait: sed charitativum hospitium potestatem possunt a Clericis. Tertius, si secularis magistratus Clericos, tamquam reos, ad tribunal suum, præter juris canonici dispositionem, trahere præsumat: quod sub pœna ferendæ excommunicationis jure antiquo prohibitum erat cap. Nullus Judicum, 11. q. 1. & cap. 2. de foro comper. Nunc autem est excommunicatio bullaris decimaquinta. Quartus, si temporales rectores, seu potestates, Ecclesias, vel Ecclesiasticas personas angariis, colle-

As, seu tallis, vel similibus exactionibus, atque oneribus gravant: quod sub anathematis diffinitione prohibetur in cap. Non minus, & cap. adversus. Nunc autem est excommunicatio bullaris decima octava.

*Sciendum* 111. Quod quintus modus est, si sæculares potestates pedagia, gabellas, seu portoria, ab Ecclesiis, vel Ecclesiasticis personis exigant pro rebus ipsarum propriis, & quas non causa negotiationis deserunt: quod prohibetur in cap. Quamquam, de censibus in 6. addita censura ipso facto incurrenda excommunicationis, si singulares personæ fuerint: si vero universitates, Interdicti. Hodie vero excommunicatio ista videtur Papæ reservata in bulla Cœnæ §. decimo octavo, illis verbis: vel familia onera. Idque docent Sylv. Suar. Sayr. contra Navar. Sextus modus est, si domini temporales, jurisdictionem quamlibet, redditus, seu fructus, ad Ecclesiasticas personas ratione Ecclesiarum, Monasteriorum, & aliorum beneficiorum pertinentes, usurpent: vel quavis occasione, aut causa, sine Summi Pontificis, vel aliorum, ad id potestatem habentium, expressa licentia sequestrent: & annexam id habet excommunicationem bullarem decimam septimam. Videri potest Capet. ver. excomm. c. 27. Septimus modus, qui statuta, vel consuetudines contra Ecclesiæ libertatem introductas, observari præcipiunt: vel secundum eas judicare, aut judicata in publicam formam scribere præsumunt. His excommunicatio ipso jure decernitur in cap. Noverit de sent. excom.

*Sciendum* 1v. Quod octavus modus est: Qui quovis modo impediunt, ne causæ, ratione personarum, negotiorum, aut rerum ad forum Ecclesiasticum ordinario, aut delegato jure pertinentes (uti sunt beneficiales, decimarum, & hujusmodi) in eodem foro definiantur: vel, qui talem causam ad forum sæculare violenter trahere conantur. Contra hos excommunicatio ipso jure lata est in cap. Quoniam, de immunit. Eccles. in 6. & videri potest excomm. bullaris 14. & 16. Nonus modus est, si Magistratus sæcularis Ecclesiasticas personas compellat ad munera sordida, cap. generaliter 16. quæst. 1. vel angarias, aut alia munera, seu servitia indebita. Const. item nullæ, Cod. de Episc. & Cleric.

hodie vero id prohibitum videtur excomm. bullari 18. Decimus modus est, si temporales domini subditis suis interdican, ne Ecclesiasticis personis quicquam vendant, aut, ne aliquid ab ipsis emanet; aut, ne eis molant, panem coquant, aut alia obsequia exhibeant, ob quam causam illi excommunicationis sententiam ipso facto contrahunt, cap. ultim. de immunit. Eccles. in 6. Undecimus est, si sæcularis in bona Ecclesiasticorum, ea occupando, arrestando, contra juris ordinem invadat, sub prætextu debiti non soluti, justitiæ non ministrandæ. Nam ordinariæ non desunt remedia querelam deponendi apud Superiorem, videlicet Papam. Qua de re videri potest D. Martha part. 4. casu 41. n. 30.

*Sciendum* v. Quod duodecimus modus est, si sæcularis potestas cum auctoritate se immiscet electioni Ecclesiasticæ: quo in casu electio fieri dicitur per abusum sæcularis potestatis, cap. quilibet, de elect. ubi etiam poenæ adjiciuntur, ut, qui tali electioni suæ consentit, electionis commodo careat, & ad quamcumque aliam dignitatem ineligibilis fiat, donec cum eo dispensetur, etiam ab Episcopo, secundum Gloss. ibi ver. fiat. Clerici autem electores, qui electionem tali modo celebrare præsumpserint, jure eligendi ea vice privantur, & ab officiis, ac beneficiis poenitus suspendi debent. Videri etiam potest cap. Sciant cuncti, de elect. in 6. ubi excommunicatio ipso jure infertur omnibus, qui Ecclesiasticam personam, ejusve consanguineos, Ecclesias, aut bona gravant, propterea quod eum, pro quo rogatur, eligere nolint, vel postulare, instituere, confirmare: uti Doctores communiter extendunt apud Suarez, disp. 23. sect. 4. n. 5. Sayrum lib. 3. cap. 34. n. 8.

*Sciendum* vi. Quod decimustertius modus est, si sæculares potestates leges condant, vel statuta edant, aut servari faciant, quæ Ecclesiasticæ libertati adversantur, sicuti habetur in Authen. Cassa, & irrita, Cod. de SS. Ecclesiis, & cap. Noverit, de sent. excomm. hodie autem est excomm. bullaris 15. Decimus quartus modus. Qui Clericum, vel Ecclesiasticam personam ad curam, seu tutelam suscipiendam compellit, l. generaliter, Cod. de Episc. & Cleric. & cap. ult. dist. 88. quod est

est S. Cypriani, lib. epist. 9. ubi ait, pro dormitione ejus, qui Sacerdotem, aut altaris ministrum tutorem constituere ausus est, oblationem, seu deprecationem aliquam ab Ecclesia faciendam non esse. Agnationis tamen tutelam legitimam Clerici suscipere possunt, cap. ult. dist. 86. Multoque magis miserabilium, aut aliarum patrociniis destitutorum personarum curam, cit. cap. ult. & cap. 1. dist. 87. juncta Gloss. & cap. 1. dist. 88. Qua de re vide Layman, lib. 3. tract. 4. cap. 9. n. 4.

### C A P U T X.

*Utrum Ecclesiastica immunitas per contrariam consuetudinem tolli, aut minui possit,*

**D**enique considerandum est, utrum per consuetudinem contrariam tolli possit, aut minui Ecclesiastica immunitas. Circa quod

*Sciendum* I. Quod consuetudo, quamvis immemorialis, si sola sit, & nullo statuto, seu privilegio Summi Pontificis adjuvetur, non potest Ecclesiasticæ immunitati quicquam derogare: Ita Doctores communiter in cap. Clerici. Ratio est, nam, si consuetudo Ecclesiasticæ immunitati derogare posset, vel id fieret per modum renunciationis, interveniente scientia, & patientia, ideoque tacito consensu Summi Pontificis: vel per modum legitimæ præscriptionis, quæ, etiam ignorante principe, adversus legem fieri potest. Sed neuter horum modorum sufficiens est. Non prior, quia satis constat, Summum Pontificem hujusmodi consuetudinibus non præbere consensum approbativum: quin potius eas reprobare, & damnare per generalia edicta, & censuras bullæ: particularem vero interdum tolerare, quia, ob periculum majoris mali, efficacius resistere, & prohibere non potest. Non posterior modus, nam consuetudo, quæ ut irrationabilis damnata est, non potest via præscriptionis legem abrogare, sicuti constat ex cap. ult. de consuet. Sed consuetudo adversus Ecclesiasticam libertatem, tanquam irrationabilis, passim in jure damnatur, tum canonico, tum civili: ergo non potest via præscriptionis legem abrogare.

*Sciendum* II. Quod nemo dubitat, quin

Summus Pontifex per speciale privilegium, ob justam causam concessum alicui Principi, aut Magistratui sæculari, ex parte aliqua derogare possit Ecclesiasticæ immunitati, ut proinde virtute talis privilegii laici capaces sint jurisdictionis in Ecclesiasticas personas, secundum limites concessionis. Quapropter, etiam si accadat, titulum privilegii, vel concessionis modo exhiberi non posse: si tamen constans semper fama, & traditio fuerit de accepto privilegio, ideoque laici jurisdictionem aliquam in Clericos exercuerint, fundantes se non in mera consuetudine, quippe quæ juribus reprobata est, sed in titulo privilegii; tunc ex temporis immemorialis consuetudine cum bona fide, non quidem oritur jus, ac titulus privilegii, sed præsumptio accepti privilegii. Qua de re vide Suarez lib. 4. defens. cap. 34. num. 17. ubi etiam addit, quod Summus Pontifex abolere possit talem consuetudinem, cum ea tantummodo niti debeat accepto privilegio, quod, tametsi datum est circa causas spirituales, tamen ex plenitudine potestatis, ob justam causam revocari potest, juxta doctrinam Innoc. in cap. de postulat. Prælator. in fin. n. 1.

*Sciendum* III. Quod non refert, tametsi concordata super ea re inter Ecclesiæ Prælatos, & Principem sæcularem edita, atque Summi Pontificis consensu, & auctoritate confirmata sint: nihilominus enim ex gravi causa, ad bonum publicum pertinente, revocari poterunt. Vel enim concordia ideo tantum facta est, ut intelligatur, quousque privilegia, a Sede Apostolica gratuito concessa, se extendere debeant: & tunc manifestum est, concordiam in gratuitis privilegiis fundatam, ex causa aliqua revocari posse. Vel concordia transit in pactum onerosum, atque reciprocum: & tunc quoque, ob causam gravissimam, ad bonum commune conducentem Ecclesiæ, Summus Pontifex revocare posset, ut bene docet Suarez, quippe cum ejusmodi casus in ipsa concessione, aut concordia, semper exceptus censeatur: dummodo tamen parti privilegiatæ compensatio damni fiat, si quod ex tali revocatione patiat: sicuti notat Suarez lib. 8. de legib. cap. 37. num. 5. & lib. 4. defens. cap. 34. num. 24.

TRA.



# TRACTATUS DECIMUSQUARTUS.

*De Fæstorum sanctificatione.*

Consequenter considerandum est de immunitate: improprie, seu metaphorice dicta, id est de exemptione, seu libertate ab impedimentis cum exterioribus, tum interioribus cultus divini, cui quidem Clerici quotidie vacare debent, quasi in Dei ministerium specialiter segregati: Laici vero fideles statutis temporibus, quibus ex præcepto Ecclesiæ, sepositis curis temporalibus, & carnis illecebris abdicatis, se ipsos hostiam viventem, Deo placentem, & rationabile obsequium offerre debent. Ad hoc deputati sunt dies Rûivi, & dies jejuniorum; illi quidem, ut, abjectis curis exterioribus, per anteriorem cultum religionis, mens Deo facilius adhæreat: isti vero, ut, per jejunia casta vitia carnis reprimantur, quæ animum a Deo abstrahunt. Quapropter prius in præsentî tractatu considerandum est, de fæstorum sanctificatione: Deinde in sequenti tractatu, de jejuniorum observatone. Circa primum igitur sit

## CAPUT PRIMUM.

*Ad quem Dei cultum obliget præceptum divinum sanctificandi dies festivos.*

S. Thom. 2. 2. qu. 122. art. 4.

Circa fæstorum sanctificationem tria consideranda sunt. Primo fæstorum institutio, & finis. Secundo, servilium prohibitio, & Missæ auditio. Tertio, ab observantia præcepti legitima excusatio. Circa primum igitur in præsentî

*Sciendum 1.* Quod præceptum observandi diem festum, obligat ad cultum patriæ Deo vero exhibendum. Remotis enim impedimentis veræ religionis per primum, & secundum præceptum Decalogi; consequens fuit, ut tertium præceptum poneretur, per quod homines in vera religione fundarentur. Sicut enim agricola primo purgat agrum, & postea projicit semina, secundum illud Hierem. 4. *Novate vobis*

*P. Jossæti Theol. Tom. V.*

*novale, & nolite serere super spinas, & tribulos;* ita homo circa religionem primo erat institutus, ut impedimenta veræ religionis excluderet, & postea in vera religione fundaretur. Ad religionem autem pertinet cultum Deo exhibere; & ideo tertium præceptum Decalogi obligat ad cultum patriæ Deo vero exhibendum, ut certum est apud omnes Doctores. Unde Exod. 20. præceptum hoc proponitur per hæc verba: *Memento, ut diem Sabbati sanctifices;* id est, deputatum habeas ad vacandum Deo, & illum colendum: res enim sanctificari dicuntur, per hoc, quod cultui divino deputentur. Solum difficultas est inter Theologos, an præcipiatur directe, & per te, cultus Dei externus, seu per actus exteriores religionis Deo exhibendus: an simul, & principaliter præcipiatur cultus Dei internus, qui consistit, in oratione, & devotione. Ad cujus evidentiam

*Sciendum 11.* Quod in observantia diei festi duo sunt consideranda: quorum unum est, sicut finis, & hoc est cessatio ab omni actu peccati, & quies mentis in Deo: alterum vero est, sicut id, quod te habet ad finem, & hoc est cultus Dei exterior, & cessatio operum servilium. Finis autem præcepti non cadit sub præcepto: sed solum id, quod est ad finem: & ideo quies mentis in Deo, & cessatio ab omni actu peccati, in quo consistit cultus Dei interior, non cadit litteraliter, & directe sub tertio præcepto Decalogi, quod est de sanctificatione Sabbati: sed secundum moralem significationem hujus præcepti significatur, ut finis, & secundum hoc quodammodo est præceptum generale, ut inquit D. Thom. hic ad 1. Cultus autem exterior, & cessatio operum servilium cadit litteraliter, & directe sub tertio præcepto Decalogi: & secundum hoc est præceptum speciale. Unde D. Thom. in resp. ad 2. dicit: Magis contra hoc præceptum agit, qui peccat in die festo, quam qui aliud corporale opus licitum facit: quia per actum peccati agit contra finem hujus præcepti, quia magis impeditur a quiete mentis in Deo, quam per opus corporale licitum, quod secundum se fieri potest sine peccato, & in tantum prohibetur, ut mens libere Deo vacare possit.

Q

Scien-

*Sciendum* III. Quod finis cuiuslibet præcepti duplex est. Unus extrinsecus, ad quem legislator intendit manducare, seu perducere per observantiam præcepti: & hic finis est facere homines virtuosos, vel in ordine politico, seu civili: vel in ordine supernaturali, secundum differentiam legislatorum: & hic finis dicitur etiam remotus, & generalis, & sub præcepto non cadit; alioquin qui virtuosus non esset, præceptum adimplere non posset: nec ullum præceptum imperfectis imponi posset, sed solum perfectis, qui præceptis non indigent. Alter est finis intrinsecus, & proximus, qui immediate respicitur a præcepto tanquam objectum, seu materia, quæ specialiter præcipitur: & hic finis cadit sub præcepto, & ordinatur ad finem extrinsecum, & remotum ipsius præcepti. Sic igitur dicendum, quod in observantia Sabbati, seu diei festi, duo sunt consideranda, quorum unum est, sicut finis intrinsecus, & hoc est, ut homo vacet rebus divinis per actus externos religionis, per quos manducatur ad quietem mentis in Deum, seu ad colendum Deum in spiritu, & veritate, quod significatur in hoc, quod dicit: *Memento, ut diem Sabbati sanctifices*. Illa enim dicuntur sanctificari in lege, quæ divino cultui applicantur. Aliud autem est cessatio operum, quæ significatur, cum subditur: *Septima die Domini Dei tui non facies omne opus*. Sed de quo opere intelligitur, apparet per id, quod exponitur Levit. 23. *Omne opus servile non facietis in eo*. Et hæc cessatio ordinatur, tanquam in finem proximum ad vacandum Deo, seu cultui ejus religioso: significat vero morali sensu cessationem ab omni actu peccati. Quapropter

*Sciendum* IV. Quod sub præcepto sanctificandi diem festum, duo literaliter cadunt, scilicet vacare Deo, per cultum externum religionis, quod est principale, & ut finis intrinsecus in hoc præcepto: & cessatio ab omni opere servili, quod est minus principale in hoc præcepto, & ordinatum ad tollenda impedimenta extrinseca cultus exterioris religionis, seu ad removendum obstacula talis cultus. Unde colliges, quod huc præceptum est affirmativum: quia directe, & per se præcipit cultum externum Deo exhibendum, & jure

naturali Deo debitum, quod non obligat pro semper, sed statutis diebus, & temporibus. Materialiter tamen, ex parte scilicet causæ disponentis, & removens prohibens, negativum est, & per prohibitionem servilium operum explicatur: sicut cum communi, & probabiliori sententia docent Sotus, Suarez, Salmant. Contra Cajet. Lean. Filliuc. Insuper colliges, quod peccatum commissum in die festo, puta fornicatio, non induit novam specie malitiam contra virtutem religionis (nisi fortasse fiat in contemptum diei festi: quia non contrariatur directe, & ad litteram præcepto de sanctificatione die festi: sicut illi contrariatur exercitium servilium operum; sed solum illi contrariatur metaphorice, seu improprie, & indirecte, ex parte scilicet finis extrinseci hujus præcepti: ut ex communi sent. docet Cajet. contra aliquos antiquos Doctores.

*Sciendum* V. Ex D. Thom. ad 1. Quod præceptum de sanctificatione Sabbati literaliter intellectum, est partim morale, partim autem cærimoniale. Morale quidem, quantum ad hoc, quod homo deputer aliquod tempus vitæ suæ ad vacandum divinis. Inest enim homini naturalis inclinatio ad hoc, quod cuilibet rei necessariæ deputetur aliquod tempus: sicut corporali refectioni, somno, & aliis hujusmodi. Unde etiam spiritali refectioni, qua mens hominis in Deo reficitur, secundum dictamen naturalis rationis, aliquod tempus deputat homo. Et sic habere aliquod tempus deputatum ad vacandum divinis, cadit sub præcepto morali: Sed in quantum in hoc præcepto determinatur speciale tempus in signum creationis mundi, sic est præceptum cærimoniale. Similiter cærimoniale est secundum allegoricam significationem, prout fuit signum quietis Christi in sepulcro, quæ fuit septima die. Et similiter secundum moralem significationem, prout significat cessationem ab omni actu peccati, & quietem mentis in Deo: & secundum hoc quodammodo est præceptum generale. Similiter etiam cærimoniale est secundum significationem anagogicam, prout scilicet præfiguratur quietem fructuonis Dei, quæ erit in patria. Unde præceptum de sanctificatione Sabbati ponitur inter præcepta Decalogi, in quantum est præ-

præceptum morale, non in quantum est cæremoniale.

*Sciendum* vi. Quod, sicut in scriptura divina traditur nobis cultus interior Dei sub aliquibus corporalium rerum similitudinibus, ita cultus exterior Deo exhibetur per aliquod sensibile signum. Et, quia ad interiorem cultum, cui consistit in oratione, & devotione, magis inducitur homo ex interiori Spiritus Sancti instinctu; præceptum legis dandum fuit de exteriori cultu secundum aliquod sensibile signum. Et, quia præcepta Decalogi sunt quasi quedam prima, & communia legis principia; ideo in tertio præcepto Decalogi præcipitur exterior Dei cultus sub signo communis beneficii, quod pertinet ad omnes homines, scilicet ad repræsentandum opus creationis mundi, a quo requievissè dicitur Deus septima die; in cuius signum dies septima mandatur sanctificanda, id est, deputanda ad vacandum Deo. Et ideo Exod. 20. præmissio præcepto de sanctificatione Sabbati, assignatur ratio, quia *sex diebus fecit Deus cælum, & terram, & in septima die requievit*. Et ita explicant hoc præceptum Doctores communiter cum D. Thom. contra Scot. Angel. Tabien. qui dicunt hoc præceptum obligare directe etiam ad actus internos cultus patriæ.

## CAPUT II.

*De mutatione Sabbati in diem Dominicum.*

2. 2. quæst. 122. art. 4. ad 4.

**D**Einde considerandum est de mutatione Sabbati in diem Dominicum, observandum in nova lege. Circa quod

*Sciendum* i. Ex D. Thom. cit. Quod observantia dei Dominice in nova lege, succedit observantiæ Sabbati, non ex vi præcepti legis, sed ex constitutione Ecclesiæ, & consuetudine populi Christiani. Nec etiam huiusmodi observatio est figuralis, sicut fuit observatio Sabbati in veteri lege: & ideo non est ita arcta prohibitio operandi in die Dominico, sicut in die Sabbati, ut infra dicitur: Sed quedam opera conceduntur in die Dominica, quæ in die Sabbati prohibebantur; sicut decoctio ciborum, & alia huiusmodi, & etiam in quibusdam operibus prohibitis facilius

propter necessitatem dispensatur in nova, quam in veteri lege: quia figura pertinet ad protestationem veritatis, quam nec in modico præterire oportet. Opera autem secundum se considerata immutari possunt pro loco, & tempore. Convenienter autem, hanc unius integri dies ex quavis hebdomada ad Dei cultum designationem, tanquam æquitati naturali maxime consonam, Ecclesia mox Apostolorum tempore recepit, ut patet ex Actibus Apostol. c. 20. Et hætenus studiose servavit, præterquam quod sublato sabbato, tanquam pertinente ad Mosaicam legem, & umbratiles figuras, quibus nova lex non adstringitur, imo nec uti debet, sicut dicit Apost. ad Galatas 5. ejus loco dominicam diem substituit, quæ in Evangel. dicitur prima sabbati, in qua Christus a mortuis resurrexit. Qua de re Justinus Martyr in Apolog. 2. pro Christianis, S. August. lib. 4. de Genesi ad litteram cap. 13.

*Sciendum* ii. Quod inter Dominicos dies omnium præcipua, aliorumque quasi prototypon est Dominica Resurrectionis, quæ quotannis celebrari debet in prima die hebdomadis post decimam quartam lunam primi mensis. Primus autem mensis non omnis ille censetur, in quem cadit æquinoctium vernum: si enim æquinoctium sit post quartamdecimam lunam, mensis ille lunaris non erit primus, sed ultimus anni, cum credibile non sit, Deum creasse mundum ante æquinoctium. Ex quo sequitur Pascha non posse celebrari 22. Martii: quia æquinoctium semper cadit in diem 21. Martii, quæ si sit dies Dominica, in eundem incidit decimaquarta luna, in qua Ecclesia non celebrat Pascha, sed transiit in Dominicam sequentem, ne cum Judæis in celebratione Paschalis conveniat: quandoquidem nos Christiani Pascha non celebramus ex observatione legis Mosaicæ: sed in memoriam Christi, qui post lunam decimam quartam resurrexit. Quare termini inter quos Paschalis festivitas cadere potest, sunt a 22. Martii inclusive usque ad 25. Aprilis inclusive. Contingere eum potest, ut luna quartadecima primi mensis eadat in diem 18. Aprilis, quæ, si Dominica sit, Pascha in ea non celebratur, ut dixi, sed transfertur in sequentem Dominicam, quæ erit dies 25. Aprilis.

*Sciendum* 111. Quod deinde sequitur, primum mensem nunquam incipere ante diem octavum Martii, neque post quintum diem Aprilis. Quæ omnia tradit Beda lib. de ratione temporum cap. 43. & 49. Clavius in apologia novi Calendarii lib. 1. c. 1. Videri etiam potest Eusebius lib. 5. historiæ cap. 23. & Patres in fragmento Concilii Palestini sub Victore I. ubi ostendunt, mundum a Deo creatum esse tempore verno in æquinoctio, quod est octavo Kalend. April. luna prima. Id quoque hoc loco observare libet, ex antiqua traditione decretum esse apud S. Petrum Alexandrinum Patriarcham in canonibus de lapsis, tom. 1. Concil. & in Concil. Nicæno cap. 25. ut die dominico (sicuti & toto Paschali tempore) hæles non genibus flexis, sed stando orationes perficiant; ut memores sint, se cum Christo resurrexisse a morte animæ in spem vitæ æternæ. Id vero etiam hodie secundum Romanæ Ecclesiæ ritum in choro publico observandum est: aliis vero fidelibus privatim domi, aut in templo orantibus, nulla hodie lex his regionibus imposita viget.

## C A P U T III.

*De institutione aliarum festivitatum præter Dominicum diem.*

**D**Einde considerandum est de institutione aliarum festivitatum præter Dominicum diem. Circa quod

*Sciendum* 1. Quod, præter Dominicum diem, aliæ pari veneratione, ac cultu observandæ festivitates Dei, Christi Domini, & Sanctorum ejus, institutæ sunt, partim Pontificia lege universam Ecclesiam obligante, partim vero Episcopalibus, seu Diocesanis statutis, sicut habetur in cap. 1. dist. 3. de consecrat. cap. ult. de feriis. Quibus tamen locis significatur, quod, si Episcopus particularia festa instituire velit, non tantum Cleri consensum requirendum esse, sed etiam populi, uti notavit Abb. in cit. cap. ult. num. 5. Est vero id speciale, quod Episcopus in hoc casu statuere non possit sine populi approbatione, ne is multitudine festorum gravetur, & a necessariis laboribus impediatur; ut proinde hoc ob quandam æquitatis rationem statutum

sit, juxta juris reg. 2. in 6. Quod omnes tangit, debet ab omnibus approbari. Si tamen populus justam causam contradicendi non habeat, eo etiam invito festum institui poterit, sicuti annotarunt Abb. & Tab. Quinimo huic juri laicorum, plerisque in locis derogatum esse per contrariam consuetudinem, docent Suarez cap. 11. num. 9. & Azor. tom. 2. lib. 1. cap. 16. quæst. 1.

*Sciendum* 11. Quod quomodo per diurnam consuetudinem populi, celebrantis quotannis aliquod festum cum expressio, aut tacito Episcopi consensu, non tantum ex libera devotione, sed tanquam ex obligatione, lex particularis introduci possit, dictum est in prima parte, tract. 4. cap. ult. Illud vero hic addo, postquam semel festum particulari statuto, vel diurna consuetudine introductum est, & stabilitum, non posse deinde a populo abrogari, sed a solo Episcopo: idque non tantum populo petente, sed etiam eodem abnuente, sicuti docet Suarez tom. 1. de Relig. tract. 2. lib. 2. cap. 11. num. 9. Deinde, si ita videbitur, potest Episcopus festa particularia abrogare dumtaxat secundum dici dimidium, ut videlicet matutino tempore vacatio sit operum servilium, post meridiem vero operibus insistere liceat: quo ipso etiam modo festa per statutum, vel consuetudinem initio constitui nihil obstat, sicuti etiam Navar. notavit cap. 13. Manual. num. 6.

*Sciendum* 111. Quod, quia varii abusus irreperant, specialiter circa festa particularia, pluribus in locis, novissime Urbæ. VIII. in bulla, quæ incipit: Univerla per orbem; assignat dies festivos sub præcepto observandos in posterum, omnes alios revocando, & declarando non obligare sub præcepto: & admonendo Episcopos, ne in posterum dies festivos de præcepto indicant. Dies autem festos de præcepto assignat eosdem, qui modo per universam Ecclesiam celebrantur secundum Kalendarium Romanum, videlicet; Dominicam Resurrectionis cum duobus sequentibus diebus: Dominicam Pentecostes cum duobus diebus sequentibus: festum Natalis Domini, Epiphaniæ, Circumcisionis, & Ascensionis: item festum inventionis SS. Crucis, & Nativitatis, Annunciationis, Purificationis.

fecit

## CAPUT IV.

scationis, & Assumptionis Matris Dei, & semper Virginis Mariæ: Item festum Nativitatis S. Joannis Baptistæ, & natalis in cœlum Sanctorum Apostolorum Petri, & Pauli, Andree, Jacobi Majoris, Joannis Evangelistæ, Thomæ, Jacobi Minoris, & Philippi, Bartholomæi, Matthæi, Simonis, & Thaddæi, & Mathiæ: item S. Stephani Protomart. S. Laurentii Levitæ, & Mart. SS. Innocentium Mart. S. Joseph, S. Annæ, & festum omnium Sanctorum: & insuper Patroni principalis Regni, seu Provinciæ: & Patroni principalis Civitatis, Oppidi, vel Pagi, ut patet ex verbis prælatæ bullæ. Ex Decreto vero Clemen. XI. sub die 6. Decembris 1708. additum est de præcepto per totum orbem festum Conceptionis B. V. Mariæ.

*Sciendum* IV. Quod qualiter facienda sit electio Patroni ex Decreto Congr. Sacrorum Rituum sub die 23. Martii 1630. emanato, & ab Urban. VIII. approbato, apud Salmantic. reperies tract. 23. cap. 1. p. 5. num. 108. Solum Addo, quod Regulares tenentur observare dies festos Patroni principalis Regni, Diocesis, Civitatis, aut Oppidi, sub ritu duplici primæ classis, non tamen ad octavas tenentur, ut præcepit Greg. XIII. die 30. Decembris 1573. & declaravit S. Rituum Congr. 17. Maji 1628. Deinde Tridentin. sess. 25. cap. 12. concedit facultatem Episcopis instituendi festa, ut sequitur: *Dies etiam festi, quos in Diocesi sua servandos præceperit, ab exemptis omnibus, etiam regularibus, servantur*; idque juxta etiam antiquo consensum est, ut notat Rodr. tom. 2. Regul. quæst. qu. 70. art. 1. Sed ait, secus tendendum de festis, quæ populus vovit, & Episcopus approbavit: hæc enim non propterea ex Episcopali præcepto promanant; sed primordiale naturam personæ obligationis ex voto servant. Consequenter, si regulares voto populi non consenserunt, eo etiam non obligantur: quamvis, si postea temporis successu consuetudo servandi festum per modum legis communis introducat, etiam exempti se conformare tenentur.

*Qualiter, quos, & ad quid obliget præceptum Ecclesiæ observandi dies festos.*

Consequenter ad institutionem considerandum est de obligatione, quam in speciali inducit præceptum observandi dies festos. Circa quod.

*Sciendum* I. Quod præceptum servandi dies festos obligat sub mortali; cum sit in materia gravi, & quoad substantiam pertineat ad præcepta Decalogi. Unde merito damnata fuit ab Innoc. XI. hæc prop. 52. *Præceptum servandi festa non obligat sub mortali, sepositis scandalo, si ab sit contemptus*. Obligat autem ad audiendum Missam, & abstinendum a servilibus, ut patet ex cap. Missas, de consecr. d. 1. cap. Omnes, cap. Sacerdotes, cap. Si quis etiam, dist. ead. cap. Licet de feriis, & tenet communis sent. Ultra hæc duo nulla alia datur obligatio ex vi hujus præcepti. Nam licet Parochi ex Trident. sess. 24. c. 4. teneantur sub gravi prædicare populo omnibus diebus Dominicis, & solemnibus diebus festis; non tamen ob hoc omnes fideles in particulari tenentur predicationi interesse, cum vel sint jam instructi, vel aliter instrui possint de necessariis ad salutem. Sed dato etiam, quod essent obligati talibus diebus interesse predicationi, hæc obligatio non proveniret ex præcepto sanctificandi festa, sed ex præcepto addiscendi necessaria ad salutem, de quo dictum est in tract. de Fide.

*Sciendum* II. Quod obligatio diei festi durat spatio 24. horarum, quæ computandæ sunt a media nocte antecedente usque ad aliam mediam noctem sequentem: sic enim obtinuit consuetudo legitime introducta, & communiter recepta ex usu Romanæ Ecclesiæ. Unde canones, qui dicunt, a vespere in vespere computandos esse dies festos, vel intelligendi sunt, de nocte in aliam noctem, ut explicat consuetudo legitima legum interpret; vel, si aliter intelligantur, consuetudine ipsa legitima sunt abrogati: sicuti probabilius docent Navar. Covar. Suar. Bonac. Sayr. Pal. Azor. Salmantic. contra Abb. Ang. Sylv. & Rosell. Notandum tamen, quod

nullum jus prohibet, ne Pontifex in tota Ecclesia, & Episcopus in sua Diocesi possit præcipere observantiam diei festi usque ad meridiem, ut supra dictum est. Item, quod, si festum alicujus Sancti cadat in diem impeditam, transferatur in aliam diem non impeditam, quoad officium tantum: non tamen quoad indulgentias, aut obligationem audiendi Missam, & abstinentiæ a servilibus, nisi specialiter id concessum fuerit, sicut declaravit Sacra Congr. die 10. Junii 1619. & tenent S. Anton. Suar. Azor. Sayr. Sylv.

*Sciendum* III. Quod omnes utriusque sexus fideles statim, ac ad usum rationis perveniunt, tenentur servare festa, quæ in universa Ecclesia observantur. Adeo vero, quæ in aliquo Oppido, Civitate, aut Provincia, ex præcepto Episcopi coluntur, tenentur solum cives, & incolæ illius Civitatis, Oppidi, aut Provinciæ respective. Nam statim, ac ad usum rationis perveniunt, sunt capaces, ut per leges gubernentur; ideoque obligantur legibus tum divinis, tum humanis, quæ absolute, & sine determinatione ætatis imponuntur, sicuti est hæc lex de observantia festorum. Ita ex communi sent. S. Anton. Suarez, Salmantic. Led. alique contra Cordub. Ostiens. & Ancharan. qui dicunt pueros non statim, ac perveniunt ad usum rationis, obligari hoc præcepto, sicut nec præcepto annuæ communionis, aut alio imponente censuras. An vero peregrini dum a proprio territorio absunt, teneantur ad festa particularia locorum, per quæ transeunt, aut in quibus morantur minore parte anni, dictum est in tractat. de legibus.

## CAPUT V.

### *De præcepto audiendi Missam diebus festis.*

**P**rimum, quod in Ecclesiastico præcepto de observantia festi continetur, affirmativum est, scilicet auditio Missæ; ad quod implendum tria requiruntur, scilicet, quod integra Missa audiat, intentio illam audiendi, & quod devote, & attentè audiat. Ad quorum evidentiam

*Sciendum* I. Certum esse dari Ecclesia-

sticum præceptum, legi naturali, & divinæ conforme, de Missa omnibus diebus festis audienda, quod habetur in cap. omnes, & in cap. Missas, de consecration. d. 1. & obligat sub mortali, etiam seculo, contemptu, & scandalo, ut eruitur ex prop. 52. damnata ab Innoc. XI. obligat autem omnes baptizatos, non solum laicos, & religiosos, sed etiam Sacerdotes non celebrantes, ad unicam tantum Missam, sed totam, & integram audiendam, ut constat ex cit. c. Omnes. Satisfit autem huic præcepto, si Missa quævis, & in quocumque ritu ab Ecclesia approbata, celebrata a Sacerdote non vitando, deposito, aut infideli, audiat, etiam si extra propriam parochiam, quoties (seculo privilegio) celebratur extra domum sæcularium. Ita Lug. Garc. Lean. & noster Piselli, & alii communiter.

*Sciendum* II. Circa integritatem Missæ, quod debent audiri omnes ejus partes successive. Quare, si duæ partes ex diversis Missis simul audiantur, non satisfit præcepto, & opposita opinio damnata fuit ab Innoc. XI. prop. 53. Si vero successive audiantur, quamvis a diversis Sacerdotibus, et si ordine inverso, & interrupte, satisfit præcepto, ut docent Navar. Toler. Laym. Bonac. alique contra Suar. Azor. Con. Lug. Nam licet illæ duæ dimidiæ Missæ diversorum sacrificantium non concurrant ad unitatem sacrificii: sufficiunt tamen ad unitatem, & integritatem obsequii præcepti ab Ecclesia in cultum Dei. Sine causa autem hoc facere, esset veniale, quia non servatur modus, & perfectio præcepti, ut docent communiter Doctores.

*Sciendum* III. Quod omittens audire unam partem essentialem, seu principalem Missæ, puta consecrationem, oblationem, aut summationem, non satisfiat præcepto, & peccat mortaliter: quia hæ partes ad integritatem Missæ pertinent, & per consequens Missa integra non auditur. Ita Coninck. Bonac. Pal. Henriq. contra nostrum Thom. Hurtado, Lean. Suar. Laym. Si autem omittitur pars minus principalis extra canonem, tunc omisso tertie partis, puta usque ad evangelium, ut vult Sot. Suar. Navar. vel usque ad offertorium exclusive, ut probabile censent Azor. Rodr. Graff. Bonac. Lay. non erit mortale. Multo

to minus erit mortale, si omittantur solum ea, quæ sunt post communionem ulque in finem, ut docent Cajet. Sot. Regin. & alii communiter. Intra canonem vero omisio minoris partis, puta, a-consecratione usque ad summationem, vel orationem dominicam, erit mortale: quia gravior materia, utpote dignior, censenda est, ut bene notant Suar. Pal. Lug. & Lean.

*Sciendum* IV. Quod, qui non potest assistere Missæ integræ, potest autem mediæ, tenetur medietatem illam audire. A si includat partes substantiales Missæ, puta a canone incepto ulque in finem, ut docent communiter Doctores contra Sanctum. Consecratione vero peracta, non teneri ad reliquum, affirmant Henrici. Ant. a Spiritu Sancto, & alii. Qui partem levem sine causa omittit, peccat venialiter, ut est certum apud omnes: non tenetur tamen sub veniali supplere defectum, audiendo partem levem omisam ex alia Missa, ut docet Filliuc. quamvis oppositum probabilius videatur Leandro. Qua de re vide prop. 54. damnatam ab Innoc. XI. Hic autem notat Pal. posse aliquem audire Missam integram, & adhuc peccare graviter, si se exposuit periculo illam non audiendi: & e contra Missam non audire absque peccato, si per ipsum non stetit, quin audiret. Quod advertere debent confessarii diligentes in examinando poenitentes.

*Sciendum* V. Requirit præsentiam humanam, seu moralem, & ex se religiosam, ad satisfaciendum præcepto audiendi Missam: quia actus humanus, seu moralis, & cedens in cultum Dei ab Ecclesia præcipitur, ut est certum apud omnes: præcepta enim dantur de actibus virtutum. Ad hoc tamen non est necesse, quod Missa visu percipitur, vel auribus verba audiantur; nam cæcus, & surdus, adhuc Missæ religiose assistere potest, & præcepto satisfacere, ut omnes fatentur. Sufficit ergo, quod sciens, & volens Missæ assistat taliter, ut aliquo sensu possit percipere ea, quæ in Missa peraguntur, si impedimentum non haberet, sive extrinsecum, sive intrinsecum. Ex quo colliges, quod satisfacit præcepto, qui in magno populi concursu existens post columnam, aut post parietem, aut etiam extra Ecclesiam (ut fieri solet, cum locus capax non est totius

multitudinis) ex signis aliorum sensu aliquo percipere potest, quid agatur in Missa: facit enim unum corpus cum aliis. Similiter moraliter censetur assistere Missæ, qui pro deferendo libro, thure, aliisque necessariis ad sacrificium, a Missa recedit, etiam si extra Ecclesiam, & per multum tempus: sicut docent Dicastil. Lean. Salm. contra Bonac. Pal. Fag. E contra non censetur moraliter assistere Missæ ebrius, aut dormiens, nisi forte sibi continuo violentiam inferret ad somnum pellendum, ut notant Salmant.

*Sciendum* VI. Quod ad satisfaciendum huic præcepto non requiritur intentio adimplendi præceptum; sed sufficit intentio, seu voluntas faciendi actum præceptum, ut est certum. Unde, si quis nesciens esse diem festum, Missam audiat ex devotione: vel sciens esse diem festum, non intendat per illam Missam satisfacere præcepto, adhuc satisfacit: quia humano modo adimplet sem præceptum: Non enim Ecclesia præcipit obedientiam formalem, sed actum latriæ, qui per obedientiam materiale præstatur, quo posito, non est in potestate agentis suspendere effectum satisfactionis: sicuti notant Lug. Laym. Suar. Vaf. Salmant. alique communiter. Qui vero ex pravo fine pergit ad Ecclesiam, ibique Missam audit devote, & attente quantum ad exteriorum actum, sed sine devotione, aut attentione interna, imo cum positiva aversione ad audiendam Missam (puta, quia coactus, aut metu impulsus illam audit, alias non auditurus, si posset) peccat quidem graviter coram Deo, qui scrutator est cordium, sed adhuc satisfacit præcepto Ecclesiæ, quæ non iudicat de actibus internis: sicut patet ex his, quæ dicta sunt in tract. de legib. cap. 12. & in tract. de statu Clericorum, cap. 7. Multo magis, quia præceptum de sanctificandis festis, etiam in quantum divinum est, obligat directe, & ad litteram ad solum cultum externum latriæ, ut dictum est supra cap. 1. adeoque contra illud non fit directo per pravos actus internos, sed solum indirecte, ex vi scilicet aliorum præceptorum divinatorum.

*Sciendum* VII. Quod certum est, ad satisfaciendum huic præcepto, requiri in audiente Missam attentionem externam, exclu-

cludentem scilicet omnes actiones impossibiles cum attentione externe humana; ut sunt dormire, confabulare, scribere, vel quid huiusmodi. Si vero actiones non sint multum distrahentes, & impossibiles sunt cum externa, & humana assistentia, ut deambulare elemosynas colligendo in presentia altaris, se vestire, vel quid simile, non officiunt auditioni præceptæ: & multo minus officiunt actiones sacræ, ut est recitare officium divinum, rosarium, vel alias orationes, & quæ potius coadiuvant, ad rite sacrificio assistendum: sicuti ex communi docent Navar. Suar. Sot. Sanch. Pal. Bónacin. Cajet. Qui autem confitetur sua peccata tempore Missæ, & Confessorius audiens confessiones, non censetur habere præsentiam moralem, seu attentionem externam sufficientem ad adimplendum præceptum; cum istæ actiones, quantumvis sacræ, in externo, & communi modo operandi alienæ sint ab assistentia religiosa cultus sacrificii, & multum ab eo distractivæ. Ita probabilius docent Bonac. Lugo, Cand. Coninck. Dicastil. Salmantic. contra Pal. Regin. Less. Molies.

*Sciendum VIII.* Quod, si requiratur attentio interna ad satisfaciendum huic præcepto, in quantum Ecclesiasticum est, ut plurimi volunt: si vero non, ut alii plures desunt; certum est, quod audiens Missam voluntarie distractus peccat mortaliter coram Deo: quia omittit opus necessario connexum cum actu externo præcepto. Non tamen omnis distractio voluntaria sufficit ad mortale: sed illa solum, quæ totaliter distrahit ab attentione saltem ad ea, quæ in Missa aguntur, vel dicuntur. Non enim mens humana ita limitata est, ut non possit simul attendere ad plura, ut bene notant Salm. Insuper Notant Sanch. Navar. & Cajet. quod, si advertens, se mente distrahi, & divagari, adhibeat mediocrem diligentiam, ut attendat, nullo modo peccat: Si vero non adhibeat mediocrem diligentiam, dummodo ex proposito, & data opera non sit distractus totaliter, & displicentiam habeat, licet frigidè, & negligenter resiliat evagationi mentis, peccat solum venialiter: quia attentio humana fragilitate, impossibile est moraliter, hominem retinere imaginationem actu

advertentem, juxta illud Psalm. 39. *Cor meum dereliquit me.*

## C A P U T VI.

*De causis excusantibus ab audienda Missa in die festo.*

**O**Mnes causæ excusantes ab audienda Missa in die festo de præcepto ad quatuor reduci solent, scilicet, ad impotentiam physicam, ad impotentiam moralem, ad charitatem, & consuetudinem legitime præscriptam. Circa quas

*Sciendum I.* Quod impotentia physica, si proveniat a vinculo corporali, ut si quis sit incarceratus, mare navigans, lecto decumbens ob infirmitatem: si proveniat a vinculo spiritali, vel ex parte sui, ut, si sit excommunicatus, aut interdictus; vel ex parte alterius, ut, si non adsit Sacerdos, vel nonnisi excommunicatus, suspensus, aut interdictus, excusat ab audienda Missa. Nam ad impossibile nemo tenetur: impossibile autem censetur a jure, quod licite fieri non potest. Quod, si aliquis negligens sit ad tollenda hæc impedimenta, peccat quidem ex alio capite, sed non contra hoc præceptum, quod non obligat ad tollenda impedimenta tam remota, ut docent Navar. Azor. Suar. Bonac. alique relati a Salmant. tr. 5. cap. 6. p. 5. contra Nunn. & quosdam alios. Nec tenetur quis uti mediis extraordinariis, de se odiosis, & juri communi contrariis, quæ in præcepto audiendi Missam non continentur: ut, si pro audienda Missa necessarium est Sacerdotem conducere, aut domi Missam procurare, si habeat privilegium, sicuti ex communi docent Suarez, Bonac. Salm. contra Nunn. Tenetur tamen uti privilegio juri communi conforme, quo tollitur impedimentum, v. gr. interdicti: quia in tali casu obligatio audiendi Missam, non provenit ex privilegio, sed ex præcepto Ecclesiæ: Privilegium vero solum tollit impedimentum, ideoque cessat causa excusans ab adimplerione præcepti. Ita Suar. Bonac. Navar. Lugo. & alii communiter contra Avil. Dian. Coninck. & Alterium.

*Sciendum II.* Quod altera causa excusans est impotentia moralis, si videlicet

Missæ



Missa audiri non possit, nisi cum magna difficultate, vel jactura bonorum non mediocris aestimationis. Qua ratione excusantur a Missa audienda, qui timent probabiliter jacturam vitæ ob graves inimicitias: vel jacturam famæ, ut, si innupta gravis esset: vel sine pudore exire non possit, quia non habet vestem honestati status decentem: vel ob intemperiem aeris timet jacturam salutis ratione suæ infirmæ dispositionis, vel ab Ecclesia longe distaret, ita, ut sine gravi molestia illuc jure non posset: vel gravem mariti indignationem timeret: vel incursum latronum, si domum solam relinqueret: vel gregem absque custodia non posset relinquere ob periculum gravis damni: vel habeat urgentia negotia, quæ præveniri non poterunt, aut differri: vel ratione officii, quo v.g. castra custodire debet: vel filios parvulos domi solos deserere non possit: vel ob imperium domini, ne a domo expellatur, dummodo hoc frequenter non fiat; in tali enim casu alium dominum pium quaerere tenetur. Hos, & similes casus passim apud Doctores reperies.

*Sciendum* 111. Quod tertia causa excusans ab audienda Missa in die festo est charitas, ut, si servitium necessarium infirmi deserere quis non possit, ut docent Pal. Suarez, Bonacin. prævalet enim in tali casu jus naturale, & divinum juri positivo. Qua ratione excusant aliqui Doctores scemnam, si interdum domi se contineat in die festo ad vitandum occursum amasii: In quo tamen casu non consentiunt Doctores. Nam Valent. & Lopez putant, teneri ad omitendam Missam bis, vel ter, si creditur vir ex fragilitate casurus. Suar. Sanch. Bonac. & alii dicunt, posse relinquere Missam ad evitandam ruinam proximi, non autem teneri, quia utitur jure suo, nec scandalum est datum, sed acceptum ex malitia alterius. Sed probabilior sententia docet, hanc causam non esse legitimam, adeoque non excusare ab audienda Missa: quia observantia præceptorum non est omitenda ob scandalum passivum ex malitia tantum alterius acceptum. Ea enim, quæ sunt de necessitate præcepti, prætermitti non possunt sine peccato mortali: manifestum est autem, quod nullus debet mortaliter peccare, ut alte-

rius peccatum impediatur: quia secundum ordinem charitatis plus debet homo suam salutem spirituales diligere, quam alterius. Et ideo ea, quæ sunt de necessitate salutis, prætermitti non debent propter scandalum vitandum. Ita D. Thom. 2.2. q. 43. a. 7. & cum eo Henriq. Pal. & alii.

*Sciendum* 1v. Quod quarta causa excusans ab audienda Missa in die festo, est consuetudo rationabilis, & legitimo tempore præscripta, & a prælatis Ecclesiæ tolerata, ut ex communi sententia docent Lean. Pal. Salmant. Unde hoc titulo excusantur scemina, quæ per aliquot dies post partum ab ingressu Ecclesiæ abstinere: & in aliquibus locis virgines nobiles, vel nobiles, dummodo ob alias causas, & ad prophana visenda a domo non exeant, neque se ad fenestras spectandas præbeant. Ita Bonac. Cajet. Laym. Suar. Azor. Similiter ob viri mortem excusari solent conjuges viduæ a Missa audienda, ubi adeest consuetudo recepta, dummodo ad alias res non sacras, neque urgentes exeant, ut notant Pal. & Salmant. Ratio autem omnium est, quia consuetudo prævalere potest contra jus positivum; licet nulla consuetudo prævalere possit contra jus naturale, aut divinum.

## CAPUT VII.

*De prohibitione operum servilium in diebus festis.*

**A**lterum, quod in Ecclesiastico, & divino præcepto de observantia diei festi continetur, negativum est, per quod scilicet prohibentur opera servilia in diebus festis, ut liberum sit vacare cultui divino. Circa quod

*Sciendum* 1. Ex D. Thom. 2.2. qu. 112. art. 4. ad 3. quod triplex est servitus. Una quidem, qua homo servit peccato, secundum illud: *Qui facit peccatum, servus est peccati*. Et secundum hoc omne opus peccati dicitur servile. Alia vero servitus est, qua homo servit homini: est autem homo alterius servus, non secundum mentem, sed secundum corpus; & ideo opera servilia secundum hoc dicuntur opera corporalia, in quibus unus homo alteri servit. Tertia autem est servitus Dei, & secundum

dum hoc opus servile potest dici opus la-  
trix, quod pertinet ad Dei servitium. Si  
autem sic intelligatur opus servile, non  
prohibetur in die festo, quia hoc esset con-  
trarium fini observationis diei festi. Homo  
enim ad hoc ab aliis operibus abstinere in  
die festo, ut vacet operibus ad Dei servi-  
tium pertinentibus: & inde est, quod, si-  
cut dicitur Joann. 7. *Circumcisionem homo  
accipit in sabbato, ut non solvatur lex Moysi.*  
Inde etiam est, quod, sicut dicitur Matth.  
12. *Sabbatis Sacerdotes in templo sabbatum  
violant,* (id est, corporaliter in sabbato ope-  
rantur,) *& sine crimine sunt.* Et sic et-  
iam Sacerdotes in sabbato circumferentes  
arcam non transgrediebantur præceptum de  
sabbati observatione. Similiter etiam nul-  
lus spiritualis actus exercitium esse contra  
observantiam diei festi, puta, si quis do-  
ceret verbo, vel scripto, sed alia opera  
servilia, quæ dicuntur servilia primo, vel  
secundo modo, contrariantur observationi  
diei festi, in quantum impediunt applica-  
tionem hominis ad divina. Ad cujus evi-  
denciam

*Sciendum* 11. Quod, quia magis homo  
impeditur a rebus divinis per opus pec-  
cati, quam per opus licitum, quamvis sit  
corporale; ideo magis contra hoc præcep-  
tum agit, qui peccat in die festo, quam  
qui aliud corporale opus licitum facit.  
Unde Aug. dicit in lib. de decem chordis  
c. 3. *Melius faceret Judæus in agro suo ali-  
quid utile, quam si in theatro desidiosus  
existeret: & melius seminare eorum die sab-  
bati lanam facerent, quam quod tota die  
in neomeniis suis impudice saltarent.* Non  
autem, qui peccat venialiter in die festo,  
contra hoc præceptum facit; quia pecca-  
tum veniale non excludit sanctitatem. Ubi  
notandum, quod in tantum dicit D. Tho.  
quod magis agit contra hoc præceptum,  
qui peccat in die festo, quam qui aliud  
corporale opus, secundum se licitum, id est  
præcisive a prohibitione præcepti licitum,  
facit: quia facit contra finem hujus præ-  
cepti, qui est quies mentis in Deo, quam  
significat hoc præceptum secundum moralem  
significationem, prout significat cessatio-  
nem ab omni actu peccati, & quietem  
mentis in Deo: uti docet in resp. ad 1.  
Et secundum hoc est præceptum ceremo-  
niale, & quodammodo est præceptum ge-

nerale; ut ibid. docet. Non autem agit  
directe, & ad litteram contra hoc præcep-  
tum, in quantum morale est, & præcep-  
tum speciale, sicuti peccat, qui opus cor-  
porale prohibuit in die festo, per  
quod directe violat hoc præceptum littera-  
liter sumptum.

*Sciendum* 111. Ex eodem D. Thom. ad  
3. Quod opera corporalia ad spirituales  
Dei cultum non pertinentia, in tantum  
servilia dicuntur, in quantum proprie per-  
tinent ad servientes: in quantum vero sunt  
communia servis, & liberis, servilia non  
dicuntur. Quilibet autem tam servus,  
quam liber, tenetur in necessariis provide-  
re non tantum sibi, sed etiam proximo,  
præcipue quidem in his, quæ ad salutem  
corporis pertinent, secundum illud Proverb.  
24. *Erue eos, qui ducuntur ad mortem.*  
Secundario autem in damno rerum vitan-  
do, secundum illud Deuter. 22. *Non vide-  
bis bovem fratris tui, aut ovem errantem,  
& præteribis: sed reduces fratri tuo.* Et  
ideo opus corporale pertinens ad conser-  
vandam salutem propriam corporis non vio-  
lat sabbatum. Non enim est contra obser-  
vantiam sabbati, quod aliquis comedat,  
& alia hujusmodi faciat, quibus salus cor-  
poris conservatur. Similiter opus corpora-  
le, quod ordinatur ad salutem corporalem  
alterius, non est contra observantiam sab-  
bati. Unde dicitur Joan. 7. *Mibi indigna-  
mini, quia totum hominem salvum feci in  
sabbato.* Similiter etiam opus corporale,  
quod ordinatur ad imminens damnum rei  
exterioris vitandum, non violat sabbatum.  
Unde dicit Dominus Matth. 12. *Quis erit  
ex vobis homo, qui habet unam ovem, &  
si ceciderit sabbato in foveam, nonne tene-  
bit, & levabit eam?*

*Sciendum* 1v. Ex dictis colligi posse,  
quod scribere, & transcribere, non sunt  
opera prohibita in die festo, sunt enim  
opera liberalia. Probabile etiam est, quod  
pingere non sit opus servile, ut docent  
Ang. Sylv. Azor. quod Arnili. extendit ad  
recamaturas, quas acu faciunt puellæ, ut  
addiscant. Sed probabilius est, per se esse  
utrumque opus servile, uti docent Cajet.  
Suar. Pal. Farinac. Sanch. Salmant. Iter  
agere equo, curru, pedibus, per se opus  
servile non est, est enim opus naturale,  
& ingenuum: sicuti docent Cajet. Navar.  
Suar.

Suar. Sanch. contra Abul. Sylv. Sot. Venari, aucupari, piscari ex genere suo servilia opera esse videntur, ideoque jure communi prohibita, sicut colligitur ex cap. licet de feriis: consuetudo tamen contrarium obtinuit, sicut & in multis aliis. Ita Sylv. Rosel. Gord. Laym. contra plures, qui dicunt non esse opera servilia. Mercatus, licet non sit opus servile, tamen prohibetur in cap. 1. de feriis. Cæterum consuetudine jam introductum est, quod Nundinæ, & mercatus fiant diebus festis; quam tamen moderari oportet, ut notat Navar. Suar. Qua de re vide Salmant. tr. 23. cap. 1. punct. 13. §. 1. & quæ infra dicam de causis excusantibus laborantes in die festo.

*Sciendum v.* Quod opus suapte natura liberale, ut studere, docere, scribere, vel aliud hujusmodi, non evadit servile, ideoque prohibitum in die festo, eo quod propter lucrum, & mercedem exercentur. Nam lucrum, aut merces, non mutat naturam operis, quandoquidem etiam opera, seu obsequia, quæ libero homine digna sunt, tamen mercede aestimari possunt: sicuti vice versa opera servilia non ideo talia esse desinunt, & concessa in diebus festis, quia sine mercede fiunt. Ita Cajet. Navar. Med. Lop. Suar. Salmant. Armil. alique contra Abb. Sylv. Ang. Rosel. & Tabien. Quapropter merces, & lucrum per accidens se habent ad opus servile, & non servile; alioquin damnare oporteret tot Artium professores, & Causidicos, qui festis diebus in scribendis prælectionibus, homiliis, & aliis hujusmodi, propter lucrum, aut salarium occupantur: & consuetudo, & communis fidelium persuasio sententiæ oppositæ repugnat.

## CAPUT VIII.

*De placito, seu judicio forensi in diebus festis a jure prohibito.*

**N**omine placiti veniunt omnes actiones, quæ strepitum judicalem important, quæque licet sint liberales, tamen non solum ab utroque jure prohibentur in die festo: sed etiam ipso jure irritæ sunt, quoties absque necessitate, aut pietatis causa fiant. Circa quod

*Sciendum 1.* Quod in die festo prohibentur omnes partes judicii, quæ ad tres revocantur. Fit enim inchoatio causæ per rei citationem, quippe quæ est basis, & fundamentum judicii: Processus per causæ cognitionem, examinatis, & juratis testibus, exhibitis instrumentis: Ac terminus per sententiæ prolationem. Igitur citatio partis facta in die festo, etiam si intimanda alia die, sive facta alia die, pro die tamen festo intimanda, est non solum illicita, sed etiam invalida: quia strepitus judicialis cadit in diem festum. Ita communiter Doctores Canonistæ, & Theologi, contra Abb. & Anton. Item nec licite, nec valide possunt testes examinari in die festo, si in illo die emissuri sint juramentum: quia sic expresse habetur in cap. Omnis, de feriis. Imo probabilius est, dictum examen esse invalidum, etiam si partes in die festo conveniant, & juramentum die antecedenti præstitum sit: quia dictum examen est actus judicialis. Ita Suar. Bonac. Pal. Fag. Trull. contra Abb. Marant. Azor. Villal. qui dicunt, esse validum, sed illicitum. Denique omnis sententia, sive criminalis, sive civilis, quæ judicalem strepitum importat, in die festo nulla, & irrita est. Ita Barb. Bonac. Sanch. ex consequenti autem illicita est in die festo executio sententiæ, quamvis late in die festo: quia executio pertinet ad terminum, & complementum judicii, ut docent citati Doctores contra Abb. Sed, quia sunt aliquæ exceptiones,

*Sciendum 11.* Quod extrajudiciales actus ex hoc capite prohibiti non sunt, videlicet, si advocatus judicem festo die informet: si arbitrator, qui non ut judex procedit, sed, ut amicus compositor, seu pacis conciliator, arbitrium suum festo die dicat: Verus autem arbiter, qui instar judicis est, sive a Judge flagitatus, sive sponte electus, festis diebus judicare non potest, sicut habetur expresse in l. omnes dies, Cod. de feriis. Similiter licitæ sunt in die festo dispensationes, collationes beneficiorum, transactiones, scripturæ contractuum, & alii actus voluntariæ jurisdictionis: quia non requirunt strepitum judicalem; quod & generalis consuetudo confirmat, ut notat Barbosa. Pari ratione sententia excommunicationis in die festo non videtur esse pro-

prohibita, sicut docent Abb. & Suarez; propterea quod non necessario requirit iudicandam causæ cognitionem, seu processum. Multoque magis absolutio a censura, & omnis actus voluntariæ jurisdictionis festis diebus fieri potest, argum. leg. actus, Cod. eod. Appellatio vero licita est, quia est iusta defensio, ut notant Abb. & Cajetan.

*Sciendum* 111. Probabile esse, quod juramenta extrajudicialia, quibus firmanatur contractus (& a fortiori quæcumque alia juramenta) in die festo non esse prohibita, uti docent Cajet. Laym. Salmant. contra Suar. Pal. Fag. Bonac. Laym. Hoc certum est, quod in casu necessitatis, aut pietatis, non tantum juramentum, sed & alii actus judiciales, etiam in causis temporalibus, licite fieri possunt, ut dicitur in cap. ult. de feriis. Tales autem causæ, ut explicat Andreas Gail. lib. 1. observat. 53. sunt alimentorum, carceratorum, pupillorum, viduarum, & miserabilium personarum: Item causæ, quæ celeritatem requirunt, quia alioquin res peritura sit. Unde Suarez cap. 30. inter alia notat, latronem de fuga suspectum posse festo die capi, & incarcerari: Item in parvis Oppidis posse die festo causas civiles agitari, si aliis diebus rusticani homines adesse, vel commode vocari nequeant.

### C A P U T IX.

#### *De causis excusantibus laborantes in die festo.*

**O**bligatio cessandi ab operibus servilibus, vel forensibus, aliisque prohibitis in diebus festis, ex quatuor causis cessare solet, quæ sunt necessitas, pietas, dispensatio, & consuetudo, ut colligitur ex cap. ult. de feriis. Ad quarum evi-

*Sciendum* 1. Quod necessitas duplex est. Una publica, puta, reficiendi pontes, fontes, piscandi certum genus piscium, quod nonnisi diebus opportunis capitur, juxta cap. licet, de feriis. Altera privata, vel subveniendi gravi necessitati propriæ, vel proximi; vel vitandi gravis damni imminentis. Ad pietatem vero pertinet tum religio in Deum, tum misericordia in proximum. Ad dispensationem adjungi solet legitima consuetudo a Prælatiis scita, & tolerata, ut notat Suarez, tom. 2. de festis, cap. 33. Porro tria advertenda sunt circa has causas. Primo, ut, quantum fieri potest, scandalum caveatur. Secundo, quod opus, si die antecedente fieri possit, non potest licite differri in diem festum. Tertiò, si causa excusans manifesta sit, non est opus petere licentiam a superiore, licet interdum securius, & decens sit, præsertim quando impedimentum diu, aut ordinarie duraturum est. Sin vero causa dubia, utrum sufficiens sit, tunc dispensatio necessaria est. Quibus præsuppositis, ut ad singulas causas explicandas procedamus,

*Sciendum* 11. Ad necessitatem publicam pertinere primo, si paranda sunt aliqua ad communem populi utilitatem, ut animalia occidere, & excoiriæ: panes facere, & coquere, & consequenter ad id necessaria parare, ut farinam cribrare, triticum terere mola: quod tamen intelligendum est respectu pistorum, furnariorum, aliorumque publicæ commoditatis deservientium, quia in his semper datur necessitas ob concursum populi, & utilitatem reipublicæ. Ita Sa, Pal. Lean. Bonac. Sanch. Non tamen licitum erit præparare in die festo cibos, qui non ad usum communem necessarium, sed potius ad gulositatem deserviunt, & aliis diebus possunt sufficienter præparari, ut sunt qui ex saccharo conficiuntur, nisi aliqua necessitas urgeat, quæ præveniri non potuit, ut docent Sanch. & Salmant. contra Palaum; qui dicit hoc posse fieri ex consuetudine jam introducta. Secundo, si paranda sint aliqua ad communem populi festivitatem, puta in adventu principis. Tertiò ratione necessitatis publicæ excusantur agricolæ, qui tempore messis, & vindemiæ laborant diebus festis, ne fructus pereant: item hortulani rigantes olera; & alii hujusmodi: quia hæc necessa-

cessaria sunt ad communem victum, & utilitatem reipublicæ. Ita S. Thom. Sanch. Suar. Barb. A fortiori licita sunt in die festo opera naturalia, ut comedere, bibere, se lavare, & similia: sicut docet S. Tho. 2. 2. q. 122. a. 4. ad 3.

*Sciendum* III. Quod ratione necessitatis privatæ excusantur artifices, pauperes, qui aliter se, suamque familiam decenter sustentare non valent, nisi laborent in die festo, audita tamen prius Missa. Item licitæ sunt omnes actiones, quæ ordinantur ad ornatum, & decentiam corporis, ut barbam radere, & similes, saltem ex consuetudine: ut docent Regin. & Lean. quamvis probabilis sit, has actiones secundum se non esse licitas in die festo, nisi necessitas agricolarum, & peregrinorum id expostulet, quia hi cogendi non sunt aliis diebus operas suas deferere: hac autem necessitate præcisa, consuetudo in contrarium non est ubique recepta, aut tolerata. Ita Sanch. Tolet. Cajet. Salmant. Item excusantur fariores, si adit moralis necessitas conficiendi velles pro aliquo funere, aut simili causa urgente, cui diebus profectis satisfacere non valuerunt: & idem dicendum de futuribus, aliisque huiusmodi: sicututi docent Laym. Dian. Trull. Salmant. Denique excusantur Medici, Chirurgi, Pharmacopœ, cum pro infirmis laborare debent, juxta illud Joan. 7. *Mibi indignamini, quia totum hominem salvum feci in die sabbati.* Ita Tolet. Navar. Suar. Item permixtum est in nova lege christianis coquere cibos quotidianæ necessitati vitæ delevientes, ut docet S. Thom. cit. ad 4.

*Sciendum* IV. Quod ratione vitandi damni, licitum est laborare in die festo ad extinguendum ignem, ad colligendas segetes, ne a flumine rapiantur: ad congregandas oves, ne rapiantur ab hostibus. Item servis, si compellantur a Domino, & nisi obediant, timeant grave damnum: dummodo hoc non fiat in contemptum religionis a domino infideli, tunc enim omne damnum potius pati debent. Ita Azor. Cajet. Navar. Bonac. Sanchez, qui hanc doctrinam extendunt ad uxores, & filios, si timeant gravem indignationem parentum, aut mariti. Item excusantur decolantes ferrum, coquentes vitrum, saponem, calcem, tegulas, & alii huiusmodi,

si opus jam inchoatum continet in diebus festis: quia alias grave damnum paterentur. Ita Laym. Sot. Navar. Probabilius est, quod non liceat laborare in die festo ob magnum lucrum acquitendum, præcisa necessitate, quia cessatio lucri contingens, non est vere damnum imminens: & ex alia parte, quis non putaret, se magnum locrum acquirere laborando in die festo, & sic præceptum eludere? Ita Abul. Suar. Sylv. Pal. Salmant. & alii contra Cajet. Ang. Sanch. Bonac. Hæc & his similia necessitas licita facit, juxta reg. 4. de regul. juris. *Quod non est licitum in lege, necessitas facit licitum: nam & sabbatum exstidiri præceptum est, Machabæi tamen sine culpa in sabbato pugnabant.*

*Sciendum* V. Quod ratione pietatis liciti sunt in die festo omnes actus iudiciales in causis miserabilium personarum, ut dictum est in cap. ant. Opera vero servilia tunc licita sunt ob pietatem, quando vel per se ordinantur ad Dei cultum: vel, si per accidens ordinantur ad illum, aut ad misericordiam erga proximum, detur actu necessitas illis subveniendi: Sui vero detur actu necessitas, non licet laborare in die festo, etiam si ex intentione operantis labor ordinetur ad interveniendum proximo, vel illi subveniendum, puta ad faciendum eleemosynas, vel quid simile: quia cessante urgente necessitate, primum opus pietatis est vacare Deo, & cultum ei exhibere in die festo. Ita Abul. Navar. Suar. Sanch. Bonac. Salmant. Denique ad pietatem erga se ipsum pertinet, si quis post auditam Missam laboret in die festo ad vitandum otium, quando illud non vitando est in probabili periculo peccandi, ut docet Sylv. ver. Dominica, cap. 5. dicto. 3. Sa, ver. festum, nu. 6. quod tamen raro accidere videtur, ut scilicet aliter peccatum declinari non possit.

*Sciendum* VI. Ex communi sententia, sicut admonet Suar. tom. 2. de festis, cap. 3. interdum præter aliquam necessitatis, aut pietatis rationem, accedere etiam consuetudinem a Prælati toleratam: ut, quod artifices aliqui in quibusdam locis festis diebus ad vespertam materiam præparent pro labore diei sequentis: quod mercatores in die festo rusticis velles, calceos, & cætera vendant: quod mercatus fiant, & mul-

ta alia, quæ tolerantur scientibus, & non repugnautibus Prælati. His etiam causis additur expressa dispensatio, quam concedere potest Episcopus in tota diocesi, etiam in ordine ad festa generalia pro tota Ecclesia imposita: & Prælati regulares suis subditis, & etiam domesticis, ut patet ex eorum privilegiis: Imo etiam Parochi eam concedere possunt, ut absolute docet Laym. lib. 4. tr. 7. c. 4. n. 2. vel saltem in absentia Episcopi, aut quando urget casus particularis, & Episcopus adiri non potest, cum hoc ad bonum regimen Ecclesiæ requisitum sit, ut docent Cajet. Sor. Navar. Suar. Qua de re vide, quæ dixi in tract. de legib. c. 25.

## CAPUT X.

*De parvitate materie excusante a gravi culpa laborantes in die festo.*

**C**ertum est hoc præceptum admittere parvitatem materiæ, quæ licet non excuset totaliter a culpa, excusat tamen a gravi peccato laborantes in die festo. Solum difficultas est, quænam sit iudicanda parva materia respectu hujus præcepti. Circa quod

*Sciendum 1.* Quod aliqui Canonistæ apud Suarez asserunt, quod, si labor non pertingat ad tertiam diei partem, octo vide licet horas, non est materia gravis. Unde in hac sententia, si demas a viginti quatuor horis tempus noctis ad somnum necessarium destinatum: tempus refectionis meridianæ, & serotinæ: tempus necessarium ad audiendam Missam, & ad alias naturales operationes requisitum; poterit quis absque scrupulo gravis peccati, sine ulla necessitate, aut alia cauta urgente, totum tempus diei festi in operibus servilibus occupare: ex qua sententia illative sequitur, quod præceptum servandi festa non obligat sub mortali, seposito scandalo, si absit contemptus; quæ est prop. 52. damnata ab Innoc. XI. Relicta igitur hac opinione, tanquam erronea, & scandalosa,

*Sciendum 11.* Quod alii dicunt, exercere opera servilia per tres horas in die festo, materiam gravem non esse: hæc enim solet esse tertia pars temporis, quo operarii laborare solent in diebus profectis.

Ita Pasqual. Marcant. & Pastor. Tertia vero sententia moderatior tenet, in festo una integra hora laborare esse materiam gravem. Ita Azor. Villal. Bonac. & alii apud Suarez. Quarta sententia docet, quod, si labor excedat horam, & dimidiam, aut unum quadrans, crit materia gravis: quia in hoc spatio temporis effici potest notabile opus servile: pro qua sententia stare videntur PP. Salmanticenses, tr. 23. cap. 1. p. 14. §. 1. Quinta sententia est Suarezii, quæ nihil determinat, asserit enim, id arbitrio prudentum relinquendum esse: cui videtur non dissentire Palaus. Sexta sententia affirmat, non esse materiam gravem per duas integras horas in die festo laborare. Ita Dian. Val. Granad. Henriq. Balseus, Lean.

*Sciendum 111.* Septima denique, & probabilior sententia docet, quod licet laborare infra duas horas in die festo non sit mortale; tamen, si labor ad duas horas pertingat, erit culpa mortalis. Sic Trull. Filluc. Sanch. & probabiliores dicunt Salmant. Inter hæc sententias, prima est evidenter falsa: secunda est nimis laxa, nam tertia pars rei prohibitz gravis esse videtur, sicut & rei præceptæ, ut patet in recitatione horarum Canonicarum. Quinta nihil determinat. Tertia turior est. Quarta, sexta, & septima probabiliores videntur. Unde colliges, non peccare mortaliter dominum, qui præcipit, ut plures famuli per unam horam in die festo laborarent: tum, quia præcipit id, quod in singulis erit ad summum veniale peccatum: tum, quia obligatio satisfaciendi præcepto huic est personalis, ideoque modicus labor unius non continuatur cum modico labore alterius: tum denique, quia hoc non impedit, quin famuli cultui divino, qui est huius intrinsecus hujus præcepti, vacare possint. Ita Sanch. Trull. Bonac. Oviedo, Salmant. & alii, contra M. Gonet.

# TRACTATUS DECIMUSQUINTUS, ET ULTIMUS.

*De Jejunio Ecclesiastico.*

**D**enique pro coronide totius materie moralis considerandum est de Jejunio Ecclesiastico, per quod tollitur impedimentum intrinsecum quietis mentis in Deum. Per ipsum enim carnis concupiscentia frenantur, & immoderantia passionum reprimuntur; taliter, ut spiritus libere inhareat possit divinis. Unde canit Ecclesia: *Qui corporali jejunio vitia comprimis, mentem elevas, virtutem largiris, & premias.* Circa Jejunium autem tria consideranda sunt. Primo ejus obligatio. Secundo determinatio. Tercio excusatio. Unde sit

## CAPUT PRIMUM.

*Utrum Jejunium sit actus virtutis.*

S. Thom. 2. 2. q. 147. art. 1.

**J**ejunium connumeratur aliis virtutum actibus 2. ad Cor. 6. ubi Apostolus dicit. *In jejunio multis, in scientia, in castitate &c.* ad cujus rei evidentiam

*Sciendum* 1. Quod ex hoc aliquis actus est virtuosus, quod per rationem ordinatur ad aliquod bonum honestum: hoc autem convenit Jejunio. Assumitur enim Jejunium principaliter ad tria. Primo quidem ad concupiscentias carnis reprimendas. Unde Apostolus dicit in auctoritate inducta: *In jejunio, in castitate:* quia per jejunium castitas conservatur. Ut enim Hieronymus dicit in lib. 1. contra Jovin. *Sine Cerere, & Baccho, friget Venus;* id est, per abstinentiam cibi, & potus tepescit luxuria. Secundo assumitur ad hoc, quod mens liberius eleveatur ad sublimia contemplanda: Unde dicitur Daniel. 10. quod post jejunium trium hebdomadarum revelationem accepit a Deo. Tercio, ad satisfaciendum pro peccatis: Unde dicitur Joel. 2. *Convertimini ad me in toto corde vestro,*

*in Jejunio, in fletu, & planctu.* Unde patet, quod Jejunium est actus virtutis.

*Sciendum* 11. Quod melius virtutis non accipitur secundum quantitatem, sed secundum rationem rectam, ut dicitur in 2. Ethic. cap. 6. Ratio autem judicat, quod propter aliquam specialem causam aliquis homo minus sumat de cibo, quam sibi competeret secundum statum communem: sicut propter infirmitatem vitandam, aut ad aliqua opera corporalia expeditius agenda, & multo magis ratio recta hoc ordinat ad spiritualia mala vitanda, & bona prosequenda: non tamen ratio recta tantum de cibo subtrahit, ut natura conservari non possit: quia, ut Hieron. dicit, & habetur, de conce. dist. 5. cap. Non mediocriter. *Non differt, utrum magno, vel parvo tempore te interinas: quia de rapina bolecaustum offert, qui, vel ciborum nimia egestate, vel manducandi, vel somni penuria immoderate corpus affligit.* Similiter etiam ratio recta non tantum de cibo subtrahit, ut homo reddatur impotens ad debita opera peragenda. Unde dicit Hieron. cit. loco, quod *Rationalis homo dignitatem amittit, qui vel jejunium charitati, vel vigilas sensus integritati prefert.*

*Sciendum* 111. Quod contingit, quod aliquis actus, qui ex genere suo est virtuosus, ex aliquibus circumstantiis adjunctis redditur vitiosus. Unde, licet Jejunium moderatum secundum rectam rationem sit ex genere suo actus virtuosus, tamen ex adjunctis circumstantiis potest reddi vitiosus, & Deo displicens, puta, si contra obedientiam fiat, vel charitati preferatur, aut aliis virtutibus non affocietur. Et ideo Judæis interrogantibus Isai. 58. *Quare jejunamus, & non afflexisti?* respondit Dominus: *Ecce in diebus Jejunii vestri invenitur voluntas vestra.* Et paulo post subditur: *Ad lites, & contentiones jejunatis, & percussitis pugno impie.* Quod exponens Gregor. in Pallor. part. 3. cap. 10. dicit: *In casum ergo per abstinentiam corpus atteritur, si inordinatis motibus mens vitii dissipatur.* Et August. in serm. 120. de temp. dicit, quod *Jejunium verbositatem non amat, divitias superfluitatem inuocat, superbiam spernat, humilitatem commendat, præparat homini seipsum intelligere, quod*

*quod est infirmum, & fragile.* Et ideo Apostolus in auctoritate inducitur jejunium conjungit actibus aliarum virtutum, sine quarum consortio Deo acceptum esse non potest.

*Sciendum* IV. Quod Jejunium naturæ, quo quis dicitur jejunus, antequam aliquid prorsus comedat, vel bibat: quodque ab Ecclesia Spiritus Sancti instinctu præcipitur sumpturis Eucharistiam, ut Augustin. dicit Epist. 118. consistit in pura negatione, & communiter omnibus convenit, & bonis, & malis: quilibet enim, antequam comedat, jejunus est; unde non potest poni actus virtutis: sed solum illud Jejunium, quo quis ex rationabili proposito a cibis aqualiter abstinet, quod proinde est Jejunium morale. Unde primum dicitur Jejunium jejunii, secundum vero jejunium jejunantis, quasi ex proposito aliquid agentis. Formale enim in actu virtutis est electio, cum virtus moralis sit habitus electivus in medietate consistens: unde actus moralis tunc est virtuosus, quando ex proposito voluntatis eligitur secundum moderationem rectæ rationis. Sic igitur Jejunium, ut sit actus virtutis, & Deo acceptum, quatuor condiciones habere debet. Prima est, quod sit moderatum a ratione recta secundum regulas temperantiæ, quod pertinet ad substantiam actus, illumque constituit ex genere bonum. Altera est, quod ex electione fiat, quod pertinet ad formale virtutis, secundum quod jejunium dicitur actus moralis, seu voluntarius. Tertia est, quod ordinetur ad finem honestum, a quo voluntas dicitur bona, & specificatur in esse morali. Quarta est, ut secundum omnes circumstantias, determinantes actum in individuo, jejunium nihil dissonet a recta ratione: sicut aperte ex hucusque dictis colligitur.

## C A P U T II.

*Utrum Jejunium sit actus abstinentiæ.*

2. 2. quæst. 147. art. 2.

**I**sidorus dicit, quod Jejunium est pars-  
monia vidus, abstinentiaque ciborum.  
Ergo jejunium est actus abstinentiæ, quæ  
pars temperantiæ ponitur, sicut dictum est  
in 2. part. Ad cujus evidentiam,

*Sciendum* I. Quod eadem est materia habitus, & actus. Unde omnis actus virtuosus, qui est circa aliquam materiam, ad illam virtutem pertinet, quæ medium in illa materia constituit. Jejunium autem attenditur in cibis, in quibus medium advenit abstinentia. Unde manifestum est, quod Jejunium est abstinentiæ actus. Considerandum tamen est, quod jejunium dupliciter dicitur. Uno modo proprie, & sic consistit in abstinendo a cibis, & secundum hoc est actus specialis virtutis, scilicet abstinentiæ. Alio modo metaphorice, & sic dictum consistit in abstinendo a quibuslibet nocivis, quæ maxime sunt peccata; & secundum hunc sensum Hieron. dicit super illud Matth. 17. Hoc genus demoniorum &c. Jejunium non solum est ab esei; sed a cunctis illecebris abstinere. Et secundum hoc Jejunium pertinet ad omnem virtutem, & generale Jejunium vocatur ab August. tractat. 17. in Joan. pope fin. Vel potest dici, quod etiam Jejunium proprie dictum est abstinentia ab omnibus illecebris: (connexive scilicet) quia per quælibet vitia adjuncta definit esse actus virtuosus, ut dictum est in cap. ant.

*Sciendum* II. Quod nihil prohibet actum unius virtutis pertinere ad aliam virtutem, secundum quod ad ejus finem ordinatur. Et secundum hoc nihil prohibet jejunium pertinere ad religionem, vel ad castitatem, vel ad quamcumque aliam virtutem. Jejunium igitur est actus abstinentiæ, tanquam virtutis elicentis: potest tamen ab aliis virtutibus imperari, per hoc, quod ab illis ordinetur ad proprios fines, & sic ad illas pertinere, non tanquam actus ab ipsis elicitus, sed ut actus ab ipsis imperatus. Unde ex objecto, seu ratione materiæ, erit in specie abstinentiæ: ex fine vero, qui de formali se habet in actu morali, erit in specie religionis, vel alterius virtutis jejunium imperantis. Notandum igitur est, quod Jejunium, (sicut & quilibet actus virtutis) tripliciter potest considerari. Primo secundum se. Secundo in ordine ad virtutem imperantem. Tercio, in quantum respicit virtutem elicentem, a qua procedit. Jejunium secundum se consideratum est actus bonus, & proinde præcipi potest, & exerceri tam a bonis, seu iustis, quam a malis, seu peccatoribus.



bus. Consideratum vero in ordine ad imperantem, seu operantem, potest esse bonus, vel malus, secundum quod ad finem bonum, vel malum ordinatur. In quantum vero respicit virtutem elicientem, seu virtutem abstinētiæ, a qua procedit, est actus virtutis perfectæ, seu connexæ cum omnibus virtutibus, & nullo modo potest esse actus malus, nec ex fine, nec ex circumstantiis, nec ex immoderantia, nec ex defectu rectæ electionis: & hoc pacto non jejunit, nisi qui est in statu gratiæ, & charitatis, & abstinēt ab omni illecebra; sicut dictum est cap. ant.

*Sciendum* III. Quod ad fortitudinem, secundum quod est specialis virtus, non pertinet perferre qualcumque molestias, sed solum illas, quæ sunt circa pericula mortis. Sufferre autem molestias, quæ sunt ex defectu delectabilium tactus, pertinet ad temperantiam, & ad partes ejus, & tales sunt molestiæ Jejunii, quas perferre pertinet ad virtutem abstinētiæ. Notandum tamen, quod ratione connexionis virtutum, non potest Jejunium virtuosè fieri, seu a virtute temperantiæ procedere, nisi jejunas habeat virtutem fortitudinis, alias non erit firmus in jejunando, & perierendo molestias: sicut etiam, nisi etiam habeat virtutem prudentiæ, per quam discrete jejunit: & omnes virtutes possunt concurrere, vel ratione materiæ, vel per redundantiam, ut dictum est in 1. part. tract. 3.

### C A P U T III.

*Utrum Jejunium sit in præcepto.*

2. 2. qu. 147. art. 3.

**H**ieron. in Epist. ad Lucinium dicit de jejunii loquens; *Unaquæque provincia abundet in suo sensu, & præcepta majorum leges Apostolicas arbitretur.* Ergo Jejunium est in præcepto. Ad cujus evidentiam

*Sciendum* 1. Quod, sicut ad sæculares principes pertinet præcepta legalia juris naturalis determinativa tradere de his, quæ pertinent ad utilitatem communem interpopularibus rebus: ita etiam ad Prælatos Ecclesiasticos pertinet ea statutis præcipere, quæ ad utilitatem communem fidelium per-

P. Soffetti Theol. Tom. V.

tinent in spiritualibus bonis. Dictum est autem, quod Jejunium utile est ad delectionem, & cohibitionem culpæ, & ad elevationem mentis in spiritualia. Unusquisque autem ex naturali ratione tenetur tantum jejunii uti, quantum sibi necessarium est ad prædicta: & ideo jejunium in communi cadit sub præcepto legis naturæ. Qui enim tenetur ad finem, ex vi ejusdem præcepti tenetur ad media necessaria ad illum finem. Sed determinatio temporis, & modi jejunandi secundum convenientiam, & utilitatem populi Christiani, cadit sub præcepto juris positivi, quod est a Prælati Ecclesiæ institutum: & hoc est Jejunium Ecclesiæ, aliud vero est naturæ, seu virtutis.

*Sciendum* II. Quod Jejunium secundum se consideratum non nominat aliquid eligibile, sed pœnale quoddam. Redditur autem eligibile, secundum quod est utile ad finem aliquem. Et ideo absolute consideratum non est de necessitate præcepti: sed est de necessitate præcepti unicuique tali remedio indigenti. Et, quia multitudo hominum, ut plurimum, indiget tali remedio, tum quia in multis omnes offendimus, ut dicitur Jacob. 3. tum etiam, quia caro concupiscit adversus spiritum; ut dicitur ad Galat. 5. conveniens fuit, ut Ecclesiæ aliqua jejunia statueret ab omnibus communiter observanda, non quasi præcepto subjiciens id, quod simpliciter ad supererogationem pertinet, sed quasi in speciali determinans id, quod est necessarium in communi ex ipso jure naturali. Unde Jejunium Ecclesiasticum est in præcepto quidem juris positivi, sed fundatur in præcepto juris naturæ. Et ideo indubit ad mortale obligat talis præcepti transgressio. Quapropter damnata fuit ab Alexand. VII. hæc prop. 23. *Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult se subjicere præcepto.* Ad cujus evidentiam

*Sciendum* III. Quod præcepta, quæ per modum communis statuti proponuntur, non eodem modo obligant omnes, sed secundum quod requiruntur ad finem, quem legislator intendit, cujus auctoritatem si aliquis transgrediendo statutum

R

con-

contemnat, (puta, quia non vult se sub-  
jicere præcepto) vel, etiam si non con-  
temnat, hoc modo transgrediatur, quod  
impediatur finis, quem intendit, peccat  
mortaliter talis transgressor. Si autem ex  
aliqua rationabili causa quis statutum non  
servet, præcipue in casu, in quo, etiam si  
legislator adesset, non decerneret esse ser-  
vandum, talis transgressio non constitue-  
ret peccatum mortale. Et inde est, quod  
non omnes, qui non servant jejunia Eccle-  
siastica, peccant mortaliter: sed solum  
illi, qui absque rationabili causa excusan-  
te, vel eximente ab obligatione jejunii,  
illud non observant, sive hoc faciant ex  
contemptu, vel inobedientia formali, puta,  
quia nolunt se subicere præcepto: sive  
ex alia causa, puta passione, per inobe-  
dientiam materiale transgrediendo præ-  
ceptum.

*Sciendum IV.* Quod quando Augustin.  
Epist. 116. cap. 19. dicit, quod *Quidam  
ipsam religionem nostram, quam manifestis-  
simis, & paucissimis celebrationum Sacra-  
mentis Dei misericordia voluit esse liberam,  
servilibus premunt oneribus*; loquitur ibi  
de his, quæ neque sacrarum Scripturarum  
auctoritatibus continentur, nec in Conci-  
liis Episcoporum statuta inveniuntur, nec  
consecutione universalis Ecclesiæ roborata  
sunt. Jejunia vero, quæ sunt in præcep-  
to, sunt in Conciliis Episcoporum statu-  
ta, & consuetudine universalis Ecclesiæ  
roborata. Nec sunt contra libertatem po-  
puli Christiani, sed magis sunt utilia ad  
impediendam servitutem peccati, quæ re-  
pugnat libertati spirituali, de qua dicitur  
ad Galat. 5. *Vos enim fratres in libertatem  
vocati estis, tantum ne libertatem detis in  
occasionem carnis.* Ad tria autem obligat  
præceptum Jejunii ab Ecclesia statuti, de  
quibus infra considerandum erit, scilicet  
ad abstinendum ab esu carni, & infu-  
per in quadragesima ab esu ovorum, &  
lacticiniorum: ad unicam cessionem:  
& ad tempus refectioni determinatum.

*Sciendum V.* Quod, sicut dictum est in  
tract. de legib. cap. 7. Modus virtutis in-  
trinsecus in tribus consistit, secundum Philos.  
in 2. Eth. cap. 1. Quorum primum est, si  
aliquis operetur sciens. Secundum, quod  
aliquis operetur eligens, vel volens, &  
propter hoc eligens: in quo importatur

duplex motus interior, scilicet voluntatis,  
& intentionis. Tertium autem, ut firmi-  
ter, & immobiliter operetur, quod pro-  
prie pertinet ad habitum, ut scilicet ali-  
quis ex habitu radicato operetur. Primum  
judicatur a lege divina, & a lege huma-  
na, secundum quas ignorantia vel excusat  
a transgressione præcepti, si est invincibi-  
lis: vel non excusat ab omissione, si vin-  
cibilis est: quod enim aliquis facit igno-  
rans, per accidens facit. Secundum judi-  
catur a lege divina, non autem a lege  
humana, quæ non judicat de actibus in-  
ternis. Tertium non judicatur nec a lege  
divina, nec a lege humana, quia præcep-  
ta dantur etiam imperfectis. Sic igitur  
dicendum, quod, qui ignoranter transgre-  
ditur præceptum jejunii, non judicatur ad  
pœnam, nec in judicio divino, nec in ju-  
dicio Ecclesiæ. Similiter qui observat je-  
junium, quamvis non ex habitu temperan-  
tiæ, quia existit in peccato mortali, non  
judicatur ad pœnam neque a Deo, neque  
ab Ecclesia. Qui vero jejunat, vel cum  
prava intentione, vel cum tristitia, puta,  
quia coacte jejunat, peccat quidem coram  
Deo, a quo judicatur ad pœnam: sed ab  
Ecclesia non judicatur ad pœnam, utpote  
quæ non judicat de actibus internis. Unde  
colliges, quod ad satisfaciendum præcepto  
Ecclesiæ, sufficit quod jejunium quoad sub-  
stantiam observet, sic enim rem præcep-  
tam ab Ecclesia materialiter exequitur:  
quod sufficit, ut non sit transgressor hujus  
præcepti: licet peccet mortaliter actu in-  
terno contra aliud præceptum divinum.

#### C A P U T IV.

*Utrum omnes ad jejunia Ecclesiæ teneantur.*

2. 2. qu. 147. art. 4.

**D**Einde considerandum est, quos obli-  
get præceptum Jejunii Ecclesiastici.  
Circa quod

*Sciendum I.* Quod, sicut dictum est in  
cap. ant. statuta communia proponuntur,  
secundum quod multitudini conveniunt:  
& ideo legislator in eis statuendis attendit  
id, quod communiter habetur, & in plu-  
ribus accidit. Si quid autem ex speciali  
causa in aliquo inveniatur, quod obser-  
vantia statuti repugnet, non intendit talem

lem legislator ad statuti observantiam obligare, in quo tamen est discretio adhibenda. Nam, si causa sit evidens, per se ipsum potest hominibus observantiam præterire, præsertim consuetudine interveniente: vel, si non possit de facili recursus ad Superiorem haberi. Si vero causa sit dubia, debet aliquis ad Superiorem recurrere, qui habet potestatem in talibus dispensandi: & hoc est observandum in jejniis ab Ecclesia institutis, ad quæ omnes communiter obligantur, nisi in eis fuerit aliquod speciale impedimentum. Hæc est ergo differentia inter præcepta divina, & statuta Ecclesiæ, quod præcepta Dei sunt juris naturalis, quæ secundum se sunt de necessitate salutis. Sed statuta Ecclesiæ sunt de his, quæ non per se sunt de necessitate salutis, sed solum ex institutione Ecclesiæ; & ideo possunt esse aliqua impedimenta, propter quæ aliqui ad observanda præcepta hujusmodi non teneantur.

*Sciendum II.* Quod in pueris maxime est evidens causa non jejunandi, tum propter debilitatem naturæ, ex qua provenit, quod indigent frequenti cibo, & non multo simul assumpto: tum etiam, quia indigent multo nutrimento propter necessitatem augmenti, quod fit de residuo alimenti. Et ideo quamdiu sunt in statu augmenti, quod est, ut in pluribus, usque ad finem tertii septennii, non tenentur ad Ecclesiastica jejunia observanda. Conveniens tamen est, ut etiam in hoc tempore se ad jejunandum exerceant plus, vel minus, secundum modum suæ ætatis. Quandoque tamen magna tribulatione imminente in signum poenitentis arctioris etiam pueris jejunia indicuntur secundum illud Joel. 2. *Sanctificate Jejunium: congregate parvulos, & sugentes ubera.* Ita cum D. Thom. communiter Doctores contra Durand. Innoc. & Abul. Verum tamen est, quod statim, ac ad usum rationis perveniunt, tenentur ad abstinentiam a carnibus, & lacticiis, ut docent communiter Doctores. Aliquando etiam ex ipso jure naturali obligari possunt ad jejunandum, si sit necessarium ad resistendum tentationibus, sicut constat ex supra dictis.

*Sciendum VII.* Quod ratione etiam ætatis a jejunio excusantur senes, sed in quæ ætate non conveniunt Doctores. Aliqui enim dicunt, solos septuagenarios a jeju-

nio excusari. Ita Bonac. Sylv. Tolet. Alii dicunt, nullam ætatem posse præscribi, sed attendendum esse ad robur, & vires unicujusque. Ita S. Anton. Led. Cajet. Sed probabilior sententia asserit, quod jam hæc nostra ætate senes sexagenarii, etsi robusti sint, a jejunio excusari, quia tunc, ut in pluribus, jam vires deficiunt: & ita respondisse anno 1570. S. Pium V. testatur Llamas. Hanc sententiam tenent Sanch. Trull. Navar. Lean. Salmant. Imo Sanch. referens alios in Consil. num. 6. dicit, feminas quinquagenarias deobligari a jejunio: quod tamen non est admittendum, cum feminæ regulariter facilius, quam viri jejunium ferre possint, ob majorem phlegmatum copiam, & vitam quietam. Ex his inferunt aliqui, Religiosos profectos pari modo ratione ætatis excusari a jejniis regulæ, sicuti a jejniis Ecclesiæ. Ita Rodr. Med. Tamb. Graff. Alii vero id negant, si vires suppetunt, quia promissio observandi regulam fuit voluntaria, & perpetua, adeoque regulanda secundum obligationem voti, quæ durat usque dum vires suppetunt. Ita Bord. Azor. Sanch. Lex. Salm. & alii communiter.

*Sciendum IV.* Quod circa peregrinos, & operarios distinguendum videtur: quia, si peregrinatio, & operis labor commode differri possit, aut diminui absque detrimento corporalis salutis, & exterioris status, qui requiritur ad conservationem corporalis, vel spiritualis vitæ, non sunt propter hoc Ecclesiæ jejunia prætermittenda. Si tamen imminet necessitas statim peregrinandi, & magnas diætas facienda: vel etiam multum laborandi, vel propter conservationem vitæ corporalis, vel propter aliquid necessarium ad vitam spiritualement, & simul cum hoc non possint Ecclesiæ jejunia observari, non obligatur homo ad jejunandum: quia non videtur fuisse intentio Ecclesiæ statuentis jejunia, ut per hoc impediret alias pias, & magis necessarias causas. Videtur tamen in talibus recurrendum esse ad Superiorem dispensationem, nisi forte, ubi est ita consuetum, quia ex hoc ipso, quod Prælati dissimulant, videntur annuere. Ita S. Thom. ad 3. Unde merito damnata fuit ab Alexand. VII. hæc prop. 30. *Omnes officiales, qui in republica corporaliter laborant, sunt excusati ab obli-*

gatione jejunii: nec debent se certificare, an labor sit composibilis cum jejunio. Et prop. 31. Excusantur absolute a præcepto jejunii omnes illi, qui iter agunt equitandis, utcumque iter agant, etiamsi iter necessarium non sit, & etiam si iter unius diei consistat.

*Sciendum v.* Quod, sicut ex dictis colligitur, excusantur a jejunio exercentes opera charitatis, misericordiae, religionis, sive spiritualia, sive corporalia sunt, quando commodum cum jejunio compati nequeunt. Quod verum est, etiamsi talia opera exercent propria voluntate, etiamsi non ex officio, aut obedientia, aut ob communem utilitatem, ut probabiliter tenet sententia, quam docent Sanch. Armil. Villal. Salm. contra Navar. Cajet. Sylv. Nam, sicut ait S. Thom. in 4. d. 15. q. 3. art. 5. q. 2. ad 3. Si enim sit tanta abstinentia, quod homo ab operibus utilioribus impediatur, quamvis ab hoc ex necessitate non teneatur, indiscretum est jejuniū, etsi non sit illicitum. Quare excusantur a jejunio, qui plurimis infirmis inserviunt in hospitalibus, & monasteriis: qui in publicis processionibus cruces graves portant, aut se flagellis cruciant: prædicatores, qui ter, vel quater in hebdomada concionantur, non solum in die concionis, sed in vigilia: similiter confessorii, qui per totam diem confessiones excipiunt: Cantores, si jejunando adsit periculum amittendae vocis. In his tamen, & similibus casibus discretio adhibenda est, an labor sit composibilis cum jejunio. Qua de re vide Salmant. tract. 23. cap. 2.

*Sciendum vi.* Quod pauperes, qui possunt sufficienter habere, quod eis sufficiat ad unam comestione, non excusantur propter paupertatem a jejuniis Ecclesiae, a quibus tamen excusari videntur illi, qui frustatim elemosynas mendicant, qui non possunt simul habere, quod eis ad victum sufficiat. Ita S. Thom. ad 4. Similiter ratione impotentiae physicae, vel moralis excusantur a jejunio infirmi, convalescentes, valetudinarii, & similes, qui non tantum a jejunio, sed etiam ab obligatione abstinendi ab esu carnum eximuntur, etiam si infirmitas ex propria culpa contracta sit. Quod, si non ita certa, aut gravis sit infirmitas, detet peti consilium

Medici, aut Superioris, ut docent Covar. Navar. Sanch. Item excusantur a jejunio, qui vacuo stomacho vertiginem patiuntur, vel fere per totam noctem caleheri, aut dormire non possunt. Ita Sanchez, Fag. Villal. Similiter excusantur praegnant, & lactantes, etsi robustae sint. Azor. Lez. Bonac. item excusant mulieres, qui nubes formam amittere timent, vel nuptiae debitum reddere non possent, si jejunarent, Navar. Less. Sanch. quod tamen intelligi debet de jejuniis indiscretis, ut notant Salmant. Qua de re vide S. Thom. suppl. 3. p. qu. 64. art. 1. ad 3.

*Sciendum vii.* Ex Div. Thom. ad 5. Quod magis convenit, ut cum imperfectis, & novitiis in jejuniis dispensetur, quam cum antiquioribus, & perfectis, ut patet in Gloss. ord. super illud Psalm. 130. Sicut ablatus est super mare sua. Quam dispensationem concedere possunt Episcopi, & Praelati regulares respectu subditorum; Imo & Parochi, ex consuetudine saltem, quando facilis non sit recursus ad Superiorem, ut docent Navar. Ledes. Lopez, Salmantic. Imo etiam si facilis sit recursus ad ipsum, uti docent Innoc. & alii Canonistae, & plures Theologi cum D. Tho. in 4. d. 5. q. 3. art. 2. q. 4. contra Angel. & Tabien. quam facultatem extendunt etiam ad Vicarium Parochi, qui exercet alios actus Parochialis jurisdictionis, Sanchez, Pal. & Sanctius. Nam hoc convenit suavi regimini Ecclesiae. Abbatissae vero, & Priorissae directe quidem dispensare non possunt in jejuniis, cum non sint capaces spiritualis jurisdictionis: sed solum indirecte, declarando scilicet, non teneri in tali determinato casu moniales ad jejunandum, & tunc Superior, vel Religio intelligitur dispensare, ut docent Portel. Lez. Laym. Salmant. Denique possunt Episcopi cum tota communitate dispensare in jejuniis ex justa causa, ut docent Sanch. Laym. Salmant.

## C A P U T V.

*Utrum convenienter determinentur tempora Jejunii Ecclesiae. 2. 2. q. 147. art. 5.*

**D**Einde considerandum est, quam convenienter Ecclesia determinaverit jejunium.

nium. Et primo quantum ad tempora. Circa quod

*Sciendum 1.* Quod, sicut supra dictum est, jejunium ad duo ordinatur, scilicet ad deletionem culpæ, & ad elevationem mentis in superna. Et ideo illis temporibus specialiter fuerunt jejunia indicenda, in quibus oportebat homines a peccato purgari, & mentem fidelium elevari in Deum per devotionem, quæ quidem præcipue imminet ante paschalem solemnitatem, in qua & culpæ per baptismum relaxantur, qui solemniter in vigilia Paschæ celebratur, quando recolitur Dominica sepultra: quia per baptismum confestimur Christo in mortem, ut dicitur ad Rom. 6. In festo etiam Paschæ oportet, maxime mentem hominis per devotionem elevari ad æternitatis gloriam, quam Christus resurgendo inchoavit. Et ideo immediate ante solemnitatem paschalem Ecclesia statuit esse jejunandum. Et eadem ratione in vigiliis præcipuarum festivitatum, in quibus præparari nos oportet ad salutem devote celebranda. Similiter etiam Ecclesiastica consuetudo habet, ut in singulis quartis anni sacri Ordines conferantur, ad quorum susceptionem oportet per jejunium præparari, & eos, qui ordinant, & eos, qui ordinandi sunt, & etiam totum populum, pro cuius utilitate ordinantur. Unde & legitur Lucæ 6. quod Dominus ante discipulorum electionem exivit in montem orare.

*Sciendum 11.* Quod raro etiam numeri, quantum ad quadragesimale jejunium, est triplex secundum Gregor. hom. 15. in Evang. Primo quidem, quia virtus Decalogi per libros quatuor sancti Evangelii impletur: denarius autem quater ductus in quadragenarium surgit. Vel, quia in hoc mortali corpore quatuor elementis subsistimus, per cujus voluntatem præceptis Dominicis contrahimus, quæ per Decalogum sunt accepta. Unde dignum est, ut eandem carnem quater decies affligamus. Vel, quia ita offerre contendimus Deo decimas dierum. Dum enim per trecentos, & sexaginta quinque dies annus ducitur, nos autem per triginta & sex dies affligimur, qui sunt jejunabiles in sex septimanis quadragesimæ, quasi anni nostri decimas Deo damus. Singula vero jejunia quatuor temporum tribus diebus continentur propter

P. Josselli Theol. Tom. V.

numerum mensium, qui competit cuilibet tempori: vel propter numerum sacrorum Ordinum, qui in his temporibus conferuntur. Ubi notandum etiam S. Thom. ad 2. quod Ecclesia non servat jejunia quatuor temporum, nec omnino eisdem temporibus, quibus Judæi, nec etiam propter causas easdem.

*Sciendum 111.* Quod Jejunium exultationis, de quo mentionem facit August. in lib. 2. de consensu Evangelist. c. 27. dicens, *Sicut est jejunium afflictionis, ita est jejunium exultationis*, ex instinctu Spiritus Sancti procedit, qui est Spiritus libertatis: & ideo hoc jejunium sub præcepto cadere non debet. Jejunia ergo, quæ præcepto Ecclesiæ instituuntur, sunt magis jejunia afflictionis, quæ non conveniunt in diebus lætitiæ. Propter quod non est jejunium ab Ecclesia institutum toto paschali tempore, nec etiam in diebus Dominicis, in quibus si quis jejunaret contra consuetudinem populi Christiani, quæ ut August. dicit Epist. 86. est pro lege habenda, vel etiam ex aliquo errore, (sicut Manichæi jejunant, quasi necessarium tale jejunium arbitantes) non esset a peccato immunis: quamvis ipsum jejunium secundum se consideratum omni tempore sit laudabile, secundum quod Hieron. dicit ad Lucinium, & refertur dist. 76. c. *Utinam omni tempore jejunare possemus*. Ita S. Thom. ad 3. Consuetudine tamen introducitur jam est jejunium in vigilia Pentecostes, quamvis adhuc duret tempus paschale.

*Sciendum 1v.* Quod jejunium obligat etiam quatuor diebus antecedentibus primam Dominicam quadragesimæ, qui dies Cinerum dicuntur, & adjuncti 36. diebus quadragesimæ, qui sunt jejunabiles, in totum quadragesima dies jejunii completat ad imitationem jejunii Dominici, ut patet ex cap. Non licet, de consecr. dist. 3. cap. Non oportet, cap. placuit, cap. Quadragesima, tit. eod. d. 1. Consuetudo tamen in aliquibus locis prævaluit, ut quatuor illis diebus jejunium non observetur, scilicet Mediolani, ut testatur Laym. Sicut in aliquibus Germaniæ locis, quod singulis hebdomadibus tantum jejunetur, ut testatur Lean. Nam contra præceptum Ecclesiæ, quod dispensabile est, prævalere etiam potest consuetudo, ut notant Salmonic. lu

R 3 omni-

omnibus etiam sextis feriis, & sabbatis totius anni prohibetur usus carniū, nisi incidat festum Natalis Domini, ut patet ex cap. explicari, de obser. jejuniorum, ubi tamen expresse excipiuntur, voto, & regulari observantia, seu præcepto adstricti.

*Sciendum v.* Quod jejunii Ecclesiastici obligatio incipit a puncto mediæ noctis, & finitur in eodem puncto mediæ noctis subsequētis: quia integrum diem viginti-quatuor horarum durare debet, ut est certum apud omnes. Ubi autem horologium non est, moraliter secundum habitantium æstimationem hic terminus sumi debet. Quod, si vigilia aliqua accidat in die Dominico, transferitur in sabbatum antecedens, ut patet ex cap. Concilium. Item, si festivitas Corporis Christi venerit in vigilia S. Joannis Baptiste, jejunium transferri debet in feriam quartam antecedentem, ut declaravit Sacra Congr. jussu Urbani VIII. in bulla, quæ incipit: Cum evenire, anno 1638. Episcopi etiam in casu magnæ festivitatis possunt transferre jejunium in diem antecedentem, exceptis jejunii quatuor temporum, ut docent Cajet. Sylv. Salmantic. Non possunt tamen transferre jejunium Vigiliæ S. Matthiæ Apost. quando venerit in carnis privio, ut declaravit Sac. Rituum Congr. anno 1644. Non enim est rationalis causa mutandi consuetum cursum Ecclesiastici ritus, ut reliquæ idololatricæ superstitionis locum habeant.

## CAPUT VI.

*Utrum requiratur ad Jejunium, quod homo tantum semel comedat.*

2.2. q. 147. ar. 6.

**D**Einde considerandum est de unica comestione, quæ ex communi consuetudine populi Christiani ad Jejunium requiritur. Circa quod

*Sciendum 1.* Quod jejunium ab Ecclesia instituitur ad concupiscentiam refrænandam: ita tamen, quod natura salvetur. Ad hoc autem sufficere videtur unica comestio, per quam homo potest & naturæ satisfacere, & tamen concupiscentiæ aliquid detrahit, diminuendo comestionum vices. Et ideo Ecclesiæ moderatione statutum est,

ut semel in die a jejunantibus comedatur. Ubi notandum, quod quantitas cibi non potuit eadem omnibus taxari propter diversas corporum complexiones, ex quibus contingit, quod unus majori, alter minori cibo indiget: sed, ut plurimum, omnes possunt naturæ satisfacere per unicam comestionem. Et ideo ab Ecclesiā taxatur unica comestio, non autem quantitas cibi. Unde, si aliquis immoderate cibum sumat in unica comestione, peccabit quidem contra temperantiam, sed præceptum jejunii Ecclesiastici non violabit: ita D. Thom. ad 2. & cum eo Cajet. Led. Bonac. Salm. & alii contra Major. Covar. aliosque.

*Sciendum 11.* Quod unica comestio magis videtur in præcepto jejunii præsupposita, tanquam communiter intellecta, quam expressa, ita, quod hoc modo est statuta ab Ecclesiā, & non solum ex consuetudine, juxta illud litteræ: *Ecclesiæ moderatione statutum est, ut semel in die a jejunantibus comedatur.* Probatur autem, quod dicimus, tum ex eo, quod jejunium, tanquam a Patribus veteris testamenti acceptum, Ecclesiā servat, & indixit. Constat autem, quod apud Judæos semel tantum in die comedeatur, scilicet ad vespem: tum ex cap. Quadragesima, de consecr. dist. 5. ubi inter dies jejunii, & Dominicos in quadragesima differentia ponitur, dicendo, quod dies Dominici abstinentiæ subtrahuntur. Constat autem, quod non in aliquo alio subtrahuntur, quam in multiplicata comestione, quoniam in qualitate ciborum conveniunt, ut infra dicitur. Ita Cajet. in com.

*Sciendum 111.* Quod electuaria, etiam si aliquo modo nutriant, non tamen principaliter assumuntur ad nutrimentum, sed ad digestionem ciborum. Unde non solvunt jejunium, sicut nec aliarum medicinarum assumptio, nisi forte aliquis in fraudem electuaria in magna quantitate assumat per modum cibi. Ita S. Thom. ad 3. Unde ex hoc patet, quod pro sustentatione naturæ, nec vespere, nec mane licet manducare, seu aliquid sumere per modum cibi: licitum autem est aliquid sumere tam mane, quam vespere, non tamen principaliter ad nutrimentum, sed pro medicina, puta, ne potus noceat, aut ex necessitate, licet aliquo modo nutriat. Nam,  
si quis

si quis non posset aliter jejunare, nisi hujusmodi refectionem sumendo in mane, vel vespere, recte faceret, si illam sumeret, & sic pro suis viribus jejunium persolveret, & satisfaceret optime Ecclesiastico præcepto reliquum diei jejunando. Non enim propterea debet iste omnino prætermittere jejunium, sicut, qui non potest totam quadragesimam, sed ter in hebdomada jejunare, debet sic facere, ut bene hic notat Cajet. ex communi sent.

*Sciendum IV.* Quod, si quis pluries comedit in die jejuni cibos non prohibitos, probabile est, quod solum peccat in secunda comestione, non autem in subsequen-  
tibus: quia, ablata jam per secundam comestionem forma jejunii, hoc amplius subsistere non potest, sicut docent Durand. Cajet. Navar. Suar. & alii apud Salmant. Probabile tamen est, quod teneatur post secundam comestionem jejunare reliquum diei spatium, adeoque quod toties peccat, quoties manducat: Per hoc enim, quod unica comestio præcipitur, excluditur non solum secunda, sed tertia, & quarta, & reliquæ omnes: Unde, sicut per secundam comestionem frangit præceptum abstinendi a pluribus comestionibus, ita, & multo magis illud frangit, qui ter, vel quater non abstinere, ut probabilius docent Major. Medin. Covar. & alii cit. a Salm. Nec forma jejunii in indivisibili consistit, ut supponit opposita opinio; Jejunium enim, ut inquit Isidorus cit. a D. Thom. art. 2. est *parsonia victus, abstinentiaque ciborum*, adeoque major, vel minor esse potest ex parte positivi, a quo abstinere, sicuti tenebræ, quæ consistunt in privatione, suscipiunt magis, & minus ex parte causæ inducentis carentiam lucis. Nec per hoc, quod aliquis non possit amplius abstinere totaliter a comedendo, quia ad præteritum non datur potestas, eximitur ab obligatione abstinendi a comedendo reliqua diei parte: sicut, qui non potest recitare totum officium, non eximitur ab obligatione recitandi partem, quam potest. Quæ de re vide propof. 54. damnatam ab Innoc. XI.

*Sciendum V.* Quod, qui negotiis causa prandium interruptit, non censetur pluries comedere, etiam si per mediam horam, ut vult Bonac. Trull. Villal. vel per

integram horam, ut vult Sanch. Imo etiam si per duas horas interruptat, ut vult Joan. Sanchius: quia non censetur interruptio moralis, sed solum physica. Similiter, si e mensa quis surgat animo amplius non comedendi, & statim animo murato revertatur, non censetur pluries comedere, seu moraliter prandium interrompere, ut docet noster Piselli contra Navar. Lessi. Bonac. qui tamen concedunt, quod si prandium adhuc duret, non censetur revertens interrupuisse moraliter. Qua ratione non frangunt jejunium leutores, & ministri mensæ in monasteriis: & similiter famuli, qui immediate post mensam dominorum comesturi sunt, si aliquid cibi præsumant: quia hoc est inchoatio quædam prandii, & temporis divisio iusta de causa facta. Ita B. Benediclus in regul. cap. 38. Abul. Cajet. Bonac. Sanch. Salmant.

*Sciendum VI.* Quod, qui in die jejunii mane jentaculum sumpsit, puta itineris causa, etiam si contingat non proficisci, non tenetur eo die jejunare, ut docent Navar. Palud. Sylv. Cæterum hoc absolute falsum est, sicut constat ex supra dictis, & solum concedendum, quando illa sola comestione non potest reliquo diei tempore abstinere a cibo totaliter, ut optime docent Lessi. Bonac. Salmant. Qui autem rogatus ab amico aliquid cibi sumit, ne inurbanus videatur, si excedat parvitatem materiæ, peccat mortaliter, quia petitio est illicita, utpote contra præceptum Ecclesiæ: nec est urbanitas alteri acquiescere, & consentire in malo. Ita S. Anton. Palud. Cajet. Sylv. Similiter peccat mortaliter, qui in die jejunii pluries modicum cibi sumit absque necessitate, si modica illa notabilem cibi quantitatem efficiant: uniuntur enim, & continuantur inter se ad gravem materiam constituendam ratione ejusdem diei. Unde merito damnata fuit ab Alexan. VII. hæc prop. 29. *In die jejunii, qui sæpius modicum quid comedit, etsi notabilem quantitatem in fine comederit, non frangit jejunium.* Censetur autem notabilis quantitas, si excedat duas uncias, ut docent noster Piselli, & PP. Salmant. tract. 23. cap. 2. §. 2.

## CAPUT VII.

*Qualiter refectiuncula serotina compati possit cum unica comestione requisita ad jejunium.*

**R**efectio de sero consuetudine invalenscente introducta, in tantum licita est, & ab Ecclesia permessa, in quantum per eam non solvitur forma jejunii, quæ unicam comestionem importat. Considerandum igitur est, qualiter compati possit cum unica comestione. Ad cujus evidenciam

*Sciendum 1.* Quod, sicut notat Cajet. in com. licet priscis temporibus non fuerit forte licitum fumere fructus, herbas, aut bucellam panis in die jejunii extra unicam comestionem, ne potus lavet stomachum: quia horum usus secundum se est manducatio, ut docet S. Thom. hic ar. 6. hodie tamen omnia licita sunt per modum medicamenti in vespertino potu, fraude cessante, ut somnus necessarius capi possit: quoniam jam consuevit populus christianus uti per modum medicinæ hujusmodi, his, quorum usus est manducatio: sicut docent S. Anton. Navar. Covar. Sanch. Salmant. & alii Doctores communiter. Quia tamen illa, quæ ex relatione ad aliquid sunt, ad illius naturam reducuntur, ideo refectio vespertina, quæ prætextu consuetudinis fit in die jejunii, cum consuetudo rationabilis sit, ad rationabilem usum talis refectio reducitur. Et propterea excusantur tales a peccato: instruendi tamen sunt hujusmodi simplices de fundamento consuetudinis, scilicet, quod super modo medicinæ fundata est, quæ secundum mensuram sumi debet, & quantum ad quantitatem, & quantum ad qualitatem, ne noceat. Circa quam mensuram variant Doctores. Unde

*Sciendum 11.* Quod circa quantitatem Sanchez, & Sylv. docent sumi posse quadrante panis cum paucis uvis passis, vel herbis. Grass. & Antonius de Leon. solum permittunt tres uncias cibi. Alii apud Filliuc. Palaum, & Vviganct, prudentum judicio relinquunt, concedentes plus nobilibus, ac continuo studio deditis, vel Provincias frigidas habitantibus. Laym. Regin. Filliuc. Villal, designant quartam, vel

quintam partem prandii consueti. Lezan. Azor. & alii solum quatuor uncias admittunt. Molfes. & alii apud Filliuc. sex uncias concedunt. Bonacina dicit, standum esse consuetudini, cum ex consuetudine collationcula serotina introducta sit. Sed communior sententia docet posse sumi octo uncias, quod & sacrarum Religionum usus confirmat, ut de sua testantur Suarez, & Fagund. & de sua Salmantic. Notant tamen Sanch. Lean. & alii, quod qui excederet per unam, aut duas uncias quantitatem præfixam, maxime si indiget dicto excessu ob debilitatem, vel somnum capiendum, non frangit jejunium; cum non sit excessus notabilis: quod tamen non admittit noster Pilelli. Inter tot sententias, tertia probabilior videtur: quia id, quod solum per modum medicinæ sumi debes secundum rationabilem consuetudinem, ut dictum est, taxari non potest, nisi secundum arbitrium prudentum, attentis omnibus circumstantiis in particulari: sicut & exigit regula temperantiæ, quæ respectiva est, non absoluta, ut dictum est in 2. p. cum D. Thoma.

*Sciendum 111.* Quod in pervigilio Nativitatis Domini, conveniunt Doctores in eo, quod licite sumi potest de fructibus, herbis, aliisque rebus parum nutritivibus, non vero de pane, duplo, aut triplo major quantitas collationis: quia sic tenet praxis, & usus timoratorum, ut testantur Sanch. Fagund. Azor. Villal. Barb. Imo probabilius est ex consuetudine jam introducta, & tolerata a Prælatiis, posse sumi de fructibus, & rebus ex saccharo confectis, quantum libuerit, dummodo unica fiat collatio, & de sero. Ita Sanch. Med. Led. Salmant. contra Navar. Angles, & alios apud Salmant. Quod verum est, etiam si vigilia Nativitatis anticipetur in sabbato, per hoc, quod dies Natalis Domini incidat in feria secunda: & etiam si coincidat cum jejuio quatuor temporum, ut docent Salmant. Sanch. Lean. Turrian. aliique contra Bossum nostrum, Pilelli, & Joan. a S. Thoma. Hanc doctrinam, extendunt Filliuc. Fagund. & alii ad vigiliam Resurrectionis, & Pentecostes, quod verum est ubi introducta est legitima consuetudo, non vero alibi, ut notant Salmantenses.



*Sciendum IV.* Circa qualitatem ciborum, quod licet Abb. extra. de observat. jejun. putaverit licitum, uti illa eadem refectione hora vespertina per modum medicinæ, qua jejunantes utuntur mane in prandio: secundum tamen veritatem non est licitum: quia cibus directe sumitur ad sustentationem naturæ per viam nutrimenti: sed medicina non sumitur directe pro nutrimento, sed ne potus noccat, & ut somnus necessarius capiatur. Et propterea Ecclesia interdicendo binam comestionem inhibet eam, ut comestio ordinatur ad nutriendum corpus; vult enim jejunantes assigi in corpore. Et ideo non est licitum in collatione fumere cibos valde nutritivos, ut docent Cajet. & alii Doctores communiter, qui tamen necessitatem excipiunt, quæ licitum facit, quod ex lege licitum non est. Unde nec pisces, nec ova, nec caseus, nec legumina cocta sunt materia apta collationis in die jejunii: bene vero herbar, fructus, panis, dulcioria, & his similia, sive cruda, sive cocta sint. Excipe tamen necessitatem, ut dixi; quando aliud haberi non potest, vel complexionis status id necessario exigit: quod, si in aliquo quis dubitaret, tute stare potest superioris arbitrio, qui facultatem habet in his dispensandi, ut notat Cajetan.

*Sciendum V.* Circa tempus collationis, quod, iusta interveniente causa (puta negotii urgentis, sermonis, itineris, studii) nullum erit peccatum illam summo mane, vel meridie fumere, & disferre comestionem in noctem. Si enim iusta causa valet excusare a jejunio, multo magis excusare valet ab ejus circumstantia. Si vero fiat sine causa rationabili, erit peccatum veniale, cum non sit contra substantiam jejunii, sed circa modum accidentalem. Ita Less. Tolet. Azor. Navar. Cajet. Sed nota cum Sanch. quod, si quis in vigilia Nativitatis Domini vult ex iusta causa mane, aut meridie collationem fumere, & disferre comestionem in noctem, non poterit licite fumere majorem solito quantitatem collationis: quia major in nocte Natalis Domini consuetudine introducta est, & non aliter: & contrarium est improbabile, ut optime dicunt Salmantic. contra Quintanad. tract. 23. cap. 2. Notat insuper Sanch. cum Cajetan. quod, qui jejunare

nequit, nisi mane collatiunculam fumen- do, debet hoc modo jejunare: quia moralia præcepta morali modo, id est juxta moralem possibilitatem sunt interpretanda, & modo congruentiori exercenda.

## CAPUT VIII.

*Utrum potus solvat Jejunium. 2.2. qu. 147. art. 6. ad 2.*

**D**Einde considerandum est, utrum potus extra unam comestionem sumptus solvat jejunium. Circa quod

*Sciendum I.* Quod duplex est jejunium. Unum quidem naturæ, quod requiritur ad Eucharistiæ sumptionem: & hoc solvitur per quemlibet potum, etiam aquæ, post quem etiam non licet Eucharistiæ fumere. Est autem aliud jejunium Ecclesiæ, quod dicitur jejunium jejunantis: & istud non solvitur, nisi per ea, quæ Ecclesia interdiciere intendit instituendo jejunium. Non autem intendit Ecclesia interdiciere sumptionem potus, qui magis sumitur ad alterationem corporis, & digestionem ciborum assumptorum, quam ad nutritionem, licet aliquo modo nutriat. Et ideo licet pluries jejunantibus bibere. Si autem quis immoderate potu utatur, potest peccare, & meritum jejunii perdere, sicut etiam, si immoderate cibum in una comestione assumat. Unde

*Sciendum II.* Quod quamvis antiqui SS. Patres referant vetera Christianorum jejunia, non solum carniū esu, sed vini potu caruisse, quos plures Theologi postea secuti sunt, asserentes, vinum extra unicam comestionem sumptum frangere jejunium, maxime quavido sumitur in fraudem jejunii: quia iras nemini patrocinari debet, ut tenent Richar. S. Anton. Sylv. Abul. Regin. & alii; tamen jam concors Canonistarum, & Theologorum sententia cum D. Thom. est, quod vinum quocumque sine sumatur, jejunium Ecclesiæ non frangit: quia ex natura sua est potus, & primo, & per se ordinatur ad extinguendam sitim. Potus autem ab Ecclesia non prohibetur in die jejunii: quod & consuetudo fidelium comprobatur, quidquid antiquitus observatum fuerit in contrarium. Eadem autem ratio est de potu cervisiæ, bir-

bitæ, aquæ saccharo mixtæ, & aliarum aquarum, quæ ex cinnamomo, cerasis, hordeo, & aliis rebus, sunt quando adeo liquantur, & in parva quantitate infunduntur, ut propriam cibi naturam amittant, ita, ut evadant verus potus. Aliqua vero liquida, quæ per se ordinantur ad nutriendum, ut lac, jus, & similia, solvunt jejunium, quia habent rationem cibi. Ita Abul. Lez. Sanch. & communiter Doctores.

*Sciendum* 111. Probabilius esse, quod potus chocolatæ per se, & ex natura sua est ordinatus ad nutriendum, ut ex ejus ingredientibus manifestum est, adeoque, si in magna quantitate extra comestione fumetur, solvit jejunium. Ita Sanchez, Trull. Pal. Villal. alique plures apud Salmant. tractat. 23. cap. 2. §. 2. Qui tamen moment, quod, si chocolata non sit ita spissa, sed ita rara, sicut alie potiones artificiales, quæ ex diversis speciebus aromaticis, & saccharo consueunt, non frangit jejunium, etiam si multoties sumatur. Cæterum probabile est, potum chocolatæ sicut communiter solet sumi, non frangere jejunium ex natura sua: quia licet satis nutriat, tamen ex sua primæ institutione ordinatus est ad digestionem ciborum, & ad sedandam sitim: & ita declarasse S. Pium V. Gregor. XIII. & Paulum V. refert noster Thom. Hurtado p. 2. tract. 10. cap. 5. ubi hanc sententiam mordicus defendit, & pro ea refert Antolinum, Basilium, aliosque Doctores. Sed quidquid sit de hoc, certum est, potum chocolatæ, saltem ex consuetudine jam introductæ, non frangere jejunium, ut de Cyria Romana testatur noster Piselli p. 1. tract. 13. cap. 3.

*Sciendum* 1V. Quod absque dubio jejunium frangunt recentes Vvæ, quia vere sunt cibi, ut docent Abul. Salmantic. & alii communiter, contra Pasqualig. Et multo magis jejunium frangunt pira, poma, mala citrina, cucumeres, & alii similes fructus: quia per se sunt cibis ad nutriendum ordinatus. Ita Cajet. Bonac. Pag. Filliuc. Quod verum est etiam si ex pomis dentibus contritis solus succus deglutatur: impossibile enim est, quod tunc aliqua substantia, quæ vero cibus est, non assumatur, ut notant Salmant. cit.

## CAPUT IX.

*Utrum hora nona convenienter taxetur his, qui jejunant. 2. 2. qu. 147. art. 7.*

**C**oncilium Calcedonenſe, ut habetur de consecr. dist. 1. cap. Solent 38. dicit. *In quadragesima nullatenus credendi sunt jejunare, qui ante manducaverint, quam vespertinum celebrent officium, quod quadragesimali tempore post nonam dicitur.* Ergo usque ad nonam est jejunandum. Ad cujus evidentiam:

*Sciendum* I. Quod, sicut dictum est, Jejunium ordinatur ad deletionem, & cohibitionem culpæ. Unde oportet, quod aliquid addat supra communem consuetudinem, ita tamen, quod per hoc non multum natura gravetur. Est autem debita, & communis consuetudo comedendi hominibus circa horam sextam, tum, quia jam videtur esse completa digestio nocturno tempore, naturali calore: interius revocato propter frigoris noctis circumstantias, & diffusio humoris per membra, cooperante ad hoc calore diei usque ad summum solis ascensum: tum etiam, quia tunc præcipue natura corporis humani indiget juvari contra exteriorum aeris calorem, ne humores interius aurantur. Et ideo, ut jejunans aliquam afflictionem sentiat pro culpæ satisfactione, conveniens hora comedendi taxatur jejunantibus circa horam nonam.

*Sciendum* II. Quod convenit etiam ista hora mysterio passionis Christi, quæ completa fuit hora nona, quando, inclinato capite, tradidit spiritum. Jejunantes enim, dum suam carnem affligunt, passioni Christi conformantur, secundum illud ad Galat. 5. *Qui autem Christi sunt, carnem suam crucifixerunt cum vitis, & concupiscentiis.* Notandum tamen, quod ad jejunium requiritur hora determinata non secundum subtilem examinationem, sed secundum grossam estimationem, (ut dicit D. Th. ad 2.) Sufficit enim, quod sit circa horam nonam: & hoc de facili quilibet cognoscere potest. Modicum enim anticipare non potest multum nocere. Unde qui una hora ante jejunium solveret, non peccaret, ut docent Azor. Pal. Lean. Salmant.

D.E.

Differre autem solutionem jejunii usque ad noctem, etiam sine causa licite fieri potest, dammodo hoc non fiat ex superstitione observandi ritum Judaicum. In veteri enim testamento, qui nocti comparatur Rom. 3. Judæi jejunabant usque ad noctem, ut notat ad primum S. Thom.

*Sciendum* 111. Quod modicum augmentum, vel etiam modicus defectus non multum potest nocere. Non est autem multum temporis spatium, quod est ab hora sexta, in qua communiter homines comedere consueverunt, usque ad horam nonam, quæ jejunantibus determinatur: & ideo talis taxatio temporis non multum potest alicui nocere, cujuscumque conditionis existat: vel, si forte propter infirmitatem, vel ætatem, aut aliquid hujusmodi, hoc eis in magnum gravamen cederet, esset cum eis in jejunio dispensandum, vel, ut aliquantulum prævenirent horam. Ita S. Thom. ad 3. An vero notabilis anticipatio horæ taxatæ, quando fit sine dispensatione, aut causa urgente, sit peccatum mortale, non conveniunt Doctores. Affirmant Abul. Navar. Sylv. Azor. & Sanch. quia ita colligitur ex cit. can. Concil. Calcedon. Sed communior, & probabilior sententia id negat, quia taxatio temporis non pertinet ad substantiam, sed solum ad circumstantiam jejunii, ut etiam asserunt cit. DD. adeoque non impedit finem legislatoris ejus transgressio. Ergo non pertingit ad culpam gravem. Sic Innoc. Archid. Richar. Tol. Bonac. Laym. Lean. & alii communiter apud Salmant. Unde nunc ex communi consuetudine Ecclesiæ licitum est, etiam in quadragesima, jejunium solvere hora circa meridiem, seu hora sexta, ut testantur communiter Doctores, qui post Div. Thomam scripserunt.

## C A P U T X.

*Utrum convenienter Jejunantibus indicatur abstinentia a carnibus, & ovis, & lacticiis. S. Th. 2. 2. q. 147. art. 8.*

**D**enique considerandum est de abstinentia ab esu carniæ, ovium, & lacticiæ, quæ jejunantibus ab Ecclesia præcipitur. Circa quod

*Sciendum* 1. Quod, sicut supra dictum est, Jejunium ab Ecclesia est institutum ad reprimendas concupiscentias carnis, quæ quidem sunt delectabilem secundum tactum, quæ consistunt in cibis, & veneris: & ideo illos cibos Ecclesia jejunantibus interdixit, qui & in comedendo maxime habent delectationem, & iterum maxime hominem ad venerem provocant. Hujusmodi autem sunt carnes animalium in terra nascentium, & respirantium, & quæ ab eis procedunt: sicut lacticia ex grævisilibus, & ova ex avibus. Quia enim hujusmodi magis conformantur humano corpori, plus delectant, & magis conferunt ad humani corporis nutrimentum: & sic ex eorum comestione plus superfluit, ut vertatur in materiam leminis, cujus multiplicatio est maximum incitamentum luxuriæ. Et ideo ab his cibis, præcipue jejunantibus, Ecclesia statuit esse abstinentiam.

*Sciendum* II. Quod ad actum generationis tria concurrunt, scilicet calor, spiritus, & humor. Ad calorem quidem maxime cooperatur Vinum, & alia calefacientia corpus. Ad spiritus autem videtur cooperari inflativa: sed ad humorem maxime cooperatur usus carniæ, ex quibus multum de alimento generatur. Alteratio autem caloris, & multiplicatio spirituum cito transit, sed substantia humoris diu manet. Et ideo magis interdicitur jejunantibus usus carniæ, quam vini, vel leguminum, quæ sunt inflativa. Similiter Ecclesia Jejunium instituens intendit ad id, quod in pluribus accidit. Esus autem carniæ est magis delectabilis communiter, quam esus piscium, quamvis in quibusdam aliter se habeat. Et ideo Ecclesia magis jejunantibus prohibuit esum carniæ, quam esum piscium.

*Sciendum* 111. Quod ova, & lacticia jejunantibus interdiciuntur, in quantum sunt ex animalibus exorta carnem habentibus; unde principaliter interdiciuntur carnes, quam ova, vel lacticia. Similiter etiam inter alia jejunia solemnius est quadragesimale jejunium, tum quia observatur ad imitationem Christi: tum etiam, quia per ipsum disponuntur fideles ad redemptionis nostræ mysteria devote celebrandas; & ideo in quolibet jejunio interdicitur esus carniæ;

nium: In jejunijs autem quadragesimali interdiciuntur universaliter etiam ova, & lacticia: sicut docet S. Thom. ad 3. & colligitur ex cap. Denique dist. 4. & clarior ex can. 56. Sextæ Synodus generalis. Unde merito damnata fuit ab Alexan. VII. hæc prop. 32. *Non est evidens, quod consuetudo non comedendi ova, & lacticia, in Quadragesima, obliget.* Obligat autem sub mortali, ut clare patet ex cit. can. 6. Synodi: &, quia est in materia gravi, ut docent communiter Canonistæ, & Theologi contra Fagund. & obligat etiam in diebus Dominicis, in quibus non jejunatur, quia vere sunt dies Quadragesimæ, ut ex communi docent Salmantic. Cajet. Covar. Sanch. contra Mend. & Pasqual.

*Sciendum IV.* Ex D. Thom. ad 3. Circa abstinentiam ab ovis, & lacticiis in aliis jejuniis diversæ consuetudines existunt apud diversos, quas quicquid observare debet secundum morem eorum, inter quos convertatur. Unde Hieron. dicit in Epist. ad Lucinium, de jejniis loquens. *Unaquæque provincia abundet in suo sensu, & præcepta majorum leges Apostolicas arbitretur.* Ex hac uique dictis colliges, quod peccat mortaliter, qui in die jejunii carnes comedit, vel in Quadragesima ova, & lacticia: & toties, quoties ea comedit (nisi parvas materię, necessitas, aut dispensatio excuset.) Cum præceptum in hac parte sit negativum, ut ex communi docent Cajet. Suar. Bonac. Sanch. Salmant. Imo notat Sanctius, quod, qui simul cum carnibus comederet ova, aut lacticia in Quadragesima, toties, quoties duo distincta peccata committeret, quia præceptum non comedendi ova, & lacticia in Quadragesima, est præceptum negativum, & distinctum a præcepto non comedendi carnes. Unde obiter inferitur, quod idem dicendum sit de eo, qui voverit pro aliqua die carnes, aut ova non comedere, quia votum est ad modum præcepti negativi in hac materia, ut docent Navar. Azor. Suar. Sanch. Salmant. contra Palud. S. Antonin. & Pasqual.

*Sciendum V.* Quod dictum est, nisi parvas materię, aut necessitas excuset. Certum est enim, quod in hoc præcepto, quamvis negativum, admitti debet parvas materię, sicut etiam admittit præceptum

non furandi, quod est naturale, & negativum, ut notant Sanch. Bonac. Salmant. Parvam autem materiam respectu hujus præcepti, judicat Pasqual. dimidiam circiter unciam carnis. Alii vero probabilius judicant exiguum partem uncie, seu frustulum carnis exiguum. Ita Lean. Bonac. Salmant. Necessitas autem ab omni lege exempta est, cum nulla lex obliget ad impossibile. Qua ratione excusantur Coqui, & pincernæ ex necessitate servitii, si modicum quid carnis gustent in die jejunii ad faciendam credentiam dominis suis: & idem licite faciunt deservientes infirmis. Similiter, qui non habent alium cibum, aut transientes per terras infidelium, ne se prodant, carnes licite comedere possunt in die jejunii. Eadem ratione etiam ubi adest penuria olei, conceditur usus butyri, & sagiminis, ut notant Laym. Lean. Salmant. Graff. Similiter pauperes ostiatim mendicantes ratione necessitatis. possunt vesci frustis carnum, quæ eis donantur, ut notant Sanch. Rodrig.

*Sciendum VI.* Quod denique dixi, nisi dispensatio excuset. Certum est enim, quod præceptum abstinentiæ a carnibus in die jejunii, sicut etiam in feriis sextis, & sabbatis: & ab ovis, & lacticiis in Quadragesima, obligat omnes, etiam pueros doli capaces, ut testatur consuetudo, quæ est legitima legum interpres: nisi adit dispensatio. Ubi autem adest consuetudo, quod pueris dentur ova, & lacticia in Quadragesima, licite hoc fit, quia consuetudo tolerata a Prælatiis secum fert tacitam dispensationem. Dispensati vero ad comedendas carnes, a fortiori possunt comedere ova, & lacticia, & multo magis pisces: possunt tamen peccare contra temperantiam simul carnibus, & piscibus vescendo, præcipue si eis noceat. Notandum tamen, quod, si dispensatio sit limitata ad comedendum carnes salubres, peccabit contra præceptum Ecclesiæ, qui carnes non salubres, aut simul cum carnibus pisces comederet, & non solum contra temperantiam, ut bene notant Salmant. Sanch. Azor. Sed tunc hoc erit mortale peccatum, quando grave nocumendum inferre potest, ratione cujus prohibetur ista simultanea comestio: ut notant Villal. Salmant. & non absolute.

*Scien-*

*Sciendum* VII. Quod dispensatus a jejunio; non propterea intelligitur dispensatus ad comedendas carnes, ut est certum apud omnes. Dubium solum est, an dispensatus absolute ad comedendas carnes in die jejunii, sit eo ipso dispensatus a jejunio. Afirmant Cajet. Sanch. & alii plures apud Salm. Quia qui est dispensatus a parte præcipua, & substantiali jejunii, qualis est abstinencia a carnibus, exculatur a toto jejunio, quod sine abstinencia a carnibus subsistere non potest. Negant vero, & probabilius Navar. Bonac. Azor. Salm. & alii. Diversum enim est præceptum abstinenciae a carnibus, & præceptum jejunii, licet præceptum jejunii includat præceptum abstinendi a carnibus. Unde, si in totum observari nequit, debet servari quoad partem possibilem, ut probat textus in cap. Jam delicti, de delinq. & contumac. Quia ratione, qui non potest recitare matutinum, potest tamen reliquis horas, non excusatur ab obligatione illas recitandi; falsum enim est in hoc casu, quod major pars trahat ad se minorem: sicut constat ex prop. 54. damnata ab Innoc. XI.

*Sciendum* VIII. Hoc certum esse, quod,

si dispensatio detur cum hac limitatione, ut dispensatus ad comedendas carnes, teneatur jejunare, absque dubio sic dispensatus jejunare tenetur sub mortali. Sicut enim Ecclesia potest præcipere, & de facto præcipit abstinencia a carnibus impotentibus jejunare: ita præcipere potest jejunium non valentibus se abstinere ab esu carnum. Item certum est, quod dispensati ad comedendas carnes propter actua-lem infirmitatem, sunt etiam dispensati a jejunio, in his enim est manifesta ratio necessitatis exigens totalem dispensationem. Denique certum est, quod dispensatio ad comedendum ova, & lactinia in Quadragesima, non eximit ab obligatione jejunii, ut ipsa consuetudo populi Christiani demonstrat: & extra jejunia Quadragesimæ de facto Ecclesia communiter non indicit abstinencia ab ovis, & lactiniis, & tamen sub præcepto indicit plura jejunia. Et hæc dicta sufficiant de actibus humanis, seu moralibus, per quos ad beatitudinem pervenitur, adjuvante gratia, quæ est per Jesum Christum Salvatorem nostrum, qui est Deus benedictus in sæcula sæculorum. Amen.

*Finit Tertia Pars.*

## APPENDIX DE JEJUNIO.

**P**OST ea, quæ scripti de Jejunio Ecclesiastico, emanarunt duæ Constitutiones Summi Pontificis in forma brevis circa usus, qui circa Jejunium invaluerant, quos abolere cupiens, aliqua observanda decernit. Quapropter earum tenorem in partem referam, & deinde aliqua notabo.

## Prima Constitutio.

*Venerabilibus Fratribus Patriarchis,  
Primitibus &c.*

BENEDICTUS PAPA XIV. &c.

**N**ON ambigimus, Venerabiles Fratres, quin universis Catholicæ Religionis cultoribus notum sit, a tota per Christianorum orbem Ecclesiæ inter præcipua Orthodoxæ disciplinæ capita perpetuo adnumeratum retineri Quadragesimale Jejunium, quod &c. Ab hac vero insita inhærentique in omnium Catholicorum hominum animis de sacratissima Quadragesima, aliisque diebus Jejunio consecratis persuasione, & reverentia quam aliena, quam discors, quam absconsa sit hodierna jejunantium consuetudo, quantum ab ipsa Jejuniorum institutione, & servata semper, ubique, & ab omnibus disciplina quam longissime distet, Vos Venerabiles Fratres, qui populorum curæ vestræ commissorum mores, & usus probe nostis, pro singulari Sapientia vestra præ cæteris clarius intelligitis. Nos fane . . . .

Debitum igitur paternæ uniuseujusque vestrum sedulitatis, & charitatis officium jure postulat, ut omnibus notum faciatis, & annuncietis, nemini quidem sine legitima causa, & de utriusque Medici consilio, multitudini vero, veluti populo, aut civitati, aut genti indiscriminatim integræ, nonnisi gravissima, & urgente necessitate, & in casibus per sacra canonum statuta præscriptis cum debita Apostolicæ hujus Sanctæ Sedis reverentia a Quadragesimali Jejunio dispensationem toties, quo-

ties opus fuerit, concedendam, nec audacter fidenterque usurpandam, nec superbe, & arroganter ab Ecclesiâ, sicut alicubi in more positum esse accepimus, esse postulandam. Gravissimam vero, urgentemque necessitatem, etsi non esset, cur vobis explicemus, nolumus tamen Vos ignorare, cum hujusmodi necessitate & servandam esse potissimum unicam comestionem, sicut alias hic Romæ, ac Nos ipsi hoc anno urgentibus causis dispensantes, expresse præscripsimus, & licitas, atque interdictas epulas promiscue minime apponendas esse. Porto &c. . . .

Datum Romæ apud Sanctam Mariam Majorem sub annulo Piscatoris die 30. mensis Maji 1747. Pontificatus nostri anno primo.

*D. Cardinalis Passioneus.*

## Altera Constitutio.

BENEDICTUS PAPA XIV.

Salutem. &c.

**I**N suprema universalis Ecclesiæ procuratione &c. ita inter cætera præscriptimus unicam comestionem servandam, & licitas, atque interdictas epulas minime esse apponendas. Hinc factum esse accepimus, quod non desuerunt qui per humanas, & hominibus a Christiana poenitentia abhorrentibus dumtaxat dignas illationes sibi, aliisque persuadeant, unicam potissimum comestionem servari, atque epulas licitas, & interdictas minime apponi debere, cum multitudini quidem indiscriminatim ob urgentem gravissimamque necessitatem, non vero singulis ob legitimam causam, & de utriusque Medici consilio dispensatur. Quam sane persuasionem a sententia nostra alienam ut ex omnium animis penitus evellamus, Nos quibuscumque quacumque occasione sive multitudini indiscriminatim ob urgentem gravissimamque necessitatem, sive singulis ob legitimam causam, & de utriusque Medici consilio, dummodo nulla certa, & periculosa affectæ valetudinis ratio intercedat, & ali-

ter fieri necessario exigit, in Quadragesimæ, aliisque anni temporibus, & diebus, quibus carnum, ovorum, & lactiniorum esus est prohibitus, dispensari contigerit, ab omnibus omnino, & nemine excepto, unicam comestionem servandam, & licitas, atque interdictas epulas minime esse apponendas tenore præsentium declaramus, & edicimus; quemadmodum per singulas nostras in pari forma Brevis litteras singulis utriusque sexus Christianidelibus ob corporis infirmitates, quibus obnoxii reperiuntur, in sacratissima Quadragesima, aliisque jejunio consecratis diebus vescendi prohibitis licentiam dantes, unicuique expresse præscribimus, atque præcipimus. Ea propter fraternitates vestras rogamus &c.

Datum Romæ apud Sanctam Mariam Majorem sub annulo Piscatoris, die 22. Mensis Augusti 1741. Pontificatus nostri anno secundo.

D. Cardinalis Passioneus.

## ANNOTATIONES.

### I.

PRIMO notanda sunt illa verba secundæ Constit. In Quadragesimæ, aliisque anni temporibus, & diebus, quibus carnum, ovorum, & lactiniorum esus est prohibitus. Ex quibus deducitur, certum jam esse, quod consuetudo non comedendi ova, & lactinia in Quadragesima, & etiam in aliis jejuniorum diebus, obligat sub præcepto, ubi viget, etiam in jejniis extra Quadragesimam; conformiter ad ea, quæ dixi ex D. Thom. in cap. 10.

### II.

De utriusque Medici consilio. Intelligendum est de consilio utriusque Medici, corporalis, & spiritualis; & ideo sufficit, ex consilio unius Medici dispensationem impetrare, adhibito simul consilio proprii Parochi, aut Confessarii, ut habetur in edicto Ecclesiæ Ravennatis edito anno 1742. conformiter etiam ad edictum Clement. XI. relato a Card. Cozza, de Jejun. par. 3. ar. 4. dub. I. n. 25.

### III.

Ab omnibus omnino, & nemine excepto, unicam comestionem esse servandam. Quamvis ergo ante has constitutiones plures Doctores opinaverint, quod dispensati ad co-

medendas carnes, non tenerentur ad unicam comestionem servandam, ut retuli in cap. 10. Scien. 7. modo tamen hæc opinio suam amisit probabilitatem, adeoque ad praxim sine peccato mortali deduci non potest; Dummodo nulla certa, & periculosa affectu valetudinis ratio intercedat, & aliter fieri necessario exigit; sicuti dicitur in 2. const.

### IV.

Et licitas, atque interdictas epulas minime esse apponendas tenore præsentium declaramus, & edicimus. Quamvis ergo ante has constitutiones esset peccatum gulæ simul licitas, & interdictas epulas apponere manducandas in die Jejunii, etiam stante dispensatione; nunc tamen est etiam contra præceptum Ecclesiæ; sicuti constat ex illis posterioribus verbis secundæ Constit. unicuique præscribimus, atque præcipimus; & ego conformiter ad hæc dixi in cap. 10.

### V.

Quando dicitur *Licitas*, & *interdictas epulas minime esse apponendas*; debet ita intelligi, ut simul carnes, & pisces non possint manducari a dispensato ad comedendas carnes, sicut explicatur in edicto supra cit. Ecclesiæ Ravennatis. Dispensati autem ad elum ovorum, & lactiniorum, licite possunt velci piscibus, eo pari modo, quo potest fieri feris sextis, & Sabbatis totius anni, in quibus est interdictus tantum esus carnum. Similiter dispensatis ad comedendas carnes, non prohibetur esus ovorum, & lactiniorum ex vi præcepti Ecclesiastici communis, nisi forte in dispensatione hæc limitatio exprimitur.

### VI.

Nemini quidem sine legitima causa. Dispensationem toties, quoties opus fuerit concedendam; ut dicitur in prima constit. *si ve singulis ob legitimam causam*, ut dicitur in 2. const. Abusus enim intolereabilis est, generalem licentiam familiæ concedere ob solum motivum, quod aliqui indigeant dispensatione, & ne expensæ multiplicentur, ut notavit Card. Lambertinus Notif. 15. tom. 1. num. 13. Abusus etiam est, licentiam illimitatam singulis concedere, quando opus est solum limitata; sicuti notatur in cit. Edicto Ecclesiæ Ravennatis.

D E.

# D E C R E T A

## SANCTISS. IN CHRISTO PATRIS A C D. N. D.

### ALEXANDRI PAPÆ VII.

In Congregationibus Generalibus Sanctæ Romanæ,  
& Universalis Inquisitionis habitis.

*Feria V. die 24. Septembris 1665.*

*In Congregatione Generali Sanctæ Romanæ & Universalis Inquisitionis, habita in Palatio Apostolico Montis Quirinalis, coram Sanctiss. D.N.D. Alexandro Divina Providentia Papa VII. ac Eminentissimis & Reverendissimis DD. S. R. E. Cardinalibus in tota Republica Christiana adversus hereticam pravitatem Generalibus Inquisitoribus a Sancta Sede Apostolica specialiter deputatis.*

**S**ANCTISSIMUS D. N. audivit non sine magno animi suo mœrore, complures opinioniones Christianæ disciplinæ relaxativas, & animarum perniciem inferentes, partim antiquasiterum fuscitatis, partim noviter prodire, & summam illam luxuriantium ingeniorum licentiam in dies magis exercicere, per quam in rebus ad conscientiam pertinentibus modus opinandi irrepsit alienus omnino ab Evangelica simplicitate, Sanctorumque Patrum doctrina, & quem si pro recta regula fideles in praxi sequerentur, ingens eruptura esset Christianæ vitæ corruptela. Quare, ne ullo umquam tempore viam salutis, quam suprema Veritas Deus, cujus verba in æternum permanent, arctam esse definivit, in animarum perniciem dilatari, seu verius perverti contingeret, idem Sanctissimus D. N. ut oves sibi creditas ab ejusmodi spatiosa, lataque, per quam itur ad perditionem, via, pro Pastoralis sollicitudine in rectam semitam evocaret, earumdem opinionum examen pluribus in Sacra Theologia Magistris, & deinde Eminentissimis, & Reverendissimis DD. Cardinalibus contra hereticam pravitatem Generalibus Inquisitoribus serio commisit. Qui tantum negotium strenue aggressi, eique sedulo incumbentes, & ma-

ture discussis, usque ad hanc diem inscriptis propositionibus, super unaquaque ipsarum sua suffragia Sanctitati Sux singillatim exposuerunt.

1. Homo nullo unquam vitæ suæ tempore tenetur elicere actum fidei, spei, & charitatis, ex vi præceptorum Divinorum ad eas virtutes pertinentium.

2. Vir equestris ad duellum provocatus potest illud acceptare, ne timiditatis notam apud alios incurrat.

3. Sententia asserens, Bullam Cœnæ solum prohibere abolutionem hæresis, & aliorum crimina, quando publica sunt, & id non derogare facultati Tridentini, in qua de oculis criminibus sermo est, Anno 1629. 18. Julii in Consistorio Sacræ Congregationis Emin. Cardinalium, visa, & tolerata est.

4. Prælati Regulares possunt in foro conscientie absolvere quocumque sæculares ab hæresi occulta & ab excommunicatione propter eam incurra.

5. Quamvis evidenter tibi constet Petrum esse hæreticum, non teneris denuntiare, si probare non possis.

6. Confessarius, qui in sacramentali Confessione tribuit Pœnitenti chartam postea legendam, in qua ad Venerem incitat, non censetur sollicitasse in confessione; ac proinde non est denunciandus.

7. Modus evadendi obligationem denunciandæ sollicitationis est; Si sollicitatus confiteatur cum sollicitante, hic potest ipsum absolvere absque onere denunciandi.

8. Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsius Celebranti correspondentem, idque post Decretum Urbani VIII.

9. Post



9. Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minori stipendio, alia parte stipendii sibi retenta.

10. Non est contra iustitiam pro pluribus sacrificiis stipendium accipere, & sacrificium unum offerre; neque etiam est contra fidelitatem, etiamsi promittam promissione etiam juramento firmata, danti stipendium quod pro nullo alio offeram.

11. Peccata in confessione omiſſa, seu oblita ob instant periculum vitæ, aut ob aliam causam non tenemur in sequenti confessione exprimere.

12. Mendicantes possunt absolvere a casibus Episcopos reservatis, non obtenta ad id Episcoporum facultate.

13. Satisfacit præcepto annuæ Confessionis qui confitetur Regulari, Episcopo præsentato, sed ab eo injuste reprobato.

14. Qui facit confessionem voluntarie nullam satisfacit præcepto Ecclesiæ.

15. Pœnitens propria auctoritate substituire sibi alium potest, qui loco ipsius pœnitentiam adimpleat.

16. Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario.

17. Est licitum Religioso, vel Clerico, calumniatore gravia crimina de se, vel de sua Religione spargere minantem, occidere, quando alius modus defendendi non suppetit, uti suppetere non videtur, si calumniator sit paratus vel ipsi Religioso, vel ejus Religioni publice & coram gravissimis viris prædicta impingere nisi occidatur.

18. Licet interficere falsum accusatorem, falsos testes, ac etiam Judicem, a quo iniqua certo imminet sententia, si alia via non potest innocens damnum evitare.

19. Non peccat maritus occidens propria auctoritate uxorem in adultério deprehensam.

20. Restitutio a Pio V. imposita beneficiatis non recitantiis, non debetur in conscientia ante sententiam declaratoriam Judicis, eo quod sit pœna.

21. Habens Capellaniam collativam, aut quodvis aliud beneficium Ecclesiasticum, si studio literarum vacet, satisfacit suæ obligationi, si Officium per alium recitet.

22. Non est contra iustitiam, Beneficia P. Sessetti Theol. Tom. V.

non conferre gratis, quia collator conferens illa beneficia Ecclesiastica, pecunia interveniente, non exigit illam pro collatione Beneficii, sed veluti pro emolumento temporalis, quod tibi conferre non tenebatur.

23. Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult se subicere præcepto.

24. Mollities, sodomia, & bestialitas sunt peccata ejusdem speciei infamæ, ideoque sufficit dicere in Confessione se procurasse pollutionem.

25. Qui habuit copulam cum soluta, satisfacit confessionis præcepto, dicens, commisi cum soluta grave peccatum contra castitatem, non explicando copulam.

26. Quando litigantes habent pro se opiniones æque probabiles, potest iudex pecuniam accipere pro ferenda sententia in favorem unius præ alio.

27. Si liber sit aliquis junioris & moderni, debet opinio censeri probabilis, dum non constet rejectam esse a Sede Apostolica tamquam improbabilem.

28. Populus non peccat, etiamsi absque ulla causa non recipiat legem a Principe promulgatam.

Quibus peractis, dum similium Propositionum examini cura, & studium impenderetur, interea idem Sanctissimus re mature considerata statuit & decrevit, prædictas propositiones & unamquamque ipsarum, ut minimum tamquam scandalosas esse damnandas, & prohibendas, sicut eas damnat, ac prohibet: ita ut quicumque illas aut conjunctim, aut divisim docuerit, defenderit, ediderit, aut de eis etiam disputative publice aut privatim tractaverit, nisi forsam impugnando, ipso facto incidat in excommunicationem, a qua non possit (præterquam in articulo mortis) ab alio quacumque etiam dignitate fulgente, nisi a tempore existente Romano Pontifice, absolvi.

Insuper districte in virtute sanctæ obedientiæ, & sub interminatione Divini Judicii prohibet omnibus Christi fidelibus cujuscumque conditionis, dignitatis, ac status, etiamsi speciali & specialissima nota dignis, ne prædictas opiniones, aut aliquam ipsarum ad praxim deducant.

Joannes Lupus, Sanctæ Romanæ & Universalis Inquisitionis Not. Eccl.

S

FE.

## FERIA QUINTA,

## DIE DECIMA OCTAVA

Martii Anno 1666.

*In Congregatione Generali Sanctæ Romanæ & Universalis Inquisitionis, habita in Palatio Apostolico Montis Quirinalis coram Sanctiss. D. N. D. Alexandro Divina Providentia Papa VII. ac Eminentissimis, & Reverendissimis DD. S. R. E. Cardinalibus, in tota Republica Christiana adversus hæreticam pravitatem Generalibus Inquisitoribus, a Sancta Sede Apostolica specialiter deputatis.*

**S**ANCTISSIMUS D. N. post latum decretum die 24. Septemb. proxime elapsi, quo viginti octo Propositiones damnatæ fuerunt; examinatis sedulo & accurate usque ad hanc diem infra scriptis aliis quadragessim quintum numerum implementibus, per plures in Sacra Theologia Magistros, ac per Eminentissimos & Reverendissimos DD. Cardinales adversus hæreticam pravitatem Generales Inquisitores, eorum iussu singulatim super unaquaque ipsarum audivit.

Propositio 29. In die Jejunii, qui sæpius modicum quid comedit, etsi notabilem quantitatem in fine comederit, non frangit jejunium.

30. Omnes officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.

31. Excusantur absolute a præcepto jejunii omnes illi, qui iter agunt equitando, utcumque iter agant, etiam si iter necessarium non sit, & etiam si iter unus diei conficiant.

32. Non est evidens, quod consuetudo non comedendi ova, & lacticia in Quadragesima obliget.

33. Restitutio fructuum ob omissionem horarum suppleri potest per quascunque elemosynas, quas antea Beneficiatus de fructibus sui beneficii fecerit.

34. In die Palmiarum recitans officium Paschale, satisfacit præcepto.

35. Unico officio potest quis satisfacere duplici præcepto pro die præsentis, & crastino.

36. Regulares possunt in foro conscientie uti privilegiis suis, quæ sunt expresse revocata per Concilium Tridentinum.

37. Indulgentiæ concessæ Regularibus, & revocatæ a Paulo V. hodie sunt revalidatæ.

38. Mandatum Tridentini factum Sacerdoti sacrificanti ex necessitate cum peccato mortali, confitendi quamprimum, est consilium, non præceptum.

39. Illa particula *quamprimum*, intelligitur, cum Sacerdos suo tempore confitebitur.

40. Est probabilis opinio, quæ dicit, esse tantum veniale, osculum habitum ob delectationem carnalem, & sensibilem, quæ ex osculo oritur, secluso periculo consensulæ ulterioris, & pollutionis.

41. Non est obligandus concubinarium ad ejiciendam concubinam, si hæc nimis utilis esset ad oblectamentum concubinarij, vulgo, *regalo*, dum deficiente illa, nimis ægre ageret vitam, & aliæ epulæ tædio magno concubinarium afficerent, & alia famula nimis difficile inveniretur.

42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus.

43. Annum legatum pro anima relictum, non durat plus quam per decem annos.

44. Quoad forum conscientie reo correcto, ejusque contumacia cessante, cessat censura.

45. Libri prohibiti donec expurgentur possunt retineri, usque dum adhibita diligentia corrigantur.

Quibus mature pensatis, idem Sanctissimus statuit, ac decrevit prædictas Propositiones, & unamquamque ipsarum, ut minimi, tamquam scandalosas esse damnandas, & prohibendas, sicut eas damnat, ac prohibet: Ita ut quicumque illas, aut conjunctim, aut divisim docuerit, defenderit, ediderit, aut de eis etiam disputative, publice aut privatim traxerit nisi forsan impugnando, ipso facto incidat in excommunicationem, a qua non possit (præterquam in articulo mortis) ab alio quacumque etiam dignitate fulgente, nisi a pro tempore existente Romano Pontifice absolvi.

Insuper districtè in virtute iandæ obedientiæ, & sub interminatione Divini Judicii prohibet omnibus Christi fidelibus, ejuscumque conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

*Joannes Lupus, Sanctæ Romanæ, & Universalis Inquisitionis Notarius.*

FE.

FERIA QUINTA,

DIE UNDECIMA MARTII,

Anno 1679.

*In Generali Congregatione S. Romane & Universalis Inquisitionis habita in Palatio Apostolico Vaticano coram Sanctiss. D. N. D. INNOCENTIO divina Providentia Papa XI. ac Eminentissimis, & Reverendissimis Dominis S. R. E. Cardinalibus in tota Republica Christiana contra hereticam pravitatem Generalibus Inquisitoribus a Sancta Sede Apostolica specialiter deputatis.*

**S**ANCTISSIMUS D. Innocentius Papa XI. prædictus ovium sibi a DEO creditarum salutis sedulo incumbens, & salubre opus in segregandis noxiis doctrinarum pascuis ab innoxiiis a se. record. Alexandro VII. Prædecessore suo inchoatum protequi volens, plurimas propositiones partim ex diversis, vel libris, vel thesibus seu scriptis excerptas, & partim noviter adinventas, Theologorum plurium examini, & deinde Eminentissimis, & Reverendissimis Dominis Cardinalibus contra hæreticam pravitatem Generalibus Inquisitoribus subiecit. Quibus propositionibus sedulo, & accurate sæpius discussis eorundem Eminentissimorum Cardinalium, & Theologorum votis per Sanctitatem Suam auditis, Idem Sanctissimus D. N. re postea mature considerata statuit, & decrevit prout sequentes propositiones, & unamquamque ipsarum, sicut jacent, ut minimum tamquam scandalosas, & in praxi perniciosas, esse damnandas, & prohibendas, sicut eas damnat, & prohibet. Non intendens tamen Sanctitas Sua per hoc decretum alias propositiones in ipso non expressas, & Sanctitati Sæpe quomodolibet, & ex quacumque parte exhibitas, vel exhibendas ullatenus approbare.

1. Non est illicitum in Sacramentis confestim sequi opinionem probabilē de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabilis tantum utendum non est in collatione Baptismi, Ordinis Sacerdotalis, aut Episcopalis.

2. Probabiliter existimo, Judicem posse judicare juxta opinionem etiam minus probabilem.

3. Generatim dum probabilitate, sive intrinseca, sive extrinseca quantumvis tenui, modo a probabilitatis finibus non exeat, consili aliquid agimus, semper prudenter agimus.

4. Ab infidelitate excusabitur infidelis non credens ductus opinione minus probabili.

5. An peccet mortaliter qui actum dilectionis Dei semel tantum in vita eliceret, condemnare non audemus.

6. Probabile est, ne singulis quidem rigorose quinquennii per se obligare præceptum charitatis erga Deum.

7. Tunc solum obligat, quando tenetur justificari, & non habemus aliam viam, qua justificari possumus.

8. Comedere, & bibere usque ad satietatem ob solam voluptatem non est peccatum, modo non obstit valetudini, quia licite potest appetitus naturalis suis actibus fini.

9. Opus conjugii ob solam voluptatem exercitum omni penitus caret culpa, ac defectu veniali.

10. Non tenemur proximum diligere actu interno, & formali.

11. Præcepto proximum diligendi satisfacere possumus per solos actus externos.

12. Vix in secularibus invenies, etiam in Regibus, superfluum statui. Et ita vix aliquis tenetur ad eleemosynam, quando tenetur tantum ex superfluo statui.

13. Si cum debita moderatione facias, potes absque peccato mortali de vita alicujus trislaris; & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum.

14. Licitum est absoluto desiderio cupere mortem Patris, non quidem ut malum Patris, sed ut bonum cupientis, quia nimirum ei obventura est pinguis hæreditas.

15. Licitum est filio gaudere de patricidio parentis a se in ebrietate perpetrato, propter ingentes divitias inde ex hæreditate consecutas.

16. Fides non censetur cadere sub præceptum speciale, & secundum se.

17. Satis est, actum fidei semel in vita elicere.

18. Si a potestate publica quis interrogetur, fidem ingenuè confiteri, ut Deo & fidei gloriosum consulo, tacere, ut peccaminotum per se non damno.

19. Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum notitia solum probabili revelationis; imo cum formidine, qua quis formidet, ne non sit locutus Deus.

22. Nonnisi fides unius Dei necessaria videtur necessitate medii, non autem explicita Remuneratoris.

23. Fides late dicta ex testimonio Creatorum, similive motivo ad justificationem sufficit.

24. Vocare Deum in Testem mendacii levis non est tanta irreverentia, propter quam velit, aut possit damnare hominem.

25. Cum causa licitum est jurare sine animo jurandi, sive res sit levis, sive gravis.

26. Si quis, vel solus, vel eorum aliis, sive interrogatus, sive propria sponte, sive secreationis causa, sive quocumque alio sine jure, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.

27. Causa justa utendi his amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio veniat tunc expediens, & studiosa.

28. Qui mediante commendatione, vel munere ad Magistratum, vel officium publicum promotus est, poterit cum restrictione mentali præstare juramentum, quod de mandato Regis a similibus solet exigi, non habito respectu vel ad intentionem exigentis, quia non tenetur fateri crimen occultum.

29. Urgens metus gravis est causa justa Sacramentorum administrationem simulandi.

30. Fas est viro honorato occidere invictorem, qui nititur calumniam inferre, si aliter hæc ignominia vitari nequit; idem quoque dicendum, si quis impingat alamp, vel fuisse percutiat, & post impactam alamp, vel ictum sustis fugiat.

31. Regulariter occidere possum furem pro conservatione unius auri.

32. Non solum licitum est defendere de-

fensione occisiva, quæ actu possideamus, sed etiam ad quæ jus inchoatum habemus, & quæ nos possessuros speramus.

33. Licitum est tam hæredi, quam legatario contra injuste impediens, ne vel hæreditas adeatur, vel legata solvantur, se taliter defendere, sicut & jus habent in Cathedram, vel Præbendam contra eorum possessionem injuste impediens.

34. Licet procurare abortum ante animationem foetus, ne puella deprehenso gravis occidatur, aut infametur.

35. Videtur probabile omnem foetum, quamdiu in utero est, carere anima rationali, & tunc primum incipere eandem habere, cum paritur, ac consequenter dicendum erit in nullo abortu homicidium committi.

36. Permissum est furtum, non solum in extrema necessitate, sed etiam in gravi.

37. Famuli, & famulæ domesticæ possunt occulte heris suis surripere ad compensandam operam suam, quam majorem judicant salario, quod recipiunt.

38. Non tenetur quis sub poena peccati mortalis restituere quod ablatum est per pauca furtiva, quantumcumque sit magna summa totalis.

39. Qui alium movet, aut inducit ad inferendum grave damnum tertio, non tenetur ad restitutionem illius damni illati.

40. Contractus Mohatra licitus est, etiam respectu ejusdem personæ, cum contractu retrovenditionis prævie inito cum intentione lucris.

41. Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutuatario exigere, & eo titulo ab usura excusari.

42. Usura non est dum ultra sortem aliquid exigitur, tamquam ex benevolentia, & gratitudine debitum, sed solum si exigatur tamquam ex iustitia debitum.

43. Quidni nonnisi veniale sit detrahentis auctoritatem magnam sibi noxiam falso crimine elidere?

44. Probabile est non peccare mortaliter, qui imponit falsum crimen alicui, ut suam iustitiam, & honorem defendat. Et si hoc non sit probabile, vix ulla erit opinio probabilis in Theologia.

45. Dare temporale pro spiritali non

est simonia, quando temporale non datur tamquam pretium, sed dumtaxat tamquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut e contra.

46. Et id quoque locum habet, etiam si temporale sit principale motivum dandi spirituale; imo etiam si sit finis ipsius rei spiritualis, sic ut illud pluris aestimetur, quam res spiritualis.

47. Cum dixit Concilium Tridentinum, *Eos alienis peccatis communicantes mortaliter peccare, qui nisi quos digniores, & Ecclesiae magis utiles, ipsi iudicaverint, ad Ecclesiam promoveant*, Concilium, vel primo videtur per hoc *Digniores* non aliud significare velle, nisi dignitatem eligendorum sumpto comparativo pro positivo, vel secundo locutione minus propria ponit *Digniores*, ut excludat indignos, non vero dignos; vel tandem loquitur tertio quando sit concursus.

48. Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.

49. Mollities iure naturae prohibita non est. Unde si Deus eam non interdixisset, tæpe esset bona, & aliquando obligatoria sub mortali.

50. Copula cum conjugata, consentiente marito non est adulterium; adeoque sufficit in confessione dicere, se esse fornicatum.

51. Famulus, qui submissis humeris scienter adjuvat herum suum ascendere per fenestras ad stuprandum virginem, & multoties eidem sublevisit deterrendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne domo expellatur.

52. Præceptum servandi festa non obligat sub mortali, seposito scandalo, si ab sit contemptus.

53. Satisfacit præcepto Ecclesiae de audiendo Sacro, qui duas ejus partes, uno quatuor simul a diversis Celebrantibus audit.

54. Qui non potest recitare Matutinum, & Laudes, potest autem reliquas horas, ad nihil tenetur, quia major pars trahit ad se minorem.

P. Soffetti Theol. Tom. V.

55. Præcepto Communionis annuæ satisficit per sacrilegam Domini manducationem.

56. Frequens Confessio, & Communio etiam in his, qui gentiliter vivunt, est nota prædestinationis.

57. Probabile est, sufficere attritionem naturalem, modo honestam.

58. Non tenemur Confessario interroganti fateri peccati alicujus consuetudinem.

59. Licet sacramentaliter absolvere dimidiate tantum confessos ratione magni concursus Pœnitentium, qualis v. gr. potest contingere in die magnæ alicujus festivitatis, aut Indulgentiæ.

60. Pœnitenti habenti consuetudinem peccandi contra legem Dei, Naturæ, aut Ecclesiae, etsi emendationis spes nulla appareat, nec est neganda, nec differenda absolutio, dummodo ore proferat, se dolere, & proponere emendationem.

61. Potest aliquando absolvi qui in proxima occasione peccandi versatur, quam potest, & non vult omittere, quinimo directe, & ex proposito querit, aut, ei se ingerit.

62. Proxima occasio peccandi non est fugienda, quando causa aliqua utilis, aut honesta non sugiendo occurrit.

63. Licitum est querere directe occasionem proximam peccandi pro bono spirituali, vel temporali nostro, vel proximi.

64. Absolutionis capax est homo quantumvis laboret ignorantia Mysteriorum Fidei, & etiam si per negligentiam, etiam culpabilem nesciat Mysterium Sanctissimæ Trinitatis, & Incarnationis Domini Nostri Jesu Christi.

65. Sufficit illi semel Mysteria credidisse.

Quicumque autem cujusvis conditionis, status, & dignitatis illas, vel illarum aliquam conjunctum, vel divisim defenderit, vel ediderit, vel de eis disputative, publice, aut privatim tractaverit, vel prædicaverit, nisi forsan impugnando, ipso facto incidat in excommunicationem latæ sententiæ, a qua non possit (præterquam in articulo mortis) ab alio quacumque etiam dignitate fulgente, nisi pro tempore existente Romano Pontifici absolvi.

Insuper districte in virtute Sanctæ obediendiæ, & sub interminatione Divini Judicii prohibet omnibus Christi fidelibus, cuicumque conditionis, dignitatis, & status, etiam speciali, & specialissima nota dignis,

prædictas opiniones, aut aliquam ipsarum ad praxim deducant.

Tandem ut ab injuriis contentionibus Doctores, seu Scholastici, aut alii quicumque in posterum se abstineant, & ut paci, & charitati consulatur, idem Sanctissimus in virtute Sanctæ Obedientiæ eis præcipit, ut tam in libris imprimendis ac manuscriptis, quam in Thesibus, Disputationibus, ac Prædicationibus caveant ab omni censura, & nota, nec non a quibuscumque conviciis contra eas propositiones, quæ adhuc inter Catholicos hinc inde convertuntur, donec a S. Sede recognitæ super iisdem propositionibus judicium proferatur.

*Franciscus Richardus Sanctæ Romanæ,  
& Universalis Inquisitionis Not.*

## DECRETUM.

### FERIA QUINTA

DIE VIGESIMAQUARTA

Augusti 1690.

*In Congregatione Generali Sanctæ Romanæ,  
& Universalis Inquisitionis habita in Palatio Apostolico Montis Quirinalis coram Sanctissimo D.N.D. ALEXANDRO divina Providentia Papa VIII. ac Eminemissimis, & Reverendissimis DD. S. R. E. Cardinalibus in tota Republica Christiana adversus Hæreticam pravitatem Generalibus Inquisitoribus a Sancta Sede Apostolica specialiter deputatis.*

**S**ANCTISSIMUS D. N. ALEXANDER Papa VIII. non sine magno animi sui dolore audivit duas Theses, seu Propositiones, unam denuo, & in majorem Fidei perniciem suscitari, alteram de novo erumpere; Et cum sui Pastoralis Officii munus sit Oves sibi creditas a noxiis paucis avertere, & ad salutaria semper dirigere, dictarum Thesium, sive Propositionum examen pluribus in Sacra Theologia Magistris, & deinde Eminentissimis, & Reverendissimis DD. Cardinalibus contra Hæreticam pravitatem Generalibus

Inquisitoribus sedulo commisit, qui pluries re mature discussa infra scriptis Thesibus, seu Propositionibus super unaquaque ipsarum sua suffragia Sanctitati suæ singulatim exposuerunt.

1. Bonitas objectiva consistit in convenientia objecti cum natura rationali: Formalis vero in conformitate actus cum regula morum. Ad hoc sufficit, ut actus moralis tendat in finem ultimum interpretative. HUNC HOMO NON TENETUR AMARE, NEQUE IN PRINCIPIO, NEQUE IN DECURSU VITÆ SUÆ MORALIS.

2. Peccatum Philosophicum, seu morale est actus humanus disconveniens naturæ rationali, & rectæ rationi. Theologicum vero, & morale est transgressio libera divinæ legis. Philosophicum quantumvis grave in illo, qui Deum vel ignorat, vel de Deo actu non cogitat, est grave peccatum, sed non est offensæ Dei, neque peccatum mortale dissolvens amicitiam Dei, neque æterna pœna dignum.

Quibus peractis, Sanctissimus, omnibus plene, & mature consideratis, primam Thesim, seu Propositionem declaravit hæreticam: & uti talem damnandam, & prohibendam esse, sicuti damnat, & prohibet sub Censuris, & pœnis contra Hæreticos, & eorum fautores in jure expressis; Secundam Thesim, seu Propositionem declaravit scandalosam, temerariam, piarum aurium offensivam, & erroneam, & uti talem damnandam, & prohibendam esse, sicuti damnat, & prohibet, ita ut quicumque illam docuerit, defenderit, ediderit, aut de ea etiam disputaverit publice, seu privatim tractaverit, nisi forsan impugnando, ipso facto incidat in Excommunicationem, a qua non possit (præterquam in articulo mortis) ab alio quacumque etiam Dignitate fulgente, nili a pro tempore existente Romano Pontifice absolvi. Insuper districte in virtute sanctæ Obedientiæ, & sub interminatione divini Judicii prohibet omnibus Christi fidelibus cujuscumque Conditionis, Dignitatis, ac Status, etiam speciali, & specialissima nota dignis, ne prædictam Thesim, seu Propositionem ad praxim deducant.

*Alexander Sponus S. Romanæ, &  
Universalis Inquisitionis Not.*

DE-

# DECRETUM.

## FERIA QUINTA

### DIE VIGESIMAQUARTA

Augusti 1690.

*In Congregatione Generali Sanctæ Romanæ, & Universalis Inquisitionis habita in Palatio Apostolico Montis Quirinalis coram Sanctissimo D. N. D. ALEXANDRO divina Providentia Papa VIII. ac Eminentissimis, & Reverendissimis DD. S. R. E. Cardinalibus in tota Republica Christiana adversus Hæreticam pravitatem Generalibus Inquisitoribus a Sancta Sede Apostolica specialiter deputatis.*

**S**ANCTISSIMUS D. N. ALEXANDER divina Provihentia Papa VIII. prædictus: Pro pastorali curia Ovium a Christo Domino sibi commissa de eorum salute sollicitus, ut inoffenso gradu per rectas semitas possint incedere, & pascua nimium perniciofa in pravis doctrinis exhibita vitare, unius supra triginta Propositionum examen pluribus in Sacra Theologia Magistris, & deinde Eminentissimis, ac Reverendissimis DD. Cardinalibus contra Hæreticam pravitatem Generalibus Inquisitoribus commisit, qui tantum negotium diligenter aggressi, eique sedulo, ac pluries incumbentes, super unaquaque ipsarum sua suffragia Sanctitati suæ singillatim detulerunt.

*Propositiones autem sunt infrascriptæ videlicet.*

**I.** **I**n statu naturæ lapsæ ad peccatum mortale, & demeritum sufficit illa libertas, qua voluntarium ac liberum fuit in causa sua, peccato originali, & voluntate Adami peccantis.

**2.** Tametsi detur ignorantia invincibilis juris naturæ, hæc in statu naturæ lapsæ operantem ex ipsa, non exulat a peccato formali.

**3.** Non licet sequi opinionem, vel inter probabiles probabilissimam.

**4.** Dedit semetipsum pro nobis oblatio-

nem Deo non pro solis Electis, sed pro omnibus, & solis Fidelibus.

**5.** Pagani, Judæi, Hæretici, alique hujus generis nullum omnino accipiunt a Jesu Christo influxum, adeoque hinc recte inferes, in illis esse voluntatem nudam, & inermem, sine omni gratia sufficienti.

**6.** Gratia sufficiens statui nostro, non tam utilis, quam perniciofa est, sic ut proinde merito possimus petere, *A gratia sufficienti Libera nos Domine.*

**7.** Omnis humanæ actio deliberata, est Dei dilectio, vel mundi; si Dei, charitas Patris est; si mundi, concupiscentia carnis, hoc est, mala est.

**8.** Necesse est infidelẽ in omni opere peccare.

**9.** Revera peccat qui odio habet peccatum mere ob ejus turpitudinem & inconvenientiam cum natura, sine ullo ad Deum offensum respectu.

**10.** Intentio, qua quis detestatur malum, & prosequitur bonum, mere, ut celsiorem obtineat gloriam, non est recta, nec Deo placens.

**11.** Omne quod non est ex fide Christiana supernaturali, quæ dilectionem operatur, peccatum est.

**12.** Quando in magnis peccatoribus deficit omnis amor, deficit etiam Fides; & etiamsi videantur credere, non est Fides divina, sed humana.

**13.** Quisquis etiam æternæ mercedis intuitu Deo famulatur, charitate si caruerit, vitio non caret, quoties intuitu licet beatitudinis operatur.

**14.** Timor gehennæ non est supernaturalis.

**15.** Attribitio, quæ gehennæ, & poenarum metu concipitur, sine dilectione benevolentiz Dei, propter se, non est bonus motus, ac supernaturalis.

**16.** Ordinem præmittendi satisfactionem absolutioni, induxit non politia, aut institutio Ecclesiæ, sed ipsa Christi lex, & præscriptio, natura rei ad ipsum quadammodo dicante.

**17.** Per illam proximam mox absolvendi, ordo poenitentiz est inversus.

**18.** Consuetudo moderna quoad administrationem Sacramenti Poenitentiz, etiamsi eam plurimorum hominum sustentet auctoritas, & multi temporis diuturnitas con-

S 4 firmet.

## 280 Propositiones damnatae ab Alexandro VIII.

firmet, nihilominus ab Ecclesia non habetur pro usu, sed abusu.

19. Homo debet agere tota vita poenitentiam pro peccato originali.

20. Confessiones apud Religiosos factae pleraeque vel sacrilegae sunt, vel invalidae.

21. Parochianus potest suspicari de Mendicantibus, qui elemosynis communibus vivunt, de imponenda nimis levi, & incongrua poenitentia, seu satisfactione, ob quæstum, seu lucrum subsidii temporalis.

22. Sacrilegi sunt iudicandi, qui jus ad Communionem percipiendam prætendunt, antequam condignam de delictis suis poenitentiam egerint.

23. Similiter arçendi sunt a sacra Communione, quibus nondum inest amor Dei purissimus, & omnis mixtionis experti.

24. Oblatio in templo, quæ fiebat a B. V. Maria in die Purificationis suæ per duos pullos Columbarum, unum in holocaustum, & alterum pro peccatis, sufficienter testantur, quod indiguerit Purificatione, quod Filius, qui offerebatur, etiam macula Matris maculatus esset secundum verba legis.

25. Dei Patris simulacrum nefas est Christiano in templo collocare.

26. Laus, quæ deferretur Mariæ ut Mariæ, vana est.

27. Valuit aliquando Baptismus sub hac forma collatus, *In nomine Patris &c.* præmissis illis: *Ego te baptizo.*

28. Valet Baptismus collatus a Ministro, qui omnem ritum externum, formamque baptizandi observat, intus vero in corde suo apud se resolvit: *Non intendo facere quod facit Ecclesia.*

29. Futilis, & toties convulsa est assertio de Pontifice Romani supra Concilium

Oecumenicum auctoritate, atque in fidei quæstionibus decernendis infallibilitate.

30. Ubi quis invenerit doctrinam in Augustino clare fundatam, illam absolute potest tenere, & docere, non respiciendo ad ullam Pontificis Bullam.

31. Bulla Urbani VIII. *In eminenti*, est subreptitia.

Quibus mature consideratis idem Sanctissimus statuit, & decrevit 31. supradictas Propositiones tamquam temerarias, scandalosas, male sonantes, injurias, Hæresi proximas, Hæresim sapientes, erroneas, Schismaticas, & Hæreticas respective esse damnandas, & prohibendas, sicut eas damnat, & prohibet, ita ut quicumque illas, aut conjunctim, aut divisim docuerit, defenderit, ediderit, aut de eis etiam disputative, publice, aut privatim tractaverit, nisi forsan impugnando, ipso facto incidat in Excommunicationem, a qua non possit ( præterquam in articulo mortis ) ab alio quacumque etiam dignitate fulgente nisi a pro tempore existente Romano Pontifice, absolvi.

Insuper districte in virtute sanctæ Obedientiæ, & sub interminatione divini Iudicii prohibet omnibus Christi fidelibus, cujuscumque conditionis, dignitatis, & status, etiam speciali, & specialissima nota dignis, ne predictas opiniones, aut aliquam ipsarum ad praxim deducant.

Non intendit tamen Sanctitas sua super hoc Decretum alias Propositiones in majori numero ultra supradictas 31. jam exhibitas, & in hoc Decreto non expressas approbare.

Alexander Sponsus S. Romane, & Universalis Inquisitionis Nos.



OPUSCULUM  
DE PECCATIS,

Quæ fiunt per ignorantiam,

*In Quæst. 76. primæ secundæ*

D. THOMÆ AQUINATIS

Studioſæ Juventuti expoſitum ;

IN QV O

Tres regulæ Moralis Chriſtianæ valde utiles ſtatuuntur,  
ex doctrina Sancti Auguſtini depromptæ.

1000000000

1000000000

1000000000

1000000000

1000000000

1000000000

1000000000

1000000000

# OPUSCULUM

## De peccatis, quæ fiunt per ignorantiam.



On cilium Toletanum relatum in Decret. dist. 38. cap. 2. inter alia docuit de ignorantia, quod est mater cunctorum errorum. Inter alios autem, & innumeros errores, quos tenebrosa ista mater in lucem publicam edidit ad mundi totius perniciem, & ad suam turpitudinem occultandam, suorumque filiorum, errorum videlicet, fuit illud Pelagianæ sectæ paradoxum, quo se suosque partus immunes finxit ab omni noxa; nectarium illud dogma, damnatum in Synodo Diospolitana, veluti principium statuendo: *Oblivionem, & ignorantiam non subjacere peccato, quoniam non secundum voluntatem eveniunt, sed secundum necessitatem*, uti apud Augustinum legere est, libro de Gestis Pelagii cap. 18. Ex hoc fonte, seu potius stygia lacuna, profluxisse videtur principium illud scholæ Probabilistice fundamentum, & basis, quo ad totius Moralis Christianæ corruptionem, statuitur, & adhuc iratis superis propugnatur; Peccatum revera committi nullatenus posse, neque ad penam æternam imputari, nisi in antecessum menti præfulgeat aliqua Divina illustratio, sive conscientie remorsus, repræsentans homini peccati turpitudinem, & Summi Numinis offensam. Ad hujus igitur erroris evasionem aliqua responsum, deprompta ex inconcussa doctrina D. Augustini, & D. Thomæ, quibus si Lector præjudiciis expoliatus sincero veritatis amore attendere velit, tam perniciosi systematis falsitatem in propatulo positam exhorrescet, detestabitur, & ignorantie quaquaversum offusas tenebras, inter quas innumera peccata veluti monstra delitescunt, fugiens, luce veritatis gaudebit se ab erroribus erutum, & gratias referet Deo, qui nos de tenebris vocavit in admirabile lumen suum. 1. Petr. 2.

### CAPUT PRIMUM.

*Utrum ignorantia possit esse causa peccati.*

**S**ANCTUS AUGUSTINUS in lib. de nat. & gr. cap. 63. & lib. 3. de Libero Arb. c. 18. dicit, quod *Quidam per ignorantiam peccant*. Ergo ignorantia potest esse causa peccati. Ad cujus veritatis evidentiam

*Sciendum* 1. Quod secundum Philosophum in 8. Physic. tex. 17. causa movens est duplex, una per se, & alia per accidens. Per se quidem est, quæ propria virtute movet, sicut generans est causa movens gravia, & levia. Per accidens autem, sicut removens prohibens, vel sicut ipsa remotio prohibentis. Considerandum est autem, quod ratio secundum duplicem scientiam est humanorum actuum directiva, scilicet secundum scientiam universalem, & particularem. Conferens enim de agendis utitur quodam syllogismo, cujus conclusio est judicium, seu electio, vel operatio: actiones autem in singularibus sunt, unde conclusio syllogismi operativi est singularis. Singularis autem propositio non concluditur ex universali, nisi mediante aliqua propositione singulari: sicut homo prohibetur ab actu parricidii per hoc, quod scit patrem non esse occidendum, & per hoc, quod scit hunc esse patrem. Utriusque ergo ignorantia potest causare parricidii actum, scilicet & universalis principii, quod est quædam regula rationis, & singularis circumstantiæ. Et hoc modo (scilicet per accidens, sicut remotio prohibentis) ignorantia potest esse causa actus peccati: est enim privatio scientie perficientis rationem, quæ prohibet actum peccati. Ita D. Thomas 1. 2. quæst. 76. art. 1. in corp.

*Sciendum* II. Ex D. Thoma 1. 2. q. 75. art. 1. Quod peccatum non solum significat ipsam privationem boni, quæ est inordinatio: sed significat actum sub tali privatione, quæ habet rationem mali. Ex parte igitur actus potest habere per se causam,

sam, sicut & quilibet alius actus: ex parte autem inordinationis habet causam eo modo, quo privatio potest habere causam, scilicet agentem per accidens. Quod enim natum est inesse, & debet, nunquam abesset, nisi propter aliquam causam impediendam: & secundum hoc consuevit dici, quod malum, quod in quadam privatione consistit, habet causam deficientem, vel agentem per accidens: omnis autem causa per accidens reducitur ad causam per se. Cum igitur peccatum ex parte inordinationis habeat causam agentem per accidens, ex parte autem actus habeat causam agentem per se, sequitur quod inordinatio peccati consequatur ex ipsa causa actus. Sic igitur voluntas ignorantis, carens directione regulæ rationis, & legis divinæ, intendens aliquid bonum commutabile, causat actum quidem per se, sed inordinationem actus per accidens, & præter intentionem; provenit enim defectus ordinis in actu ex defectu directionis in voluntate. Sic igitur patet qualiter ignorantia potest esse causa per accidens peccati. Quapropter

*Sciendum 111. Ex D. Thoma 1.2.q.76. art.1. ad 2. Quod scit scientia, quam solit ignorantia, respicit peccatum ex parte conversionis: ita etiam ignorantia ex parte conversionis est causa peccati, ut removens prohibens.* Voluntas ergo ignorantis peccatum, carens directione regulæ, & legis divinæ, ratione ignorantie impediens scientiam, sive considerationem, seu advertentiam regulæ, causat actum quidem peccati per se, convertendo affectum suum ad bonum commutabile, illudque directe intendendo, ex quo accipit speciem malitiae ejus, secundum illud Osee c.9. *Facti sunt abominabiles sicut ea, quæ dilexerunt.* Sed inordinationem actus contrariam virtuti, & aversionem a bono incommutabili consequentem dictam contrarietatem, in quibus consistit formale peccati, causat per accidens, & præter intentionem. *Malum enim est præter voluntatem*, sicut Dionysius dicit 4. cap. de Div. nom. & hoc est quod D. Augustinus dicit lib. 1. Retract. cap. 15. *Qui nesciens peccavit, quia voluit fecit, etiam si non quia voluit peccavit, nesciens peccatum esse quod fecit; ita nec tale peccatum sine voluntate esse potuit,*

*sed voluntate facti, non voluntate peccati, quod tamen factum peccatum fuit, hoc enim factum est, quod fieri non debuit.* Ad cuius evidentiam

*Sciendum 1v. Ex D. Thom. 1.2.q.76. art. 1. ad 3. Quod in illud, quod est quoad omnia ignoratum, non potest ferri voluntas, sed si aliquid est secundum aliquid notum.* Et secundum aliquid ignotum, potest voluntas illud velle, Et hoc modo ignorantia est causa peccati: sicut cum aliquis scit hunc, quem occidit, esse hominem, sed nescit eum esse patrem: vel cum aliquis scit, aliquem actum esse delectabilem, nescit tamen eum esse peccatum. Unde colliges, quod de ratione peccati est, quod sit voluntarium ex parte conversionis ad obiectum, non vero ex parte inordinationis, sicut dictum est. Dupliciter autem potest esse voluntarium ex parte conversionis, scilicet in se, aut in sua causa; seu directe & formaliter, vel indirecte aut virtualiter. Primo modo, qui peccat per ignorantiam juris, nesciens esse peccatum quod facit, directe fertur in obiectum delectabile ignorans ejus malitiam, cognoscens tamen obiectum sensibile ejusque delectabilitatem. Secundo modo, qui peccat per ignorantiam facti, occidens hominem, quem nescit esse suum patrem, cognoscit homicidium, illudque directe intendit; indirecte autem, & virtualiter in homicidio vult parricidium, quod ignorat; in quantum dans operam rei illicitæ, a qua poterat & debebat abstinere, incidit in parricidium, quod proinde ei imputatur quasi ab ejus voluntate procedens; sicut submersio navis imputatur gubernatori, qui deficit a gubernando, cum posset, ac deberet attendere gubernationi, etiamsi submersionem navis non præviderit.

*Sciendum v. Quod si obijcias:* Causa est, ad quam de necessitate sequitur aliud: sed quod est ex necessitate, non videtur esse peccatum, eo, quod omne peccatum est voluntarium: ergo peccatum non habet causam, ac per consequens ignorantia non causat peccatum, sed quod per ignorantiam, sive oblivionem fit, non est obnoxium peccato, quoniam non secundum voluntatem evenit, sed secundum necessitatem. Huic argumento, quod fuit basis erroris Pelagianorum, ita respondet D. Tho.

mas 1. 2. qu. 75. art. 1. ad 2. Dicendum, quod si illa definitio causæ universaliter debeat verificari, oportet, ut verificetur de causa sufficienti non impedita. Contingit enim aliquid esse causam sufficientem alterius, & tamen non ex necessitate sequitur effectus propter aliquod impedimentum superveniens: alioquin sequeretur quod omnia ex necessitate contingerent, ut patet in 6. Metaphys. tex. 5. Sic igitur, etsi peccatum habeat causam, non tamen sequitur, quod sit necessaria: quia effectus potest impedi. Ignorantia ergo, aut oblivio, in tantum potest esse causa peccati, in quantum potest a voluntate impedi, seu vinci per scientiam oppositam: Si autem invincibilis sit, non posset causare peccatum, sed excusaret quantum est de se, quia causaret involuntarium simpliciter: induceret enim necessitatem moralem. Quapropter proscripta fuit ab Alexan. VIII. anno 1690. inter alias ordine 2. prop. Tametsi detur ignorantia invincibilis juris naturæ, hæc in statu naturæ lapsæ operantem ex ipsa non excusat a peccato formali. Unde

Sciendum v1. Ex D. Thoma 1. 2. q. 76. art. 1. Quod non qualibet ignorantia peccantis est causa peccati, sed illa tantum quæ tollit scientiam prohibentem actum peccati. Unde si voluntas alicujus esset sic disposita, quod non prohiberetur ab actu paritidii, etiam si patrem agnosceret, ignorantia patris non est huic causa peccati: sed concomitanter se habet ad peccatum: & ideo talis non peccat propter ignorantiam, sed peccat ignorans, secundum Philosophum in 3. Ethic. cap. 1. Unde idem S. Doctor, vere Angelicus, sentum verborum efficaciter penetrans, dixit in expositionem super Epistolam ad Timotheum primam c. 1. lect. 3. Quia ignorans feci &c. Paulus fecit per ignorantiam, quia si scivisset, quod Christus esset filius Dei, hoc non fecisset. Sed Judæi per ignorantiam non occiderunt Christum, sed ignoranter: quia si scivissent ipsum esse Christum, libentius occidissent eum: sicut credens lo interficere seram, occidit inimicum suum, quem tamen occidisset etiam libentius, si novisset eum. Similiter, qui ex habitu pravo blasphematur, non advertens se blasphemare, non blasphematur propter ignorantiam, sed igno-

ranter, quia etiam si adverteret, adhuc libentius blasphemaret.

Sciendum v1 1. Quod si quis objiciat: Si ignorantia posset esse causa peccati, aut esset quid bonum, aut malum: non autem bonum, quia bonum non facit, nisi bonum; Non enim potest arbor bona fructus malos facere, ut dicitur Matth. 7. Similiter autem nec malum, quia malum poenæ sequitur ad peccatum: malum autem culpæ est idem quod peccatum: peccatum igitur non potest ex ignorantia causari, saltem si sit primum. Huic argumento respondet D. Thomas 1. 2. quæst. 75. art. 1. ad 3. Dicendum, quod sicut dictum est, voluntas sine adhibitione regulæ rationis, vel legis divine, secundum se non habet rationem mali, nec poenæ, nec culpæ, antequam applicetur ad actum: unde secundum hoc peccati primi non est causa malum, sed bonum aliquod cum absentia alicujus alterius boni, idest, voluntas de se delectabilis cum carentia scientiæ debite, seu considerationis regulæ, quæ inconsideratio de se malum non est, quia Anima non potest nec tenetur attendere ad hujusmodi regulam semper in actu: sed ex hoc accipit primo rationem culpæ, quod sine actuali consideratione regulæ procedit ad electionem. Inconsideratio ergo regulæ in agendo peccatum est, & principium intrinsecum motus voluntarii inordinati, ratione negligentiae in voluntate, procedente sine directione regulæ ad actum, ut explicat S. Thomas quæst. 1. de malo art. 3.

## C A P U T I I.

Ex dictis statuitur prima regula Moralis Christianæ.

Concludendum est ex dictis pro regula Moralis Christianæ, quod peccati recepta potest, peccatumque ad poenam eternam imputari, tamen nulla menti illustratio in antecessum affulgeat, quæ eius deformitatem ostendat, nullaque superna excitatione pulsetur humana voluntas, uti Probabilitatē necessarium esse contendunt ad peccati imputabilitatem. Ad cujus evidentiam

Sciendum 1. Quod ita plane statuisse videtur

detur Palæstinæ Ecclesiæ Præsules in Synodo Diospolitana, dum nefarium illud Pelagianæ sectæ paradoxum arathemate petierunt: *Oblivionem, & Ignorantiam non subiacere peccato, quoniam non secundum voluntatem eveniunt, sed secundum necessitatem*; uti apud D. Augustinum legere est. libro de gestis Pelagii cap. 18. Satis enim voluntatis inesse significarunt peccatis illis, quæ mente per oblivionem, & ignorantiam cæca a nonnullis admittuntur, ut eis ad culpam imputari reipsa possint. Etsi enim non in peccatum facti, at certe in factum peccati voluntate propria, ac libera seruntur. Itaqueque pronunciarunt Præsules Gallicani, & Parisiensis Academiæ Theologi, dum hanc propositionem ex Jesuita Baun'o petitam, uti fallam, & viam ad excusandas excusationes in peccatis apertientem, concedi consilio proscribere anno 1641. *Nunquam peccatur, nisi prævia peccati cognitione animus illustretur, ejusque vitandi desiderio estimuletur.* Cui Censuræ calculum adiecit Academia Lovanienfis anno 1657. dum inter alias hanc assertionem confixit, ut communia Christianæ Theologiæ principia concutientem: *Ut alio quæpiam sit peccaminosa, oportet ut procedat ab homine, qui nescit, & percipit, quid boni malive in ea sit: & antequam id videat, & animum reflexat, alio neque bona est, neque mala.*

*Sciendum 11.* Quod ita demum edixit Alexander VIII. Pontifex Maximus anno 1690. die 24. Augusti, dum errorem peccati Philosophici, publica bonorum omnium indignatione prædammatum, extremo Apostolicæ auctoritatis telo confixit; dirisque devovit quotquot scandalosam hanc, temerariam, piarum animum offensivam, & erroneam assertionem docerent, atque defenderent: *Peccatum Philosophicum seu morale est actus humanus disconveniens naturæ rationali, & rellæ rationi. Theologum vero & mortale est transgressio libera Divinæ legis. Philosophicum quantumvis grave, in illo, qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æterna pena dignum. Nemo quippe est qui non videat: errorem hunc ab Ale-*

xandro proscriptum, eo principio veluti cardine niti, quo largi illi ac liberales gratiarum sufficientium largitores fabulantur, nullum reipsa veri nominis peccatum admitti, nullamque Dei offensam inferri, æterna pœna plebendam, nisi prævia illustratione animus perfundatur, internaque excitatione pulsetur humana voluntas. Quidni ergo malam arborem eodem cum fructibus telo petitam asseramus?

*Sciendum 111.* Quod neque iis iudiciis Ecclesiæ opus erat, ut suam ipsi celsitationem agnoscerent, quam tot sacrarum Scripturarum oraculis occupatam novissert facile, si vel obiter animos intendissent. Numquid enim impii Satellites ac Judæi, qui Christum Cauci suffixerunt, peccati rei censendi non erunt, qui tantum abest, ut admissi sceleris ac Deicidii gravitatem attenderent, ut contra potius iustitiam se adimplere arbitrantur, Christumque uti seductorem haberent: quippe qui *Si cognovissent, nunquam Dominum gloria crucifixissent, ut dicitur 1. Corinth. 2.* Frustra ergo pro illis Christum orasse credendum est Luc. 23. *Pater dimitte illis, quia non sciunt quid faciunt.* Nihil enim ignoscendum fuisset illis a Patre cælesti, in quibus ignorantia peccatum ex toto purgasset. Numquid Apostolorum persecutores nulla pœna digni putandi erunt, qui a pensanda delicti gravitate adeo procul erant, ut potius hac ipsa persecutione obsequium se Deo præstare arbitrantur, juxta Oraculum Christi Joan. 16. *Venit hora, ut omnis, qui interficit vos, arbitretur obsequium se præstare Deo. Atheos demum omnes, Paganos, Infideles, in desideria cordis traditos, tenebris obscuratum habentes intellectum, alienatos a vita Dei per ignorantiam, ut testatur Apostolus ad Ephes. 4. integra venia dignos æstimare par erit? Felicio itaque eorum conditio censetur, quam fidelium, & cœcitas sceleratissimis peccatoribus lucro erit, quæ illos a peccatis absolvet, magnæque Divinæ gratiæ pars reputabitur ignoratio Divinitatis?*

*Sciendum 1v.* Quod ut ab iis scripturarum laqueis se abtolvant Adversarii, frustra reponunt; peccatores excoecatos licet, & obduratos, iis illustrationibus, & excitationibus cœlitus immissis continuo per-

fundi;

fundi; sed eas minus attendere. Illud quippe figmentum ex instituto refellit Cardinalis Bellarminus lib. 2. de Gratia & libero Arbitrio cap. 6. *Dicunt aliqui, Deum quidem perpetuo pulsare ostium cordis, & peccatores vocare, sed eos aliis rebus intentos non percipere vocationem. Sed hæc responsio cum ipso experimento apertissime pugnat. Nam cum vocatio, pulsus tactus excitatio illa Dei sit actio nostra, quamvis non libera, nimirum bona cogitatio bonumque desiderium repente, ac divinitus immissum; quomodo potest fieri, ut non sentiat a nobis, si sit non solum in nobis, sed etiam a nobis? Quamquam, etsi daremus, pias illas excitationes, & illustrationes singulis peccatoribus cœlitus immitti, quas tamen illi minus adverterent, totum id in idem redderet. Effent illæ prorsus inutiles, nec peccatores excitarent, nec implendi officii admonerent, nec offensæ gravitatem ostenderent. Uti enim somno correptus voce minus percepta non excitatur, ita qui sceleribus obdurnit, inspiratione minus percepta excitari haud potest. Atque idcirco peccati reus esset (quod hic demonstrandum aggredimur) tametsi delicti gravitate insula desuper luce minus norit, atque percipiat.*

*Sciendum v.* Quod si vis alia ejusdem inepti systematis consedaria, audi quæ Apostoli simul, & Augustini doctrinam de Legge, & Gratia concutiant. Ii quippe milles discernunt, Litteram sine Spiritu occidere; Legem sine gratia facere magis reos; legem apud eos, quos non adjuvat gratia, virtutem esse peccati; Legem deum mortem illis contulisse, quos Dei gratia non liberavit. Verum qui neminem peccare contendunt, nisi gratiam interioris illustrationis atque excitationis acceperit, mutant quadrata rotundis: nempe principii loco ponunt, Legem sine gratia reos facere non posse, sed cum gratia sufficiente sæpius facere: Legem sine gratia occidere neminem; accedente nihilominus gratia occidendam obtinere: Legem iis, quos gratia non adjuvat, mortem inferre non posse; sed mortis inferendæ virtutem gratiæ sufficientis opulatione fortiri. Quid tandem? Christum pro impiis mortuum scribit Apostolus, ut a peccato liberaren-

tur; isti Christum pro impiis mortuum statuunt, ut gratiam illis promeretur, sine qua peccare non possent, & qua accepta pro libito suæ malitiæ peccatori essent. Nihil liberum arbitrium, nisi ad peccandum valere pronunciat Augustinus lib. de Spir. & Litt. cap. 3. si lateat veritas via; isti nihil ad peccandum valere docent, si veritas lateat.

*Sciendum vi.* Quod ab iis, qui ita sentiunt, scire velim, an ipsi de se ipsis spondere audeant, nullum unquam sibi subrepsisse peccatum, per improvias offensiones, per tacitas libidinis illecebras, per occultas sensuum insidias, per linguæ intemperantiam, per subitotæstus, per ignorantiam, per errorem; quin præcesserit in animo per piam cogitationem admissi peccati cognitio, infirmitatis suæ notitia, excitatio ad orandum, pium denique desiderium a peccato retrahens. Id si velint, quid causæ est, ut ad Deum assidue iusticiam? Ab oculis meis munda me, Domine? Quid causæ erit, ut ita Dominum deprecetur Ignorantiam meas ne memineris, si nullum unquam peccatum occulte seise in animum insinualet, nullaque per ignorantiam, aut incogitantiam culpa posset admitti? Cur vigilarent adversus diaboli insidias, si reipsa peccare non possent, quin prius illa pervigili cogitatione excitarentur? Rem longe aliter statuit Augustinus lib. de Spir. & Litt. cap. 36. peccatique cognitionem persæpe deesse significat, dum peccatur. *In multis offendimus omnes, quos putamus Deo, quem diligimus, placere, vel non displicere quod facimus; & postea per scripturam ejus, sine certa, & perspicua ratione commoti, cum didicerimus quod ei non placeat, penitendo precamur, ut ignoscat. Plena humana vita est talibus documentis. Quanto minus igitur licentiores homines iis motibus excitari putandi erunt, a quorum mentibus Deus abest, quique omni vitiorum cæno demersi sunt?*

*Sciendum vii.* Quod nihil itaque tam absolum, quam interioris inspirationis gratiam, peccatis admittendis aut certe imputandis necessariam comminisci: quasi hæc minus libera censerentur, quæ nulla præfulgente illustratione, nulla stimulante superna

perna excitatione perpetratur. An non enim libera putanda sunt, quæ a volentibus admittuntur, immo etiam quia volunt? Torum id luculentissima ratione confirmat D. August. lib. 1. Retract. cap. 18. Peccatum admitti asserens sola voluntate facti, nulla licet accedente voluntate peccati: hoc est, peccati reum illum esse, qui rem jure vetitam agit, tamen vetitam nesciat, nullaque perpetrandi peccati intentione feratur. Nam *Quod nesciens peccavit* (inquit S. Doctor) non incongruenter nollens peccasse dici potest; quamvis *Quod ipse quod nesciens fecit, volens tamen fecit*, ita nec ipse esse potuit sine voluntate peccatum. Quæ voluntas utique, sicut definita est, animi motus fuit, nullo cogente ad aliquid vel non amittendum, vel adipiscendum. Quod enim si noluisse non fecisset, non coacta est facere. Quia voluit ergo fecit, etiam si non quia voluit peccavit, nesciens peccatum est quod fecit. Ita nec peccatum sine voluntate esse potuit; sed voluntate facti, non voluntate peccati, quod tamen factum peccatum fuit. Hoc enim factum est, quod fieri non debuit.

*Sciendum VIII.* Quod hanc ipsam duplicis voluntatis distinctionem ab Augustino statutam, qua vel una Philosophici peccati insultus error, ejusdemque ruinofum fundamentum suffoditur, suam facit ac probat Doctor Angelicus 2. 2. qu. 76. art. 2. ad 2. Cum enim hoc sibi obviam fecisset argumentum: Stultitiam voluntariam non esse, atque ita peccatum esse non posse, ita reponit: *Dicendum, quod quamvis stultitiam nullus velit, vult tamen ea, ad quæ consequitur esse stultum, scilicet abstrahere sensum suum a spiritualibus, & immergere terrenis.* Et idem etiam contingit in aliis peccatis: nam luxuriosus vult delectationem, sine qua non est peccatum, quamvis non simpliciter velit peccatum, vellet enim frui delectatione sine peccato. Hoc idem confirmat 1. 2. qu. 74. art. 7. ad 2. ubi tantum abest, ut illum culpa vacare dicat, qui legem æternam, qua peccati gravitas, & Dei offensa dignolci potest, non attendit, ut potius in ipsa inconsideratione legis æternæ initium peccati mortalis constituat: *Dicendum, quod ex hoc*

*ipso, quod ratio superior non dirigit actum humanum secundum legem divinam, impediens actum peccati, dicitur ipsa consentire, sive cogit de lege æterna, sive non. Cum enim cogitat de lege Dei, actum eam contemnit: cum vero non cogitat, eam negligit per modum omissionis cuiusdam. Unde omnibus modis consensum in actum peccati procedit ex superiori ratione, ut Augustinus dicit 12. de Trinit. Quibus verbis statuta Moralis Christianæ regula mirum in modum confirmatur.*

### C A P U T III.

#### *Utrum Ignorantia sit peccatum.*

**N**ihil meretur poenam, nisi peccatum: sed ignorantia meretur poenam, secundum illud 1. ad Corinth. 14. *Si quis ignorat, ignorabitur.* Ergo ignorantia est peccatum. Ad cujus evidentiam

*Sciendum 1.* Ex D. Thoma 1. 2. qu. 76. art. 2. Quod ignorantia in hoc a nescientia differt, quod nescientia dicit simplicem negationem scientiæ: unde, cuiusque deest aliquarum rerum scientia, potest dici nescire illas: secundum quem modum Dionysius in Angelis nescientiam ponit 7. cap. Cœlest. Hier. Ignorantia vero importat scientiæ privationem, dum scilicet alicui deest scientia eorum, quæ aptus natus est scire. Horum autem quædam aliquis scire tenetur, illa scilicet, sine quorum scientia non potest debitum actum exerce-  
re. Unde omnes tenentur scire communiter ea, quæ sunt fidei, & universalis juris (scilicet naturalis præcepta: singuli autem ea, quæ ad eorum statum, vel officium spectant. Quædam vero sunt, quæ etsi aliquis natus est scire, non tamen ea scire tenetur, sicut theorematum geometriæ, & contingentia particularia, nisi in casu. Manifestum est autem, quod quicumque negligit habere, vel facere id, quod tenetur habere, vel facere, peccat peccato omissionis; Unde propter negligentiam ignorantia eorum, quæ aliquis scire tenetur, est peccatum: non autem imputatur homini ad negligentiam, si nesciat ea, quæ scire non potest, unde horum ignorantia invincibilis dicitur, quia studio

super-



superari non potest : & propter hoc talis ignorantia , cum non sit voluntaria , eo , quod non est in potestate nostra eam repellere , non est peccatum .

*Sciendum 11.* Ex eodem S. Doctore . Quod ex hoc patet , quod nulla ignorantia invincibilis est peccatum : ignorantia autem vincibilis est peccatum , si sit eorum , quæ aliquis scire tenetur ; non autem si sit eorum , quæ quis scire non tenetur . Neque dicas : Peccatum est dictum , vel factum , vel concupitum contra legem Dei , uti docet Divus Augustinus libro 22. contra Faustum cap. 27. Sed ignorantia non importat alitem actum neque interiorem , neque exteriorem . Ergo ignorantia non est peccatum . Ad hoc enim respondet Divus Thomas in citat. articulo . ad 1. *Dicendum* , quod in hoc , quod dicitur dictum , vel factum , vel concupitum , sunt intelligenda etiam negationes opposita , secundum quod omisso habet rationem peccati : & ita negligentia , secundum quam ignorantia est peccatum , continetur sub prædicta definitione peccati , in quantum prætermittitur aliquid , quod debuit dici , vel fieri , vel concupisci ad scientiam debitam acquirendam ; puta , in quantum aliquis prætermittit in dubiis circa agenda petere consilium a peritis , seu sapientibus : vel studio operam dare secundum posse , & pro posse : vel non concupiscit sincero amore veritatis notitiam ejus , sed contentus est de sola probabilitatis apparentia , quæ taliter qualiter ea , quæ cupiditati carnis placent , cohonestet .

*Sciendum 111.* Quod majorem difficultatem habet id , quod alii obijciunt , hoc est : Peccatum directius opponitur gratiæ , quam scientiæ : sed privatio gratiæ non est peccatum , sed magis poena quædam consequens peccatum . Ergo ignorantia , quæ est privatio scientiæ , non est peccatum . Sed huic difficultati occurrit Divus Thomas in citat. articulo . ad 2. sic : *Dicendum* , quod privatio gratiæ , etsi secundum se non sit peccatum , tamen ratione negligentie præparandi se ad gratiam , potest habere rationem peccati , sicut & ignorantia : & tamen quantum ad hoc est dissimile , quia homo potest aliquam scientiam acquirere per suos adus :  
P. Soffietti Theol. Tom. V.

*gratia vero non acquiritur ex nostris adibus , sed ex Dei munere .* Quasi dicat Sanctus Doctor : Etsi homo ex viribus naturæ non possit se disponere ad acquirendam gratiam , tamen quia ex negligentia sua potest ponere impedimentum infusioni gratiæ , ratione talis negligentie iuste in poenam privatur auxilio gratiæ , quo potius sit se disponere ad justificationem ; immo ipsa privatio gratiæ ex tali negligentia accipit rationem culpæ . Quanto ergo magis , ratione negligentie erit peccatum ignorantia rerum illarum , quarum scientiam homo potest ex viribus suæ naturæ , & tenetur acquirere , ut est scientia illarum veritatum , quæ tanquam conclusiones in jure naturali continentur ? Unde in Psalm. 4. dicitur : *Muli dicunt* ( ad excusationem scilicet suæ ignorantie ) *Quis ostendit nobis bona ?* Quibus respondetur : *Signatum est super nos lumen vultus tui , Domine .* Id est , lumen rationis , in quantum est lumen a vultu tuo derivatum , in tantum potest offendere nobis bona , & regulare voluntatem ne erret in eligendo pro bono , quod malum est .

*Sciendum IV.* Ignorantia ergo juris naturæ vincibilis est , cum sit earum rerum , quas unusquisque scire tenetur , ut rectum actum exerceat , non potest excusare totaliter a peccato . Neque dicas , quod ratio hominis per peccatum originale destituta est a recto ordine ad verum , quæ restitudo ad prudentiam pertinet , quæ est recta ratio agibilium : unde ignorantia vocatur vulnus naturæ rationalis a peccato originali inflictum . Hoc enim solum probat , quod ratio practica hominis per peccatum originale amiserit rectitudinem ordinis ad verum judicandum secundum appetitum rectum , non autem quod amiserit ordinem ad verum judicandum secundum appetitum : quod amiserit sufficientiam potestatis , non quod amiserit potestatem naturalem rationis : quod ratio hominis practica sit vulnerata , non extincta ; quod evaserit debilis , & infirma , non quod sit mortua : quod ejus potestas sit compedita , non quod non existat . Possunt autem hæc impedimenta multiplicari in infinitum per appositionem , vi peccatorum actua-

actualium, sed non potest aliquid subtrahi de substantia Rationis; secundum quod Augustinus dicit in secundo Confessionum cap. 4. *Lex tua scripta est in cordibus hominum, quam nec ulla unquam delet iniquitas*. Sed lex scripta in cordibus hominum est lex naturalis. Ergo lex naturalis deleri non potest. Addiderim ad probationis cumulum, quod dicta impedimenta superari possunt ab homine adiutorio gratiæ, quod sufficit, ut ignorantia juris naturæ sit absolute vincibilis; quod enim per alios possumus, absolute possumus.

*Sciendum v.* Quod præsentī instituto congruit quod habet Doctor Angelicus 2. 2. quæst. 2. articuli. 2. ubi necessitatem fidei probaturus, hanc sibi in oppositam objectionem proponit. Nullus tenetur ad id, quod in ejus potestate non est: sed credere aliquid explicitè non est in hominis potestate, quia ad hoc indiget Divino gratiæ auxilio, quod in sua potestate non habet: ergo credere aliquid explicitè homo non tenetur. Cui solvendæ nihil accommodatius occurreret, quam quod obtendunt Probabilistæ, Gratiam scilicet sufficientem singulis præsto esse, atque idcirco peccatis adstringi, quorum vitandorum potentiam elargitur, non autem eis imputari peccata, quorum nec notitia, nec remorsus animum monet officij. At longe aliter Angelico Magistro visum est, cui una sapit Augustini regula jam a nobis exposita cap. ant. *Dicendum* (inquit) *quod si in potestate hominis esse dicatur aliquid excluso gratiæ auxilio, sic ad multa tenetur homo, ad qua non potest sine gratia reparare, sicut ad diligendum Deum, & proximum, & similiter ad credendum articulis fidei: sed tamen hoc potest cum auxilio gratiæ. Quod quidem auxilium quibuscumque divinius datur, misericordia datur; quibus autem non datur, ex justitia non datur, in penam præcedentis, aut saltem originalis peccati, ut Augustinus dicit libro de correptione & gratia. Judicat quippe S. Doctor satis esse, quod ignorantia sit vincibilis auxilio gratiæ, ad hoc ut homo absolute possit, & teneatur eam vincere; & quod culpa propria impedimentum posuerit illustrationi gra-*

tiae, ut revera peccatum sit simul, & poena peccati.

*Sciendum vi.* Ad confirmationem traditionis doctrinæ, quod Sanctus Thomas in præsentī articuli. 2. sibi obviam facit hoc argumentum, quo Probabilistæ probare nituntur, quod effectus consequentes peccatum non sunt revera peccata: *Si ignorantia est peccatum, hoc non est, nisi in quantum est voluntaria: sed si ignorantia sit peccatum in quantum est voluntaria, videtur peccatum in ipso actu voluntatis consistere magis, quam in ignorantia: ergo ignorantia non erit peccatum, sed magis consequens ad peccatum*. Cui argumento respondet: *Ad tertium dicendum, quod sicut in peccato transgressionis peccatum non consistit in solo actu voluntatis, sed etiam in actu volito, qui est imperatus a voluntate: ita in peccato omissionis non solum actus voluntatis est peccatum, sed etiam ipsa omisso, in quantum est aliquid voluntaria; & hoc modo ipsa negligentia sciendi: vel etiam ipsa inconsideratio est peccatum*. Discant ergo Probabilistæ, quod quidquid a voluntate procedit, sive directe sive indirecte, sive immediate sive mediate; sive in se sive in sua causa, peccatum est. Ita est in casu: Negligentia ad voluntatem pertinet, inconsideratio vero aut ignorantia ad rationem; & utraque omisso est, a voluntate indirecte procedens, tanquam a principio libere nolente agere, & cogitare: sed negligentia immediate a voluntate procedit, inconsideratio vero aut ignorantia mediante negligentia: & per consequens utraque peccatum est, sed negligentia ratione sui, inconsideratio vero aut ignorantia ratione causæ seu negligentia.

*Sciendum vii.* Quod neque valet id, quod reponunt Adversarii; videlicet: *Omne peccatum per penitentiam tollitur, nec aliquod peccatum transiens reatu remanet actu, nisi solum originale: ignorantia autem non tollitur per penitentiam, sed adhuc remanet actu, omni reatu per penitentiam remoto*. Ergo ignorantia non est peccatum, nisi forte sit originale. Falsa est enim major propositio quoad secundam partem; Omne enim peccatum transiens reatu per penitentiam, remanet actu sicut

ari-

originale, quantum ad pravas dispositiones, quæ vocantur reliquæ peccati. Quare dicendum est ex Div. Thoma in præfenti art. ad 4. *Quod licet transeunte reatu per penitentiam, remaneat ignorantia, secundum quod est privatio scientiæ, non tamen remanet negligentia, secundum quam ignorantia peccatum dicitur.* Ignorantia ergo peccatum est, in quantum est voluntaria; & ideo remoto voluntario per penitentiam, remanet quidem ignorantia, sed non remanet ignorantie peccatum. Explicat hoc D. Thomas in qu. 1. de Malo art. 3. *Hoc ipsum quod est non attendere actum ad talem regulam in se consideratam, (scilicet Rationem, & legem) non est malum, nec culpa, nec pena: quia anima non tenetur, nec potest attendere ad huiusmodi regulam semper in actu: sed ex hoc accipit primo rationem culpæ, quod sine actuali consideratione regula procedit ad huiusmodi electionem.* Sicut Artifex non peccat in eo quod non semper tenet mensuram, sed ex hoc quod non tenens mensuram procedit ad incidendum.

*Sciendum VIII.* Quod ex tradita Doctrina manifestum sit, quod licet continue maneat ignorantia in ignorante, non tamen sequitur quod continue peccet; sed solum quando est tempus acquirendi scientiam, quam habere tenetur, aut attendendi actum ad regulam operationis humanæ. Rationem huius assignat D. Thomas hic in responsione ad quintum argumentum: *Dicendum, quod sicut in aliis peccatis omissionis solo illo tempore homo actum peccat, pro quo præceptum affirmativum obligat, ita est etiam de peccato ignorantie.* Non enim continue ignorans actum peccat, sed solum quando est tempus acquirendi scientiam, quam habere tenetur. Exempla huius habes in promptu: Si quis dubitans, an aliquod sit licitum, procedit ad actum non se prius certificans de eius honestate: si quis cum possit inquirere a perito, non curat, sed inquit ab imperito: Si quis relicto consilio viri prudentis, & Deum timentis, utitur consilio hominis dissoluti, aut loquentis solum, & suadentis placentia. Hi omnes laborant ignorantia vincibili, & in ipsa ignorantia graviter peccant, dum sic ignorantes

procedunt ad actum, cum se periculo semper exponant violandi legem. Quibus dicendum est illud Divi Thomæ Quodl. 3. art. 10. *In rebus dubiis non est de facili præstandus assensus; aut illud Scoti in Prologo lib. tent. Multa in hac vita sunt dubia, sed non est dubia via salutis; habemus enim regulam certam in dubiis tenendam: Tene certum, dimitte incertum.*

# C A P U T I V.

*Ex dictis statuitur altera regula Moralis Christianæ.*

**A**ltera regula Moralis Christianæ statuitur ex dictis in cap. ant. qua Probabilistici systematis fundamentum evertitur: Non potest dari ignorantia invincibilis juris naturæ; ac per consequens peccans contra jus naturæ, nesciens peccatum esse quod facit, non excusatur a peccato formali, sed ipsa ejus ignorantia peccatum est, & causa peccati. Hanc regulam docuerunt omnes antiqui Theologi tamquam indubitatam in Ecclesia, & ex traditione Patrum acceptam, ut fatetur ipse Vasquez in 1. 2. disp. 122. cap. 1. Ad huius igitur regulæ evidentiam ac confirmationem

*Sciendum I.* Quod sicut docet Divus Thomas 1. 2. quæst. 94. art. 6. *Ad legem naturalem pertinent primo quidem quedam præcepta communissima, quæ sunt omnibus nota: secundario autem quedam secundaria præcepta magis propria, quæ sunt quasi conclusiones propinquæ principiis.* Quantum ergo ad illa principia communia, lex naturalis nullo modo potest a cordibus hominum deleri in universali: delatur tamen in particulari operabili, secundum quod ratio impeditur applicare commune principium ad particulare operabile propter concupiscentiam, vel aliquam aliam passionem, ut supra dictum est, videlicet 1. 2. quæst. 77. art. 2. Ibi Sanctus Doctor dicit, quod passio impedire potest rationem a consideratione ejus, quod scit in universali, triplici modo. Primo quidem per quandam distractionem, unde oritur quod non advertat esse malum quod fit, juxta quod dicitur Jacobi 1. *Unusquisque*

tematur a concupiscentia sua abstractus, & illeclus. Secundo per contrarietatem, quia plerumque passio inclinat ad iudicandum in particulari esse bonum, quod in universali, & in habitu scit esse malum; unde oritur ignorantia malæ electionis, secundum quod dicitur Proverb. 14. *Errant, qui operantur malum*. Tertio per quandam immutationem corporalem, ex qua ratio quodammodo ligatur, ne libere in actum exeat reprimendo passionis impetum; secundum illum Apostol. Rom. 7. *Videō aliam legem in membris meis repugnantem legi mentis meæ, & captivantem me in lege peccati*. Sed isti non peccant ex ignorantia juris, quod sciunt in universali, sed ex passione obsecante, quæ non excusat a peccato, cum sit voluntaria. Unde dicitur Jacobi 4. *Scienti bonum facere, & non facienti, peccatum est illi*.

*Sciendum est* 11. Ex eodem Divo Thoma art. cit. *Quod quantum ad alia præcepta secundaria (quæ sunt quasi conclusiones propinque principiis) potest lex naturalis deleri de cordibus hominum, vel propter malas persuasiones, eo modo quo etiam in speculativis erroribus contingit circa conclusiones necessarias: vel etiam propter pravas consuetudines, & habitus corruptos: sicut apud quosdam latrocinia non reputantur peccata, vel etiam vitia contra naturam, ut etiam Apostolus dicit Rom. 1. Unde patet, quod huiusmodi ignorantia juris naturæ non excusat a peccato operantes ex illa, cum talis ignorantia causata sit a propria iniquitate. Quod quidem manifestum est quando contracta est per pravas consuetudines, & habitus corruptos. Sed difficultas est, qualiter sit culpabilis quando contrahitur propter malas persuasiones Doctorum, erroneas opiniones insinuantium. Cui difficultati satisfaciunt Divus Thomas Quodl. 3. art. 10. dicens: *In his, quæ pertinent ad fidem, & bonos mores, nullus excusatur si sequatur erroneam opinionem alicuius Magistri, in talibus enim ignorantia non excusat, alioquin immunes a peccato fuissent, qui secuti sunt opinionem Arrii, Nestorii, & aliorum hereticarum*. Iudicat ergo S. Doctor, quod talis ignorantia vincibilis*

est, & culpabilis, cujus rationem assignat, dum subdit: *Nec potest excusatio habere propter simplicitatem auditorum, si in talibus erroneam opinionem sequantur. In rebus enim dubiis non est de facili præstandus assensus, quinimo ut Augustinus dicit in lib. 3. de Doctr. Christi. Consulere debet quis regulam fidei, quam de scripturarum planioribus locis, & Ecclesiæ auctoritate percepit*. Contingit ergo in talibus error, propter indiscretam facilitatem in credendo, sive opinando, aut novitates sectando prurientes auribus, quæ a veritate auditum avertunt, ut inquit Apostolus 1. ad Timoth. 4. & propter negligentiam in scrutandis scripturis, & Ecclesiæ definitionibus; & ideo a peccato non excusatur. Ad cuius evidentiam

*Sciendum* 111. Quod si ignorantia invincibilis dicatur ea, quæ superari non potest præsentia, & humana diligentia, secluso Dei auxilio gratuito, sic dari ignorantiam invincibilem juris naturæ circa præcepta secundaria in statu naturæ lapsum, manifestum est; non quidem quia lumine naturali cognosci non possint, quantum est de se, sed per accidens propter impediencia, scilicet propter legem peccati, quæ est in membris nostris, & militat contra legem rationis, illamque captevat ad malum triplici illo modo supra explicato. Ab his tamen laqueis se expedire potis est auxilio Dei gratuito, quod præsto est omnibus quantum est ex parte Dei. Cujus rationem dat Apostolus 1. Tim. 2. *Vult enim omnes homines salvos fieri, & ad agnitionem veritatis venire*. Et ideo quantum est ex parte sui: *Illuminat omnem hominem*; uti dicitur Joan. 1. *Quod autem plures homines effectum huiusmodi illustrationis supernæ in se non percipiant, ex culpa illorum provenit, qua impedimentum apponunt per inordinatam conversionem ad bonum commutabiles; & ideo subditur: Sed dilexerunt homines magis tenebras, quam lucem*. Joan. 3. Unde evenit, secundum quod scribit Apostolus ad Ephes. 4. *quod Ambulant in vanitate sensus sui, tenebris habentes obscuratum intellectum, alienati a vita Dei per ignorantiam, quæ est in illis propter cecitatem cordis ipsorum*. Quam ergo excusatio.

fationem habere possunt de peccatis suis? Nullam prorsus: & ideo Deus per Prophetam suum talibus dicit: *Perditio tua Israel, tantummodo in me auxilium tuum.* Oleez 13.

*Sciendum IV.* Quod neque ignorantia juris naturæ, quia creditur non esse peccatum quod seipsa tale est, potest taliter occultare peccatum, ut ejus malitiam essentialem homines obsecrati non videant, tamen ejus contrarietatem ad legem prohibentem non agnoscant. Vident, & non vident: intelligunt quantum factum est ad rationem culpæ contrahendam, non intelligunt quantum factum est ad rationem peccati vitandam, juxta illud Isa. 6. *Exceca cor populi hujus, ne forte videant oculis suis, & corde suo intelligat, & convertatur.* Explicat hoc Card. Cajetanus 1. 2. quæst. 76. art. 4. Distinguit ipse duplicem ignorantiam, facti nimirum, & juris: rursumque duplicem ignorantiam juris, alteram scilicet positivam juris, eorum nempe, quæ cum secundum se mala non sint, positivo jure mala facta sunt; alterum eorum, quæ sunt secundum se mala, id est juris naturalis. Ac de postremo illo genere ita loquitur: *Inchoando autem a peccatis, quæ sunt secundum se mala, & sumi ex ignorantia juris, dicendum est, quod sunt peccata ejusdem speciei, cuius essent, si fierent a sciente. Et ratio est, quia sunt actus voluntarii in se ipsis per se, & directe, non solum materialiter, sed formaliter secundum conversionem ad obiectum, quamvis secundum contrarietatem ad virtutem indirecte, & per accidens sint voluntarii. Gentiles namque nescientes simpliciter fornicationem esse peccatum, consentiunt in cognitionem mulieris non suæ, unde sumunt fornicationis species, quamvis forte aliqui se scripsissent esse peccatum, non fecissent.*

*Sciendum V.* Quod Cajetani mentem recte complexus eruditissimus Estius in lib. 2. dist. 22. art. 14. sic loquitur. *Ignorantia facti, si sit invincibilis, reddit actum prorsus involuntarium. Qui enim interfecit amicum volens interficere bestiam, nullo modo vult hunc actum, qui est interficere amicum. Similiter ignorantia juris positivi reddit actum involuntarium* P. Soffetti Theol. Tom. V.

quoad rationem peccati, nam qui cum facit, nescit esse prohibitum: non est autem hujusmodi actus peccatum, nisi quatenus prohibitus est. Quare si ignorantia, qua ignorat esse prohibitum, sit prorsus involuntaria, erit & actus ille secundum rationem peccati prorsus involuntarius. At ignorantia juris naturalis nunquam facit actum prorsus involuntarium, etiam qua ratione peccatum est; quia non facit ut malum prorsus ignoretur, sed semper permittit ipsum aliquo modo sciri. Quamvis enim qui hac ignorantia laborat, ignoret hoc malum, quod agit sub ratione generis, id est, nesciat esse peccatum; nescit tamen sub ratione speciei, cui naturaliter, & essentialiter tale genus competit. Exempli causa, qui mentitur officio putans tale mendacium esse licitum, hic quidem nescit tale mendacium pertinere ad genus peccati, ideoque putat non esse peccatum, scit tamen se mentiri, & proinde actum, qui essentialiter malus est, voluntarie committit. Eadem ratio in fornicatione, usu, simonia, ac ceteris per se malis, id est, quæ non ideo mala sunt quia prohibita; sed ideo prohibita, atque illicita, quia mala sunt. Hec videtur esse sententia Cajetani 1. 2. quæst. 76. art. 4.

*Sciendum VI.* Quod hoc facit quod dicit Sanctus Augustinus lib. 1. Retr. cap. 15. *Qui nesciens peccavit, quia voluit fecit, etiam si non quia voluit peccavit, nesciens peccatum esse quod fecit; ita nec tale peccatum sine voluntate esse potuit, sed voluntate facti, non voluntate peccati, quod tamen factum peccatum fuit; hoc enim factum est, quod fieri non debuit. Ad imputabilitatem quippe peccati non requiritur quod sit voluntarium voluntate peccati, sed sufficit quod sit voluntarium voluntate facti; alioquin nemo peccaret, nisi per formalem contemptum præcepti; quod adeo absurdum est, & principiis Christianæ Theologiæ contrarium, ut propterea veluti error præscriptus sit anno 1665. ab Alexandro VII. in hac prop. 23. *Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult se subijcere præcepto.* Huc etiam facit quod Innocentius III. De Si-*

monia cap. Per tuas, pronunciat eum Simoniacum, qui nesciebat id, quod egerat, simoniacum esse, non habita ratione ignorantiae ejus. Nunc ex Doctrina a D. Augustino tradita, ab Estio & Cajetano explicata, & ab Innocentio Papa confirmata, hoc formo argumentum, quo vel uno, veluti admoto ariete, tota machina probabilistica funditus concussa ruit. Ignorantia in tantum potest excusare a peccato, in quantum caulat involuntarium simpliciter: Sed ignorantia juris naturalis, qua creditur non esse peccatum quod re ipsa est, non caulat involuntarium simpliciter, uti ostensum est. Ergo non potest excusare a peccato.

*Sciendum vii.* Quod ejusmodi ignorantia juris naturae non fieri actiones nostras prorsus involuntarias, contendunt non modo Augustinus, Estius, Cajetanus, sed ipse Aristoteles, qui cum per ignorantiam facta involuntariis annumeret, id se intelligere testatur de ignorantia circumstantiarum, non autem de ignorantia juris, quam contra in vitiosis, & facinorosis fere semper adesse constituitur lib. 3. Moral. cap. 1. *Quae agenda, quae fugienda sunt nullus improbus non ignorat, & hoc ipso vitio improbi, & iniusti sunt.* Non igitur ideo quisque involuntarie agere dicitur, quia quod expediat nescit. Omnino enim illa ignorantia, qua quis eligit certum aliquod malum, non efficit, ut involuntaria sit actio, sed ut sit mala; quod idem de ea dici potest, qua quis praecepta bene vivendi generatim ignorat; talem enim ignorantiam vitio vertimus: quae vero involuntarias facit actiones, ac venia, vel misericordia dignas, circa singulares rerum circumstantias versatur, & tunc proprie venia locus. Itaque ne Philosophorum quidem auctoritate defendi potest Ignorantiae a peccato excusantis dogma, quando agitur de jure naturali. Ceterum si ad Sanctos Patres, & definitiones Ecclesiae attendamus, longe nobis a veritate alienius videri necesse est; hoc enim non tamquam falsum tantummodo, sed tamquam haeticum proferunt, uti supra in capit. 2. ostensum est.

*Sciendum vii.* Quod statnenda itaque

est cum Augustino haec Regula; Cognitionem voluntatemque facti, sive ejus rei, quae secundum se peccatum est, non vero cognitionem voluntatemque peccati, seu pravitatis actus ad peccatum imputandum requiri. Hac regula declinantur horrendae illae consecutiones, quas Probabilitate deducunt ex statuta semel ignorantia invincibili juris naturalis, quae a nobis indigitatae fuerunt in cap. 2. Hac regula facile separantur peccata ignorantium jus naturale, ab ebriorum, amentiumque peccatis. Nam qui per ignorantiam juris naturalis hominem occidit, factum ipsum, quod intrinsece malum est, cognoscit, nempe interfectionem hominis privata auctoritate, licet pravitate actus ignoret, aut non adveitit; adeoque voluntarie, & ex intentione occidit. At ebrius, vel amentis ignorat non modo peccatum, sed ipsum factum; & ea propter ejus factum proprie dictam peccati speciem non habet, id est, non est proprie dictum homicidium, sed tantum circumstantia quaedam peccati ebrietatis, aut amentiae voluntariae. Eadem regula dilucescit, cur facta per juris naturalis ignorantiam nunquam excusentur, cum multa per ignorantiam juris positivi facta excusatione digna habeantur. Ignorantia enim juris naturalis non privat cognitione ipsius rei, quae per se mala est, adeoque non efficit actionem involuntariam. At vero ignorantia juris positivi, cum tollat cognitionem ipsius juris, nihil relinquit in objecto, quod malum dici possit. Qui enim aliqua die praecepti jejunium nescit, & bis eo die ex illa ignorantia comedit, nihil aliud in mente habet, quam duplicem comessionem, quae per se nihil habet pravitatis, unde fit, ut illius actus proprie dicta jejunii violatio dici non possit. Qua de re vide Cajetanum 1. 2. qu. 76. art. 4.

*Sciendum ix.* Quod traditae regulae Augustinianae constanter adherens Div. Thomas, passim docet, & sine ulla limitatione, quod ignorantia juris non excusat. Sed praecipue 1. 2. quaest. 6. 8. ubi inquit: *Ignorantia universalium juris, quae quis scire tenetur, voluntaria dicitur, quasi per negligentiam proveniens.* Et quaest.

quæst. 76. artic. 2. *Omnes tenentur scire communiter universalia juris præcepta.* Quæst. 1. de malo art. 3. *Ea parte maxime principium peccati ponit, quod quis operi manum admovens, rationis regulam non advertat.* Sed clarius id docet Quodl. 8. art. 13. *judicium daturus circa quæstionem inter Doctores Catholicos controversam; an scitum sit habere plures præbendas; tamquam principium indubitatum præmittit: Illud, quod agitur contra legem, semper est malum: nec excusatur per hoc, quod sit secundum conscientiam.* Accipe aliud testimonium S. Doctoris ex Quodl. c. art. 15. ubi ejusdem controversiæ decisionem aggrediens, inquit: *Respondeo dicendum, quod omnis quæstio, in qua de peccato mortali queritur, nisi expresse veritas habeatur, periculofo determinatur: quia error, quo non creditur esse peccatum mortale, quod est peccatum mortale, conscientiam non excusat a toto, licet forte a tanto.* A quanto autem excuset, si forte excuset, notum esse potest soli Deo: qui appendit corda. Proverb. 2. *qui scrutatur Jerusalem in lucernis.* Soph. 1. *qui etiam in Angelis suis reperit pravitatem.* Job. 4.

# CAPUT V.

*Utrum ignorantia circumstantiæ particularis excuset ex toto a peccato.*

**A**ugustinus dicit in libr. 3. de Libero Arbitrio cap. 18. *Quædam per ignorantiam facta recte improbantur.* Sed solum illa recte improbantur, quæ sunt peccata: ergo quædam per ignorantiam facta sunt peccata: non ergo ignorantia facti, seu circumstantiæ particularis actus humani, semper omnino excusat a peccato. Ad cñsus evidentiæ

*Sciendum 1. Ex Div. Thoma 1. 2. quæst. 76. art. 3. Quod ignorantia de se habet, quod facit actum, quem causat, involuntarium esse. Jam autem dictum est, quod ignorantia dicitur causare actum, quem scientia opposita prohibebat, & ita talis actus, si scientia adesset, esset contrarius voluntati, quod importat nomen involuntarii: si vero scientia, quæ per*

*ignorantiam privatur, non prohiberet actum propter inclinationem voluntatis in ipsum, ignorantia hujus scientiæ non facit hominem involuntarium, sed non volentem, ut dicitur in 3. Ethic. cap. 1. & talis ignorantia, quæ non est causa actus peccati, ut dictum est, quæ non causat involuntarium, non excusat a peccato. Et eadem ratio est de quacunque ignorantia non causante, sed consequente, vel concomitante actum peccati. Unde colliges, quod ignorantia consequens, aut concomitans actum peccati, per accidens concurret cum actu peccati, vel illum consequitur: & quia non datur judicium de actu secundum ea, quæ sunt per accidens; ideo hujusmodi ignorantia nec excusat, nec accusat peccatum, sed impertinentes, & dispartate se habet ad illius judicium, & relinquit, actum judicari solum secundum ea, quæ per se illum afficiunt. Ex ea enim ignorantia actus nec involuntarius est, quia adhuc feret scientia præsentem: nec est voluntarius, cum faciat non volentem. Unde subdit Divus Thomas: *Sed ignorantia quæ est causa actus, quia causat involuntarium, de se habet, quod excuset a peccato, eo quod voluntarium est de ratione peccati.* Et ideo hæc sola ignorantia attendenda est in iudicio peccati. Quapropter*

*Sciendum 11. Ex eodem Div. Thoma art. cit. Quod Ignorantia, quæ est causa peccati, licet ex se habeat quod excuset a peccato, quia causat involuntarium, tamen ex duobus potest contingere, quod aliquando non totaliter excuset a peccato. Uno modo ex parte ipsius rei ignoratæ: in tantum enim ignorantia excusat a peccato, in quantum ignoratur aliquid esse peccatum. Potest autem contingere, quod aliquis ignoret quidem aliquam circumstantiam peccati, quam, si sciret, retraheretur a peccando, siue illa circumstantia faciat ad rationem peccati, siue non; & tamen adhuc remanet in ejus scientia aliquid, per quod cognoscit illud esse actum peccati, puta, si aliquis percipiens aliquem sciat quidem ipsum esse hominem, quod sufficit ad rationem peccati; non tamen scit eum esse patrem, quod est circumstantia constituens novam spe-*

ciem peccati: vel forte nescit, quod ille se defendens repercutiat eum, quod si sciret, non percuteret, quod non pertinet ad rationem peccati: Unde licet talis propter ignorantiam peccet, non tamen totaliter excusatur a peccato. Alio modo potest contingere ex parte ipsius ignorantiae, quia scilicet ipsa ignorantia est voluntaria, vel directe, sicut cum aliquis studiose vult nescire aliqua ut liberior peccet: vel indirecte, sicut cum aliquis propter laborem, vel propter alias occupationes negligit addiscere id, per quod a peccato retraheretur. Talis enim negligentia facit ignorantiam ipsam esse voluntariam, & peccatum, dummodo sit eorum, quae quis scire tenetur, & potest; & ideo talis ignorantia non totaliter excusat a peccato. Si vero sit talis ignorantia, quae omnino sit involuntaria, sive quia est invincibilis, sive quia est ejus, quod quis scire non tenetur, talis ignorantia omnino excusat a peccato.

*Sciendum* III. Ex tradita doctrina primo colligi potest, quod SS. Doctor in hoc articulo loquitur de ignorantia facti, quod peccatum est, & non fieret, nisi aliqua circumstantia non praecogitata causam praebere. Secundo notat, quod ratio peccati contingit in facto, vel ex parte solius circumstantiae, ut cum quis credens occidere scelerat occidit casualiter hominem: vel ex parte solius actus, ut cum quis percutiens hominem, nesciat, quod ille se defendens repercutiat eum, quod si sciret non percuteret: vel ex parte tam actus, quam circumstantiae, ut cum quis percutiens aliquem, sciat quidem ipsum esse hominem, quod sufficit ad rationem peccati; non tamen scit eum esse patrem, quod est circumstantia constituens novam speciem peccati. Tercio Sanctus Doctor resolvit, quod quando ratio peccati invenitur tam ex parte actus, quam ex parte circumstantiae, ut in tertio casu, peccatum ex neutra parte excusatur; non quidem ex parte actus, quia cognoscitur, & voluntas directe fertur in ipsum ex intentione: nec ex parte circumstantiae, quia licet ex hac parte peccatum non cognoscatur, & ideo secundum se sit involuntarium ratione ignorantiae; tamen voluntarium est in sua

causa, id est, in ipso actu illicito, in quantum voluntas directe tendens in actum per intentionem, virtualiter intendit omne id, quod per se pertinet ad actum illum in ratione peccati. Quarto resolvit, quod in secundo casu, circumstantia per accidens se habet ad rationem peccati, cui superaddit solum in ratione poenae, de cuius ratione est, quod sequatur peccatum contra voluntatem peccantis. In primo vero casu peccatum non potest esse voluntarium ex parte actus in eo, qui dat operam rei licitae, sed solum ex parte ignorantis, in quantum ignorantia ejus voluntaria est.

*Sciendum* IV. Quod autem praedicta expositio sit juxta mentem D. Thomae, manifeste colligitur ex Doctrina S. Doctoris 1. 2. quaest. 73. art. 8. ubi inquit, utrum gravitas peccati augeatur secundum majus nocumentum, & inter alia resolvit, quantum ad propositum nostrum, dicens: *Quandoque autem nocumentum nec est praevium, nec intentum: Et tunc si per accidens se habeat ad peccatum, non aggravat peccatum directe, sed propter negligentiam considerandi nocumenta, quae consequi possent, imputatur homini ad poenam malam, quae eveniunt praeter ejus intentionem, si dabit operam rei illicitae.... Si vero nocumentum per se sequatur ex actu peccati, licet non sit intentum nec praevium, directe peccatum aggravat, quia quaecumque per se consequuntur ad peccatum, pertinent quodammodo ad ipsam peccati speciem, puta, si aliquis publicae fornicetur, sequitur scandalum plurimorum, quod quavis ipse non intendat, nec forte praevideat, directe per hoc aggravatur peccatum. Et 1. 2. q. 20. art. 5. docet: Si autem eventus sequens non sit praecogitatus, tunc distinguendum est, quia si per se sequitur ex tali actu, & ut in pluribus, secundum hoc eventus sequens addit ad bonitatem, vel malitiam actus. Si vero per accidens, & ut in paucioribus, tunc eventus sequens non addit ad bonitatem, vel malitiam actus. In quaestione vero 73. art. supra cit. subdit: Aliter tamen videtur se habere circa nocumentum poenale, quod incurrit ipse, qui peccat. Eujusmodi enim nocumentum poenale, si per accidens se habeat ad actum*



peccati, & non sit prævisum, non aggravat peccatum. Si vero per se consequatur ad actum peccati, tunc majus nocumentum non facit gravius peccatum, sed e converso gravius peccatum inducit majus nocumentum.

Sciendum v. Quod manifestius mentem suam explicat D. Thomas 2. 2. quæst. 64. art. 8. ubi inquit: Utrum aliquis casualiter occidens hominem incurrat homicidii reatum. Cui dubio sic respondet. Dicendum, quod secundum Philos. in 2. Physic. tex. 49. Casus est causa agens præter intentionem: & ideo ea, quæ casualia sunt, simpliciter loquendo, non sunt intentia, neque voluntaria. Et quia omne peccatum est voluntarium, secundum Augustinum lib. de vera Religione cap. 14. consequens est, quod casualia, in quantum huiusmodi non sunt peccata. Contingit autem id, quod non est actus, & per se volutum, vel intentum, esse per accidens volutum, vel intentum, secundum quod causa per accidens dicitur removens prohibens. Unde ille, qui non removet ea, ex quibus sequitur homicidium, si debebat removere, incurrit quodammodo homicidium voluntarium. Hoc autem contingit dupliciter. Uno modo quando dans operam rebus illicitis, quas vitare debebat, homicidium incurrit. Alio modo quando non adhibet debitam sollicitudinem. Si vero det operam rei licitæ adhibens debitam diligentiam, non incurrit homicidii reatum, si forte sequatur præter ejus intentionem. Angust. enim dicit ad Publicolam Epist. 154. Absit, ut ea, quæ propter bonum, aut licitum facimus, siquidem propter hoc præter nostram voluntatem quicquam mali acciderit, nobis imputetur. Habes ergo manifeste, quod id, quod fit per ignorantiam, licet in se sit involuntarium, potest tamen esse voluntarium in causa, vel quia per se sequitur ad actum illicitum, vel quia ignorantia ipsa voluntaria est; & per consequens quod ignorantia peccati in his duobus casibus non excuset totaliter a peccato ignorato. Quapropter

Sciendum vi. Quod toto cælo aberrat Cajetanus in expositione hujus articuli, dum contra expressam Doctrinam D. Thomæ statuit hanc regulam, dicens: Pro

regula generali habendum est, quod ignorantia ex parte rei ignoratæ tantum, id est non ex parte ignorantis, id est non culpabilis; excusat totaliter a voluntario id, quod est proprius effectus ignorantie, sive det operam rei licitæ, sive illicitæ. Non enim in hoc differunt dantes operam rei licitæ sive illicitæ, sed in voluntate licitæ, & illicitæ rei cognita: unde quia conveniunt in causa involuntarii simpliciter, scilicet in ignorantia inculpabili, oportet quod conveniant in effectu per se ejus, scilicet in involuntario simpliciter. Quis enim non videat, effectum, qui habet duplicem causam, posse ex una esse innoxium, ex altera vero culpabilem? effectus enim sequitur debiliorem partem: peccatum autem, quod fit ex ignorantia, ex parte ignorantis habet tanquam causam per accidens ipsam ignorantiam; ex parte vero rei ignoratæ habet causam per se, ipsum scilicet actum illicitum in eo, qui dat operam rei illicitæ; non autem in eo, qui dat operam rei licitæ; ex bono enim nonnisi bonum per se sequi potest, sicut ex malo nonnisi malum. Etli ergo ex parte ignorantie æquales forte sint dans operam rei licitæ, & dans operam rei illicitæ; quia tamen differunt in causa per se ipsius peccati, id est in bono, & in malo, ideo differunt in excusando, vel non, ipso peccato. Nec refert quod addit Cajetanus, quod peccatum debet esse voluntarium, adeoque quantum habet de voluntario, tantum habet de ratione peccati; Non enim credo ipsum ignorare posse, quod peccatum secundum se involuntarium ratione ignorantie, posse in ipsa ignorantia esse volutum, si ignorantia culpabilis sit: ergo quanto magis potest virtualiter esse volutum in causa per se, etiam si non sit prævisum?

Sciendum vii. Quod Card. Cajetanus, 2. 2. q. 150. art. 4. quasi ipsa evidenter veritatis convictus, suam sententiam taliter modificat, quod intra terminos juris Thomistici eam reducit; dicit enim: Reputatur prævisum peccatum, non solum si sit prævisum in sua specie, puta quia novit quis, se ebrium proximis detrahare; aut in suo genere, puta quia novit quis, se ebrium vitio lingue irretiri, quamvis modo detractione, modo contumelia, modo blasphemia, modo irrisione, modo surpiloquio: sed etiam

iam si sit prævium in communi, puta quia scit se ebrium in aliquo peccare, licet nesciat in quo genere tunc peccabit. Reputatur rursus prævium, non solum si sit prægnotum, sed si debuit esse prævium prægnotando, puta quia expertus est suas inclinationes pronas, quanto magis bibit, quia alias in alienatione mentis, vel prope, incidit in peccatum. Estimatur autem non prævium peccatum ex ebrietate, quando nullo modo prævium est, præviderique rationabiliter non potuit humano more. Jam vero quis putet, dantem operam rei illicitæ non posse rationabiliter prævideri saltem in communi effectus prævios, qui per se, & ut in pluribus ex peccato sobolescere solent? Aut certe quis neget hos ab eo prævideri debuisse? In hoc ergo differt dans operam rei licitæ ab eo, qui dat operam rei illicitæ, quod ille non potuit, aut non debuit prævideri; ille potest, ac debet: & ideo ignorantia illius culpabilis non est, istius vero culpa non caret: & per consequens primus a peccato excusatur, veluti ab involuntario tam in se, quam in causa: secundus vero non excusatur, quia licet peccatum ejus, ex ignorantia factum, in se directe non sit voluntarium, est tamen voluntarium in duplici causa, scilicet in ipsa ignorantia, & in actu illicito, a quo parturitur.

*Sciendum. VIII.* Quod sufficit itaque advertentia virtualis, seu potestas, & debitum advertendi, ad hoc ut peccatum voluntarium dicatur, & imputabile sit ignorantia: sicut submersio navis, quæ contingit ex absentia gubernatoris, iuste ei attribuitur, etiam si actualiter illam non præviderit, quando poterat eam prævideri, & ejus gubernio attendere, cum ei commissæ fuerit custodia, & gubernatio navis. Neque dicas: Id, quod aliquis facit præter intentionem, per accidens agit; sed intentio non potest esse de eo, quod est ignotum. Ergo id, quod per ignorantiam homo agit, per accidens se habet in actibus humanis: sed quod est per accidens non dat speciem. Nihil ergo, quod est per ignorantiam factum, debet judicari peccatum, vel virtuosum in humanis actibus. Audi enim quid reponat huic argumento

D. Thomas in præsentī art. *Ad secundum dicendum*, quod in quantum remanet in ignorante de voluntario, in tantum remanet de intentione peccati, & secundum hoc non erit per accidens peccatum. Certe qui sciens, & volens eligit peccare, virtualiter eligit id, quod per se peccatum consequitur, etiam si de eo actualiter nihil cogitet, & per consequens ex intentione peccati cogniti virtualiter fertur in sequens peccatum, ad quod non advertit. Non enim necesse est, ut homo in suis actibus deliberatis semper in actu cogitet de fine; sed sufficit, quod ex intentione finis se moveat ad singulos actus, ut dicatur quod humano modo, seu voluntarie, & libere agat.

*Sciendum IX.* Quod traditam doctrinam confirmat Divus Thomas 1. 2. quæst. 1. artic. 6. ad 3. *Dicendum*, quod non oportet, ut semper aliquis cogitet de ultimo fine, quodcumque aliquid appetit, vel operatur; sed virtus primæ intentionis, quæ est respectu ultimi finis, manet in quolibet appetitu cujuscunque rei, etiam si de ultimo fine actu non cogitur, sicut non oportet, quod qui vadit per viam, in quolibet passu cogitet de fine. Neque juvat, si ad hoc reponas: Homo est subiectum virtutis, & peccati, in quantum est particeps rationis: sed ignorantia excludit scientiam, per quam ratio perficitur. Ergo ignorantia totaliter excusat a peccato. Huic enim instantiæ sic occurrit Divus Thomas in præsentī artic. *Ad tertium dicendum*, quod, si esset talis ignorantia, quæ totaliter usum rationis excluderet, omnino a peccato excusaret, sicut patet in furiosis, & amentibus: non autem semper ignorantia causans peccatum est talis. Ideo non semper totaliter excusat a peccato. Semper ergo, quod in ignorante remanet cognitio peccati ex parte aliqua rei ignoratæ, ratio sufficientem scientiam habet, per quam perficitur, ut possit prudenter deliberare de suo actu, & prævideri, aut præmeditare pravas consecutiones, quas asserre solet, vel potest peccatum; quas si non advertat actu, hoc ipsum vitio rationis vertitur, quia sine debita præcautione, ac providentia, more pecudum ad objectum delectabile fertur.

tur appetitu brutali, regulam legis æternæ non cogitans, adeoque negligens. Unde de operantibus hoc modo dicitur Proverb. 4. 19. *Via impiorum tenebrosa: nesciunt ubi corruant.*

# CAPUT VI.

*Ex diâlis statuitur tertia regula Moralis Christianæ.*

**T**ertia regula, seu Moralis Christianæ caput, unde Probabilitati systematis salutem apertius eruas, istud est ex antecedenti articulo Divi Thomæ deductum. A culpa non excusatur, qui implendi præcepti ignorantia, aut impotentia laborat, si in eam semetipsum sponte conjecerit, illamque propria iniquitate contraxerit. Ad cuius evidentiam

*Sciendum 1.* Quod præsto est celeberrimus Augustini locus Libro de Corrupt. & Grat. cap. 11. ubi de Auxilio sine quo non, videlicet sufficienti, ut recens Scholasticus loquitur, proximiorum sermonem institutus, illud Angelo, & homini primo ideo maxime collatum docet, quod alias sublato illo possibilitatis auxilio, sua culpa non cecidissent, cum nullam in eis culpam reperire esset, cuius merito negaretur: secus tamen in præsentia sentendum decernit, cum in præcedentis peccati poenam subtrahi possit. Explicatissima verba sunt: *Si autem hoc adiutorium, cum primum facti sunt, desuisset, quoniam non talis natura facta erat, ut sine Divino adiutorio posset manere si vellet, non utique sua culpa cecidissent. Adiutorium quippe desuisset sine quo perseverare non possent. Nunc autem quibus deest tale adiutorium, jam poena peccati est; quibus autem datur, secundum gratiam datur, non secundum debitum.* Sua itaque culpa cadunt quotquot in statu naturæ lapsum possibilitatis auxilio, seu gratia sufficiente destituti, in nova scelera præcipites ruunt; quia nonnisi præcedentium delictorum merito gratia illa subtrahitur est.

*Sciendum 11.* Quod accedit alter locus lib. de Perfect. Just. cap. 6. Augustinum hac argutia petierat Coelestius, ut ejus responsa nonnulla in invidiam traheret; *Si est*

*aliquod peccatum, quod vitari non possit, quomodo justus Deus dicitur, si imputare cuiquam creditur, quod vitari non possit?* Quid ad hæc porro Divinæ Gratiæ Vindex respondet? *Peccatum (inquit) est, cum non est Charitas, quæ esse debet, vel minor est, quam debet: sive hoc voluntate vitari possit, sive non possit: quia si potest, præsens voluntas hoc facit: si autem non potest, præterita voluntas hoc fecit.* Cum autem importunus Cavillator quæstionem alteram movisset: *Si non potest homo sine peccato esse, cuius culpa est? Ipsius ne hominis, an cuiusvis alterius?* *Si ipsius hominis, quomodo culpa est, si hoc non est quod esse non potest?* Factis principiis hærens S. Doctor, inquit: *Respondetur ideo esse culpam hominis, quod non est sine peccato; quia sola hominis voluntate factum est, ut ad istam necessitatem veniret, quam sola hominis voluntas superare non possit.* Ut hinc noveris imputando peccato iatis esse si quis in illam, quævis tandem illa sit, peccandi necessitatem se sponte conjecerit.

*Sciendum 111.* Quod hanc ipsam Moralis Christianæ regulam ab Augustino peccatam Scholis sacravit Doctor Angelicus, ut hoc idem evinceret: Delicta scilicet peccatoribus omni interduum possibilitatis auxilio destitutis nihilominus imputari. Palmare est quod legimus lib. 3. contra Gentes cap. 160. ubi de Gratiæ necessitate disputat data opera. *Quamvis autem (inquit) illi, qui in peccato sunt, vitare non possint per propriam potestatem, quin impedimentum gratiæ præsent vel ponant, nisi auxilio gratiæ præveniantur; nihilominus tamen hoc eis imputatur ad culpam, quia hic defectus ex culpa præcedenti in eis relinquitur: sicut ebrius ab homicidio non excusatur, quod per ebrietatem committit, quam sua culpa incurrit.* Hoc eodem nixus principio, peccata omissionis iis etiam vitio verti docet, qui implendi præcepti impotentia tenentur, si in eam se sponte conjecerint. Vide 2. 2. qu. 71. art. 5. & quæst. 79. art. 3. eo quoque redeunt statuta a D. Thoma certæ regulæ de peccatis ex ignorantia culpata consecutus: hinc nata trita distinctio duplicis voluntarii, secundum se, & secundum suam causam, quam

quam exponit, & accommodat instituto  
1. 2. qu. 77. art. 7. Quibus positis

*Sciendum* IV. Quod major est hominis  
mero depositi peccandi necessitas, quam  
sufficientibus auxiliis destituti. Iste enim ser-  
vata ad utrumque libertate, solam amisit  
sufficientiam libertatis; ille ab utraque simul  
largius potitando devolutus est, ac mente  
eversus pecudum modo ruit in præceptis.  
Quidni ergo potiori jure peccata ab homi-  
ne sufficientibus auxiliis destituto perpetra-  
ta, eidem crimini vertantur? Numquid  
voluntatem ad opposita potentem non ge-  
rit: an non noscit, videt, eligit pro arbi-  
trio? sublatis enim auxiliis, non sublata  
libertas est: & si qua demum incumbit  
peccandi necessitas, non illa absoluta est,  
& a voluntate sejuncta, qualis est neces-  
sitas moriendi in homine mortali, quæ ne-  
cessitas manet etiam si eam velis excutere;  
sed est necessitas ex pertinaci sui, & crea-  
turarum amore descendens, adeoque vo-  
luntaria, ut quæ aliunde non provenit,  
quam ex corrupta, & depravata volunta-  
te, imo nihil aliud est quam corrupta &  
depravata voluntas, seu constans peccandi  
libido. Nam ut scribit S. Bernardus ser. 81.  
in Cant. *Nescio quo pravo & miro modo  
ipsa voluntas, peccato quidem in deterius  
mutata, necessitatem facit, ut nec neces-  
sitas, cum voluntaria sit, excusare valeat  
voluntatem; nec voluntas, cum sit illicita,  
excludere necessitatem.*

*Sciendum* V. Quod hanc necessitatem,  
quæ procul abest a necessitate naturalis in-  
clinationis, necessitatem infallibilitatis ap-  
pellare amabunt Scholastici, qua quidem  
obdurati, & obcæcati, etiam actuali auxi-  
lio destituti, nunquam ad certum peccatum  
adiguntur, licet fieri non possit ut diu se  
ahomni continent, & non in aliquod pro-  
priae voluntatis impetu acti præcipites se-  
rantur, juxta vulgatum illud Innocentii  
PP. I. Oraculum in Epist. ad Cartag. Conc.  
*Necesse est, ut quo auxiliante vincimur, eo  
iterum non adjuvante vincamur.* Certe si  
bonis omnibus stomacho fuit lex illa a Mo-  
lina excogitata, qua Deus illis omnibus  
gratiam suam certissime collaturus fingitur,  
qui pro naturalium virum facultate adnisi  
fuerint, ut nova ope muniti fructus æterna  
vita dignos edant; quidni potius movebit

stomachum procusum alterum paradozum;  
quo statuitur, iis omnibus adualem gra-  
tiam adfuturam, qui obfirmata mente pec-  
care voluerint, ut ea luce perfusi, æterna  
damnatione digni censerentur? Quasi  
jam gratia non implendæ dumtaxat legi  
necessaria censeatur; sed & perpetrando  
peccato, & æternæ damnationi accendendæ.

*Sciendum* VI. Quod erit fortasse, qui di-  
cat, non omnia secuta peccata homini mer-  
te everlo, ac largiori potu depositi impu-  
tari, tametsi sua culpa in ebrietatem incur-  
rerit; sed ea tantum, quæ sibi eventura  
præviderat. Atque ita nec homini obdurato  
sufficientibus auxiliis destituto imputatum iri  
delicta, quæ is eventura sibi nullatenus omi-  
nabatur: maxime cum multis invenire li-  
ceat obduratos, qui nusquam sibi subtrac-  
tum iri auxilia sufficientia certo credant. Verum  
non advertunt qui hæc nobis obtrudunt,  
peritum a nobis ex ebrietate validissimum  
argumentum, ex illorum numero esse, quæ  
a majori ad minus schola vocat; Cum dete-  
rior hominis conditio sit ebrii, quam Divi-  
nis auxiliis destituti; nihilque propterea ad-  
versæ parti obventurum, si forte rueret,  
tametsi multum ex eo præsidii nobis acce-  
dat, si suo stet robore. Fieri quippe pos-  
set, ut quæ minus homini vino calenti  
imputantur peccata, obdurato atque de-  
fecto vitio verterentur: quod ille nec sui  
compos, nec liber omnino sit, iste mente  
integer, ac sui dominus. Cæterum

*Sciendum* VII. Quod tametsi demus quod  
mitior Theologorum sententia ponit, ho-  
mini scilicet præ nimia potatione everto,  
ea tantum secuta peccata vitio dari, quæ  
sibi eventura præviderat; non eo tamen laxi-  
tatis veniunt Theologi illi, ut existiment,  
ea distincte ac secundum illorum speciem  
genueve prævideri debuisse, ut demum vi-  
tio verti possint; sed satis esse ajunt, si in  
communi prævisa sint, imo si vel solum  
prævideri debuerint, ob prævæ inclinationis  
experimentum, uti explicat Card. Cajetanus  
eorum unus 2. 2. qu. 150. art. 4. cujus verba  
dedimus in cap. ant. Jam vero quis putet,  
peccatorem toto illo temporis tractu, quo  
longum scelus funem ducit, quo demum  
obduratio ac cæcitas consummatur, nul-  
quam vel in communi prævidisse, in quot  
quantave peccata lapsurus esset, ubi tan-  
dem

dem in profundum abyssi venisset? Aut certe quis neget, hæc ab eo prævideri debuisse, ac quam facillime potuisse, dum toties relapsus, totiesque peccato victus proclivem in omne scelus animum experiretur? Quapropter

*Sciendum VIII.* Quod insulsum est, quod subjungitur, obduratos multos esse, qui nusquam sibi subtractum iri auxilia sufficientia certo credant: satique micrari nequeo Valsequezium tam futili argutia Augustinum tanquam admoto arietē pulsasse 1. p. disp. 97. c. 4. Quasi vero tremenda judicia Dei vanis hominum opinionibus metiatur Deus, iisque auxilia sufficientia subtrahere nequeat, qui ea sibi nusquam sublatum iri, seu vere, seu falso crediderint! Addiderim ad causæ cumulum, longe verius sentire Theologos illos, qui missa quavis peccatorum ex ebrietate secutorum distinctione, omnia vitio verti putant. Enim vero nec D. August. nec D. Thom. ea distinctione usi inveniuntur, sed univèrta indiscriminatim eadem sorte involvunt, ubi semel ebrietas peccato contracta est. Quin etiam peccatorum ebriis imputandum rationem indigitat Doct. Angelicus 2. 2. q. 150. art. 4. univèrsis plane communem, quia scilicet *Peccatum sequens redditur voluntarium ex voluntate præcedentis actus: in quantum scilicet aliquis dans operam rei illicitæ, incidit in sequens peccatum.*

*Sciendum IX.* Quod futile etiam est, quod nonnulli incommodum regerunt, ut invictam Augustini, & Doctores Angelici rationem elidant. Nempe, inquit: Si imputando peccato satis esset, ut ex peccato antecedenti sobolesceret, consequens fore, ut & motus primo primi, ignorantia invincibilis, amentia nascendo contracta, atque etiam infidelitas negativa, crimini vertentur; utpote quæ ex originali peccato fructificarent. Enim vero non quodcumque peccatum prævium secuto peccato imputando satis esse diximus, sed illud dumtaxat, quod libera voluntate a nobis admissum est. Licet enim ad peccatum originale, quod est peccatum nature, sufficiat voluntarium in Adamo, non tamen sufficit ad peccatum actuale, quod est peccatum personæ, ut explicat D. Th. in 2. sent. dist. 50. qu. 1. art. 2. Et ideo Alexand. VII. anno 1690. die 24. Augusti, inter alias propositiones damnavit hanc ordinem primam: *In statu nature lapsa ad*

*peccatum mortale, & demeritum sufficit illa libertas, qua voluntarium ac liberum fuit in sua causa, peccato originali, & voluntate Adami peccantis.* Judicium enim de actu non fit ex causa remota.

*Sciendum X.* Ex dictis, quod confirmata remanet hæc regula Christianæ Moralis, scilicet: Dans operam rei illicitæ non excusatur totaliter a peccato ex suo opere subsecuto, tamen illud nunquam præviderit, aut etiam totam extrinsecam diligentiam adhibuerit, ne forte consequeretur; Non enim potest sufficientem diligentiam unquam adhibere, nisi desit ab opere illicito, & sic causam per se alterius peccati removeat. Contra dans operam rei licitæ debitam diligentiam extrinsecam adhibens, ne forte aliquod malum contingat, si casu accidat, excusatur totaliter a peccato, cui causam non præbuit, nec per se ratione operis liciti, quod malum fructificare non potest: nec per accidens ratione negligentiae. Et ideo secundum Jura in Decret. dist. 5. *Si aliquis det operam rei licitæ debitam diligentiam adhibens, & ex hoc homicidium sequatur, non incurrit homicidii reatum.* Si vero det operam rei illicitæ, vel etiam det operam rei licitæ, non adhibens diligentiam debitam, non evadit homicidii reatum, si ex ejus opere mors hominis consequatur; uti legere est apud D. Thomam 2. 2. qu. 64. art. 8.

## C A P U T VII.

### Utrum Ignorantia diminuat peccatum.

**Q**uidquid est ratio remissionis peccati, alleviat peccatum: sed ignorantia est hujusmodi, ut patet 1. ad Tim. 1. *Miseriam confectus sum, quia ignorans feci.* Ergo ignorantia diminuit, vel alleviat peccatum. Ad cujus evidentiam

*Sciendum 1.* Quod quia omne peccatum est voluntarium, in tantum ignorantia potest diminvere peccatum, in quantum diminuit voluntarium: Si autem voluntatem non diminuat, nullo modo diminuet peccatum. Manifestum est autem, quod ignorantia, quæ totaliter a peccato excusat, quia totaliter voluntarium tollit, peccatum non minuit, sed omnino aufert. Ignorantia vero, quæ non est causa peccati, sed con-

comi-

comitanter se habet ad peccatum, nec minuit peccatum, nec auget. Illa igitur sola ignorantia potest peccatum minuire, quæ est causa peccati, & tamen totaliter a peccato non excusat. Contingit autem quandoque quod talis ignorantia directe, & per se est voluntaria: sicut cum aliquis sua sponte nescit aliquid, ut liberius peccet, secundum illud Job. 21. *Scientiam viarum tuarum nolumus*, quæ dicitur ignorantia affectata; & talis ignorantia videtur augere voluntarium, & peccatum; ex intentione enim voluntatis ad peccandum provenit, quod aliquis vult subire ignorantie damnum propter libertatem peccandi, uti notat S. Thomas 1. 2. qu. 76. art. 4. Ad hoc genus ignorantie pertinet ignorantia illa, qua quis volens, & sciens eligit sequi in praxi opinionem, quam directe iudicat minus probabilem, seu magis saluam quam veram, in concursu probabilioris, & tutioris; voluntarie enim avertit oculos a splendoribus veritatis, quæ magis & propinquo illi manifestat obligationem legis, ut indulgeat suæ libertati, sola prudentia carnis se dirigens, quæ inimica est Deo, ut dicit Apostolus Rom. 8.

*Sciendum 11. Ex Div. Thoma art. cit. Quod quandoque vero ignorantia, quæ est causa peccati, non est directe voluntaria, sed indirecte, vel per accidens, puta, cum aliquis non vult laborare in studio, ex quo sequitur eum esse ignorantem: vel cum aliquis vult bibere vinum immoderate, ex quo sequitur eum inebriari, & discretionem carere: & talis ignorantia diminuit voluntarium, & per consequens peccatum. Cum enim aliquid non cognoscitur esse peccatum, non potest dici quod voluntas directe, & per se feratur in peccatum, sed per accidens: unde est ibi minor contemptus, & per consequens minus peccatum. Ad hoc genus ignorantie pertinet ignorantia illorum, qui eligunt quidem sequi in praxi opinionem, quam probabilius iudicant veram, ideoque legi Dei conformem, posthabita opinione tutiori; sed iudicio præcipiti, nulla prorsus, vel perfunctoria solum adhibita diligentia ad indagandam veritatem, de qua dicitur in Psalm. 118. *Lex tua veritas*. Quibus in memoriam revocare oportet illud monitum primæ Joan. 4. *Charissimi nolite omni spiritui credere, sed pro-**

*bate spiritus, si ex Deo sint: quia multi Pseudoprophetae exierunt in mundum... Et omnis spiritus, qui solvit Jesum, ex Deo non est. Solvit autem Jesum, qui de se ipso testatur Joa. 14. Ego sum via, veritas, & vita, Matth. 5. qui solveret unum de mandatis minimis; ut indulgeat quam par est suæ libertati. Unde dicit Augustinus in 3. de Doctr. Christi. Consulere debes quis regulam fidei, quam de scripturarum plenioribus locis, & Ecclesiæ auctoritate percepit. Quapropter*

*Sciendum 111. Quod sicut Augustinus notat lib. 22. de Civit. Dei cap. 23. Vigiliis continuis excubant iusti, ne opinio verisimilis fallat, ne decipiat sermo versutus, ne se tenebræ alicujus erroris effundant, ne quod bonum est malum, quod malum est bonum esse credatur. Aequalis enim periculi est error, sive quo bonum seu licitum est, & a lege Divina permixtum, austeriori quam par est spiritu malum esse credatur; sive quo malum est, ardentiori quam Christianum deceat libertatis amore, bonum esse fingatur. In isto enim non attenditur humanæ naturæ imbecillitas, jugo legis addendo: in isto debita humanæ naturæ subiectio ad legis imperium excutitur, de legis onere subtrahendo: in uno onus grave efficitur, contra id, quod Jesus dicit Matth. 23. *Onus meum leve*; in altero nimia suavitatis dulcedine jugum destruitur, contra quod idem Jesus dicit Matth. 23. *Jugum meum suave est*. Unde nec Jugum a suavitate, nec suavitas a jugo seiangi debet; In uno enim desperationis semita, in altera præsumptionis via sternitur, & utriusque terminus idem certa damnatio. Et ideo Doctor Angelicus divina luce persufus, & Sancto Dei timore concussus, inquit Quodl. 9. art. 15. *Omnis questio, in qua de peccato mortali queritur, nisi expresse veritas habeatur, periculose determinatur*. Quod periculum declinare satagens Jus canonicum ex utraque parte, duas statuit regulas a jure naturali derivatas, quarum Prima est: *In dubiis tutior pars est eligenda*. Altera *In obscuris id, quod verisimilius est, sequimur*. Quibus regulis nixi Summi Pontifices Innocentius XI. & Alexander VIII. utrumque extremum declinantes, Primus nimiam laxitatem, Alter nimium rigorem in opi-*

*mando.*

nando, statuerunt, non esse licitum sequi in praxi quamvis probabilitatem: nec esse illicitum sequi probabilitatem excedentem, seu opinionem inter probabiles probabilitissimam.

*Sciendum IV.* Ex D. Thoma in hoc art. ad 1. *Quod ignorantia, secundum quam omnis malus est ignorans, ut dicit Philof. in 3. Ethic. cap. 1. non est causa peccati, sed aliquid consequens ad causam, scilicet ad passionem, vel habitum inclinantem in peccatum.* Et ideo non diminuit peccatum, sed est communis in omni peccato, & gravitatem peccati consequitur: & vocatur ignorantia malæ electionis, seu malæ electionem inducens in singulari agibili, contra scientiam juris, quam peccans habet in habitu, ut explicat D. Thomas 1. 2. qu. 77. art. 2. Corrupta enim inclinatione appetitus circa fines virtutum moralium, vel permanenter per habitus pravyos, vel transeunter per impetum passionis insurgentis, consequens est, quod perventur iudicium rationis in particulari agibili, quod pertinet ad defectum prudentiæ, quæ est recta ratio agibilium: unusquisque enim apprehendit, & iudicat secundum quod afficitur ad obiectum: ex quo sequitur mala electio in voluntate, quæ fertur in bonum apprehensum ab intellectu, eique ab ipso representatum ut conveniens; cum potest tamen ad illud repudiandum; & ideo a peccato non excusatur, maxime quia etiam si aliqua quasi necessitate videatur impelli, tota voluntaria est, nec a voluntate sejuncta, cum nihil aliud sit hæc necessitas, quam corrupta, & depravata voluntas; quæ cum sit illicita, necessitatem non valet excludere, & tamen ista necessitas, cum voluntaria sit, peccatum excusare non valet.

*Sciendum V.* Quod illa ergo sola ignorantia potest peccatum minnere, quæ est causa peccati, & tamen totaliter a peccato non excusat eo duplici modo, de quo dictum est supra in cap. 5. Nec valet si dicas: *Ipsa ignorantia peccatum est, ut dictum est supra: sed peccatum additum peccato facit majus peccatum: ergo non diminuit peccatum.* Ad hoc enim respondet D. Thomas: *Ad secundum dicendum, quod peccatum peccato additum facit plura peccata, non tamen facit semper majus pecca-*

*tum, quia forte non coincidunt in idem peccatum; sed sunt plura, & potest contingere, si primum diminuat secundum, quod ambo simul non habeant tantam gravitatem, quantum unum solum haberet: sicut homicidium gravius peccatum est, si sit a sobrio homine factum, quam si fiat ab ebrio homine, quamvis hæc sint duo peccata, quia ebrietas plus diminuit de ratione sequentis peccati, quam sit sua gravitas.* Unde colliges, quod peccatum in causa, quod non fuit præcognitum, quando coincidit cum causa in idem peccatum, est circumstantia peccati, illudque aggravat, directe etiam in executione, uti patet in eo, qui occidit hominem, nesciens esse suum patrem; sed simul alleviatur in suo genere ratione ignorantie. Quando vero non coincidit in idem numero peccatum cum sua causa, uti patet in homicidio facto ab ebrio, est alterum peccatum, quod tamen ratione ignorantie multum alleviatur, ut dictum est; licet in intentione aggravet peccatum a quo causatur, quia quodammodo ad speciem ejus pertinet; pejor enim causa est, ex qua plura mala per se consequi possunt, uti docet Divus Thomas 1. 2. quæst. 73. artic. 8.

*Sciendum VI.* Neque dicas ad infirmendam traditam doctrinam: *Non est ejusdem aggravare, & diminuire peccatum: sed ignorantia aggravat peccatum, quoniam super illud Apostoli Rom. 2. Ignorans quoniam benignitas Dei &c. dicit Ambrosius: Gravissime peccas, si ignoras. Ergo ignorantia non diminuit peccatum.* Respondetur enim ex D. Thoma ad 3. *Dicendum, quod verbum Ambrosii potest intelligi de ignorantia simpliciter affectata: vel potest intelligi in genere peccati ingratitudinis, in qua summus gradus est, quod homo etiam beneficia non recognoscat: vel potest intelligi de ignorantia infidelitatis, quæ fundamentum spiritualis ædificii subvertit.* Prima ergo gravissima est ex parte causæ, seu intentionis, ex vi cujus eligitur ad liberius peccandum. Altera gravissima est ex parte actus proprii ipsius ingratitudinis, qui est contemptus beneficiorum, in quo summus gradus est, quod homo etiam beneficia non recognoscat. Tertia gravissima est ex parte effectus, quia fundamentum spiritualis ædi-

medificii subvertit. Prima gravitatem habet ex parte finis, & aggravat peccata, quorum est causa, ratione majoris inclinationis voluntatis ad malum, & per consequens facit peccata esse magis voluntaria. Dux posteriores consequuntur gravitatem ex genere operis. Diversa autem ratio est de ignorantia, quæ est causa actus, & solum ex negligentia provenit, quia facit quod peccatum sit minus voluntarium, & cum minori contemptu fiat, & per consequens sit venia dignum.

*Sciendum VII.* Quod denique non valet, si objicias: Si aliqua ignorantia diminuit peccatum, hoc maxime videtur de illa, quæ totaliter tollit usum rationis: sed hujusmodi ignorantia non diminuit peccatum, sed magis auget; dicit enim Philosophus in 3. Eth. c. 5. quod ebrius meretur duplices maledictiones. Ergo ignorantia non minuit peccatum. Ad hoc enim ita respondet D. Thomas. Ad quantum dicendum, quod Ebrius meretur quidem duplices maledictiones propter duo peccata, quæ committit, scilicet ebrietatem, & aliud peccatum, quod ex ebrietate sequitur: tamen ebrietas ratione ignorantie adjunctæ diminuit sequens peccatum, & forte plus quam sit gravitas ipsius ebrietatis, ut dictum est. Unde colliges, quod peccata, quæ fiunt per ignorantiam facti, ut ea quæ fiunt ab ebrio: vel circumstantiæ particularis, ut patet in eo, qui percutit hominem, nesciens esse patrem; distrahuntur per ignorantiam a gravitate suæ speciei, & transferuntur proportionaliter ad gravitatem suæ causæ, cum qua proinde commensurantur. Et ideo ignorantia aliquando potest tantum diminueri de peccato sequenti, ut illud transferat de mortali in veniale, puta si ignorantia ex negligentia levi caulata sit. Cujus ratio est, quia participant rationem voluntarii solum a sua causa, cum in se ipsis involuntaria sint, utpote non cognita. Et eadem ratio est de peccatis, quæ fiunt ex ignorantia culpabili

juris positivi: secus autem de peccatis, quæ fiunt ex ignorantia juris naturalis; hæc enim in se voluntaria sunt directe voluntate facti, utpote cognita secundum suam speciem, quam habent ex conversione ad objectum, sicut patet ex dictis. Qua de re vide Cajetanum 1.2. qu. 76. art. 4.

*Sciendum VIII.* Quod D. Thomas argumeto, quod quarto loco in hoc art. sibi obviam fecit, hac alia responsione satisfacit: *Vel potest dici, quod illud verbum* (Philosophi scilicet) *inducitur secundum ordinationem cujusdam Pythaci legislatoris, qui statuit, ebrios, si percusserim, amplius puniendos, non ad veniam respiciens, quam ebrii debent magis habere, sed ad utilitatem, quia plures injuriuntur ebrii, quam sobrii, ut patet per Philosophum in 2. Politic. circa fin.* Cujus rationem dat S. Thomas 1.2. qu. 18. art. 4. ubi in corp. art. inquit: Dicendum, quod pena potest dupliciter considerari. Uno modo secundum rationem pœne, & secundum hoc pœna non debetur, nisi peccato; quia per penam reparatur æqualitas justitiæ, in quantum ille, qui peccando nimis secutus est suam voluntatem, aliquid contra suam voluntatem patitur. Unde cum omne peccatum sit voluntarium, etiam originale, ut supra habitum est 1.2. qu. 81. artic. 1. consequens est, quod nullus puniatur hoc modo, nisi pro eo quod voluntarie factum est. Alio modo potest considerari pœna, in quantum est medicina, non solum sanativa peccati præteriti, sed etiam præservativa a peccato futuro, vel etiam promotiva in aliquod bonum: & secundum hoc aliquis interdum puniatur sine culpa, non tamen sine causa. Et hoc modo ebrius, secundum ordinationem illius Pythaci, majori pœna puniendus est, quam ejus culpa simpliciter mereatur, ad utilitatem, & simul ad exemplum aliorum. Quæ dicta sint satis de peccatis, quæ per ignorantiam fiunt, ad utilitatem studiose juventutis, & honorem, & gloriam Dei Opt. Max.



# I N D E X

Accuratissimus rerum, quæ in hoc Quinto Tomo continentur.

*Littera P paginam denotat, littera C columnam.*

## A

### *Alienatio.*

**B**ona Ecclesiarum, Monasteriorum, & aliorum piorum locorum, quæ immobilia sunt, vel mobilia pretiosa, quæ servando servari possunt, alienari prohibentur, præterquam ob justam causam, & cum determinata solemnitate. pagin. 175. col. 2.

Nomen alienationis in hac materia comprehendit etiam feudum, emphyteusim, locationem in longum tempus, censum, constitutionem pignoris, aut hypothecæ specialis, non autem generalis. p. 176. c. 1.

Causæ justæ alienandi sunt quatuor, scilicet necessitas, major Ecclesiæ utilitas, pietas, & incommoditas Ecclesiæ. pag. 176. col. 2.

Solemnitas ad alienationem requisita est, consensus capituli præcedente tractatu; auctoritas prælati, subscriptio capitularium, & consensus Patris. p. 176. c. 2.

Alienantes absque dicta solemnitate incurrunt excommunicationem latæ sententiæ, & privationem officii, & beneficii: si vero fuerint Episcopi, vel Abbates, incurrunt solum interdictum ab ingressu Ecclesiæ. pagin. 177. c. 1.

### *Apostata.*

Apostatæ dicuntur illi religiosi, qui jam professi deserunt monasterium, animo excutendi in perpetuum obedientiæ jugum, seu deserendi statum religiosum. p. 116. c. 1.

Incurrunt ipso facto excommunicationem, a qua non possunt absolvi, nisi a Summo Pontifice, vel a Generali sui Ordinis. Quam excommunicationem incurrunt etiam, qui apostatæ cooperantur ad fugam, vel perseverantiam in illa. p. 116. c. 2.

Tenentur prælati regulares summo studio perquirere apostatas, & fugitivos, tum ex *P. Sessanti Theol. Tom. V.*

jure naturali ex vi sui officii, tum ex jure canonico. Quod si in hoc desides sint, poterunt Episcopi illos incarcerare, ac superioribus regularibus consignare. p. 117. c. 1.

Si extra religionem in apostasia, vel fuga moriantur, bona eorum per modum spoliæ ad Cameram Apostolicam pertinent. pagin. 117. col. 2.

### *Appellare.*

Appellare a correctione ordinaria prælatorum, quamvis modum excedat, religiosi interdictum est: non autem supplicia per modum simplicis querelæ. p. 120.

In causis autem gravissimis, quando injustitia est manifesta, & alias per simplicem recursum non potest religiosus gravamen evadere, licitum est ei omni jure appellationem juridicam interponere. p. 121. c. 1.

Ordo appellandi est, ut a Priori appelletur ad Provincialem, ab isto ad Generalem, ab hoc ad Protectorem, & ab isto ad sacram Congregationem, & ab hac ad Pontificem. Qui ordo necessario observandus est, nisi iudex intermedius sit reo suspectus. ibidem.

In casibus, in quibus licita est appellatio juridica, licita est etiam recusatio juridica ante sententiam cuiuscumque Prælati, si reo suspectus sit. p. 121. c. 2.

Appellare autem ad tribunalia secularia, vel etiam Ecclesiastica, quibus religiosi non subduntur, prohibetur illis sub pena excommunicationis latæ sententiæ. ibid.

## B

### *Beneficium.*

Beneficium Ecclesiasticum est juxta perpetuum recipiendi redditus ex bonis Ecclesiæ ratione spiritualis officii, Ecclesiastica auctoritate constitutum. p. 186. & seq.

Omnes fructus, etiam superflui, jure domini ad beneficiatos pertinent, supposita bonorum,

## Index Rerum.

norum, seu reddituum Ecclesiasticorum divisione, & appropriatione. p. 183. & seq.

Cum hoc tamen optime componitur, quod beneficiati ex iustitia debeant erogare in pauperes redditus superfluos beneficii, & per consequens ad restitutionem tenentur, si illos in usus prophanos convertant. pag. 184. col. 2.

Potest beneficiatus ex Ecclesiasticis redditibus competentem sibi sustentationem accipere, etiam si habeat propria bona patrimonialia. p. 183. c. 2.

### *Beneficium distinctio.*

Beneficium primo distinguitur in saeculare, & regulare. Secundo in beneficium duplex, & beneficium simplex. Duplex dicitur, quod aliquam eminentiam, jurisdictionem, vel administrationem habet: secus vero dicitur simplex. p. 185.

Tertio dividitur beneficium in titolare, & manuale. p. 186. Demum dividuntur beneficia, in ea, quae sunt incompatibilia, & in ea, quae sunt compatibilia. p. 188. c. 1.

### *Beneficium pluralitas.*

Habere plures praebendas, secundum se deformitatem, seu deordinationem quandam importat, tamen aliquae circumstantiae possunt supervenire ita honestantes hunc actum, quod praedicta inordinatio totaliter evacuetur: quibus stantibus non erit peccatum, si adsit recta intentio, plures habere praebendas. p. 187.

Si antiqua jura, quae prohibent habere plures praebendas, in suo robore maneant, contraria consuetudine non obstant, certum est, non posse aliquem plures praebendas habere absque dispensatione, etiam illis circumstantiis supervenientibus, quae secundum considerationem juris naturalis actum poterant honestare: sine quibus licitum non est, quantumcumque dispensatio interveniat. pagin. 188. c. 1.

### *Beneficium unio.*

Unio beneficiorum proprie dicta tribus modis fieri potest, ob necessitatem, vel utilitatem Ecclesiae. Primo, si ex duobus beneficiis fiat unum. Secundo, si unum beneficium alteri uniatum tanquam accessorium principali. Tertio, si duo beneficia ita sub eodem rectore uniantur, ut tamen propriam

naturam, qualitates, & privilegia retineant. p. 188. c. 2.

Potestas uniendo beneficia, & Ecclesias, pleno jure pertinet ad Summum Pontificem, & ex justa causa ad Episcopum, nisi sint reservata, & etiam ad capitulum, sede vacante. Beneficia tamen unius diocesis non debent uniri cum beneficiis alterius diocesis. p. 189.

### *Beneficium institutio.*

Institutio in beneficiis Ecclesiasticis tribus modis fit, scilicet per electionem, praesentationem, & litterarum collationem. Omnis autem collatio fieri debet beneficii vacantis, non solum de jure, sed etiam de facto. p. 189. c. 2.

Supremus, & universalis beneficiorum collator est Papa. Post Papam Episcopus est ordinarius collator beneficiorum existentium in diocesi sua: & tunc vacante, capitulum causa necessitatis. p. 190. c. 1.

Papa tribus modis potest beneficia conferre, scilicet jure praeventiois, jure concursus, & jure devolutionis. p. 190. c. 1.

Legatus a latere communi jure concurret cum Ordinario in collatione beneficiorum, ita ut inter eos sit locus praeventiois. pagin. 190. c. 2.

Vicarius generalis Episcopi beneficia conferre non potest, nisi id ei specialiter concessum sit. ibid.

### *Beneficium reservatio.*

Beneficium reservatum esse dicitur, cuius collationem Papa sibi propriam vendicat, ut ab aliis Ordinariis conferri non possit. Cujusmodi sunt dignitates, quae post Episcopalem majores sunt in Ecclesiis cathedralibus, & Collegiatis: beneficia, quae vacant per affectionem alterius beneficii ab ipsomet Papa conferendi: omnia beneficia Cardinalium, & Curialium, in curia mortuorum, & vacantia per depositionem, privationem, vel translationem auctoritate Sedis Apostolicae factam: & denique omnia alia beneficia in mensibus alternis Pontificis. pag. 191.

### *Beneficium devolutio.*

Devolutio potestatis conferendi, vel eligendi ab beneficia, fieri solet propter negligentiam, sive conferendi, aut eligendi moram,

## Index Rerum.

ram, vel ob incapacitatem promoti; tunc enim potestas conferendi, vel eligendi devolvitur ad proximum superiorem, uti explicatur. p. 192.

### *Beneficia electiva.*

Beneficium electivum late appellatur omne illud, ad quod alicui jus tribuitur per suffragia, & alterius confirmationem: sed proprie electiva dicuntur illa solum beneficia, quæ prælaturæ sunt. p. 193. c. 1.

Jure communi electio ad collegium spectat, & ideo omnes, quibus jus eligendi competit, vocandi sunt, dummodo qui absentes sunt commode vocari possint. p. 193. col. 2.

Tres sunt modi, seu formæ eligendi, scilicet per scrutinium, per compromissum, & per inspirationem divinam, uti explicatur. p. 194. c. 1.

### *Beneficiorum postulatio.*

Postulatio differt ab electione, primo quidem, quia qui eligi non potest, postulari tamen potest. Secundo, quia per postulationem jus nullum acquiritur, unde Superior postulationem rejicere potest. Tertio, quia postulantes variare possunt. pag. 194. c. 2.

Si postulatio solemniter a Prælatu acceptata, aut admissa fuit, confert effectum electionis, & confirmationis. p. 195. c. 1.

Qui eligere possunt, iidem etiam postulare a superiore, qui postulationem admittit, & approbare potest, & dispensare super defectu postulantis. p. 194. c. 2.

### *Beneficia patronata.*

Jurisdictionis est jus nominandi, seu præsentandi aliquem instituendum ad beneficium Ecclesiasticum vacans. Acquiritur tale jus fundatione, ædificatione, & dotacione. p. 195.

Dividitur in Ecclesiasticum, & laicum. Laico nunquam derogari censetur, nisi de eo expressa, & specialis mentio fiat. pag. 195. c. 2.

Patrono quatuor jura competunt, præsentare instituendos ad beneficia, honor præcipuus, alimenta in necessitate, & jus, seu onus tuendi Ecclesiam. p. 195. c. 2.

Sine consensu patroni non potest Episcopus disponere circa beneficia cum præjudi-

cio juris patronatus, nisi in casu necessitatis. p. 196. c. 1.

Jurisdictionis competere potest etiam mulieri impuberi, & etiam illegitimo. Quatuor autem modis transfertur, scilicet, succensione, donatione, permutatione, & venditione universitatis. p. 196. c. 2.

### *Beneficiorum qualitates.*

Prima qualitas requisita ad beneficia Ecclesiastica obtinenda est ætas legitima, uti explicatur. p. 197.

Secunda est legitima nativitas, quod si illegitimus dispensatus sit ad beneficia simpliciter, non ideo censetur dispensatus ad curata, neque ad dignitates. p. 198.

Tertia qualitas est recta intentio, seu propositum accipiendi sacros Ordines, vel perseverandi in statu Clericali, uti explicatur. pag. 199.

Quarta qualitas est Clericatus, seu prima tonsura; & in quibusdam beneficiis Ordo sacer illis correspondens, uti explicatur. p. 200. c. 2.

Quinta qualitas est probitas morum. Sexta scientia pro qualitate, ac conditione beneficii. Septima, quod non sit irregularis, aut censura aliqua irretitus. Octava, quod ad beneficium regulare non promoveatur, nisi qui est ejusdem ordinis professus. Nona, quod patri immediate filius non succedat. Decima est cælibatus. p. 201.

Mortale peccatum est, Ecclesiasticum beneficium conferre indigno, si dignus haberi possit. Quid autem debeat facere indignus, sive valide, sive invalide promotus sit, explicatur. p. 202.

Non oportet semper ad beneficium Ecclesiasticum eligere meliorem simpliciter, sed digniorem, alias sit peccatum mortale acceptationis personarum, & gravis injuria interitur Ecclesiæ, obligans ad compensationem damni. pag. 203.

### *Beneficiorum vacatio.*

Beneficia Ecclesiastica vacant in primis per mortem naturalem beneficiarii; secundo, si beneficiarius alterum beneficium incompatibile accepit, si matrimonium contraxit, si religionem professus est, si crimen patravit, cui est annexa privatio beneficii. Insuper per liberam renunciationem, expressam, aut tacitam beneficii. p. 205.

## Index Rerum.

### *Beneficiorum obligatio.*

Beneficiati, etiam si in sacris non sint ordinati, tenentur quotidie sub gravi recitare horas canonicas, uti explicatur. pagin. 160.

Si omittant recitationem, post primum semestre, tenentur ad restitutionem pro rata fructuum, etiam distributionum, dummodo in culpa sint. p. 161.

Restitutio facienda est, vel fabricæ beneficii, vel pauperibus ante sententiam Iudicis: nec potest ei satisfieri per elemosinas antea factas. p. 162.

Nec beneficiatus satisfacere potest obligationi restituendi, si alia die recitet duplex officium, uti ostenditur. p. 162, c. 2.

### C.

### *Clausura virorum.*

Viri religiosi absque licentia tacita, vel expressa suorum Prælatorum, e clauetro exire licito non possunt: erit tamen peccatum grave, aut leve, attentis circumstantiis, & qualitate egressus. p. 129, c. 1.

In quatuor casibus solum incurrunt excommunicationem, scilicet, exeuntes ad partes ultramontanas, ubi pauci sunt fideles: si ad aulas principum se conferant intentione nocendi suis Prælati: accedentes ad studia legum, vel canonum: vel ad audiendas leges, aut medicinam. p. 129, col. 2.

Omnes mulieres septennio majores, præsumptas ingredi monasteria virorum, incurrunt excommunicationem Papæ reservatam: Religiosi vero illas introducentes incurrunt privationem officiorum, & inhabilitatem ad illa in posterum, & suspensionem a divinis ipso facto, sine alia declaratione. pag. 130.

### *Clausura Sanctimonialium.*

Sanctimoniales professæ ad clausuram tenentur, non solum ex vi regulæ, & voti, sed etiam ex præcepto Ecclesiæ. pagin. 131, c. 1.

Violantes talem clausuram, ultra peccatum mortale ipso facto incurrunt excommunicationem Papæ reservatam: quam etiam incurrunt omnes, qui ad illarum egressum cooperantur. p. 131, c. 2.

Gravitas materiæ in violatione clausuræ non attenditur ex mora temporis, sed ex totalitate ogressus. ibid.

Causæ, ob quas moniales egredientes a clausura monasterii excusantur a culpa, reducuntur ad duas, scilicet ad licentiam legitimam, & necessitatem urgentem, quæ moram non patitur. p. 132, c. 1.

### *Clausura Ingressus.*

Ingressus in monasteria monialium est omnibus utriusque sexus, septennio majoribus, prohibitus sine licentiâ, alias ipso facto incurrunt excommunicationem: quæ in duobus casibus est Papæ reservata: scilicet si ingressus fiat ad malum finem, vel prætextu facultatis a Papa, vel ab aliis concessæ. p. 132, c. 2.

In dictis duobus casibus incurrunt excommunicationem Papæ reservatam etiam moniales admittentes: in aliis vero, etsi peccent graviter admittentes, nullam tamen excommunicationem incurrunt. ibid.

Accessus ad colloquendum cum monialibus, vel aliis intra clausuram degentibus, saltem ex consuetudine non consueti illicitus secularibus, etiam Ecclesiasticis, si frequentia desit: Religiosis vero prohibetur sub gravi peccato, ac poenis privationis officiorum, vocisque adivæ, & passivæ. pagin. 133, c. 2.

### *Clerici.*

Clerici per tonsuram ad divina ministeria applicantur, & ponuntur in altiori statu, quam laici: non tamen per hoc solum habent ampliores potestatis gradum, qui ad ordinem requiritur. pagin. 135, column. 1.

Clerici per hoc, quod coronam, seu tonsuram accipiunt, non renunciant patrimonio, nec aliis rebus temporalibus, immo non possunt ad sacros Ordines promoveri, nisi habeant unde decenter sustententur. pagin. 135, c. 2.

Habitus Clericorum, attenta consuetudine cujuslibet provincie, talis esse debet honestatis, ut nec novitate oculis attrahat in admirationem, nec sorditate in despectionem, status intuentes inducat. ibidem.

Si habitum Clericalem, & tonsuram non deferant, amittunt privilegia canonica, & fori ipso facto, si sint in minoribus: si, &c.

## Index Rerum.

si vero in majoribus ordinati sint, vel beneficiati, post trinam monitionem. **p. 156. c. 1.**

Debitum continentiae ex statuto Ecclesiae Latinae est annexum Ordinibus sacris, non autem ex natura ipsius Ordinis. pag. **156.** & seq.

Ecclesia convenienter prohibet Clericis negotiationem proprie dictam; & ideo peccant, si absque urgente necessitate id faciant. **p. 177.** & seq.

Clericis non licet omnino bella gerere, aut alia officia exercere, quae ordinantur ad sanguinis effusionem, etiam si iustam. **p. 179.**

Peccant Clerici contra prohibitionem Ecclesiae, & honestatem sui status, si nulla urgente necessitate arma deferant, praecipue si sint arma prohibita. **p. 180. c. 1.**

### *Clerici non residentes.*

Spēcato jure communi omnia beneficia ad residentiam obligant: consuetudo tamen obtinuit, ut in simplicibus quibusdam beneficiis non resideatur. **p. 172. c. 2.**

Si Clericus in loco sui beneficii commoretur quidem, sed officium nunquam praestet, non est censendus residere. **p. 172. c. 1.**

Non licet Canonici, aut praebendati, vigore cujuslibet statuti, aut consuetudinis ultra tres menses ab Ecclesiis suis abesse. Omnes vero divina per se, & non per substitutos officia obire tenentur. **p. 172. c. 2.**

Insuper Episcopo celebranti, aut alia pontificalia exercenti assistere, & inservire debent: atque in choro, ad psallendum instituto, hymnis, & canticis Dei nomen reverenter, distinguē, devoteque laudare. *ibid.*

Residentia in beneficiis, saltem curatis, divino jure necessaria est. Curatis tamen Tridentinum indulget, ob iustam causam, & sine gregis detrimento, ut per bimestre abesse possint. Si vero culpabiliter non resident, non faciunt fructus suos. **p. 173.**

Clerici non residentes per censuras compelli possunt, ut redeant, & insuper per privationem fructuum, & ipsius beneficii. **p. 173. c. 2.**

Causae iustae a continua residentia excusantes sunt Christiana charitas, urgens necessitas, debita obedientia, & evidens Ecclesiae, vel reipublicae utilitas. **p. 173. c. 1.**

### *Confessarii regularium.*

Ut Confessarii regularium possint valide ministrare sacramentum poenitentiae religionis, *Sessio 1. Theol. Tom. V.*

sui Ordinis, non requiritur approbatio Episcopi, sed Praelati sui Ordinis. **p. 148. c. 1.**

Confessarii approbati, & deputati a suis Praelatis ad excipiendas confessiones religiosorum sui Ordinis, possunt illos absolvere toties, quoties ab omnibus casibus a jure, vel ab homine, Episcopis reservatis. Insuper ab omnibus casibus, censuris, & penis, etiam publicis, etiam Sedi Apostolicae reservatis, etiam contentis in Bulla coenae, exceptis haereticis relapsis, schismaticis, Apostolicarum litterarum falsariis, & desertibus prohibita ad infideles. **p. 148. c. 2.**

Possunt insuper dispensare omnia vota, & juramenta, & omnes irregularitates, & inhabilitates quovis modo contractas, sive ex delicto, sive ex defectu, etiam Sedi Apostolicae reservatis, excepta irregularitate bigamiae, homicidii voluntarii, & voluntariae membrorum mutilationis. Insuper semel in vita dispensare possunt in foro conscientiae suos fratres ab omni irregularitate, nulla excepta. **p. 149. c. 1.**

### *Confessarii electi.*

Religiosi possunt eligere Confessarium ex approbatis a suis Praelatis, qui eos plenarie absolvat ab omnibus casibus, nullo excepto, in omnibus festivitibus Domini Sabaoth, B. Mariae Virginis, Sancti funditoris Ordinis, Omnium Sanctorum, SS. Apostolorum Petri, & Pauli, & tota hebdomada Sancta. **p. 148. c. 2.**

In articulo mortis possunt religiosi eligere Confessarium, sive regularem, sive saecularem, qui ab omnibus casibus eos absolvat, nullo excepto, & concedat illis Sanctorum Jubilaeum anni sancti. **p. 148. c. 2.**

Cum licentia expressa, vel tacita suorum Praelatorum, possunt religiosi confiteri religiosi alterius Ordinis, aut Sacerdotibus saecularibus, etiam ab Episcopis non approbatis. Itinerantes vero, vel extra Monasterium commorantes, qui non habent sui Ordinis Confessarium idoneum, possunt confiteri cuicumque Sacerdoti simplici, sive saeculari, sive regulari, etiam alterius Ordinis, etiam si non approbato. **p. 152. c. 2. & seq.**

Omnes Episcopi, & alii Superiores, nec non minores Praelati exempti, non autem parochi, providum, & discretum possunt sibi eligere confessarium, etiam non approbatum, qui eos absolvat ab omnibus casibus, & censuris, a quibus ipsi possunt absolvere subditos. **p. 153. c. 1.**

## Index Rerum.

### *Confessarii secularium.*

Regulares, nisi parochi sint, non possunt valide confessiones secularium excipere, nisi sint approbati ab Ordinario loci, in quo confessiones fiunt. **p. 149.**

Regularis approbatus ab Ordinario potest in diocesi approbantis omnium fidelium undequaque venientium confessiones excipere: nec indiget nova approbatione, etiam si absens fuerit per multos annos, & postea redeat. **p. 150. c. 1.**

Idem Episcopus non potest regulares semel approbatos absolute, & illimitate, iterum ad examen vocare absque iusta causa, etque ad confessiones pertinentes: neque capitulum sede vacante. *ibid.*

Confessarii regulares a prælatis suis expositi, & ab Ordinario loci approbati, possunt seculares absolvere ab omnibus casibus, & censuris Summo Pontifici reservatis, exceptis casibus, quæ in bulla Cœnæ continentur: & sex casibus intra Italiam, & extra Urbem: & dummodo non sint ab Episcopo sibi specialiter reservati. **p. 151.**

Possunt etiam dispensare in omnibus irregularitatibus, & poenis Ecclesiasticis, ex delicto occulto provenientibus, excepto homicidio voluntario; ac vota quæcumque permutare, ac dispensare, exceptis quinque reservatis. **p. 151. c. 1.**

Demum possunt dispensare impedimentum petendi debitum, contractum ob affinitatem in primo, & secundo gradu post matrimonium. *ibid.*

Nec etiam extra Italiam possunt regulares absolvere seculares a casibus bullæ cœnæ, etiam si sint occulti. **p. 152. c. 1.**

### *Contemplatio.*

Contemplatio est perspicax, & liber intuitus animi in res perspicandas; seu est simplex intuitus veritatis. **p. 159. c. 1.**

Operatio contemplationis convenienter distinguitur per tres motus, circulem, rectum, & obliquum. **p. 21.**

Contemplatio delectationem habet, & ratione sui, & ratione objecti amati. **p. 22.**

### *Conventualium numerus.*

In monasteriis tam virorum, quam mulierum, is tantum numerus constitui debet, qui ex redditibus propriis monasteriorum, vel ex consuetis elemosynis commode sustentari valeant. **p. 174. c. 1.**

Si numerus canonicorum statuto determinatus est, non debet is ob modicum redi-

tuum augmentum augeri, & canonicatus vacat morte beneficiati. **p. 174. c. 1.**

Si numerus canonicorum determinatus non est, non vacat canonicatus morte alicujus, neque devolutio fit ad superiorem ob negligentiam instituendi. **p. 175. c. 1.**

Si redditus Ecclesiæ nimis decrescant, & non sufficiant tanto Canonicorum, aut Monachorum numero sustentando, imminui poterit, non obstante confirmatione Papæ. *pagin. 174. c. 2.*

## D

### *Distributiones.*

Peccant mortaliter præbendati, qui sine causa legitima non intersunt choro, etiam si cedant distributionibus, nisi parvas materię excuset. **p. 170. c. 1.**

Attento juris rigore tenentur canonici non solum interesse, sed etiam canere in choro, ut suæ obligationi satisfaciant. & possint acquirere distributiones. Consuetudo vero in contrarium alicubi introducta, novissime abrogata est a Benedicto XIV. nunc feliciter regnante ad totius Ecclesiæ utilitatem. *pag. 170. c. 2.*

Qui absque debita exteriori reverentia assistunt choro; sicut & illi, qui choro non assistunt, ipso facto ante Judicis sententiam privantur distributionibus. *ibid.*

Omnès portiones absentium accrescunt aliis interessentibus, nisi detur statutum, aut consuetudo, ut applicentur fabricæ Ecclesiæ, aut alteri operi pio. *ibid.*

Assistentes in choro, quibus de jure competunt distributiones absentium, non possunt eas donare, remittere, vel super eas transigere cum absentibus. **p. 171. c. 1.**

Ob tres causas possunt Canonici chorò non interesse, & nihilominus distributiones lucrari. Prima est infirmitas, secunda est iusta, & rationalis corporis necessitas, tertia est evidens Ecclesiæ utilitas. **p. 171. c. 1.**

Probabilius est, quod absentes a choro tribus mensibus a Tridentino concessis, licet lucrentur fructus beneficii, non tamen lucrentur distributiones. **p. 171. c. 2.**

### *Discretio spirituum.*

Discretio spirituum, quæ est una ex gratiis gratis datis, pertinet ad revelationem, & cognitionem eorum, quæ pertinent ad spiritalia substantias, a quibus vel ad bonum, vel ad malum inducimur. **p. 3. c. 1.**

*Epi-*

## Index Rerum.

### E

#### *Episcopatus.*

Appetere Episcopatum ratione circumstantium bonorum, ad cupiditatem, vel ambitionem pertinet: appetere vero illum ratione celsitudinis gradus, est presumptuosum, adeoque est omnino illicitum. *p. 71. c. 2.*

Appetere vero Episcopatum, ut proximis prodesse quis possit, & secundum se laudabile, & virtuosum: sed, quia, oportet Episcopum irreprehensibilem esse, seu perfectum, & presumptuosum est, quod aliquis perfectum se reputet, ideo presumptuosum est etiam sic Episcopatum appetere. *p. 72.*

Sicut ad inordinationem voluntatis pertinet, quod aliquis proprio motu feratur in hoc, quod aliorum gubernationi præficiatur: ita etiam, quod omnino contra superioris injunctionem prædictam gubernationis officium finaliter recuset. *p. 73.*

Qui ad Episcopatum assumitur, non est necesse quod sit alius melior, sed omnino necesse est, quod sit alius dignior. *p. 74. & seq.*

#### *Episcopus.*

Episcopus tandiu obligatur ad hoc, quod eum pastorem retineat, quandiu potest subditis sibi commissis prodesse ad salutem: cessante iusta causa potest illum ex se, sed ex sola dispensatione S. Pontificis deferere. *p. 76.*

Si subditorum saluti possit sufficienter in absentia pastoris per alium provideri, tunc licet pastor, vel propter aliquod commodum Ecclesiæ, vel propter personæ periculum corporaliter gregem deferere, secus non licet. *p. 77.*

Jure divino Episcopus obligatur personaliter residere in propria Ecclesia, & abusus est, non consuetudo, tot Episcoporum non residentium. *p. 78.*

Causæ excusantes Episcopum a continua residentia est impedimentum, sive ab intrinseco, sive ab extrinseco proveniens, utilitas Ecclesiæ, & conditio personæ. *p. 79. & seq.*

Non tenentur Episcopi ad hoc, quod sine proprio vivant: & ideo de rebus propriis, vel acquisitis, hæreditibus suis derelinquere non prohibentur. *p. 80.*

De bonis Ecclesiasticis Episcopus, sicut & quilibet Clericus, pleno jure accipere potest totum id, quod ad decemem sui sustentationem necessarium est, & si velit de eo sibi subtrahere, & consanguineis donare, non peccat. *p. 81. c. 2.*

Superfluos redditus tenetur Episcopus, & quilibet præbendatus pauperibus erogare, non solum ex charitate, sed etiam ex iustitia. *p. 82.*

In articulo necessitatis peccaret Episcopus, & quilibet Clericus, si vellet de rebus Ecclesiæ vivere, dummodo haberet patrimonialia bona, de quibus vivere posset. *p. 82. c. 1.*

Religiosi, qui promoventur in Episcopos, tenentur ad regulares observantias quantum ad ea, quæ non impediunt Episcopale officium. *p. 83.*

#### *Extasis.*

Extasis importat simpliciter excessum a se ipso, secundum quem scilicet aliquis extra suam ordinationem ponitur, & potest ad vim appetitivam pertinere. *p. 12. c. 2.*

Dupliciter homo secundum appetitum potest ferri extra se ipsum, vel per hoc, quod appetitus intellectivus totaliter in divina tendit, vel per hoc, quod totaliter sequatur appetitum inferiorem. *ibid.*

### F

#### *Fugitivi.*

Fugitivi dicuntur religiosi illi, qui ob vagandi voluntatem sine licentia prælati recedunt a monasterio animo tamen redeundi: & hi excommunicationem incurrunt, & suspensionem ab exercitio ordinum, & in foro externo apollatæ judicantur, uti explicatur. *p. 116.*

#### *Fides.*

Fides, quæ inter gratias gratis datas numeratur, significat excellentiam fidei, ordinatam ad penetranda mysteria revelata ad aliorum utilitatem: eique attribuitur gratia miraculorum. *p. 11. c. 1. & p. 16. c. 2.*

### G

#### *Gradus.*

Gradus dicitur secundum ordinem inferioritatis, & superioritatis, prout scilicet in eodem statu, vel officio unus est alio superior, *p. 29. c. 1.*

De fide est, in Ecclesia Catholica esse hierarchiam divina ordinatione institutam, quæ constat ex Episcopis, Presbyteris, & ministris. *p. 28. c. 1.*

## Index Rerum.

### *Gratia gratis data.*

Gratiae gratis datae sunt, quae dantur in utilitatem aliorum, quarum quaedam pertinent ad cognitionem, quaedam ad locutionem, quaedam vero ad operationem, uti explicatur. p. 13.

### *Gratia linguarum.*

Donum linguarum necessarium fuit in exordio Ecclesiae, ut Apostoli ab omnibus gentibus intelligerentur. p. 13.

### *Gratia sermonis.*

Gratia sermonis ordinatur ad instruendum intellectum, seu ad persuadendum, ad allicendum, & ad movendum auditores. p. 14. c. 3.

Dicitur autem sermo sapientiae, & scientiae, quia ex abundantia cognitionis divinum, & creaturarum praedicatio debet procedere. p. 15. c. 1.

## H

### *Habitus dimittentes.*

Religiosi tacite, vel expresse professi tenentur habitum suae religionis portare, tanquam signum suae professionis. p. 117. c. 2.

Si religiosus temere habitum dimittat, excommunicationem ipso facto incurrit. Quid autem sit temere dimittere, habes. p. 118.

### *Hora canonica.*

Horae canonicae dicuntur illae sacrae praecae, quae horis diurnis, ac nocturnis, ex sacerdotum canonum decreto, ab Ecclesiasticis personis, nomine Ecclesiae perfolvendae sunt. p. 117. c. 2.

Clerici in sacris Ordinibus constituti ad horas canonicas recitandas sub culpa mortali obligati sunt, etiam si nullum beneficium Ecclesiasticum obtineant. p. 118. c. 1.

Religiosi, tam viri, quam mulieres choro addicti, qui ex praecae regulae, aut ex consuetudine legitime introducta, ad recitationem horarum canonicarum obligantur, peccant mortaliter si illas non recitent, etiam si choro non interfint. p. 119.

Beneficiati, etiam si in sacris non sint ordinati, tenentur quotidie sub gravi culpa recitare horas canonicas, etiam si beneficium sit tenue; Quod si illas non recitent absque legitima causa, non faciunt fructus suos. p. 160. & seq.

### *Horarum recitatio.*

Horarum recitatio, necessaria ad satisfaciendum praecae, debet esse vocalis, integre prolata, servato horarum ordine, & tempore, cum intentione, & attentione, non solum externa, sed etiam interna, & devotione. p. 163. & seq.

Surdus extra chorum non satisfacit recitando cum socio, licet in choro satisfaciatur per alios audientes ex sua parte chori, cum quibus unum constituit. p. 163. c. 1.

Qui verba priora vericulis ultimis conjungeret, omisis intermediis, vel ea syncopando, vel syllabas aborbendo, non satisfaceret, nisi balbuties excusaret. p. 163. c. 2.

Qui totum officium audiret, non recitando alternatim cum socio, aut solum mentaliter pronuntiaret, non satisfaceret. ibid.

Non erit peccatum, saltem mortale, absque ulla causa ordinem horarum invertere, aut celebrare Missam ante recitatum matutinum. ibid.

Obligatio recitandi officium est affixa diei, & incipit a puncto mediae noctis antecedentis, & finitur in puncto mediae noctis subsequenter. Matutinum autem cum laudibus diei possunt post vespas antecedentis diei, id est post duas horas a meridie. p. 164.

Non satisfacit praecae qui recitat unum officium pro alio, nisi id forte faciat ex errore: quod si errorem advertat dum recitat, poterit prosequi currens. p. 164. c. 2.

Omittere octavam partem officii probabiliter est, quod vix pertingat ad materiam gravem. p. 165. c. 1.

Si quis ridendo, & ludendo, aut confabulando recitaret officium, aut sine ulla attentione interna, non satisfaceret praecae, & graviter peccaret. ibid.

Obligatus ad recitandas horas canonicas non satisfacit suae obligationi per alium recitando. E contra impotens per se, non tenetur per alium recitare. p. 166.

Causae excusantes a recitatione horarum sunt dispensatio, vel impotentia physica, aut moralis. Impotentia autem ad recitandam partem, non excusat a toto. ibid.

### *Horarum publica recitatio.*

In Ecclesiis, ubi adhuc viget consuetudo divinum officium publice recitandi, sub gravi culpa tenentur Praelati curam adhibere, ne unquam horae canonicae publice omittantur, & quod ad minus quatuor interveniant.



## Index Rerum.

niant : & insuper , quod una saltem Missa quotidie in Ecclesia celebretur . p. 167.

In publica recitatione servandus est omnino ordo , locus , & tempus ab Ecclesia præscriptum , & forma Breviarii , & Missalis Romani , exceptis illis Religionibus , & Ecclesiis , quæ habent speciale privilegium , seu consuetudinem . p. 168. & seq.

Recitare officium parvum B. Mariæ Virg. Defunctorum , Psalmos poenitentiales , aut graduales in choro , non est præceptum , nisi ubi viget laudabilis consuetudo . p. 169. c. 1.

In die omnium Defunctorum , etiam particulares , tenentur recitare integrum illorum officium : item Letanias in die S. Marci , & tribus diebus Rogationum . ibid.

Regulares exempti , utentes Breviario Romano , possunt recitare officium de Sanctis , de quibus recitatur in Diocesi , in qua existunt , sed non tenentur , nisi quantum ad festum Patroni . p. 169. c. 2.

Capellanus Monialium , qui dicit Missam Conventualem , potest in officio cum Missa conformari . ibid.

Non potest fieri per totam civitatem , aut locum , officium titularis Ecclesiæ Parochialis , vel Regularis , aut Abbatialis : sed solum in propria Ecclesia . p. 169. c. 1.

## I

### Jejunium.

**J**ejunium est actus virtutis , in quantum per rationem ordinatur ad aliquod bonum honestum , concurrentibus aliis debitis circumstantiis . p. 255.

Duplex est Jejunium . Unum naturæ , quo quis dicitur Jejunus , antequam aliquid prorsus comedat , vel bibat , & hoc commune est omnibus bonis , & malis . Aliud morale , quo quis ex rationabili proposito a cibis aliquoties abstinere , & hoc est actus virtutis . p. 256. c. 1.

Ut Jejunium sit actus virtutis , & Deo acceptum , quatuor condiciones requirit , scilicet , quod sit moderatum a ratione recta , quod ex electione fiat , quod ordinetur ad finem honestum , & quod secundum omnes circumstantias non dissonet a reſtatione . ib.

Jejunium est actus abſtinentiæ , tanquam virtutis elicientis ; potest tamen ab aliis virtutibus imperari , per hoc , quod ab illis ordinetur ad proprios fines . p. 156. c. 2.

Jejunium tripliciter potest considerari ; se-

cundum se , & sic est actus bonus ex genere : in ordine ad imperantem , & sic potest esse actus bonus , vel malus : in quantum tandem respicit virtutem elicientem , & sic est actus virtutis perfectæ . ibid.

### Jejunii præceptum.

Jejunium in communi cadit sub præcepto legis naturæ , in quantum est necessarium ad deletionem , & cohibitionem culpæ , & ad elevationem mentis in spiritualia : & secundum hoc obligat omnes , qui indigent tali remedio . p. 257. c. 2.

Determinatio temporis , & modi jejunandi , cadit sub præcepto juris canonici , & obligat ad mortale , etiam præſcripto contemptu . ibid.

Non omnes , qui non observant jejunia Ecclesiastica , peccant mortaliter : sed solum illi , qui absque rationabili causa excusante , aut eximente ab obligatione jejunii , illud non observant , sive hoc faciant ex contemptu , sive ex alia causa . p. 258. c. 1.

Si causa excusans a jejunando sit evidens , per seipsum potest homo statuti observantiam præterire : si vero causa sit dubia , opus est dispensatione . p. 259. c. 1.

Causæ excusantes reducuntur ad impotentiam physicam , vel moralem jejunandi , vel ratione ætatis , vel necessitatis , vel laboris incompossibilis cum jejunio . p. 259. & seq.

### Jejunium Ecclesiasticum.

Convenienter determinantur tempora Jejunii Ecclesiæ . p. 161. Et quod homo semel tantum comedat in die jejunii . p. 262. Reſtatione autem serotina ex consuetudine rationabili introducta est per modum medicamenti , ne potus noceat , & ut somnus capi possit , & ideo in parva quantitate consistere debet . p. 264.

Potus etiam vini , cervisiæ , birræ , etiam extra mensam sumptus , non solvit jejunium Ecclesiæ , quamvis antiquitus solveret . p. 265.

Hora nona convenienter taxata fuit antiquo tempore jejunantibus , nunc autem hora sexta . p. 266.

Convenienter jejunantibus indicitur abſtinentia a carnibus in omnibus jejuniiis , & ab ovis , & lacticiis in quadragesima . p. 267. & seq.

Dispensatus ab abſtinentia carnum tenetur jejunare : nec potest simul pisces , & carnes manducare . p. 270. & seq.

## Index Rerum.

### *Ignorantia.*

Aliqua ignorantia potest esse causa peccati, non quidem per se, sed per accidens, tanquam removens prohibens, illa scilicet, sine qua peccatum non fieret. p. 283. & seq.

Quare peccare aliquis potest 1. peccatumque ad poenam aeternam illi imputari, alioque actuali advertentia ad malitiam peccati. p. 285. & seq.

Nulla ignorantia invincibilis est peccatum: Ignorantia autem vincibilis est peccatum, si sit eorum, quæ quis scire tenetur, ut sunt universalis juris, & ea, quæ pertinent ad proprium statum uniuscujusque. p. 288. & seq.

Quapropter non potest dari ignorantia invincibilis juris naturæ, ac per consequens ignorantia qua quis peccat, nesciens peccatum esse, quod facit, peccatum est, & causa peccati. p. 291. & seq.

Ignorantia de se habet, quod facit actum, quem causat; involuntarium esse; & ideo de se habet, quod excuset a peccato: tamen ex duobus potest contingere, quod aliquando non ex toto excuset a peccato. Uno modo ex parte ipsius rei ignoratæ, in quantum relinquit aliquid de cognitione peccati. Alio modo ex parte ipsius ignorantie, in quantum ipsa ignorantia est voluntaria directe, vel indirecte, adeoque est peccatum. p. 295. & seq.

Unde duo sequuntur. Primo, quod dans operam rei illicitæ, si præter intentionem incidat in aliud peccatum non præcogitatum, non evadit ex toto illius reatum, quia qui vult causam, virtualiter vult quidquid per se natum est ex ea sequi. p. 297. & seq.

Secundo, a culpa non excusatur, qui implendi præcepti ignorantia, aut impotentia laborat, si in eam semetipsum sponte conjecerit, illamque propria iniquitate contraxerit: vel dans operam rei licitæ non adhibet diligentiam ad præcavendum malum. p. 292. & seq.

Ignorantia affectata auget voluntarium, & per consequens peccatum: ignorantia vero ex negligentia proveniens diminuit voluntarium, & peccatum: & quandoque tantum dimittit, quod transfert illud de mortali in veniale. p. 302. & seq.

### *Immunitas Ecclesiastica.*

Immunitas Ecclesiastica est Jus, quo loca, res, vel personæ Ecclesiasticæ a com-

muni onere, seu obligatione, liberæ, & exemptæ sunt. p. 226.

Dicta immunitas a divino jure profecta est, legibus autem civilibus, & canonicis declarata, & confirmata est. p. 227. c. 1.

Ad immunitatem personalem pertinent duo privilegia, scilicet canonis, & fori. Privilegium canonis, si quis suadente diabolo, explicatur. p. 227. & seq.

Causæ Ecclesiasticæ a civili potestate omnino exemptæ sunt. Causis mere civilibus Judex Ecclesiasticus non se debet intramittere ordinarie loquendo, & directe. In causis mixti fori datur locus præventioni. p. 239. & seq.

In causis criminalibus personæ Ecclesiasticæ coram Judice seculari conveniri nullo modo possunt, nec ab eo puniri. p. 231. & seq.

In causis etiam civilibus coram Ecclesiastico tantum Judice Clericos conveniendos esse, utroque jure notissimum est, sicut explicatur p. 233.

Bona ad Ecclesias, & personas Ecclesiasticas spectantia, a secularium Principum exactionibus, & jurisdictione immunes esse, concors est Doctorum sententia. p. 234.

Non tantum Clerici, sed etiam regulares omnes, eorumque novitii, & laici conversi a potestate seculari exempti, & immunes sunt. p. 235.

### *Immunitas localis.*

Legibus tum civilibus; tum canonicis immunitas reis ad Ecclesiam, aliaque loca pia confugientibus constituta est. p. 236.

Omnes fideles, cuiusvisque conditionis existant, gaudent immunitate hac, si ad loca sacra confugiant, exceptis casibus in jure expressis. Probabile est etiam infideles gaudere hac immunitate. ibid. c. 2.

Casus excepti, ob quos malefactores hac immunitate non gaudent, sunt atrociora quædam crimina, quæ ad septem genera reducuntur, uti habes p. 237. c. 1.

Violatores hujus immunitatis, id est, mandantes, exequentes, cooperantes ad exactionem rei, incurrunt ipso facto excommunicationem Papæ reservatam. p. 237. c. 2.

Ab hac excommunicatione nequeunt Confessarii regulares absolvere sæculares intra Italiam, & extra Urbem, imò nec Episcopi. p. 238. c. 1.

## Index Rerum.

### *Immunitatis violatio.*

Quibus modis immunitas Ecclesiastica violari possit, ac puniri, præcipue quando publica auctoritate violatur, habes [p. 238.](#) & seq.

Nemo autem dubitat, quin Summus Pontifex per speciale privilegium, ob justam causam concessum alicui Principi, ut Magistratui seculari, ex parte aliqua derogare possit Ecclesiasticæ immunitati. [p. 240.](#)

Ex gravi tamen causa, ad bonum publicum pertinente, revocari poterunt huiusmodi privilegia, seu concordata, etiamsi transierint in pactum onerosum. [p. 240. c. 2.](#)

### *Instinctus propheticus.*

Instinctus propheticus est instinctus occultissimus, quem interdum etiam nescientes humanæ mentes sentiunt, ut non plane discernere possint, utrum hæc cogitaverint aliquo divino instinctu, vel per spiritum proprium; & ideo est quid imperfectum in genere prophetiæ: & potest ei subesse falsum. [p. 1. c. 1.](#)

### *Interpretatio sermonum.*

Interpretatio sermonum potest reduci ad donum prophetiæ, in quantum scilicet mens illuminatur ad intelligentium, & exponendum quæcumque sunt in sermonibus obscura, sive propter difficultatem rerum significatarum, sive propter voces ignotas, sive propter similitudines rerum adhibitas. [p. 14. c. 1.](#)

### *Juramentum.*

Jurare est testem Deum invocare, quod ordinatur ad certificandos homines de veritate, quæ per rationem probari non potest. [p. 15.](#)

Dividitur juramentum in assertorium, & promissorium, in quo includitur comminatorium, & hoc ex parte rei juratæ: ex parte vero testimonii, quod invocatur, juramentum dividitur in contestatorium, & execratorium. [p. 16.](#)

Omnia juramenta sunt ejusdem speciei, licet materialiter differant. [p. 16. c. 2.](#)

### *Juramenti bonitas.*

Juramentum secundum se est licitum, & honestum, sed cedit in malum alicui ex eo, quod male utitur eo, id est, sine necessitate, & cautela debita. [p. 17.](#)

Ad bonum usum juramenti tres comites requiruntur, scilicet veritas, justitia, & iudicium. [p. 17. c. 2.](#)

Juramentum est actus religionis, sive lætitiæ, ordinatur enim ad Dei reverentiam: sed non numeratur inter ea, quæ sunt per se appetenda; sed inter ea, quæ sunt huic vitæ necessaria, quibus indebite utitur, quicumque eis utitur ultra terminos necessitatis. [p. 18. c. 1.](#)

Propter hoc a juramento præstatio excluduntur pueri, & perjuri: item personæ magnæ dignitatis, de quorum veritate non potest dubitari. [p. 18. c. 2.](#)

Pro aliqua tamen necessitate, vel magna utilitate, licitum est personis magnæ dignitatis jurare, & præcipue in spiritualibus negotiis. *ibid.*

Licite assumuntur ad juramentum aliquæ creaturæ, non secundum se, sed in quantum in eis veritas divina manifestatur. [p. 19.](#)

### *Juramenti obligatio.*

Juramenti obligatio respectu præteriti, aut præsentis, respicit actum jurandi, ut scilicet homo juret id, quod verum est, aut fuit: sed respectu ad ea, quæ sunt fienda a nobis, obligatio cadit supra rem, ut scilicet homo faciat esse verum, quod juravit. [p. 60. c. 1.](#)

Ad utramque veritatem obligat juramentum promissorium, ad primam quidem semper, ad secundam vero quando observatio juramenti non vergit in deteriore exitum. [p. 60. c. 2.](#)

Juramentum, quod quis coactus facit, est ipso facto irritum pro foro externo: pro foro vero interno non est irritum, sed irritandum. [p. 61. c. 1.](#)

Quando non est eadem jurantis intentio, & ejus, cui jurat, si hoc proveniat ex dolo jurantis, debet juramentum servari secundum sanum intellectum ejus, cui juramentum præstat: si autem jurans sincere juret, obligatur secundum intentionem jurantis. *ibid.*

Juramentum absolute præstitum de servandis statutis Universitatis obligat secundum statuti naturam, ad culpam, aut ad totam poenam, & in quantum viget. [p. 62. c. 2.](#)

Votum ex natura sua magis obligat, quam juramentum; unde juramentum non adhibetur voto, quasi aliquid firmius, sed ut per duas res immobiles major firmitas habeatur, uti explicatur [p. 63. c. 2.](#)

## Index Rerum.

### *Juramenti effusio.*

Juramenti promissorii obligatio cessare potest per dispensationem, commutationem, irrationem, & relaxationem, & per se cessationem, uti explicatur p. 64. & seq.

Dispensatio, & commutatio pertinet ad potestatem jurisdictionis Ecclesiasticæ, & ideo concedi non potest absque justa causa. ibid.

Irritatio, & relaxatio pertinet ad potestatem dominativam, & potest fieri sine causa ab eo, qui jus habet in promittentis personam, aut in rem promissam. ibid.

Per se cessat juramenti obligatio, quando id, quod promissum fuit, evaderet impossibile, aut nocivum, aut illicitum, aut majoris boni impeditivum. ibid.

Dispensatio non potest concedi contra jus acquisitum tertio. ibid.

### *Juramenti violatio.*

Juramentum defectu judicii est incautum, & potest esse peccatum mortale ratione periculi, cui jurans se exponit falsum jurandi. p. 66. c. 2.

Defectus justitiæ, erit grave, vel leve peccatum, secundum qualitatem rei illicitæ supra quam cadit juramentum. ibid.

Defectus veritatis de presenti, semper est peccatum mortale perjurii, nisi ignorantia excuset, nec in hoc potest admitti parvitas materiæ. ibid.

Defectus veritatis de futuro juramentum potest aliquando esse peccatum veniale ratione parvitiæ materiæ, etiam si materia sit totalis. p. 67. c. 1.

Jurare sine animo jurandi, aut non se obligandi, sive res sit levis, sive gravis, semper est peccatum mortale perjurii. ibid.

Jurare cum restrictione mentali, se non fecisse aliquid, quod revera fecit, mendacium est, & per consequens perjurium, & peccatum mortale. p. 68. c. 1.

Juramentum æquivocum dolose prolatum ad fallendum, sive in judicio, sive extra judicium, etiam sine damno proximi, perjurium est, & grave peccatum. ibid.

### *Jurandi consuetudo.*

Qui habet pravam consuetudinem falsum jurandi, vel jurandi sine cautela, an sit verum, vel falsum id, quod jurat, est in statu peccati mortalis: & toties peccat mortaliter, quoties advertit ad pravam hanc consuetudi-

nem, & periculum pejerandi, quod per se inducit, & illam negligit totis viribus extirpare. p. 68. c. 2.

Per consequens omnia perjuria, quæ absque ulla advertentia sæpius profert ex consuetudine & haec non retractata, sunt formaliter peccata, & distingo a sua causa explicanda in confessione, uti demonstratur p. 69. & seq.

## M

### *Medici.*

**M**edici jussu S. Pii V. jurare teneantur, cum facultatem accipiunt, se ultra tertium diem non visitaturos infirmum, nisi certificentur de infirmi confessione. p. 63. c. 1.

### *Meditatio.*

Meditatio pertinere videtur ad processum rationis ex principiis aliquibus pertinentibus ad veritatis alicujus contemplationem: & ad idem pertinet consideratio, cogitatio, & speculatio, secundum tamen diversos respectus, ut explicatur p. 19. c. 1.

### *Miracula.*

Operatio miraculorum, quæ est una ex gratiis gratis datis, ordinatur ad hoc, ut sermo prædicationis confirmetur, & credibilis fiat. p. 15. c. 2.

In miraculis duo possunt attendi, quorum unum est id, quod fit, quod quidem est excedens facultatem naturæ: & secundum hoc miracula dicuntur virtutes. Aliud est id, propter quod miracula fiunt, & secundum hoc dicuntur signa. Propter excellentiam autem dicuntur portenta, vel prodigia, quasi procul aliquid ostendentia. p. 16. c. 1.

Gratia sanitarum commemoratur sanctorum, quia per eam homini confertur speciale beneficium præter beneficium commune, quod exhibetur in omnibus miraculis, ut scilicet homines adducantur in Dei notitiam. ibid.

Operatio miraculorum consequitur fidem, vel facientis, vel aliorum, propter quos miracula fiunt: & se extendit ad omnia, quæ supernaturaliter fieri possunt. ibid.

Vera miracula non possunt fieri, nisi virtute divina, vel ad veritatis prædicationem confirmationem, & sic possunt fieri per quemcumque: vel ad demonstrationem sanctitatis alicujus, & sic etiam fieri possunt a quocumque.

## Index Rerum.

que ad invocationem alicujus Sancti. pagina 16. c. 2.

### *Missa celebratio.*

Regulares possunt celebrare Missam per tres horas ante ortum Solis : imo ex justa causa post duas horas a media nocte, in propriis tamen Ecclesiis. Quod privilegium extenditur ad Sacerdotes seculares celebrantes in Ecclesiis regularium. p. 153.

Probabile etiam est, quod possint differre celebrationem usque ad nonam, ex privilegio illis concessio ab Eugenio IV. ibid.

Circa locum, possunt celebrare in Oratoriis locorum, ubi degunt, etiam in grangiis, ubi non sunt Ecclesie, vel Capellæ : non autem in privatis domibus, aut ubilibet. p. 154. c. 1.

Religiosi infirmi possunt celebrare, aut facere celebrare in suis cellis, si commode ibi exire non possunt. ibid.

Circa autem applicationem Missæ secundum statutum regulæ, habes ibidem, & qualiter Religiosi teneantur illam applicare. p. 154. c. 1.

### *Missa auditio.*

Datur Ecclesiasticum præceptum, legi naturali, & divinæ conforme, de Missa omnibus diebus festivis audienda : Quod quidem obligat sub mortali, etiam secluso contemptu, & scandalo. p. 146.

Obligat autem omnes baptizatos, etiam Sacerdotes non celebrantes, ad unicam tantum Missam, sed totam, & integram, audiendam. p. 146. c. 2.

Satisfit huic præcepto, si Missa quævis, & in quocumque ritu ab Ecclesia approbata, celebrata a Sacerdote non deposito, vel vitando, aut infideli, audiatur, etiam si extra propriam Parochiam, quoties (secluso privilegio) celebratur extra domum secularium. ibid.

Omnes partes Missæ debent audiri successive. Quod, si quis partem essentialiorem Missæ culpabiliter omitat, aut aliam partem notabilem, non satisfacit præcepto. ibid.

Qui non potest assistere Missæ integræ, potest tamen mediz, tenetur medietatem illam audire. p. 147. c. 1.

Ad satisfaciendum huic præcepto requiritur præsentia humana, seu moralis, & religio, id est attentæ, & devotæ; unde dormiens, confabulans, aut voluntarie distractus, peccat mortaliter. p. 147. c. 2.

Causæ excusantes ab audienda Missa in die

festo ad quatuor reduci solent, scilicet ad impotentiam physicam, vel moralem, ad charitatem, & consuetudinem legitimam. p. 148.

## N

### *Novitiatus.*

Ad professionem solemnem admittendus per annum integrum novitiatus experiri debet Religionis statum; ad quam probationem quatuor conditiones requiruntur, scilicet legitima ætas, legitima receptio, locus designatus sub directione Magistri, & quod Novitius deferat habitum Religionis. p. 105.

Annus novitiatus debet esse integer, & continuatus sine morali interruptione, etiam si de una ad aliam Religionem fiat transitus. p. 106. c. 1.

Novitius, etiam sine ulla causa recedens a Religione, non peccat, nec tenetur solvere expensas, si bona fide est ingressus. Quod, si aliquid donaverit Monasterio, debet illi totum restitui, & potest Episcopus etiam per censuras ad hoc compellere. p. 106. c. 2.

Novitii tenentur ad regulares observantias solum ex quadam decencia : & licet in favorabilibus veniant nomine Religiosi, non tamen in odiosis. Subiacent tamen jurisdictioni Religiosis, sicut Clerici subduntur Episcopis. ibid.

### *Novitiorum renunciationes.*

Nulla renunciatio, aut obligatio antea facta a Novitio, etiam cum juramento, vel in favorem cujuscunque causæ pie, valida est, nisi cum licentia Episcopi, sive ejus Vicarii, fiat intra duos menses ante professionem : ac non alias intelligitur effectum suum sortiri, nisi secuta professione, uti explicatur p. 107.

### *Negotia secularia.*

Causa cupiditatis secularia negotia nec Monachis gerere, nec Clericis licet. Causæ vero charitatis se negotiis secularibus cum debita moderatione ingerere possunt secundum Superiorem licentiam in ministrando, & dirigendo. p. 132. c. 2.

Officium Judicis, Procuratoris, & Advocati, non est licitum Religiosis, nisi cum licentia Prælati, & cum utilitate Monasterii. p. 124. c. 1.

Officium Tabellionis, seu Notarii in causis secularibus, est omnibus Religiosis prohibitum, etiam de licentia Superiorem. p. 124. c. 2.

Fol-

## Index Rerum.

Possumt religiosi esse testes, tam in iudicio, quam extra, de licentia Superioris: non autem possunt in causis civilibus comparere ut acores, aut rei, nomine proprio. *ibid.*

Tutoris, & Curatoris munus omnino prohibuitur est religiosis. Fideiussores autem munus cum sola licentia Prælati, & maioris partis Capituli possunt suscipere. *p. 135. c. 1.*

Depositorum sine licentia Prælati, sicut & munus executoris testamentarii, non possunt religiosi licite suscipere. *ibid.*

Prohibitum religiosis est studium juris civilis: item officium Medici, vel Chirurgi, nisi causa pietatis, aut necessitatis fiat, dummodo per se ipsos incisionem, aut aduersionem non faciant. *p. 139. c. 2.*

### Notarii.

Notarii, Scribæ, Procuratores, & alii Ministri publici, qui jurant servare taxam a lege præscriptam, ex vi iuramenti obligantur nec petere, nec accipere amplius taxatio stipendium, supposito, quod sit iustum iudicio prudentum. *p. 62. c. 2.*

## O

### Observantia regularis.

Observantia regularis ordinantur ad paupertatis, continentia, & obedientia fulcimentum; & ideo illarum transgressio non obligat ad mortale, nisi vel propter contemptum regulæ, vel propter præceptum, sive ore tenus a Prælato factum, sive in regula expressum: imo in aliquibus Religionibus non obligat ad culpam necetiam levem, sed solum ad poenam, uti explicatur *p. 96.*

### Officium.

Officium dicitur per comparationem ad actum, & ideo diversitas officiorum attenditur secundum diversitatem actuum. *p. 27. c. 2.*

Diversitas autem officiorum pertinet ad necessitatem actionum, quæ sunt in Ecclesia necessariae. *p. 28. c. 1.*

Pertinet etiam ad dignitatem, & pulchritudinem Ecclesiae, quæ in quodam ordine consistit. *p. 28. c. 2.*

### Opus servile.

Opera servilia prohibentur in diebus festis, ut liberum sit vacare cultui divino: opera autem servilia sunt ea, quibus unus homo alteri servit, non autem ea, quæ sunt communia servis, & liberis, & sunt opera necessaria ad salutem corporis proprii, aut proximi; aut ad evitandum damnum imminens rerum exteriorum. *p. 250.*

Opus suapte natura liberale non evadit servile eo, quod propter lucrum, aut mercedem exerceatur: sicut nec opus suapte natura servile evadit liberale per hoc, quod gratis exerceatur. *p. 251. c. 1.*

Dicitur autem opus suapte natura liberale, quod principaliter ordinatur in subsidium mentis, si sit corporale, vel est opus spirituale secundum se. *p. 250. c. 2.*

### Opus forense.

Omnes actiones, quæ strepitum judicalem important, licet sint liberales, tamen non solum ab utroque jure prohibentur in die festo: sed etiam ipso jure irritæ sunt, quoties absque necessitate, aut pietatis causa sunt. *p. 251. c. 2.*

Mercatus etiam, licet sit opus liberale, tamen prohibetur in die festo, quamvis consuetudo in contrarium prævaluit, quam tamen moderari oporteret. *p. 251. c. 1.*

Obligatio abstinendi ab operibus servilibus, vel forensibus, aliisque prohibitis in diebus festis, ex quatuor causis cessare solet, quæ sunt necessitas, pietas, dispensatio, & consuetudo, uti explicatur *p. 252. & seq.*

Excusantur a peccato mortali laborantes in die festo absque rationabili causa, ob matris parvitatem, quæ citra duas horas continetur. *p. 254.*

## P

### Pensio.

Pensio est certa portio ex alieno beneficio Ecclesiastico ad tempus justa de causa detracta, & separata. *p. 206.*

Dividitur in laicam, seu temporalem, & Clericalem. Clericalis alia est spiritualis, quæ ob spirituale ministerium datur: alia est mixta, quæ Clerico quidem datur, sed non propter spirituale ministerium. *p. 206. c. 2.*

Pensio Clericalis pure spiritualis multum convenit cum beneficiis, eique annexa est obli-

## Index Rerum.

obligatio recitandi officium B. Virginis. *ibid.*

Pensiones beneficiis imponere potest Summus Pontifex, non autem hoc possunt Episcopi, nisi in specialibus casibus, & necessariis, & ad tempus. pag. 207. c. 1.

Convenit pensionem moderate designari, ut tantum remaneat beneficio, quo convenienter se sustentare valeat, & onera beneficii portare. p. 207. c. 1.

### *Perfectionis status.*

Perfectio christianæ vitæ substantialiter secundum charitatem attenditur: accidentaliter vero secundum alias virtutes, in quantum dicunt ordinem ad charitatem, cum qua connectuntur. p. 20. c. 2. & seq.

Importat autem perfectio quandam totalitatem, unam ex parte diligibilis, ut Deus tantum diligatur, quantum diligibilis est, & ista non est possibilis alicui creaturæ: alteram ex parte diligentis, prout scilicet affectus secundum totum suum posse semper aqualiter tendit in Deum, & talis perfectio non est possibilis in via, sed erit in patria: tertiam quantum ad hoc, quod excludantur ea, quæ repugnant motui dilectionis in Deum, & talis perfectio potest in hac vita haberi. p. 31. c. 2.

De necessitate salutis est, quod ab affectu hominis excludatur omne illud, quod contrariatur charitati, sicut est peccatum mortale: sed quod excludatur etiam omne illud, quod impedit, ne affectus mentis aqualiter dirigatur ad Deum, ut est peccatum veniale, non est de necessitate salutis. *ibid.*

Perfectio igitur christianæ vitæ necessaria ad salutem, per se quidem, & essentialiter consistit in charitate Dei, & proximi: secundario vero, & instrumentaliter in aliis præceptis, & consiliis. Per alia enim præcepta removetur ea, quæ sunt charitati contraria: per consilia vero removetur ea, quæ impediunt actum charitatis. p. 32. c. 2.

Non, quicumque est perfectus, est in statu perfectionis quantum ad Ecclesiam, sed solum ille, qui obligat se perpetuo cum aliqua solemnitate ad ea, quæ sunt perfectionis instrumentaliter, quamvis non sit perfectus. p. 33. c. 2.

Non omnes Prælati sunt in statu perfectionis, quamvis interiorum perfectionem habere debeant: sed solum Episcopi, & Religiosi. p. 33.

Status perfectionis potior est in Episcopis, quam in Religiosis, unde potest aliquis a

statu Religionis transire ad statum Episcopalem. p. 36.

An vero Presbyteri, Curati, & Archidiaconi sint majoris perfectionis, quam Religiosi simplices, habes p. 37.

### *Prælati regulares.*

Prælati regulares habent jurisdictionem quasi Episcopalem, seu ordinariam in suis subditos, adeoque possunt illos absolvere, sive per se, sive per suos delegatos, ab omnibus casibus, & censuris, a quibus Episcopi possunt: item dispensare in omnibus, sicut Episcopi. p. 146.

Insuper possunt illos absolvere ab omnibus casibus, & censuris Sedi Apostolicæ reservatis, etiam in bulla cenzæ contentis, si sint occulti, excepta hæresi. Respectu vero secularium eandem potestatem habent, ac alii Concessarii regulares. p. 146. c. 2.

Possunt etiam cum suis subditis dispensare in omnibus irregularitatibus, pœnis, & inhabilitatibus, etiam Sedi Apostolicæ reservatis, dummodo sint occultæ: Imo prima die lunæ quadragesimæ, etiam si casus sint publici, & notorii. p. 147.

Possunt etiam benedicere vasa, vestimenta, & omnia, ad quorum benedictionem non requiritur unctio christianis. p. 148. c. 1.

### *Prædicare.*

Religiosi, etiam si ad sacros Ordines non sint promoti, possunt prædicare in quibuscumque locis, Ecclesiis, aut plateis, & viis publicis. p. 122. c. 1.

In Ecclesiis sui Ordinis possunt prædicare cum licentia suorum prælatorum, sed debent se Episcopo præsentare, & ab eo benedictionem petere. In Ecclesiis vero, quæ suorum Ordinum non sunt, insuper requiritur licentia Episcopi. p. 122. c. 2.

In duobus casibus non possunt prædicare in suis Ecclesiis, contradicente Episcopo, scilicet hora illa, in qua Episcopus voluerit prædicare, vel coram se facere solemniter prædicare, ut explicatur p. 122. c. 2.

Sex casus in iure assignantur, in quibus potest Episcopus suspendere a prædicatione regulares, uti habes p. 122. c. 1.

Prædicantes miracula falsa, incurrunt excommunicationem Papæ reservatam ex Concilio Lateranensi sub Leone X. uti habes p. 123. c. 2.

## Index Rerum.

### *Privilegia regularium.*

Omnia privilegia vivæ vocis oraculo Religiosis concessa, sunt revocata, exceptis iis, quæ authentica sunt, uti explicatur p. 135.

Privilegia concessa regularibus a nullo possunt iuridice interpretari, nisi a Summo Pontifice, & a Generalibus Ordinibus: in foro vero conscientię, adhibito consilio peritorum, possunt interpretari a quolibet Prælato immediato. p. 136. c. r.

Privilegia regularium sunt late interpretanda, attenta materia, & mente Principis concedentis. p. 136. c. 2.

Omnes fere Religiones inter se communant in suis privilegiis, non solum in concessis, sed etiam in concedendis, sed in favorabilibus tantum, non vero in odiosis. p. 137.

Nec privilegia regularium cessant per usum contrarium. Non tamen possunt uti, etiam si in foro conscientię, privilegiis expresse revocatis per Tridentinum. p. 138.

### *Privilegia specialia.*

Omnes regulares utriusque sexus habent facultatem nominandi, & designandi Iudices conservatores suorum privilegiorum, uti explicatur p. 139.

Omnes fere regulares exempti sunt a potestate ordinaria omnium Prælatorum Papa inferiorum, tam in civilibus, quam in criminalibus, tam quoad personas, quam quoad loca, exceptis aliquibus casibus, uti explicatur p. 140.

Privilegia nova Monasteria fundandi, mutandi, transferendi, & de forma in talibus observanda, habes p. 143.

Qualiter autem eligentes sepulturam in Ecclesiis regularium, possint ab eis sepeliri, explicatur p. 144.

An vero regulares teneantur solvere portionem canonicam, quantam funeralem, & decimas, explicatur p. 145.

De aliis vero privilegiis, quæ concernunt administrationem Sacramentorum, & præcipue Sacramenti poenitentię, habes a p. 146. usque ad p. 154.

### *Prophetia.*

Prophetia primo, & principaliter consistit in cognitione, secundario in locutione, tertio in operatione miraculorum, per quæ confirmatur sermo propheticus. p. 3.

Ad prophetiam requiritur lumen intellectuale excedens lumen naturalis rationis, quod non est in intellectu prophetæ per modum formæ permanentis, sed per modum impressionis transiens, sicut lumen in aere. p. 4. c. 1.

Revelatio prophetica ad omnia se extendit, quæ per lumen divinum possunt cognosci, & procul sunt a naturali cognitione, si ve quia secundum se non sunt cognoscibilia, si ve quia excedunt humanam cognitionem, si ve quia sunt occulta, aut distantia. p. 4. c. 2.

Sed, quia id, quod per se, & universaliter distat a cognitione, potius est eo, quod particulariter, & per aliud distat; ideo ad prophetiam propriissime pertinet revelatio eventuum futurorum. p. 5. c. r.

Non oportet, quod prophetæ omnia prophetabilia cognoscant, quia prophetia est quiddam imperfectum in genere divinæ revelationis. ibid.

In his, quæ expresse per spiritum prophetiæ propheta cognoscit, maximam certitudinem habet, & pro certo habet, quod hæc sunt sibi divinitus revelata: Unde prophetiæ non potest subesse falsum. p. 5. c. 2.

### *Prophetia causa.*

Prophetica præcognitio potest esse de futuris dupliciter. Uno modo secundum quod sunt in se ipsis, & hæc non potest esse a natura, sed solum ex revelatione divina. Alio modo secundum quod sunt in suis causis, & hoc modo possunt præcognosci naturali cognitione. p. 6. c. r.

Illuminationes, & revelationes divinæ a Deo ad homines per Angelos deferuntur, & per consequens prophetica revelatio, & illuminatio. p. 6. c. 2.

Prophetica illuminatio non præexigit aliquam dispositionem in subiecto, adeoque neque charitatem, impeditur tamen per morum malitiam, & occupationes exteriores. p. 7. c. 1.

Concessum est diabolo interdum vera dicere, ut mendacium suum rara veritate confirmet; ipse enim Sathanas transfiguratur se in angelum lucis. p. 7. c. 2.

### *Prophetia modus.*

Cognitio prophetica alia est a cognitione perfecta, quæ erit in patria, & distinguitur ab ea sicut imperfectum a perfecto. Unde



## Index Rerum.

de prophetæ non vident in divina essentia ea, quæ vident, sed in quibuldam similitudinibus secundum illustrationem divini luminis, quæ proinde habent rationem speculi æternitatis. **p. 7. c. 2.**

Illustratio divini luminis ad intelligendum de formali se habet in prophetia, acceptio vero similitudinum de materiali, maxime vero propheta est, qui in utroque excellit. **p. 8. c. 1.**

Non est necesse quod fiat alienatio a sensibus exterioribus, nisi quando revelatio prophetica fit secundum similitudines imaginarias. **p. 8. c. 2.**

Abstractio a sensibus quandoque fit perfecte, quandoque imperfecte, nunquam tamen in prophetis fit cum inordinatione naturæ. **ibidem.**

Cum aliquis movetur a Spiritu Sancto ad aliquid æstimandum, vel significandum verbo, vel facto, sed non cognoscit se moveri ab eo, non est perfecta prophetia, sed insinctus propheticus. **p. 9. c. 1.**

### *Prophetia diviso.*

Prophetia alia est comminationis, quæ non semper impletur: alia prædestinationis, quæ est bonorum tantum; & alia præscientiæ, quæ potest esse bonorum, & malorum. **p. 9. c. 2.**

Prophetia promissionis comprehenditur sub prophetia comminationis, quia eadem est ratio veritatis in utraque. **ibid.**

Prophetia, per quam aliqua supernaturalis veritas conspicitur secundum intellectualem visionem, est dignior, quam illa, in qua veritas supernaturalis manifestatur per similitudinem corporalium rerum secundum imaginariam visionem. **p. 10. c. 1.**

Si vero lumen intellectuale alicui divinitus infundatur ad iudicandum secundum certitudinem veritatis divinæ ea, quæ humana ratione cognosci possunt, sic talis prophetia intellectualis est infra illam, quæ est cum imaginaria visione ducente in supernaturalem veritatem. **ibid.**

Quando aliqua supernaturalis veritas revelanda est per similitudines corporales, tunc magis est propheta, qui utrumque habet, scilicet lumen intellectuale, & imaginariam visionem, quam ille, qui habet alterum tantum. **p. 10. c. 2.**

Prophetia, in qua manifestatur supernaturalis veritas per imaginariam visionem, dignior est quando fit vigilando, quam per somnum. **p. 10. c. 3.**

*P. Saffetti Theol. Tom. V.*

maius: item dignior quando fit per signa magis expressa. **p. 11. c. 1.**

## R

### *Raptus.*

**R**aptus, secundum quod ponitur species prophetiæ, accidit cum aliquis Spiritu divino elevatur ad aliqua supernaturalia cum abstractione a sensibus. **p. 12. c. 1.**

Quod sic elevetur mens a Deo per raptum, non est contra naturam, sed supra facultatem naturæ, ad quod necesse est, quod homo quadam fortiori virtute, & operatione elevetur; & ideo, quantum ad aliquid, hæc elevatio potest dici conditio, si scilicet attendatur modus operationis: non tamen si attendatur terminus operationis, in quem natura hominis, & ejus intentio ordinatur. **ibid.**

Raptus ad vim cognoscitivam pertinet, potest tamen habere causam ex parte appetitivæ virtutis per hoc, quod ex violentia affectus homo ab omnibus aliis alienetur. Habet etiam effectum in appetitiva virtute, cum scilicet aliquis delectatur in his, ad quæ raptus. **p. 12. c. 2.**

### *Religionis status.*

Religionis status dicitur, cum aliquis totam vitam suam deputat divino servitio, obligando se ad tendendum in perfectionem per quædam, quibus tolluntur impedimenta perfectæ charitatis. **p. 84.**

Qui statum Religionis assumit, non tenetur habere perfectam charitatem, sed tenetur ad hoc tendere, non quidem per omnia exercitia, sed solum per illa, quæ determinate sunt ei taxata secundum regulam, quam professus est. Et ideo non est transgressor professionis, si non sit perfectus, sed solum si contemnat ad perfectionem tendere. **p. 85.**

Ad perfectionem religionis requiritur voluntaria paupertas, seu abdicatio proprietatis omnium rerum temporalium, uti explicatur **p. 86.** & seq.

Item requiritur perpetua continentia ab omnibus delectationibus venereis, non solum illicitis, sed etiam licitis. **p. 89.**

Obedientia requiritur ad perfectionem religionis.

X ligosi

## Index Rerum.

ligiosi status, qui est quædam disciplina, vel exercitium tendendi in perfectionem. **p. 90.** & seq.

Ad perfectionem religionis requiritur, quod paupertas, continentia, & obedientia cadant sub voto. Solemnitas autem huiusmodi voti jure Ecclesiastico introducta est. **p. 92.**

In his tribus votis consistit status religiosi perfectio. Omnes vero aliæ religionum observantiae ordinantur ad prædicta tria principalia vota. **p. 93.** & seq.

Votum autem obedientiæ est potissimum inter tria vota religionis, & continet sub se alia vota: sicut votum continentiae excellentius est voto paupertatis. **p. 92.**

Peccatum, quod a religiosis committitur, gravius est peccato secularium, si sit contra votum religionis, si ex contemptu procedat, & propter scandalum. **p. 97.**

### *Religionum differentia.*

Religiones distinguere possunt dupliciter. Uno modo secundum diversitatem eorum, ad quæ ordinantur. Alio modo secundum diversitatem exercitiorum. Sed major est prima diversitas, quam secunda. **p. 98.** c. 1.

Convenienter Religiones quædam ad opera vitæ activæ ordinantur: quædam vero ad militandum propter defensionem divini cultus, & publicæ salutis: quædam ad prædicandum, vel ad alia huiusmodi: quædam ad studium litterarum, quod est secundum pietatem. **p. 98.** c. 2.

### *Religionum comparatio.*

Illæ Religio alteri præfertur, quæ ordinatur ad finem absolute potiorum: si vero sit idem finis, attenditur præminencia secundum proportionem mediorum. **p. 99.** c. 2.

Summum gradum in religionibus tenent, quæ ordinantur ad doctrinam, & prædicandum. Secundum gradum tenent illæ, quæ ordinantur ad contemplationem. Tertius est earum, quæ occupantur circa exteriores actiones. **p. 100.**

Solitudo non congruit religionibus, quæ sunt ordinatæ ad opera vitæ activæ, sive corporalia, sive spiritalia: sed illis, quæ sunt ad contemplationem ordinatæ. **p. 101.**

Paupertas major, vel minor ad religiones diversas requiritur, secundum proportionem finis, ad quem ordinantur. **p. 100.**

### *Religionis ingressus.*

Religionem ingredi expedit non solum illis, qui sunt exercitati in præceptis, sed etiam his, qui non sunt exercitati, ut facilius peccata vitent. **p. 102.** c. 1.

Ille, qui se obligat ad Religionis ingressum, tenetur Religionem ingredi, secundum quod voto obligare se intendit, uti explicatur **p. 102.** c. 2.

Votum simplex habet efficaciam ex jure divino, & fieri potest ante annos pubertatis: sed votum solemne Religionis subditur ordinationi Ecclesiæ, & non facit religiosum, si fiat ante decimum sextum annum completum. **p. 103.** c. 2.

Non licet alicui Religionem ingredi, omnino prætermittit cura filiorum. Nec licet filiis Religionem intrare, prætermittit parentum obsequio, si eis necessarium sit: & simile est de aliis, qui ad debitum certum sunt obligati. **p. 103.** c. 2.

Inducentes alios ad Religionem præmium merentur, possunt tamen peccare, si vel eos cogant, vel simoniace trahant, vel mendaciis eos alliciant. **p. 104.**

Circa ingressum Religionis non potest esse dubium, an sit bonum, sed solum propter impedimenta, & in his requiritur deliberatio, & consilium. **p. 104.** c. 2.

### *Religionis professio.*

Religionis professio alia est expressa, alia tacita. Ad ejus valorem requiritur, quod acceptetur legitime a Prælo potestatem habente cum consensu Capituli. **p. 109.** c. 1.

Ex vi professionis solemnis Religiosus transit in dominium, & potestatem Religionis, & simul Religio tenetur illum alere, & gubernare, sicut mater filium. **p. 109.** c. 2.

Effectus consequens professionem ex opere operato est remissio plenaria omnium peccatorum quoad penam illis debitam. **p. 110.** c. 1.

Causæ irritantes professionem Religiosæ, & omnino ejus efficaciam impediunt, & annullantes, explicantur **p. 111.**

De jure autem reclamandi intra quinquennium ob nullitatem professionis, & de forma in hoc servanda, habes **p. 112.** & seq.

De potestate vero ejiciendi a Religione incorrigibiles, & de forma in hoc servanda, & ad quid teneantur Religiosi expulsi, explicatur **p. 114.** & seq.

De Religiosis etiam Apostatis, & fugitivis, aut habitum temere dimittentibus, & de

## Index Rerum.

de excommunicatione, quam incurrunt, plura habes [p. 116.](#) & seq.

### *Religiosi.*

Potest aliquis laudabiliter transire de una Religione ad aliam triplici ex causa, scilicet, vel zelo perfectioris Religionis, vel propter declinationem Religionis a debita perfectione, vel propter infirmitatem. Forma vero in hoc servanda explicatur [p. 119.](#)

Non tenentur Religiosi manibus operari magis, quam sæculares, uti explicatur [p. 125.](#)

Licetum est Religiosis de elemosynis vivere; unicuique enim licitum est vivere de eo, quod suum est, vel sibi debetur, uti explicatur [p. 126.](#) & seq.

Religiosis etiam competit vivere ad imitationem Christi mendicando causa humilitatis, taliter tamen, ut ex hoc notam cupiditatis non incurrant, vel cuiuscumque alterius indecentis, uti explicatur [p. 128.](#)

Qualiter vero Religiosis liceat appellare a sententiis suorum Prælatorum, & de ordine appellationis, habes [p. 120.](#)

Qualiter etiam liceat Religiosis docere, prædicare, & alia huiusmodi facere, explicatur late in [p. 121.](#) & seq.

Denique qualiter licitum sit Religiosis sæcularia negotia tradare, habes [p. 123.](#) & seq.

## S

### *Sabbati sanctificatio.*

**P**RÆceptum sanctificandi sabbatum obligat ad cultum patriæ Deo vero exhibendum; in quo quidem præcepto duo consideranda sunt, quorum unum est, sicut finis, & hoc est cessatio ab omni actu peccati, & quies mentis in Deo: alterum vero est, sicut id, quod se habet ad finem, & hoc est cultus Dei exterior, & cessatio operum servilium. [p. 241.](#)

Finis autem præcepti non cadit sub præcepto, sed solum id, quod est ad finem: & ideo litteraliter, & directe sub tertio præcepto Decalogi cadit solum cultus exterior Dei, & cessatio operum servilium, & secundum hoc est præceptum speciale. *ibid.*

Magis contra hoc præceptum agit, qui peccat in die festo, quam qui aliud corporale opus de se licitum facit: sed, quia non facit directe contra hoc præceptum peccando, sed solum contra finem præcepti, ideo

tale peccatum non induit novam speciem malitiam contra virtutem religionis, nisi forte fiat in contemptum diei festi. [p. 242.](#)

Præceptum de sanctificatione sabbati litteraliter intellectum est partim morale, partim cæremionale: quia morale præcipit cultum exteriorem Dei, & obligat omnes, etiam in nova lege: quia cæremionale determinat diem, & secundum hoc non obligat in nova lege. [p. 242.](#) c. 2.

Quapropter in nova lege observantia diei Dominicæ succedit observantiæ sabbati ex constitutione Ecclesiæ, & ad duo obligat, scilicet ad audiendam Missam, & ad cessandum ab operibus servilibus, & forensibus. [p. 243.](#)

De institutione autem aliarum festivitatum præter Dominicum diem, & qualiter obliget præceptum Ecclesiæ observandi dies festos, explicatur [p. 244.](#) & seq.

### *Simonia.*

Simonia est studiosa voluntas emendi, vel vendendi aliquid spirituale, vel spiritualian nexum. [p. 207.](#) c. 2.

Nomine emptionis, & venditionis venit quodlibet pactum expressum, vel tacitum dandi spirituale pro temporali. [p. 209.](#)

Nomine rei spiritualis veniunt Sacramenta, pro quibus illicitum est pecuniam dare, uti explicatur [p. 211.](#) Item actus spirituales, qui a gratia procedunt, vel ad eam disponent, uti explicatur [p. 212.](#) & seq.

Spiritualibus annexa dicuntur, quæ per se ordinantur ad aliquod spirituale, ut sunt beneficia Ecclesiastica: vel consistunt in ipso ordine ad spirituale, ut est ius patronatus. [p. 214.](#)

Nomine rei temporalis non solum venit munus a manu, sed munus a lingua, & munus ab obsequio, uti explicatur [p. 218.](#) & seq.

### *Simonia diviso.*

Simonia dividitur in mentalem, conventionalem, & realem. Mentalis dicitur, cum temporale est motivum dandi spirituale, nullo interveniente pacto expresso, vel tacito. Conventionalis in pactum mutuum, expressum, vel tacitum transit, sed reali executione nondum consummata est. Realis denique dicitur, quæ ipsa rei spiritualis traditione perficitur. [p. 220.](#)

Insuper Simonia dividitur in eam, quæ est prohibita, quia mala, & iuri naturali adversatur;

## Index Rerum.

fatur: & in eam, quæ est mala solum, quia prohibita, & soli juri Ecclesiastico opponitur, ut est v. g. permutatio beneficii cum beneficio, quæ proinde cum licentia Superioris fieri potest. *ibid.*

Simonia juris positivi veram rationem Simonie non habet, sed dicitur talis, quia sub pœnis pro vera Simonia latis, ab Ecclesia prohibetur. ob motivum religionis. p. 320. c. 2.

### *Simonia reatus.*

Simonia juri naturali adversatur, unde nulla consuetudine potest excusari a peccato; derogat enim spiritualium dignitati, naturæ, & origini: p. 207. c. 2.

Nec peccatum Simonie veniale fieri potest ob parvitatem *materiæ*, quia in qualibet parva materia tota ratio gravissimæ injuriæ Deo, & rebus sacris irrogatur: imo eo magis crescit ratio irreligiositatis, quo viliori pretio res sacra æstimatur. p. 208. c. 1.

Peccatum Simonie non solum Religioni opponitur, sed etiam justitiæ commutativæ, unde ad restitutionem obligat omni jure. *ib.*

Nec permutatio beneficiorum Ecclesiasticorum, aut transactio fieri potest auctoritate partium, sicut nec alia pactio, absque periculo Simonie; & ideo tanquam simoniaca prohibetur, & irrita declaratur, uti explicatur p. 215. & seq.

Præcipue vero hoc periculum apparet in pactis cum certa confidentia initis inter partes, procurandi scilicet aliquod beneficium, ut illi ipsi, qui procuraverat, vel alteri, resignetur; & ideo Simonia confidentiæ specialius damnata est. p. 217.

### *Simonia pœna.*

Conveniens Simoniaci pœna est; ut privetur eo, quod per Simoniam acquisivit; & ideo, qui muneris interventu spiritualia quæcumque assequitur, ea licite retinere non potest. Nec potest repetere pecuniam, quam turpiter dedit, licet alius injuste detineat, quia injuste acquisivit. p. 217. c. 1.

Si alicujus promotio, eo nesciente, simoniace procuratur, teneur resignare beneficium cum fructibus extantibus, non ratione culpæ, qua caret, sed ratione injuste acquisitionis. Excipio, nisi inimicus ejus fraudulenter hoc fecerit, vel nisi ipse expresse contradixerit. p. 222. c. 1.

Pretium simoniace acceptum restitui de-

bet Ecclesiæ, in cujus injuriam Simonia commissa fuit, vel erogari in pauperes. *ibid.*

Dispensare cum eo, qui beneficium simoniace acquisivit, solus Papa potest, si scienter hoc fecit. In aliis autem casibus potest etiam Episcopus dispensare. p. 222. c. 2.

Simoniacus mentalis non subiacet pœnæ, sed sola poenitentia reatum Simonie delet, dummodo prudenter judicet, gratis datum fuisse, quod ipse simoniace intentione accepit, uti explicatur *ibid.*

### *Simoniacorum pœna.*

Ultra obligationem restituendi simoniace acceptum, quæ oritur ex intrinseca ratione ipsius Simonie, simoniaci ex jure positivo incurrunt infamiam, excommunicationem Papæ reservatam, privationem beneficiorum, & inhabilitatem ad illa in posterum obtinenda. p. 223. c. 2.

Prædictas pœnas incurrunt ob solam Simoniam veram, & realem, commissam in ingressu religionis, in receptione Ordinum, & in beneficiis Ecclesiasticis, eo ipso, quod traditio rei spiritualis fit: & ob Simoniam confidentiæ. p. 223. c. 2.

Pœna privans jure acquirendo incurritur ipso facto ante sententiam Judicis: privans vero jure antea licite acquisito, non nisi post sententiam Judicis, excepta simonia confidentiæ, & quæ committitur ab examinatoribus beneficiorum in Synodo deputatis, qui privantur ipso facto beneficiis antea rite obtentis. p. 224. & seq.

### *Simonia excusatio.*

Accipere, aut dare aliquid pro sustentatione ministrantium spiritualia, secundum ordinationem Ecclesiæ, & consuetudinem approbatam, licitum est; ita tamen, ut desit intentio venditionis, & emptionis. p. 219. & seq.

Postquam alicui jus acquisitum est ad aliquam dignitatem, vel præbendam, licitum est per pecuniam remove re injusta impedimenta, provenientia ab eo, qui obesse potest, non autem prodesse. p. 217. c. 2. & seq.

Qui habet scientiam, & non suscepit cum hoc officium, ex quo obligetur aliis usum scientiæ impendere, licite potest pretium suæ doctrinæ, vel consilii accipere, non quasi veritatem, aut scientiam vendens, sed quasi operas suas locans. p. 213. c. 1.

Qui.

## Index Rerum.

Qui dant eleemosynas pauperibus, ut orationum ab ipsis suffragia impetrent, non eo tenore dant, quasi intendentes orationes emere: sed per gratuitam beneficentiam pauperum animos provocant ad hoc, quod pro eis gratis, & ex charitate orant. p. 312. c. 2.

Omnia temporalia annectuntur spiritualibus, sicut filii: & ideo ipsa quidem temporalia vendere licet, sed ordo illorum ad spiritualia sub venditione cadere non debet. Si vero temporalia a spiritualibus dependant, & sine ipsis esse non possint, ut sunt beneficia Ecclesiastica, nullo modo vendi possunt. pag. 314.

*Status.*

Status pertinet proprie ad rationem libertatis, vel servitutis, five in spiritualibus, five in civilibus: prout scilicet aliquis est sui juris, vel alieni, & hoc ex aliquo permanente, seu non de facile mutabili. pag. 27. col. 1.

Status ergo est immobilis, seu perpetua obligatio personæ ad alterum, secundum rationem rectam. p. 27. c. 2.

Diversitas statuum in Ecclesia pertinet ad perfectionem ipsius Ecclesiæ, quæ doctrina Apostolorum, & confessione martyrum, & puritate virginum, & lamento poenitentium ornatur. p. 28.

Differentia statuum spiritualis servitutis attenditur secundum incipientes, proficientes, & perfectos, uti explicatur. p. 29. c. 2.

## V

*Vita humana.*

Vita hominis, in quantum est homo, convenienter dividitur per activam, & contemplativam. Activa per ordinatas actiones consulit necessitati vitæ præsentis. Contemplativa omnia humana studia ordinat ad considerationem veritatis. p. 17.

*Vita contemplativa.*

Vita contemplativa quantum ad ipsam essentiam actionis pertinet ad intellectum: sed motivum habet in voluntate, & pariter terminum. p. 28. c. 2.

Virtutes proinde morales solum dispositive pertinent ad vitam contemplativam, cujus actus impeditur per vehementiam passionum, & tumultus exteriores. p. 28. c. 2.

Dux ergo dispositiones requiruntur ad vi-

tam contemplativam ex parte affectus. Una per se, scilicet charitas: altera removens prohibentia, nimirum virtutes morales, per quas cor mundatur, & pacificatur. ibid.

Contemplativa vita unum actum habet, in quo finaliter perficitur, scilicet contemplationem veritatis, a quo habet unitatem: habet autem multos actus, per quos pervenit ad hunc actum finalem, scilicet orationem, lectionem, meditationem. p. 19. c. 1.

Principaliter ad vitam contemplativam pertinet contemplatio divinæ veritatis: secundario vero contemplatio divinarum essentiarum. p. 19. c. 2.

Contemplatio præsentis vitæ non potest perungere ad videndam Dei essentiam, nisi in raptu per abstractionem a sensibus, sicut eam habuit Paulus Apostolus: quia connaturale est homini, ut species intelligibiles in phantasmatibus videat. p. 20.

*Vita activa.*

Virtutes morales pertinent essentialiter ad vitam activam, quæ etiam est dispositio ad vitam contemplativam. p. 23. c. 2.

Per consequens prudentia proprie dicta, cujus cognitio ordinatur ad operationes virtutum moralium, sicut ad finem, directe pertinet ad vitam activam. p. 24. c. 1.

Actus doctrinæ, quantum ad objectum interioris conceptionis, quandoque pertinet ad vitam activam, quandoque ad contemplativam: sed quantum ad objectum exterioris locutionis directe pertinet ad vitam activam. ibid.

In vita activa fixi permanere possumus: in contemplatione autem intenta mente manere nullo modo valemus, propter defectum corporis, quod aggravat animam. p. 24. c. 2.

*Vita utriusque comparatio.*

Vita contemplativa simpliciter melior est, quam activa: secundum quid tamen, & in casu est magis eligenda vita activa propter necessitatem præsentis vitæ. p. 35. c. 1.

Non tamen propter necessitatem præsentis vitæ debet aliquis totaliter contemplationem deferre, ne subtrahatur illa suavitas, & opprimat ista necessitas, ibid.

Ex suo genere contemplativa vita magis meritoria est, quam activa: potest tamen ex parte subiecti contingere ex abundantia divini amoris, quod aliquis plus mereatur in vita activa, p. 25. c. 2.

Sing

## Index Rerum.

Sine contemplativa vita intrare possunt ad cœlestem patriam, qui bona, quæ possunt operari, non negligunt: sine activa autem intrare non possunt, si negligant bona operari, quæ possunt. p. 26. c. 1.

Bonus ordo vivendi est, ut ab activa in contemplativam tendatur: sed plerumque utiliter a contemplativa animus ad activam reflectitur, ibid.

### Votum.

Ad votum tria requiruntur, scilicet deliberatio, propositum voluntatis, & promissio, in qua perficitur ratio voti, uti explicatur. p. 38.

Proprie loquendo votum dicitur esse de meliori bono; id est de bono supererogationis, quamvis etiam possit esse de bono, quod cadit sub necessitate præcepti, in quantum aliquo modo est voluntarium. p. 39. & seq.

Expediit ad salutem animæ vovere, per hoc enim voluntas magis elongatur a potestate peccandi; & ideo a Deo per prophetam consultitur Psal. 75. uti explicatur. pagin. 44.

Votum est actus patriæ, seu religionis; est enim ordinatio quædam eorum, quæ quis vovet, in cultum, & obsequium Dei, & ideo definitur a promissione de meliori bono soli Deo facta, sicuti explicatur. p. 41. Unde sequitur, quod sit magis laudabile, & meritorium facere aliquid ex voto, quam sine voto. p. 45.

### Voti solemnitas.

Per duo votum solemnizatur, scilicet per susceptionem sacri Ordinis, & per professionem ad certam regulam: quia solum hæc duo vota impediunt matrimonium contrahendum, & dirimunt contractum. p. 47.

Aliud est votum esse publicum, & aliud esse solumne; publicitas enim respicit homines, solemnitas autem Deum, uti explicatur. p. 47. c. 2.

Gravius peccat aliquis violando votum solumne, quam violando votum simplex, quamvis utrumque sit sacrilegium grave ejusdem speciei. p. 48. c. 1.

### Voti relaxatio.

Voti relaxatio duobus modis fieri potest. Uno modo per irrationem, quæ pertinet ad potestatem dominativam. Alio modo per

dispensationem, aut commutationem, quod pertinet ad potestatem jurisdictionis spiritualis. p. 48. c. 2.

Quicumque est subiectus alicui, quantum ad id, in quo est subiectus, non est suæ potestatis facere quod vult, sed dependet a voluntate alterius. Et ideo non potest per votum se firmiter obligare in his, in quibus alteri subijcitur, sine consensu sui superioris. ibid.

Qui sunt alterius potestati subiecti, non peccant vovendo, quia in eorum voto intelligitur debita conditio, scilicet, si suis superioribus placuerit, vel non renitatur. Et ideo illorum vota, licet non sint firma absolute, sunt tamen firma sub conditione. pagin. 49. col. 1.

Superior dupliciter potest impedire, seu irritare vota subditorum; uno modo directe solvendo vinculum voti, alio modo indirecte impediendo executionem voti. ibid.

Qui vovet de consensu superioris, excusatur a peccato non servando votum, si superior licentiam revocet, vel inhibeat executionem: Superior vero peccat mortaliter revocando, vel inhibendo. p. 49. c. 2.

Vota subditorum semel quod directe irritantur, nunquam amplius reviviscunt, uti explicatur. p. 50. c. 1.

### Voti dispensatio.

Si absolute determinetur, aliquid votum non esse servandum, dicitur esse dispensatio voti: si autem pro hoc, quod servandum erat, aliquid aliud imponatur, dicitur commutatio voti. Utrumque autem in potestate Ecclesiæ consistit. p. 51. c. 1.

Non requiritur tamen auctoritas prælati ad commutandum votum: in rem evidentem meliorem. Qua ratione reus fracti voti non habetur, qui temporale obsequium in perpetuam religionis observantiam commutat. p. 51. c. 2.

Prælati non possunt in votis pro libito dispensare: & ideo in manifestis dispensatio prælati non excusaret a culpa. Si autem esset causa apparens, per quam saltem in dubium verteretur, posset stare iudicio prælati dispensantis. p. 52.

Habentes potestatem delegatam ad dispensandum, a fortiori habent facultatem ad commutandum vota, non autem e contra. p. 52. c. 2.

Major causa requiritur ad dispensationem, quam ad commutationem voti. p. 53. c. 1.

Vota

## Index Rerum.

### *Vota reservata.*

Vota majora reservantur Summo Pontifici, nimirum votum simplex castitatis, votum religionis, & votum triplicis peregrinationis. p. 53. c. 2.

Quando conceditur in Jubilæis facultas absoluta dispensandi, & commutandi omnia vota, non intelligitur de reservatis, nisi exprimantur. p. 53. c. 2.

Ut prædicta vota sint reservata, debent

esse integra, & perfecta, & absoluta: non circumstantiæ prædictorum votorum cadunt sub reservatione. p. 54. c. 1.

Probabilius videtur, quod facta commutatione, vota non mancant reservata, quia sunt reservata ratione materiæ. pagin. 54. col. 2.

Juramenta etiam castitatis, religionis, & triplicis peregrinationis, soli Deo facta, sunt reservata, quia vel non distinguuntur a voto, vel votum includunt.

## LAUS DEO:

*Pag. Col. Lin.**Errata**Corrige*

11	1	21	deo	ideo
21	2	51	deformitas	difformitas
25	1	51	Ostium sanctum	Otium sanctum
29	2	42	vel Iustitia	vel Iustitiæ
34	1	20	se obligat	se obligant
62	1	4	quia facit	quia non facit
72	2	27	Ostium sanctum	Otium sanctum
89	1	24	referatur	ne feratur
90	1	24	dispositum	dispoticum
120	2	38	religionis	religiosis
137	2	32	fiat mentio	non fiat mentio.
145	1	33	Eugenii	Eugenius
147	1	2	suos subdito	suos subditos
176	2	47	Generales	Generalis
197	2	penul.	nnexti	annexi.
212	2	25	consuetudine	consuetudinem
212	2	35	superiori	superioris
225	1	50	attendendi	ascendendi
234	1	2	arce	aræ
234	1	19	ad exactione	ab exactione
234	2	6	tradit	tradita
241	1	19	faciliu	facilius
249	1	13	jure	ire
252	2	42	conficiunt	conficiuntur
279	2	49	ordo poexitentiæ	ordo poenitentiae
303	2	34	Ignorans quoniam	ignoras quoniam









